

სეფანია ავგუსტინე



ქრისტიანობის



# ნეტარი ავგუსტინე

## აღსარებანი

ღატიწურიღან თარგმანა და ჰომინსარეზი ღაურთო

### ბაჩანა ბრეჰვაძე



ნეტარი ავგუსტინე ანუ ავგუსტინე ავრელიუსი ცხოვრობდა 354-430 წლებში. ის გახლდათ ჰიპონის ეპისკოპოსი, ცნობილი თეოლოგი და ფილოსოფოსი. მრავალი ქრისტიანული ეკლესიის მიერ არის აღიარებული წმინდანად. განსაკუთრებით დიდ პატივს მიაგებენ კათოლიკეები, მათთან ეკლესიის მამად იწოდება. მისმა ნაშრომებმა დიდი გავლენა იქონია დასავლელ მოაზროვნეებზე. განსაკუთრებით ორმა ნაშრომებმა – “აღსარებანი” და “ღვთის ქალაქი”. მას ასევე დაწერილი აქვს ჰომილიები, პოლემიკური წერილები ერეტიკოსთა წინააღმდეგ და წმინდა წერილის განმარტებანი.

ის დაიბადა ჰიპონის მახლობლად, სამხრეთ ნუმიდიის პაგარა ქალაქ გოგასტაში. მამამისი იყო წარმათი პარტიციუსი, დედა კი ქრისტიანი, სავარაუდოდ ბერბერი. ყავდა უმცროსი და-ძმა. ბავშვობიდანვე ჰქონდა შეხება როგორც ქრისტიანულ, ისე წარმართულ სამყაროსთან. თუმცა, გაქრისტიანდა

გვიან. 16 წლისა კართაგენში წავიდა რიგორიკის შესასწავლად. იქ გაეცნო მანიქეველთა სექტას, სადაც 9 წელი დაჰყო. კართაგენში დიდხანს აღარ დარჩენილა. უკან დაბრუნდა გოგასტაში სადაც გრამატიკის მასწავლებლად მუშაობდა. შემდეგ კარიერის გაგრძელება რომში გადაწყვიტა. იქიდან კი მილანში გაემგზავრა. მუშაობდა რიტორად იმპერატორის კარზე. 387 წელს ნეტარი ავგუსტინე მონათლა. ამ პერიოდში დიდად არ იყო გავრცელებული წესი პაგარაობიდანვე მონათვლისა. ქრისტიანების ერჩივნათ მათი შვილები კატეხუმენად ყოფილიყვნენ და შემდგომ ზრდასრულ ასაკში თავად გადაეწყვიტათ მონათლულიყვნენ თუ არა. გაქრისტიანების შემდეგ ავგუსტინემ უარი თქვა თავის კარიერაზე, ქონება ღარიბებს დაურიგა და უკან დაბრუნდა აფრიკის პროვინციაში. 399 წელს გახდა იპონის ეპისკოპოსი. 430 წელს, როცა ქალაქს ვანდალები დაესხნენ თავს არ მიაგოვა თავის თანამოქალაქეები და მათან ერთად დაიღუპა. რომის პაპს მისთვის ხომალდი ჰქონდა გამოგზავნილი, მაგრამ უარი თქვა სამწყსოს მიტოვებაზე. განადგურებას მარგო მისი ბიბლიოთეკა გადაურჩა სასწაულებრივად. ესაა მისი მოკლედ ბიოგრაფია, რომელიც ჩვენთვის ძირითადად მისი “აღსარებანიდან” არის ცნობილი. ამ წიგნში ის მოგვითხრობს მთელ თავის ცხოვრებას დაბადებიდან გაქრისტიანებამდე აღსარებასთან ერთად. მაგრამ ეს წიგნი უბრალოდ მისი ცოდვების შშრალი ჩამონათვალი არ გვევლინოთ. ეს არც მარგოლდენ მომაბეზრებელი გლოვა ცოდვების გამო. წმინდანი წარმოგვიდგენს მთელ თავის სულიერი განვითარების ისტორიას, თავის ძიებას, ეჭვებს, აზრებს, სიხარულსა თუ მწუხარებას. მაგრამ არა როგორც მწერალი, არამედ როგორც ნამდვილი მეცნიერი. ის გონების მკაცრი კრიტიკით განიხილავს თავის სულს, გულს და გონებას. ნაბიჯ-ნაბიჯ აფასებს თავის ცხოვრებას დებადებიდან მონათვლამდე უმცირეს, თითქოსდა უმნიშვნელო დეტალებამდე. თავის თავს როგორც ვარეგანი ისე შინაგანი თვალთ აფასებს.





## წიგნი პირველი

### I

1. „დიდი ხარ შენ, უფალო, და ღირსი იმისა, რომ ყველა გაქებდეს: დიდია ძალა შენი და უსასრულოა სიბრძნე შენი“<sup>1</sup>. და შენი ქება სურს კაცს, შენივე ქმნილებების უბადრუკ ნაწილს; კაცს, თავისი მოკვდავობით მოსილსა და თავისივე ცოდვით აღბეჭდილს, რომელიც მონშობს, რომ შენა ხარ „მზვაობართა წინააღმდეგომი“<sup>2</sup>. და მაინც, შენი ქება სურს კაცს, შენივე ქმნილებების უბადრუკ ნაწილს. თვითონვე აღძრავ საიმისოდ, რომ შენი ქებით დაგკბეს, რადგანაც შენთვის შეგვექმენი; და არ დაცხრება ჩვენი გული, ვიდრე არ განისვენებს შენში. მომეცი ძალა, უფალო, შევიცნო და მივხვდე, რითი დავიწყო: ჯერ გიხმო, ვიდრე ქებას შევასხამდე, თუ ჯერ შევიცნო და შემდეგ გიხმო? მაგრამ როგორ გიხმოს იმან, ვისაც ვერ უცვნიხარ? შენმა ვერმცნობმა შენ კი არა, შეიძლება სხვას უხმოს. ან, იქნებ, შენს შესაცნობად უძობესია ჯერ გიხმონ? „მაგრამ როგორ უხმობენ იმას, ვინც არა სწამთ? ან როგორ ირწმუნებენ მქადაგებლის გარეშე? და აღიდეგენ უფალს მაძიებელნი მისნი“<sup>3</sup>. მაძიებელნი ჰპოვებენ მას და მპოვნელნი აღიდეგენ მას. მე მოგძებნი, უფალო, შენი მხმობელი, და გიხმობ შენი მორწმუნე, რადგანაც შენი დიდება გვექადაგა ჩვენ. შენ გიხმობს, უფალო, ჩემი რწმენა, რომელიც მომეცი მე, რომელიც შთამაგონე მე შენი განკაცებული ძის მეოხებითა და შენი მქადაგებლის<sup>4</sup> მსახურებით.

### II

2. მაგრამ როგორ ვუხმობ ღმერთს ჩემსას, ღმერთსა და უფალს ჩემსას? ვინაიდან როდესაც ვუხმობ, ჩემშივე ვუხმობ მას, მაგრამ სადაა ჩემში აღგილი, რომ იქ შემოვიდეს უფალი ჩემი? სად შემოვა ჩემში ღმერთი; ღმერთი, „რომელმაც შექმნა ცა და მიწა?“<sup>5</sup> უფალო ჩემო, არის კია ჩემში რაღაც ისეთი, რომ დაგიციოს? განა შენს მიერ შექმნილი ცა და მიწა, რომელთა წიაღშიაც შექმენი მე, შენი დამტყვევნი არიან? მაგრამ უშენოდ არ იქნებოდა

<sup>1</sup> ფსალმ. 144, 3; 146, 5.

<sup>2</sup> იხ. იაკ. IV, 6; პეტრე V, 5.

<sup>3</sup> რომ. X, 14; ფსალმ. 21,27.

<sup>4</sup> ზოგიერთის კომენტატორის აზრით, აქ უნდა იგულისხმებოდეს ეკლესიის ერთ-ერთი უდიდეს მამათაგანი, მილანის არქიეპისკოპოსი ამბროსი მელიტანელი (მილანელი; 340-397 წ.), რომელმაც მნიშვნელოვანი როლი ითამაშა ნეტარი ავგუსტინეს მოქცევაში.

<sup>5</sup> დაბად. I, 1.

არაფერი, რაც არსებობს<sup>6</sup>; მაშასადამე, ყველაფერი, რაც არსებობს, შენი დამტყვევია? კი მაგრამ, მეც ხომ ვარსებობ; მაშ, რაღაც გთხოვ, რომ ჩემში შემოხვიდე: მე ხომ არ ვიქნებოდი, შენ რომ არ ყოფილიყავი ჩემში? „ქვესკნელშიაც რომ ჩავიდე, შენც იქ იქნები“<sup>7</sup>. მე ხომ არ ვიქნებოდი, ღმერთო ჩემო, საერთოდ არ ვიქნებოდი, ჩემში რომ არ იყო, ან, უფრო სწორად, არ ვიქნებოდი, შენში რომ არ ყოფილიყავი; შენში, „ვისგანაცაა ყოველი, ვისი მეოხებითაცაა ყოველი, ვის არსშიცაა ყოველი“<sup>8</sup>. ჭეშმარიტად ასეა, უფალო ჩემო, ჭეშმარიტად ასე. სად გიხმობ, თუკი შენში ვარ? ან საიდან შემოხვალ ჩემში? სად წავიდე, ვინც ცასაც გავცდე და მიწასაც, რომ იქ მომეახლოს უფალი ჩემი, რომელმაც თქვა: „მე ვავსებ ცასა და მიწას“<sup>9</sup>.

### III

3. მაშ, გიტყვენ თუ არა ცა და მიწა, რაკილა შენა ხარ მათი აღმძვებელი? ან იქნებ ავსებ და მაინც რაღაცა რჩება შენგან, რომ ვერ გიტყვენ? კი მაგრამ, სადა ღერი მაგ შენს ნაშთს, თუკი ცასა და მიწასაც ავსებ? იქნება სულაც არ გჭირდება დამტყვევი, ყველაფრის დამტყვევს, ვინაიდან რასაც ავსებ, თვითონვე იტყვ. შენით აღსავსე ჭურჭელნი როდი განიჭებენ სიმყარეს: დაე, დაიძვინჯონ, შენ მაინც არ დაიღვრები. ხოლო როცა ჩვენში იღვრები, კი არ ემხობი, არამედ ჩვენ აღგვაზღვრებ; კი არ იფანტები, არამედ ჩვენი გვკრებ. და ყველაფერს, რასაც ავსებ, მთელი შენი არსებით ავსებ? იქნებ საგნები, რომლებსაც არ შეუძლიათ მთლიანად დაგიტიონ, მხოლოდ შენს ნაწილს იტყვენ, და ყველა ერთად ერთსა და იმავე ნაწილს იტყვს? თუ თვითთული მათგანი თავის შესაბამის ნაწილს იტყვს: დიდი - დიდს, მცირე კი - მცირეს? მაშ, შენი ერთი ნაწილი უფრო დიდია, მეორე კი უფრო მცირე? თუ ყველგან მთლიანი ხარ და არცერთ საგანს არ შეუძლია მთლიანად დაგიტიოს?<sup>10</sup>

<sup>6</sup> შდრ. ნეტარი ავგუსტინე, „შესაქმისათვის“, 4, 12, 22: „შემოქმედისა და მძლეოთა-მძლე ყოვლისმპყრობელის ძალმოსილება, - აი, მიზეზი ყოველი ქმნილების არსებობისა“.

<sup>7</sup> იხ. ფსალმ. 138, 8.

<sup>8</sup> შდრ. რომ. XI, 36.

<sup>9</sup> იერ. XXIII, 24.

<sup>10</sup> „აღსარებათა“ ფრანგი გამომცემლის, მთარგმნელისა და კომენტატორის, პუატიეს უნივერსიტეტის პროფესორის პიერ დე ლაბრიოლის შენიშვნით, „კითხვითი ფორმით გადმოცემული ამნაირი მსჯელობანი იმდენად ხშირია ნეტარი ავგუსტინეს თხზულების ფილოსოფიურ ნაწილში, რომ მკითხველისათვის ზოგჯერ მოსაბზრებელიც კი ხდება“ (Saint Augustin, Confessions, t. I, Paris, 1925, p.4).

IV

4. ვინა ხარ, ღმერთო ჩემო? გეკითხები, ვინა ხარ-მეთქი, თუ არა უფალი ღმერთი ჩემი? „ვინ არის უფალი, გარდა უფლისა, ან ვინ არის ღმერთი, გარდა ჩვენი ღმერთისა?“<sup>11</sup> უზენაესო, უკეთილესო, მძლეთა-მძლეო, ყოვლად ძლიერო, ყველაზე გულმონყალევი და ყველაზე სამართლიანო, ყველაზე იღუმალო და ყველგან მყოფო, უმშვენიერესო და უმტკიცესო, უძრავო და გონებაშიუნვლომელო, თვით უცვლელი და ყოვლის მცვლელი, მარად ახლო და მარად ძველი, რომელიც განაახლებ ყველაფერს და „აბერებ მზვობართ, თუმცა თვითონაც არ იციან ეს“<sup>12</sup>; მარად ქმედითო და მარადიულ სიმშვიდეში დაგანებულო, რომელიც ჰკრებ ყველაფერს, თუმცა არა გჭირდება რა; მოგაქვს, ავსებ და თვარავ; ქმნი, ზრდი და სრულყოფ; ეძებ, თუმცა ყოვლის მფლობელი ხარ; გიყვარს, მაგრამ როდი მღელვარებ; ეჭვობ, მაგრამ არ შფოთავ; სასოებ, მაგრამ როდი ვალალებ; მრისხანებ, მაგრამ აუძღვრეველი ხარ; საქმეს იცვლი, მაგრამ არა ზრახვას; ყველაფერს აგროვებ, რასაც პოულობ, და არაფერს კარგავ; არ იცი, რაა ნაკლულოვანება და მოგებით ხარობ; არა ხარ ხარბი და ვახშს კი მოითხოვ; მეტს გაძღვევენ, ვიდრე მართებთ, რათა მათი მოვალე იყო, მაგრამ ვისა აქვს რამე ისეთი, რომ შენი არ იყოს? ვალს იხდი, მაგრამ არავისი არა გმართებს რა; სესხს აბრუნებ, მაგრამ არაფერი გაკლდება<sup>13</sup>. მეტი რა შეიძლება ითქვას, უფალი ჩემო, სიცოცხლე ჩემო, წმიდათა-წმიდა სიხარულო ჩემო? მეტი რა შეიძლება ითქვას შენზე საუბრისას? მაგრამ ვაი მათ, ვინც ღუმილით გივლიან გვერდს, რადგან თვით შენზე მეტყველნიც კი მუნჯნი არიან<sup>14</sup>.

V

5. ვინ მალირსებს, რომ შენში დავივანო? ვინ მალირსებს, რომ ჩემს გულში შემოხვიდე და დაათრო იგი, რათა დავივინყო ჩემი ბოროტება და გულში ჩავიკრა ჩემი ერთადერთი სიკეთე? რა ხარ შენ ჩემთვის? შემინყალე და მათქმევიწიე, ან მე თვითონ რაღა ვარ შენთვის, რომ მიბრძანებ მიყვარდე, და მრისხანებ, თუ შენს ბრძანებას არ ვასრულებ? მრისხანებ და

<sup>11</sup> ფსალმ. 17, 32.

<sup>12</sup> იხ. იობი, IX, 5 (ნეტარი ავგუსტინე იზიარებს „ველგატის“ მცდარ ინტერპრეტაციას).

<sup>13</sup> ეს მხატვრული სახეები ძველი და ახალი აღთქმის ტექსტებიდან იღებენ დასაბამს (დანვრილებით იხ. Исповедь Блаженного Августина, епископа Иппонского, Примечания, - Богословские труды, сб. 19, М., 1978, стр. 228. прим. 13).

<sup>14</sup> შდრ. ნეტარი ავგუსტინე, „იოანეს სახარებისათვის“, 13,5: „ღმერთზე შეიძლება ყველაფერი ითქვას, მაგრამ ვერაფერს ვიტყვით ისეთს, მისი ღირსი რომ იყოს“.

საშინელ უბედურებას მიქადი! განა საშინელი უბედურება არ არის, არ მიყვარდე შენ? ვაიმე, ბედკრულს! მითხარი, შენი გულმონყალებით, რა ხარ შენ ჩემთვის. უთხარი ჩემს სულს: „მე ვარ ხსნა შენი“<sup>15</sup>. ამის გაგონებისთანავე მოგაშურებ და მოგეახლები. ნუ მარიდებ პირს: მოგვედები თუ არ მოგვედები, მაინც მეჩვენე<sup>16</sup>.

6. ვინროა ჩემი სულის სახლი, ვერ დაეტევი: მაშ, განავრცე. ინგრევა: შეაკეთე. ვიცი და ვაღიარებ, რამდენი რამაა შიგ, რასაც შეუძლია შეურაცხყოს შენი მზერა, მაგრამ ვინ დაგვის და დაასუთთავებს? ან ვის შევლაღადო, თუ არა შენ: „გამნმინდე ჩემი თარული უნმინდურებისაგან, უფალო, და დაითარე მაცთურთაგან მონა შენი“<sup>17</sup>. მნამს და მიტომაც ვამბობ<sup>18</sup>: „უფალო, შენ იცი“. განა შენს წინაშე არ ვადანაშაულებდი საკუთარ თავს „ჩემი ცოდვების გამო“, ღმერთო ჩემო. „და განა შენ არ მიუტევე უკეთურება ჩემს გულს?“<sup>19</sup> არა, სამსჯავროდ როდი გიხმობ შენ, ვინც იწოდები ჭეშმარიტებად, რადგანაც „თუ დახედავ უსამართლობას, უფალო, უფალო, ვინლა გაუძლებს გამოცდას?“<sup>20</sup>.

## VI

7. და მაინც, ნება მიბოძე, უფალო, მე „მტვერსა და ფერფლს“<sup>21</sup>, შენი გულმონყალების წინაშე ვილაპარაკო; ნება მიბოძე შენს გულმონყალებას მიემართო და არა კაცს, რომელიც მასხრად ამიგდებს; ვინ იცის, იქნებ შენც დამცინო, მაგრამ ჩემდამი მოქცეული მაინც შემინყალებ. რისი თქმა მსურს, უფალო ღმერთო ჩემო? - მხოლოდ იმისი, რომ არ ვიცი, საიდან მოველ ამ ქვეყნად<sup>22</sup>, ანუ ამ მკვდარ სიცოცხლეში თუ ცოცხალ სიკვდილში<sup>23</sup>. არა,

<sup>15</sup> ფსალმ. 34,3.

<sup>16</sup> შდრ. ვამოსვლა, 33, 20, სადაც უფალი ღმერთი ეუბნება მოსეს: „ვერ შეძლებ ჩემი პირის ხილვას, რადგან ისე ვერ მიხილავს ადამიანი, რომ ცოცხალი დარჩეს“.

<sup>17</sup> ფსალმ. 18, 13-14.

<sup>18</sup> შდრ. ფსალმ. 115, 1.

<sup>19</sup> ფსალმ. 31, 5.

<sup>20</sup> შდრ. ფსალმ. 129, 3.

<sup>21</sup> დაბად. 18, 27.

<sup>22</sup> შდრ. ბლემ პასკალი: „მე არ ვიცი, ვინ წარმოგზავნა ამ ქვეყნად, არ ვიცი, რაა სამყარო, არ ვიცი, ვინა ვარ მე. ო, საშინელი და სრული უმეცრება ჩემი. მე არ ვიცი, რა არის ჩემი სხეული, ჩემი გრძნობა, ჩემი სული და ჩემი არსების ის ნაწილი, რომელიც ფიქრობს იმას, რასაც მე ვამბობ...“ „როდესაც ვხედავ კაცთა სიბრმავეს და სისაწყლეს, როდესაც ვუზმერ მუნჯ სამყაროს და ნათლისაგან განძარცულ, თავისი თავის ამარა შთენილ და სამყაროს ამ უბადრუკ კუთხეში ჩაკარგულ მოყვასს, რომელმაც არ იცის, ვინ მოიყვანა აქ, რისთვის მოვიდა, ან რა ელის სიკვდილის შემდეგ, - თავზარდაცემული ვძრწი, როგორც კაცი, რომელიც მძინარე ასწიეს და უკაცურსა და უდაბურ კუნძულზე გადაიყვანეს“ (იხ. ბლემ პასკალი, აზრები, ფრანგულიდან თარგმნა, წინასიტყვაობა და შენიშვნები დაურთო ბ. ბრეგვაძემ, თბ. 1981, გვ. 235, 306).

<sup>23</sup> პლატონს თავის „გორგიაში“ (492e) მოაქვს ციტატა ვერპიდეის დაკარგული ტრაგედიიდან „პოლიიდე“ (ფრაგმ. 638): „ვინ იცის, იქნებ სიკვდილია სიცოცხლე ჩვენი, ხოლო სიცოცხლე არის სიკვდილი?“ ამ სიტყვებს დიალოგში წარმოთქვამს სოკრატე და იქვე (493a) დასძენს: „იქნებ ჩვენ მართლაც მკვდრები ვართ? ღმერთმანი, ერთი ბრძენკაცისაგან გამოგონია, რომ ჩვენ ამჟამად მკვდრები ვართ და სხეულია ჩვენი საფლავი“.

არ ვიცი. მხოლოდ შენმა გულმონყალებამ მცა ნუგეში, როგორც გავიგე ჩემი ხორციელი მშობლებისაგან, რომელთა მეშვეობითაც შექმენი ღროში; პირადად მე კი არ მახსოვს. ჩემი პირველი ნუგეში იყო რძე, რომლითაც დედაჩემი, ან ძიძა თუ გადია კი არ ივსებდნენ ტუტებს, არამედ მათი მეშვეობით შენ სთავაზობდი საზრდოს ჩემს სიყრმეს, თანახმად შენი განწესებისა, ცით ნაწყალობე სიმდიდრეს რომ უნანილებს თვით შენს უბადრუკ ქმნილებებს. შენ ჩამაგონე, არ მომეთხოვა იმაზე მეტი, ვიდრე შენ აძლევდი მათ. რადგანაც შენს მიერვე ჩანერგილი სიყვარულის წყალობით მზად იყვნენ უშურველად მოეძღვნათ ჩემთვის, რაც შენგან მიეღოთ. მათი სიკეთე იყო ის, რომ ჩემთვის მოეძღვნათ სიკეთე, რომელსაც შენგან იღებდნენ, ღმერთო, რადგანაც მთელი სიკეთე, მხოლოდ შენგან იღებს დასაბამს, და შენვე ხარ, ღმერთო ჩემო, ჩემი ერთადერთი მხსნელიც. ყოველივე ეს შემდეგ გავიგე, თუმცა შენ მაშინაც მიხმობდი ყველა იმ ნიჭის წყალობით, რასაც გარედან მანიჭებდი და შინაგანაც მავსებდი. თუმცა ჩვილს სხვა რა შემეძლო, გარდა იმისა, რომ ტუტე მენოვა, ნეგარებით გაგრუნულს, ანდა მეტირა, ტკივილით განამებულს? ეს იყო და ეს.

8. მერე სიცილიც დავიწყე, ჯერ ძილში, შემდეგ კი სითხიზღეშიც. ასე მეუბნებოდნენ და მე მჯერა მათი, რადგან თვითონაც მინახავს, რომ ასევე იქცევიან სხვა პატარებიც: ჩემდა თავად კი არაფერი არ მახსოვს. და აი, თანდათანობით გავიგე, სად ვიყავი, მინდოდა ჩემი სურვილები გამეგებინებინა იმათთვის, ვისაც მათი შესრულება შეეძლო, მაგრამ ვერ ვახერხებდი, რადგანაც ჩემი სურვილები ჩემშივე იყვნენ, ხოლო ისინი, ვისაც მათი შესრულება შეეძლო, - გარეთ, და ვერანაირი გრძნობით ვერ შემოაღწევდნენ ჩემში. მე ვფართხალებდი და ვიჭაჭებოდი, ვცდილობდი, როგორც შემეძლო და რამდენადაც შემეძლო, სხვადასხვა ნიშნით გამომეხატა ჩემი სანადელი, მაგრამ ვერცერთი ნიშანი ზუსტად ვერ გამოხატავდა ჩემს სურვილს. და რაკი ყურს არ მივღებდნენ, არ ვიცი, იმიტომ, რომ ვერ მიგებდნენ, თუ არ უნდოდათ რაიმე ევნოთ ჩემთვის, - ვბრაზდებოდი, რომ დიდები არ მემორჩილებოდნენ, არც მონებივით მემსახურებოდნენ თავისუფალნი, და ვცდილობდი ტირილით მეძია შური. უფრო გვიან, როცა შემეძლო თვითონვე დაგვირგებოდი პატარებს, მიფხვდი, რომ ასეთია ყველა ბავშვი, და ასეთივე ვიყავი მეც<sup>24</sup>; ამ მხრივ მათ, ანგარიშმიუცემლად, უფრო მეტი რამ მასწავლეს, ვიდრე ჩემმა გონიერმა აღმზრდელებმა.

<sup>24</sup> შტრ. პოლ ვალერი: „მომენტი, როცა პატარა ბავშვი თავისი ტირილის ძალას შეიცნობს, არაფრით არ განსხვავდება იმ მომენტისაგან, როცა ის ამ ძალას შემოქმედებისა და ძალადობის იარაღად აქცევს“ (იხ. პოლ ვალერი, სულის კრიზისი, ფრანგულიდან თარგმნა ბ.ბრეგვაძემ, თბ. 1993, გვ.35).

9. და, აი, ჩემი სიყრმე რა ხანია მოკვდა, მე კი კვლავ ვცოცხლობ. უფალო, რომელიც მარად ცოცხალი ხარ, და არაფერი არ კვდება შენში, ვინაიდან საუკუნეთა უწინარეს და უპირველეს ყოვლისა, რაზედაც შეიძლება ითქვას „უნინ“, შენა ხარ ყოველივე იმის ღმერთი და უფალი, რაც შენ თვითონვე შექმენი. შენშია მყარი მიზეზი ყოველივე არამყარისა, უცვლელი სანყისი ყოველივე ცვალებადისა, მარადიული წესრიგი უწესრიგოსი და წარმატებისა; მითხარი, ღმერთო, შენს მახვეწარს და მავედრებელს, გულმონყალების გამო მითხარი შენს სანყალობელ მსახურს, ჩემი სიყრმე რომელიღაც სხვა - მასზე უნინ მკვდარ ასაკს მოჰყვა, თუ მას წინ უსწრებდა მხოლოდ ის დრო, რაც დედის საშობი დაგყავი? ბოგი რამ ამბედაც მსმენია, და ჩემი თვალითაც მინახავს თუ ვინმე ქალები. კი მაგრამ, მანამდე რაღა იყო, სიხარულო ჩემო, უფალო ჩემო? სადმე მაინც თუ ვიყავი, ან ვინ ვიყავი? ვერავინ მეტყვის: ვერც დედამ შესძლო ეს და ვერც მამამ; ვერც სხვისმა გამოცდილებამ მაუნყა რამე და ვერც ჩემმა მესსიერებამ<sup>25</sup>. იქნება კიდევ დამცინი, ამას რას მეკითხებაო, და მიბრძანებ გაქო იმის გამო, რაც ვიცი; გაქო და აღსარება გითხრა.

10. აღსარებას გეუბნები, „ცისა და მიწის უფალო“<sup>26</sup>, ქებას გიძღვნი ჩემი დასაბამისა და სიყრმისათვის, რაც აღარ მახსოვს, მაგრამ შენ შეაძლებინე კაცს სხვების მიხედვით დაესკვნა, თუ რა იყო თავად, და ბევრი რამ გაეგო თავის თავზე უბირი ქალებისაგან. ღიახ, მე ვიყავი და ვცხოვრობდი მაშინ, და ჩემი სიყრმის ღამლევეს უკვე ვეძებდი ნიშნებს, რათა სხვებისთვის გასაგები გამეხადა ჩემი გრძნობები. საიდან უნდა იღებდეს დასაბამს ამნაირი არსება, თუ არა შენგან, უფალო? განა არსებობს ოსტატი, თავისავე თავს რომ ქმნიდეს? განა შეიძლება სხვაგან დიოდეს წყარო, საიდანაც ჩუხჩუხით იღვრება ჩვენში არსებობა და სიცოცხლე? არა, შენა გვექმნი, უფალო, ვისთვისაც ერთია არსებობა და სიცოცხლე, რადგანაც შენა ხარ უზენაესი არსებობა და უზენაესი სიცოცხლე. ღიახ, უზენაესი ხარ და უცვლელი; დღევანდელი დღე არასოდეს მთავრდება შენში, თუმცა არა, მაინც მთავრდება, რადგანაც ყოველი დღე შენშია; და ვერცერთი დღე ვერ გაიკვლევედა გბას, შენში რომ არ ყოფილიყო. ხოლო რაკი „შენი წლები წარუვალნი არიან“<sup>27</sup>, სწორედ ეს წლებია დღევანდელი დღე. ვინ მოთვლის, ჩვენი წინაპრების რამდენ დღესა და წელს გაუვლია შენი დღევანდელი დღის გავლით,

<sup>25</sup> „სულის წარმომავლობის საკითხი ერთი იმ საკითხთაგანია, მთელი ცხოვრების მანძილზე რომ სტანჯავდა და ანამებდა ავგუსტინეს, რომელმაც სიცოცხლის დამლევესაც კი ვერ შესძლო მისი გადაჭრა, როცა თავის თხზულებას „Retractationes“ („უარყოფანი“) წერდა, რათა თავისი საბოლოო დასკვნები შეეტანა მასში“ (პიერ ლაბრიოლის შენიშვნა, იხ. „აღსარებათა“ ზემოთ დასახელებული გამოცემა, გვ.8).

<sup>26</sup> მათე, XI, 25.

<sup>27</sup> ფსალმ. 101, 28.



რომლისგანაც შეუძენიათ ელფერი და ზიარებიან არსებობას, ანდა რამდენი გაივლის კვლავაც, რამდენი შეიძენს იმავე ელფერს და ეზიარება იმავე არსებობას. „შენ კი ერთი და იგივე ხარ“<sup>28</sup>: ყოველივე ხვალისდელსა თუ ზევინდელს, ყოველივე გუშინდელსა თუ გუშინდელს „დღევანდელად“ აქცევ, როგორც აქამდე გიქცევია<sup>29</sup>. რა ვქნა, თუ ვერაფერს გამიგებს? დაე, იხარონ და გულში თქვან: „რა არის ეს?“ დაე, იხარონ და უფრო მეტად დაგკბენ იმით, რომ ნამდვილად კი არ უპოვნიხართ, არამედ ჰგონიათ, რომ გიპოვნეს, ვიდრე იმათ, რომ ეგონოთ, თითქოს ვერ გიპოვნეს, თუმცა სინამდვილეში ნაპოვნი ჰყავხართ.

## VII

11. მისმინე, ღმერთო, ვაი ცოდვილსა და შემცოდეს! ამას ამბობს კაცი, და შენ გებრალეხა იგი, რადგანაც შენ თვითონ შეჰქმენი, თუმცა მისი ცოდვები კი არ შეგიქმნია. ვინ გამახსენებს ჩემს სიყრმისდროინდელ ცოდვას? რადგანაც არაფინაა უცოდველი შენს წინაშე, თვით ახალშობილიც კი, მხოლოდ ერთი დრე რომ უცხოვრია<sup>30</sup>, ვინ გამახსენებს?

<sup>28</sup> იქვე.

<sup>29</sup> დროის ეს ორიგინალური კონცეფცია პლატონის „ტიმოლოსიდან“ იღებს დასაბამს: „ტიმოლოსის“ მიხედვით, კოსმოსის მოწესრიგებელი და ჰარმონიული მოძრაობა, გრძობად-კონკრეტული სამყაროს დინამიზმი სხვა არა არის რა, თუ არა იდეალური სინამდვილის უძრაობის, მისი სტატიურობის პროექცირება ქმნადობის წიაღში; ზუსტად ასევე, დროც - ამქვეყნიურ სავანთა და მოვლენათა არსებობის, მათი მოძრაობისა და ცვალებადობის ფორმა - უცვლელი და უძრავი მარადისობის ანალოგიურ პროექციად გვევლინება. „მარადისობა“ („აიონ“) პლატონისათვის ძირეულად განსხვავდება ამ სიტყვის ჩვენი თანადროული გაგებისაგან. ამ ტერმინით „ტიმოლოსში“ აღინიშნება არა ბუნდოვანი, გაურკვეველი და ჯერ კიდევ არ არსებული მომავლიდან ან უკვე აღარ არსებული წარსულისაკენ ცალსახად და უკუმოქცეულად მდინი „დროის“ („ხრონოს“) უსასრულო ოდენობა, რომელიც წინ უსწრებს ან მოსდევს ანმყოფს, არამედ ერთგვარი ექსტრატემპორალური (დროის მიღმური, დროის გარეშე არსებული) რეალობა (ჩვენი „უჟამო უჟამო“, ალბათ, ყველაზე სრულად და ამომწურავად გამოხატავს ამ ცნების შინაარსს). დღევანდელი გაგებით „დრო“ სასრულია, მარადისობა კი უსასრულო, მაშინ როდესაც პლატონის აზრით, ამ ორ ცნებას შორის რაოდენობრივი (კვანტიტატიური) კი არა, თვისობრივი (კვალიტატიური) სხვაობა არსებობს.

„ტიმოლოსის“ მარადისობა ინტეგრალური, ცალკეულ მომენტებად (წარსული, აწმყო, მომავალი) განუწილველი დროა, თუ შეიძლება ასე ითქვას, მარადიული, წარუვალაი აწმყო, რომელიც ხასიათდება ერთადერთი პრედიკატით - „არის“. და პირიქით, საკუთრივ დრო ცალკეულ მომენტებადაა განწილული. მას თავისი ნაწილები („მერე“) და თავისი სახეები („ვიდე“) აქვს. დროის ნაწილებია დღეები და ღამეები, თვეები და წლები, სახეები კი - „იყო“ და „იქნება“ (ე.ი. წარსული და მომავალი). „არის“, პლატონის მიხედვით, მარტოოდენ მარადისობის ატრიბუტია; რაც შეეხება დროის იმ მომენტს, რომელსაც აწმყო ვწოდებთ ჩვენ, ის თითქოს კიდევ არსებობს და არც არსებობს, რაკილა მხოლოდ და მხოლოდ წარსულისა და მომავლის ერთმანეთისაგან გამიჯნავ ზღვრად, მსწარფლწარმავალ წამად თუ დროული ნაკადის ერთგვარი „ატომად“ გვევლინება. შეადარე არისტოტელე: „ამრიგად, რამდენადაც „ახლა“ (არისტოტელეს „ახლა“ იგივეა, რაც პლატონის „არის“, - ბ.ბ.) სხვა არა არის რა, თუ არა ზღვარი, ის არ არის დრო და მხოლოდ თანხვდომითაა წინწული დროისათვის, ვინაიდან ზღვარი ეკუთვნის მხოლოდ იმას, რის ზღვრადაც ის გვევლინება“. - ბ.ბრევეტე, „ანტიკური ცივილიზაციის გვირგვინი“ (იხ. წიგნი: პლატონი, „ტიმოლოსი“, ძველი ბერძნულიდან თარგმნა, წინასიტყვაობა და კომენტარები დაურთო ბ.ბრევეტემ, თბ. 1994, გვ. 235-236).

<sup>30</sup> „ავგუსტინეს დარწმუნებული იყო ადამიანის ბუნების თანდაყოლილ ხრწნილებებაში, ბუნებისა, რომელიც იმდენად შებღალა დასაბამიერმა ცოდვამ, რომ უკეთური მიდრეკილებები აკვანშივე იჩენენ თავს ჩვილის სულში“ (პიერ დე ლაბრიოლის შენიშვნა, იხ. „აღსარებათა“ დასახ. გამოც. გვ.9).

ამ კონცეფციიდან დასაბამს იღებს საკმაოდ პირქუში დოქტრინა, რომელსაც საუკუნეების შემდეგ ააღორძინეს უან კალვინი (1509-1564 წ.). „ავგუსტინეს მოძღვრების თანახმად, ცოდვითდაცემამდე ადამს ჰქონდა თავისუფალი ნება და შეეძლო თავი შეეკავებინა ცოდვისაგან. მაგრამ როცა მან და ევაი იგემეს ვაშლი, მათში შევიდა ხრწნილება, რომელიც შემდეგ მთელ მათ შთამომავლობას გადაეცა. ასე რომ უკვე აღარავის შეუძლია საკუთარი ძალით თავი შეიკავოს ცოდვისაგან. მხოლოდ ღვთის მადლი აძლევს ადამიანებს მის საშუალებას, რომ სიქველის გზას მისდინ. რაკი ყველანი ადამის ცოდვის მემკვიდრენი ვართ, ამიტომ ყველა საუკუნო წყევლისა და შერყენების ღირსია. ყველას, ვინც მოუნათლავი კვდება, თვით ყრმებსაც კი, ჯოჯოხეთში დაუსრულებელი ტანჯვა-წამება ელის. ჩვენ უფლება არა გვაქვს

ახალშობილი, რომელიც მიჩვენებს იმას, რაც მე თვითონ აღარ მახსოვს. კი მაგრამ, რა იყო ჩემი ცოდვა მაშინ? ის, რომ ვგვიროდი და ხარბად ვეგანებოდი ძუძუს? ახლაც რომ ასე მოვიქცე და ხარბად დავაცხრე რძეს კი არა, ჩემი ასაკისთვის შესაფერ საჭმელს, უთუოდ მასხრად ამიგდებენ და სამართლიანად დამგმობენ. მაშინაც გმობის ღირსი ვიყავი, მაგრამ რაკი ვერაფერს გავუგებდი მგმობელს, არც ჩვეულება და არც გონიერება არავის რთავდა ჩემი გმობის ნებას. რაც უფრო მეტად გვემატება წლები, თვითონვე აღმოვფხვრით ჩვენს თავში და უკუვაგდებთ ამ უკეთურ ზნე-ჩვეულებებს, არასოდეს მინახავს კაცი, სარეველას რომ თხრიდეს და ჯეჯილიც შეგნებულად ზედ მიაცილოს, - მერედა, კარგი იყო, თუნდაც სიყრმეში, გირილით მომეპოვებინა ის, რაც ჩემთვისვე იქნებოდა საზიანო, თუკი ნებას დამეყვებოდნენ და სანადელს ამისრულებდნენ? გაშმაგებულს დამენიოკებინა თავისუფალი, თავისი თავის ბატონ-პატრონი, მონიფული და ჭკუადამჯდარი ხალხი, მათ შორის, ჩემი შშობლებიც, მხოლოდ იმიტომ, რომ სანადელს არ მისრულებდნენ? პანანინა მუშტები მებაგუნებინა და დაუნდობლად დამეკანრა ისინი, იმის გამო, რომ უარს ამბობდნენ ჩემი ბრძანების შესრულებაზე, რომლის შესრულებაც თვით ჩემთვისვე იქნებოდა სავალალო?

ასე რომ, ჩვილი უმწეოა მხოლოდ თავისი ასობის სისუსტით, და არა სულით. ჩემი თვალთ მინახავს და დავკვირვებოვარ ეჭვებით შეპყრობილ ყრმას: ჯერ კიდევ არ შეეძლო ლაპარაკი, მაგრამ, მრისხანებით გაფითრებული, რანაირი მძულვარებით და გაშმაგებით მისჩერებოდა თავის მეტეტურ ძმას. თუმცა ეს ყველას კარგად მოეხსენება. ვინ იცის, რა ხერხს აღარ მიმართავენ დედები და ძიძები ამ ბინის აღმოსაფხვრელად. როდესაც დედის ძუძუდან ესოდენ უხვად გადმოსჩქეტეს რძე, განა შეიძლება უბინოება ეწოდოს იმას, რომ ვერ იტანდე ძუძუმტეს, რომელიც მხოლოდ ამ რძითა ცოცხლობს? და მაინც, ამ ბინს უდრგვინველად იტანენ, მაგრამ იმიტომ კი არა, რომ უმნიშვნელოა და უბადრუკი, არამედ იმიტომ, რომ ჩვენს ზრდასთან ერთად კნინდება, რასაც შენ თვითონ გვიდასტურებ, რადგანაც იგივე ბინი ყოველად აუტანელი გვეჩვენება, თუ კაცი მონიფულობაშიც ინარჩუნებს მას.

ვდრტვინავდეთ ამის გამო, რადგანაც ყველანი ბორტები ვართ... თუმცა ღვთის თავისუფალი მადლის წყალობით, მონათლულთა შორის გამოირჩევიან ცალკეული ადამიანები, რომლებიც სასუფევლის ღირსნი ხდებიან, მაგრამ არა მათი სიკეთის გამო: ჩვენ ყველანი მთლიანად ჩავმყავდით ბინიერებაში და შეგვიძლია მართალნი ვიყოთ მხოლოდ იმდენად, რამდენადაც ამის საშუალებას გვაძლევს ღვთიური მადლი, რასაც იმსახურებენ მატროოდენ რჩეულნი. შეუძლებელია იმისი ახსნა, თუ რატომაა ხსნა მხოლოდ რჩეულთა ხვედრი, მაშინ როდესაც ყველა დანარჩენი დანყველილია. ამას ღვთის არამოტივირული გადანყვეტილება განაპირობებს. შეჩვენება ღვთის მართლმსაჯულების მაუნყებელია, ხსნა კი - მისი ვულმონყალება. ორსავე შემთხვევაში თავს იჩენს მისი მადლი“. - Б. Рассел, История Западной философии, М., 1959, стр. 310-311.

12. უფალო ღმერთო ჩემო, შენ მიეცი ყრმას სიცოცხლე და სხეული, რომელიც აღჭურვე გრძნობებით, მგვიცედ შეჰკარი მისი ასოები, უხვად შეამკე და ყოველი ცოცხალი არსებისათვის ნიშნული სწრაფვაც ჩაუნერგე, სწრაფვა სიცოცხლის შენარჩუნებისა და სრულქმნილებისაკენ. შენ მიბრძანებ ქებას გასხამდე ამის გამო, „აღსარებას გეუბნებოდე და ვუგალობდე შენს სახელს, უზენაესო!“<sup>31</sup>, რადგანაც შენ ხარ ყოვლისშემძლე და კეთილი, რაკილა შესძელი იმის ქმნა, რაც შენს გარდა ვერავინ შესძლო. ო, ერთადერთო, ვისგანაც იღებს დასაბამს ყოველი ზომა; ო, უმშვენიერესო, რომელიც ამშვენიერებ და აწესრიგებ ყველაფერს, შენივე კანონის თანახმად. ეს ასაკი, რომელსაც ველარ ვიხსენებ, უფალო, და მხოლოდ სხვების მონაყოლით თუ მონათხრობით ვიცნობ, ან კიდევ სხვა უმწეო ყრმებზე დაკვირვებით თუ შემიძლია დაუასკვნა, რომ ოდესღაც მეც მათნაირი ვიყავი, - რავინდ სარწმუნოც უნდა იყოს ჩემი დასკვნა, მაინც არ მინდა ეს ასაკი ჩემი ამქვეყნიური სიცოცხლის ნაწილად მივიჩნიო. წყევლიადი, რომელიც მას მოსავს ჩემი მეხსიერების სიღრმეში, ერთმანეთის ცოლფარდსა ხდის სიყრმის ასაკს და იმ ღროს, დედის საშოში რომ დაყავი, და თუ „უკანონოდ ჩავისახე და ცოდვით მზრდიდა დედაჩემი თავის საშოში“<sup>32</sup>, მაშინ სადღა ვიყავი მე, უფალო, შენი მონა, გვეითხები, სადღა ვიყავი, ან როდისღა ვიყავი უბინო? არა, მე ღუმილით ვუვლი გვერდს ამ ასაკს; რა მესაქმება მასთან, თუკი მის ვერავითარ ნაკვალევს ველარ ვპოულობ?

## VIII

13. განა ჩემი ახლანდელი ასაკისაკენ მომავალმა სიყრმიდან სიყმანვილეში არ გადავაბიჯე? თუ, უფრო სწორად, სიყმანვილე თვითონვე მოვიდა ჩემთან და სიყრმე შეცვლა? სიყრმე არ გამქრალა: მაგრამ სად წავიდა? და მაინც, ის აღარსად იყო. მე უკვე აღარ ვიყავი ყრმა, რომელსაც ლაპარაკი არ შეუძლია, არამედ - ტიკტიკა ყმანვილი. ეს კი მახსოვს, ხოლო შემდეგ იმასაც მიხვდები, თუ როგორ ამოვიდგი ენა. უფროსები როდი მასწავლიდნენ, და არც გარკვეული წესრიგით დალაგებულ სიტყვებს მთავაზობდნენ, როგორც უფრო გვიან - ანბანის შესწავლისას. მე ვმოქმედებდი ჩემივე გონების კარნახით, რომელიც შენ მიბოძე, ღმერთო.

<sup>31</sup> ფსალმ. 91, 2.

<sup>32</sup> ფსალმ. 50, 7.

როდესაც ვცდილობდი გირილითა თუ ყვირილით, ან ხელებისა თუ ფეხების ქნევით გამომეხატა ჩემი სანუკუარი სურვილი, რათა დიდები დამორჩილებოდნენ ჩემს ნებას, ვერც იმას ვახერხებდი, რომ მიმელო ყველაფერი, რაც მსურდა, და ვერც იმას, რომ ყველასათვის გამეგებინებინა ჩემი გულისნადები. ამიტომაც მესხიერებაში ვიბეჭდავდი ყველა სიტყვას, რომლითაც დიდები ამა თუ იმ საგანს ასახელებდნენ; ამ სიტყვის გაგონება და ხსენებული საგნისკენ ჩემი შეტრიალება ერთი იყო. ვხედავდი და ვიმახსოვრებდი: წარმოთქმული სიტყვა სწორედ ამ საგანს აღნიშნავდა. დიდებს რომ მისი დასახელება სურდათ, ამას მათი მოძრაობებიც მონიშნობდა, ყველა ხალხის ეს ბუნებრივი ენა, სახის გამომეტყველებისაგან, თვალის ჩაპაჭუნებისაგან, მინიშნებებისა და სულიერი მდგომარეობების გამომხატველი ბგერებისაგან რომ ითხზვის, იმის მიხედვით, თუ რას მოითხოვს, რისკენ მიილტვის, რას უარყოფს ან გაურბის სული. მე თანდათანობით ვხვდებოდი, რის ნიშნებად გვევლინებოდნენ სხვადასხვა წინადადებაში თავიანთ ადგილას ხმარებული სიტყვები, ესოდენ ხშირად რომ ჩამესმოდა ყურში. თანდათანობით შევაჩვიე ჩემი ბაგეები მათ წარმოთქმას, და ვცდილობდი მათი მეშვეობით გამომეთქვა ჩემი სურვილი. ასე ვისწავლე ამ ნიშნებით სარგებლობა, რათა ჩემი გულისნადები გამეგებინებინა ახლობლებისათვის, ასე რომ, სულ უფრო და უფრო ღრმად ვიჭრებოდი ადამიანთა ბოლოქარი ცხოვრების მორევში, თუმცაღა კვლავ უფროსების ნება-სურვილზე ვიყავი დამოკიდებული.

## IX

14. ღმერთო ჩემო, ღმერთო, რამდენი უბედურება და დამცირების გადაცანა მომიხდა მაში, როცა პატარა ბიჭს მაიძულებდნენ ისე მოვეცეულიყავი, როგორც ჯერ არს: უსიტყვოდ დამორჩილებოდი ჩემს მასწავლებლებს, რომლებიც მირჩევდნენ, ისე მეცხოვრა, რომ წარმატებისათვის მიმეღწია ამ ქვეყნად და სიტყვიერების ხელოვნებაში გამეწაფა თავი, რისი წყალობითაც იხვეჭენ სახელსა და მაცთურ სიმდიდრეს. ამიტომაც მიმაბარეს სკოლაში, რომ წერა-კითხვა მესწავლა. საუბედუროდ, არ მესმოდა, რა საჭირო იყო ეს, და თუ გულს ვერ ვუდებდი სწავლას, სასტიკად მსჯიდნენ. უფროსებს მოსწონდათ ეს ჩვეულება. ვინ მოსთვლის, ჩვენზე უნინ რამდენ თაობას გაუკვალავს ეს ნარეკლიანი გზა, რომელიც ან ჩვენ იძულებით



უნდა გაგვევლო; რამდენ თაობას უძრავლებია ადამის ძეთა ურვა და განჯვა-ვაება<sup>33</sup>. ამ გზაზე მე შეხვედრია, უფალო, შენს მიმართ მლოცველი ხალხი. მათგან გავიგე და, შეძლებისდაგვარად, კიდევაც მივხვდი, რომ შენა ხარ ვილაც დიადი, რომელსაც შეუძლია შეისმინოს ჩვენი ვედრება და შეგვენიოს, ისე, რომ ჩვენი გრძნობებისათვის მიუნვდომელი დარჩეს. და მეც, თითის ცოლა ბიჭუნამ, შენს მიმართ დავინყე ლოცვა, „ჩემო მეოხო და თავშესაფარო“<sup>34</sup>. შენ გიხმობდი და ამის წყალობით დავძლიე ჩემი ენაბრველობა. პატარა ვიყავ, მაგრამ დიდი მონინებით და გულმხურვალედ გვევდრებოდი, რომ მასწავლებლებს არ ვეცემე. და რაკი შენ არ გესმოდა ჩემი ვედრება, - რაც, ბოლოს, სასიკეთო გამოდგა ჩემთვის, - უფროსებს, ჩემი მშობლების ჩათვლით, რომლებსაც ნამდვილად არ უნდოდათ, რომ ავი რამ შემთხვეოდა, მიუხედავად ამისა, სასაცილოდაც არ ჰყოფნიდათ ეს ცემა-ტყეპა, ჩემი მაშინდელი სიმწარე და სასონარმკვეთი უბედურება.

15. თუ მოიძებნება, უფალო, იმდენად დიდსულოვანი კაცი, ენითუთქმელი სიყვარულით რომ გემსჭვალვის, თუ მოიძებნება-მეთქი, გეკითხები, კაცი, რომელიც ისე მალლა აეზიდოს საღვთისმოსაო გზნებას, რომ არაფრად უჩნდეს ძელზე გასმა, რკინის მარწხებით ხორცის გლეჯა და სხვა მისთანანი (რადგანაც ზოგჯერ თვით სიჩლოუნვეც კი ამნაირ შედეგს აღწევს), რომელთაგანაც თავის დახსნას მთელი დედამინის ზურგზე თავბარდაცემული შეგთხოვენ სანამებლად განწირულნი? ანდა თუ შესძლებდა ამნაირი კაცი, სასაცილოდაც არ ჰყოფნიდა მათი ძრწოლა, როგორც ჩემს მშობლებს - ის საშინელი წამება, რითაც სულს მხდიდნენ სკოლაში? მით უმეტეს მეშინოდა ჩემი მასწავლებლებისა და დღენიადაც გვევდრებოდი, ამ მგანჯველებისაგან მიხსენი-მეთქი. გვევდრებოდი და თან ვცოდავდი, რადგანაც ნაკლებ დროს ვუთმობდი წერა-კითხვას და გაკვეთილების მომზადებას, ვიდრე ჩემგან მოითხოვდნენ. არც მესხიერება მაკლდა და არც ნიჭი, უშურველად რომ მიწყალობე, მაგრამ თამაში მიყვარდა და ამის გამო მსჯიდნენ ისინი, ვინც ჩემსავით თამაშით იქცევდა თავს. დიდების თავშექცევას საქმე ჰქვია; ბავშვების თამაშიც საქმეა<sup>35</sup>, მაგრამ დიდები მათ სჯიან ამის გამო, და არავის

<sup>33</sup> „ბავშვებს ხშირად სასჯელის შიშით აიძულებენ ისწავლოს, - შენიშნავდა სხვაგან ნეტარი ავგუსტინე („ღვთის ქალაქისათვის“, XXI, 14) - და ეს იმდენად საზარელია, რომ მათ, არცთუ იშვიათად, სასჯელი ურჩევნიათ სწავლას. ამიტომ ვის არ შეაძრწუნებდა ხელახლა დაეწყო ბავშვობა, და არჩევანის საშუალება რომ ჰქონოდა, ვინ არ ამჯობინებდა სიკვდილს?“

<sup>34</sup> ფსალმ. 93, 22.

<sup>35</sup> სენეკასაც მიაჩნდა, რომ ბავშვების თამაშსა და უფროსების საქმიანობას შორის არავითარი განსხვავება არ არსებობს („დილოგები“ 2, 12, 1-2)... გულისშემძვრელია ისააკ ნიუტონის სიტყვები, სადაც გენიალური ინგლისელი სწორედ პატარა ბავშვს აღარებს თავს, ოკეანის

ებრალეა არც პატარები და არც ღიდები. მოინონებდა თუ არა მართლად გამრიგე მსაჯული იმ ცემა-გყეპას, რასაც მე ვიგანდი იმის გამო, რომ ბურთს ვთამაშობდი და თამაშში გართულს საერთოდ აღარ მახსოვდა, რომ წერა-კითხვა უნდა მესწავლა, რითაც, უკვე მონიჭული, გაცილებით უფრო უხამსი თამაშით ვიქცევდი თავს. მასწავლებელი, რომელიც მცემდა, განა ჩემზე უკეთ იქცეოდა? საკმარისი იყო, ყოვლად უბადრუკ პაექრობაში დაეჭაბნა მის სწავლულ კოლეგას, რომ ისევე ახრჩობდა შური და ბოღმა, როგორც მე, როცა ბურთის თამაშში ჩემივე თანაგუნდელი თუ მოწინააღმდეგე მჭობნიდა.

## X

16. და მაინც, მე ვცოდავდი, უფალო ღმერთო ჩემო, ყოვლის გამრიგე და ყოველი ბუნებრივი საგნის შემქმნელი, გარდა ცოდვისა, რომელიც კი არ შეგიქმნია, არამედ შენს მარადიულ წესრიგს დაუმორჩილე. დიაც, ვცოდავდი, უფალო ღმერთო ჩემო, რადგანაც ყურად არ ვიღებდი მშობლებისა და მასწავლებლების რჩევას. აკი შემდეგ ჩემდა სასარგებლოდ გამოვიყენე ის ცოდნა, რომელსაც, ჩემი ახლობლების ნება-სურვილით, მიუხედავად იმისა, თუ რას ისახავდნენ მიზნად, უთუოდ უნდა დავუფლებოდი. ურჩი ვიყავი, მაგრამ იმიტომ კი არა, რომ უფრო სასიკეთო საქმის კეთებას ვირჩევდი, არამედ იმიტომ, რომ თამაში მიყვარდა. მიყვარდა, როცა ვიმარჯვებდი შეჯიბრში და ვამაყობდი ამ გამარჯვებით. ჩემს ყურს საამოდ ელამუნებოდნენ ცრუ არაკები, რომლებიც მხოლოდ მიღვივებდნენ ფუჭ ცნობისნადილს, და მე დღითი-დღე მიმძაფრდებოდა სურვილი, საკუთარი თვალით მენახა ჩემთვის უცნობი სანახაობა - მონიჭულთა თამაშობანი. ამ სანახაობათა გამმართაფნი ისეთ დიდ წარმატებას აღწევენ<sup>36</sup>, რომ ერთია თითქმის ყველას საფიქრალი და საბრუნავი: ადრე თუ გვიან, თავიანთ ადგილას იხილონ საკუთარი ნაშიერნი, მაგრამ, ამასთანავე, სულაც არ ანუხებთ ის ამბავი, რომ მათ საყვარელ ნაშიერთ ცემითა ხდიან სულს, თუკი ამ სანახაობათა გადამკიდენი სწავლაში მოიკოჭლებენ. რადგანაც მშობლების მიზანი მხოლოდ ისაა, რომ სწავლა-განათლებამ, როცა იქნება, მათ შეილებსაც შეაძლებინოს ამნაირ სანახაობათა გამართვა. დახედე ამას, უფალო, შენი მონყალე თვალით დახედე, და გვიხსენი

პირას რომ თამაშობს და უხარია, თუკი შემთხვევით ლამაზ კენჭს, ან ფერად ნიუარას იპოვის, მაშინ როდესაც მის წინაშე გადაშლილია ჭეშმარიტების უკიდევანო ოკეანე (იხ. В.Гейзенберг, Шаги за горизонт, М., 1957, стр. 291).

<sup>36</sup> გლადიატორთა ბრძოლებსაც და საციროლო ასპარეზობებსაც ქალაქის უმაღლესი მოხელენი აწყობდნენ.

შენი მხმობელი; ჩვენც და ისინიც, ვინც ჯერ კიდევ არ გიხმობენ; რათა გიხმონ და, ამრიგად, იხსნა ისინიც.

XI

17. ჯერ კიდევ ბავშვი ვიყავი და უკვე მესმოდა, რომ არსებობს საუკუნო სიცოცხლე, რომელიც აღგვეთქვა იმის წყალობით, რომ უფალმა ღმერთმა ჩვენმა დაიმცრო თავი და არ ითაკილა ჩვენს ქედმაღლობამდე დამდაბლებულიყო. მე მისი ჯერის ნიშნით ვიყავი აღბეჭდილი და მისივე მარილით ნამარილევი<sup>37</sup> დედის საშოდან გამოსვლისთანავე, ხოლო დედაჩემის ყველაზე დიდი სასოება უფალი იყო. ხომ შენი თვალთ გინახავს, ღმერთო, როგორ დამრია ერთ დღეს ხელი სრულიად უმწეო ბაღს მუცლის საშინელმა გვრემამ, რომელმაც ლამის სიკვდილის პირას მიმიყვანა; ხომ შენი თვალთ გინახავს, ღმერთო ჩემო, რადგანაც იმთავითვე შენ იყავი ჩემი მფარველი, - რა გულმხურვალედ ვევედრებოდი ღვთისმოსავ დედაჩემსა და ყველა მორწმუნის საერთო დედას - ეკლესიას, სასწრაფოდ მოვენათლეთ შენი ქრისტეს, ჩემი ღმერთისა და უფლის სახელით. და ჩემი ხორციელი დედა, ვის უმანკო გულშიაც არათერს შეეძლო ჩაეჭრო ჩემი საუკუნო ხსნის იმედი და შენდამი ურყევი რწმენა, მწუხარებისაგან შეშლილი სახით ცდილობდა რაც შეიძლება სწრაფად მოვენათლე, რათა შენს წმინდა საიდუმლოს ვზიარებოდი და ამრიგად ჩამომერეცხა ჩემი ცოდვები, - რომ მოულოდნელად მოვჭობინდი და სააქაოსაკენ ვიბრუნე პირი. ამრიგად, ჩემი განწმენდა გადაიდო, თითქოს აუცილებელი იყო, რომ, რახან ცოცხალი დავრჩი, უფრო მეტად ამოვსვრილიყავი მწვირეში; როგორც ჩანს, ასე ინება თვითონ განგებამ, რადგანაც განწმენდის შემდეგ ჩადენილ დანაშაულთა მწვირე უფრო მძიმე შეცოდებად შემერაცხებოდა. ამრიგად, მე უკვე მწამდა, სწამდა დედაჩემსაც და მთელ სახლეულსაც, გარდა მამაჩემისა, თუმცა მან ვერ დამაუწყებინა ღვთისმოსაობის დედისეული გაკვეთილები და ვერც ქრისტეს რწმენაზე ამაღებინა ხელი, რომელიც ჯერ კიდევ უცხო იყო მისთვის. დედაჩემის ძალისხმევას უნდა ვუმაღლოდე, უფალო, რომ მამად უმაღლ შენ მეგულვი, ვიდრე ჩემი ხორციელი მამა, და ეს შენი შეწევნით მოხდა, შენ მიეც ძალა ქმრის ძლევისა, ვისაც, თავისი ზნეობრივი უპირატესობის

<sup>37</sup> „ეს იყო ეგრეთ წოდებული „ნათლობისწინა რიტუალის აღსრულება“, რაც შემდეგნაირად ხდებოდა: ბავშვს ახნა მოზრდილს ჯვარს გადასახვედნენ და მარილის მნიკვს მისცემდნენ. ის, ვისზედაც ამ რიტუალს აღასრულებდნენ, უკვე კატიხუმენთა, ესე იგი, იმათ რიცხვს მიეკუთვნებოდა, ვისაც შეეძლო ნათლისღების საიდუმლოს ზიარებოდა. ბავშვს, ჩვეულებრივ, სრულწლოვანების მიღწევამდე არ ნათლავდნენ: მიაჩნდათ, რომ ნათლისღებით მანამდე ჩადენილი ყველა ცოდვა მიეტევებოდა ადამიანს და ამიტომაც არ ჩქარობდნენ მის მონათვლას. მაგრამ IV ს. ეკლესიის მამებმა დაუინებთ მოითხოვეს, რომ ბავშვებიც მოენათლათ, და V საუკუნეში უკვე ჩვევად იქცა მათი მონათვლა“ (იხ. „აღსარებათა“ რუსული თარგმანის შენიშვნები, დასახ. გამოც. გვ. 229).

მიუხედავად, უსიტყვოდ ემორჩილებოდა, რადგანაც ამით ის ემორჩილებდა შენ, რომელმაც ქმრების მორჩილება უბრძანე ცოლებს<sup>38</sup>.

18. მითხარი, ღმერთო ჩემო, მინდა ვიცოდე, რა მიზნით გადაიღო მაშინ ჩემი ნათლობა: ჩემდა სასიკეთოდ მოხდა თუ საეკლესიოდ, რომ ჩემი უკეთური მიდრეკილების სადავე მიშვებულ იქნა? ან, იქნებ, არც მიუშვიათ? რაგომაა, რომ დღესაც ყურს მიბურღავს ხან ერთი და ხან მეორე მოყვასის მისამართით თქმული სიტყვები: გაუშვი, რაც უნდა, ის ქნას, ჯერ კიდევ მოუნათლაფიაო. როცა საქმე სხეულის ჯანმრთელობას ეხება, მაშინ ხომ არავინ იტყვის: გაუშვი, თავში ქვა უხლია, ჯერაც არ მორჩენილაო. რამდენად უფრო უმაღლ და უკეთ განვიკურნებოდი, ამაზე მე თვითონ რომ მეზრუნა, ჩემიანებთან ერთად, რათა შენი მთარველობით მესხნა სული, რადგანაც მხოლოდ შენა ხარ ჩვენი მხსნელი და მთარველი. რა თქმა უნდა, ასე აჯობებდა. მაგრამ რა საშინელმა ქარიშხალმა უნდა გადაიქროლოს იმის თავზე, ვინც უკან იტოვებს ბავშვობის ასაკს, ეს დედაჩემმა უკვე იცოდა, და ამიტომაც ამჯობინა, რომ ქარიშხალს თავის სათამაშოდ ექცია მგვერი, რომელიც შემდეგ შეიძლებოდა კაცად ქცეულიყო, - ვიდრე ხატება ღვთისა<sup>39</sup>.

## XII

19. ჩემს სიყმანვილეში, რომელიც ნაკლებ შიშს მინერგავდა, ვიდრე სიჭაბუკე, გულს ვერ ვუდებდი სწავლას, თუკი არ მაიძულებდნენ მემეცადინა. იძულებით კი, იცოცხლე, მაიძულებდნენ, და ეს სასიკეთო გამოდგა ჩემთვის, თუმცა მე თვითონ ცუდად ვიქცეოდი: რომ არ ვეიძულებინეთ, საერთოდ ხელს ავიღებდი სწავლაზე, ვინ აკეთებს რაიმეს კარგად, თუ ეს მის ნება-სურვილს ეწინააღმდეგება, - კარგ საქმესაც რომ აკეთებდეს? ცუდად იქცეოდა ყველა, ვინც მაიძულებდა მემეცადინა, მაგრამ თუ ეს იძულება სასიკეთო გამოდგა ჩემთვის, ამას მხოლოდ შენ უნდა გიმადლოდე უფალო. მათ მხოლოდ ერთი მიზანი ამოძრავებდათ: საშუალება მოეცათ ჩემთვის, რამენაირად დამეცხრო სიხარბის უძლები სურვილი და მათხოვრული სიმდიდრისა და სამარცხვინო დიდების მოსახვეჭად გამომეყენებინა ის, რის სწავლასაც მაიძულებდნენ. შენ კი, „ვისაც ჩვენი თმებიც სათითაოდ დათვლილი გაქვს“<sup>40</sup>, ჩემს

<sup>38</sup> იხ. I პეტრე, III, 1.

<sup>39</sup> შდრ. დაბად. II, 7: „და შექმნა უფალმა ღმერთმა კაცი მიწის მტვრისაგან“. „აღსარებათა“ ბოლო თავში (XIII, XII, 13) ნეტარი ავგუსტინე, ალევორიული მეთოდის თანახმად, „მიწას“ აიგივებს „ხორციელ კაცთან“, წმიდა მოძღვრების წყალობით რომ იღებს „ფორმას“, რაც ნათლით მოსავეს და სულიერებას ანიჭებს მას.

<sup>40</sup> მათე, X, 30.



სასარგებლოდ იყენებდი მათ შეცდომას, ვინც მაიძულებდა მესწავლა, ხოლო ჩემს საკუთარ ცთომილებას - სიზარმაცეს - საიმედოდ, რომ დაგესაჯე, რასაც სავსებით ვიმსახურებდი, მე - პატარა ბიჭი და დიდი ცოდვილი. ასე, იმათი მეშვეობით, ვინც ცუდად იქცეოდა, მევე მწყალობდი, ხოლო ჩემი საკუთარი ცოდვებისთვის სამართლიანად მომაგებდი სანაცვლოს. აკი შენ ბრძანე, - და ასეცაა, - რომ ყოველი აღვირახსნილი სული თავის თავშივე იმარხავდეს საკუთარ სასჯელს<sup>41</sup>.

### XIII

20. მაგრამ რა იყო იმის მიზეზი, რომ ასე ძალიან მძულდა ბერძნული, რომლითაც სიერმიდანვე მჭყიპავდნენ? მართალი გითხრათ, დღესაც არ ვიცი. ლათინური კი მიყვარდა, მაგრამ არა ის, რასაც დანყებით სკოლებში ასწავლიან, არამედ ეგრეთწოდებულ გრამატიკოსთა გაკვეთილები<sup>42</sup>. წერა-კითხვისა და ანგარიშის სწავლა თავდაპირველად ისევე ძნელი და აუტანელი მეჩვენებოდა, როგორც ბერძნული<sup>43</sup>. რა უნდა ყოფილიყო ამის მიზეზი, თუ არა ცოდვა და ცხოვრებისეული ამაოება? რადგანაც მე ვიყავი „ხორცი და ცთომილი სული, უკან რომ არ შემოიქცევა“<sup>44</sup>. და მაინც, ეს პირველდანიყებითი სწავლა, რამაც, ბოლოს და ბოლოს, საშუალება მომცა სხვისი ნაწერიც მეკითხა და თვითონაც მწერა, რაც კი მომეპრიანებოდა, გაცილებით უფრო უკეთესი და სასარგებლო იყო, ვიდრე ის გაკვეთილები, სადაც მაიძულებდნენ დამეზუთხა ვიღაც ენეასის<sup>45</sup> ხეციალი და, ამრიგად, დამევიწყებინა ჩემი

<sup>41</sup> ნეტარი ავგუსტინეს მიხედვით, სასჯელი არასოდეს არ არის თვითნებური და ზეგარდამო მოვლენილი: ის ბრალის იმპანენტურია და მისგანვე იღებს დასაბამს.

<sup>42</sup> რომის იმპერიაში (მეტროპოლიაშიც და პროვინციებშიც) სწავლა-განათლების სრული კურსი სამ საფეხურს, სამ ეტაპს მოიცავდა: ეს იყო - ა) დანყებითი სკოლა, სადაც სწავლობდნენ წერა-კითხვას და არითმეტიკას; ბ) გრამატიკული სკოლა, სადაც ძირითადად კითხულობდნენ რომაული და ბერძნული მწერლობის კლასიკოსებს და საფუძვლიანად არჩევდნენ მათ ტექსტებს, რასაც უშუალოდ ერწყმოდა გრამატიკის, სტილისტიკის, მეტრიკის, მუსიკის, ისტორიის, რელიგიის, მითოლოგიის, გეოგრაფიისა და სხვა საგანთა სწავლება; და ბოლოს, გ) რიტორიკული სკოლები, სადაც ჭაბუკები მჭევრმეტყველების ხელოვნებას ეუფლებოდნენ და ორატორის პრესტიჟული კარიერისათვის ემზადებოდნენ (დანვრილებით იხ. M. Сергеевко, Жизнь древнего Рима, М.-1, 1964, стр. 169-191).

<sup>43</sup> „დღემდე დაობენ იმის თაობაზე, იყოდა თუ არა ნეტარმა ავგუსტინემ ბერძნული. თვითონვე ამბობდა ხოლმე, თითქმის სრულიად არ ვიცი ეს ენა („პეტრილიანეს წინააღმდეგ“, 2, 38, 91). მაგრამ საეჭვოა, რომ ეს მართლაც ასე ყოფილიყო. გრამატიკული სკოლებიდან მოყოლებული სწავლება ორენოვანი იყო, და ავგუსტინეც, ეს ნიჭიერი ჭაბუკი, იმდენად მაინც დაეუფლა ბერძნულ ენას, რომ ცოდნის ეს მარაგი სავსებით საკმარისი აღმოჩნდა მისთვის, რათა შემდეგ ერთმანეთისათვის შეედარებინა ბიბლიის ლათინური თარგმანი და ბერძნული ორიგინალი (სამოცდაათი განმმარტებლის თარგმანი). თუმცა ბერძნული ყოველთვის უცხო იყო მისთვის, ისევე, როგორც ელინისტური კულტურა: ბერძენ კლასიკოსებს საერთოდ არ კითხულობდა, წარმართი ფილოსოფოსებისა და აღმოსავლური ეკლესიის მამათა თხზულებებიდან კი მხოლოდ იმას იცნობდა, რაც ლათინურად იყო თარგმნილი“ (იხ. „ღლსარებათა“ რუსული თარგმანის შენიშვნები, დასახ. გამოც. გვ.230).

<sup>44</sup> ფსალმ. 77,39.

<sup>45</sup> ენეასი - ვერგილიუსის „ენეიდას“ მთავარი გმირი, ქალღმერთ აფროდიტესა და დარდანიელთა მითური მეფის ანქისის ძე, ტროას მეფის პრიამოსის სიძე; ცოლად ჰყავდა მისი ასული კრეუსა, ვისგანაც შეეძინა ასკანიოსი (იოლოსი - რომაელ იულიუსთა საგვარეულოს ლეგენდარული მამამთავარი). ტროას დამხობის შემდეგ თავისი ღვთაებრივი დედის რჩევით ცოლ-შვილითა და ახლობლებითურთ მიატოვა ცეცხლმოდებული ქალაქი, რათა თავისი შორეული წინაპრების ოდინდელ საშობლოში - იტალიაში გადასახლებულიყო. გზაში დაეღუპა მამა და მეუღლე. კართაგენს ჩასული დიდი პატივით მიიღო იქაურმა დედოფალმა დიდონამ, რომელსაც თავდავინყებით შეუყვარდა იგი. ქალი ყოველნაირად ცდილობდა სამუდამოდ კართაგენში დაეტოვებინა მიწური. მაგრამ თავისი აღთქმის ერთგულმა

საკუთარი ხეგიალი ცოდვისა და ცთომილების გზით; მღუღარე ცრემლებით დამეცირებინა დიდონა<sup>46</sup>, სიყვარულის გამო რომ მოიკლა თავი, მაშინ როდესაც მე უბედურს ერთი ცრემლიც არ გადმომეარდნია ჩემი სულიერი სიკვდილის გამო, რაშიაც ბრალი მიუძღოდა ამ აბდაუბდას, შენს თავს რომ მაშორებდა, ღმერთო ჩემო, სიცოცხლე ჩემო.

21. ვინ იქნება იმ საბრალოზე უფრო საბრალო, ვისაც თავისი თავი კი არ ებრალება, არამედ დიდონას დასტირის, ენესადმი სიყვარულის გამო რომ მოიკლა თავი; დიას, დიდონას დასტირის და არა თავის საკუთარ სიკვდილს, რისი მიზეზიც ის გახდა, რომ არ მიყვარდი, უფალო, ჩემი გულის ნათელი, ჩემი სულის პურო, ჩემი გონების ცხოველმყოფელო ძალავ და აზრის სიქადული. არ მიყვარდი და გლაღატობდი, ხოლო ჩემს ღალატს სიხარულის ყიჟინით ხვდებოდა ხალხი. სანუთროს სიყვარული შენი ღალატია<sup>47</sup>, და როცა ამ ღალატს სიხარულის ყიჟინით ეგებებიან, მხოლოდ იმიტომ, რომ კაცს შერცხვეს, ვაითუ ისე არ ვიქცევი, როგორც იქცევიან სხვებიო. ჰოდა, მეც ჩემს უბედურებას კი არ დავგიროდი, არამედ დიდონას, რომელმაც „დანა დაიცა და მიაშურა ჩვენს უკანასკნელ ადგილსამყოფელს“<sup>48</sup>; მეც ასევე ვეშურებოდი შენს უკანასკნელ ქმნილებათა შორის ტრიალს, - მე, შენთვის ბურგის მქცეველი, მინა, მინადვე მიქცეული. ჩემი ნამება მაშინ გენახათ, ამნაირი არაკების კითხვა რომ აეკრძალათ, რადგანაც ვერ შევძლებდი მეკითხა წიგნი, რომელიც გამანამებდა. და მთელი ეს სიშლევე უფრო მეტად ფასობს და უფრო ღრმა განსწავლულობის ნიმუშად ითვლება, ვიდრე წერა-კითხვის შესწავლა.

22. უფალო, ახლა კი, დაე, აიმაღლოს ჩემს სულში ხმა და მითხრას შენმა სიძარტლემ: „არ არის ასე, არ არის ასე“. არა, დანყებითი განათლება უმჯობესია. მე, ჩემდა თავად, მზადა ვარ უძალ დაფიფინყო ენესის ხეგიალი და სხვა მისთანანი, ვიდრე წერა და კითხვა, გრამატიკოსთა სკოლების ბჭებე ფარდებია ჩამოშვებული, მაგრამ ეს მონინების აღმძვრელ საიდუმლოებათა ნიშანი როდია, არამედ ცთომილების საბურველი<sup>49</sup>. დაე, ნუ აყაყანდებიან

ენესმა ყურად არ ილო ქალის ვედრება და იტალიისაკენ გასწია. სასონარკვეთილმა დიდონამ ვერ აიტანა მიჯნურთან განშორება და თავი მოიკლა.

<sup>46</sup> დიდონა - იხ. ზემო შენიშვნა.

<sup>47</sup> შდრ. იაკ. IV, 4: „...ნუთუ არ იცით, რომ ამ ქვეყნის სიყვარული მტრობაა ღვთისა? ამიტომ ვისაც სურს ამ ქვეყნის მოყვარე იყოს, ღვთის მტრად იქცევა“.

<sup>48</sup> იხ. ვერგილიუსი, „ენეიდა“, VI, 457.

<sup>49</sup> თავის ზემოთ დასახელებულ ნიგნში „ძველი რომის ცხოვრება“ (გვ. 169-170) მსერგეენკო ასე ავგინერს დანყებითი სკოლის მასწავლებლის უღიმღამო და უბადრუკ ყოფას: „...მას არა აქვს უფლება „მასწავლებლად“ (ლათ. professor ინოდებოდეს). ის მხოლოდ „სასკოლო ზედამხედველი“ თუ „სკოლის უფროსია“ (magister). მაღალბურგიანი სავარძელი და კათედრა მისი საქმე არ არის: ამნაირ სავარძელში მხოლოდ „გრამატიკოსი“ ან რიტორი თუ შეიძლება იჯდეს. მასზე არ ვრცელდება პრივილეგიები, რომლებსაც საშუალო თუ უმაღლესი სკოლის მასწავლებლებს ანიჭებს იმპერატორი. მისი ხელფასი უბადრუკია, და მასწავლებელმა აქედანაც უნდა გამოყოს თანხა,

ჩემს წინააღმდეგ ისინი, ვისიც უკვე აღარ მეშინია, ვიდრე აღსარებას გეუბნები, ღმერთო ჩემო, და გიმჟღავნებ, რა სურს ჩემს სულს: მე ვმშვიდდები, როცა ვგძობ ჩემი ცთომილების გზას, რათა შენი წრფელი გზა შევიყვარო. დაე, ნუ აყაყანდებიან ჩემს წინააღმდეგ კაბმულსიგველობის ნიმუშთა მყიდველნი და გამყიდველნი: მე რომ ავდგე და ამ კითხვით მივმართო მათ, ენეასი ოდესღაც მართლა ჩავიდა კართაგენში, როგორც პოეტი ამტკიცებს-მეთქი, ნაკლებად განათებულნი მიპასუხებენ, არ ვიცითო, უფრო ღრმად განსწავლულნი კი დაბეჭითებით იცყვიან, არა, არ ჩასულაო. მაგრამ თუ ვიკითხე, რა ასოებით იწერება სახელი „ენეასი“, წერა-კითხვის ყოველი მცოდნე სწორ პასუხს გამცემს, იმ შეთანხმების შესაბამისად, რომლის მიხედვითაც ადამიანებმა დაადგინეს ამ ნიშნების მნიშვნელობა<sup>50</sup>. ხოლო თუ ამ კითხვასაც დავუხვამ მათ: რა უფრო საზიანო იქნება თქვენთვის, წერა-კითხვის დავიწყება, თუ ამ პოეტური გამონათქვამისა-მეთქი, განა თავისთავად ცხადი არ არის, რასაც მიპასუხებს ყველა ჭკუადაძვარი კაცი?

მაშასადამე, პატარაობისას ვცოდავდი, რაკილა ცრუ არაკები მერჩია ჩემთვის ესოდენ სასარგებლო გაკვეთილებს, ან, უფო სწორად, როცა მიყვარდა პირველნი და მძაგდა მეორენი. „ერთი და ერთი ორია; ორი და ორი - ოთხი“, - ჭირის დღესავით მძულდა ეს ინილო-ბინილო<sup>51</sup>, სამაგიეროდ წარმოსახვა გვბებოდა ფუჭი და მაცთური ხილვებით: ხის ცხენი, შიგ მიძალული მეომრები, გროის ხანძარი და „თვით კრეუსას აჩრდილი“<sup>52</sup>.

#### XIV

23. მაშ, რატომ მძულდა ბერძნული მწერლობა, რომელიც ამნაირი არაკებითაა საესე? ჰომეროსი ხომ ისე ოსტატურად თხზავს მათ და, მთელი თავისი ამაოების მიუხედავად, ჯადოქრული ხიბლითა და უებრო სიტყვებით გვაბრუებს<sup>53</sup>, მაგრამ ჩემთვის, პატარა

რათა შენობა დაიქირავოს თავისი სკოლისათვის. რა თქმა უნდა, ამნაირ სკოლაში ამაოდ დაუნყებთ ძებნას მყედროებას და ვერც თვალისთვის სასიამოვნოს ჰპოვებთ რასმე: მასწავლებელი ფარდულსა თუ სახელოსნოს იქირავებს, სადაც თავისთვის სკამს დაიდგამს, შევირდებისთვის კი მერხებსა თუ ტაბურეტებს ჩამოამწკრივებს; პატარებს მავიდებიც არა სჭირდება: მერხებზე მსხდომთ მუხლებზე ფირფიტები უდევთ და ასე წერენ. ზოგჯერ მასწავლებელს თვით ამნაირი შენობის დასაქირავებლადაც არ ჰყოფნის ფული, და მაშინ პირდაპირ ღია ცის ქვეშ, ფორუმის პორტიკთან სხნის თავის სკოლას, ხოლო მის მოწაფეებს ყურადღება რომ არ გაეფანტოს, ფორუმისაგან ფარდით გამოჰყოფს მასწავლებელს. სწორედ ამნაირ სკოლას ვხედავთ ჰომეროსის ერთ-ერთ ფსკერზე...“ ამ ფარდებჩამოფარებულ საკლასო „ოთახს“ ნეტარი ავგუსტინე ირონიულად ადარებს წარმართული ტაძრების საიდუმლო სენაკებს (cellae), სადაც სათაყვანებელ ღვთაებათა გამოსახულებებს დგამდნენ.

<sup>50</sup> იგულისხმება ასო-ნიშნები.

<sup>51</sup> დაწყებით სკოლებში მოწაფეებს ამ მეთოდით ასწავლიდნენ თვლას და ანგარიშს.

<sup>52</sup> იხ. ვერგილიუსი, „ენეიდა“, II, 772.

<sup>53</sup> ჰომეროსის სწავლება სავალდებულოდ ითვლებოდა როგორც დაწყებით, ისე გრამატიკულსა და რიტორიკულ სკოლებშიც. „ყველაფრის დასაწყისი, შუაგული და დასასრული არის ჰომეროსი; - წერდა დიონ ქრისტოტომი (ოქროპირი), - ყმაწვილსაც, მოწიფულსაც

ბიჭისათვის, ის მაინც მწარე იყო. მე მგონია, ასეთივე მოეჩვენებოდათ ბერძენ ბიჭუნებს ვერგილიუსიც, თუკი აიძულებდნენ ისევე ესწავლათ იგი, როგორც მე მაიძულებდნენ ჰომეროსის სწავლას. ჩემის აზრით, სიძნელე, რომელიც განუხრელად თან ახლავს უცხო ენის შესწავლას, დიახ, სწორედ სიძნელე იყო, რომ მიწამლადა და თითქოს ნაღველს ურევდა ბერძნული არაკების სიგებობას. ჯერ ერთი ბერძნული სიტყვაც არ ვიცოდი, მე კი ნამდვილი სულთამხუთავეებით მადგნენ თავზე და მაიძულებდნენ სასწრაფოდ მესწავლა ეს ენა, ისე, რომ სულის მოთქმის საშუალებასაც არ მაძლევდნენ და თანაც სასტიკი სასჯელით მემუქრებოდნენ<sup>54</sup>.

იყო დრო, როცა, სულ პანანინამ, არამცთუ ბერძნული, ერთი ღერი ლათინურიც არ ვიცოდი, მაგრამ ჩემით ამოვიდგი ენა, გადიების ხვევნა-კოცნასა და სიცილ-კისკისში, გადიებისა, ენას რომ მიჩლექდნენ, გულში მიკრავდნენ და მიაღერებდნენ. ასე, თითქოს თამაშ-თამაშით ვისწავლე ლაპარაკი, ყოველგვარი შიშისა და ძალდატანების გარეშე; მხოლოდ გული მაიძულებდა სიტყვით გამომეხატა სათქმელი, რაც შეუძლებელი იქნებოდა, ის სიტყვები რომ არ მესწავლა, რომელთა მეშვეობითაც ჩემიანებს ვაგებინებდი, რასაც ვთქვობდი; მაგრამ ამას მასწავლებლებს კი არ ვუმაღავდი, არამედ ჩემს ახლობდლებს, რომელთა ლაპარაკიც ყოველდღე ჩამესმოდა ყურში. აქედან აშკარაა, რომ ენის შესწავლისას თავისუფალი ცნობისმოყვარეობა გაცილებით უფრო მეტს ნიშნავს, ვიდრე მრისხანე აუცილებლობა. მაგრამ პირველს ჰბოჭავს და გასაქანს არ აძლევს მეორე, თანახმად შენი კანონისა, უფალო, რომელიც, მასწავლებლის წკეპლით დანყებულნი და მარტვილის ცთუნებით

და ბერიკაცსაც ის აძლევს იმდენს, რამდენის მიღებაც შეუძლია თვითულ მათგანს. ლირიკა, ელეგია, იამბები, დიოთირამბები ძალზე მნიშვნელოვანია იმისთვის, ვისაც ბევრი თავისუფალი დრო აქვს; მაგრამ ვისაც განუზრახავს, ერთსა და იმავე დროს, პრაქტიკულ მოღვაწეობას მისდიოს, გაითვართოვოს სარბიელი და გაიმდიდროს ცოდნა, ყველაფრისათვის ნამდვილად არ ეყოფა დრო“ („სიტყვიერების ხელოვნებაში განაფვისათვის“, 8).

<sup>54</sup> საუკუნეების შემდეგ სასწავლებლებში გამეფებულ სისასტიკეს, დაუნდობლობას და ცემა-ტყეპას ასევე გადაჭრით გამოხდა დიდი ფრანგი ჰუმანისტი და მოაზროვნე მიშელ მონტენიც (1533-1592 წ.): „ჩვენი კოლეჯები ხომ ნამდვილი სატუსალოებია, სადაც ჩვენი მომავალი თაობა გვყავს გამოწყვედილი. საბრალო მოსწავლეებს განუკითხავად ამახინჯებენ და ასახიჩრებენ, ვინაიდან მანამდე სჯიან, სანამ სანაშულის ჩადენას მოასწრებდნენ. კეთილ ინებეთ და მეცადინეობისას შეაღეთ ნებისმიერი კოლეჯის კარი: ვერაფერს გაიგონებთ, ყვირილის გარდა; ყვირიან მოსწავლეები, რომლებსაც წკეპლით უჭრებდნენ ზურგს, ყვირიან რისთვის ცნობამიხილი და გაცოფებული მასწავლებლები. განა შეიძლება ამ გზით სწავლის სიყვარული აღუძრა ნორჩებს? განა შეიძლება წკეპლით ხელში და რისხვით შემოიღონ სახით მწყემსო და წინ წაუძღვე შემკრთალსა და შემინებულ უმანკო სულებს? დამაქცევია ეს გზა და დამღუპველი! აქვე მინდა შეგახსენოთ კვირტილიანეს სასვებით სამართლიანი შენიშვნა: მასწავლებელს ამ უსაზღვრო და შეუზღუდავ ძალაუფლებას საშინელი შედეგი მოსდევს, მით უმეტეს, თუ გავითვალისწინებთ, რა სასტიკი განაჩენის გამოტანის უფლებაც ეძლევა მას. რამდენად უფრო მართებული იქნებოდა ფოთლებითა და ყვავილებით მოგვეფინა საკლასო ოთახების იატაკი, გასისხლიანებული წკეპლების ნაცვლა! ჩემი ნება რომ იყოს, განკარგულებას გავცემდი, სიხარულის, სახალისის, ფლორასა თუ გრაციების გამოსახულებით შეემკოთ საკლასო ოთახების კედლები, როგორც ფილოსოფოს სპეციალს შეუძვია თავისი სკოლა“ („ესსეები“, I, XXVI, ბავშვების აღზრდისათვის).



დამთავრებული, თანაბრად განსაზღვრავს ყველაფერს და იძულების მწარე წამალს ჩვენდა სასიკეთოდ უბავეს განცხრომის ტკბილ სანამლავს, რომელიც შენგან გვაშორებს.

## XV

24. „შეისმინე, უფალო, ჩემი ვედრება“<sup>55</sup>: დაე, ნუ შედრკება ჩემი სული შენი სიმკაცრის წინაშე; დაე, ნუ შევდრკები მე, როცა შენს წინაშე ვალიარებ შენსავე გულმონყალებას, რომლის მეოხებითაც განმარიდე ყოველგვარი საცთურს. იყავ ჩემთვის ყველა ცთუნებაზე უტკბესი<sup>56</sup>; დაე, შეგიყვარო მთელი ჩემი არსებით; დაე, გული შევანებო შენს მონყალე ხელს. მიხსენი ყოველგვარი ცთუნებისაგან თვით უკანასკნელ ამოსუნთქვამდე<sup>57</sup>. აჰა, უფალო, „მეუფეო ჩემო და ღმერთო ჩემო“<sup>58</sup>: დაე, გემსახუროს ყოველივე კეთილი, რაც სიყმაწვილისას შემისწავლია, ჩემი სიგყვაც, წერა-კითხვაც და ანგარიშიც, როცა ფუჭსა და ამაო მეცნიერებას ვეუფლებოდი, შენ მიწინამძღვრე და მომიტევე ჩემი ცოდვები: პატივმოყვარული გატაცება მთელი ამ ამაოებით. მე ხომ ასე ვისწავლე ბევრი სასარგებლო სიგყვა, თუმცა შეიძლებოდა სხვანაირადაც მესწავლა, ისე, რომ ამდენი ღრო არ შემენირა ესოდენ ფუჭი საქმისათვის; აი, წრფელი გზა, რომელსაც უნდა მიჰყვებოდნენ ბავშვები.

## XVI

25. ვაი შენდა, კაცთა ჩვეულებების შმაგო ნაკადო! ვის შეუძლია წინ აღვიდგეს? როდის, მაინც როდის დაშრები? როდემდის წარიტაცებ ევას ნაშიერთ, რათა უკიდევანო და ბობოქარ ზღვას შერთო ისინი, რომლის გადასერა თვით ხომალდზე<sup>59</sup> მსხდომ ზღვაოსნებსაც კი უჭირთ? განა შენს ტალღებში მოტივტივე არ ვკითხულობდი მესთამტეხი და მემრუშე იუბიტერის ამბებს? შეუძლებელია ერთიცი იყო და, იმავედროულად, მეორეც, მაგრამ ასეა

<sup>55</sup> ფსალმ. 60, 2.

<sup>56</sup> შდრ. ნეტარი ავგუსტინე, „მუსიკისათვის“, 6, 16, 52: „სიყვარული ყოველივე წარმავალისადმი შეიძლება ამოძირკვო მხოლოდ იმის საშუალებით, რომ შეიგრძნო სიტკბობა წარუვალისა“.

<sup>57</sup> შდრ. I კორ. I, 8.

<sup>58</sup> ფსალმ. 5, 3.

<sup>59</sup> დედანშია lignum - „ძელი“ - მეტონიური აღნიშვნა ხომალდისა; „ზღვა“ ჩვეულებრივი მეტაფორაა, ცხოვრებას, „ცხოვრებისეულ ზღვას“ რომ გულისხმობს. ხომალდი, რომლითაც შეიძლება ეს ზღვა გადაცურო, ეკლესიასა და ქრისტეს ჯვარს ნიშნავს. ამ ადგილის საუცხოო კომენტარია ნეტარი ავგუსტინეს „იოანეს განმარტებისათვის“, 2, 4: „რატომ აცვეს ჯვარს? იმიტომ, რომ შენთვის აუცილებელია ეს ძელი (lignum) მისი დამდაბლებისა. შენი ამპარტავენების გამო გემინოდა მისი და ამიტომაც მშობლიური მხარიდან შორს ვავიტაცა დინებამ. საერო ტალღებმა ვადარეცხეს მისკენ დასაბრუნებელი გზა; მხოლოდ ამ ხომალდით (lignum) თუ შესძლებ შინ დაბრუნებას. ის თვითონ იქცა გზად, მაგრამ ეს გზა ზღვაზე გადის, ფეხით კი ზღვას ვერ გადალახავ, მხოლოდ ხომალდით თუ გადასერავ მას, მხოლოდ „ძელით“ (ე.ი. „ჯვრით“). გწამდეს ჯვარცმა და შენ დაბრუნდები“ (იხ. რუსული თარგმანის შენიშვნები, დასახ. გამოც. გვ. 230).

ღაწერილი, რათა მისაბამ ნიმუშად გვექონდეს ნამდვილი მრუშობა ყალბი მეხთაგების მაჭანკლობით<sup>60</sup>.

ოჰ, რამდენნი არიან ეს გრძელმოსასხამიანი მასწავლებლები, მაგრამ ვინ, რომელი მათგანი ათხოვებს ყურს მათსავით წარმართული მცვრისაგან მოზელილი კაცის სიტყვებს: „ეს ჰომეროსის გამონაგონია, რომელმაც ღმერთებზე გადაიტანა ადამიანთა თვისებები, მე კი მერჩია ჩვენზე გადმოეგანა ღმერთების სიდიადე!“<sup>61</sup> მაგრამ ის უფრო სწორი იქნებოდა, რომ ეთქვა: ღიახ, ეს ჰომეროსის გამონაგონია, მაგრამ ბინიერ კაცთათვის რომ მიგვეწერა ღვთაებრიობა, არავითარი დანაშაული აღარ ჩაითვლებოდა დანაშაულად, და მისი ჩამდენი გადაგვარებულ კაცთა მიმბაძველი კი არ იქნებოდა, არამედ ცის ბინადარი ღმერთებისაო.

26. და მაინც, ჯოჯოხეთის ნაკადო<sup>62</sup>, შენს ტალღებში ყრიან ადამის ძეთ, რათა ისწავლონ მთელი ეს უკეთურება, და თანაც სწავლის საფასურიც გადაიხადონ! რა დიდი საქმე კეთდება საჯაროდ, რა დიდი საქმე კეთდება ფორუმზე, ჩვენი კანონების პირისპირ<sup>63</sup>, რომლებიც, შეგირდების მიერ გაღებული საფასურის გარდა, ქალაქსაც უწესებენ გასამრჯელო აძლიოს მასწავლებლებს<sup>64</sup>. შენი ტალღებით ეხეთქები კლდოვან კბოდეებს და ზათქით გვამცნობ: „აქ სწავლობენ სიტყვებს; აქ ეუფლებიან მჭევრმეტყველებას, რომელიც აუცილებელია საიმისოდ, რომ კაცთა დარწმუნება და შენი აზრების გამოხატვა შესძლო“. ჩვენ მართლაც ვერსად ვისწავლიდით ამნაირ სიტყვებს: „ოქროს წვიმა“, „წიალი“, „შეცდენა“, „ციური ტაძარი“ და სხვა მისთანანი, ტერენციუსს<sup>65</sup> თავის პიესაში რომ არ გამოეყვანა ერთი აღვირახსნილი აშვიკი, რომელსაც - მას შემდეგ, რაც თვალი შეავლო კედლის მოხატულობას, სადაც უკვდავთა და მოკვდავთა მამა, დანაიდას შეცდენის მიზნით, ოქროს წვიმად ეფრქვევა ქალწულის პოხიერ წიაღს, - იუბიგერი დაუსახავს მრუშობის მისაბამ ნიმუშად. ერთი უყურეთ, რანაირი სიტყვებით აღაგზნებს თავის ბილწ ვნებებს, ციური მოძღვრის მიერ განსწავლული:

<sup>60</sup> კომენტატორთა აზრით, ნეტარი ავეუსტინე აქ ნართაულად უნდა გულისხმობდეს მის თანადროულ რომელიდაც ფარსს.

<sup>61</sup> ეს სიტყვები ციცერონს ეკუთვნის („ტუსკულუმური საუბრები“, I, 26, 65).

<sup>62</sup> „ჯოჯოხეთის ნაკადო“ რომ ამბობს, ნეტარი ავეუსტინე კლასიკური განათლების ჩვეულებრივი პროცესს გულისხმობს.

<sup>63</sup> სასწავლებლებს უპირატესად ფორუმზე ხსნიდნენ (იხ. აქვე, შენ. 49)... ფორუმზევე ჰკიდებდნენ კანონთა ასლებს.

<sup>64</sup> ქალაქი, რომელიც მასწავლებელს იწვევდა, იმპერატორის საგანგებო ბრძანებით დანესებულ ხელფასს უხდიდა მას; გარდა ამისა, მასწავლებელი შეგირდებისგანაც იღებდა სწავლის საფასურს.

<sup>65</sup> ტერენციუსი - სახელგანთქმული რომაელი კომედიოგრაფი (დაახლ. 195-159 ძვ.წ.ა).

„თუ ამას სხადის უკვდავი ღმერთი, გრგვინვით ცის თაღის შემარყეველი, რად არ მივბაძო მეც მის მაგალითს, უბადრუკმა და უჩინო მღიღმა?“<sup>66</sup>

არა, არ არის სწორი, ღმერთმანი, არ არის სწორი, თითქოს ეს სიტყვები უფრო ადვილად გვამახსოვრდებოდნენ მათი ბილწი შინაარსის წყალობით. დამახსოვრებისა რა მოგახსენოთ და უფრო ადვილად კი ჩაგვაღვინებენ იმავე სიბილწეს. მე თვით სიტყვებს კი არა ვგმობ, ამ ძვირფასსა და რჩეულ ჭურჭელს, არამედ შიგ ჩასხმულ ცთომილების ღვინოს, რომლითაც გვიმასპინძლებოდნენ შეზარხოშებული მასწავლებლები. რომ არ დაგვეღია, გავწვებულავდნენ და იმის ნებასაც არ მოგვცემდნენ, რომ ფხიზელი კაცი მოგვეწვია მსაჯულად. და მაინც, ღმერთო ჩემო, მე შემძლია შენს წინაშე მშვიდად და აუბღვრევლად გავიხსენო ყოველივე ეს: მე უბედური სიამოვნებით ვსწავლობდი ამ მაცთურ არაკებს და ვტკბებოდი კიდევ მათი ხიბლით, ამიგომაც იყო, რომ სკოლის იმედს მეძახდნენ და დიდ მოძავალს მიწინასწარმეგველებდნენ.

## XVII

27. ნება მიბოძე, გაგიძღვაწო, უფალო ჩემო, რაწაირ აბდაუბდას ვალევედი შენს მიერ ნაწყალობევე ნიჭსა და უწარს. ისეთ დავალებას მაძლევედნენ ხოლმე, რომ მთელ სულს მიმღვრევდა და მიფორიაქებდა: ასე მაგალითად, მე უწდა წარმომეტქვა განრისხებული იუნონას სიტყვა; ქალღმერთის რისხვა იმით იყო გამონვეული, რომ „ვერ შესძლო იგალიისათვის თავიდან აეცილებინა ტევკრების მეფის შეჭრა“<sup>67</sup>. თუ დავალებას ღირსეულად გავართმევდი თავს, ჭილდოდ ქების შესხმა მელოდა, თუ არა და, სასჯელიც ცნობილი იყო: გაბიაბრუება და განკუბვლა. მე საერთოდ არ გამიგია, რომ იუნონას ოდესმე წარმოეთქვას ამწაირი სიტყვა, მაგრამ ჩვენ გვაიძულებდნენ პოეგურ გამონაგონთა კვალდაკვალ გვებორიალა და პრობაული სიტყვით გადმოგვეცა ის, რაც პოეგს ლექსად გამოეთქვა.

<sup>66</sup> ტერენციუსის ერთ-ერთ კომედიაში „ევსუქი“ ჭაბუკი ქერვა ევსუქის ტანსაცმელში გამოწყობილი შეიპარება ჰეტერა თაისის საწოლ ოთახში, რათა სიყვარული აუხსნას ქალს, და როცა კედელზე ზემოთ აღწერილ სურათს შეაუღებს თვალს, იუპიტერის მიბაძვით, მტკიცედ გადაწყვეტს დაუყოვნებლივ ისარგებლოს ესოდენ ხელსაყრელი შემთხვევით („ევსუქი“, 585-605).

<sup>67</sup> „ტევკრები“ ეწოდებოდათ ტროელებს, მათი პირველი მეფის ტევკროსის სახელის მიხედვით... „ტევკრების მეფედ“ აქ ეწეასი (ინ. შენ. 45) იგულისხმება. ტროელების მიმართ მტრულად განწყობილი იუნონა (ბერძნული მითოლოგიით - ჰერა) ყოველწარად ცდილობდა, რომ ეწეასს თავისი თანამგზავრებითურთ ვერ მიეღწია იტალიისთვის, სადაც მას, ბედის წინასწარგანწინებით, ღიადი სამეფო უწდა დაეარსებინა... ამწაირი „დავალება“, რომელსაც ესოდენ უსიამო გრძნობით იხსენებს ნეტარი ავგუსტინე, ჩვეულებრივი რამ იყო დაწყებითა თუ გრამატიკულ სკოლებში. მონაფეს არა მარტო პროზად უწდა „გარდაეთქვ“ „ენეიდის“ მოცემული ნაწყვეტი (I, 36-75), არამედ, სახელგანთქმული რომაელი ორატორის კვინტილიანეს (დაახლ. 35-100 წ.) სიტყვებით რომ ვთქვათ, „მჭევრმეტყველური ძალმოსილებაც მიენიჭებინა პოეტის აზრისათვის, გაესრულებინა ნაკლები ადგილები, სხარტად და მკაფიოდ ჩამოეყალიბებინა ის, რაც ბუნდოვანი ჩანდა... ეს უწდა ყოფილიყო პოეტთან პაექრობა და ჭიდილი“ („შეგონებანი ორატორის მიმართ“, X, 5, 4-5).

განასკუთრებით აქებდნენ იმას, ვინც შესძლებდა ზუსტად და ხატოვნად წარმოესახა ღვთაების რისხვა თუ მწუხარება, მისი ღირსების შესაბამისად, და სათანადო სიტყვების გარსში მოექცია თავისი აზრი. რა შავ ქვად მიხდოდა ყოველივე ეს, ღმერთო ჩემო, ჭეშმარიტო სიცოცხლე ჩემო?! რა თავში ვიხლიდი იმას, რომ ჩემს სიტყვებს უფრო ერთსულოვანი ტაშით ხვდებოდნენ, ვიდრე ჩემი ცოლებისას თუ თანაკლასელებისას? რა არის ეს, თუ არა კვამლი და ქარი? განა სხვა თემა არსად იყო, რომ იმაში გამეწაფა ჩემი ენაც და გონებაც? შენი ქება-დიდება, უფალო, შენი ქება-დიდება, შენივე წერილის მიხედვით, - აი, რა უნდა ყოფილიყო ჩემი ნორჩი გულის საყრდენი, როგორც ჭიკო - ვაზის ღერწებისა! მაშინ ხომ ასე ადვილად ვეღარ მიიტაცებდა ამაოება, როგორც ონავარი ჩიტების გუნდი იტაცებს ყურძნის მარცვლებს, მეამბოხე ანგელოსებს ხომ სულ სხვადასხვანაირად სწირავენ მსხვერპლს<sup>68</sup>.

## XVIII

28. მაშ, რა გასაკვირია, რომ ნათოცივით მიმაქანებდა ამაოების ნაკადი, და მე თანდათან გშორდებოდი, ღმერთო ჩემო, რათა გარე სამყაროში დაფნთქმულიყავი<sup>69</sup>. მე ხომ ნიშნად მისახავდნენ ადამიანებს, რომლებსაც სირცხვილისაგან ჭირის ოფლს ასხამდათ, თუ ვინმე შენიშნავდა, რომ თავიანთ ქველმოქმედებაზე ლპარაკისას ბარბარიზმი ან სოლეციზმი<sup>70</sup> წამოსცდათ, მაგრამ სიხარულით ცას ეწეოდნენ და მედიდურად იბღინებოდნენ, თუ ვინმე შეუქებდათ სიტყვის სინატიფეს, ენაწელიანობასა და მჭევრმეტყველებას, როცა თავიანთ სასიყვარულო თავგადასავლებს იხსენებდნენ.

<sup>68</sup> ანალოგიის აზრი გამჭირვალეა: ნეტარ ავეუსტინეს არ ჰქონდა რწმენა, ანუ „ჭიკო“ თუ „საყრდენი“. ამიტომაც იყო, რომ მის გულს ისევე ადვილად იტაცებდნენ დაცემული ანგელოზები, როგორც ონავარი ჩიტების გუნდი იტაცებს მიწაზე დაცვნილ ყურძნის მარცვლებს. „ეს ამაყი და უკეთური სულები - ამბობდა ავეუსტინე მათზე, - კეთილსურნელოვანი კვამლით კი არ საზრდოობენ, როგორც ჰგონია ზოგიერთ ბრიყვს, არამედ ადამიანთა შეცდომებით“ („ფაუსტუსის წინააღმდეგ“, 20, 22).

<sup>69</sup> სწორედ ამ „გარე სამყაროში დანთქმისა“ თვლიდა სულიერი დაცემის მიზეზად დიდი ნეოპლატონიკოსი პლატონი (204-270 წ.), რომელმაც პლატონთან (427-347 ძვ.წ.ა.) ერთად გადამწყვეტი ზემოქმედება მოახდინა ნეტარი ავეუსტინეს მსოფლმხედველობის ფორმირებაზე... „წარმოვიდგინოთ მახინჯი სული - უსამართლო, აღვირახსნილი, ათასი ქვენა გრძნობით საესე, მხდალი, ჯაბანი, ღვარძლიანი, მხოლოდ ხრწნადისკენ, წარმავლისკენ მიქცეული, მრუდედ მაგალი, ხორციელ ვნებებს დამონებული, უწმინდურ განცხრომათა ტრფიალი, ღირწებაში ჩამყაყებული. ვიტყვით თუ არა ჩვენ, რომ ეს სიმახინჯე მიემთხვა და მიემთხვას სულს, როგორც ამ ქვეყნად შექმნილი რამ ბოროტება, რომელმაც ბიწით შესვარა ის და ამრიგად მოსწყვიტა სინწინდეს მისი სიცოცხლე და მისი გრძნობები; ვიტყვით თუ არა ჩვენ, რომ ბოროტებასთან შეხებამ და შერევამ შემუსრა მისი ნათელი და უღიმღამო არსებობისთვის, სიკვდილ-სიცოცხლის მიჯნაზე ლასლასისთვის გასწირა იგი. ამიტომაც, რომ ვეღარ ხედავს იმას, რასაც უნდა ხედავდეს სული; ამიტომაც, რომ აღარ ძალუქს თავის თავში განმარტოება, რადგან ვნებები გარეთ ეწევიან ვნებულს, სიმდანლისა და სიბნელისაკენ“ („ენწეადა“, I, 6,5).

<sup>70</sup> ბარბარიზმი („ბარბაროს“ - ასე უწოდებდნენ ბერძნები ყოველივე უცხო, უკულტუროს, ველურს, არაცივილიზებულს) - ამა თუ იმ ენის ბუნებისათვის შეუფერებელი, სხვა ენის ნორმების მიხედვით შექმნილი, ან უცხოურიდან საჭიროების გარეშე შემოსული სიტყვა... სოლეციზმი (წარმოიშობა ბერძნული სიტყვიდან „სოლოიკისმოს“, საიდანაც დასაბამს იღებს ლათინური „სოლეციზმუს“ - კილიკის ქალაქ „სოლოი“-ს მცხოვრებთათვის ნიშნული მეტყველება) - ბარბარიზმის ერთ-ერთი კერძო სახე, ამა თუ იმ ენის სინტაქსისათვის შეუფერებელი, მახინჯი ფორმა.

შენ ხედავ ამას, უფალო, ხედავ და ღუმხარ, „სულგრძელო, გულმონყალევი და სამართლიანი“<sup>71</sup>. აი, ახლაც საბარელი უთესურულიდან ამოგყავს სული<sup>72</sup>, რომელიც გეძებს, რადგან შენი სიგებო სწყურია, და გულში ამბობს: „შენს სახეს ვეძებდი, უფალო; და კვლავაც განუწყვეტლივ უნდა ვეძებო“<sup>73</sup>. მაგრამ რა შორსაა შენი სახისაგან ის, ვინც ვნების პირქუშ მორევში დანთქმულა. როცა გმორდებიან და ხელახლა გიბრუნდებიან, აქ არც მათი ნაბიჯები იგულისხმება და არც თქვენი გამყოფი სივრცე. განა შენი უმრწემესი ძე ცხენებს, ეგლს ან ხომალდს ეძებდა? განა ხილული ფრთებით გაფრინდა, ან ფეხით გაუდგა გზას, რათა შორეულ მხარეში გაეფლანგა და გაენიაგებინა მთელი თავისი ავლადიდება, რომელიც წასვლის წინ უბოძე, გვბილო მამაო, რათა უფრო მეტად შეგეგებო უკანვე შემოქცეული?<sup>74</sup> არა, ბილწი ვნებების მორევში იყო დანთქმული, და ამიგომაც შორს იყო შენი სახისაგან.

29. უყურე, უფალო, შენი ჩვეული მოთმინებით უყურე, რა გულმოდგინედ ცდილობენ ადამის ძენი მკაცრად დაიცივან ეს წესები, ასოებსა და მარცვლებს რომ ეხებიან, წესები, რომლებიც თავიანთი მასწავლებლებისაგან შეითვისეს, და როგორ უგულვებელყოფენ სულის ხსნის იმ მარადიულ აღთქმას, შენგან რომ მიუღიათ<sup>75</sup>. თუ კაცმა, რომელიც იცნობს, ან სხვებს ასწავლის ამ ძველისძველ წესებს ასოებისა და მარცვლების შესახებ, გრამატიკული კანონების საპირისპიროდ, უმშვინველად წარმოსთქვა სიგყვა „ჰომო“-ს პირველი მარცვალი<sup>76</sup>, ეს უფრო მეტად აღაშფოთებს ხალხს, ვიდრე ის ამბავი, რომ ადამიანმა, შენი აღთქმის საპირისპიროდ, შეიძულოს ადამიანი. თითქოს თვით მოსისხლე მტერიც კი უფრო საშიში იყოს, ვიდრე მის მიმართ გულში მბორგავი სიძულვილი! თითქოს დევნილი მტერი შეიძლება ვინმემ უფრო სასტიკად მონყლას, ვიდრე მღევრის გული - მრისხანებამ დევნილის მიმართ! რა თქმა უნდა, გრამატიკულ წესებს გულში უფრო ღრმად როდი აქვთ ფეხვი გადგმული, ვიდრე იმის

<sup>71</sup> ფსალმ. 102, 8.

<sup>72</sup> შდრ. ფსალმ. 85, 13.

<sup>73</sup> ფსალმ. 26, 8.

<sup>74</sup> ნეტარი ავგუსტინეს ნაზრევში ორგანულად ერწყმის ერთმანეთს სახარებისეული იგავი ძე შვეცლომილის შესახებ (ლუკა, XV, 11 და შმდ.) და პლოტინის „ენნეადების“ ერთი პასაჟი (I, 6, 8). ავგუსტინეს ზოგიერთი ფრაზა თითქოს სიტყვასიტყვით თარგმანია პლოტინის ტრაქტატის მითითებული პასაჟისა: „ამიტომ ის იქნება უკეთესი მრჩეველი და კეთილისმყოფელი ჩვენი, ვინც გვიჩვენებს, გავიქცეთო ჩვენს სამშობლოში. მაგრამ რას ნიშნავს ეს „გავიქცეთო“? როგორ გავიქცეთო? როგორც ოდისეუსი, რომელიც გრძნეულ კირკესს გაეცა და გრძნეულ კალიფსოს, მიუხედავად მთელი სილამაზისა, რასაც ისინი მის მზერას აღუთქვამდნენ და ფიანდაზად უშლიდნენ ფეხქვეშ. ჩვენი სამშობლო კი იქაა, საიდანაც მოვსულვართ, და იქვეა მშობელი ჩვენი. უნდა გავიქცეთო, მაგრამ არა ფეხთა სისწრაფით, რომელთაც მინის ერთი კუთხიდან მეორეში გადავყავართ მხოლოდ, ან ეტლითა თუ კეთილმავალი ნავით; არა, უნდა დავხუჭოთ თვალი, სხვა რამით შევცვალოთ ხორციელი მზერა და გავადვიოთ ის ფარული უნარი, რომელიც ყველა ჩვენგანში თვლემს, მაგრამ რომელსაც ცოტანი იყენებენ მხოლოდ“.

<sup>75</sup> შდრ. ბლემ პასკალი: „კაცის გრძნობელობა ყოველგვარი წვრილმანებისადმი და მისი სრული უგრძობლობა ყოველივე ღიადის მიმართ - სულის უცნაური გახრწნილების ნიშანია“ („აზრები“, დასახ. გამოც. გვ. 238).

<sup>76</sup> ესე იგი „ჰომო“-ს მაგივრად რომ წარმოეთქვა „ომო“. რომაელი სწავლულის ნიგიდიუს ფიგულუსის (I ს. ძვ.წ.ა.) აზრით, მშვინვის ნიშნის უგულვებელყოფა მეტყველებისას კულტურის დაბალ დონეს მონიშნავდა.



შეგნებას, რომ სხვას არ უნდა მოექცე ისე, როგორც არ ისურვებდი შენ თვითონ მოგქცეოდნენ სხვები<sup>77</sup>.

რა იდეალური ხარ „მაღალთა შინა“ მდუმარედ დამკვიდრებულ ღმერთო, ერთადერთო და ღიადო, შენი ურყევი კანონის ძალით სიბრძნევს რომ უვლენ სასჯელად ბილწ გულისთქმათა მონებს! კაცს სურს სახელი მოიხვეჭოს მჭევრმეტყველებით; და, აი, მეორე კაცის - მსაჯულის წინაშე და უამრავი ხალხის თანდასწრებით, გამმაგებელი სიძულვილით უტყვეს თავის მტერს, და თუ საერთოდ უფრთხის რაიმეს, მხოლოდ იმას, რომ არაფერი შეეშალოს, ვთქვათ, უმშვიდველად არ წარმოსთქვას სიტყვა „ჰომო“-ს პირველი მარცვალი<sup>78</sup>, მაგრამ არას დაგიდევთ სულის სიმმაგეს, რასაც შეუძლია ადამიანთა სიიდან ამოშალოს ადამიანი.

## XIX

30. აი, რანაირი ცხოვრების ზღრუბლზე ვიდექი, მე სვედაესილი, და რანაირ ასპარეზზე ვასპარეზობდი. უფრო მეტად იმისაი მეშინოდა, ვაითუ ბარბარიზმი წამომცდეს-მეთქი, ვიდრე იმისადმი შურისა, ვისაც ამ მხრივ, ჩემზე უკეთ შეეძლო თავი გაერთმია სათქმელისათვის. შენ გეუბნები ამას, უფალო, და ვაღიარებ, რომ მაშინ მე მაქებდა ის ხალხი, ვისი მონონებაც ღირსეული ცხოვრების სანინდრად მიმაჩნდა. მათი ქებით თვალდავსილი ვერ ვხედავდი სიბილწის უფსკრულს, რომელშიაც დანთქმული ვიყავი „შენს ღვთაებრივ ძმერას მონყვეტილი და მოშორებული“<sup>79</sup>. და მართლაც, რა საზიზღარი უნდა ვყოფილიყავი, თუკი თვით ამნაირ ხალხსაც ვაბეზრებდი თავს, რადგანაც ურცხვად ვცრუობდი აღმზრდელების, მასწავლებლებისა და მშობლების წინაშე, მხოლოდ იმიტომ, რომ თამაში მიყვარდა, გატაცებით ვუყურებდი უაზრო სანახაობებს და ყმანვილური საინცითა და დაუდგრომლობით ვბაძავდი მათ. სურსათ-სანოვაგეს ვიპარავდი მშობლების საკუჭნაოდან და ტკბილეულიც ამინაპნია სუფრდან, რომ პირი ჩამეკოკლოზინებინა, ან სათამაშოები მათ ჩემზე ნაკლებ როდი უყვარდათ. თამაშში ხშირად ცბიერებით ვაღწევდი გამარჯვებას, თვითონ პირველობის ფუჭი სურვილით ძლეული და დამარცხებული. მოკლედ, ისე ვექცეოდი სხვებს,

<sup>77</sup> შდრ. მათე, VII, 12.

<sup>78</sup> იხ. შენ. 76.

<sup>79</sup> ფსალმ. 30, 23.

რომ ღმერთის მადლობელი უნდა ვყოფილიყავი, თუ თვითონაც იმითვე არ მიხდიდნენ სამაგიეროს. მაგრამ თუ დავინახავდი, რომ არც ისინი მრჩებოდნენ ვალში, უშვერი სიტყვებით ვლანძღავდი და ვაგინებდი ჩემს მიერ მხილებულთ; ხოლო თუ სხვები აქეთ მამხელდნენ, სიშმაგე მიპყრობდა, ნაცვლად იმისა, რომ პეტიება მთხოვა მათთვის<sup>80</sup>.

და ამას ჰქვია ბავშვური უმანკობა?<sup>81</sup> არა, უფალო, არა და არა! ნება მიბოძე, გულახდილად მოგახსენო: ყოველივე ეს ერთია: ბავშვობისას - აღმზრდელები, მასწავლებლები, კაკლები, ბურთები და ბელურები; მონიფლობისას - პრეფექტები, მეფეები, ადგილ-მამული, ოქრო-ვერცხლი და მონები, - დიახ, ყოველივე ეს ერთი და იგივეა, მხოლოდ განკეპვლას უფრო საშინელი ნამება ცვლის.

როდესაც შენ თქვი, მეუფეო: „ამნაირებისაა ცათა სასუფეველი“<sup>82</sup>, მხოლოდ ის გსურდა, რომ თვინიერების სიმბოლურ ნიმუშად დაგესახა ჩვენთვის პატარა ბაღი.

XX

31. და მაინც, მადლობას გწირავ, უფალო, სამყაროს უბუნაესო და უკეთესო შემოქმედო, არსთა გამრიგევე; მადლობას გწირავ და იმ შემთხვევაშიაც კი შემოგწირავდი, სულაც რომ არ გენებებინა, უკან მომეტოვებინა ყრმობის ასაკი. რადგან მე მაშინაც ვარსებობდი, ვცოცხლობდი, ვგრძნობდი და იმაზედაც ვბრუნავდი, რომ ჩემი თვითმყოფადობა შემენარჩუნებინა: ნიშატი იმ უიღუმალესი ერთობისა, საიდანაც ვიღებ დასაბამს<sup>83</sup>; შინაგანი

<sup>80</sup> ერთი სიტყვით, ნეტარი ავეუსტინე ბავშვობაში აშკარად ვერ აკმაყოფილებდა მიმელ მონტენის დიდაქტიკურ მოთხოვნებს: „სიტყვაძუნობა და თავმდაბლობა სხვებთან ურთიერთობისას ფასდაუდებელი თვისებებია. ყმაწვილი უნდა მივაჩვიოთ იმას, რომ ძუნწად და ხელმომჭირნედ ხარჯავდეს მის მიერ შეძენილ ცოდნას; კამათის საგნად არ აქცევდეს მისი თანდასწრებით წამოროშილ როყიო სიტყვას, სიბრიყვეს თუ სისულელეს, რადგანაც იმის ხელაღებით გმობა, რაც არ მოგვწონს, უკადრისი საქციელია. დაე, თავისი თავის გამოსწორებას დასჯერდეს და სხვას ნუ ჰკიცხავს იმის გამო, რაც თვითონვე საძრახისად მიაჩნია; დაე, წინ ნუ აღუდგება საყოველთაოდ გავრცელებულ წეს-ჩვეულებებს. „შიიძლება მრავლისმცოდნე იყო ქედმაღლობისა და ამპარტაუნების გარეშე“. ნურავინ შეატყობს ყოყოჩობასა თუ ყოყლოჩინობას; დაე, თავი აარიდოს ბავშვურ პატივმოყვარეობას, ანუ ტოლ-სწორებში გამორჩევისა და მათი დაჩრდილვის სურვილს...“ („ესსეები“, I, XXVI, ბავშვების აღზრდისათვის).

<sup>81</sup> შდრ. უან დე ლა ბრუიერი: „ბავშვები კადნიერნი არიან, თავხედნი, გულფიცხნი, შურიანი, ცნობისმოყვარენი, ანგარიშიანი, ზარმაცნი, თავქარიანი, მხდალნი, თავმეუკავებელნი, ცბიერნი, გულჩათხრობილნი; სულ მცირე რამის გამო ტირიან ან იცინიან; უმნიშვნელო წერილმანიც საკმარისია, რომ უსაზღვო აღტაცებამ თუ მწუხარებამ შეიპყროთ; ტკვილს ვერ იტანენ, სხვას კი დაუფიქრებლად მიაყენებენ ტკვილს; უკვე აღამიანები არიან“ (ფრანსუა დე ლა როშფუკო, მაქსიმები. ბლემ პასკალი, აზრები. უან დე ლა ბრუიერი, ხასიათები, ფრანგულიდან თარგმნა ბ.ბრეგვაძემ, თბ. 1994, გვ. 260).

<sup>82</sup> მათე, XIX, 14.

<sup>83</sup> შდრ. მარკუს ავერლიუსი: „ყოველთვის უნდა იაზრებდე სამყაროს, როგორც ერთ არსს - ერთარსებას და ერთი სულით მოსილს; ყოველთვის უნდა გახსოვდეს, როგორ დაიყვანება ყველაფერი მის ერთ შეგრძნებამდე, როგორც მოიქცევა ყოფად ყოველი მისი ერთ სწრაფვად ქცეული ნებით, როგორ იქცევა ყველაფერი ის, რაც არის, თანამიზებად იმისა, რაც უნდა იქნას, და დასასრულ, როგორია კავშირი და თანაფარდობა საგანთა შორის“ („ფიქრები“, IV, 40). „ყველაფერი ერთმანეთს ეწვნის, ყველაფერს წმინდა კავშირი ჰკრავს, და არა არის რა, შიიძლება ითქვას, რაიმე უცხო და უთვისტომო საგანთა და მოვლენათა ხომლში. რადგან ყველაფერს ერთი და იგივე წესრიგი აწესრიგებს და ყველაფერი ერთსა და იმავე სამყაროს ამკობს. და მართლაც, ერთია ყოვლისმომცველი სამყარო, ერთია

გრძნობის კარნახი ვცდილობდი უბრუნველმეყო ჩემი გრძნობების ცხოველმყოფელობა<sup>84</sup>; მე შევხაროდი ჭეშმარიტებას: ჩემი უბადრუკი აზრით მიღწეულ არანაკლებ უბადრუკი საგნების ცოდნას. არ მინდოდა შევმცდარიყავი, საუცხოო მეხსიერება მექონდა, გულმოდგინედ ვუფლებოდი სიტყვას, მხიბლავდა მეგობრობა, გაუუბოდი ტვივილს, სიძულვილს, უმეცრებას. ვითომ რა არ არის ამნაირ არსებაში განცვიფრებისა და აღტაცების ღირსი?

და ყოველივე ეს შენი წყალობაა, უფალო; მე ხომ არ მიმიცია ჩემი თავისთვის; ყოველივე ეს კარგია, და ყოველივე ესა ვარ მე. მაშასადამე, კეთილია, ვინც შექმნა, და თვითონვეა ჩემი სიკეთე. ამიტომაც მაღლობას ვწირავ ყველა იმ სიკეთისათვის, რომელთა წყალობითაც ვარსებობდი სიყრმითგანვე. მაგრამ ვცოცავდი, რადგან თვით მასში კი არ ვეძებდი სიამოვნებას, სიმაღლეს და ჭეშმარიტებას, არამედ - მის ქმნილებებში: ჩემსავე თავში და სხვებში, რაც სხვა არა იყო რა, თუ არა ტანჯვის, მშფოთვარების და ცთომილების სათავე<sup>85</sup>.

მაღლობას ვწირავ, ნეტარებავ ჩემო, ღირსებავ ჩემო, სასოებავ ჩემო, ღმერთო ჩემო! მაღლობას ვწირავ ყველა იმ სიკეთისათვის, რაც მიწყალობე; მაშ, შემარჩინე და შემიწარჩუნე ისინი; ასე შემიწარჩუნებ მეც, და ამრიგად იმატებს და სრულქმნილებას მიაღწევს ის, რაც ჩემთვის გიბოძებია; და მე სამუდამოდ შენთან ვიქნები, რადგან თვით სიცოცხლეც შენ მიწყალობე.

ყოველისგანმწონი ღმერთი, ერთია არსი, ერთია კანონი, ერთია სული და გონება ყველა სულდგმულის და ერთია ჭეშმარიტება, რაკი ერთია ყველა ერთგვაროვანი და ერთსა და იმავე გონებასთან წილნაყარი არსის სრულყოფილება“ („ფიქრები“, VII, 9)... „ყველაფერი იმდენად არსებობს, რამდენადაც ერთს მიეღობს. ერთობა ქმნის თანხმობას და ერთსულოვნებას... მარტივი, რაკიდა ერთიანია, თავისთავად არსებობს, ხოლო ის, რაც რთულია, ნაწილთა თანხმობით ესწრაფვის ერთიანობას, და იმდენად არსებობს, რამდენადაც ამას ახერხებს“ (ნეტარი ავგუსტინე, „მანიქეველთა ზნეობისათვის“, 6).

<sup>84</sup> „ნეტარი ავგუსტინე გულისხმობს არისტოტელესეული და სტოიციკური ფსიქოლოგიის „საერთო გრძნობას“: ესაა გრძნობა, რომელიც გრძნობის ორგანოებით მიღებული შთაბეჭდილებების კორელირებას ახდენს. მაგრამ ნეტარი ავგუსტინე თავის წინამორბედებზე უფრო შორის მიდის და ამ გრძნობას არა მარტო გარეშე შთაბეჭდილებათა კორელირებს ფუნქციას მიაწერს, არამედ ინდივიდის მიერ საკუთარი თავის, როგორც სუბიექტის, შეგრების უნარსაც, სუბიექტისა, რომელიც აღიქვამს ამ შთაბეჭდილებებს და მათ კორელირებას ახდენს. „ჩემთვის ცხადია, რომ ეს შინაგანი გრძნობა არა მარტო აღიქვამს იმას, რასაც ხუთი გარეგანი გრძნობა აწვდის, არამედ იმასაც გრძნობს, რომ გარედან მიწვდილი მასალა კიდევ აღიქმება მის მიერ“ („მანიქეველთა ზნეობისათვის“, 2, 4, 10). - იხ. რუსული თარგმანის შენიშვნები, დასახ. გამოც. გვ. 231.

<sup>85</sup> „ვინც საგანთა მშვენიერებას ჭვრეტს, - ამბობს პლატონი, - უნდა იცოდეს, რომ ის ხატია მხოლოდ და მხოლოდ, მხოლოდ ჩრდილი და ნაკვალევი მისი, რას ხატადაც შეიქმნენ მშვენიერი საგნები. ამიტომ კი არ უნდა მიეღობოდეს, პირიქით, უნდა გაუბოლდეს მათ. რადგან ვინც მათ მიეღობის, იმ ჭაბუკის ხედრს გაიზიარებს უცილოდ, რომელმაც, როგორც მითი გვაუწყებს, მდინარეში თავისი მშვენიერი სახის ანარეკლს რომ მოჰკრა თვალი, წყლის სიღრმეში ჩაყვინთა მის დასაჭერად და... უჩინარ იქნა. მის მსგავსად, ისიც, ვინც მონუსხულივით უშვრს სხეულთა მშვენიერებას და წამითაც ვერ სწყდება მას, სხეულით კი არა, სულით დაინთქმება გონებისათვის უსაზარლეს, ურჩხულივით პირამკმულ უფსკრულში, და სამუდამოდ იქ დარჩება თვალდაშრეტილი, აჩრდილთა შორის, როგორც ჰადესში“ („ენნეადა“, I, 6, 8).

## წიგნი მეორე

### I

1. მე მინდა გავისხენო ჩემი სიბილწე და ხორციელი ხრწნილება ჩემი სულისა, მაგრამ იმიტომ კი არა, რომ მიყვარს ისინი, არამედ იმიტომ, რომ შენ შევიყვარო, ღმერთო ჩემო. შენი სიყვარულისადმი სიყვარულით ჩავდივარ ამას, და მწუხარებით გავცქერი გავლილ გზას, რომელიც ცოდო-ბრალითაა მოთენილი. მილხინე, უფალო, ჩემო ჭეშმარიტო ნეტარება, ბედნიერებისა და აუღვრევლობის სიხარულო, მტკიცედ შეჰკარი ჩემი გათანგული და დაქუცმაცებული არსება, შენი ერთობისაგან გამდგარი და სიმრავლის ამაოებაში ჩაკარგული<sup>1</sup>. ოდესღაც, ჩემი სიჭაბუკის ჟამს, მე ვინვოდი განცხრომის მწველი სურვილით, რომელსაც ჯოჯოხეთი უფრო შეჰფერის სახელად, და არ შეუდრკა ჩემი სული იმას, რომ უკეთური სიყვარულის ყლორტები ამოეყარა და ბილწი ვნებების შამბნართ დაბურულიყო; ჩაქრა, ჩაიშრიტა ჩემი მშვენება, და ვიქეც ხრწნილებად შენი ღვთაებრივი მზერის წინაშე, მე - თავმომწონე და მოსურნე იმისა, რომ ხალხის თვალშიც მოსაწონი ვყოფილიყავი.

2. რა მანიჭებდა ნეტარებას, გარდა იმისა, რომ მყვარებოდა და მეც ვყვარებოდი? მაგრამ სული, ხარბად რომ დაეძებდა მეორე სულს, ვერ ახერხებდა სულიერი სიყვარულის სხივოსან ბღურბლზე შეჩერებულებო. ოხშივარი ასდიოდა ხორციელ გულისთქმათა ჭაობს და ღუღდა, თუხთუხებდა სიჭაბუკე ჩემი; ბილწი ვნებები ყომრალი ღრუბლებივით შემოსწოლოდნენ გულს, რომელსაც ამ ჯანღში ერთმანეთისაგან ველარ გაერჩია სიყვარულის ციური შუქი და გულისთქმათა მწველი ალმური. ორივენი ერთმანეთს ერწყმოდნენ, ერთად

<sup>1</sup> პლტინის მიხედვით, ნებისმიერი სიმრავლე, რომელიც პირწმინდად მოკლებულია ყოველგვარ ერთობას, მთლიანად კარგავს თავის რაობას: ის საერთოდ აღარ არის რაიმე და, მაშასადამე, აღარც სიმრავლეა; იგივე ითქმის ამ სიმრავლის შემადგენელი თვითველი წევრის მიმართაც, და ასე შემდეგ, დაუსრულებელიც („ენნიდა“, VI, 9,1; შდრ. პროკლე დიადოხოსი, „კავშირნი ღმრთისმეტყველებითნი“, I, 1)... ბლემ პასკალი შემდეგნაირად აღგვიწერს ღვთაებრივი ერთობისაგან გამდგარი და სიმრავლის ამაოებაში დანთქმული სულის უსიხარულო და უბადრუკ ყოფას: „აი, რას გვიბრძანებს სიბრძნე უფლისა: ...მე შევექმენი ადამიანი წმინდა, უბინო, სრულყოფილი, სინათლით სავსე, გონებით სრული; ღირსი ვყავ იგი ჩემი დიდებისა და ჩემი სასწაულთმოქმედებისა. ადამიანი უშუალოდ ჭვრეტდა მაშინ სილიადეს შემოქმედისა. მისთვის უცხო იყო წყვილი, რომელიც ახლა ასე აბრმავებს, უცხო იყო სიკვდილი და უსასოება, რომელიც ახლა ასე აძრწუნებს. მაგრამ მან ვერ გაუძლო ამ სილიადეს და ცუდმედიდი გახდა. მან მოისურვა თავად ყოფილიყო თავისი თავის ცენტრი და არად ჩაეგდო ჩემი შემწეობა. ის გამიძგა და რაკი ისურვა თავის თავშივე ეპოვა საკუთარი ბედნიერება, მეც გავწირე და თავისი თავის ანაბარა მივატოვე; მე ავეუბოხე ქმნილებები, რომლებიც მანამდე ემონებოდნენ, და მტრებად ვუქციე ისინი: ასე რომ, კაცი მხეცს დაემსგავსა და იმდენად დამცილდა მე, რომ მბუჟტავ სანთლადლა შემორჩა მოგონება შემოქმედისა: ისე ჩაქრა, ისე ჩაიშრიტა მისი სულიერი ნათელი და გონების სხივისკროვნება. გონებისაგან თავდახსნილმა და ხშირად გონებისავე მბრძანებელმა გრძნობამ შვენისა და განცხრომის ძებნად მიაქცია იგი. ყველაფერი თრგუნავს, ყველაფერი აძრწუნებს, ყველაფერი აცთუნებს; ყველაფერი ან თავისი ძალმოსილებით სრესს, ან თავისი ხილლით ჩხიბავს, ხოლო ესაა უსასტიკესი უღელი და უმომისესი ტვირთი უსიხარულო მონობისა. აი, რა დღეშია ამჟამად ადამიანი, მას შემორჩა მხოლოდ ბრმა ინსტიქტი, მბუჟტავი სსოვნა თავისი ოდინდელი ბედნიერებისა და დასაბამიერი ბუნებისა. ის მთლიანად შთანთქა სიმწარეში, მთლიანად ჩამყაყდა სიბრმავესა და სიბილწეში, რომელიც მის მეორე ბუნებად იქცა“ („აზრები“, დასახ. გამოც., გვ. 283-284).

მძვინვარებდნენ ჩემში და თავის ნებაზე ათამაშებდნენ ჯერ კიდევ უნდილსა და უმწიფარ ჭაბუკს, რათა ვნებების მორევში ჩაერთოთ და ბინიერების უთესურულში დაენთქათ იგი<sup>2</sup>.

იმძლავრა ჩემზე შენმა რისხვამ, მე კი არ ვიცოდი ეს. სმენა დამიხშო ბორკილის ჟღერიალმა, რომელიც ჩემმავე მოკვდავობამ დამადლო; ამით უნდა გამომესყიდა სიამაყე ჩემი სულისა. სულ უფრო და უფრო გმორღებოდი, შენ კი არ მიკრძალავდი ამას. ღობე-ყორეს ვედებოდი, ვშოთავდი, ვწრიალებდი და ფუჭად ვფლანგავდი ვნების სახმილით მბორგავ ძალას. შენ კი ღუმეი. ო, ჩემო ნაგვიანელო სიხარულო<sup>3</sup>, შენ ღუმედი, როცა სულ უფრო და უფრო გმორღებოდი და ცოდვით დაცემული, თუშცალა ჩემივე სიმდაბლით მოქადული და, იმავდროულად, სასონარმკვეთი მოუსვენრობით გამოთეიგული უხვად ვისთვლიდი ჩემი უმწიფობისა და ნუხილის ნაყოფს.

3. ვინ დააცხრობდა მაშინ ჩემს ტანჯვას, ვინ შემოაქცევდა ჩემს სასიკეთოდ ყოველგვარი სიახლის მსწრაფლწარმავალი ხიბლს, ვინ ამოსდებდა ლაგამს ჩემს უკეთურ ზრახვებს? ცოლქმრული ცხოვრების ნაპირს მაინც შემსხვრეოდა ჩემი სიჭაბუკის ქარიშხალი<sup>4</sup>, თუკი სხვანაირად შეუძლებელი იყო მისი დაცხრომა, - რათა შვილების კეთებაში მეპოვა სულის სიმშვიდე, რასაც ვალად გვინესებს შენი კანონი, რადგანაც შენა ხარ, უფალო, მოკვდავთა მოდგმის ნაშიერთა შემოქმედი, მოალერსე ხელით რომ გლეჯ ნვეტიან ეკლებს, რომლებიც არ ხარობენ შენს სამოთხეში<sup>5</sup>. ახლოა შენი ყოვლისმძლეობა, თუნდაც ჩვენ თვითონ შროს ვიყოთ შენგან. ეჰ, რატომ უფრო ყურადღებით არ ვუსმენდი ხმას, რომელიც შენი ღრუბლიდან ჩამოდიოდა: „ისინი თავს იდებენ ურვას ხორცისას, ხოლო მე გზოგავთ თქვენ“<sup>6</sup>; „კარგი იქნება, რომ კაცი არ გაეკაროს ქალს“<sup>7</sup>; ან კიდევ: „უცოლო უფლისას ზრუნავს, თუ როგორ აამოს უფალს, ცოლიანი კი ქვეყნისას ზრუნავს, თუ როგორ აამოს ცოლს“<sup>8</sup>. ნეგა ამ

<sup>2</sup> გარდამავალი ასაკისათვის ნიშნული ეს ეროტიული ვნებათაღლევა გარკვეულწილად მოგვაგონებს პლატონის „ტიმეოსის“ ერთ პასაჟს.  
<sup>3</sup> შდრ. „აღსარებანი“, X, 38: „გვიან შეგიყვარე, მშვენიერება, უძველესო და უახლესო, გვიან შეგიყვარე! შენ ჩემში იყავ, მე კი გარე-გარე გეძებდი: შენს მიერ შექმნილი სამყაროს მომნუსხველ წიაღში ვცდილობდი შეჭრას მე უმსგავსი და უსახური. ჩემთან იყავი, მე კი არ ვიყავი შენთან. შენს თავს მაშორებდა სამყარო, რომელიც საერთოდ არ იარსებებდა, შენში რომ არ არსებულიყო“.  
<sup>4</sup> უფრო გვიან ნეტარ ავგუსტინეს აუცილებლად მიაჩნდა უარი ეთქვა ცოლის შერთვაზე, რათა სულიერად განახლებულს ზურგი ექცია ძველი ცთომილებით საგნე ცხოვრებისათვის, თუმცა ამასვე როდი ურჩევდა ყველას და საკმაოდ მაღალი აზრისაც იყო ქორწინების დანიშნულებაზე (იხ. მისი თხზულება „ქორწინების სიკეთისათვის“).  
<sup>5</sup> როდესაც ღმერთმა სამოთხიდან გააძევა შემცოლდე ადამი, ამ სიტყვებით შეაჩვენა იგი: „მინა დაინყველოს შენს გამო... ძეძვი და ეკალი აღმოგიცვენოს და მინდვრის ბალახი იყოს შენი საზრდო“ (დაბად. III, 17-18).  
<sup>6</sup> ნეტარი ავგუსტინე „ღრუბლიდან ჩამომავალ ხმად“ სახავდა საღმრთო წერილის წიგნებს: „მართებული იქნებოდა ღრუბლები გვეროდებინა მათთვის, რადგან ეს სიტყვები ზათიეთ მოაპოებენ ჰაერს და, ეგევ არ იყოს, ალევგორიებით, როგორც ნისლით, მოსილნი ღრუბლებსა ჰგვანან“ („შესაქმისათვის“ მანიქეველთა წინააღმდეგ“, 2,3,5).  
<sup>7</sup> I კორ. ,28.  
<sup>8</sup> იქვე, 1.  
<sup>9</sup> იქვე, 32-33.



სიცივეებისთვის უფრო ფხიზლად მეგლო ყური. „ცათა სასუფეველის გულისთვის დასაჭურისებული“<sup>10</sup> სიხარულით დაველოდებოდი, როდის ჩამიკრავდა გულში.

4. მაგრამ ვაი რომ ვნებები მძვინვარებდნენ ჩემში; მე წარმიტაცა მათმა შმაგმა ღინებამ და მიგატოვე შენ; გარდავხდი ყველა შენს მცნებას, მაგრამ ვერ გავეცეცი შენს მათრახს; ან კი რომელი მოკვდავი გაჰქცევია? შენ ყოველთვის ახლოს იყავი, შენი მკაცრი გულმონყალებით, უმწარეს იმედგაცრუებას რომ უსართავდი ჩემი აღვირახსნილობის სიგვბობას, რათა მეძებნა სიგვბობა, რომლისთვისაც უცხოა იმედგაცრუების სიმწარე. მხოლოდ შენში თუ შემეძლო მისი პოვნა, მხოლოდ შენში, უფალო, გკვივლით რომ გვინილბავ შეგონებას, გვწყლავ, რომ განგვეკურნო, გვეკლავ, რომ უშენოდ არ მოვკვდეთ<sup>11</sup>.

სად ვიყავი? რა შორს დავეხეცებოდი შენს ბედნიერ სახლს მონყევეტილი, ჩემი ხორციელი არსებობის ამ მეთექვსმეტე წელს, როცა თავისი კვერთხი შემართა ჩემზე კაცთა უკეთურებით ნებადართულმა, ხოლო შენი კანონით აღკვეთილმა გულისთქმის სიშლეგემ, მთლიანად რომ დამიმონა. ახლობლებს თითიც კი არ გაუნძრევიათ, რომ წყალწაღებულს მომშველებოდნენ და ქორწინებით მაინც გადავერჩინეთ. მათი საზრუნავი მხოლოდ ის იყო, რომ უკეთ დაუფლებოდი მჭევრმეტყველების ხელოვნებას, რათა ამის წყალობით დამერწმუნებინა ხალხი.

### III

5. თუმცა იმ წელს ჩემი მეცადინეობა შეწყდა: მადავრიდან<sup>12</sup> კვლავ შინ დავბრუნდი; ესაა ჩვენი მეზობელი ქალაქი, სადაც ლიტერატურისა და ორატორული ხელოვნების შესასწავლად გახლდით ჩასული. მშობლები ფულს აგროვებდნენ, რომ უფრო შორს - კართაგენში გავეგზავნეთ სასწავლებლად. ამას მოითხოვდა მამაჩემის პატივმოყვარეობა, რომლის დაკმაყოფილებასაც მისივე ხელმოკლეობა უშლიდა ხელს: ჩვენი ოჯახი საკმაოდ ღარიბულად ცხოვრობდა თავასტაში<sup>13</sup>. მაგრამ ვის ვეუბნები ამას? არა, შენ კი არა, უფალო,

<sup>10</sup> შდრ. მათე, XIX, 12.

<sup>11</sup> შდრ. მეორე სჯული, XXXII, 39: „არ არის ღმერთი ჩემს გარდა! მე ვკლავ და ვაცოცხლებ, მე გვმირავ და ვკურნავ“.

<sup>12</sup> მადავრა - ნუმიდიის ქალაქი (დღევანდელი მიდაურუსი), ნეტარი ავტუსტინეს მშობლიურ ქალაქ თავასტიდან დაახლ. 24 კმ-ით დაშორებული. აღსანიშნავია, რომ მადავრაში დაიბადა სახელგანთქმული რომაელი მწერალი ლიცეუს აპულეიუსი (დაახლ. 124 - დაახლ. 180 წ.), „ოქრის ვირის“ ავტორი. პირველდანიყებითი განათლება აპულეიუსმა იქვე, მადავრაში მიიღო, შემდეგ კი, ნეტარი ავტუსტინესი არ იყოს, კართაგენს გაემგზავრა სწავლის გასაგრძელებლად.

<sup>13</sup> ნეტარი ავტუსტინე თავის ერთ-ერთ წერილშიც (126,7) გვიდასტურებს მშობლების ხელმოკლეობას: „მამაჩემი საკმაოდ მცირე ადგილ-მამულის პატრონი იყო“.

არამედ შენს წინაშე - კაცთა მოღვმას, რომელსაც ვეკუთვნი მე, - რაგინდ უმნიშვნელოც უნდა იყოს იმათი რიცხვი, ვისაც შეუძლება ხელში ჩაუვარდეს ეს წიგნი. ან რატომ ვყვები? მხოლოდ იმიტომ, რომ მეც და ყველა ჩემი მკითხველიც ჩაუუფიქრდეთ, „რაოდენ ღრმაა ის უფსკრული, საიდანაც მოგისმობთ შენ“<sup>14</sup>. მაგრამ რა შეიძლება უფრო ახლოს იყოს შენთან, ვიდრე გული, რომელიც აღსარებას გეუბნება და შენდამი რწმენით სულდგმულობს?

ვინლა არ აქებდა და აღიღებდა მაშინ მამაჩემს, რომელიც შვილის გულისთვის უფრო მეტს აკეთებდა, ვიდრე მისი ხელმოკლეობა აძლევდა ამის საშუალებას, და მზად იყო ასე შორს გავევზავნე სასწავლებლად. მასზე გაცილებით უფრო მდიდარი ბევრი ჩვენი თანამოქალაქე ამნაირ მსხვერპლს არ გაიღებდა შვილების გულისთვის. მაგრამ, მეორეს მხრივ, მამაჩემს სულაც არ ადარდებდა, რანაირი ვიბრდებოდი შენს წინაშე, ვინარჩუნებდი თუ არა უმანკოებას; მისთვის მთავარი ის იყო, რომ მჭევრმეცყველების ხელოვნებაში გამეწაფა თავი, და თუნდაც სამუდამოდ შენი მადლის გარეშე დავრჩენილიყავი, როგორც უნაყოფო წარათვი, სახნისი რომ არ შეხებია, ო, ერთადერთო კეთილო პატრონო შენი ხოდაბუნის - ჩემი გულისა<sup>15</sup>.

6. მაშ, ასე, თექვსმეტი წლისა რომ ვიყავი, ოჯახურმა გარემოებამ მაიძულა დროებით შემეწყვიტა სწავლა. ერთხანს მშობლებთან ვცხოვრობდი, უქნარა და არას მაქნისი. ჩემი ვნებების ქაცვნარსაც სხვა რა უნდოდა: ისე იზარდა და ტანი აიყარა, რომ მალე ტავს გადამიარა. სად იყო ხელი, მისი აღმომფხვრელი და ამომძირკველი? ის კი არა და, ერთ მშვენიერ დღეს მამაჩემმა აბანოში ჩემი დაკაცების ნიშანს რომ მოჰკრა თვალი, როგორც ჩემი მშფოთვარე სიჭაბუკის დასტურს, სიხარულით ცას ეწია, თითქოს უკვე შვილიშვილების ყივილ-ხივილი ჩაესმა ყურშიო, და მაშინვე დედაჩემს ამცნო ეს ამბავი: ფუჭი სიხარული შლეგური თრობისა, რის შედეგადაც ეს ქვეყანა გივინყებს, ჩვენო შემოქმედო, და შენს ნაცვლად შენსავე ქმნილებას ეგრეთის<sup>16</sup>. მაგრამ დედაჩემის გულში შენ აღმართე შენი ტაძარი და საფუძველი ჩაუყარე შენს წმიდათა-წმიდა სავანეს. მამაჩემი ჯერ მხოლოდ ახალი კატეხუმენი<sup>17</sup> იყო. ამიტომაც დედაჩემი ჭეშმარიტი ღვთისმოსავის მღელვარებამ და შიშმა

<sup>14</sup> შლრ. ფსალმ. 129,1.

<sup>15</sup> შლრ. I კორ. III, 9.

<sup>16</sup> შლრ. რომ. I, 25: „სიცრუეზე ვაცვალეს ჭეშმარიტება ღმრთისა, და ჰმსახურებდნენ შექმნილსა და არა შემოქმედს“.

<sup>17</sup> იხ. შეს. წიგნი პირველი, 37.

შეიპყრო: მართალია, ჯერ კიდევ არ ვიყავი მონათლული, მაგრამ მას ეშინოდა იმ მრუდი გზისა, რომელსაც ადგას ყველა, ვინც „პირით კი არა, ზურგითაა შენსკენ მოქცეული“<sup>18</sup>.

7. ვაიმე ბედკრულს! რამ მათქმევინა, სღუმრი-მეთქი, უფალო, როცა მე გშორდებოდი? განა ასე სღუმან? ვის ეკუთვნოდა, თუ არა შენ, ის სიცყეები, რომლებსაც დედაჩემის - შენი ერთგული მხევლის პირით გამუდმებით ჩამხურჩულებდი? მაგრამ ვაი რომ ვერცერთმა ვერ გაიკვლია გზა ჩემი გულისკენ, არცერთს არ ვათხოვე ყური. მახსოვს, რა შეშფოთებული მევედრებოდა განმარტოებით, ჭკუას მარიგებდა და მირჩევდა, თავი ამერიდებინა ყოველგვარი გარყვნილებისათვის და განსაკუთრებით მოვრიდებოდი ვათხოვილ ქალთან კავშირს. ეს მე ქალური ჩიჩინი მეგონა და სირცხვილით ვინვოდი მისი მოსმენისას. სინამდვილეში კი შენ მეცყველებდი მისი პირით, მაგრამ მე არ ვიცოდი ეს. ამიტომაც მეგონა, თითქოს სღუმდი, და მხოლოდ დედაჩემი ლაპარაკობდა. მაგრამ შენ მისი მეშვეობით მომმართავდი, და მისი სახით სწორედ შენ მძულდი „მე, შენი მხევლის ძეს და მონას შენსას“<sup>19</sup>. ღიახ, მე არ ვიცოდი ეს და სწრაფად მივექანებოდი თავქვე, სულიერი დაცემის გზით, იმდენად თვალდაფსილი და დაბრმავებული, რომ ჩემი ცოლებისა მრცხვენოდა, რომლებან შედარებითაც მამა აბრამის ბატკანი მეგონა ტავი. რაც უფრო ურცხენი და აღვირახსნილნი იყვნენ ისინი, მით უფრო მეტად მოჰქონდათ თავი თავიანთი გარყვნილებით. მეც მინდოდა მათსავით გარყვნილი ვყოფილიყავი, მაგრამ ამის მიზეზი ის კი არ იყო, რომ გარყვნილება მომწონდა, არამედ პატივმოყვარეობა. განა ბინიერება გმობისა და განკიცხვის ღირსი არ არის? მე კი სწორედ განკიცხვის შიშით სულ უფრო და უფრო ღრმად ვეფლობოდი ბინიერების მწვირეში, და თუ სინამდვილეში სათაკილო არა ჩამედინა რა, თვითონვე ვიგონებდი საძრახის საქციელს, ოღონდაც ჩემი უბინოების გამო არ შევზიზღებოდი და არც მასხრად აეგდოთ ჩემი უმაკობა.

8. აი, რანაირ ამფსონებთან ერთად დავეყილობდი „ბაბილონის“<sup>20</sup> მოედნებზე და მის წუმპეში ვგორავდი, თითქოს წუმპე კი არა, დარიჩინისა და სხვა ძვირფას საკმეველთა

<sup>18</sup> შდრ. იერ. II, 27: „...რადგანაც ზურგი მომაქციეს და არა პირი; გასაჭირში კი ამბობენ: აღექი და გვიხსენიო“.

<sup>19</sup> ფსალმ. 115, 7.

<sup>20</sup> ნეტარი ავგუსტინე ნახევრად ირონიული ტონით აიგივეებს ჩრდ. აფრიკის პატარა პროვინციულ ქალაქს თავასტას ბაბილონის ძველი და ახალი სამეფოს ისტორიულ დედაქალაქთან, რომელიც იუდეველთა თვალში განასახიერებდა მთელი წარმართული სამყაროს ხრწნილებას, სიბილწეს, სისასტიკეს და უწმინდურებას. ბაბილონის მიმართ ამნაირ დამოკიდებულებას შორეულ წარსულში აქვს ფესვი გადგმული: ძვ.წ.ა. 586 წ. ბაბილონის მეფემ ნაბუქოდონოსორ II-მ (605-562) იერიშით აიღო და მიწასთან გაასწორა იერუსალიმი, ხოლო ათი ათასობით დატყვევებული იუდეველი ბაბილონში გადაასახლა. „ბაბილონის ტყვეობა“ სამოცდაათ წელს გაგრძელდა. ეს იყო ერთ-ერთი ყველაზე შავზნელი ხანა იუდეველთა ისტორიაში. დამპყრობლებისადმი ენით უთქმელმა ზიზღმა და სიძულვილმა, სიმწარემ და ბოლმამ სიმბოლური გამოხატულება ჰპოვა მეტსახელში „ღიღი მეძავი“, რომელიც ბაბილონის სინონიმად იქცა. შდრ. აპოკალიფსი, XVIII,

სურნელებით გაზავებული აბაზანა ყოფილიყოს. და უფრო ღრმად რომ ჩავფლულიყავი ამ გლაპოში, ფეხით მქელავდა უჩინარი მტერი, რომელიც მით უფრო გახელებით მაცთუნებდა, რაც უფრო ადვილი იყო ჩემი ცთუნება! ხოლო „შუა ბაბილონიდან გამოქცეული“<sup>21</sup>, მაგრამ მის განაპირას ჯერ კიდევ ნელი ნაბიჯით მომავალ ჩემს ხორციელ დედას, რომელიც დღენიადაგ ჩამჩინებდა, მგვიცვდ დაძვდა ჩემი სინძინდე, მიუხედავად ამისა, არც უცდია ჩემი დაქორწინება, რათა ცოლქმრობის უღელს მაინც დაეურვებინა იმის სიურჩე, რისი ამბავიც მამაჩემისაგან გაეგო, თუკი შეუძლებელი იყო ძირფესვიანად ამოწევა და ამოეშანთა ხორციელ გულისთქმათა მძვინვარება, თუძვალა მაშინვე მშვენივრად ესმოდა, რა საფრთხესაც მიქადდა ეს შემდგომ. და მაინც არ ისურვა ჩემი დაქორწინება, რადგანაც ეშინოდა, ცოლქმრობის უღლის სიმძიმე გადაულახავ დაბრკოლებად არ ქცეულიყო ჩვენი იმედების ხორცშესხმის გზაზე. - არა საუკუნო ცხოვრების იმედისა, არასაც შენზე ამყარებდა დედაჩემი, არამედ იმისა, რომ დიდი წარმატებისათვის მიმეღწია სამეცნიერო ასპარეზზე; ღიახ, ორივეს - მამაჩემსაც და დედაჩემსაც - ეს იმედი ასულდგმულებდა: მამაჩემს იმდენად, რამდენდაც საერთოდ არ თექრობდა შენზე, ხოლო რასაც ჩემზე თექრობდა, სხვა არა იყო რა, თუ არა ამაოება. დედაჩემს კი მიაჩნდა, რომ ეს წარმატება არამცთუ რაიმეს მაწინებდა, გარკვეულწილად ხელსაც კი შემიწყობდა იმაში, რომ უფრო ადვილად მეპოვნა შენსკენ სავალი გზა. აი, როგორი უნდა ყოფილიყო საქმის ვითარება, თუ გავითვალისწინებ ჩემი მშობლების ხასიათს, რასაც ახლა შეძლებისდაგვარად ვიხსენებ. ამიტომაც იყო, რომ მათ მეტი გასაქანიც კი მისცეს ჩემს დაუდგრომლობას, ვიდრე გონივრული სიმკაცრე მოითხოვდა, და მე თავდაყირა გადავეშვი ვნებათაღელვის მორევში, წყვილიადით რომ მიბურავდა, უფალო, შენი ჭეშმარიტების ნათელს, „და იზრდებოდა უსამართლობა ჩემი სულისა“<sup>22</sup>.

2-3, 5: „დაემხო, დაემხო ბაბილონი, დიდი მეძავი, და ეშმაკთა სამკვიდროდ, და ყოველი უწმინდური სულის სამყოფელად და ყოველი უწმინდური და ბილნი ფრინველის საბუდრად იქცა. რადგანაც მისი სიძვის მძვინვარე ღვინით დაითრო ყველა ხალხი, და ქვეყნის მეფეებმა ისიძვეს მასთან, და ქვეყნის ვაჭარნი დამდიდრდნენ მისი ფუფუნების სიუხვით... რადგანაც უწიეს მისმა ცოდეებმა ზეცას, და გაიხსენა ღმერთმა უსამართლობა მისი“.

<sup>21</sup> შდრ. იერ. LI, 6: „გაიქცით შუა ბაბილონიდან“.

<sup>22</sup> შდრ. ფსალმ. 72,7.

IV

9. ქერდობა, რა თქმა უნდა, შენი კანონითაც ისჯება, უფალო<sup>23</sup>, და იმ კანონითაც, კაცთა გულებში რომაა ჩანერილი<sup>24</sup>, რომლის ამოშლა თვით მათ უსამართლობასაც არ ძალუძთ. რომელი ქერდი მოითმენს იმას, რომ გაქურდულ იქნეს? ან რომელი მდიდარი შეინყნარებს ღარიბ-ღატაკს, ვისაც გაჭირვებამ დააწყებინა ქერდობა? მე კი მინდოდა მექურდა, და ვიქურდე კიდევ, თუმცა შიშისა და გაჭირვების გამო კი არა, სამართლიანობისადმი ზიზღისა და იმის შედეგად, რომ ცოდვა მომჭარბდა. მე მოვიპოვე ის, რაც თვითონაც ბლომად მქონდა, და თანაც ჩემი გაცილებით სჯობდა მოპარულს. არა, ნაქურდალით როდი ვაპირებდი ცკობას, არამედ თვით ქერდობა და ცოდვა მომწონდა.

ჩვენი ვენახის მახლობლად ნაყოფით დახუნძლული მსხლის ხე იდგა. ვერ ვიცევი, თითქოს ნაყოფს თვალს ვერ მოსწყევტდი, ან ისეთი გემრიელი ყოფილიყოს, რომ ჭამით ვერ გაძლებოდი. და მაინც, ონავარი ქურდები შუალამისას მივეპარეთ მსხალს, რომ დაგვერხია და ნადავლი დაგვესაკუთრებინა: ქუჩის ბიჭების უკეთური ჩვეულებისამებრ, ჩვენი თავშექცევა და დროსტარება შუალამემდე გავრძელდა. დაზურგულები წამოვედით, მაგრამ იმიტომ კი არა, რომ პირი ჩაგვეტყუებინა, არამედ მზად ვიყავით თუნდაც ღორები დაგვეძლო მსხლით; მართალია, თითო-ოროლა კი ჩაგვბიჩეთ, მაგრამ ჩვენი ერთადერთი სიამოვნება სულ სხვა რამ გალხდათ: ჩაგვედინა ის, რაც აკრძალული იყო.

აი, ჩემი გული, უფალო, აი, ჩემი გული, რომელიც შეინყალე უფსკრულს დანთქმული. კეთილ-ინებოს და გითხრას ახლა, რატომ მოიქცა ასე უმსგავსოდ მაშინ, მხოლოდ იმიტომ, რომ უმსგავსოდ მოქცეულიყო, და არაფითარი სხვა მიზანი არ ამოძრავებდა. ჩემი თავაშეგებულობის ერთადერთი მიზეზი ჩემივე თავაშეგებულობა იყო. ბილწი იყო ეს თავაშეგებულობა, და მეც მხოლოდ სიბილწის გამო მიყვარდა იგი; მიყვარდა ჩემი წარწყმედა, ჩემი დაცემა; არა, ის კი არა, რაც მაძილებდა დავცემულიყავი, არამედ საკუთრივ დაცემა!

<sup>23</sup> იხ. გამოსვლა, XX, 15: „არა იპარო“.

<sup>24</sup> შდრ. რომ. II, 14-16: „ვინაიდან როცა სჯულის არმქონე წარმართნი ბუნებრივად ასრულებენ სჯულს, მაშინ სჯულის არმქონენიც თვითონვე არიან თავიანთი თავის სჯული. ისინი გვიჩვენებენ, რომ სჯულის საქმე გულის ფიცარზე უწერიათ, რასაც მოწმობენ მათი სინდისი და მათი აზრები, რომლებიც ხან ბრალს დებენ, ხან კი ამართლებენ ერთიმეორეს, საიმედოსოდ: როცა ჩემი სახარებისამებრ, ღმერთი განსჯის კაცთა ფარულ საქმეებს იესო ქრისტეს მიერ“.



და ჩემი უკეთური სული, რომელსაც მოშლოდა და გამოსცლოდა შენი საყრდენი<sup>25</sup>, ბინიერების გზით კი არ მიეღვოდნენ სიბილნეს, არამედ - თვით ბინიერებას!

## V

10. ლამაზ საგნებს, ოქრო-ვერცხლს და სხვა მისთანათ თავიანთი ხიბლი ახლავს; სიამოვნებას, რასაც ჩვენში ინვესტაცია შეხება, მხოლოდ შეხებასა და საგანს შორის არსებული სიმპათია განაპირობებს. თვითველ გრძნობას მის მიერ აღქმული საგნის თავისებურება შეესაბამება<sup>26</sup>. თავისებურად მომხიბლავია ამქვეყნიური დიდება, მბრძანებლობა და ძალაუფლება; აქედანვე იღებს დასაბამს მონის დაუკუბელი სწრაფვაც თავისუფლებისაკენ. მაგრამ დაუშვებელია ხარბად მიეღვოდნენ ყველა ამ სიკეთეს და შენ კი გშორდებოდნენ, უფალო ჩემო, აღარც შენ ახსოვდეთ და აღარც შენი კანონი. გარკვეული ხიბლი მოსავს ჩვენს ამქვეყნიურ სიცოცხლესაც, რასაც უშუალოდ შეესატყვისება მთელი მინიერი მშვენიერება. რა შეედრება მეგობრობას კაცთა შორის, უნაზესი და უსათუთესი კავშირით რომ აერთებს მრავალს? აი, რისი გულისთვის სცოდავს კაცი, მეტისმეტი გულმოდგინებით რომ მიეღვდის ამქვეყნიურ სიკეთეს თუ კეთილდღეობას, და ამ ლტოლვისას გვიწყობს შენ, უფალო ღმერთო ჩემო, ივინყებს თავის უკეთესსა და უზენაეს სიკეთეს, შენს სიმართლეს და შენს კანონს<sup>27</sup>. ცბილია ყველა ეს მინიერი სიკეთე, მაგრამ სად მათი სიგებობა და სად შენი, უფალო ღმერთო, რომელმაც შექმენი ყოველი, რადგანაც შენით ცვლება მართალი და თვითონვე ხარ სიგებობა გულმართალთათვის<sup>28</sup>.

11. ამრიგად, როცა დანაშაულის მიზებით ეძებენ, არცერთი პასუხი არ იქნება დამაჯერებელი, გარდა იმისა, რომელიც ცხადყოფს, რომ დანაშაული ჩადენილ იქნა ამა თუ იმ სიკეთის მოხვეჭის მიზნით, ამქვეყნიურ სიკეთეთა რიცხვს რომ მივაკუთვნოთ, - ანდა მისი დაკარგვის შიშით. ყველა ამ სიკეთეს თან ახლავს თავისი მატური ხიბლი და მიმზიდველობა, თუმცა ისინი უბადრუკი და ზიზღის ღირსნი არიან უზენაეს სიკეთესთან შედარებით, რომელსაც ერთადერთს ძალუძს ნეგარეა მიანიჭოს ადამიანს. მაგანმა კაცი მოკლა. რატომ? იმიტომ, რომ მისი ცოლი შეუყვარდა, ან მის ქონებაზე რჩებოდა თვალი; მსხვერპლის გაძარცვა სურდა,

<sup>25</sup> იხ. შენ. წიგნი პირველი, 68.

<sup>26</sup> მზერას - სილამაზე, ყნოსვას - სურნელება, შეხებას - სილბო თუ სიმკვრივე და ა.შ.

<sup>27</sup> შდრ. წიგნი პირველი, XX, 31; იხ. აგრეთვე შენ. 85.

<sup>28</sup> შდრ. ფსალმ. 63, 11.

რათა არხეინად ეცხოვრა მის ხარკზე, ან ეშინოდა, თვითონვე არ გაეძარცვა მოკლულს; შეურაცხყოფილი იყო და შური იძია. ვინ მოჰკლავდა კაცს უმიზნოდ, მხოლოდ იმიტომ, რომ მკვლელობით დამტკბარიყო? ვინ დაიჭერებს ამას? თვით იმ გულმხეცსაც კი, რომელმაც დააპატიო, რომ სისასტიკეს და დაუდობლობას არაფერადი საფუძველი არ მოეძებნებოდა, არამედ მხოლოდ ავკაცობის გამო ავკაცობდა<sup>29</sup>, - ცდილობენ შემდეგი სიტყვებით ამართლებინონ თავი: „ხელი და სული არ უნდა მოგიდუნოს უმოქმედობამ“<sup>30</sup>. ვითომ რაგომო? მაინც რა სურდა? როგორც ჩანს, ის, რომ თავისი ავბაკობისა და ბოროტმოქმედების წყალობით გამხდარიყო რომის ბაგონ-პატრონი, მოეხვეჭა სახელი და დიდება, ხელთ ეგდო ძალაუფლება, თავი დაეღწია გაჭირვებისათვის, რაც განპირობებული იყო მისი მამულის სიმწირით, და დაეძლია კანონის შიში, გამონვეული თავისი ავკაცობის შეგნებით. მაშასადამე, კაცილინას თავისი ბოროტმოქმედება კი არ უყვარდა, არამედ რაღაცის გულისთვის სჩადიოდა მას.

## VI

12. კი მაგრამ, მაინც რა მომწონდა შენში, ქურდობავ ჩემო, ცხოვრების მეთექვსმეტე წელს ჩადენილ ღამეულ დანაშაულს ჩემო? მშვენიერებისა არა გეცხო რა: სად ქურდობა და სად მშვენიერება? მშვენიერი მხოლოდ ჩვენს ნაქურდალს თუ ეთქმოდა, რადგანაც ის შენი ქმნილება იყო, უფალო, ყოვლის შემოქმედო, უმშვენიერესო და უკეთილესო, უბუნაესო და ჭკმმარიტო სიკეთე ჩემო. დიახ, მშვენიერი იყო ჩვენი ნაქურდალი ხილი, მაგრამ ის როდი სურდა ჩემს საბრალო სულს: მასზე უკეთესიც ბლომადა მქონდა; მხოლოდ იმიტომ დავკრიფე, რომ მომეპარა. დაკრეფილი ხილი გადავყარე და მხოლოდ უსამართლობა ვიგემე: მოვეცათ ღებნა, მე მაშინ უკუღმართობის სიტკბოებით ვიჭერე გული<sup>31</sup>. თუმცა ორიოდე მაინც ჩავკბინე და ნერწყვმორეულმა ვიგრძენი, რომ დანაშაულის გემო ჰქონდა. და, აი, ახლა გვეითხები, უფალო ჩემო, რა სიამოვნება უნდა მოენიჭებინა ჩემს ქურდობას? მშვენიერებისა ხომ

<sup>29</sup> იგულისხმება ლუციუს სერგიუს კატილინა (108-62 ძვ.წ.ა), გაღარბებული რომაელი პატრიციუსი, ავანტიურისტი და დემაგოგი. 68 წელს არჩეულ იქნა პრეტორად. შემდეგ სცადა კონსული გამხდარიყო, მაგრამ რამდენჯერმე დამარცხდა არჩევნებში. გაბოროტებულმა გადაწყვიტა დაემხრო რესპუბლიკური წყობილება და „მსხნელად“, ე.ი. ერთპიროვნულ მმართველად მოვლენოდა რომს. დემაგოგიური პოლიტიკის წყალობით საკმაოდ მრავალრიცხოვანი მომხრეები შემოიკრიბა და თავისი განზრახვის პრაქტიკულ ხორცმესხმას შეუდგა. ციცერონის მიერ მხილებული ეტრურიაში გაიქცა და ლაშქრის შეგროვება დაიწყო. 62 წლის დამდევს ქალაქ პისტორიუმთან (დღევანდელი პისტოია) გამართულ ბრძოლაში სასტიკი მარცხი იწვნია და თვითონაც ბრძოლის ველზე დაეცა.

<sup>30</sup> ციტატა მოტანილია სახელგანთქმული რომაელი ისტორიკოსის გაიუს კრისპუს სალუსტიუსის (86-35 ძვ.წ.ა) თხზულებიდან „კატილინას შეთქმულება“. სალუსტიუსი ერთ-ერთ ყველაზე პოპულარულ ავტორად ითვლებოდა რომაული აფრიკის სკოლებში. ნეტარი ავგუსტინე არცთუ იშვიათად იხსენებს მას თავის „ღვთის ქალაქში“ და საკმაოდ დიდი პატივისცემითაც.

<sup>31</sup> შდრ. მარკუს ავერლიუსი: „რამდენი ტკბილი წამი ახსოვს ყაჩაღს, მემრუშეს, მამისმკვლელს, ტირანს!“ („ფიქრები“, VI, 34).

ნამდვილად არა ეცხო რა: არა, იმ მშვენიერებას როდი ვგულისხმობ, რაც ნიშნულია სამართლიანობის, კეთილგონიერების, ადამიანის ქმედითი აზრის, მესხიერების, გრძნობებისა თუ სიცოცხლის ცხოველყოფილობისათვის; მისთვის სრულიად უცხო იყო ცის თაღზე მოციმციმე ვარსკვლავების, დედამიწის თუ ზღვის მშვენიება, ისევე, როგორც მათი ბინადარი არსებებისა, დაუსრულებელივ რომ ცვლიან ერთმანეთს შობისა თუ კვდომის უწყვეტი მონაცვლეობით; არა, მასში ვერ იპოვიდით თვით იმ მქრქალი და უღიმღამო მშვენიერების ნასახსაც, რომლითაც ბინიერება გვაცთუნებს ხოლმე.

13. ქედმაღლობა ხომ სულის სიმაღლედ ასაღებს თავს, მაგრამ შენა ხარ, ღმერთო ჩემო, ყველაზე უმაღლესი. რას მიეღგვის პატივმოყვარეობა, თუ არა პატივსა და დიდებას? მაგრამ მხოლოდ შენ უნდა გცემდეთ უმეტეს პატივს და გადიდებდეთ უკუნითი უკუნისამდე. მრისხანე ძალაუფლებას სურს შიშსა და ძრწოლას გვინერგავდეს, მაგრამ ვისი უნდა გვეშინოდეს, გარდა ღმერთისა? რა შეიძლება გამოსტაცო ან დაუმალო მის ძალაუფლებას? სად, როდის, რანაირად, ვისი მეშვეობით? შეყვარებულის სინაზე საპასუხო სიყვარულს ეძებს, მაგრამ არა არის რა შენს გულმონყალებზე უნაბესი, და არ არსებობს უფრო ცხოველყოფილი სიყვარული, ვიდრე სიყვარული შენი ჭემმარიტების მიმართ, რომელიც ყველაზე ნათელია და მშვენიერი. ცნობისნადილიც, როგორც ჩანს, ხარბად მიეღგვის ცოდნას, მაგრამ მხოლოდ შენა ხარ ცოდნის სისავსე და სისრულე. თვით უმცრება და სიბრიყვე სიმარტივისა და უმანკობის სახელს ირქმევენ, მაგრამ რა არის შენზე მარტივი, ან შენზე უმანკო და უბინო? რადგანაც ბოროტის ყველაზე დიდი მტერი მისივე ბოროტი საქმეა<sup>32</sup>. მცონარება სიმშვიდის სურვილად გვაჩვენებს თავს, მაგრამ მხოლოდ უფალში თუ ვპოვებთ სიმშვიდეს. ფუფუნებას სურს სიუხვედ და განცხრომად ინოდებოდეს, მაგრამ მხოლოდ შენა ხარ უხრწნელი სიგებობის სისავსე და ამოუწურავი სიუხვე. მფლანგველობა გულუხვობად ასაღებს თავს, მაგრამ ყველა სიკეთეს მხოლოდ შენ გვინყალობებ გულუხვად. სიხარბეს სურს ყველაფერს ფლობდეს, მაგრამ მხოლოდ შენა ხარ ყოველის მფლობელი. შური უბნაელობას ესწრაფვის, მაგრამ რა არის შენზე უბნაესი? მრისხანება შურისძიებას მოითხოვს, მაგრამ ვინაა შენზე სამართლიანი შურისძიებელი? შიში თავს დაჰკანკალებს იმას, ვინც უყვარს, და ცდილობს ყოველგვარი უჩვეულო საფრთხისა თუ მოულოდნელი უბედურებისაგან დაიხსნას

<sup>32</sup> შტრ. ფსალმ. 7, 16-17... შტრ. აგრეთვე მარკუს ავერლიუსი: „ის, ვინც სცოდავს, თავისი თავის წინაშე სცოდავს. უსამართლობის მოქმედიც თავისი თავის მიმართ იჩენს უსამართლობას, რადანაც ბოროტყოფს საკუთარ თავს“ („ფიქრები“, IX, 4). „ვინაცა სცოდა, იგივე იშვის შეცოდების ნაყოფს“ („ფიქრები“, IX, 38).

იგი, მაგრამ რა არის შენთვის უჩვეულო და მოულოდნელი? ვის შეუძლია წარგვაცოს ის, რაც გიყვარს? სადაა ხსნა, თუ არა შენში? მწუხარებას ინელებს სინანული იმის დაკარგვის გამო, რითაც ტკბებოდა მისი სიხარბე. მაგრამ მხოლოდ შენა ხარ, ვინც შეუძლებელია დაკარგოს რამე.

14. ასე ირყვნება სული, შენგან განდგომილი და შენს გარეშე მაძიებელი იმისა, რასაც მხოლოდ მას შემდეგ თუ იპოვის წმინდა და შეუბღალავი სახით, რაც უკანვე დაგიბრუნდება. ყველა, ვინც განშორებია, ან შენს წინააღმდეგ აღძრულა, თითქოს უკუღმა გამსგავსება და უკუღმართად გბაძავს<sup>33</sup>. მაგრამ თვით ამნაირი მსგავსებაც კი იმას მონშობს, რომ შენა ხარ მთელი სამყაროს შემოქმედი, და ამიტომაც ვერავინ ვერსად წაგივა.

მაშ, რა მომწონდა ჩემს ქერლობაში? ან რითი ვბაძავდი უკუღმართად ჩემს უფალს? იქნებ ის მსიამოვნებდა, რომ მზაკვრულად დამერღვია კანონი, რომელსაც აშკარად ვერ დავეუბირისპირდებოდი? მონად შობილს ჭეშმარიტი თავისუფლება კი არა, მისი უღიმღამო ჩრდილი მხიბლავდა, რაკილა შემეძლო დაუსჯელად მეკეთებიანა ის, რაც აკრძალული იყო, და ამრიგად, ყოვლისშემძლეობის უბადრუკ ხატს ველოლიავებოდი. აი, თუ გნებავთ, მონა, რომელიც ბატონს გაურბის და მის ლანდს კი ეძებს<sup>34</sup>. ჰოი, ხრწნილებავ, ჰოი, ცხოვრების საშინელებავ, ჰოი, სიკვდილის სიღრმე! განა შეიძლება სასიამოვნო იყოს ის, რაც აკრძალულია, მხოლოდ იმიტომ, რომ აკრძალულია?

## VII

15. „რას მივაგებ უფალს“<sup>35</sup> მთელი იმ საგანძურიდან, რასაც იმარხავს ჩემი მესსიერება, და რის წინაშეც არ შედრეკება ჩემი სული? მე შეგიყვარებ, უფალო, მადლს შემოგწირავ და ვაღიარებ შენს სახელს, რადგანაც იმდენი ბოროტება შემინდე და იმდენი უკეთურება მომიტყევე! შენს წყალობას და გულმონყალებას ვუმაღლი იმას, რომ ყინულივით დაადნე ჩემი

<sup>33</sup> „ცოდვილი სული თავისი ამპარტავნული, გაუკუღმართებული და, თუ შეიძლება ასე ითქვას, მონური თავისუფლებით ესწრაფვის იმას, რომ ღმერთს დაემსგავსოს. ასე, იმისთვის, რომ ჩვენს წინაპრებს შეეცოდათ, საკმარისი აღმოჩნდა სიტყვები: „იქნებით, როგორც ღმერთებიო“ (ნეტარი ავგუსტინე, „სამებისათვის“, 11,5,8).

<sup>34</sup> კვლავ მეორდება ნეტარი ავგუსტინესათვის ჩვეული მოტივი: ეს ქვეყანა მხოლოდ ლანდია საუკუნო სოფლისა, და ვინც პირველის გულისთვის იფიცებს მეორეს, ღვთისგან განდგომილია იგი, ზეციურ ნათელს მონყვეტილი, ხორციელ გულისთქმათა სათამაშოდ ქცეული და ბნელეთის მორევში დანთქმული („ნუ შეიყვარებთ ამ ქვეყანას, ნურც ამქვეყნიურ რასმე: ვისაც ეს ქვეყანა უყვარს, მამის სიყვარული არ არის მასში. ვინაიდან ამ ქვეყნად ყველაფერი - გულისთქმა ხორცის, გულისთქმა თვალის და სიამაყე არსებობისა, - მამისაგან კი არ არის, არამედ ამ ქვეყნისაგან“. - 1 იოან. II,15-16).

<sup>35</sup> ფსალმ. 115, 3.

ცოდვები. შენივე წყალობაა ისიც, რომ ხელი ამაღებინე ავკაცობაზე, არადა, ვინ მოსთვლის, რამდენი სიავის ჩაღენა შემეძლო ცოდვის უანგარო მოყვარეს!

და მე ვმონშობ, რომ ყველაფერი მომიტევე: ის ბოროტებაც, ჩემივე ნებით რომ ჩავიდინე, და ისიც, რისი ჩაღენაც შენმა გულმონწყალებამ აღმიკვეთა. ვინ, თავის უმწეობაზე დაფიქრებული რომელი კაცთაგანი გაბედავს, საკუთარ ძალმოსილებას მიანეროს თავისი უმანკობა თუ უბინობა, და ამრიგად, მის გულში თანდათანობით მიინავლოს შენი სიყვარული, თითქოს აღარ სჭირდებოდეს შენი გულმონწყალება, რომლითაც მიუტევე ცოდვებს შენდამი მოქცეულთ? მაშ, დაე, ნუ დამცინებს კაცი, ვისაც უხმე და ვინც კვალდაკვალ გამოჰყვა შენს ხმას, რისი წყალობითაც თავი დააღწია იმას, რასაც ამ ჩემს მოგონებებსა თუ აღსარებებში ამოიკითხავს: მე ხომ სწული ვიყავი და შენ განმკურნე, ან, უფრო სწორად, საშუალება არ მიეცი სწულებას, უფრო ღრმად გაედგა ფეხი ჩემს სულში. დაე, ამის გამო ჩემსავით, არა, ჩემზე მეტადაც შეგიყვაროს, რაკილა დაინახავს, ვინ დამისხნა ცოდვათა კირთებისაგან, და მიხვდება, ვის უნდა უმაღლოდეს, რომ თვითონაც არ გაება ცოდვის მახეში.

## VIII

16. რას გამოვრჩი, მე უბედური, რომ გავისხენე ის, რის გამოც დღეს სირცხვილით ვიწვი, მეტადრე - ჩემი ქურდობა, სადაც თვითონ ქურდობა მომწონდა მხოლოდ და მეტი არაფერი? თავისთავად ეს ქურდობაც არარა იყო, და ეს არარაობა კიდევ უფრო მამდაბლებს და მაუბადრუკებს. მაგრამ, რამდენადაც ჩემი მაშინდელი სულიერი მდგომარეობა მახსოვს, მარტო მე არასდიდებით არ ჩავიდენდი მას. მაშასადამე, მათი თანამშრომელობაც მიყვარდა, ვისთან ერთადაც ვიქურდე. დიახ, გარდა საკუთრივ ქურდობისა, ეგყობა, სხვა რაღაცაც მიყვარდა, მაგრამ ეს სხვა რაღაცაც, თავის მხრივ, არარა იყო.

მაინც რა? ვინ მეტყვის, გარდა იმისა, ვინც ნათელს ჰფენს ჩემს გულს და მის ირგვლივ ჩამონოლილ წყვდიადსა თანგავს? რა მაიძულეს ვიფიქრო, ვიმსჯელო, ვიკვლიო, თავი ვიმგვრიო? მარტოაღონ ნაქურდალი ხილი რომ მნდომებოდა, ან იმის სურვილი მქონოდა, რომ მსხლით ჩამეგებარუნებინა პირი, ანდა ისიც საკმარისი ყოფილიყო, რომ შემეძლო დაუსჯელად, მხოლოდ და მხოლოდ ჩემი სიამოვნებისათვის მექურდა, მარტოდმარტოც ხომ შევძლებდი ამას? რაღა საჭირო იქნებოდა ამფსონებს დავკავშირებოდი, რომ უფრო გამემძაფრებინა ჩემი უკეთური სურვილი? მაგრამ რაკი ნაქურდალ ხილს არავითარი



სიამოვნება არ მოუნიჭებია, მაშასადამე, ჩემთვის ეს სიამოვნება საკუთარივე ქურდობა იყო, თანამზრახველებთან ერთად ჩაღვნილი.

## IX

17. მაინც რა ეთქმის სულის ამ მდგომარეობას? რა თქმა უნდა, შავ ღღეში ვიყავი; მით უარესი ჩემთვის, რომ ამ საშინელებისათვის უნდა გამეძლო. კი მაგრამ, მაინც რა შეიძლება ეწოდოს ამას? „ვინ რას გაუგებს დანაშაულს?“<sup>36</sup>

ეს იყო გულიანი სიცილი, თითქოს შიგ გულში გვილიცინებო; ვიცინოდი, რადგანაც ვცუოდი, და იმავდროულად, კიდევაც ვაბიაბრუებდით იმ ხალხს ვისაც, ალბათ, აზრადაც არ მოუვიდოდა, რომ ჩვენ საერთოდ შეგვეძლო ქურდობა, და დანაშაულიც რომ გველიარებინა, მაინც არაუინ დაგვიჭერებდა. ვერ გეტყვით, რატომ მსიამოვნებდა ის ამბავი, რომ მარტოვას არ მიქურდია. იქნებ იმიტომ, რომ მარტო ვაცი ძნელად თუ გაიცინებს გულიანად. თუმცა ზოგჯერ ვაცს შეიძლება მაშინაც აუცედეს სიცილი, როცა სრულიად მარტოა, თუკი რაღაც ძალზე სასაცილო წარმოდგინა ან გაახსენდა. მე, ჩემდა თავად, მარტოდმარტო არასდროს არ ვიქურდებდი, არა და არა.

აი, ღმერთო ჩემო, რა გუშინდელი დღესავით მახსოვს ამდენი ხნის წინანდელი მდგომარეობა. მარტოდმარტო არასდროს არ ვიქურდებდი, რადგანაც საქურდალი კი არ მხიბლავდა, არამედ თვითონ ქურდობა. მარტო რომ ვყოფილიყავი, ქურდობაში ვერაფერს ვნახავდი მოსაწონს, და ამიტომ არც ვიქურდებდი. ო, მგრულო მეგობრობავ, სულის გონებაშიუნვდომელო ცთუნებავ, წყეულო სურვილო, რომელიც იმას მიელტვი, რომ რაიმე ავნო სხვას, მხოლოდ და მხოლოდ თავშესაქცევად, სალიბლოდ და სალაზღანდაროდ; დიახ, რაიმე ავნო სხვას, ყოველგვარი პირადი გამორჩენისა თუ შურისძიების გრძნობის გარეშე! მაგრამ საკმარისია ვილაცამ წამოაყრანტალოს - „წამო, გავაიმასქნათო“, რომ უკვე გრცხვენია, თუ სხვასავით ურცხვი არა ხარ.

<sup>36</sup> ფსალმ. 18, 13.

X

18. ვინ გიხსნის უკუღმართობის მზაკვრულად ჩანსულ-ჩახვეულსა და ჩაგრეხილ ხლართს? რაოდენ ბილნია საცქერლად: არც მისი გახსნა მსურს და არც დანახვა. მე მხოლოდ შენ მახსოვხარ, სამართლიანობავ და უმანკოებავ, პირმშვენიერო შენი მშვიდი ნათლის ციმციმით, უძღები ვნებით რომ მოგელგვიან შენით მაძღარნი. შენში შემოსული „თავისი პაგრონის სიხარულში შედის“<sup>37</sup>, აღარასოდეს შედრეკება და მარად ბედნიერი იქნება მარადიული სიკეთის სასუფეველში. სიჭაბუკისას მე მოგწყდი და განგიდექი, უფალო ჩემო, შორს ვიყავ შენი სიმყარისაგან, და ამიგომაც სიმწირის ბუდედ ვიქეცი.

---

<sup>37</sup> მათე, XXV, 21.

# წიგნი მასაჰა

## I

1. ჩავედი კართაგენში<sup>1</sup>; ეს იყო სამარცხვინო სიყვარულით სავსე კარდალი<sup>2</sup>, რომელიც დულდა და გაღმოდლიოდა. მე ჯერ კიდევ არ მიყვარდა, მაგრამ მიყვარდა სიყვარული, და თურული მოთხოვნებით გატანჯულს მეზიზღებოდა ჩემი ტავი, მეზიზღებოდა იმის გამო, რომ ეს მოთხოვნება საკმაოდ მძაფრი არ იყო. მე ვეძებდი ჩემი სიყვარულის საგანს, სიყვარულზე შეყვარებული. მძულდა სიმშვიდე და მძულდა გზა, სადაც ყოველი ფეხის ნაბიჯზე მახე არ იყო დაგებული. მთელი შიგანი მეწვოდა შიმშილით: ეს სულიერი შიმშილი იყო, და მხოლოდ შენ შეგეძლო მისი დაცხრობა, უფალო ჩემო, მაგრამ მე ამ შიმშილის მოკვლა როდი მსურდა, რადგანაც ჯერ კიდევ არ მოველგვორი უხრწნელ საბრდოს, თუმცა იმიტომ კი არა, რომ საძლომად მქონდა: რაც უფრო მეტად მშოიოდა, მით უფრო მეზიზღებოდა იგი.

ამიტომაც ჩემი სული სნეული იყო, გარე სამყაროში დანთქმული და მონყალების მოთხოვნელი გლახაკივით სანყალობლად ხელგაშვერილი, ხოლო მისი ერთადერთი გასაკითხი გრძობად საგნებთან ლაციცი ვახლდათ. მაგრამ რაკი ამ საგნებს სული არ ჰქონდათ, ცხადია, მათი შეყვარებას შეუძლებელი იყო.

მეყვარებოდა და ვეყვარებოდი, - ჩემთვის ეს უფრო სანუკვარი იყო, ვიდრე საგრტოს სხეულის დაუფლება. სულიერი სიყვარულის წმინდა წყაროს გულისთქმის მწვირით ვამღვრევედი და ვნაბათაღელვის ჯოჯოხეთური სუნთქვით ვბლალავდი მის სიკამკამეს. ურცხვი, ურიდი და უტიფარი, უსაზღვრო ამაოებით აღსავსე, თავგამოდებით ვცდილობდი ზრდილი, დახვეწილი და მომხიბლავი მოფხვენებოდი ხალხს. გულისთქმათა მორეგში დანთქმულს მინდოდა შიგ ჩავმხრჩვალყავი. ღმერთო დიდებულო, რანაირ ნაღველს ურევედი, შენი გულმონყალებით, ამ სიგკბოებას. მე ვუყვარდი! ფეხაკრეფით მივიპარებოდი განცხრომის პირქუშ დილეგში, ლხენით აღვსილი თვითონვე ვიდებდი წამების ბორკილს და საშუალებას ვაძლევდი თავიანთი შანთით დავედაღეთ იგენეულობას, შიშს, ძრწოლას, შურს, მრისხანებას, განხეთქილებას.

<sup>1</sup> დიდი ბერძენი სწავლულის სტრაბონის (დაახლ. 64 ძვ.წ.ა - დაახლ. 24 ახ.წ.ა) ცნობით, მესამე პუნიკურ ომში (149-146 ძვ.წ.ა) სამარცხვინო და მინასთან გასწორებული, ხოლო შემდეგ იულიუს კეისრისა და ავგუსტუსის მიერ აღდგენილი კართაგენი მის (ე.ი. სტრაბონის) დროს ლიბის ერთ-ერთი ყველაზე აყვავებული ქალაქი ყოფილა („გეოგრაფია“, XVII, 15). ისტორიკოსი ჰეროდოტე (III ს. ახ.წ.ა.) წერდა, რომ კართაგენი მხოლოდ რომს ჩამოუვარდებოდა სიდიდითა და მოსახლეობის რაოდენობით („ისტორია“, VII, 6). ქრისტიანობა ადრე ვავრცელდა კართაგენში, მაგრამ წარმართობაც ჯერ კიდევ საკმაოდ ძლიერი იყო (იხ. ნეტარი ავგუსტინე, „ღვთის ქალაქისათვის“, 2,4; 7,26).

<sup>2</sup> დედანში სიტყვების თამაშია: Carthago (კართაგენი) - sartago (ქვაბი, ტაფა). მე „კარდალი“ ვიხმარე, რათა ნაწილობრივ მაინც მიმეღწია დედნის ასონანსური ეფექტისათვის.

II

2. მე გამიგაცა თეატრალურმა წარმოდგენებმა, თვალწინ რომ მიყენებდნენ ჩემსავე სვედავსილობას და, ამრიგად, ცეცხლზე ნავთს ასხამდნენ. რაგომ სურს კაცს მწუხარებას ეძლეოდეს საგალალო და ტრაგიკულ მოვლენათა ჭვრეტისას, თუმცა არამც და არამც არ ისურვებდა პირადად განეცადა ისინი? მიუხედავად ამისა, მას, როგორც მაყურებელს, დიახაც სურს თვითონვე განიცდიდეს მწუხარებას, და სწორედ ამ მწუხარებით გვბეზა. აი, უცნაური სიმღევე! ადამიანი მით უფრო მეტად ღელავს თეატრში, რაც უფრო ნაკლებ დაზღვეულია იმისაგან, რომ პირადად განიცადოს ის, რაც სცენაზე ხდება. როცა კაცი თავის საკუთარ საღმობას განიცდის, ამას განჯევა ჰქვია, სხვისი საღმობის განცდას კი - თანაღმობა. მაგრამ რანაირად უნდა თანაღმობდე დრამატულ გამონაგონს? მაყურებელს იმიტომ კი არ ინვევენ თეატრში, რომ სხვას დაეხმაროს, არამედ იმიტომ, რომ მწუხარებით აღივსოს, და ის მით უფრო მაღლიერია ამ გამონაგონთა ავტორისა, რაც უფრო მეტად წუხს. მაგრამ თუ ოღინდელი ან გამოგონილი უბედურება იმნაირადაა წარმოდგენილი, რომ მწუხარებას ვერ განაცდევინებს მაყურებელს, ეს უკანასკნელი მთქნარებითა და ლაძღვა-გინებით გამოდის თეატრიდან. ხოლო თუ მწუხარება განაცდევინებს, თვალის დაუხამხამებლად მისჩერებია სცენას, და სწორედ ეს ანიჭებს სიამოვნებას<sup>3</sup>.

3. მაშ, ცრემლები და მგვიწვეული განცდები გვიყვარს? რა თქმა უნდა, ყველა ადამიანს სურს სიხარული, საღმობას კი ყველა გაურბის, თუმცა ის მაინც სურს, რომ თანამღმობელი ერქვას; მაგრამ რაკი თანაღმობა შეუძლებელია განჯვისა და მწუხარების გარეშე, ეს ხომ არაა ერთადერთი მიზეზი იმისა, რომ სიყვარულით ვემსჯელებით წუხილს? თანაღმობის წყარო მეგობრობაა. მაგრამ საით მიყვავართ მას? ან საით მიედინება? რაგომ ერთვის მოთუხთუხე კუბრის შმაგ ნაკადს, პირქუში ვნების ბობოქარ მორევს, სადაც თავისი არჩევანითვე იცვლება, ზურგს აქცევს თავი ციურ სინძინდეს? მაშ, შორს თანაღმობა? არამც და არამც! დაე, მწუხარება ხანდახან მაინც სასურველი იყოს. მაგრამ უფროთხილდი, სულო ჩემო, უწმინდურებას, მამა-პაპათა ღმერთის მფარველობით უფროთხილდი, ღმერთისა, რომელიც ქება-დიდებისა და თაყვანისცემის ღირსია უკუნითი-უკუნისამდე<sup>4</sup>.

მე ღღესაც თანამღმობელი ვარ, მაგრამ მაშინ, თეატრში, მე ვხარობდი შეყვარებულებთან ერთად, ვნებააგანილნი რომ ეკურკურებოდნენ ერთმანეთს, თუმცა ყოველივე ეს სხვა არა იყო რა, თუ არა გამონაგონი და თეატრალური თამაში. ხოლო როდესაც ერთმანეთს ეყრებოდნენ, მთელის არსებით ვიზიარებდი მათ მწუხარებას, თუმცა

<sup>3</sup> მართალია, ნეტარ ავგუსტინეს აქ თავისი პირადი განცდებისა და მათი ფსიქოლოგიური ანალიზის გარდა არაფერი აინტერესებს, მაგრამ მისი სიტყვები მაინც ერთგვარი ისტორიული დოკუმენტია: ისინი გვიჩვენებენ, რაოდენ ძლიერი იყო ანტიკური თეატრალური ხელოვნების ტრადიციები ჩვენი წელთაღრიცხვის IV საუკუნის კართაგენში და, ალბათ, არა მარტო კართაგენში.

<sup>4</sup> შდრ. დან. III, 52.

ორივე შემთხვევაში თანაბრად ვგვკებოდა ამ საპირისპირო განცდებით<sup>5</sup>. ახლა მე უფრო მეტად მეტრალეა ის, ვინც თავისდა სამარცხვინოდ, საკუთარი ბინიერებით გვკება, ვიდრე ის, ვინც თავბედს იწყევლის იმის გამო, რომ დაუშრა სახედისწერო ვნებათაღელვის წყარო და, ამრიგად, დაჰკარგა უბადრუკი ბედნიერება. ეს, რა თქმა უნდა, ნამდვილი სიბრალეულია, მაგრამ ამ დროს მწუხარება გვბობის წყაროდ როდი იქცევა. გებრალეობდეს უბედური, იმასა ნიშნავს, რომ კუთვნილს მიაგებდე გულმონწყალებას, მაგრამ ნამდვილ გულმონწყალებას ერჩია, სიბრალეულის საბაბი არ მისცემოდა. რომ არსებობდეს ბოროტმოსურნე კეთილმოსურნეობა, - რაც შეუძლებელია, - მაშინ ნამდვილი და ჭეშმარიტი თანაღმობით შეძრული კაცი, აღბათ, ისურვებდა, რომ ყოფილიყვნენ უბედურნი, რათა მათ მიმართ სიბრალეული გამოეჩინა. მაშასადამე, მწუხარება ზოგჯერ შეიძლება მოსაწონიც კი იყოს, მაგრამ შეუძლებელია გიყვარდეს იგი. ო, სულმოყვარე ღმერთო ჩემო, შენი გულმონწყალება განუბომლად უფრო წმინდაა ჩვენსაზე, უფრო წმინდა და უცვლელი, სწორედ იმიტომ, რომ არავითარ მწუხარებას არ შეუძლია შენი მონწყვა; „თუმცა ან კი ვის შეუძლია?“<sup>6</sup>

4. მაგრამ მაშინ მე სვედავსილს მხიბლავდა მწუხარება და თვითონვე დავეძებდი წუხილის საბაბს: მსახიობის თამაში, ვიღაცის შეთხზულსა და გამოგონილ უბედურებას რომ წარმოგვიდგენდა, უფრო მეტად მომწონდა და მიტაცებდა, თუკი ცრემლს მღვრევენებდა. ჰოდა, რა გასაკვირია, რომ მე - თვრას მონყვეტილი, გზააბნეული და შენი მონყალე მთარველობის მოძულე ცხვარი<sup>7</sup> ბინძური ქეცით გავქეციანდი? სწორედ ამიტომ მხიბლავდა მწუხარება, მაგრამ ის მწუხარება კი არა, სულის სიღრმემდე რომ განგწონის: მე თვითონ ხომ ვერ ავიტანდი იმას, რისი ცქერაც ასე მიყვარდა, - წარმოსახული ტანჯვის ყურება თითქოს კლანჭებით მიკანრაავდა კანს, ანთებას იწვევდა და მთელ ტანზე ჩირქიან მუნუკებს მაყრიდა.

ასეთი იყო ჩემი ცხოვრება, უფალო ჩემო, თუკი ამას ცხოვრება ეთქმის!

### III

5. მე კი შორითვე თავს მევლებოდა შენი მამობრივი გულმონწყალება, და მაინც, რანაირი უსამართლობის მწვირეში ვიყავი დანთქმული! მკრეხელური იყო ჩემი ცნობისწადილი: ზურგი გაქციე და მივადექი ურწმუნობის უფსკრულის ნაპირს; ქედს ვიდე ღემონთა მსახურების მძიმე უღელი, რომელთაც „მსხვერპლად ვწირავდი“<sup>8</sup> ჩემს ბოროტ საქმეებს, მიუხედავად იმისა, რომ ყოველი მათგანისათვის მამათრახებდი!

<sup>5</sup> ზოგიერთი კომენტატორის აზრით, ეს პასაჟი საშუალებას გვაძლევს ჰიპოთეტურად განვსაზღვროთ იმდროინდელი თეატრების რეპერტუარი: ესაა, უწინარეს ყოველისა, პოპულარული რომაელი დრამატურგების - ტიტუს მასკენციუს პლავტუსისა (დაახლ. 250-184 ძვ.წ.ა) და ტერენციუს აფერის („აფრიკელის“: დაიბადა კართაგენში ძვ.წ.ა. 195 წ. გარდ. 159 წ.) კომედიები, რომელთა სიუჟეტის ძირითადად სასიყვარულო ინტრიგებზეა აგებული.

<sup>6</sup> შდრ. II კორ. 11,16.

<sup>7</sup> შდრ. ლუკ. XV, 4.

<sup>8</sup> შდრ. მორე სჯ. XXXII, 17.



იმდენად გავთავხედდი და გავკადნიერდი, რომ თვით შენს ტაძარში ვი, საზვიად ღმრთისმსახურებისას, მხოლოდ იმას ვნატრობდი და მიველგვოდი, რის შედეგადაც შეიძლებოდა მომესთვლა სიკვდილის მწარე ნაყოფი<sup>9</sup>. ამიგომაც დამსაჯე უსასტიკესი სასჯელით, მაგრამ თვით ესეც ვი ღვთის წყალობა იყო ჩემს უკეთურებასთან შედარებით, ო, ღმერთო ჩემო, საშინელ განსაცდელში ჩემო ერთადერთო თავშესაფარო, განსაცდელში, რომელიც ყოველი თვისის ნაბიჯზე მემუქრებოდა, როცა, ქედმაღლური თვითონმენით აღსავსე, თანდათანობით გმორდებოდი, რადგანაც ჩემი გზა მიყვარდა, და არა შენი; მიყვარდა თავისუფლება, მაგრამ ეს იყო თავისუფლება პატრონისაგან გაქცეული მონისა<sup>10</sup>.

6. არანაკლები ძალით მიზიდავდა ყველა ის საქმიანობა, რომელიც საპატიოდ ითვლებოდა; ვოცნებობდი თორუმზე, მისი დაუსრულებელი დავიდარაბითურთ, და ვნატრობდი წარმატება მომეპოვებინა იქ, სადაც სახელსა და ღირებას მხოლოდ სიცრუის ხარჯზე თუ მოიხვეჭს კაცი. ასეთია კაცთა სიბრძავე, ამ სვედავსილთ ვი თავიანთი სიბრძავით მოაქვთ თავი. მე პირველი ვიყავი მჭევრმეტყველების სკოლაში და უსაზღვრო იყო ჩემი სიხარული; ერთ რამედ ღირდა ჩემი გორობი იერი და გაბღენძილობა! თუმცა შენ ხომ იცი, უფალო: თავი სხვებზე უფრო მშვიდად მეჭირა და არაფითარ მონანილეობას არ ვღებულობდი „ამრევთა“ აღვირახსნილ გამოხდომებში (თვით ეს საბედისწერო და საგანური სახელი დახვეწილობის ნიშნად იყო მიჩნეული). მე მათ შორის ვცხოვრობდი და, ჩემდა სამარცხვინოდ, მრცხვენოდა, რომ მათნაირი არ ვიყავი. თუმცა ხანდახან მათ წრეშიაც ვგრიანდებდი და, ასე განსაჯეთ, ზოგჯერ კიდევაც ვმეგობრობდი ამ თავგასულებთან, მაგრამ მათი საქციელი - უმანკო ახალბედების დაცინვა, შეურაცხყოფა და ცთუნება, მხოლოდ და მხოლოდ თავშექცევისა და საკუთარი ბოროტმოსურნეობის დაკმაყოფილების მიზნით, - ზიზღის მეტს არაფერის ინვევდა ჩემში<sup>11</sup>. რა შეიძლება იყოს ამბზე უფრო ეშმაკისეული? „ამრევებზე“ უკეთეს სახელს ვერც მოიგონებდით მათთვის. მაგრამ ეს „ამრევნი“ და მაცთურნი სხვებზე უმალ თვითონვე იყვნენ თავგზააბნეულნი, გარყვნილნი და ცთუნებულნი ბოროტი სულების მიერ, მზაკურულად დაგებულ მახეში რომ აბამდნენ მათ, ვისაც თვითონვე უყვარდა სხვების დაცინვა და ცთუნება<sup>12</sup>.

<sup>9</sup> შდრ. რომ. VII, 5.

<sup>10</sup> შდრ. „აღსარებანი“, წიგნი მეორე, VI, 14.

<sup>11</sup> „ამრევთა“ ამნაირ ქცევას, ისტორიულ წყაროებზე დაყრდნობით, ზუსტად ასევე ავგინწერს ჰენრიკ იბსენი თავის ბრწყინვალე დრამაში „კეისარი და გალილეელი“ (ნაწ. I - „ცეზარის განდგომილება“, II მოქმედების დასაწყისი). მსგავსება იმდენად ღიადია, რომ კაცმა შეიძლება ძალაუვნებურად იფიქროს: ხომ არ იყო ნეტარი ავგუსტინეს ეს პასაჟი იბსენის ერთ-ერთი წყარო. აქვე უნდა შევნიშნოთ, რომ „ამრევთა“ ქცევა ისეთსავე ზიზღს ინვევს ათენის ორატორულ სკოლაში უფლისწულ იულიანეს „თანაკურსეულთა“ - ღვთისმეტყველების მომავალ მნათობთა: ბასილი კესარიელისა და გრიგოლ ნაზიანზელის სულში, როგორსაც ნეტარ ავგუსტინეში.

<sup>12</sup> „რა შეიძლება იყოს უფრო საზიზღარი, ან რამ შეიძლება დაატყოს კაცს მეტი რისხვა უფლის მართალი მსჯავრისა და განკითხვის დღეს, ვიდრე სხვისი უბედურებით გამოწვეულ სიხარულს, რაც ადამიანს ეშმაკს ამსგავსებს?“ (ნეტარი ავგუსტინე, „კატეხუმენტა განსწავლისათვის“, 11).

IV

7. აი, რანაირ ხალხში ვგრიანდები ჯერ კიდევ უნდელი ჭანუკი, და თან მჭევრმეცველების ხელოვნების ვეუფლებოდი, რათა ხორცი შემესხა სრულიად ფუჭი, ქარაფუჭული მიზნისათვის და, ადამიანური ამაოებისა თუ პატივმოყვარეობის დასაკმაყოფილებლად, სახელგანთქმული მჭევრმეცველი გაემხდარიყავი. განსწავლის გატეპნილი გზით სიარულმა, ბოლოს და ბოლოს, ვინმე ციცერონის<sup>13</sup> წიგნთან მიმიყვანა, ციცერონისა, ვისი ენაც უფრო დიდი განცვიფრებას იწვევს, ვიდრე გული. ეს წიგნი, რომელსაც „ჰორტენზიუსი“ ეწოდება<sup>14</sup>, გვიჩვენებს ფილოსოფიას მიუძღვნათ თავი.

<sup>13</sup> „ნეტარი ავეუსტინე კარგად იცნობდა ციცერონის ნაწარმოებებს. თავის თხზულებაში „აკადემიკოსთა წინააღმდეგ“ (I,3,7) „ჩვენს ციცერონად“ იხსენიებს მას. ნეტარი ავეუსტინეს თანამედროვეთა შორის ალბათ არც მოიძებნებოდა ისეთი კაცი, ვისთვისაც უცნობი იქნებოდა ციცერონის სახელი. „ვინმე ციცერონს“ სხვადასხვააზრად განმარტავენ: 1) ზოგის აზრით, ნეტარი ავეუსტინე ამით გამოხატავდა თავის ზიზღს წარმართული კულტურისადმი; ამნაირი დამოკიდებულება საერთოდ ნიშანდობლივი იყო ახალი წელთაღრიცხვის პირველი საუკუნეების ქრისტიანი მწერლებისათვის; 2) ზოგის აზრით კი, რაკილა სურდა ხაზგასმით აღენიშნა, რომ აქ განგების ხელი ვერა, ნეტარი ავეუსტინე განზრახ აკნინებდა ადამიანის მნიშვნელობას“ (რუსული თარგმანის შენიშვნები, - იხ. დასახ. გეოგ. გვ.233).

<sup>14</sup> ჩვენ საგანგებოდ მიმოვიხილავთ ციცერონის ამ თხზულებას, რომელმაც უდიდესი ზემოქმედება მოახდინა ჭანუკი ავეუსტინეს მსოფლმხედველობის ფორმირებაზე. „ჰორტენზიუსი“ დაიწერა ძვ.წ.ა 45 წლის გაზაფხულზე. ციცერონის ცხოვრებაში ესაა ერთ-ერთი ყველაზე მძიმე და პირქუში ხანა. 46 წ. იულიუს კეისარი ფაქტიურად რომის ერთპიროვნული მმართველი ხდება. ესაა ციცერონის მასულდგმულებელი დემოკრატიული იდეალების კრახი. რომს გარიდებული და თავის მამულში განმარტოებული დიდი რესპუბლიკელი არსებითაც პოლიტიკურ საბრძოლველს მიღმა რჩება. ამას ზედ ერთვის მეგობრებისა და საყვარელი ასულის ტულიას სიკვდილი. სასწრაფო ციცერონი, ბოეციუსისა არ იყოს, ცდილობს ფილოსოფიის წიაღში ჰპოვოს ნუგეში და თავშესაფარი. სწორედ ამ მიზნით იწერება დიალოგი „ჰორტენზიუსი“, რომელსაც ჩვენს დრომდე არ მოუღწევია; შემოგვრჩა მხოლოდ ფრაგმენტები, რომელთა მიხედვითაც შესაძლებელი ხდება დიალოგის ნაწილობრივი რეკონსტრუქცია.

ნაწარმოებში ოთხი მოქმედი პირია: ჰორტენზიუსი, ლუკულუსი, კატულუსი და თვით ციცერონი. ამქვეყნიური არსებობის ამოების, ცხოვრებისეული სიმწარისა და სიმწარის, ყოველდღიურობის დამთრგუნველი ძალმოსილების წინააღმდეგ ბრძოლაში, კატულუსის აზრით, ყველაზე ქმედითი იარაღი პოეზიაა. ამ მხრივ, ლუკულუსი ისტორიის ანიჭებს უპირატესობას, ჰორტენზიუსი კი მჭევრმეცველებს აყენებს ყველაზე მაღლა და, ცოტა არ იყოს, ადგებულად იხსენიებს ფილოსოფიას, რომლის დამცველადაც დიალოგში ციცერონი გვევლინება.

ყოველი ჩვენგანი - ამტკიცებს ციცერონი, - ბედნიერებას სახავს ცხოვრების უმაღლეს მიზნად და ბედნიერებასვე ესწრაფვის. ეს წინააღმდეგობის სწრაფვა თვითონ ბუნებამ ჩადო დვრიტად ადამიანში, და მანვე ჩავიხილავთ ცოდნაც იმისა, თუ რა არის ჭეშმარიტი ბედნიერება. მაგრამ ყოველდღიურ ორომტრიალში დანთქმული ადამიანის ათასნაირი ცთომილება ახშობს და გასაქანს არ აძლევს ბუნების ხმას. ამიტომაცაა, რომ ზოგს სიმდიდრე მიაჩნია ჭეშმარიტ ბედნიერებად, ზოგს განცხრომა და ამქვეყნიური სიამით ტკობა, ზოგსაც სახელი, პატივი თუ ძალაუფლება. მაგრამ ყოველივე ეს უხანა და უფასური; ყველაფერი ისევე სწრაფად ქრება, როგორც კვამლი - ქარში, ან წამი - მარადმედიანი დროის ნაკადში. რასაც მთელი სიცოცხლის მანძილზე განუწყვეტელი რუდუნებით, ოფლისღვრითა და ჭაპანწყვეთი ვეძენთ, ვიხვეჭთ და ვაგროვებთ, შეიძლება ერთ წამში გამოგვეცალოს ხელიდან. აქედან - ჩვენი მუდმივი შიში და ძრწოლა, წრიალი და მოუსვენრობა, მოსალოდნელი უბედურების დამთრგუნველი და მტანჯველი განცდა. მერედა, ამას ჰქვია ჭეშმარიტი ბედნიერება? ეს შეცდომაა, ფასეულობათა ეს აღრევა დასაბამს იღებს იქიდან, რომ ადამიანში ერთმანეთს ერწყმის უკვდავი სული და მკვდარი სხეული, ეს ხრწნაღი გვაში, რომელსაც სული იძულებით დაათრევს ყველგან.

მაგრამ არსებობს ადამიანური ცთომილების, სულის ამ სწეულების სამკურნალო საშუალება, რომელსაც გვთავაზობს ფილოსოფია, ათასგვარი ცრურწმენისაგან რომ გვათავისუფლებს, ბედნიერების ილუმინაციის გვარწმუნებს და სიქველის სიყვარულს გვინერგავს გულში. სიქველის გარეშე არ არსებობს ბედნიერება; ესაა სიქველი, რომელსაც ვერავითარი ძალა, თვით ბედის უკუღმა ტრიალიც კი ვერ წავგართმევს. თუმცა თვით სიქველაც კი არ არის სურვიელი ლტოლვის საბოლოო მიზანი, რადგანაც მის არსებობას ცხოვრებისეული უბედურება, სულისა და სხეულის კავშირი განაპირობებს. თუკი „ნეტართა კუნძულები“ (წარმართული სამოთხე - ბ.ბ.) მართლაც არსებობენ, სადაც სხეულის დილევიდან თავდაღწეული სულები აუმღვრეველი ბედნიერებითა და სრული ნეტარებით ტკბებიან, მაშინ იქ ადგილი აღარა რჩება სიქველეს, რადგანაც სიქველე არსებობს მხოლოდ იმდენად, რამდენადაც ბინიერებას უპირისპირდება, ბინიერების სათავე კი მატერიაა, ხოლო „ნეტართა კუნძულები“ აბსოლუტურად იმპატერიალური სინამდვილეა, წმინდა სულიერების საუფლო. სულის ნეტარება სხვა არა არის რა, თუ არა ამ იდეალური სამყაროს ჭვრეტა და მარადიული ჭეშმარიტების შემეცნება. ამიტომ ჩვენი ამქვეყნიური არსებობის დანიშნულებაა და უზენაესი მიზანიც ისაა, რომ მოვეთხოს არსებით ვესწრაფოდეთ ცოდნას და ფილოსოფიის მეშვეობით შექმნისდაგვარად ვეზირებოდეთ ჭეშმარიტებას, რომელიც ცთომილებისაგან გვათავისუფლებს და ამრიგად გვიჩვენებს ნეტარებისაკენ მიმავალ გზას.

ციცერონის თხზულებამ ძირფესვიანად შეცვალა ჩემი სულიერი მდგომარეობა, უფალო ჩემო, შენსკენ მოაქცია ჩემი ლოცვები და სრულიად ახალი გეზი მისცა ჩემს აღთქმებსა თუ სურვილებს. ჩემთვის ერთბაშად ნათელი გახდა მთელი ჩემი სასოების ამაობა; ამიერიდან უჩვეულო გზებით მიველტვოდი მხოლოდ უკვდავ სიბრძნეს, და დაცემული ნელ-ნელ ვდგებოდი ფეხზე, რათა კვლავ დაბრუნებოდი<sup>15</sup>. არა, იმიტომ კი არა, რომ ენა დამეხვეწა, რისთვისაც დღემდე ვხარჯავდი დედამისის მიერ გამოგზავნილ ფულს (მაშინ ცხრამეტი წლისა ვიყავი, მამაჩემი კი ორი წლის წინ გარდაიცვალა<sup>16</sup>, არა-მეთქი, კვლავ ვიმეორებ, ენის დასახვეწად როდი ჩავვირკვიცხები ამ წიგნს, რომელიც იმას კი არ მასწავლიდა, თუ როგორ უნდა მეთქვა სათქმელი, არამედ იმას, რაც ნათქვამი იყო შიგ.

8. თქ, როგორ მწვავდა, ღმერთო ჩემო, როგორ მწვავდა და მდაგავდა იმის სურვილი, რომ მიმეტოვებინა ყოველივე მიწიერი და ფრენით მომეშორებინა შენთვის! მაგრამის კი არ ვიცოდი, რას მიპირებდი. „ხომ შენშია სიბრძნე“<sup>17</sup>, სიბრძნის სიყვარულს კი ბერძნულად ფილოსოფია ჰქვია<sup>18</sup>; სწორედ ამ სიყვარულს აღაგზნებდა ჩემში ეს წიგნი.

არიანადამიანები, რომლებიც ფილოსოფიას მოყვასთა საცთუნებლად იყენებენ, და ამ დიადი, მომხიბლავი და ღირსეული სახელით ცდილობენ შენიღბონ და შეალამაზონ თავიანთი შეცდომები. ციცერონის თხზულებაში დასახელებული და მხილებულია თითქმის ყველა ამნაირი ფილოსოფოსი, მისი თანამედროვეებიცა და წინამორბედნიც, რაც ერთხელ კიდევ გვიდასტურებს სული წმიდის კეთილმოსურნე გაფრთხილებას, შენი ერთგული და ღვთისმოსავი მსახურის მიერ გაცხადებულს: „ფრთხილად, არავინ გაცთუნოთ სიბრძნის

ასეთია დაახლოებით „ჰორტენზიუსის“ იდეურ-მინარსობრივი სამყარო. საკითხავია, რას უნდა მიეწეროს ის უჩვეულო ზემოქმედება, რაც მან მოახდინა ჭაბუკი ავეუსტინეს სულზე. აკი თვითონაც, სიყრმეშიც და სიჭაბუკეშიც, თავის მშობლიურ თავასტაშიც, მადავრასა თუ კართაგენშიც, გატაცებით ეუფლებოდა ცოდნას. როგორც ყველა მაღალნიჭიერი და პატივმოყვარე ყმაწვილი კაცისათვის, უწინარეს ყოვლისა, მისთვისაც ცოდნა იყო სახელისა და დიდების მოხვეჭის ყველაზე საიმედო საშუალება. მაგრამ მისი მისწრაფებისა და „ჰორტენზიუსის“ საერთო მიზანდასახულობის არსებითი განსხვავება ესაა სწორედ. ავეუსტინეს მხოლოდ საშუალებად მიაჩნდა ცოდნა, ციცერონს კი - მიზნად, მეტიც, თვითმიზნად, რადგანაც დიდი რამაელი ორატორის აზრით, რასაც სოკრატეს მსოფლგაგება ელო საფუძვლად, ცოდნა იგივე იყო, რაც სიქველე და სულიერი სრულყოფილება.

ამიტომაცაა, რომ ამიერიდან ნეტარი ავეუსტინეს ინტელექტუალურ ქმედითობას მთლიანად განაპირობებს სულის სწრაფვა ჭეშმარიტებისაკენ. სულიერი ცხოვრების ცენტრი რადიკალურად გადაადგილდა, რამაც განსაზღვრა ჭაბუკის ცნობიერ ძიებათა ახალი პროგრამის შემუშავება. ამიერიდან ის ბრმად აღარ ენდობა, აღარ ემორჩილება თავის ინსტინქტებს და მთელის არსებით მიილტვის რაციონალურად დასაბუთებული და მტკიცედ დასახული მიზნისაკენ - თვითონვე გამოსჭედოს საკუთარი ბედნიერება, რაციონალურ სანყისებზე დააფუძნოს და ბედის ტრიალისაგან დამოუკიდებელი გახადოს იგი.

მაგრამ ნეტარი ავეუსტინეს სიტყვებით რომ ვთქვათ, „ჭეშმარიტება თავდაპირველად ეუფლება გონებას და მხოლოდ შემდეგ მოიცავს დანარჩენსაც“ („საღმართო საკითხთათვის“, 67,6). ეს „დანარჩენი“ კი გრძნობაა და ნება. „ჰორტენზიუსის“ ზემოქმედების შედეგად ჭაბუკი ავეუსტინე დარწმუნდა, რაოდენ ფუჭი იყო სიმდიდრის, სახელისა თუ პატივის მოხვეჭა დაესახა მიზნად. მაგრამ მისი ნება ჯერ კიდევ ამ მძინვარე ვნებების ტყვედა რჩებოდა და მისი სურვილები აშკარად არ შეესაბამებოდნენ მისსავე რაციონალურ რწმენას. ამიტომაც მომავალში აუცილებელი შეიქნა თავგანწირული ძალისხმევით დაეთრგუნა მის არსებაში მბორგავი ვნებები, რათა სულიერი ჰარმონიისათვის მიეღწია.

<sup>15</sup> ნეტარი ავეუსტინე კვლავ უბრუნდება თავის საყვარელ მოტივს: ძე შევთომილის დაბრუნებას მშობელ მამასთან (იხ. ლუკა XV, 18).

<sup>16</sup> ნეტარი ავეუსტინე დაიბადა 354 წლის 13 ნოემბერს. მამასადამე, მამამისი 371 წელს გარდაცვლილა.

<sup>17</sup> იობი, XII, 13.

<sup>18</sup> „ფილოსოფია! კომპოზიტია: „ფილია“ - „სიყვარული“, „სოფია“ - „სიბრძნე“.

მოყვარებითა და ფუჭი საცთურით, კაცთა გადმოცემებისა თუ ქვეყნის სანყისთამებრ, და არა ქრისტეს თანახმად, რადგანაც მასში მკვიდრობს ღვთაების მთელი საფსება სხეულებრივად<sup>19</sup>.

მაგრამ ამ ხანად, შენ ხომ იცი, ნათელო ჩემი გულისა, მე ჯერ კიდევ არ ვიცნობდი მოციქულის ამ სიტყვებს, და მაინც ვგვებოდი ციცერონის თხზულებით, რომელიც შეგვაგონებდა, ესა თუ ის ფილოსოფიური სკოლა კი არ გვეყარებოდა, არამედ - საკუთრივ ფილოსოფია, და მისკენ სწრაფვის, მისი დაუფლებისა და მასთან ზიარების დაუოკებელ სურვილს გვიღვივებდა გულში. მხოლოდ ერთი რამ ანელებდა ჩემს გზნებას: შიგნის ნახსენებიც არ იყო ქრისტე<sup>20</sup>, ხოლო ეს სახელი, შენი გულმონყალების მეოხებით, უფალო ჩემო, შენი ძისა და ჩემი მაცხოვრის სახელი, დედის რძესთან ერთად შევიწოვე და შევისისხლხორცე: ის ღრმად აღიბეჭდა ჩემს ბავშვურ გულში, ასე რომ, ვერცერთი წიგნი, რაგინდ მომხიბლავი, ღრმააზროვანი და დახვეწილიც არ უნდა ყოფილიყო იგი, მთელი არსებით ვერ გამიგაცვებდა.

## V

9. ამრიგად, გადავწყვიტე გულდასმით ჩავკლომოდი საღმრთო წერილს, რათა მენახა, რა არის ეს. და, აი, მე ვხედავ, რომ ესაა ქედმაღალთათვის რალაც გაუგებარი, ბავშვებისათვის - გონებაში უწვდომელი; იღუპალებით მოსილი შენობა დაბალი შესასვლელით, რომელიც მით უფრო მაღლდება, რაც უფრო მეტად შედიხარ სიღრმეში. მე არც შიგნით შევხედე და არც თავის დახრა, რომ ორიოდ ნაბიჯი მაინც წამედგა წინ. ამ სიტყვებს არათუ აქვთ საერთო ჩემს მაშინდელ განცდასთან, ერთბაშად რომ დამეუფლა, როგორც კი საღმრთო წერილს მივყავი ხელი: იმის ღირსადაც არ მომეჩვენა რომ ციცერონის ბრწყინვალე სტილისათვის შემედარებია<sup>21</sup>. ჩემი ყოყმანობა ვერ ურიგდებოდა მის სისადავეს; ჩემი მზერა ვერ აღწევდა მის სიღრმეში; მართალია, მისი მკითხველი მით უფრო მეტად იბრძება, რაც უფრო მეტად მიიწევს წინ, ზუსტად ისევე, როგორც იბრძება პატარა ბავშვი, მაგრამ მე მეზიზღებოდა ბალღური უნდილობა და მედიდურად გაბღენძილს უკვე დიდი მეგონა თავი.

<sup>19</sup> კოლ. II, 8-9.

<sup>20</sup> ცოტა არ იყოს, უცნაური მოთხოვნაა: როგორც აღვნიშნეთ, „ჰორტენზიუსი დაიწერა ძვ.წ.ა 45 წლის გაზაფხულზე (იხ. ზემოთ, შენ. 14), ხოლო მისი ავტორი ორი წლის შემდეგ (43 წ.) დაიღუპა.

<sup>21</sup> თავის მეორე თხზულებაში „რწმენის სარგებლობისათვის“ (2) ნეტარი ავგუსტინე აღნიშნავს, რომ „დაბადებამ“ თავდაპირველად თითქმის ისეთივე შთაბეჭდილება მოახდინა მასზე, რანაირსაც ახდენდნენ „დედაბრების ზღაპრები“ („quasi aniles fabulas“) ... აღსანიშნავია, რომ ძველი აღთქმის კითხვამ ბერძენი და რომაელი კლასიკოსების შემდეგ, რომლებიც მთელის არსებით უყვარდა, ასეთივე შთაბეჭდილება აღუძრა ნეტარი ავგუსტინეს თანამედროვეს, დასავლური ეკლესიის ერთ-ერთ უდიდეს მოღვაწეს წმ. იგრონიმეს (დაახლ. 346-420 წ. - „წერილები“, 22,30), რომელსაც ერთხელ თურმე ძილში ჩაესმა იღუმალის ხმა: „შენ ქრისტიანი კი არა არ, არამედ ციცერონისტი“ (იხ. Grand dictionnaire universel du XIXe siecle, s.a. V. IX, p.950).

VI

10. ასე აღმოვჩნდი ქედმაღალთა, ბორცნულთა, ხორცის მსახურთა და ებედთა შორის. მათი სიციყეები „ემშაკის მახე“<sup>22</sup> იყო, სქელი ნებოთი შეკრული და შემონიწებული მარცვლების გროვა, ცალკეულ სახელებს რომ ქმნიდნენ: უფალი ღმერთი, იესო ქრისტე, პარაკლეტოსი<sup>23</sup>, ნუგეშისმცემელი ჩვენი, სული წმინდა<sup>24</sup>. ეს სიციყეები ერთადად პირზე ეკერათ, თუ სიციყეები ეთქმოდა ამ უაბრო რახა-რუხს, გაუთავებელ ფშვენას თუ ქმენას: ჭეშმარიტების ნათელი არა ნათობდა მათ გულში. წარამარა გაიძახოდნენ: „ჭეშმარიტება, ჭეშმარიტება“, და ვინ მოსთვლის, რამდენს მეჩინებოდნენ მასზე, მაგრამ სინამდვილეში ჭეშმარიტებისა არა ეცხობოდა. ყალბი იყო მათი მოძღვრება არა მარტო შენზე, რომელიც ჭეშმარიტად ხარ ჭეშმარიტება, არამედ შენს მიერ შექმნილი სამყაროს საწყისებზედაც, მე კი მმართვედა ბურვი მექცია თვით იმ ფოლოსოფოსებისთვისაც, რომლებიც სიმართლეს ამბობდნენ, ბურვი მექცია შენდამი სიყვარულის გამო, მამაო ჩემო, უბენაცსო სიკეთეც, მშვენიერებათა მშვენიერება<sup>25</sup>.

<sup>22</sup> I ტიმ. III, 7; II ტიმ. II, 26.

<sup>23</sup> „პარაკლეტოს“ - ნუგეშისმცემელს, ქომაგს, მოსარჩლეს ნიშნავს ბერძნულად.

<sup>24</sup> ნეტარი ავგუსტინე გულისხმობს III ს. ვინმე მანისა თუ მანასეს (დაახლ. 216-275 წ.) მიერ ახლო აღმოსავლეთში დაარსებული რელიგიური სექტის წევრებს - მანიქეელებს. მანის მოძღვრება წარმოადგენდა, ერთის მხრივ, ძველი აღმოსავლური (ქალდეურ-ბაბილონური და სპარსული: ზოროასტრიზმი, მაზდეანობა, ფარსიზმი) რელიგიებისა თუ მითური თქმულებების, ხოლო მეორეს მხრივ, ქრისტიანული გადმოცემებისა და რიტუალების უცნაურ სინთეზს. მანიქეელები ქრისტეს მიმდევრებად ასალებდნენ თავს, თუმცა ამ ერეტიკულ სექტას სინამდვილეში ძალზე ცოტა რამ ჰქონდა საერთოდ ორთოდოქსულ ქრისტიანიზმთან.

თვითონ ავგუსტინე შემდეგნაირად ავებისნის, რამ განაპირობა მისი კავშირი მანიქეელებთან: „ხომ მოგვხსენება, ჰონორატუს, რატომაც აღმოვჩნდი ამ ხალხში: ისინი ალუქვამდნენ ყველას, ვინც მოისურვებდა მათთვის ესმინა, ღმერთთან მიეყვანათ და ყოველგვარი ცთომილებისაგან დაეხსნათ, რადგანაც მათი წარმმართველია წმინდა და მარტივი გონება, რაკილა ეკლესიის მრისხანე ავტორიტეტისაგან თავისუფალნი არიან. სხვა რა მაიძულებდა ბურვი მექცია რწმენისათვის, ბავშვობიდანვე რომ ჩამინერგეს მშობლებმა, თითქმის ცხრა წლის მანძილზე ამ ხალხის მიმდევარი ვყოფილიყავი და ყურადღებით მესმინა მათთვის, დიახ, სხვა რა მაიძულებდა, თუ არა მათი მტკიცება: თქვენ (ქრისტიანები) დაშინებულნი ხართ ცრურწმენებით, თქვენ გიბრძანებენ გზადღეთ და განსჯასა და ფიქრს გიკრძალავენ, ჩვენ კი არავის ვაიძულებთ ირწმუნოს ისე, თუ წინასწარ არ აუხსნით, რა არის ჭეშმარიტებაო. ვის არ აცთუნებდა ამნაირი ალუქვა? მით უმეტეს მე, ჭეშმარიტების ხარბად მაძიებელ ჭაბუკს, ამპარტავან ცხედს, როგორიც ვიყავი მაშინ“ („რწმენის საჩვენებლობისათვის“, 1,2); „მე დავაჯერე თავი, რომ უფრო იმათ უნდა ვნდობოდი, ვინც გვარწმუნებს, ვიდრე იმათ, ვინც გვიბრძანებს“ („ნეტარი ცხოვრებისათვის“, 1,4).

<sup>25</sup> ეს მწვავე სინანული კვლავ არაერთხელ განმეორდება ქვემოთ. მაგრამ ფაქტია, რომ ნეტარი ავგუსტინე მთელი ცხრა წლის განმავლობაში მანის მიმდევართა სექტას ეკუთვნოდა, და ჩვენ ბევრი რამ გაუგებარი დაგვრჩება „აღსარებათა“ ტექსტში, თუ მოკლედ მაინც არ მიმოვიხილეთ მანიქეელებთა ფანტასმაგორიული მოძღვრება.

ისევე, როგორც ძველი აღმოსავლეთის თითქმის ყველა პრიმიტიული რელიგია, მანიქეიზმიც რადიკალური დუალიზმის ნიშნითაა აღბეჭდილი: დასაბამიდან არსებობდა ორი ურთიერთსაპირისპირო საწყისი, ორი ძირეულად განსხვავებული სუბსტანცია: კეთილი და ბოროტი, ნათელი და ბნელი. ნათელი საწყისი, ტავის ყველა ნაწილსა თუ გამოვლენაში საკუთარი თავის ერთარსი, ცალკეულ ჰიპოსტასთა, ემანაციათა, ანგელოსურ არსებათა და მათ ადგილსამყოფელთა მთელ სისტემად განიტოტება. სივრცეში განფენილობის თვალსაზრისით ის სამ სხვადასხვა სფეროდ იყოფა. ამათგან ყველაზე მაღალი სფერო სინათლის მთელი სამყაროს უზენაესი მბრძანებლის, მამისა და მეუფის - კეთილი ღმერთის სამკვიდროა, ღმერთისა, რომელსაც ხუთი „სხეულებრივი“ (თვინიერება, ცოდნა, ერთგულება, კეთილშობილება, სიბრძნე) ატრიბუტი მიეწერება. ამ ატრიბუტებს ასოებიც ჰქვიათ ფიგურალურად, რადგანაც ღმერთის სუბსტანცია უშუალოდ გრძელდება მათში.

მომდევნო სფეროს მთლიანად ავსებს სხივოსანი ეთერი, რომელიც ზუსტად იმავე ატრიბუტებით ხასიათდება, რომლებიც მიეწერება ღმერთს, რაც მათ სუბსტანციურ იგივეობაზე მიგვანიშნებს. და ბოლოს, ყველაზე ქვემოთა, მესამე სფერო ე.წ. „დაუბადებელ მიწას“, სინათლის მთელი სამყაროს ამ ერთგვარ მტკიცე საძირკველს თუ საყრდენს უჭირავს, რომელიც, თავის მხრივ, ხუთი სხვადასხვა ნაწილისა თუ ასოსაგან, ანუ, ფილოსოფიური ტერმინი რომ მოვიშველიოთ, ელემენტისაგან ითხზვის: ჰაერის მშვიდი სუნთქვა, ქარი, შუქი, ცეცხლი და წყალი. დაუბადებელი მიწა ათასგვარი სიკეთითაა შემკული: მოლივილივე ნათელში დანთქმულ სავანათა მშვენიერება, ფორმათა სინატიფე და დახვეწილობა, მაცოცხლებელი ჰავა, მომხიბლავი ჭალაკები, ბურმუხტოვანი ველ-მინდვრები, ხილით დახუნძლული ბაღები.



მისი მბრძანებელია ნათელი ღმერთი, თორმეტი პირველშობილი „სიდიადის“ ასაბით გარემორტყმული; მათ მოსდევნენ უფრო დაბალი რანგის „სიდიადენი“ და ბოლოს, სულელების, ღვთაებებისა თუ ანგელოზების ლეგიონები.

სინათლის სამკვიდროს მკვეთრად უპირისპირდება ბნელეთის საბრძანებელი. ეს პირქუში სამყარო ხუთი სხვადასხვა სფეროსა თუ „მღვიმისაგან“ შედგება, რომელთა თანმიმდევრობაც, დაღმავალი რიგით, ასეთია: კვამლის, ბოლოქარი ქარის (გრიგალის), ყოვლისმმუსრველი ცეცხლის, მავნე წყლისა და წყვილიაღის მღვიმე. ყველა ზემოხსენებული სტიქიონი აქ თავის დამარგრეველი, ველური და ქაოტური ძალით ვლინდება. ნათლის სამყაროს მიწისაგან განსხვავებით, ბნელეთის მიწა მთლიანად მოფენილია ჯურღმულებით, უძირო ნაპრალებით, უფსკრულებით, შმორიანი ჭაობებით, უსიცოცხლო უდაბნოებით, გაუვალი შამბნართა და შხამიანი წყაროებით, რომელთა ზედაპირსაც მომწამლეელი ოხშივარი ასდის.

ბნელეთის საბრძანის, ისევე, როგორც სინათლისას, თავისი მეფე ჰყავს, რომლის არსებობაც მარადიულია და წარუვალი, მაგრამ ეს საბოლოოდ დარღულებული პიროვნული არსება კი არაა, არამედ მხოლოდ ქაოტურად მოძრავ სტიქიონებში ვლინდება და მათგანვე იღებს დასაბამს. ბნელეთის სამეფო დემონიურ არსთა ურიცხვი სიმრავლითაა დასახლებული. ისინი ბნელეთის მეფის ნაშიერნი არიან. გარდა ამისა, ყოველი სტიქიონი დასაბამს აძლევს ცოცხალ არსებათა ამა თუ იმ სახეობას და, იმავდროულად, მათ საცხოვრისადაც გვევლინება: წყვილიაღი - ქვეწარმავლებს, წყალი - მსურავებს, ქარი - ფრთოსნებს, ცეცხლი - ოხშივრებს, კვამლი კი - ორფეხებს და მთელი ბნელეთის მბრძანებელს - სატანას.

ეს ორი სამეფო - სინათლისა და სიბნელისა, სიკეთისა და ბოროტებისა - უშუალოდ ეხება და ესაზღვრება ერთიმეორეს. ორივე უსაზღვროა და უსასრულო, მაგრამ ეს უსაზღვროება ყოველმხრივი როდია. პირველი უსასრულოდ განიფენება ზევით, მარჯვნივ, მარცხნივ, წინ და უკან, მაგრამ ქვემოთადაც ზღვარდებულია სიბნელის სამეფოთი, რომელიც, თავის მხრივ, შემოსაზღვრულია ზემოდან და უსასრულოა ყველა სხვა მიმართულებით. ამ ორ სამეფოს შორის შუალედური ადგილი უჭირავს რეალურ სამყაროს, სადაც ერთმანეთშია ალუფხული სინათლე და სიბნელე, სიკეთე და ბოროტება, რასაც კოსმიური დრამა - ორი მტრული საწყისის დაუსრულებელი ორთაბრძოლა განაპირობებს.

სინათლის სამეფოსათვის ტრაგიკული აღმოჩნდა ამ დრამის პირველი აქტი - ბრძოლის დასაწყისი. ბნელეთის მოციქულები - გულხარბი, ქედმარალი და მძვინვარე დემონები, რომლებიც მანამდე ერთმანეთს ნთქამდნენ, პირველად გაერთიანდნენ თავიანთი მთავრის სატანის მეთაურობით და თავს დაესხნენ მათ უახლოეს მეზობელს - სინათლის სამეფოს მიწას. მაშინ სინათლის მეფემ ზეციურ ძალებს კი არ უხმო მტერთან საომრად, რომლებიც სიკეთისა და აღმშენებლობითი საქმიანობისთვის იყვნენ შექმნილი და წვრილის, ხოცვა-ჟლეტისა და განადგურების არაფერი გაეგებოდათ, არამედ სავანებოდ შექმნა „სიცოცხლის დედა“, ამ უკანასკნელმა კი - მამის თანარსი „პირველი კაცი“, რომელმაც სინათლის წმინდა სტიქიონებით - ჰაერის მშვიდი სუნთქვით, ქარით, შუქით და წყლით საქსოვი პერანგი მოირგო ტანზე ატურად, შუბისა და ფარის ნაცვლად კი ცეცხლი იპყრა ხელთ და ასე ეკვეთა ბნელეთის მთავარს, თავის მხრივ, სიბნელის სამეფოს უწმინდური სტიქიონებით - კვამლით, გრიგალით, ყოველისმმუსრველი ცეცხლით, მავნე წყლითა და წყვილიაღით რომ აღჭურვილიყო.

შეტაკებისას გამარჯვების სასწორი ბნელეთის მთავრისაკენ გადაიხარა. მაშინ „პირველი კაცი“ გადაწყვიტა ხერხი ეხმარა: თავისი თავიცა და თავისი ნათელი სტიქიონებიც, ანუ ელემენტები, შესაჭმელად მიეცა ბნელეთის მოლაშქრეთათვის, რათა თვინიერების საწყისით დაეცხრო უკეთურთა სიმშავე და გაენიტრალეზინა მათი ბოროტება. მაგრამ ამ კეთილშობილურმა თავგანწირვამ ნაყოფი არ გამოიღო, რადგანაც დემონებმა შთანთქმით კი შთანთქმეს სინათლის ელემენტები, მაგრამ თავიანთი შხამი შეურიეს მათ ბუნებას, რამაც ისევე იმოქმედა „პირველი კაცის“ გონებაზე, როგორც ცოფიანი ძაღლის კბენამ. ცნობამიხილმა იმდენი მაინც შესძლო, რომ ზეცას შეჰღაღადა და მამას სთხოვა შეეღა. მაშინ სინათლის მეფემ „პირველი კაცის“ სახსნელად შეჰქმნა ტრიადა: „ნათლის მეგობარი“, „ნათლის მეგობარმა“ - „დიადი ბანა“, ამ უკანასკნელმა კი - „სიცოცხლის სული“. „ნათლის მეგობარი“ პირველი ჩავიდა ბრძოლის ველზე და დემონთა შხამისაგან განმინდა „პირველი კაცი“, მაგრამ ის კი ვერ მოახერხა, რომ თავის ზეციურ სამშობლოში დაებრუნებინა იგი. მაშინ „სიცოცხლის სული“ ხმამაღლა უხმო სატანის ტყვეს, რომელიც კვლავ ღმერთად იქცა, მერე ხელი ჩაუწოდა დაცემულს, წამოაყენა და ბნელეთის უფსკრულიდან კვლავ სინათლის სამეფოში დააბრუნა.

მაგრამ ბნელეთის მოციქულთა ხელში დარჩა ფასდაუღებელი ნადავლი - „პირველი კაცის“ საჭურველი: ხუთი წმინდა ელემენტი, რომელთაგანაც ეს საჭურველი იყო დამზადებული, ნაწილობრივ დემონებმა შთანთქმეს, ნაწილობრივ კი ბნელეთის სამყაროს უწმინდურ ელემენტებს შეერივნენ და ასე წარმოიქმნენ ე.წ. ემპირიული ელემენტები. ყველაფერი, რაც კარგი, სასარგებლო და სასიკეთოა მათში, წმინდა ელემენტებისეულია, ყოველივე მავნე და უკეთური კი უწმინდური ელემენტებისაგან იღებს დასაბამს. ასე მაგალითად, ცეცხლისათვის ნიშნეულია სითბო, სინათლე, განმშენი ძალა, მაგრამ ის, იმავდროულად, ყოველისმთანმთქმელიცაა და ყოვლისმმუსრველიც. იგივე ითქმის ყველა სხვა ელემენტზედაც. ამრიგად, ბნელეთის ძალებმა თავისას მიაღწიეს და ნაწილობრივ დაეუფლნენ ღვთაებრივ სუბსტანციას. მაგრამ სიკეთისა და ბოროტების ბრძოლა ამით არ დამთავრებულა. „პირველი კაცი“ სიბნელის სამეფოს ფსკერამდე ჩავიდა, რათა უწმინდურ ელემენტთა ფესვები გადაჭრა და, ამრიგად, გამრავლების საშუალება მოეპოვა მათთვის, რის შემდეგაც კვლავ დაუბრუნდა გადახდილი ბრძოლის ასპარეზს - სინათლის სამყაროს მიწას და თავის ანგელოზებთან ერთად ბნელეთის ელემენტებისაგან მის განმენდას შეუღდა.

უნინარეს ყოვლისა, საჭირო იყო ნათლისა და ბნელის ნაზავიდან გამოეყოთ წმინდა ელემენტები და სინათლის სამეფოსათვის დაეუბრუნებინათ ისინი. ამ მიზნით, თვით ნაზავისა და ბრძოლაში დატყვევებულ ბნელეთის დაშქრის არქონტთა (თავკაცთა) ნაწილებისაგან „სიცოცხლის დედა“ შექმნა ახალი სამყარო - ადამიანთა დღევანდელი საცხოვრისი. ემპირიული ელემენტები მიწის შესაქმნელ მასალად გამოიყენა, არქონტთა ნაწილს ტყავი გააძრო და ათი ცის თაღად გადაჭირა, ხოლო მიწაზე მიმოფანტული მათი ძვლები მთებად და კლდეებად იქცა. დანარჩენ დატყვევებულ არქონტებს ბორკილები დაადეს და იმის მიხედვით, თუ ვის რამდენი

ნათელი ჰქონდა შთანთქმული, სინათლის სამეფოს სხვადასხვა სფეროს ცას მიაჯაჭვეს. შემდეგ წმინდა ცეცხლის ნაშთისაგან „სიცოცხლის დედა“ შექმნა მზე, წმინდა წყლის ნაწილაკებისაგან კი - მთვარე, - ორი ვეება ხომალდი, დღისით და ღამით რომ სერავენ ციურ ოკეანეს.

ამნაიად შექმნილი სამყარო თითქოს ერთგვარი ხელოვნური მანქანაა, გამიზნული ნათლისა და ბნელის ნაზავიდან სინათლის ელემენტების გამოსაყოფად, მათ შესაკრებად და გასაწმენდად. ამ მიზნით, ცის თაღზე დამაგრებულია მარად მბრუნავი გიგანტური ბორბალი თორმეტი ვეება სათლითურთ (ზოდიანოს თანავარსკვლავედები), რომლებიც ისრუტავენ უსასრულო სივრცეში მორიალვ სინათლის ნაწილაკებს და გასაწმენდად მთვარის ზედაპირზე ღვრიან, ხოლო მთვარე მის მიერ გადაარჩეულსა და სათანადოდ გადაშუაგებულ ნაწილაკებს მზეს უგზავნის განწმენდის პროცესის დასამთავრებლად. ამის შედეგად, მთვარე, თანდათანობით რომ ივსება სინათლის ნაწილაკებით, თოთხმეტი დღის განმავლობაში მატულობს, ხოლო როცა მზეს უგზავნის მათ, დროის იმავე პერიოდის მანძილზე ნელ-ნელა ცხრება.

სამყაროული მანქანა ისე სრულყოფილად მუშაობდა, რომ სიბნელის სამეფო კატასტროფის წინაშე დადგა: ეტყობოდა, საერთოდ ვეღარ შეინარჩუნებდა სანუკვარ ნადავლს. მაშინ სატანამ „საყოველთაო მობილიზაცია“ გამოაცხადა. მისი ბრძანებით, მაღალი რანგის ყველა დემონი თანაყოფ თავის მეუღლეს, მათი ნაშიერნი კი ბნელეთის მთავარმა შთანთქა, რის შედეგადაც სატანის არსებაში კონცენტრირებული აღმოჩნდა მის მიერ შთანთქმულთა როგორც ბნელი, ისე ნათელი საწყისიც, და ყოველივე ეს მან გადასცა თავის მეუღლეს, რომელთან პირველი თანაყოფის შედეგად გაჩნდა ადამი, მეორე თანაყოფისას კი ევა მოველინა ქვეყანას. აქედან იღებს დასაბამს ადამიანის მრჩობლი (ორადი) ბუნება: მის არსებაში ერთმანეთს ერწყმის სინათლის სამეფოს ნაშიერი სული თავისი სინმინდით, სიკეთითა თუ სიქველით, და ბნელეთის ნაშიერი სხეული თავისი ხრწნილებით, სიბილწით, უკეთურებით, თავისი ბოხოქარი ვნებებით. პირველქმნილ ადამიანებს ბნელეთის სამეფოს არქონტებმა სამოთხეში მიუჩინეს ბინა, სადაც მათ შეეძლოთ ეგემათ ყოველი ხის ნაყოფი, გარდა ცნობადის ხისა. ადამი ერთხანს ინარჩუნებდა სინმინდეს და უბიროებას, მაგრამ ბოლოს აცთუნა ევამ, რის შედეგადაც ქელი მოიდრიკა ბნელეთის ძალთა წინაშე, თავისი სული საშუადამოდ დაუკავშირა მატერიალურ საწყისს და საუკუნო ტანჯვა-წამებისათვის გასწირა ადამიანთა ურიცხვი თაობა, კაცთა მთელი მოღვმა.

სამყაროული პროცესი დასრულდება ერთმანეთში შერეულ ელემენტთა განცალკევებით, მაგრამ დასაბამიერი მდგომარეობის მთელი სისრულით აღდგენა მაინც შეუძლებელი იქნება: „პირველი კაცის“ მიერ ფესვებგადაჭრილი სიბნელის სამეფო ძველებურად ვეღარ იმძლავრებს და ვეღარც სინათლის სამეფოს დაემუქრება, მაგრამ ეს უკანასკნელი მოლიანად მაინც ვერ დაიბრუნებს ბნელეთის მიერ მიტაცებულ წმინდა ნაწილაკებს, რომელთა გარკვეული რაოდენობა, ცოდვილთა სულების სახით, განწირულია იმისათვის, რომ საშუადამოდ ბნელეთის ტყვეობაში დარჩეს. მაგრამ ეს იქნება შემაკავშირებელი ფაქტორი ბნელეთის ძალთა ბორატებისთვის.

მანიქისტური სისტემის პრინციპებითაა განსაზღვრული მისი, როგორც რელიგიის, პრაქტიკული ასპექტიც. რაკილა დემონები ცდილობდნენ მორჩილებში იყოლიონ სული, ხოლო სამისოდ ყველაზე ქმედითი საშუალება ისაა, რომ სხეულსა და მატერიალურ სამყაროს მიაჯაჭვონ იგი, ამიტომ მათი მიზანია რაც შეიძლება გაამძაფროს თვითშენახვის, გვარის გაგრძელების, მესაკუთრეობის და სხვა ამნაირი ინსტინქტები. ქორწინება, მინათმოქმედება, საერთოდ, სამეოურნეო საქმიანობა, ვნებათაღელვა, ანგარება და ა.შ. - ამ ბორკილებს გამუდმებით ჭედენ ისინი. სული კი, პირიქით, უნდა ცდილობდეს დაამსხვიროს ეს ბორკილები, რათა განწყვიტოს ყოველგვარი კავშირი მატერიალურ სინამდვილესთან და ამრიგად ეზიაროს თავისუფლებას.

მაგრამ ეს ძალიან ძნელი საქმეა: ყველას როდი შეუძლია ზურგი აქციოს იმას, რითაც ცოცხლობს და სულდგმულობს ადამიანი. ამიტომ მანიქეველები ორად ჰქოფდნენ თავიანთ მწვალელებურ სექტას: „რჩეული“, ანუ „სრულქმნილი“ და „მსმენელები“, ანუ „კატეხუმენები“ (ნეტარი ავეუსტინე ამ უკანასკნელთა რიცხვს ეკუთვნოდა). რჩეულთათვის ნებადართული იყო მხოლოდ მცენარეული საზრდო, რომელიც სინათლის ყველაზე მეტ ნაწილაკებს შეიცავდა. მაგრამ მათ ეკრძალებოდათ ხორცის ჭამა და ღვინის სმა, ისევე, როგორც ქორწინება, მინათმოქმედება, ვაჭრობა და, საერთოდ, ყოველგვარი საზოგადოებრივი საქმიანობა. ხილი რომ ხილია, მისი დაკერწინება ნებაც არ ჰქონდათ. „რჩეულთაგან“ განსხვავებით, „მსმენელებს“ შეეძლოთ ღვინოც ესვათ და ხორციც ეჭამათ, ექორწინათ, ევაჭრათ და ყოველგვარ საზოგადოებრივ საქმიანობაში მიეღოთ მონაწილეობა. მათვე ეძლეოდათ მცენარის მოჭრის უფლებაც, რაც, მანიქეველთა აზრით, მისატეველებ ცოდვად ითვლებოდა, რომლის ჩამდენიც შეიძლებოდა „რჩეულთა“ ლოცვით განწმენდილიყო. ამის სანაცვლოდ „მსმენელებს“ მცენარეთა ნაყოფი უნდა მიერთობიათ „რჩეულთათვის“.

თავიანთი დუალიზმის გასამართლებლად მანიქეველები მკვეთრად მიჯნავდნენ ერთმანეთისგან ბიბლიის ორ ძირითად ნაწილს - ძველსა და ახალ აღთქმას, რომელთაგანაც პირველს ბნელეთის მოციქულთა ქმნილებად მიიჩნევდნენ, ხოლო მეორეს სინათლის სამყაროს კეთილი მეფის ღვთაებრივ გამოცხადებად. მათი აზრით, ძველი აღთქმა დემონიურობის ნიშნით იყო აღბეჭდილი და გასაგებია, ვინც იქნებოდა მასში გაცხადებული ღმერთი: რა თქმა უნდა, ბნელეთის მთავარი, რის დასტურადაც მანიქეველები გადაციცებით დაეძებდნენ ძველი აღთქმის ტექსტში რელიგიურსა თუ ლოკიკურ შეუსაბამობებს და ყველა ხელსაყრელ შემთხვევაში ხაზგასმით აღნიშნავდნენ საღმრთო წერილისათვის მიუტეველებლ ანთროპომორფიზმს, ზნეობრივ ცნებათა პრიმიტიულ სიტლანქესა და სიმდაბლეს. ამნაირი მანიპულაციები მით უფრო უადვილდებოდათ, რომ მანიქეველები ხელალებით უარყოფდნენ ძველი აღთქმის სიმბოლურ ხასიათს, არასდიდებით არ უნდოდათ ელემენტარული ანგარიში გაენიათ ენის ბუნებრივი ხატოვანებისათვის და თვით ამკარა მეტაფორებსაც კი ყოველგვარი ალეგორიულობისაგან განყენებულად, მათი სიტყვასიტყვითი მნიშვნელობით აღიქვამდნენ.

არანაკლებ გაუგებრობაზეა დაფუძნებული იესო ქრისტეს პიროვნების მანიქეველებისეული ინტერპრეტაცია. ქრისტე მათთვის იყო „პირველი კაცის“ ძე, ანუ სინათლის სამეფოს ის წმინდა ელემენტები თუ სტიქიონები, რომლებითაც აღიჭურვა „პირველი კაცი“ ბნელეთის ძალებთან საომრად, და რომლებიც დატყვევებულ იქნენ ამ უკანასკნელთა მიერ. ეს სტიქიონები მოიაზრებდნენ როგორც „პირველი კაცის“ თანაარსნი, როგორ მისი სუბსტანციის უშუალო გაგრძელება, და ამიტომაც ძნელი არ იყო „ძეობის“ ჰიპოსტასად დაესახათ ისინი.

ოჰ, ჭეშმარიტებაჲ, ჭეშმარიტებაჲ! ჯერ კიდევ მაშინ მწარედ ვგმინავდი შენს გამო სულის სიღრმეში, და ამ ფილოსოფოსებისაგან ხომ ყურთასმენა მქონდა ნაღებული შენზე ჩიხინით, მაგრამ ეს იყო მხოლოდ ფუჭი სიტყვები, ერთავად პირზე რომ ეკერათ, ან მათი ურიცხვი და უსაშველოდ სქელი ნიგნების გროვაში იყვნენ ჩამარხულნი. მე მშიერი ვიყავი და მხოლოდ შენ შეგეძლო მოგეკლა ჩემი შიმშილი, ისინი კი შენს ნაცვლად მზესა და მთვარეს - ამ შენს მშვენიერ ქმნილებებს მთავაზობდნენ<sup>26</sup>, მაგრამ მხოლოდ ქმნილებებს და არა შენს თავს, ან თუნდაც შენს პირველ ქმნილებებს, რადგანაც პირველობა სულიერ ქმნილებებს ეკუთვნით და არა ამ მნათ სხეულებს, თუმცაღა ციურნი არიან და თავიანთ გრძნეულ ღიმილს გვაფრქვევენ.

მაგრამ მე, მშიერ-მწყურვალი, შენი პირველი ქმნილებებისკენ კი არა, საკუთრივ შენსკენ ვიღვლოდი, ჭეშმარიტებაჲ, ვისთვისაც „უცხოა ცვალებადობა და ცვლილების ჩრდილი“<sup>27</sup>. მე კი წინ მილაგებდნენ მოელვარე ფანტასმებით<sup>28</sup> დაზვინულ ხონჩებს. რა თქმა უნდა, უმჯობესი იქნებოდა მყვარებოდა ეს მზე, რომელიც ჩვენი თვალისთვის მაინც არსებობს სინამდვილეში, ვიდრე მთელი ეს ყალბი გამონაგონი, თვალის მეშვეობით რომ აცთუნებს სულს. მაგრამ მე მაინც შევექცეოდი ხონჩებით მორთმეულ ხორავს, და მეგონა, რომ შენ აქა ხარ, თუმცა ისიც უნდა ითქვას, რომ ვერავითარ სიამოვნებას ვერ განვიცდიდი და ვერ ვგრძნობდი შენს ნამდვილ გემოს, ასე რომ, გაძლომის მაგივრად უფრო მეტად ვიმშეოდი და ვმჭლევდებოდი.

საჭმელი, რომელსაც სიზმარში შევექცევით ხოლმე, ზედმინევით იმ საჭმელსა ჰგავს, სიფხიზლეში რომ მივირთმევთ, მაგრამ ის ვერ გვაძლევს მძინარეთ, რადგანაც გვძინავს. ეს ხორავი კი არაფრით არ მაგონებდა შენს თავს, სახელდობრ, ისეთს, როგორიც ახლახან მელაპარაკე. ეს იყო ფანტასმაგორული სხეულებისა თუ სხეულთა ლანდების გროვა, რომლებზე უფრო ჭეშმარიტნიც არიან ნამდვილი სხეულები, ჩვენი ხორციელი თვალით რომ ვხედავთ როგორც ცაში, ისე დედამიწაზეც; დიახ, ჩვენც ისევე ვხედავთ მათ, როგორც ცხოველები და ფრინველები, და ისინი უფრო ნამდვილნი არიან, ვიდრე ჩვენს მიერ შეთხზული მათი ხატებანი. თუმცა ეს უკანასკნელნი, თავიანთი მხრივ, უფრო ჭეშმარიტნი არიან, ვიდრე ყველა ის ვარაუდი, რასაც სხვა - დიდსა და უსასრულო, თუმცა სინამდვილეში

დემონების მიერ დატყვევებული სინათლის სტრიქონები (ანუ, მანიქველთა ტერმინოლოგიით, „პირველი კაცის“ ძე - იესო ქრისტე) მთელი სამყაროს - ციური სხეულების, ადამიანების, ცხოველების, მცენარეების და თვით ქვების სულად იქცა. მატერიაში დანთქმული სინათლის ნაწილაკები - აი, ვინ არის, მანიქველთა კონცეფციით, „ვენებული ქრისტე“. მაგრამ ბნელეთის მიერ მიტაცებული სინათლის სტრიქონთა ნაწილი თავს აღწევს მატერიის პირქუშ დილეგს და მთვარესა და მზეზე გროვდება. სწორედ ესაა ე.წ. „უენები ქრისტე“. მანიქველთა მაცხოვარს არავითარი კავშირი არა აქვს სახარებისეულ ქრისტესთან, რომელსაც ისინი იუდეველთა ღმერთის მიერ წარმოგზავნილად თვლიან. მანიქველები გადაჭრით უარყოფენ განკაცებას, რადგანაც ეს ღვთაებრივი ბუნების შებლაღვად და ბნელეთის ძალთა წინაშე მის ქედმოდრეკად მიაჩიათ. მათი მტკიცების თანახმად, მხოლოდ „უენები ქრისტეა“ ჭეშმარიტი მსხნელი და მაცხოვარი მთელი კოსმოსის მასშტაბით (Проф. И.В.Попов, Личность и учения блаженного Августина, т.1; Сергиев Посад, 1916; стр.88-105; რუსი მეცნიერი, თავის მხრივ, ძირითადად ეყრდნობა ორ დასავლელ სწავლულს - ფრანგ ფ.კიუმონსა და გერმანელ გ.ფილიპსს: Fr.Cumont, Recherches sur le manichéisme, Bruxels, 1908; G. Frügel, Mani, seine Lehre und seine Schriften, Leipzig, 1862).

<sup>26</sup> იხ. წინა შენიშვნა.

<sup>27</sup> იაკ. I,17.

<sup>28</sup> ნეტარი ავგუსტინე ამ ტერმინს განსაზღვრავს როგორც თვითნებურად შექმნილ მხედველობით ხატს, განსხვავებით რეალური ხატისაგან („ფანტასია“), რომელსაც ინახავს მესხიერება. მამის ხატება ავგუსტინესათვის იყო „ფანტასია“, შაჰისა კი, რომელიც არასოდეს უნახავს - „ფანტასმა“ („მუსიკისათვის, 6,11,32). ზოგიერთი კომენტატორის მტკიცებით, იმ ავტორთა შორის, რომელნიც ლათინურ ენაზე წერდნენ, ავგუსტინე იყო პირველი, ვინც ეს ტერმინი მისი ფილოსოფიური მნიშვნელობით იხმარა.

არარსებულ საგნებზე გამოვთქვამთ ხოლმე<sup>29</sup>. მე კი სწორედ ამ ქიმერებით ვსაზრდობდი და მიტომაც ვერ ვიკლავდი შიმშილს<sup>30</sup>.

შენ კი, ჩემო სიყვარულო, რომელსაც ეყრდნობა ჩემი უმწეობა, რათა ძალმოსილებად იქცეს, შენ როდი ხარ ის სხეულები, ცის თავანზე რომ ვხედავ, და არც ისინი, რომლებსაც იქ ვერ ვხედავთ, რადგან ერთნიც და მეორენიც შენი შეჰქმენი, და შენს უზანაეს ქმნილებათა<sup>31</sup> შორის როდი შეგირაცხავს ისინი. მაშ, რამდენად შორსა ხარ ამ ჩემი ფანტასმებისა და იმ ფანტასმაგორიული სხეულებისგანაც, რომლებიც საერთოდ არ არსებობენ. მათზე უფრო ნამდვილნი არიან არსებულ სხეულთა ჩვენს მიერ შექმნილი ხატებანი, ხოლო ამ უკანასკნელთა რეალობის ხარისხი გაცილებით ნაკლებია, ვიდრე საკუთრივ სხეულებისა; მაგრამ ვერც მათ ვიგყვით იმად, რაცა ხარ შენ, რადგან შენ სულიც არა ხარ, სიცოცხლეს რომ ანიჭებს სხეულებს, სული, რომელიც მათზე უმჯობესია და უნამდვილესი. შენა ხარ სულთა სიცოცხლე, სიცოცხლეთა სიცოცხლე, თვითცოცხალი<sup>32</sup> და უცვლელი, სიცოცხლე ჩემი სულისა.

11. სად იყავ მაშინ, ან რამდენად შორს იყავ ჩემგან? სადღაც გადაკარგულში დავეხეტებოდი და იმ რკოსაც კი არ იმეგებდნენ ჩემთვის, რომელსაც ღორებს ვუყრიდი<sup>33</sup>. რამდენად უმჯობესია გრამატიკოსებისა თუ პოეტების არაკები მთელ ამ საცთურზე. პოეზია, რომელიც გვიხატავს მედეას, მფრინავი ეგლით რომ მიჰქრის<sup>34</sup>, რა თქმა უნდა, უფრო სასარგებლოა, ვიდრე ამდენი გამონაგონი ხუთი ელემენტის შესახებ, ათასნაირად შეფერილი „წყვდიადის ხუთი მღვიმის“ მსგავსად<sup>35</sup>, რომლებიც საერთოდ არ არსებობენ, მაგრამ იმათი დაღუპვა კი შეუძლიათ, ვისაც მათი არსებობა სწამს. ლექსები და პოეზია, ჩემის აზრით, ნამდვილი საზრდოა. როცა იმ ლექსებს ვკითხულობდი, სადაც მედეას მფრინავი ეგლი მიაქროლებს, სულაც არ ვარწმუნებდი ვინმეს ამ ამბის სიმართლეში, და არც მე თვითონ მწამდა, მაგრამ ვინ მოსთვლის, რამდენი სხვა სიშლევე მიწმუნებია. ვაიმე ბედკრულს! რა უკუღმართი საფეხურებით ჩამიყვანეს ჯოჯოხეთის სიღრმეში, რადგანაც ჭეშმარიტება მწყუროდა და დაუოკებლად ვილტვოდი მისკენ; შენ გეძებდი, უფალო ჩემო (აღსარებას გეუბნები, ჯერ კიდევ მაშინ რომ შემინყალე, როცა აზრადაც არ მომსვლია აღსარების თქმა), ღიახ, შენ გეძებდი, მაგრამ გონების ხმას კი არ ვუგდებდი ყურს, გონებისა, რომლითაც განმასხვავე ცხოველებისაგან, არამედ ხორციელ გულისთქმათა კარნახს ვაყურადებდი. მე

<sup>29</sup> რეალური არიან საგნები, რომელსაც ჩვენ ვხედავთ; რეალურობა გაცილებით ნაკლებია ჩვენს წარმოდგენაში ამ საგნების შესახებ, და კიდევ უფრო ნაკლებად რეალურია ყველა ის ვარაუდი, რომლებსაც ამ წარმოდგენების მიხედვით ვაკალიბებთ.

<sup>30</sup> როგორც ვხედავთ, ნეტარი ავგუსტინე ქიმერებს აღარებს მანიქველთა ფანტასმაგორიულსა და ყოველგვარი რეალური შინაარსისაგან დაცლილ წარმოდგენებს.

<sup>31</sup> უზენაეს ქმნილებებზე იგულისხმებიან პირნიშინდად სულიერი ქმნილებები - ანგელოზები.

<sup>32</sup> „თვითცოცხალი“ („vivens se ipsa“) - ნეოპლატონიკოსებისაგან ნასესხები ტერმინია („autozoon“), რომელსაც ისინი იყენებენ კოსმიური გონების აღსანიშნავად (იხ. ბ.ბრევერძე, „ანტიკური ცივილიზაციის გვირგვინი“, - წიგნი: პლატონი, „ტიმოოსი“, თბ. 1994, გვ.129).

<sup>33</sup> შდრ, ლუკა, XV, 16.

<sup>34</sup> იგულისხმება ევრიპიდეს ტრაგედიის „მედეას“ უკანასკნელი სცენა.

<sup>35</sup> იხ. აქვე, შენ. 25.



შევეყარე სოლომონის იგავთა იმ ბრიყვსა და მწივანსა ქალს, თავისი სახლის წინ რომ ზის და ამბობს: გუნებთერად მიირთვით, „გემრიელია ვადამალული პური, გვბილია მოპარული წყალი“<sup>36</sup>. მან მაცთუნა, რადგანაც დაინახა, რომ მთლიანად გარე სამყაროში ვიყავი დანთქმული, ჩემს ხორციელ თვალზე დამოკიდებული და იმ ნაქურდალი პურის ხარბად მცონხელი, რომელიც სახეთქად მომიგლო.

VII

12. ამბრადაც არ მომდიოდა, რომ არის რაღაც სხვა სინამდვილე, რომელიც ჭეშმარიტად არსებობს, და ამიტომაც დიდ გამჭრიახობად მიმაჩნდა კვერი დამეკრა იმ ბრიყვ მაცთურთათვის, მოსვენებას რომ არ მაძლევდნენ კითხვებით: საიდან იღებს დასაბამს ბოროტება<sup>37</sup>, სხეულის გარსში ხომ არ არის მოქცეული ღმერთი, აქვს თუ არა მას თმები და თრჩხილები, შეიძლება თუ არა ალაღ-მართლად მიგვაჩნდეს ის, ვისაც ერთდროულად რამდენიმე ცოლი ჰყავს, ვინც კაცის მკვლეელია, ანდა მსხვერპლად სწირავს ცხოველებს<sup>38</sup>. მე უვიცსა და უმეცარს თავგზას მიბნევედა ამნაირი კითხვები; ამიტომაც იყო, რომ ზურგს ვაქცევდი ჭეშმარიტებას, თუმცა მეგონა, რომ პირდაპირ მისკენ მივაბიჯებდი. რა ვიცოდი, რომ ბოროტება სხვა არა არის რა, თუ არა სიკეთის უქონლობა, სიკეთის დამცრობა და დაკნინება სრულ გაქრობამდე<sup>39</sup>. რა უნდა დამენახა, თუკი ჩემი თვალი ვერათერს არჩევდა სხეულებს მიღმა, სულის თვალსაწიერი კი ფანტასმებით იყო შემოთარგლული.

მაშინ ჯერ კიდევ არ ვიცოდი, რომ ღმერთი სულია, და მას არა აქვს ასოები, რომლებიც შეიძლება სიგრძითა თუ სიგანით გაიზომოს; რომ მისთვის უცხოა სიდიდე, რომლის

<sup>36</sup> იხ. იგავნი სოლომ. IX, 13-18.  
<sup>37</sup> „აღსარებებში“ ნეტარი ავეუსტინე არაერთხელ უბრუნდება ბოროტების წარმოშობის საკითხს (განსაკუთრებით - VII, XII, 18 და შმდ.). თავის თხზულებაში „თავისუფალი ნებისათვის“, რომელიც „აღსარებებზე“ რამდენიმე წლით ადრე დაინერა, ის შენიშნავს (1,2,4): „შენ აყენებ საკითხს, რომელმაც ისე გამანამა სიჭაბუკეში, რომ მწვალებლებს მიმაკედლა. მე ისე დაბნეული და დათრგუნული ვიყავი ფუჭი იგავების ვეება გროვით, რომ თუ ჭეშმარიტებისადმი ჩემი სიყვარულისა და მისი დაუცხრომელი ძიების სანაცვლოდ უფლის შემწეობა არ მღირსებოდა, ჩემი საშველი არსად იყო“.  
<sup>38</sup> „აღსარებთა“ ამ პასაჟში აისახა მანიქველთა უარყოფითი დამოკიდებულება „ძველი აღთქმისადმი“ (იხ. შეს. 25). ცნობილია, რომ ისინი მკვეთრად ემიჯნებოდნენ ძველი აღთქმისეულ ანთროპომორფიზმს: რაკილა ხელაღებით უარყოფდნენ საღმრთო წერილის ნებისმიერ ალევორიულ ინტერპრეტაციას, „დაბადებას“ (1,26) სიტყვები - „და თქვა ღმერთმა: შევექმნათ კაცი ჩვენს ხატად და მსგავსად“ - მათი პირდაპირი მნიშვნელობით ესმოდათ, საიდანაც ასკენიდნენ, რომ ძველი აღთქმის ღმერთი ანთროპომორფული არსება იყო; გადაჭრით ილაშქრებდნენ სისხლიანი მსხვერპლშენიერვის წინააღმდეგ, რაც დამკვიდრებული იყო ებრაელთა ღვთისმსახურებაში, და სასტიკად ჰგომოდნენ პატრიარქთა ქცევს, კერძოდ, აბრაამისას, განუკითხავად რომ გააძევა თავისი ხასა აგარი, ხოლო ეგვიპტეში ურცხვად იცრუა, როცა დად ვაასალა თავისი შეუღლე სარა; აგრეთვე იაკობისას, რომელსაც „ოთხი ცოლის ქმარს“ უწოდებდნენ (ორი სჯულიერი შეუღლის - ლიასა და რაქილის გარდა, იკობს ორი მხევალიც ჰყავდა ხარჭად).  
<sup>39</sup> ბოროტების ეს განსაზღვრა პლოტინის ნააზრევიდან იღებს დასაბამს: „ბოროტება სხვა არა არის რა, თუ არა, სიკეთის ნაკლებობა“ („ენნიდა“, III,2,5); „რაკილა ბოროტება არსებობს, მამასაღამე, ის არსებობს იმაში, რაც არ არის; ბოროტება ერთგვარი სახეა არარსისა... შეიძლება აღვიქვათ იგი, თუ ამრით წარმოვიდგენთ, რომ ბოროტი ისე მიემართება კეთილს, როგორც ზომის უქონლობა - ზომას, როგორც განუსაზღვრელობა - ზღვარს, როგორც სიმხინჯე - მშვენიერების მიზგზს, ანდა მარადი ნაკლოვანება - თვითმკმარობას“ („ენნიდა“, I,8,3); „რაკი არსებობს არა მარტო სიკეთე, ამიტომ საგანთა უსასრულო სიმრავლეში, რომლებიც მისგან იღებენ დასაბამს, ან, თუ გნებავთ, მისგანვე გამომდინარეობენ და თანდათანობით შორდებიან მას, - აუცილებლად უნდა იყოს უკანასკნელი ზღვარი, რომლის იქითაც აღარაფერი აღარ შეიძლება დაიბადოს; ეს უკანასკნელი ზღვარი ბოროტებაა. პირველის შემდეგ აუცილებლად რაღაცა არის; მამასაღამე, არის უკანასკნელი ზღვარიც, და ეს ზღვარი მატერიაა, რომელსაც უკვე არავითარი წილი აღარ უძევს სიკეთეში. სწორედ ესაა ბოროტების გარდუვალობა“ („ენნიდა“, I,8,7).



ნებისმიერი ნაწილი მთელ სიდიდებზე ნაკლებია, ხოლო თუ ეს მთელი უსასრულოა, მაშინ სასრული სივრცით შემოსაზღვრული მისი ესა თუ ის ნაწილი უსასრულობაზე მცირე იქნება და, მაშასადამე, აღარც მთელი იქნება ყველგან და ყოველთვის მთელი, როგორც სული, ან როგორც ღმერთი<sup>40</sup>. ხოლო ის, რაც არის ჩვენში, რისი მეოხებითაც ვარსებობთ და რაზედაც ჩვენთან მიმართებით მართებულად ბრძანებს საღმრთო წერილი: „ხატად ღმერთისაო“<sup>41</sup> - სრულიად უცნობი იყო ჩემთვის.

13. მე არ ვიცოდი ნამდვილი, შინაგანი სიმართლე, რომელიც ჩვეულების მიხედვით კი არა მსჯელობს, არამედ ყოველისმძლე ღმერთის მართლად გამრიგე კანონის თანახმად, ცალკეული ქვეყნებისა თუ ეპოქების მიხედვით რომ განსაზღვრავს მათ შესატყვის ბნე-ჩვეულებებს<sup>42</sup>, თუმცაღა თვითონ ყველგან და ყოველთვის ერთი და იგივეა. ამ კანონის თანახმად, მართალნი არიან აბრაამი, ისააკი, იაკობი, მოსე, დავითი და სხვანი და სხვანი, ვინც ღმერთს თავისი პირით უქია. და პირიქით, ისინი უმართლონი არიან უვიცთა თვალში, დღევანდელი დღის მიხედვით რომ ათვისებენ ყველაფერს და თავიანთი ბნეობის საბოძით ზომავენ საერთოდ ბნეობას<sup>43</sup>. ეს იმას ჰგავს, კაცმა, რომელმაც არ იცის, სად რა აბჯარ-აბგარი მოირგოს, თავზე საბარკული ჩამოიფხატოს და თეხი მუზარადში სტუცოს, შემდეგ კი დრგინვას მოჰყვეს, ეს რა ჯართიაო; ანდა იმან აღაშფოთოს, რომ არა თუ იმ დღის მეორე ნახევარში, რომელიც უქმედაა გამოცხადებული, ვაჭრობის ნება არ მისცენ, მაშინ როდესაც იმავე დღის პირველ ნახევარში ეს ნებადართული იყო; ან კიდევ რისხვა ველარ დაიოკოს იმის გამო, რომ ერთსა და იმავე სახლში პირისფარეში თავის ნებაზე აგრიანებს ჭურჭელს, რომელსაც ღვინის მწდე ახლოსაც ვერ გაეკარება, ხოლო საჭინბოში აკეთებენ იმას, რაც

<sup>40</sup> ნეტარი ავგუსტინეს მტკიცებით, ღმერთი უსხეულოა, ანუ, დავით გურამიშვილის სიტყვით რომ ვთქვათ, - „უსხეულომყოფელი“. მაშასადამე, მას არა აქვს არავითარი ასო, არავითარი ორგანო, არავითარი ნაწილი; მისთვის სრულიად უცხოა ყოველგვარი ვრცეულობა თუ განფენილობა, რაც ნიშნულია მხოლოდ სხეულებრივი სუბსტანციისათვის. „ღმერთი არსადაც არ არის. სადღაც რომ იყოს, სივრცით იქნებოდა გარემოცული; სივრცით რომ იყოს გარემოცული, სხეული იქნებოდა. მაგრამ ღმერთი სხეული არაა და, მაშასადამე, არსად არ არის“ (ნეტარი ავგუსტინე, „სხვადასხვა საკითხთათვის“, XX). თუმცა შეიძლება პირიქითაც ითქვას: ყველგან არის. კი მაგრამ, როგორ? ნეტარი ავგუსტინე თვალსაჩინოებისათვის ანალოგიას მიმართავს: თვით სხეულებშიაც კი არის რაღაც არაფრცველი, ეს მათი თვისებებია. ნებისმიერი თვისება იმდენადვეა მთელს სხეულში, რამდენადაც მის ამა თუ იმ ნაწილში (წარმოიდგინეთ თავლის სიტკბო, თოვლის სითეთრე, ვარდის სურნელი). მაგრამ თავისთავად უსხეულო თვისებებს არსებობისათვის სჭირდებათ სხეული, როგორც სუბსტრატი. სხეული რომ გამჭრალიყო, თვისებებიც მის ხვედრს გაიზარებდნენ. ღმერთს კი თავისი არსებობისათვის არავითარი სუბსტრატი არ სჭირდება, რადგანაც მისი არსებობა აბსოლუტურია, ე.ი. თავისით, თავისთავად და თავის თავშივე არსებობს (იხ. ნეტარი ავგუსტინე, „წერილები“, 187,13; 18). მართალია, ის ამბობს, მე ვაფხვან ცასა და მიწასო, მაგრამ ეს იმას როდი ნიშნავს, რომ ის ნაწილობრივ ცაშია, ნაწილობრივ კი მიწაზე, არამედ იმას, რომ ყველგან მთლიანადაა, ისევე, როგორც მისი ჭეშმარიტება, რომელსაც ერთდროულად ჭვრეტს ყველა სული, ყველა გონება, მიუხედავად იმისა, თუ სად არიან ისინი.

<sup>41</sup> დაბად. I, 27.

<sup>42</sup> შდრ. ბლემ ჰასკალი: „...სამართლიანობისა თუ უსამართლობის ცნება ჰავის ცვლასთან ერთად იცვლება. პოლუსთან სამი გრადუსით მიახლოება მთელს იურისპუდენციას თავდაყირა აყენებს. ჭეშმარიტება მერიდიანზეა დამოკიდებული. აფერუმ სამართალს, რომელიც მდინართაა შემოსაზღვრული. ის, რაც სიმართლეა პირინეებს აქეთ, სიმრუდეა პირინეებს იქით... მოდი და ნუ გოცდები: ვიღაცას უფლება აქვს მომკლას მხოლოდ იმიტომ, რომ წყალგაღმა ცხოვრობს, და რომ მისი მბრძანებელი წაეკიდა ჩემსას, თუმცა პირადად მე არაფერი მაქვს მასთან სადავო“ (იხ. ბლემ ჰასკალი, „აზრები“, თბ. 1981, გვ.255. ფრაგმ.224).

<sup>43</sup> ნეტარი ავგუსტინე აქ მანიქეველთა თავდასხმისაგან იცავს „ძველი აღთქმის“ პატრიარქთა და წინასწარმეტყველთა მორალს (შდრ. შენ. 38). მისი თვალსაზრისი იმაზეა დაფუძნებული, რომ ზნეობრივი სანქსიებიცა და რელიგიური დოგმებიც ისტორიული განვითარების კანონზომიერ პროცესს ექვემდებარებიან (შდრ. აქვე, ცოტა ქვემოთ: „...მაშასადამე, სამართალიანობა სხვადასხვაგვარია და ცვალებადი? არა, მაგრამ დრო, რომელსაც ის განაგებს, სხვადასხვანაირად მიედინება, სწორედ იმიტომ, ომ დროა. ადამიანებს, რომელთა სიცოცხლეც ესოდენ მსწარფლწარმავალია, არ შეუძლიათ გარდასულ ეპოქათა წესრიგი თუ უცხო ხალხების ცხოვრების წესი შეუწონონ მათთვის ცნობილ წესრიგსა თუ ცხოვრების წესს“).

სასადილო ოთახში აკრძალულია: როგორ თუ ერთსა და იმავე ოჯახში ყველას არა აქვს ყველაფრის კეთების ნება.

განა ამას არა ჰგავს იმისი საქციელიც, ვის აღმოფოთებასაც ინვესტის გარემოება, რომ ოდესღაც მართალ კაცს ჰქონდა იმის უფლება, რაც დღეს ეკრძალება? რომ ღმერთია, ღროის მოთხოვნის შესაბამისად, ზოგს ერთი რამ უბოძა, ზოგს კი მეორე, თუძცაღა ერთნიც და მეორენიც ერთსა და იმავე სამართლიანობას ემორჩილებიან? ასე, აბჯარ-აბგარი ერთი და იმავე კაცის სხვადასხვა ასოს - ნვივს, მკლავს, მკერდს და სხვა მისთანათ ერგება; ერთი და იმავე დღის პირველ ნახევარში შესაძლებელია აკეთო ის, რაც მეორე ნახევარში დაუშვებელია; ერთი და იმავე სახლის ერთ-ერთ კუთხე-კუნჭულში ნებადართული და ნარბძანებია იმის კეთება, რაც მეორეში აკრძალულია და სასჯელის ღირსად ითვლება. მაშასადამე, სამართლიანობა სხვადასხვანაირია და ცვალებადი? არა, მაგრამ ღრო, რომელსაც ის განაგებს, სხვადასხვანაირად მიედინება, სწორედ იმიტომ, რომ ღროა. ადამიანებს, რომელთა სიცოცხლევც ესოდენ მსწრაფლწარმაფალია, არ შეუძლიათ გარდასულ ეპოქათა წესრიგი თუ უცხო ხალხების ცხოვრების წესი შეუწონონ მათთვის ცნობილ წესრიგსა თუ ცხოვრების წესს. მაგრამ როცა საქმე ერთ კაცს, ერთ დღესა თუ ერთ სახლს ეხება, აქ მათ ადვილად შეუძლიათ შენიშნონ, რა შეჰფერის ამა თუ იმ ასოს, ამა თუ იმ საათს, ამა თუ იმ კუთხეს ანდა პირს: ზოგი რამ მათ აღმოფოთებას ინვესტ, ზოგს კი კვერს უკრავენ თანხმობის ნიშნად.

14. მაგრამ მაშინ არ მესმოდა ეს სიმართლე და არც ყურადღებას ვაქცევდი; ყოველმხრივ საგრძნობი იყო და თვალში საცემი, მე კი მაინც ვერ ვხედავდი მას. როცა ზეპირად ვკითხულობდი ლექსებს, უფლება არა მქონდა იქ ჩამერთო ნებისმიერი ტერფი, სადაც მომეპრიანებოდა: სხვადასხვა საზომი სხვადასხვა ტერფს მოითხოვდა და ნებისმიერ ლექსში თვითეულ ტერფს თავისი ადგილი ჰქონდა მიჩენილი. მაგრამ ლექსთწყობის ხელოვნება, რომელსაც მე ვეუფლებოდი, ერთდროულად მოიცავდა ყველა ამ წესს და ერთ შემთხვევაში ერთი როდი იყო, მეორეში კი - მეორე, მე კი არ მესმოდა, რომ სამართლიანობა, რომელსაც ემსახურებოდნენ ჩვენი კეთილი წინაპრები და წმიდანები, ლექსთწყობის ხელოვნებაზე გაცილებით უფრო დიადი და ამადლებული, ერთდროულად მოიცავდა ყველა აღთქმას. თავისი არსით მარად უცვლელი, ის სხვადასხვა დროებას ერთბაშად კი არა, თვითეულს ცალ-ცალკე უწესებდა მის შესაგყვის წესსა და რიგს. მე თვალდავისილი კი ვგმობდი ჩვენს ღვთისმოსავლ წინაპრებს, უფლის განჩინებითა და ბრძანებით რომ იყენებდნენ თავიანთი ღროის კანონებს და ღვთაებრივი გამოცხადების წყალობით წინასწარმეტყველებდნენ მერმისს<sup>44</sup>.

<sup>44</sup> თავის მოსაზრებებს პატრიარქთა და წინასწარმეტყველთა მორალის შესახებ ნეტარი ავგუსტინე დაწვრილებით აყალიბებს მანიქველთა წინააღმდეგ მიმართულ ორ თხზულებაში: „ფაუსტუსის წინააღმდეგ“ (22,30-38) და „ქორწინების სიკეთისათვის“ (24).

VIII

15. განა სადმე ან ოდესმე უსამართლო ყოფილა მცნება: „გიყვარდეს უფალი ღმერთი შენი მთელი შენი სულით და მთელი შენი გულით და მთელი შენი გონებით, და გიყვარდეს მოყვასი შენი, ვითარცა თავი შენი?“<sup>45</sup> ანდა არაბუნებრივი, ვთქვათ, სოდომური ცოდვა განა ყველგან ზიზღს არ იწვევდა და სასჯელის ღირსად არ იყო მიჩნეული? ყველა ხალხს რომ ამ ცოდვით შეებღალა თავი, ყველანი ღვთაებრივი კანონის თანახმად დაისჯებოდნენ თავიანთი დანაშაულის გამო, რადგანაც ღმერთს ამნაირი ურთიერთობისათვის როდი შეუქმნია ისინი. ეს არღვევს ღმერთისა და ადამიანების ურთიერთმიმართებასაც, რადგანაც ღმერთის მიერ შექმნილი ბუნება იბღალეება გაუკუღმართებული ვნებით.

რაც შეეხება დანაშაულს და შეცდომებს, რომლებიც ადამიანთა ზნე-ჩვეულებებს უპირისპირდებიან, ყოველნაირად უნდა ვეცადოთ, თავიდან ავიცილოთ ისინი, ამ ზნე-ჩვეულებათა სხვადასხვაობის შესაბამისად. მოქალაქისა თუ უცხოელის ყინი ვერ უნდა არღვევდეს საზოგადოებრივ ხელშეკრულებას, განმტკიცებულს სახელმწიფოს წეს-წყობილებითა თუ ხალხის ზნე-ჩვეულებებით: ყოველი ნაწილი, რომელიც არ ეთანხმება მთელს, მახინჯია. მაგრამ თუ ღმერთი გვიბრძანებს ჩავიდინოთ რაღაც ისეთი, რაც ეწინააღმდეგება ამა თუ იმ ზნე-ჩვეულებასა თუ დადგენილებას, მისი ბრძანება უნდა აღსრულდეს, თუნდაც ასე არვინ არვის არასოდეს მოქცეულიყოს. თუ ეს აღთქმა დავინწყებას მიეცა, ის განახლებულ უნდა იქნეს, ხოლო თუ დანესებული არ არის, უნდა დაინერგოს. თუ მეფეს უფლება აქვს თავის სამეფოში იმნაირი ბრძანება გამოსცეს, რომლის შესრულებაც არც სხვას და არც თვითონ მას მანამდე არ გაუცია, და ამ ბრძანების აღსრულება არავის ეთვლება სახელმწიფოსა თუ საზოგადოების საწინააღმდეგო ქმედებად, პირიქით, სწორედ მისი აღსრულებლობა მიიჩნევა დანაშაულად, განა მით უმეტეს არ გვმართებს უყოყმანოდ ვემორჩილებოდეთ ღმერთის ბრძანებას, რადგანაც სწორედ ღმერთია ყველა თავისი ქმნილების მბრძანებელი. ადამიანთა საზოგადოებაში ნებისმიერი უმდაბლესი ძალაუფლება უმაღლესს ექვემდებარება, სამყაროში კი ღმერთია უზენაესი ძალაუფლების ერთპიროვნული მპყრობელი.

16. იგივე ითქმის იმ დანაშაულთა მიმართაც, როცა ცდილობენ რაიმე ავნონ, შეურაცხყოფა მიაცენონ, ან უსამართლოდ მოექცნენ მოყვასს. შურისძიების წყურვილი მგრის წინააღმდეგ აქებებს მგერს; სიმდიდრის მოხვეჭის სურვილით ყაჩაღი ძარცვავს მგზავრს; შიში იმის მოსაკლავად აღძლავს მხდალსა და ჯაბანს, ვისიც ეშინია; შური მდიდარი კაცის სიკვდილს ანაგრებინებს ღატაკს, მდიდარს კი - თავის მეგობრისას, რომელსაც უფროსის, ვაითუ გამიცოცხლდესო. ან იგანჯება იმის გამო, რომ მისი მეგობრე არანაკლები სიმდიდრის პატრონი გახდა; ასეთსავე სურვილს იწვევს სხვისი უბედურებით ტკობა გლადიატორთა

<sup>45</sup> მათე, XXII, 37-39; მარკ. XII, 30-31.

ბრძოლების მაყურებლებში, მოყვასის აბუხად ამგდებთა და შეურაცხყოფელთა სულში. ყოველივე ეს სხვა არა არის რა, თუ არა ცოდვის ყლორტები, ესოდენ სწრაფად რომ იზრდებიან მბრძანებლობის, მზერის თუ გრძნობელობის გაუკუღმართებულ სურვილთა პოხიერ ნიადაგზე<sup>46</sup>, სულერთია, კაცი ერთი მათგანის მონა-მორჩილი ხდება, ორისა თუ სამივესი ერთად. ესაა უკეთური ცხოვრება, ესაა ცოდვა, რომელიც არღვევს, ღმერთო ჩემო, უზენაესო და უცვლელს, შენი ათსიმიანი ართვის ჰარმონიას, შენი დეკალოგის<sup>47</sup> პირველ სამსა და შვიდ მომდევნო მცნებას. მაგრამ ვინ რა უნდა გაფხოს, რაკილა უხრწნელი ხარ? ვინ რა უნდა სცოდლოს შენს წინააღმდეგ, რომ რამე დაგაკლოს? თუ სჯი, მხოლოდ იმისთვის სჯი ადამიანებს, რასაც ისინი თავიანთივე თავის წინააღმდეგ სჩადიან: თვით მაშინაც კი, როცა შენს მიმართ სცოდავენ, ისინი საკუთარი სულის წინაშე გვევლინებიან მკრეხელებად, რადგანაც რყენიან და ბღალავენ თავიანთ ბუნებას, რომელიც შენ შეურყენელი და შეუბღალავი შექმენი; დიახ, ბღალავენ, როცა ხარბად მიელტვიან იმას, რაც ნებადართულია, ან აკრძალული ხილის არაბუნებრივი სურვილით იწვიან; როცა სიცივით თუ საქმით გგმობენ, რასაც სხვას ვერაფერს დავარქმევთ, თუ არა „ღების წიხლვას“<sup>48</sup>; ან როცა ადამიანთა საზოგადოებისაგან გამდგარნი თავიანთ კარჩაკეცილსა და უბადრუკ წრეებს შეჰხარებენ, მარტოდენ თავიანთი მიდრეკილებების, თავიანთი სიყვარულისა თუ სიძულვილის ამარა შთენილნი.

აი, რა მოსდევს შედეგად იმას, რომ ზურგს გაქცევენ სიცოცხლის წყაროს, სამყაროს ერთადერთ ჭეშმარიტ შემოქმედს და არსთა გამრიგეს, რათა თავიანთი ქედმაღლობით აღძრულნი მთელის ერთობას განუდგნენ და მის ნაცვლად ნაწილის მოჩვენებითი მთლიანობა და ერთიანობა აღიარონ. ქედმოღრეკილი ღვთისმოსაობა - აი, ერთადერთი გზა, რომლითაც უკანვე გიბრუნდებიან, და შენ გვწმენდ ჩვენი უკეთური ჩვევებისაგან, კეთილმონწყალე და მღმობელი იმათ მიმართ, ვინც თავის ცოდვებს აღიარებს შენს წინაშე; ყურში ჩაგესმის ბორკილდადებულთ ზრიალი და ჩვენივე ხელით დაგებულ ბორკილებისაგან გვათავისუფლებ, მაგრამ მხოლოდ იმ შემთხვევაში, თუ შენს წინააღმდეგ არ აღვმართავთ ყალბი თავისუფლების რქას<sup>49</sup>, მეტის მოხვეჭის ხარბად მოსურნენი, ყველაფრის დაკარგვა რომ გვემუქრება, და ჩვენივე საკუთრების უფრო მეტად მოყვარენი, ვიდრე გვიყვარხარ შენ - ჩვენი საერთო სიკეთე.

<sup>46</sup> შდრ. I იოანე, II, 16.

<sup>47</sup> იგულისხმება ათი მცნება (გამოს. XX, 2-17), ღმერთმა რომ მისცა მოსეს („დეკალოგი“ - „ათსიტყვედი“). აქედან პირველი სამი განსაზღვრავს ადამიანის დამოკიდებულებას ღმერთის მიმართ, ხოლო დანარჩენ შვიდში „გადმოცემულია, როგორ უნდა ცხოვრობდნენ ადამიანები ერთმანეთს შორის. შევეერთოთ ესენი პირველ სამს, თუ გვსურს ახალი საგალობელი ვივალობოთ ათსიმიან თსალმუნზე“ (ნეტარი ავგუსტინე, „ქადაგებანი“, 9,5,6).

<sup>48</sup> მოციქ. საქმ. IX, 5.

<sup>49</sup> იხ. თსალმ. 74, 5-6.

## IX

17. ამდენი ცოდვის, დანაშაულისა და უსამართლობისაგან უნდა განვასხვავოთ იმათი შეცოდებანიც, ვინც ნელ-ნელა მიიწევს წინ სიქველის გზაზე. თუ მართებულად განვსჯით, მათ ხშირად ჰგმობენ სრულქმნილების თვალსაზრისით, თუმცა, იმავედროულად, კიდევაც აქებენ ხოლმე, რადგანაც სამერმისოდ კეთილი ნაყოფის გამოღებას გვპირდებიან, როგორც მწვანედ მოღალანე ჭეჭილი გვპირდება უხვ მოსავალს. ზოგიერთი საქციელი შეცდომასა თუ დანაშაულს ჰგავს, მაგრამ ცოდვად კი არ ჩაითვლება, ვინაიდან არც შენ შეურაცხყოფს, უფალო ღმერთო ჩემო, და არც საზოგადოებას. ასე მაგალითად, როცა ვაცი, თავისი დროის მოთხოვნებისა თუ ვითარების შესაბამისად, გამაღებით იძენს საარსებოდ აუცილებელ საგნებს, ვის შეუძლია დაბეჭითებით ამტკიცოს, რომ მაინცდამაინც სიხარბეა ამის მიზეზი? ან კიდევ, როცა კანონიერი ხელისუფალნი გამოსწორების მიზნით სჯიან ვინმეს, ვერ ვიტყვით, თითქოს ამ სიმკაცრეს საფუძვლად ედოს იმის სურვილი, რომ რაიმე ავნონ განსასჯელს.

ვინ მოსთვლის, რამდენ საქციელს საგმობად და საძრახისაც მიიჩნევს ხალხი, შენი მონშობით კი იგივე საქციელი მოსაწონია, მაშინ როდესაც ესა თუ ის საქციელი, შენი მონშობით საძრახისად რომ შევირაცხავს, ხალხის თვალში საქები ჩანს. ეს იმიტომ, რომ ერთი და იგივე საქციელი ხშირად სულ სხვადასხვა სახით წარმოგვიჩნდება, ხოლო იმისი ფარული ზრახვა, ვინც ეს საქციელი ჩაიდინა, ისევე, როგორც ცალკეულ გარემოებათა დამთხვევა, ჩვენთვის სრული იღუპალებითაა მოცული.

მაგრამ როცა შენ მოულოდნელად რაღაც უჩვეულო და უცნაური საქმის ჩადენას ბრძანებ, იმდენად უცნაურისა, რომ უნინ თვითონვე კრძალავდი მას, და დროებით საიდუმლოდ ინახავ შენი ბრძანების მიზეზს, ბრძანებისა, რომელიც შესაძლოა, კიდევაც ეწინააღმდეგებოდეს ადამიანთა მოცემული საზოგადოების ცხოვრების წესს, ვის შეუძლია ეჭვი შეეპაროს იმაში, რომ შენი ბრძანება უნდა შესრულდეს? რადგანაც მხოლოდ ის საზოგადოებაა სამართლიანი, რომელიც შენს ბრძანებას ასრულებს. ნეცა მათ, ვინც იციან, რომ სწორედ შენა ხარ ამ ბრძანების გამცემი. ვინაიდან შენი მსახურნი ყველაფერს აკეთებენ იმისთვის, რათა გვიჩვენონ, რა არის საჭირო სადღეისოდ და რა - სამერმისოდ.



X

18. მე კი არ ვიცოდი ეს და ამიგომაც დავეცინოდი შენს წმიდა მსახურთა და წინასწარმეტყველთ. მაგრამ რა შედეგი გამოიღო ამ სიცილმა? მხოლოდ ის, რომ თვითონვე ამიგდე საცინად: თანდათანობით და ნელ-ნელა მიმიყვანეს ყოვლად უაზრო რწმენამდე; ასე მაგალითად, მარწმუნებინეს, რომ მონწყვეტილი ლელვი ტირის, ისევე, როგორც ლელვის ხე, და ორივენი რძისნაირ ცრემლებს ატრქევენ; ხოლო თუ რომელიმე „წმიდანი“ შეჭამს ამ ლელვს, მისი საკუთარი კი არა, სხვისი დაძნალებული ხელით მონწყვეტილს, შეჭმული ხილი მის შიგანს შეერევა, ლოცვისას სლოკინს დაანყებინებს და პანანინა ანგელოსებს, ან, უფრო სწორად, ღვთაების ნაწილაკებს ამოაბოყინებს<sup>50</sup>; უბრალო და ჭეშმარიტი ღვთაების ეს ნაწილაკები საძუძომო ლელვში ჩარჩებოდნენ, „წმიდა რჩეულთ“<sup>51</sup> რომ არ გაეთავისუფლებინათ თავიანთი კბილებით და ნაწილაკებით.

მე უბედურსაც მწამდა, რომ მიწის ნაყოფთა მიმართ უფრო მონყალე უნდა იყო, ვიდრე ადამიანების მიმართ, ვისთვისაც ისინი მნიშვნელობა. და თუ მშვიერი (რა თქმა უნდა, არა მანიქვეელი) ორიოდ ლუკმასა მოხვდა, ჩემის აზრით, ყოველი ლუკმისათვის იმის ღირსი ვიყავი, რომ სიკვდილით დავესაჯე<sup>52</sup>.

XI

19. და შენ „ზეცით ჩამომინოდე ხელი“<sup>53</sup>, ჩამომინოდე და ამ უკუნეთიდან „აიტაცე ჩემი სული“<sup>54</sup>, როცა საბრალო დედაჩემი, შენი ერთგული მხევალი, უფრო მწარედ დამტროდა შენს წინაშე, ვიდრე მკუდარ შვილებს დასტირიან სვეგამწარებული დედები. რადგანაც თავისი რწმენისა და შენგან ნაბოძები სულის წყალობით თვალნათლივ ხედავდა ჩემს სიკვდილს; და

<sup>50</sup> როგორც ნეტარი ავგუსტინეს თხზულებებიდან ქვემოთ მოტანილი ნაწყვეტები გვიჩვენებს, ეს იყო მართლაც „ყოვლად უაზრო რწმენა“: „თქვენ (მანიქეელები) ამბობთ, რომ ნაყოფი ტკივილს განიცდის, როცა წყვეტენ, ჭრიან, ხეხავენ, ხარშავენ ან ჭამენ“ („ფაუსტუსის წინააღმდეგ“, 6,4). „ისინი ამბობენ, რომ კაცს უკობს მევახშე იყოს, ვიდრე მიწის მუშაკი: ვინც ვახშით იძლევა სესხს, „სინათლის ჯვარს“ არ აზიანებს, მიწის მუშა კი დიხხაც აზიანებს მას. შენ იტყვი, ეგ რა „სინათლის ჯვარი“? ეს, მათი მტკიცებით, ღმერთის ნაწილაკებია, ტყვედ ჩავარდნილნი იმ ბრძოლაში (იხ. შენ. 25, - ბ.ბ.) და შემდეგ მთელს სამყაროში მიმოფანტულნი: ისინი ხეებშიც არიან, ბალახშიც, ნაყოფშიცა და მარცვლეულშიც. ღვთის ნაწილაკებს ჭრის, ვინც ყანას ხნავს; ღვთის ნაწილაკებს ჭრის, ვინც მიწიდან გლეჯს ბალახს; ღვთის ნაწილაკებს ჭრის, ვინც ნაყოფს წყვეტს ხიდან“ („ფსალმუნთათვის“, 140,12). „თუ ნაყოფს საზრდოდ სთავაზობენ „წმიდანებს“, ამ უკანასკნელთა სინამდის, ლოცვისა და ფსალმუნთა გალობის წყალობით, ეს ნაწილაკები თავისუფლდებიან და თავიანთ სამეფოს უბრუნდებიან“ („მანიქეელთა ზნეობისათვის“, 15,36; „მწვალეობისათვის“, 45). „თქვენ გულხელდაკრეფილნი უცდით, თუ როდის დაგაპურებთ „წმიდანებს“ რომელიმე „მწმენელთაგანი“ (იხ. შენ. 25 - ბ.ბ.), დანით თუ ნამგლით აღჭურვილი ბაღჩაში რომ გარბის და, გოგრების მკვლეელი, მათ ცოცხალ გვაშებს მოგართმევთ“ („ფაუსტუსის წინააღმდეგ“, 6,4).

<sup>51</sup> „მანიქეელთა ეკლესია „რჩეულთა“ და „მწმენელთაგან“ შედგებოდა. „რჩეულთა“ იერარქიას ავგირგვინებდა „მთავარნი“, რომელსაც მოსდევდა თორმეტი „მაგისტრი“; მათ მოჰყვებოდა „მაგისტრებს“ დაქვემდებარებული სამოცდათორმეტი ეპისკოპოსი, რომლებსაც ექვემდებარებოდნენ მღვდლები და, ბოლოს, - დიაკვნები“ (3.დე ლაბრიოლის შენიშვნა, დასახ. გამოც. გვ.60).

<sup>52</sup> თუკი მანიქეელი არამანიქეელს სამონყალოდ მიანვლიდა პურს, ეს, მანიქეელთა აზრით, იმას მოასწავებდა, რომ „სინათლის ნაწილაკები“ კიდევ უფრო ღრმად დანთქმულიყვნენ მატერიის პირქვე დილეგში. ნეტარი ავგუსტინე ჰკიცხავდა მათ გულმონყალების ამგვარი შეზღუდვისათვის („მანიქეელთა ზნეობისათვის“, 15,36).

<sup>53</sup> ფსალმ. 143, 7.  
<sup>54</sup> ფსალმ. 85, 13.

შენ შეისმინე მისი გოდება, უფალო, შეისმინე და ზიზლით არ დახედე მის ცრემლებს, დაპაღუპით რომ აფრქვევდა და უხვად რწყავდა მიწას ყოველგან, სადაც მუღხმოყრილი ლოცულობდა და შეწევნად გვედრებოდა. დიახ, შენ შეისმინე მისი გოდება. მაშ, ვინ მოუვლინა ის სიზმარი, რომელმაც ისეთნაირად ანუგეშა იგი, რომ, ბოლოს და ბოლოს, დათანხმდა ერთ ჭერქვეშ გვეცხოვრა და ერთადვე გვესაძილა, რაზედაც დიდხანს ცივ უარს მეუბნებოდა, ჩემი საშინელი ცთომილებითა და ღვთისმგმობლობით შეძრწუნებული. ესიზმრა, ვითომ ფიცარზე მდგარს მიუახლოვდა უცხო ჭაბუკი, სახეზე ნათელი რომ გადასდიოდა, და ღიმილით უთხრა უსასოლსა და ურვილს, რა განუხებს, ან ყოველდღე ასე გულამოსკვნით რაგომ ცირიო; თანაც ისეთი იერი ჰქონდა, თითქოს ამბის გაგება კი არ სურდა, არამედ უნდოდა ნუგეში ეცა მისთვის. დედაჩემმა მიუგო, შვილი მეღუპება და იმას დაგცირიო. ჭაბუკმა ურჩია, დამშვიდდი, ცრემლი შეიშრე, ყურადღებით დაუკვირდი და დაინახავ, რომ სადაც შენა ხარ, იქვე იქნება შენი შვილიცო. დედაჩემი შემობრუნდა და დაინახა, რომ მის გვერდით ვდგავარ, იმავე ფიცარზე.

ვინ მოუვლინა ეს სიზმარი, თუ არა შენ, მონყალედ რომ მიაყურადე მისი მგლოვიარე გულის ფეთქვას, ღმერთო, კეთილო და ყოვლისმძლეო, ისე რომ ბრუნავ ყველა ჩვენგანზე, თითქოს სხვა საბრუნავი არა გქონდეს რა, და თავს დაჰკანკალებ როგორც თვითულს ცალ-ცალკე, ისე სუყველას ერთად.

20. ან ეს როგორღა მოხდა? როცა თავისი სიზმარი მიაძბო, მე შევეცადე ჩემებურად განმემარცა ჩვენების აზრი და ვუთხარი, სასოს ნუ წარიკვეთ, სადაც მე ვარ, შენც იქვე იქნები-მეთქი; დედაჩემი არც კი შეყოყმანებულა, ისე მომიგო: „არა, მე ეგ როდი მეუნყა - სადაც ის, იქაც შენაო, არამედ, პირიქით, სადაც შენა ხარ, იქვე იქნება ისიცო“.

აღსარებას გეუბნები, უფალო: თუ მეხსიერება არ მღალატობს, ვინ იცის, რამდენჯერ მიაძბნია ეს სიზმარი, - შვილზე თავგადაკლული დედაჩემისათვის შენს მიერ გაცემული პასუხი. რახან ჩემმა ყალბმა, მაგრამ საკმაოდ დამაჯერებელმა განმარტებამ ვერ შეატყუნა, არამედ მაშინვე იგულისხმა ის, რაც უნდა ეგულისხმა, და რასაც მე მის პასუხამდე, რა თქმა უნდა, ვერ ვგულისხმობდი, - ამან კიდევ უფრო გამაოგნა, ვიდრე საკუთრივ სიზმარმა, რომლითაც ღვთისმოსავ ქალს დიდი ხნით ადრე ეუნყა მომავალი სიხარული და ნუგეში დღევანდელი გლოვის სანაცვლოდ.

და მაინც, ცხრა წელს კიდევ „ვგორავდი ამ ბინძურ ნუმპეში“<sup>55</sup> და ცთომილების წყვილადმი ვიყავ დანთქმული. ვინ მოთვლის, რამდენჯერ მიცდია წამოდგომა, მაგრამ უფრო მძიმედ ვენარცხებოდი ძირს. დედაჩემი კი, ეს წმინდა ქვრივი, ღვთისმოსავი და მოკრძალებული, ერთ-ერთი იმათთაგანი, ვინც ასე გიყვარს, უფალო, იმედით გამხნეებული, მაგრამ მაინც გამუდმებით მკვნესარე და მგლოვიარე, ლოცვისას კვლავაც დასციროდა

<sup>55</sup> ფსალმ. 68, 3.

გზააბნეულ შვილს და ჩემს თავს გავედრებდა, უფალო. და „მოაღწია შენამდე მისმა ვედრებამ“<sup>56</sup>, თუმცაღა შენვე ინებე, რომ კიდევ დიდხანს მეყილა და მებოდილა ამ უკუნეთში.

## XII

21. იმხანად სხვა პასუხიც გამეცი, რომელსაც დღემდე ინახავს ჩემი მესხიერება. ბევრ რამეს დუმილით ვუვლი გვერდს, რადგანაც მინდა სასწრაფოდ გადავიდე იმაზე, რასაც მოითხოვს აღსარება შენს მიმართ, ბევრი რამე კი საერთოდ აღარ მახსოვს.

ღიას, სხვა პასუხიც გამეცი შენი მღვდელმსახურის - ერთი ღირსეული ეპისკოპოსის პირით, რომელიც ეკლესიაში იყო აღზრდილი და საღმრთო წერილში ღრმად განსწავლული. ერთხელ დედაჩემმა სთხოვა, რა იქნება, ჩემს შვილს გაესაუბრო, იქნებ თვალი აუხილო და ზურგი აქციოს ბოროტებას, რათა სიკეთის გზას დაადგესო. ეპისკოპოსი საუბარს როგორ დაამადლიდა ვინმეს, თუკი მისი გამოსწორების იმედი ჰქონდა, მაგრამ ამჯერად უარი უთხრა დედაჩემს, და, როგორც უკვე გვიან მივხვდი, გონივრულადაც მოიქცა. ასე მიუგო, გამოსწორების მაგივრად გაკერპდება, რადგანაც მწვალებლობა ახალი ხილია მისთვის, თავი მოაქვს ერეტიკოსობით და, როგორც შენ თვითონ მითხარი, ვინ მოსთვლის, რამდენი მიაშიტი სული აცთუნა თავგზააბნევი შეკითხვებითო; თავის ნებაზე მიუშვი და მხოლოდ ღმერთს შეავედრე: რახან კითხვა ჰყვარებია, თვითონვე მიხვდება, რაოდენ საშინელია ეს მკრეხელობა და ღვთისმგმობლობაო. და იქვე დასძინა, დედაჩემიც მანიქვევლებმა აცთუნეს და ჯერ კიდევ სულ პაგარა ვიყავი, როცა მათ მიმაბარა აღსაზრდელადი; მანიქვევლების მიერ დანერგილი თითქმის ყველა წიგნი წავიკითხე და ბევრი ჩემი ხელითაც გადავწერე, ასე რომ, ყოველგვარი ჩიჩინისა და შეგონების გარეშეც მივხვდი, რომ ამ უკეთურთა სექტას უნდა გაექცე, და მეც გავიქეციო.

მიუხედავად ამისა, დედაჩემი მაინც ვერ დამშვიდდა და უფრო დაჟინებითა და ცრემლების ფრქვევით დაუნყო თხოვნა, იქნებ მაინც გაესაუბრო და რამე შეაგნებინო. მაშინ, ცოცხალ არ იყოს, გაღიზიანებულმა ეპისკოპოსმა უთხრა: გეყოფა, ახლა კი წადი, როგორც შენ ცოცხალზე გხედავ, ისე შვილზე ამნაირად გადამკვდარი დედის ძე არ წარწყმდებაო.

დედაჩემი ხშირად მიმეორებდა ეპისკოპოსის ნათქვამს და მეუბნებოდა, ეს სიტყვები რომ გავიგონე, ისეთი განცდა მქონდა, თითქოს ციდან ჩამომესძაო.

<sup>56</sup> ფსალმ. 87, 3.

# წიგნი აპოთხა

## I

1. ამ ცხრა წლის მანძილზე, ჩემი ცხოვრების მეცხრამეტედან ოცდამეცხრე წლამდე, ან სხვები მაცთუნებდნენ, ან მე თვითონ ვაცთუნებდი სხვებს; ხან ვცყუვდებოდი, ხანაც, ჩემი სხვადასხვა მიდრეკილებებისამებრ, იქით ვაგყუებდი ხალხს: საჭაროდ - იმით, რომ ეგრეთწოდებულ „თავისუფალ მეცნიერებებს“<sup>1</sup> ვასწავლიდი, თარულად<sup>2</sup> კი - რელიგიის ყალბი სახელით; გარეგნულად - ქედმაღალი, შინაგანად - ცრურწმენით სავსე, და მთელის არსებით - ამაოების მსხვერპლი. ერთის მხრივ, სახელის მოხვეჭის ფუჭი სურვილით ანთებულს შემაყებოდა, როცა გამს მიკრავდნენ თეატრში, მეღექსეთა შეჯიბრში გამარჯვებულს, და ბალახ-ბულახისაგან დაწნული გვირგვინით მამკობდნენ, მეორეს მხრივ კი უაზრო სანახაობებით, თავაშვებულობითა და აღვირახსნილობით ვცკებოდი. ზოგჯერ, მთელი ამ სიბილწისგან განწმენდის მიზნით, ხორაგს ვეზიდებოდი ეგრეთწოდებულ „რჩეულთა“ და „წმიდანთათვის“<sup>3</sup>, რომელნიც შემდეგ თავიანთი უძლები სტომაცის სახელოსნოში ჩემს მიერ მირთმეული ძღვენისგან ღმერთსა და ანგელოზებს ამზადებდნენ ჩვენდა სახსენლად<sup>4</sup>. მე ვიყავი მთელი ამ უაზრობის გულმხურვალე აღმსარებელი, და მხარს მიმშვენიებდნენ მეგობრები, ჩემთან ერთად თუ ჩემი მეშვეობით ცთუნებულნი.

დაე, საცინად ამიგდოს ყველა მზვარობარმა, რომლებიც ჯერ კიდევ არ დაგიმხია და დაგიტრგუნავს, ღმერთო ჩემო, მათდა სახსენლად; მე მაინც მინდა აღსარება გითხრა შენდა სადიდებლად და ჩემი სირცხვილი ვაღიარო. მონყალება მოიღე და შეაძლებინე ჩემს წარმოსახვას ხელახლა დაიაროს ჩემი ოდინდელი ცთომილების მრუდე და კლავნილი გზები, და „მსხვერპლად შემოგწიროს ქება-დიდება“<sup>5</sup>. რა ვარ უშენოდ, თუ არა მეგზური, უფსკრულისაკენ რომ მიუძღვის საკუთარ თავს? ან რა ვარ, როდესაც მილხინს, თუ არა

<sup>1</sup> „თავისუფალ მეცნიერებათა“ რიცხვს ეკუთვნოდნენ - გრამატიკა, რიტორიკა, დიალექტიკა, არითმეტიკა, გეომეტრია, მუსიკის თეორია, ასტრონომია.

<sup>2</sup> „მანიქეველებს ეკლესიას სდევნიდა და სახელმწიფოს. მათ წინააღმდეგ მკაცრი კანონები გამოსცა ვალენტინიანე I-მა 372 წელს. ამნაირ კანონებს მისი წინამორბედებიც აქვეყნებდნენ, დიოკლიტიანედან მოყოლებული. თუმცა მათ, როგორც ჩანს, არც ისე მკაცრად ახორციელებდნენ“ (რუს. თარგმანის შენიშვნ. იხ. დასახ. გამოც. გვ. 236).

<sup>3</sup> იხ. შესაშე წიგნის შენიშვნები, 50.

<sup>4</sup> იხ. იქვე.

<sup>5</sup> ფსალმ. 49, 14.

ჩვილი, შენს რძეს რომ ენაფება<sup>6</sup> და შენი უხრწნელი საზრდოთი საზრდოობს?<sup>7</sup> ანდა რა არის კაცი, რომელიც გნებავს კაცი, რაკილა მხოლოდ კაცია? დაე, დაგვეცინოდნენ ძლიერნი და მორჭმულნი ამა სოფლისანი: ჩვენ კი, უპოვარნი და უბადრუკნი, აღსარებას გეტყვიტ შენ.

## II

2. იმხანად მჭევრმეტყველებას ვასწავლიდი<sup>8</sup> და საკუთარი სიხარბით ძლეული სარფიანად ვყიდდი ლაყობის ძლევაძმოსილ ხელოვნებას. მე მერჩია, - შენ ხომ იცი, უფალო, - „კარგი“ შეგირდები მყოლოდა, იმ გაგებით, რა გაგებითაც მათ ესადაგება ზედსართავი სახელი „კარგი“, და უბაკველად ვასწავლიდი ბაკვას, მაგრამ იმ მიზნით კი არა, რომ უძანკონი ეცთუნებინათ, არამედ რათა ხანდახან მაინც გამოეხსნათ მანკიერნი. შენ კი შორიდან აღევნებდი თვალს, ღმერთო ჩემო, წამდაუნუმ რომ მისხლტებოა თეხი ამ მოლიპულ გზაზე და ძლივს ვიკავებდი თავს; გარს შემომდგარ კვამლში ოდნავ შესამჩნევად ბჟუტავდა ჩემი პატიოსნება<sup>9</sup>, რომელსაც გაკვეთილებზე უშურველად ვუზიარებდი ამაოების მოყვარეთ და სიცრუის მაძიებლებს<sup>10</sup>, თავად მათი თანამოაზრე და მეგობარი.

იმხანადვე ერთ ქალთან ვცხოვრობდი, რომელთანაც ცოლ-ქმრული კავშირი არ მაერთებდა, არამედ ურცხვი და აღვირაბსნილი ვნება. თუმცა ქალი მარტოხელა იყო, და მე თვითონ არ სარეცლის მიძართაც კი ვინარჩუნებდი ერთგულებას<sup>11</sup>. სწორედ მაშინ საკუთარი გამოცდილებით დავრწმუნდი, რა განასხვაავებს მშვისა და აუმღვრეველ ცოლქმრულ ცხოვრებას, რომლის მიზანიც გვარის გაგრძელებაა, ვნებიანი სასიყვარულო კავშირისაგან,

<sup>6</sup> შდრ. I კორ. III, 1-2.

<sup>7</sup> შდრ. იოანე VI, 27.

<sup>8</sup> რუსი კომენტატორის მართებული შენიშვნით (იხ. დასახ. გამოც. გვ. 236), „დრო განუსაზღვრელადაა მოცემული. მოვლენები, რომელთა შესახებაც ნეტარი ავგუსტინე აქ და მომდევნო თავში მოგვითხრობს, უფრო გვიან მოხდა: მათ წინ უსწრებდა მეოთხე თავში აღწერილი ამბები. შეუძლებელია ვივარაუდოთ, რომ მეორე და მესამე თავში აღწერილი მოვლენები თავასტაში მოხდა: 1. ავგუსტინეს მდივანი და ბიოგრაფი პოსიდიუსი გარკვევით ამბობს, რომ ავგუსტინე თავდაპირველად „გრამატიკოსი“ იყო თავასტაში, ხოლო რიტორიკის სწავლება უფრო გვიან დაიწყო კართაგენსი („ავგუსტინეს ცხოვრება“, 1,2), და 2. ისეთ პატარა პროვინციულ ქალაქში, როგორც იყო თავასტა, შეუძლებელია რიტორიკული სკოლა არსებულებო. ეტყობა, ნეტარ ავგუსტინეს მხოლოდ იმ ფაქტების შერჩევა აინტერესებდა, რომლებიც უფრო ნათლად წარმოგვიჩვენდნენ მის სულიერ მდგომარეობას, როცა იგი მანიქეველი იყო“.

<sup>9</sup> შდრ. მათე, XII, 20.

<sup>10</sup> შდრ. ფსალმ. 4,3.

<sup>11</sup> ჭაბუკი ავგუსტინე კართაგენში ჩასვლისთანავე დაუახლოვდა ამ ქალს, რომლის სახელსაც არსად არ ახსენებს და რომელიც 370 წელს მისი საყვარელი გახდა. ეს კავშირი თხუთმეტ წელიწადს გაგრძელდა (იხ. ი.ვ.პოპოვი, დასახ. ნაშრ. გვ.66). 372 წელს მათ შეეძინათ ვაჟი, რომელსაც აღივადატუსი („ღვთივობიებულო“) დაარქვა მამამ. ავგუსტინეს ძალიან უყვარდა თავისი ერთადერთი ვაჟი (იხ. „აღსარებანი“, IX, 14).



როცა თვით ახალი სიცოცხლეც კი მშობლების უნებურად ჩნდება, თუმცა ახალშობილი მაინც გაყვარებს თავს.

3. ისიც მახსოვს, რომ ერთხელ გადავწყვიტე დრამატულ პოეტა შეჯიბრში ჩაგბმულიყავი. ერთმა ჰარუსპექსმა<sup>12</sup> კაცი მაახლა საკითხავად, რამდენს გადამიხდი, რომ გაგამარჯვებინო? მე მიუვგე, ეს უკეთური გრძნეულება იმდენად საძულველია ჩემთვის, რომ თუნდაც უხრწნელი ოქროს გვირგვინი მელოდეს ჭილდოდ, ჩემი გამარჯვებისთვის ბუმსაც არავის მოვაკვლევინებ-მეთქი. ჰარუსპექსი კი ცხოველების დაკვლას აპირებდა<sup>13</sup>, რომ მსხვერპლად შეენირა დემონებისათვის, რათა მათი გული მოეგო და ჩემს მიმართ კეთილმოსურნედ განეწყო ისინი. მაგრამ თუ ამ ბოროტებას წინ აღვუდევქი, იმიტომ კი არა, რომ თავყანს ვცემდი შენს სინძინდეს, ღმერთო, ჩემი გულის ნათელი; რადგანაც მე არ შემეძლო შენი სიყვარული, მხოლოდ სხეულებრივი სინათლის სახით რომ წარმომედგინე. განა ამნაირ გამონაგონს დახარბებული სული „შენგან განშორებით არ ეძლევა გარყენილებას?“<sup>14</sup> განა სიცრუე არა სწამს და „წყალს არ ნაყავს?“<sup>15</sup> მე, რა თქმა უნდა, არ მინდოდა, რომ ჩემს გამო მსხვერპლი შეენირათ დემონებისთვის, რომლებსაც თვითონვე ვწირავდი მსხვერპლად საკუთარ თავს. ანდა რას ნიშნავს „წყლის ნაყვა“, თუ არა ამ ბოროტი სულების დარწყულებას, ცვენი ცთომილებით რომ ხარობენ და ჩვენი ცოდვებით იქცევენ თავს?

<sup>12</sup> ჰარუსპექსი - მისანი, რომელიც სამსხვერპლო ცხოველთა შიგანზე დაკვირვებით წინასწარმეტყველებდა მერმისს.

<sup>13</sup> ცხოველების დაკვლა სასტიკად იკრძალებოდა მანიქეველთა მიერ.

<sup>14</sup> შდრ. ფსალმ. 72,27.

<sup>15</sup> ასე გადმომაქვს დედნიველი „pascit vento“ („ქარებსა მწყემსავს“); ეს გამოთქმა ნეტარ ავგუსტინეს ოსია წინასწარმეტყველისგან აქვს აღებული (XII, 1).

III

4. თუმცა მე კვლავ ვეთათბირებოდი იმ თვალთმაქცებს, „მათემატიკოსებს“<sup>16</sup> რომ ეძახიან; ვეთათბირებოდი, რადგანაც ვხედავდი, რომ არც მსხვერპლს სწირავდნენ და არც ლოცვებს აღავლენდნენ ამა თუ იმ სულის მიმართ, რათა მისნობისას მწედ და მეოხად ჰყოლოდათ იგი. მიუხედავად ამისა, ჭეშმარიტად ქრისტიანული ღვთისმოსაობა ჰგმობს და საესებით სამართლიანად უარყოფს მათ საქმიანობას.

მხოლოდ შენ უნდა გეუბნებოდეთ აღსარებას, უფალო, მხოლოდ შენ უნდა გავედრებდეთ თავს: „შემიწყალე და განკურნე ჩემი სული, რადგანაც გცოდე“<sup>17</sup>. ბროტად არ უნდა ვიყენებდეთ შენს მონყალებას, რათა ხელახლა ვცოდოთ, არამედ ყოველთვის გვახსოვდეს უფლის სიტყვები: „აჰა, განკურნე, ნუღარა სცოდავ, რათა უარესი არ დაგემართოს“<sup>18</sup>.

ისინი ხომ ცდილობდნენ ძირშივე ჩაკლან ეს მაცოცხლებელი შეგონება, როცა ამბობენ: „ზეცამ ისე ინება, რომ უთუოდ უნდა სცოდო“; ანდა: „ეს ვენერას საქმეა, ან სატურნის, ანდა მარსისა“. მაშასადამე, თუ კაცს, რომელიც სხვა არა არის რა, თუ არა ხორცი, სისხლი და ქედმაღალი ხრწნილება, ვერავითარ ბრალს ვერ მივანერთ, მაშინ ბრალი თვითონ შემოქმედს, ცისა და ციურ მნათობთა გამრიგეს ედება. მაგრამ ვინაა შემოქმედი, თუ არა შენ, უფალო ჩვენო, სამართლიანობის უშრეტო და უტკბესო წყაროვ, რომელიც „მისი საქმისამებრ მიაგებ თვითეულს და ურვილისა და თვინიერის გულს არ მოიძულებ“<sup>19</sup>.

<sup>16</sup> ნეტარი ავგუსტინეს დროს რომის იმპერიაში ასე იწოდებოდნენ არა საკუთრივ მათემატიკოსები, არამედ ასტროლოგები: „ახლა მათემატიკოსებს უწოდებენ იმ ხალხს, ვისაც სურს ციურ სხეულებს დაუქვემდებაროს ჩვენი მოქმედებანი და ვარსკვლავებს მიანდოს ჩვენი ბედი“ („სხვადასხვა საკითხთათვის“, 83,14,1-2). ამ უცნაურსა და უძველეს რწმენას საფუძვლად უდევს პირველყოფილი ხალხების მიერ ციურ მნათობთა გადამერთება და ამასთან უშუალოდ დაკავშირებული მითოლოგიურ-მაგიური აზროვნება, რომელსაც ბუნებრივ მოვლენებზე გადაჭქონდა ადამიანის ფსიქიკური თვისებები და, ამრიგად, მიკროკოსმოსმა (ადამიანი) და მაკროკოსმოსს (სამყარო) შორის სიმპათია-ანტიპათიაზე დაფუძნებულ სრულ ურთიერთშესატყვისობას ამყარებდა. ასტროლოგიურ წინასწარმეტყველებათა პოხიერ ნიადაგზე აღმოცენებული ათასგვარი ცრურწმენა რომაელ მწერალთა (იუვენალი, ავონიუსი და სხვ.) სარკასტული დაცინვის საგნად იქცა. ძვ.წ.ა. 139 წელს ასტროლოგები რომიდან გააძევეს, მაგრამ ისინი მალე დაბრუნდნენ უკან. უფრო გვიან იმპერატორ ვალენტინიანე I-ის (364-375 წ.) საგანგებო ბრძანებულება სიკვდილით ემუქრებოდა ასტროლოგებსაც და მათ „კლიენტებსაც“. მაგრამ ყველაფერი ამო იყო. ვერც რომში და ვერც შუა საუკუნეების ევროპაში ვერავითარმა ძალამ ვერ შესძლო ძირფესვიანად აღმოეფხვრა ასტროლოგია, რომლის ზემოქმედება ბრბოზე, და არა მარტო ბრბოზე, დღემდე გრძელდება.

<sup>17</sup> ფსალმ. 40, 5.

<sup>18</sup> იოანე V, 14.

<sup>19</sup> მათე, XVI, 27; რომ. II, 6; ფსალმ. 50, 19.

5. იმხანადვე გავიცანი ერთი კაცი, დიდად გამჭრიახი, თავის საქმეში განათული და დახელოვნებული ექიმი<sup>20</sup>. დრამატულ პოეტთა ასპარეზობაში რომ გავიმარჯვე, მაშინ ის პროკონსული იყო და თავისი ხელით დამადგა გვირგვინი ამ სწულთაზე: ასე რომ, პროკონსულობისა რა მოგახსენოთ და, როგორც ექიმმა, ამ შემთხვევაში ბევრით ვერაფრით ისახელა თავი. ამნაირი სწულეების მკურნალი მხოლოდ შენა ხარ, უფალო, რომელიც „ჰმუსრავ ქედმაღალთ, ხოლო მდაბალთ მადლს ანიჭებ“<sup>21</sup>. განა ამ ბერიკაცის მეშვეობით არ შემიწიე? და განა ხელი აიღე ჩემი სულის მკურნალობაზე?

მე ძალიან დაუეხლოვდი ექიმს და მისი მუდმივი და გულითადი თანამოსაუბრე გავხდი. ზიზილ-პიპილებით არ ამკობდა სათქმელს, მაგრამ აბრის სიცხადითა და დარბაისლური მეტყველებით გხიბლავდათ. როცა გაიგო, რომ ერთაგად ასტროლოგიურ წიგნებს<sup>22</sup> ჩავეკრიკებდი, მამაშვილურად მიჩნია, ხელი ამერო მათზე და ამ სისულელისათვის არ შემიღია ჩემი ძალა, რომელიც შეიძლება გაცილებით უფრო სასარგებლო საქმისათვის გამომეყენებინა. მან მიამბო, რომ ოდესღაც თურმე თვითონაც სწავლობდა ამ მეცნიერებას, და ყმანვილკაცობაში იმასაც კი აპირებდა, რომ თავის ხელობად სწორედ ასტროლოგია აერჩია. მაგრამ განა ჰიპოკრატეს<sup>23</sup> გამგებს ამ წიგნების გაგება გაუჭირდებოდა? მალე ბურგი აქცია მათ და მედიცინის შესწავლას მიჰყო ხელი, რადგანაც თვალნათლივ დარწმუნდა ასტროლოგთა სრულ სიყალბეში: როგორც ღირსეულ კაცს შეშვენის, არ მოინდომა სიცრუით მოეპოვებინა ლუკმა პური. „შენც შეგიძლია - დასძინა მან, - რიტორიკით ირჩინო თავი; შენ კი ნებაყოფლობით ჩაჰკირკიტებ ამ სისულელეს, და არა გაჭირვების გამო; მით უფრო მეტად უნდა ერწმუნო ჩემს სიტყვებს, რადგან მე თვითონაც ვცდილობდი ისე საფუძვლიანად შემესწავლა ასტროლოგია, რომ ჩემს ერთადერთ ხელობად მექცია იგი“. მე ვკითხე, რა უნდა იყოს იმის მიზეზი, რომ ასტროლოგთა ბევრი წინასწარმეტყველება ბოლოს მაინც მართლდება-მეთქი? ის შეეცადა შეძლებისდაგვარად დაეკმაყოფილებინა ჩემი ცნობისმოყვარეობა და ასე მომიგო: ეგ მხოლოდ შემთხვევითობის შედეგად ხდება, გამუდმებით რომ მოქმედებს ბუნებაში. პოეტის წიგნი რომ აიღო და ალაღბებდებ გადაშალო

<sup>20</sup> ქვემოთ (VII, VI, 8) ნეტარი ავგუსტინე ამ კაცის სახელსაც გვამცნობს: ეს იყო ვინდიციანუსი, იმპერატორ ვალენტინიანე I-ის სასახლის კარის ექიმი; ამიტომაც, იმ დროის ჩვეულებისამებრ, პროკონსულის ტიტული ჰქონდა მინიჭებული. უფრო გვიან კართაგენის მთავარი ექიმის მოვალეობას ასრულებდა. თანამედროვენი ვინდიციანუსს ერთ-ერთ ყველაზე სახელოვან მკურნალად თვლიდნენ.

<sup>21</sup> I პეტრე, V, 5; იაკ. IV, 6.

<sup>22</sup> დედანში: „libros genethliacorum“. ბერძნულ სიტყვას „გენეთლიაკოს“ ორი სხვადასხვა მნიშვნელობა აქვს: 1. „ის, რაც დაბადებას უკავშირდება“ და 2. „ჰოროსკოპების შემდგენი“, „ასტროლოგი“. „მათ - ნერს ნეტარი ავგუსტინე, - გენეთლიაკოსებს უწოდებდნენ იმიტომ, რომ დაბადების დღეებს აკვირდებოდნენ, დღეს კი ისინი „მათემატიკოსებად“ იწოდებიან“ („ქრისტიანული მოძღვრებისათვის“, 2, 21, 32).

<sup>23</sup> ჰიპოკრატე (დაახლ. 460 - დაახ. 370 ძვ.წ.ა.) - სახელგანთქმული ბერძენი ექიმი, მეცნიერული მედიცინის ფუძემდებელი.

სამკითხაოდ, მიუხედავად იმისა, რომ მისი ავტორი მხოლოდ თავის საკუთარ თემას ავითარებდა და საკუთარ მიზანს ისახავდა, - ზოგჯერ შეიძლება იმნაირ სტრიქონს წაანყდე, გამაოგნებელი სიზუსტით რომ შეესატყვისება შენტვის საინტერესო საკითხს. ჰოდა, რა გასაკვირია, თუ ადამიანის სული, ამა თუ იმ უჩვეულო ინსტინქტის ძალით, ქვეშეცნეულად და ანგარიშმიუცემლად, სწორ პასუხს გასცემს შემკითხველს.

6. აი, რა მამცნე ამ ბერიკაცის პირითა და მისი მაგალითით. ჩემს მეხსიერებაში აღიბეჭდა პირველი მონახაზი იმისა, რაც უფრო გვიან მე თვითონ უნდა მეძებნა. მაშინ კი ვერც მან და ვერც ჩემმა ძვირფასმა ნებრიდიუსმა, ღირსეულმა და კეთილშობილმა ჭაბუკმა, სასაცილოდაც რომ არ ჰყოფნიდა ამნაირი წინასწარმეტყველებანი, - ვერ შესძლეს ჩემი დარწმუნება და ვერც ასტროლოგიურ წიგნებზე ამაღებინეს ხელი, რადგანაც ჩემზე მათი ავტორების ავტორიტეტი უფრო მოქმედებდა, და ვერც ჩემი კვლევა-ძიებით მივაკვლიე ვერცერთ სარწმუნო საბუთს, რომელიც ყოველგვარი ორაზროვნების გარეშე დამიდასტურებდა, რომ მოცემულ კითხვაზე ასტროლოგების ყოველი ზუსტი პასუხი შემთხვევითობით თუ ბედისწერითაა ნაკარნახევი, და არა ვარსკვლავებზე დაკვირვებით.

#### IV

7. ჩემს მშობლიურ ქალაქში მასწავლებლობის დანწყებისას ერთი მეგობარი შევიძინე, რომელთანაც ინტერესების ერთობამ დამაახლოვა. ჩემი კბილა იყო და ჩემსავით ახლად შეღერებული ჭაბუკი. სიყმაწვილითვე თანშემბრდილები ვიყავით; ერთად დავდიოდით სკოლაში და ერთად ვთამაშობდით. მაგრამ მაშინ ჩემი მეგობარი არ ყოფილა, თუმცა ჩვენს ურთიერთობას ვერც შემდეგ დავარქმევდით ჭეშმარიტ მეგობრობას, რადგანაც ჭეშმარიტია მხოლოდ ის ძმური კავშირი, შენ რომ ამყარებ, უფალო, კაცთა შორის, რომელნიც გამსჭვალვიან „სიყვარულით, ჩვენს გულებში რომ ჩაღვრილა სული წმიდის მიერ, რომელიც შენვე მოგვეცი“<sup>24</sup>. და მაინც ეს მეგობრობა, განმტკიცებული იმის წყალობით, რომ ორივენი გულმხურვალედ მიველგვოდით ცოდნას, უძვირფასესი და უტკბესი იყო ჩვენთვის. მე ის ჭეშმარიტი რწმენის გზას ავაცდინე, რწმენისა, რომელიც ჯერ კიდევ მთლიანად ვერ დაუფლებოდა უმნიშვნური ჭაბუკის გულს, - რათა ცრურწმენის საბედისწერო უფსკრულში გადამეჩეხა, რომელშიაც მე თვითონ ვიყავი დანთქმული, რის გამოც მწარედ დამგროდა

<sup>24</sup> რომ. V, 5.

დღეაჩემი. ჩვენი სულები მხარდამხარ მიისწრაფოდნენ ცთომილების გზით, და უერთმანეთოდ აღარ შეეძლოთ გაძლება.

მაგრამ შენ, რომელიც თეხდაფეხ მისდევ ყველას, ვინც გაგირების, „შურისგების ღმერთო“<sup>25</sup> და გულმონყალების უშრეტო წყაროვ, რათა უკანვე დაგვიბრუნო გონებაშიუნვდომელი გზებით, - სწორედ მაშინ განაშორე სანუთროს იგი, როცა ჩვენს მეგობრობას ის-ის იყო ერთი წელი უსრულდებოდა, წელი, რომელიც ყველაზე ბედნიერი იყო ჩემს იმდროინდელ ცხოვრებაში.

8. თუ მოიძებნება კაცი, რომელსაც შეუძლია „აღნუსხოს შენი ქება“<sup>26</sup> იმ სიკეთისათვის, რაც მხოლოდ მისთვის გიყვია? რა მოიმოქმედე მაშინ, ღმერთო ჩემო? რარივ გონებაშიუნვდომელია შენი განგების უტესკრული!<sup>27</sup> ციებ-ცხელებით გატანჯული ჩემი მეგობარი დიდხანს უგონოდ იწვა და ჭირის ოფლი სდიოდა. რაკი მისი გამოჯანმრთელების იმედი გადაუნყდათ, ასე ცნობამიხდილი მონათლეს<sup>28</sup>. ამისათვის მაშინ ყურადღება არ მიმიქცევია, რადგანაც დარწმუნებული ვიყავი, რომ მის სულში, უმაღლეს, ის ჩარჩებოდა, რაც ჩემგან გაეგო, ვიდრე ის, რაც მის ცნობამიხდილ სხეულს დამართეს. მაგრამ ყველაფერი პირიქით მოხდა. ის მომტობინდა და სააქაოსაკენ იბრუნა პირი. როგორც კი გონს მოეგო, მაშინვე გამოველაპარაკე: ჩვენ კვლავ განუყრელნი ვიყავით, რადგანაც მის სასთუმალს არ მოვცილებივარ. მე დავაპირე გაესაუბრებოდი, რადგანაც მეგონა, რომ ჩემთან ერთად აიგდებდა მასხრად თავის ნათლობას<sup>29</sup>, უგრძობელმა და ცნობამიხდილმა რომ მიიღო (უკვე იცოდა, რომ მოენათლათ). მაგრამ მან, როგორც დაუძინებელ მგერს, შეძრწუნებულმა მაქცია ზურგი და, ჩემთვის სრულიად მოულოდნელად, უჩვეულო სისასტიკით მომიგო, თუ კვლავაც ჩემთან მეგობრობას აპირებ, ეგ აღარ გამაგონო. შემცბარმა და გაოგნებულმა როგორც იქნა მოვთოკე ჩემი გრძნობები და გადაუნყვიცე მანამდე აღარ გამეცა თავი, ვიდრე საბოლოოდ არ მოიკეთებდა. მაგრამ შენმა განგებამ არ დამაცალა ჩემი შლეგური

<sup>25</sup> ფსალმ. 93, 1.

<sup>26</sup> შდრ. ფსალმ. 105, 2.

<sup>27</sup> შდრ. ფსალმ. 35, 7; შდრ. რომ. XI, 33.

<sup>28</sup> „ნეტარი ავგუსტინეს მეგობარი, ისევე, როგორც თვით ავგუსტინე, ალბათ, ბავშვობიდანვე „კატეხუმენი“ იყო. ეკლესია თავს იკავებდა ავადმყოფების მონათვლისაგან, რადგანაც მიაჩნდა, რომ ეს ნებაყოფლობითი აქტი კი არ იქნებოდა, არამედ იძულებითი. ამნაირად მონათვლები ღვთისმსახური ვერ გახდებოდნენ. თუმცა ბუნებრივი იყო იმის სურვილიც, რომ „კატეხუმენი“ მოუნათლავი არ დარჩენილიყო. ამიტომ თვითონ ცნობამიხდილთაც კი ნათლავდნენ. კართაგენის მესამე საეკლესიო კრების მიერ სანქციონირებულ იქნა ამნაირი პრაქტიკა, მხოლოდ იმ პირობით, თუკი ავადმყოფს ნათესავები დაუდგებოდნენ თავმდებად და დაადასტურებდნენ, რომ ის ნებაყოფლობით ინათლებოდა“ (რუს. თარგმანის შენიშვნები; იხ. დასახ. გამოც. გვ. 236-237).

<sup>29</sup> მანიქეველები არავითარ მნიშვნელობას არ ანიჭებდნენ ნათლისღებას და სრულიად უსარგებლოდ მიაჩნდათ იგი.



განზარხვის ასრულება: რამდენიმე დღის შემდეგ, როცა მის გვერდით აღარ ვიყავი, ციებამ კვლავ დარია ხელი და ჩემი საბრალო მეგობარი გარდაიცვალა; მე წამართვი, რათა, ჩემდა სანუგეშოდ, შენს გვერდით მიგეცინა მისთვის საუკუნო სამყოფელი.

9. რა საშინელმა მწუხარებამ მოიცვა ჩემი გული!<sup>30</sup> საითაც უნდა გამეხედა, ყველგან მხოლოდ სიკვდილს ვხედავდი<sup>31</sup>. მშობლიური ქალაქი წამების დილეგად მექცა, მამისეული სახლი - დაუსრულებელი გლოვის სავანედ. ყველაფერი, რაც მასთან მაკავშირებდა, უმისოდ სხვა არა იყო რა, თუ არა აუტანელი ტანჯვის სათაფე. ჩემი თვალები ყველგან მეგობარს ეძებდნენ, მაგრამ ამაოდ მე შევიძულე ყველაფერი, რადგან ის არსად ჩანდა, და ვერც ვერვინ მეცყოდა - მალე მოვაო, როგორც მის სიცოცხლეში მეუბნებოდნენ, როცა ჩემთან არ იყო. ჩემი თავისთვისვე ამოუხსნელ ამოცანად ვიქეცი, და ჩემს სულს ვეკითხებოდი, რატომ ხარ ასე მწუხარე, ან მე რად მანამებ-მეთქი?<sup>32</sup> მაგრამ ის პასუხად დუმდა. თუ ვურჩევდი, ღმერთის იმედი ჰქონოდა<sup>33</sup>, ის არ მემორჩილებოდა და ცამდე მართალიც იყო, რადგანაც ჩემთვის სამუდამოდ დაკარგული მეგობარი ათასწილ უფრო უკეთესად და უფრო ნამდვილად მიაჩნდა, ვიდრე ის ფანტასმა, იმედად რომ ვუსახავდი ჩემსავე სულს<sup>34</sup>. მხოლოდ ცრემლის ღვრა მანიჭებდა შეებს; სწორედ მან დაიკავა დაკარგული მეგობრის ადგილი ჩემს გულში და მის ერთადერთ სიამედ იქცა.

<sup>30</sup> შდრ. იერემიას გოდება, V, 17.

<sup>31</sup> ნეტარი ავგუსტინეს ეს სიტყვები ჩვენში დიდი ესპანელი პოეტის ფედერიკო გარსია ლორკას ოთხი მწარე სტრიქონის რემინისცემციას ინვეეს: „Por todas partes yo veo el punal en el corazon“. („ყოველ მხარეს მე ვხედავ ხანჯალს გულში“. იხ. Federico Garcia Lorca, Prosa, Poesia. Teatro, M, 1979, p. 127).

<sup>32</sup> შდრ. ფსალმ. 41, 6,12; 42, 5.

<sup>33</sup> შდრ. იმავე ფსალმუნის იგივე ორი მუხლი (41, 6, 12).

<sup>34</sup> მანიქველთა ღმერთი, რომელიც მაშინ სწამდა ავგუსტინეს, მხოლოდ მისი წარმოსახვით შექმნილი აჩრდილი, მხოლოდ „ფანტასმა“ იყო (იხ. მესამე წიგნის შენიშვნები, 28).

## V

10. ახლა კი ყოველივე ეს, უფალო, წარსულს ჩაბარდა; დრომ პირი შეუკრა და მოაშუშა ჩემი ჭრილობა. შეიძლება თუ არა დღეს მაინც გავიგო შენგან, რომელიც ხარ ჭეშმარიტება, დიას, შეიძლება თუ არა გულისყური მივაპყრო შენს ბაგეებს და მოვისმინო, რატომაა ცირლი ერთადერთი შვება უბედურთათვის?<sup>35</sup> განა შენ, ყველგან მყოფი, ხელაღებით იცილებ თავიდან ჩვენს უბედურებას? მართალია, როცა ამქვეყნიური განსაცდელით შეჭირვებულნი მბორგავი ტალღებით განწყდებით და გვეთქებით ყოველი მხრიდან, შენ კვლავ შენსავე თავში ხარ მშვიდად და აუძლვრეველად დაფანებული, მაგრამ ჩვენი ცირილი რომ ვერ აღწევდეს ჩენს ყურს, იმედის ნაგამალიც აღარ შეგვრჩებოდა. რატომაა, რომ ცხოვრებისეული სიმწრის ხეზე მოცახცახე ხელითა ვკრეფთ კვნესის, გმინვის, ვაი-ვიშისა და მოთქმა-გოდების ტკბილ ნაყოფს? თუ სიგბობა ისაა, რომ იმედი გვაქვს, იქნებ შეისმინო ჩვენი ვედრება? ეს ნამდვილად ასეა ლოცვისას, რასაც სათუძვლად უდევს შენსკენ ლტოლვისა და შენამდე მოღწევის დაუოკებელი სურვილი. მაგრამ იგივე ითქმის თუ არა ძვირფასი ადამიანის დაკარგვით გამონვეულ სიმძიმედაც, კერძოდ, ჩემს მაშინდელ მწუხარებაზე? განა იმის იმედი მქონდა, რომ გაცოცხლდებოდა? არა, ამას როდის მოვითხოვდი ჩემი ცრემლებით: მხოლოდ გვმინავდი და ვგოდებდი, რადგანაც მეჩვენებოდა, რომ მეგობართან ერთად სამუდამოდ დაგვარგე სიხარულის განცდის უნარიც. ან იქნებ ცირილი, რომელიც თავისთავად მწარეა, მხოლოდ იმიტომ გვეჩვენება სიგბობად, რომ მოგვებრდა ის, რითაც აქამდე ვცვებოდით, და ახლა მხოლოდ ზიზღს თუ აღგვიძრავს?

<sup>35</sup> შტრ. ნიკოლოზ ბარათაშვილი: „ოხვრა არის შვება უბედურისა“.

VI

11. მაგრამ რას მივედ-მოვედები? ახლა კითხვების დრო კი არ არის, არამედ აღსარების თქმისა. მე უბედური ვიყავი; უბედურია ყოველი სული, რომელიც სიყვარულით ემსჭვალვის იმას, რაც მოკვდავია; რადგანაც ამ უკანასკნელის დამკარგავს სიცოცხლე აუტანელ ტანჯვად ექცევა<sup>36</sup>. სწორედ მაშინ გრძნობს მთელი სიმძაფრით თავბარდამცემ უბედურებას, თუმცა უბედური იყო მანამდეც, ვიდრე თავისი სიყვარულის საგანს დაჰკარგავდა.

ასეთი იყო იმხანად ჩემი სულიერი მდგომარეობა. მწარედ ვტიროდი და მხოლოდ ეს სიმწარე მანუგეშებდა. ხომ ასე უბედური ვიყავი, მაგრამ, ეცემა, ჩემს ძვირფას მეგობარს მაინც ეს უბედური სიცოცხლე მერჩია. მე, რა თქმა უნდა, ვისურვებდი მის შეცვლას, მაგრამ არა დაკარგვას, როგორც ღვაკარგე ჩემი მეგობარი. არ ვიცი, შეეძლებდი თუ არა მისი გულისთვის თავის განირვას, ორესტესა და პილადეს<sup>37</sup> მსგავსად (თუკი მათი ამბავი მოგონილიარ არის), რომლებიც მზად იყვნენ ერთად დახოცილიყვნენ ერთიმეორის გულისთვის, რადგანაც უერთმანეთოდ სიცოცხლე სიკვდილზე უარესად მიაჩნდათ. ჩემში კი სრულად საპირისპირო გრძნობამ იჩინა თავი. საშინლად მძულდა სიცოცხლე, მაგრამ არანაკლებ მეშინოდა სიკვდილისა. მე მგონია, რაც უფრო მეტად მიყვარდა ჩემი მეგობარი, მით უფრო მეტად ვუფრთხოდი სიკვდილს, რომელმაც მისი თავი წამართვა; ვუფრთხოდი, როგორც მოსისხლე მგერს: ვაითუ ყველას ერთად მოუსვას თავისი ცელი, როგორც ის მოცელა-მეთქი.

მახსოვს, რა შავ დღეშიც ვიყავი. აი, ჩემი გული, უფალო: კარგად ჩახედე და დაინახავ, რომ ყველაფერი მშვენივრად მახსოვს, სასიხარულო და ნუგეშო ჩემო, ამნაირ გრძნობათა

<sup>36</sup> ზოგჯერ მართლაც რომ განსაცვიფრებელია ორი ქრისტიანული აზრის თანხედრობა, რომლებსაც ერთმანეთისაგან საუკუნეები აშორებს. აი, რას ეუბნება მომაკდავი პასკალი დას: „არავის უნდა მიეცე იმისი ნება, რომ შემეყვარონ, თუნდაც ეს იყოს მათთვის სრულიად თვითნებური და სასიამოვნო გრძნობა. მე მოვატყუებ ყველას, ვის გულშიაც ამნაირი გრძნობა აღიძვრის, რადგან მე არავის მიზანი არა ვარ და ყველას იმედს გაუფრთხობ. განა სიკვდილი კარზე არ მიკაკუნებს უკვე? ასე რომ, მათი სიყვარულის საგანი მალე მოკვდება. ხომ დამნაშავე ვიქნებოდი, თუკი ვაიძულებდი სხვებს ჭეშმარიტად მიეჩნიათ სიყალბე, ვაიძულებდი თუნდაც ჩემდა უნებურად, და ამ იძულებით ვაამბობდი მათაც და საკუთარ თავსაც? ასევე დამნაშავე ვიქნები, თუკი ჩემდამი სიყვარულის გრძნობას აღვუძრავ ვისმე. უნდა გავაფრთხილო ყველა, ვისაც ვუყვარვარ, ნუ ინამებს ამ სიყალბეს, ნუ მინამებს, ნუ შემეყვარებს. ნაცვლად იმისა, რომ მე შემეყვარონ, დაე, ეცადონ სათნო-ყვონ ღმერთს“ (ბლეზ პასკალი, „აზრები“, ფრანგულიდან თარგმნა, წინასიტყვაობა და შენიშვნები დაურთო ბ.ბრეგვაძემ, თბილისი, 1981, გვ. 166-167).

<sup>37</sup> ანტიკური მითოლოგიის გმირები, უერთგულესი მეგობრები, სამი დიდი ბერძენი დრამატურგის ტრაგედიათა პერსონაჟები: ესქილეს „ორესტეა“, სოფოკლეს „ელექტრა“, ევრიპიდეს „ორესტე“, „ელექტრა“ და „იფიგენია ტავრისში“.

მწიგნოსაგან რომ მწმენდ, შენსკენ მიმართავ ჩემს მზერას და „მახეში გაბმულ ფეხს მითავისუფლებ“<sup>38</sup>.

მიკვირდა, რომ დანარჩენი მოკვდავნი ისევ ცოცხლობდნენ, მაშინ როდესაც მკვდარი იყო ის, ვინც ისე ძლიერ მიყვარდა, რომ თითქოს არ შეიძლებოდა მომკვდარიყო. უფრო მეტად მიკვირდა, რომ მე, მისი მეორე „მე“ ცოცხალი ვიყავი, ის კი აღარ იყო ამ ქვეყნად. ვილაცას კარგად უთქვამს თავის მეგობარზე: „ნახევარი ჩემი სულისა“<sup>39</sup>. მეც ვგრძნობდი, რომ ჩემი სული და მისი სული ორი სული იყო ერთ სხეულში<sup>40</sup>, და სიცოცხლე თავზრსა მცემდა: არა, არ მინდოდა ნახევარი სიცოცხლით მეცოცხლა. იქნებ იმიტომაც მეშინოდა სიკვდილისა, რომ მთლიანად არ მომკვდარიყო ის, ვინც ასე ძლიერ მიყვარდა.

## VII

12. ო, შლეგი, რომელსაც არ შეუძლია უყვარდეს ადამიანი, როგორც შეჭფერის ადამიანს! ბრიყვი, რომელიც დრტვინავს ადამიანის ხვედრის გამო! აი, როგორი ვიყავი მაშინ: ვბორგავდი, ვგმინავდი, მოვთქვამდი, ჩემს თავს აღარ ვეკუთვნიდი, მოსვენებას ვერსად ვპოულობდი და ვერც აზრებს ვუყრიდი ტავს. ყველგან თან დავატრევი ჩემს დაფლეთილ-დასისხლიანებულ სულს და აღარ ვიცოდი, სად მეპოვა მისთვის მყუდრო საფანე. მომხიბლავი ჭალაკები, სიმღერები, ცეკვა-თამაში, ვნებათაღელვით წალეკილი სარეცელი, თავბრუდამხვევი სურნელებით საფსე ბალები, თავანყვეტილი ღრეობები, წიგნების კითხვა და ლექსები, - ვერაფერი ვერ ანიჭებდა სიმშვიდეს. ყველაფერი აძრწუნებდა, თვით დღის სინათლეს; რაც ჩემს მეგობარს არ აგონებდა, საზიზღარი და აუტანელი იყო მისთვის. მხოლოდ გმინვა და მოთქმა-გოდება, - აი, მისი ერთადერთი ნუგეში. მაგრამ საკმარისი იყო სულს ეს ნუგეშიც მოჰკვებოდა, რომ მაშინვე მძიმე ლოდივით მანვებოდა და გასრესით მემუქრებოდა ჩემივე უბედურება.

მხოლოდ შენთვის უნდა შემევედრებინა სული, უფალო<sup>41</sup>, მხოლოდ შენ შეგეძლო მისი მკურნალობა. ცოდნით კი ვიცოდი ეს, მაგრამ არ მინდოდა და არც შემეძლო შენ მეხმე მწედ და მეოხად, რადგანაც, ჩემი წარმოდგენით, სიმყარისა თუ ურყევობის არა გეცხო რა. ეს

<sup>38</sup> ფსალმ. 24, 15.

<sup>39</sup> შდრ. ჰორაციუსი, ოდები, I, 3, 8.

<sup>40</sup> „კითხვაზე, რა არის მეგობრობა, არისტოტელემ მიუგო: „ერთი სული ორ სხეულში“ (დიოგენე ლაერტელი, V, 1, 20).

<sup>41</sup> შდრ. ფსალმ. 24, 1.

იმიტომ, რომ შენ კი არა, ფუჭი ფანტასმა და ჩემი ცთომილება იყო ჩემი ღმერთი<sup>42</sup>. როცა ვცდილობდი ამ აჩრდილზე ჩამომესვენებინა ჩემი სული, ეს უკანასკნელი მაშინვე სიცარიელეში ვარდებოდა და ხელახლა მეძხოებოდა თავზე, მთელი თავისი სიმძიმით და სიმძიმით; ასე რომ, კვლავ იმად ვრჩები, რაც ვიყავი: წყეული და შეჩვენებული ადგილი, სადაც არ დამედგომებოდა და ვერც ვერსად გავიქცეოდი. ან კი სად უნდა გაქცეოდა ჩემი გული ჩემსავე გულს? სად უნდა გავიქცეოდი ჩემსავე თავს? ან როგორ დამეხსნა თავი ჩემივე საკუთარი თავისაგან?

და მაინც, მე გავიქეცი ჩემი მშობლიური ქალაქიდან, რადგანაც ჩემი თვალები ნაკლებად დაინყებდნენ მის ძებნას იქ, სადაც არასოდეს ეხილათ იგი; და მე თავასტიდან კართაგენში გადავბარგდი<sup>43</sup>.

## VIII

13. დრო უკვალოდ როდი ქრება და არც ფუჭად მიედინება, ისე, რომ არავითარ ზემოქმედებას არ ახდენდეს ჩვენს გრძნობებზე; არა, ის უცნაური ნამოქმედარით ავსებს ჩვენს სულს.

დღეები დღეებს მისდევდნენ; დღევანდელ დღეს ხვალინდელი დღე ცვლიდა; ისინი ჩემში მიედინებოდნენ და ახალ იმედებსა და მოგონებებს მიტოვებდნენ. ჩემს სულში ნელ-ნელა იღვიძებდა განცხრომის ძველი ჩვეულება, ჩემი მწუხარება კი თანდათანობით უკან იხევდა და ადგილს უთმობდა მას. სამაგიეროდ ახალმა მწუხარებამ, ან, უფრო სწორად, მწუხარების ახალმა მიზნებმა იჩინა თავი. რა იყო იმის მიზეზი, რომ ძველმა მწუხარებამ ასე ადვილად დამრია ხელი და ასე ღრმად განწონა ჩემი გული? მხოლოდ ის, რომ ქვიშას ვაპკურე სული, რაკილა ისე შევიყვარე მოკვდავი ადამიანი, თითქოს არასოდეს ეწერა სიკვდილი<sup>44</sup>.

მე კი ყველაზე მეტად სწორედ ახალი მეგობრები მანუგეშებდნენ და კვლავინდებურად მიბრუნებდნენ სიცოცხლის ხალისს; მეგობრები, რომლებიც ჩემთან ერთად იზიარებდნენ

<sup>42</sup> იხ. აქვე, შენ. 34.

<sup>43</sup> ავგუსტინე ისე გაემგზავრა თავასტიდან, რომ არაფერი უთქვამს დედისთვის („ავადემიკოსთა წინააღმდეგ“, 2,2,3). სამგზავრო და ახალ ადგილზე დასაბინავებლად საჭირო ფული მას მისმა მეგობარმა, მდიდარმა თავასტელმა მოქალაქემ რომანიანემ მისცა, ვის სახლშიაც ერთხანს ცხოვრობდა ავგუსტინე, როცა დედამ შინ არ შეუშვა გზაბნეული შვილი.

<sup>44</sup> შდრ. აქვე, შენ. 36.



ყოველივე იმის სიყვარულს, რაც შენს ნაცვლად მიყვარდა, ღმერთო. ღიას, ჩვენ ერთად გვიყვარდა დაუსრულებელი ზღაპარი და უწყვეტი სიცრუე<sup>45</sup>, „საამოდ რომ ელაძუნებოდა ჩვენს სმენას“<sup>46</sup> და თავისი უკეთურობით რყვნიდა ჩვენს სულს. ჩემი ერთ-ერთი ახალი მეგობარიც რომ მომკვდარიყო, ეს ზღაპარი მაინც არ მოკვდებოდა ჩემთვის.

ვინ მოსთვლის, კიდევ რამდენი რამით მხიბლავდა ეს მეგობრული ურთიერთობა: მხიარული საუბრები, სიცილ-ხარხარი, კეთილმოსურნეობა ერთურთის მიმართ, გვბილძოვბარი წიგნების ერთობლივი კითხვა, თავშექცევა და ურთიერთპატივისცემა; შიგადაშიგ - უთანხმოებანიც, მსგავსი იმისა, ჩვენ თვითონ რომ არ ვეთანხმებით ხოლმე საკუთარ თავს; უიშვიათესი უთანხმოება, თავისებურ პენს რომ ჰმაგებს ხანგრძლივ თანხმობას და ერთსულოვნებას; ურთიერთგანსწავლა, როცა მეგობრებს შორის თვითუელი, ერთსა და იმავე დროს, მონაფეცა და მასწავლებელიც; შორს წასულთა სევდიანი მოლოდინი და სიხარული უკანვე დაბრუნებულებთან შეხვედრისას. ურთიერთსიყვარულის ყველა ამნაირი გამოვლინება, სახეზე რომ ახატია ადამიანს, სიგყვით მჟღაფნდება და მზერაში გამოსჭვივის, როგორც იმავე სიყვარულის ურიცხვი სხვა გამონატვლება, თითქოს ის მოლაპლაპე აღია, რომელზედაც ხდება სულების ურთიერთშენდობა, რათა მრავლისგან წარმოიქმნას ერთი.

## IX

14. აი, რა გვიყვარს მეგობრებში, და ისე ძალიან გვიყვარს, რომ ადამიანს დამნაშავე ჰგონია თავი, თუ სიყვარულს სიყვარულითვე არ აძლევს პასუხს. მეგობრისაგან მხოლოდ ერთ რამეს მოითხოვენ: კეთილმოსურნეობას. აქედან - მწუხარება მეგობრის დაკარგვის გამო; განჯვის უსხივო ღამე; სიმწარედ ქცეული სიგვბოება მღუღარე ცრემლებით წარღვნილსა და წალეკილ გულში; ცოცხალთა სიკვდილი, რაკილა ცოცხალნი აღარ არიან მკვდრები.

ნეტა მას, ვისაც უყვარხარ, ღმერთო; ვისაც თავისი მეგობარი უყვარს შენში, მგერი კი - შენი გულისთვის. მხოლოდ ის არ კარგავს არაფერს ძვირფასს, ვისთვისაც ყვლაფერი ძვირფასია მასში, ვინც მუეძლებელია დაკარგო, მაგრამ ვინ არის ეს, თუ არა ღმერთი ჩვენი, ღმერთი, რომელმაც „შეჰქმნა ცა და მიწა“<sup>47</sup> და თვითონვე აფსებს მათ<sup>48</sup>, რადგანაც სწორედ

<sup>45</sup> ნეტარი ავგუსტინე მანიქველთა მოძღვრებას გულისხმობს.

<sup>46</sup> II ტომ. IV, 3.

<sup>47</sup> დაბად. I, 1.

<sup>48</sup> შდრ. იერემ. XXIII, 24.

იმის წყალობით შექმნა, რომ თავისით ააფსო ისინი. არავინ არ გვარგავს, უფალო, გარდა იმისა, ვინც გტოვებს, თუმცა ვინც გტოვებს, სად წავა, ან სად გაიქცევა, თუ არა შენი გულმონწყალებიდან შენივე რისხვისაკენ? რადგანაც განა თავის სასჯელში არ ჰპოვებს შენს ურყევ კანონს? ხოლო „შენი კანონი ჭეშმარიტებაა“<sup>49</sup>, ჭეშმარიტება კი შენა ხარ თვითონ<sup>50</sup>.

## X

15. „ღმერთო ძალთაო, მოგვაქციე ჩვენ, გამოგვიბრწყინე შენი სახე და გადავრჩებით“<sup>51</sup>. საითაც უნდა მიიქცეს ადამიანის სული. ყველგან მწუხარებას აწყდება, ყველგან, სადაც არა ხარ შენ; თვით მაშინაც კი, მშვენიერებასაც რომ შეეყაროს, რა თქმა უნდა, მშვენიერებას შენს გარეშე და, მაშასადამე, თავისი თავის გარეშეც. ეს მშვენიერი საგნებიც არარაინი იქნებოდნენ, შენგან რომ არ იღებდნენ დასაბამს. ისინი იბადებიან და კვდებიან. დაბადებისას, ასე ვთქვათ, არსებობას იწყებენ, სრულ გაფურჩქნამდე იბრდებიან, თანდათანობით ბერდებიან და, ბოლოს, კვდებიან. ყველანი როდი აღწევენ სიბერეს, მაგრამ ყველას გარდუვალი სიკვდილი ელის. ამრიგად, როცა იბადებიან და სიცოცხლეს ეზიარებიან, რაც უფრო სწრაფად იბრდებიან და ხარბად მიელტვიან არსებობას, მით უფრო სწრაფად უახლოვდებიან არარსებობის უფსკრულს. ესაა ზღვარი, რომელიც შენ დაუნესე მათ ამქვეყნიურ ყოფნას, რადგანაც ისინი მხოლოდ მარადიული მთელის წარმავალი ნაწილები არიან, რომლებიც ერთდროულად როდი არსებობენ; არყოფნაში რომ გადადიან, ან ამ ქვეყნას ევლინებიან, და ამრიგად ენაცვლებიან ერთმანეთს, ისინი ერთობლივად ქმნიან მთელ სამყაროულ დრამას, რომელშიაც თვითეული მათგანი თავის საკუთარ როლს ასრულებს. ასე, ჩვენი საუბარიც ცალკეული სიტყვებისაგან ითხზვის, და ის უწყვეტი მთლიანობა არ იქნებოდა, ყოველი სიტყვა, წარმოთქმის შემდეგ, ადგილს რომ არ უთმობდეს მეორეს.

დაე, გაქოს და გადიდოს ჩემმა სულმა<sup>52</sup> მთელი ამ მშვენიერებისათვის, „ღმერთო, ყოვლის შემოქმედო“<sup>53</sup>, მაგრამ ხორციელი სიყვარულის წებოთი კი ნუ მიეკვრის გრძნობად სამყაროს, რომელიც კვლავ იქით მიდის, საითაც მიდიოდა - არყოფნის უფსკრულისაკენ, და

<sup>49</sup> თსალმ. 118, 142.

<sup>50</sup> შდრ. იოანე XIV, 6.

<sup>51</sup> თსალმ. 79, 4.

<sup>52</sup> თსალმ. 145, 2.

<sup>53</sup> ამბროსი მელიტანელის (იხ. პირველი წიგნის შენ. 4) ჰიმნის პირველი სტრიქონი, ჰიმნისა, რომელიც უფრო ვრცლად ციტირებულია ქვემოთ - „ალსარებანი“, IX, 32).

საბედისწერო სურვილთა სიმძაფრით ფლეთს ჩვენს საბრალო სულს, თვითონაც ხარბად რომ მიეღვცის არსებობას და სურს ჩამოისვენოს იმ საგნებზე, რომლებიც უყვარს. მაგრამ ამ ქვეყნად ვერსად ჰპოვებ მოსვენებას, რადგანაც გრძნობადი საგნები, რომლებისთვისაც უცხოა ყოველგვარი სიმყარე, განუწყვეტლივ მიჰქრებიან არყოფნისაკენ<sup>54</sup>. რომელ ხორციელ გრძნობას ხელენიფება კვალდაკვალ მისდიოს მათ? როგორ გინდა შეაკავო თვით ისიც კი, რაც ხელთ გიპყრია? ზანტია ხორციელი გრძნობა, სწორედ იმიტომ, რომ სხვა არა არის რა, თუ არა ხორციელი გრძნობა, და თვით თავისი ბუნებითაა ზღვარდებული. ის საკმარისია მხოლოდ თავისი დანიშნულების აღსასრულებლად, მაგრამ სრულად უკმარისია საიმისოდ, რომ შეაკავოს მსწრაფლნარმავეალი საგნები, მათთვის დასაზღვრული დასაბამიდან რომ მიჰქრებიან გარდუვალი დასასრულისკენ. რადგანაც შენი ღვთაებრივი სიციყვა, რომლის მეშვეობითაც შეჰქმენ ისინი, მათ გასაგონად ბრძანებს: „აქედან - აქამდე“.

## XI

16. ნუ აჰყვები ამაოებას, სულო ჩემო, ნუ დამიყრუებ გულისყურს მაგ შენი ფუჭი ღვანდგარით. უსმინე: თვით ღვთაებრივი სიციყვა გვეძახის და თავისკენ გიხმობს. აუღვრეველი სიმშვიდე სუთვეს იქ, სადაც სიყვარული არ მიგატოვებს, თუკი შენ თვითონ არ მიატოვებ მას. აჰა, ქმნილებები მიდიან, რათა ადგილი დაუთმონ ახალ ქმნილებებს, და ყველანი ერთად თავიანთი მონაცვლეობით ქმნიან ესოდენ მყიფე და არამყარ გრძნობად სამყაროს<sup>55</sup>. „მაგრამ განა მე შემოძლია სადმე წავიდე?“ - ბრძანებს ღვთაებრივი სიციყვა. მასში დაიმკვიდრე შენი სავანე. მასვე მიანდე ყველაფერი, რაც გაბადია, ამდენი სიცრუით დაღლილო სულო ჩემო. ჭეშმარიტებას მიანდე ყველაფერი, რაც ჭეშმარიტებისგანვე მიგილია, და შენ არაფერს დაკარგავ. რაც მიხრწნილია შენში, კვლავ თავის სინორჩეს დაიბრუნებს; განიკურნება ყველა შენი იარა და სნეულება; ყოელივე წარმავეალი აღორძინდება,

<sup>54</sup> შდრ. მარკუს ავერლიუსი: „რაოდენ სწრაფად ქრება ყოველი: თვითონ სხეულები - სამყაროში, მათი ხსოვნა - მარადისობაში“ („ფიქრები“, II, 12).

<sup>55</sup> შდრ. მარკუს ავერლიუსი: „ყოელისმპყრობელი ბუნება მალე სახეს უცვლის ყველაფერს, რასაც შენ ჭვრეტ; მისი არსისგან შექმნის სხვა საგნებს, მათგან კიდევ - სხვათ, და ასე შემდეგ, რათა მარადი სიჭაბუკე ახლდეს სამყაროს“ („ფიქრები“, VII, 25)... შდრ. მიშელ მონტენი: „დაუთმეთ ადგილი სხვებს, როგორც სხვებმა დაგიტმეს იგი. თანასწორობა სამართლიანობისაკენ გადადგმული პირველი ნაბიჯია. ვინ შეიძლება უჩიოდეს თავის განწირულებას, თუკი ყველა დანარჩენიც განწირულია? რამდენიც უნდა იცოცხლოთ, მაინც ვერ შეამოკლებთ იმ ღროს, რომლის განმავლობაშიაც მკვდრები იქნებით“ („ესეები“, 1,20).

განახლდება და კვლავ შეგერწყმის; აღარ წარგიტაცებს თავისი ღინებით უფსკრულისაკენ, არამედ სამუდამოდ შენში დარჩება, მარად უძრავი და წარუვალელი ღვთაების<sup>56</sup> გვერდით.

17. რად მისდევ, წრფელ გზას აცდენილი, შენივე ხორცის ძახილს? დაე, თვითონ მან მოგსდიოს. ყველაფერი, რასაც მისი მეშვეობით შეიგრძნობ, მხოლოდ უბადრუკი ნაწილია. შენთვის უცნობი მთელი, რომელსაც ეკუთვნის ყველა ნაწილი, მაგრამ სწორედ ეს უკანასკნელნი განიჭებენ სიხარულს. შენს ხორციელ გრძნობას რომ შეეძლოს ერთობლივად მოიცვას მთელი<sup>57</sup>, და, შენდა სავალალოდ, სავსებით სამართლიანად არ იყოს ზღვარდებული მარგოლდენ ნაწილის წვდომით, - თვითონვე ისურვებდი, რომ ყველაფერი, რაც კი არსებობს ანშეშში, დაუყოვნებლივ წარსულად ქცეულიყო, რათა უკეთ დამტკვარიყავი მთელით. აკი ჩვენს სიგყვასაც ხორციელი გრძნობით აღიქვამ, და, რა თქმა უნდა, იმას კი არ ისურვებდი, რომ ცალკეული მარცვლები უძრავად გახევებულიყვნენ, არამედ - იმას, რომ სწრაფად შეეცვალათ ერთიმეორე, რათა მთელი სიგყვა მოგესმინა. იგივე ითქმის ყველა ნაწილზედაც, რომლებიც ერთ მთელს შეადგენენ, მაგრამ ერთდროულად როდი იღებენ დასაბამს იმისაგან, რის ნაწილებადაც გვევლინებიან. მთელი გაცილებით უფრო მომხიბლავია (თუ დავეშვათ, რომ შეიძლება ერთობლივად აღვიქვათ იგი), ვიდრე მისი შემადგენელი რომელიც გნებავთ ნაწილი. მაგრამ რამდენად უკეთესია თვით მთელის შემოქმედი - უფალი ღმერთი ჩვენი; და ის არსადაც არ მიდის, რადგანაც არაფერი არ ენაცვლება.

## XII

18. თუ სხეულები მოგწონს, აქე უფალი მათ გამო, და სიყვარულით მიიქეც იმის მიმართ, ვინც არსებობისათვის გამოიწვია ისინი, რადგანაც თუ შენს არცევანს შეაჩერებ იმაზე, რაც მოგწონს, ვაითუ დასანუნი შეიქნე უფლის თვალში. ხოლო თუ სულები მოგწონს, დაე, გიყვარდეს ისინი ღმერთში, რადგან სულებიც ცვალებადნი არიან და სიმტკიცეს იძენენ მხოლოდ შემოქმედის წიაღში, რომლის გარეშეც მათაც იგივე ბედი ელის: გადაგება და გარდასვლა. მაშ, გიყვარდეს ისინი ღმერთი, და მის მიმართვე მიაქციე ყველა, ვისი მიქცევაც ძალგიძს; ასე უთხარი მათ: „გიყვარდეს იგი, რომელმაც შექმნა ყოველი, და რომელიც შორის

<sup>56</sup> შტრ. ფსალმ. 101, 13.

<sup>57</sup> ეს პასაჟი ერთხელ კიდევ ნათლად გვიმონშებს ნეოპლატონიზმის გავლენას ნეტარი ავგუსტინეს მსოფლმხედველობაზე: „მთელი“ (ბერძნ. „ტო ჰოლონ“ - იგივეა, რაც „ერთი“, ანუ „ღმერთი“) და „ნაწილი“ („ტო მეროს“) პლოტინის ფილოსოფიის სპეციფიკური ტერმინებია.

როდის“<sup>58</sup>; არ გასცლია თავის ქმნილებებს: მისმიერნი მასშივე არიან. სად არის იგი? სადაც გემოს უსინჯავენ ჭეშმარიტებას? ის ჩვენი გულის სიღრმეშია, მაგრამ გული განემორა მას. „დაუბრუნდით, განდგომილნი, გულს“<sup>59</sup> და მიემთხვეით თქვენსაც შემოქმედს. დადევით მასთან და ურყევნი იქნებით. დამშვიდდით მასში და ჰპოვებთ სიმშვიდეს. სად, რომელ ჯურღმულში მიძვრებით? საით მიდიხართ? სიკეთე, რომელიც თქვენ გიყვართ, შემოქმედისაგან იღებს დასაბამს, თუმცა ის მხოლოდ მასთან მიმართებითაა სანუკვარი და გვბილი, მაგრამ სიმწარედ იქცევა, და საფესებით სამართლიანადაც, რადგანაც უსამართლობაა გიყვარდეს სიკეთე და ზურგს აქცევდეს მის შემოქმედს. რატომ დაეხეტებით ერთმანეთს ძნელად სავალი და ნარეკლიანი გზებით?<sup>60</sup> არ არის სიმშვიდე იქ, სადაც თქვენ ეძებთ. ეძებთ, რასაც ეძებთ, მაგრამ იქ როდია, სადაც ეძებთ. ბედნიერ სიცოცხლეს დაეძებთ სიკვდილის საუფლოში: ვინ ჰპოვებს ბედნიერ სიცოცხლეს იქ, სადაც არ არის თვით სიცოცხლე?

19. ქვეყნად ჩამოვიდა ჩვენი სიცოცხლე<sup>61</sup> და აიგაცა სიკვდილი ჩვენი, აიგაცა და თავისი სიცოცხლის სიჭარბით შემუსრა იგი. და ივრგვინა ძახილმა მისმა, რათა მასვე დაებრუნებოდით, იმ საიდუმლო ტაძარში, საიდანაც მოგვევლინა ქალწულის სამოს გამოვლით, სადაც მას შეერწყა ადამიანური ბუნება, მოკვდავი ხორცი, რათა სამუდამოდ მოკვდავად არ დარჩენილიყო, და „საიდანაც გამოვიდა, როგორც მეფე - საქონინო გავალაკიდან, გოლიათივით რომ შეჰხაროდა გარბენილ გზას“<sup>62</sup>. არ შეყოვნებულა, პირდაპირ ჩვენ მოგვაშურა, მგრგვინავმა სიცივეთ და საქმით, სიცოცხლითა და სიკვდილით, ჯოჯოხეთს ჩასვლით და ამაღლებით, - მგრგვინავმა და ჩვენმა მხმოებელმა: დამიბრუნდითო. ის განემორა ჩვენს თვალს, რათა ჩვენს გულს დაებრუნებოდით და იქ გვეპოვა იგი. ის წავიდა, და კვლავ აქ არის; არ იხება დიდხანს დარჩენილიყო ჩვენთან, მაგრამ არც მიგვატოვა. წავიდა იქ, საიდანაც არასოდეს არსად წასულა, რადგანაც „ქვეყანა მის მიერ შეიქმნა“<sup>63</sup>, და ის „ამ

<sup>58</sup> შტრ. მოციქ. საქმენი, XVII, 27.

<sup>59</sup> ესაია, XLVI, 8... შტრ. პასკალი: „ღმერთს გული გრძნობს და არა გონება. აი, რა არის რწმენა: ღმერთი გრძნობადი გულისათვის, არა გონებისათვის“ („აზრები“, 216).

<sup>60</sup> შტრ. სიბრძნე სოლომ. V, 7.

<sup>61</sup> შტრ. იოანე, VI, 33.

<sup>62</sup> ფსალმ. 18, 6.

<sup>63</sup> იოანე 1, 10.



ქვეყნად იყო<sup>64</sup>, და „მოვიდა ამ ქვეყნად, რომ ესხნა ცოდვილნი“<sup>65</sup>. სწორედ მას ეუბნება აღსარებას ჩემი სული, რათა „განიკურნოს მის მიერ, რადგანაც მის წინაშე სცოდა“<sup>66</sup>.

„ძენო კაცისანო, რაოდემდე იქნება თქვენი გული დამძიმებული?“<sup>67</sup> სიცოცხლე ჩამოვიდა თქვენთან, - ნუთუ არ გინდათ ამაღლდეთ და იცოცხლოთ? მაგრამ სად ამაღლდებით, რაკილა თქვენი ქედმაღლობით „ცამდე აგიღერიათ თავი?“<sup>68</sup> ჩამოდით, რომ ამაღლდეთ და ღმერთამდე აღხდეთ<sup>69</sup>: თქვენ ხომ დაეცით, როცა აღხდებით მის წინააღმდეგ.

უთხარი ეს მათ, სულო ჩემო; დაე, ცრემლები აფრქვიონ „გლოვის ველზე“<sup>70</sup>. ღმერთამდე აღიგაცე ისინი, რადგანაც სული წმიდა შთაგვაგონებს ამ სიცივეს, თუკი მათ მიმართ მეტყველი სიყვარულის სახმილით იწვი.

### XIII

20. მაშინ კი არ ვიცოდი ყოველივე ეს, და მე ვტკბებოდი ამქვეყნიური მშვენებებით; უთსკრულისაკენ მივდიოდი და ჩემს მეგობრებს ვეუბნებოდი: „განა გიყვარს რაიმე, გარდა მშვენებებისა? კი მაგრამ, რა არის მშვენებება? რა გვიზიდავს, ან რა გვზიბლავს იმაში, რაც გვიყვარს? მომნუსხველი და მომაჯადოებელი რომ არა ჰქონდეს რა, ვერასდიდებით ვერ მიგვიზიდავდა“.

აი, ამაზე ვფიქრობდი, და მე მივხვდი, რომ არსებობს, ერთის მხრივ, მშვენებება, რომელიც მთელის სრულქმნილებისაგან იღებს დასაბამს, მეორეს მხრივ კი - შესაბამისობა, ანუ საგანთა შორის ჰარმონიული თანათუარდობა, როგორც ნაწილი შეესაბამება და ესადაგება მთელს, როგორც ფეხსაცმელი ერგება ფეხს, და ასე შემდეგ.

<sup>64</sup> იოანე, იქვე.

<sup>65</sup> I ტიმ. 1, 15.

<sup>66</sup> ფსალმ. 40, 5.

<sup>67</sup> შდრ. ფსალმ. 4, 3.

<sup>68</sup> ფსალმ. 72, 9.

<sup>69</sup> შდრ. მათე, XVIII, 4.

<sup>70</sup> ფსალმ. 83, 7.

ეს აზრები ერთბაშად მოზღვავენ ჩემს სულში და მე ღაფწერე „მშენიერისა და შესაბამისისათვის“, რომელიც ორი თუ სამი წიგნისაგან შედგებოდა; შენ იცი, ღმერთო, მე კი დამავიწყდა; თვითონ წიგნები აღარა მაქვს. არ ვიცი, როგორ ან სად დაგვარგე<sup>71</sup>.

XIV

21. რამ შთამაგონა, უფალო ღმერთო ჩემო, რომელიც ორატორის ჰიეროუსისათვის<sup>72</sup> მიმეძღვნა ჩემი წიგნი, თუმცა პირადად არც კი ვიცნობდი, მაგრამ აღფრთოვანებული ვიყავი მისი, როგორც სწავლულის, სახელითა და დიდებით. მე გადმოძვეს მისი ზოგიერთი გამონათქვამი და ძალიან მომეწონა ისინი. მაგრამ უფრო მეტად იმიტომ მომწონდა ჰიეროუსი, რომ სხვებს მოსწონდათ და ცაში აჰყავდათ ქება-დიდებით. ვერ გამეგო, როგორ მოახერხა ამ სირიელმა, თავდაპირველად ასე დახვეწილი ბერძნულით რომ მეგყველებდა, შემდეგ ესოდენ ბრწყინვალედ შეესწავლა ლათინური და ფილოსოფიურ საკითხთა დიდებული მცოდნეც გამხდარიყო.

როცა აღადიანს ერთსულოვნად აქებენ, შეიძლება ისე შეგიყვარდეს იგი, რომ პირადად არც კი იცნობდე. ნუთუ სიყვარული მაქებრის პირიდან გადაეცემა მსმენელის გულს? არა, ის ვისაც უყვარს, თავისი სიყვარულით აღაგზნებს სხვებსაც. ამიტომაც გვიყვარს ის, ვისაც სხვები აქებენ, რადგანაც გვნამს, რომ გულწრფელად აქებენ, და, მაშასადამე, მათი ქება სიყვარულითაა ნაკარნახევი.

22. ასე მიყვარდა ოდესღაც აღადიანები, იმის მიხედვით, თუ რა აზრისანი იყვნენ მათზე სხვები, და არა შენი მსჯავრის თანახმად, ღმერთო ჩემო, ვისთვისაც უცხოა სიყალბე.

<sup>71</sup> „ამ თხზულებას დასაბამი მისცა კითხვებმა, თავისი მეგობრების წინაშე რომ სვამდა ავეგუსტინე: რითი გვხიბლავენ სამყაროული საგნები და მოვლენები, თუ არა თავიანთი მშვენიერებით? რა არის მშვენიერება? ავეგუსტინეს მშვენიერება მთელის ერთიანობაზე დაჰყავდა, ჰარმონია კი - ნაწილების, ან ნაწილისა და მთელის ურთიერთშესაბამისობაზე (ეს კონცეფცია ორიგინალური არაა: ის ანტიკური ესთეტიკიდან იღებს დასაბამს - პლატონი, ატისტოტელე, ციცერონი - ბ.ბ.). ესთეტიკისა არ იყოს, ასეთსავე მათემატიკურ პრინციპებზე აფუძნებდა იგი ეთიკასაც, რაკილა სიქველე ერთობაზე (მონადური სანყისი; „მონადა“ - „ერთი“, - ბ.ბ.), ბინიერება კი ორადობაზე (დიადური სანყისი; „დიადა“ - „ორი“, - ბ.ბ.), ესე იგი, უთანხმოებასა და გათიშულობაზე დაჰყავდა. ხანდაზმულობაში ავეგუსტინეს აღარ აკმაყოფილებდა ამნაირი განსაზღვრა. თავის თავს უსაყვედურებდა იმის გამო, რომ მისი სული უპირატესად სხეულებრივი სანყისისკენ იყო მიქცეული; რომ მისი ინტერესის საგანი იყო მხოლოდ ხაზები, ფერები და სიდიდეები, რაც ხელს უშლიდა სულის ბუნების წვდომაში“ (А. Г е р ь е , Б л а ж е н н ы й А в г у с т и н ; М . , 1910 , с т р . 28).

<sup>72</sup> ჰიეროუსის შესახებ არაფერი არ ვიცი, გარდა იმისა, რასაც ნეტარი ავეგუსტინე გვაუწყებს მასზე.

მაგრამ რატომ აქებდნენ ჰიერისუსს სულ სხვანაირად, ვიდრე სახელგანთქმულ მეეგლეს, ან საქვეყნოდ ცნობილ მონადირეს? ეს იყო გაცილებით უფრო საპატიო და დარბაისლური ქება-დიდება, სწორედ ისეთი, ოცნებად რომ მქონდა ქცეული: ნეგა მეც ასე მაქებდნენ-მეთქი. რადგანაც ნამდვილად არ ვისურვებდი, ისე ვექეთ და ვედიდებინეთ, ან ისე ვყვარებოდით, როგორც მსახიობები, თუმცა მე თვითონ ვაქებდი მათ და მიყვარდა კიდევ ისინი. მაგრამ მე მერჩია, სულაც არავის სცოდნოდა ჩემი ასხელი და, ასე განსაკუთრებით, საძულველიც კი ვყოფილიყავი ხალხისათვის, ვიდრე ასე ვედიდებინეთ, ან ამნაირი სიყვარულით ვყვარებოდით. ნეგა რომელ სასწორდზე წონის ერთი და იგივე ადამიანი სულ სხვადასხვანაირ სიყვარულს? რატომ მიყვარს ის თვისება სხვაში, რაც, იმავედროულად, მძულს? რადგანაც იგივე თვისება მეც რომ მახასიათებდეს, ამას, ალბათ, ვერ ავიტანდი. თუმცა ორივეს, მეც და მასაც, ადამიანი გვქვია. შეიძლება გიყვარდეს კარგი ცხენი, მაგრამ იმას კი არ ისურვებდი, რომ ცხენი ყოფილიყავი, ცხენად ქცევაც რომ შეგეძლოს. მსახიობი კი სხვა საქმეა: ის ჩვენი ჯიშისა და ჯილაგისაა. მაშასადამე, ადამიანში მე მიყვარს ის, რა ჩემსავე თავში მძულს, თუმცა მეც ადამიანი ვარ? რა უსასრულო უფსკრულია ადამიანი!<sup>73</sup> შენ „მისი თმებიც კი სათითაოდ დათვლილი გაქვს“<sup>74</sup>, უფალო, და ერთი ღერიც არ დაგვეკარგება, მაგრამ გაცილებით უფრო ადვილია დათვალო მისი თმები, ვიდრე მისი ფეხები და გულისთქმანი.

23. რაც შეეხება ჰიერისუსს, ის მიეკუთვნებოდა ორატორთა იმ ღვარამს, რომელიც ისე მხიბლავდა, რომ ძალიან მინდოდა მეც მისი ნევრი ვყოფილიყავი. ჩემი სიამაყით გზააბნეულს თავის ნებაზე მათამაშებდა ყოველი მხრიდან მქროლავი ქარი<sup>75</sup>, მაგრამ თვარულად და საიდუმლოდ შენ წარმართავდი ჩემს ნაბიჯს. მაშ, საიდან უნდა მცოდნოდა და დაბეჭითებით მეღიარებინა შენს წინაშე, რომ უფრო იმ სიყვარულის გამო მიყვარდა იგი, რასაც თავის მაქებრებს უწერგავდა, ვიდრე იმ საქმის გამო, რისთვისაც ასე აქებდნენ და ადიდებდნენ? მის თაყვანისმცემლებს რომ ქების ნაცვლად, პირიქით, ეგინებინათ, და თუნდაც იგივე გაემეორებინათ, რასაც მუდამ ამბობდნენ მასზე, მაგრამ ზიზღით და სიძულველით, ჩემს გულში ნამდვილად არ აღიძვროდა სიყვარული მის მიმართ, თუმცა არც მისი საქმე

<sup>73</sup> შდრ. პასკალი: „რა საზარელი ქიმერაა ადამიანი! რა ენიგმა, რა ურჩხული, რა ქაოსი, წინააღმდეგობების როგორი ხლართი, რა სასწაული! სამყაროულ არსთა მსაჯული, მინის ბრიყვი მატლი (პასკალის ამ პასაჟით უნდა იყოს შთავონებული ვიქტორ ჰიუგოს მომხიბლავი დიალოგი კაცსა და მინას შორის: „კაცი: მე ვარ შენი მეფე! მინა: შენ ხარ ჩემი მატლი!“ - ბ.ბ.), ჭეშმარიტების საცავი, ეჭვებისა და შეცდომების ალუქსებელი სასწაული, სიბილწის ბუდე, სამყაროს დიდება, ბუნების უბადრუკი ნაშთი და ნარჩენი“ („აზრები“, 345).

<sup>74</sup> შდრ. მათე, X, 30.

<sup>75</sup> შდრ. ეფეს. IV, 14.

შეიცვლებოდა და არც თვითონ იქცეოდა სხვად: სხვანაირი იქნებოდა მხოლოდ იმათი გრძნობები, მის ამბავს რომ მიამობდნენ.

აი, რა სუსტი, რა უმწეო და მერყევიანი სული, ჯერ კიდევ რომ არ დაყრდნობია ჭეშმარიტების მყარ საყრდენს. გამუდმებით წრიალებს და აქეთ-იქით აწყდება, იმის მიხედვით, თუ საიდან უბერავს მითქმა-მოთქმის ქარბორბალი, მზის შუქს რომ უბნელებს და ამიტიმაც ჭეშმარიტებას ვეღარ არჩევს, თუმცა ის აქვეა, ჩვენს გვერდით.

ჩემთვის მაშინ ძალიან დიდი მნიშვნელობა ჰქონდა იმას, რომ არ სახელოვან კაცს გაეცნო ჩემი წიგნი და ჩემი ნაღვანი. თუ მოინებებდა, გაათკეცებული გულმოდგინებით ჩაუკვდიდობდა საქმეს; ხოლო თუ დაინებებდა, მწარედ მოწყლავდა ამათების სიყვარულით მეთექვსე ჩემს საბრალო გულს, რომელსაც ჯერ კიდევ არ ეგულეობდი თავისი სიმტკიცის ბურჯად. და მაინც, სიყვარულით ვფურცლავდი და გონების თვალთვლით ველოლიავებოდი ჩემს წიგნს მშვენიერისა და შესაბამისის შესახებ, და იმდენად ალტაცებული ვიყავი ჩემი ნაშრომით, რომ, ღმერთმანი, არავის ქება არ მჭირდებოდა.

## XV

24. მაგრამ მე ჯერ კიდევ ვერ ვხედავდი შენი დიადი საქმისა და ხელოვნების იდუმალ ფესვს, ყოველისმძლეო და „ერთადერთო სასწაულთმოქმედო“<sup>76</sup>. ჩემი სული უგზო-უკვლოდ დაბორილობდა სხეულებრივ საგანთა შორის. „მშვენიერს“ მე ვუნოდებდი იმას, რაც თავისთავადაა მშვენიერი, „შესაბამისს“ კი იმას, რაც მეორე საგანს ესადაგება, და ამ განსაზღვრას გრძნობადი სამყაროდან მოხმობილი მაგალითებით ვასახულებდი.

შემდეგ კი სულის ბუნებას მივუბრუნდი, მაგრამ ის გარემოება, რომ გაყალბებული სახით აღვიქვამდი სულიერ სამყაროს, ხელს მიშლიდა ჭეშმარიტების წვდომაში. ის კი ჩემს თვალწინ იყო, მთელი თავისი სხივოსნობითა და ძალმოსილებით, მაგრამ მე ჩემს დაბინდულ მზერას ვარიდებდი ყოველივე უსხეულოს და ხაზებზე, ფერებსა და სიდიდეებზე გადავდიოდი. და რაკი არ შემეძლო ყოველივე ეს მეხილა სულში, ასე მეგონა, არც ჩემი სულის ხილვა შემეძლო. სიქველემში მე მიყვარდა სიმშვიდე, ბინიერებაში კი მძულდა უთანხმოება, ამიტომ

<sup>76</sup> შდრ. ფსალმ. 71,10.

პირველს ერთობად აღვიქვამდი, მეორეს კი - გათიშულობად<sup>77</sup>. ერთობა გონიერული სულის, ჭეშმარიტების არსისა და უზენაესი სიკეთის ურთიერთშერწყმად წარმომედგინა, გათიშულობას კი გონიერებისაგან განძარცულ სიცოცხლედ, ღმერთმა იცის, რანაირ სუბსტანციად და უზენაეს ბოროტებად ვსახავდი, ბოროტებად, რომელიც, ჩემის აზრით, არა მარტო სუბსტანცია, არამედ ნამდვილი სიცოცხლე იყო, მხოლოდ იმნაირი სიცოცხლე, უფალო ჩემო, შენგან რომ არ იღებს დასაბამს, მიუხედავად იმისა, რომ შენგან წარმოსდგება ყოველი<sup>78</sup>.

ერთობას მე ვუწოდებდი „მონადას“, როგორც ერთგვარ სულიერ სანყის სქესის გარეშე, გათიშულობას კი - „ღიადას“, მრისხანებად რომ გვევლინება დანაშაულში და გრძობებლობად - ხორციელი განცხრომის ჟამს. თვითონაც არ მესმოდა, რას ვამბობდი, და ვერც ის შემეგნო, რომ ბოროტება სუბსტანცია არ არის<sup>79</sup>, და არც ჩვენი გონებაა უზენაესი და უცვლელი სიკეთე.

25. დანაშაული სულის ბინიერი მოძრაობაა, სამოქმედოდ რომ აღგვძრავს, ხოლო ამ მოქმედებით სული შლეგურად და თავხედურად ცდილობს თვითდამკვიდრებას. ზუსტად ასევე, გარყვნილება თავანყვეტილი და აღვირახსნილი სურვილია, დაუოკებელი სწრაფვა ხორციელი განცხრომისაკენ. თუ გონიერული სული თვითონვეა ბინიერი, მაშინ სიცოცხლე ცთომილებითა და ყალბი წარმოდგენებით იბღალღება. ასეთი იყო ჩემი მაშინდელი სიცოცხლე, და მე არ ვიცოდი, რომ სული სულ სხვანაირი შუქით უნდა გამენათებინა, რათა ჭეშმარიტებისათვის მეზიარებინა იგი, რადგანაც თვითონვე როდია ჭეშმარიტების სანყისი. „მხოლოდ შენ ამინთებ ღამპარს, უფალო; ღმერთო ჩემო, მხოლოდ შენ გაანათებ ჩემს ნყვდიადს“<sup>80</sup>; და „ყველამ მივიღეთ შენი სისაფისაგან“<sup>81</sup>, რადგანაც „შენა ხარ ნათელი ჭეშმარიტი, რომელიც გაანათლებს ყველა კაცს, მომაგაღს ქვეყნად“<sup>82</sup>; ვინაიდან „შენთვის უცხოა ცვალებადობა და ცვლილების ჩრდილი“<sup>83</sup>.

<sup>77</sup> იხ. აქვე, შენ. 71.

<sup>78</sup> შდრ. I კორ. VIII, 6.

<sup>79</sup> აქ კვლავ ამკარად იგრძნობა პლოტინის გავლენა. იხ. მესამე წიგნის შენ. 39.

<sup>80</sup> ფსალმ. 17, 29.

<sup>81</sup> იოანე, I, 16.

<sup>82</sup> იოანე, I, 9.

<sup>83</sup> იაკ. I, 17.



26. შენსკენ ვილტვოდი, შენ კი თავად მიშორებდი, რათა გამეგო სიკვდილის გემო<sup>84</sup>, „რადგანაც მზვობართა წინააღმდეგომი ხარ“<sup>85</sup>.

მართლაცდა, რა შეიძლება იყოს იმაზე მეტი ზვაობა და ქედმაღლობა, რომ გამაოგნებელი სიშლევიტ ამტკიცებდე, თითქოს შენი ბუნება არსებითად არ განსხვავდება ღმერთის ბუნებისაგან? რაკი აშკარად ვგრძნობდი ჩემს ცვალებადობას, რისი უარყოფაც არ შემიძლო, რადგანაც უარესს მინდოდა უკეთესი გაუმხდარიყავი, - მერჩია, შენ თვითონ მეგულე ცვალებადად, უფალო ჩემო, ვიდრე მეღიარებინა, რომ მე იგივე როდი ვარ, რაც შენ. ამიტომაც მიშორებდი თავიდან და ჩემს ყოყონობას თრგუნავდი. ჩემი წარმოსახვა თავს დასტრიალებდა სხეულებრივ ფორმებს. მე, ხორცი, ბრალს ვდებდი ხორცს, და „მანანნალა სული“<sup>86</sup> არც ვცდილობდი შენსკენ მოქცევას; თავგზაბნეული დავბორიალობდი იმ საგნებს შორის, რომლებიც არც ჩემში იყვნენ, არც შენში და არც არსად; ისინი შენი ნამდვილი ქმნილებანი კი არ იყვნენ, არამედ ჩემი ფუჭი ზმანებანი. და მე ვეკითხებოდი შენს ერთგულ მსახურთ, ჩემს თანამოქალაქეებს, რომელთაგანაც უკვე განდევნილი ვიყავი, ისე, რომ თვითონაც არ ვიცოდი ეს, - ღიახ, მე ბრიყვი და ყბედი, ვეკითხებოდი მათ: რატომ ცდება სული, თუ მართლა ღმერთმა შექმნა-მეთქი? მე არ მინდოდა, რომ პასუხად ეთქვათ: რატომღა ცდება ღმერთით? ამიტომაც ვამტობინებდი უმაღლეს დაამტკიცებინა, რომ შენი უცვლელი არსი აუცილებლობის გამო ცდება, ვიდრე მეღიარებინა, რომ ჩემი ცვლადი არსი თავისი ნებით გვერდს უქცევს წრფელ გზას, რისი სასტელიც ცთომილებაა<sup>87</sup>.

27. ოცდაექვსი თუ ოცდაშვიდი წლისა ვიყავი, ეს წიგნი რომ დავასრულე. ჩემს თვალწინ შრიალით იფურცლებოდა ჩემივე გამონაგონი - ურიცხვი ხორციელი ხატება - და გულისყურს მიყრუებდა. მაგრამ ყოველივე ამის მიღმა მე ვცდილობდი გამეჩრია შენი შინაგანი მელოდია, ო, ჩემო უტკბესო ჭეშმარიტება, ჩუმად რომ ხმიანებდა სულის სიღრმეში, როცა მშვენიერებასა და შესაბამისობაზე ვფიქრობდი. მე მინდოდა წამოვმდგარიყავი და „სიხარულით მეხარა სიძის ხმის გაგონებისას“<sup>88</sup>, მაგრამ ვაი რომ არ შემიძლო: ხმამაღლა მიხმობდა ჩემი ცთომილება და გარეთ მიმათრევდა. ძირს მანარცხებდა ჩემი სიამაყის სიძიმე. შენ არ აძლევი „ჩემს

<sup>84</sup> შდრ. მათე, XVI, 28; მარკ. IX, 1; იოანე, VIII, 52.

<sup>85</sup> შდრ. I პეტრე, V, 5.

<sup>86</sup> ფსალმ. 77, 39.

<sup>87</sup> „ცოდვის ყველაზე სამართლიანი სასტელი ისაა, რომ აღამიანი კარგავს იმას, რითაც მან არ მოისურვა სათანადოდ ესარგებლა... ვინც არ ინება მართებულად მოქცეულიყო, როცა შეეძლო, კარგავს ამის შესაძლებლობას, როცა ისურვებს მართებულად მოქცევას“ (ნეტარი ავგუსტინე, „ნების თავისუფლებსიათვის“, 3. 18, 52).

<sup>88</sup> იოანე III, 29.

სმენას ხალისითა და სიხარულით გვბობის“ საშუალებას, და არ „ილხენდნენ ჩემი ძვლები“, რადგანაც ჯერ კიდევ არ „დაგეთრეუნა“<sup>89</sup>.

XVI

28. რა მარგო იმან, რომ ოცი წლის ყმაწვილ კაცს ხელში ჩამივარდა არისტოტელეს ერთი თხზულება, რომლის სათაურიც იყო „ათი კატეგორია“<sup>90</sup>; - უნდა გენახათ, რა მედიდურად იბღინძებოდნენ ამ სათაურის წარმოთქმისას ჩემი მასწავლებელი, კართაგენელი რიგორი, და, ვინ მოსთვლის, კიდევ რამდენი სხვა კაციც, სწავლულებად რომ მოჰქონდათ თავი; ამიგომაც ისე ვოცნებობდი ამ წიგნზე, თითქოს რაღაც დიადი და ღვთაებრივი რამ ყოფილიყოს; - დიახ, რა მარგო იმან, რომ ჩემს გოლ-სწორებში მხოლოდ მე შევძელი წამეკითხა და გამეგო იგი? როცა არისტოტელეს კატეგორიებზე ვესაუბრებოდი იმ ხალხს, ვინც თვითონვე აღიარებდა, რომ რის ვაივავლახით შეძლო მისი გაგება, და ისიც, მოძღვართა წყალობით, რომელნიც მარგო სიტყვიერად კი არ განმარტავდნენ ზემოხსენებულ კატეგორიებს, არამედ ქვიშაზე დახაზულ ფიგურებსაც იშველიებდნენ, - ვერავინ ვერაფერს მეუბნებოდა იმაზე მეტს, რისი გაგებაც მე შევძელი.

<sup>89</sup> ფსალმ. 50, 10.

<sup>90</sup> ახლა ჯერ არისტოტელეს „კატეგორიების“ განქიქებაზე მიდგა: დაკვირვებელი მკითხველი უთუოდ შეამჩნევდა ერთ საგულისხმო ტენდენციას: ნეტარი ავგუსტინეს მკვეთრად გამოხატულ უარყოფით დამოკიდებულებას ანტიკური კულტურის მიმართ. თუმცა ამ მხრივ ის გამოხატვის არ ყოფილა: ახალი წელთაღრიცხვის პირველი საუკუნიდან მოყოლებული ვიდრე მესუფე და თვით მეექვსე საუკუნემდეც კი ქრისტიანობა დაუნდობლად ებრძოდა უკვე დასაღუპად განწირულ ანტიკურ კულტურას, საუკუნეებით განმტკიცებულ მის მაღალ ავტორიტეტს, და ყოველნაირად ცდილობდა ადამიანთა შეგნებიდან ძირფესვიანად აღმოეფხვრა იგი. მაგრამ ნეტარი ავგუსტინე თვით თანამზრახველთა და თანამოაზრეთა შორისაც კი გამოირჩეოდა თვისი უღმრთეობით. ხანდაზმულობისას ის სასტიკად ჰგმობდა თავისი სიყმაწვილისა თუ სიჭაბუკის დროინდელ გატაცებას ძველი ბერძნული თუ რომაული მწერლობითა და ხელოვნებით, სადაც მას უკვე აღარ ეგულვებოდა არცერთი ღირსი ნიშნით, ოდნავ მაინც რომ დააკმაყოფილებდა ნატიფი გემოვნებისა და მძლავრი გონების მოთხოვნებს, ტერენტის კომედიებით დაწყებული („აღსარებანი“, წიგნი I, XVI, 26) და ჰომეროსის გენიალური პოემებით დამთავრებული: „ცრუ არაკები“ - ეს ვერგილიუსის „ენიდიის“ ცალკეული ეპიკონები („აღსარებანი“, წიგნი პირველი, XIII, 2); „ფუჭი და მაცთური ხილვები“, - აქ ჰომეროსის „ილიადა“ იგულისხმება („აღსარებანი“, იქვე. შდრ. ლაქტანციუსი: „პოეტები საშიში არიან, იმიტომ, რომ მათი ტკბილხმოვანი სტრიქონები მადლისაგან გარემიაქცევენ სულს“, - ციტ. წიგნიდან: К. Гилберт, История эстетики, пер. с англ. Глиńskiego, М., 1920, стр. 141; „უცნაური სიმღევე“ - ეს თეატრალურ სანახაობებზე ნათქვამი („აღსარებანი“, წიგნი მეორე, II, 2. - შდრ. ტერტულიანე, რომელიც ამტკიცებდა, თეატრალურ ხელოვნებას ვენებისა და ჟინის ორი დემონი, ორი ეშმაკეული - ვენერა და ბახუსი მფარველობს; - იხ. კვილბერტი, ჰ. კუნი, დასახ. ნაშრ. გვ. 139), ხოლო ამ სანახაობებით გატაცების სავალალო შედეგი იქვე (II, 4) ასეა გადმოცემული: „მე - ფარას მოწყვეტილი და შენი მოწყალე მფარველობის მოძულე ცხვარი ბინძური ქცევით გავქვეყიანიდი“; „ვინმე ციცერონი“, - ასე იხსენიება („აღსარებანი“, წიგნი მეორე, IV, 7) „რიტორთა მეფე“, და ამას ამბობს კაცი, რომელიც სიჭაბუკეში ასე ბეჯითად სწავლობდა, ხოლო შემდეგ თვითონვე ასწავლიდა მკვეთრმეტყველების ხელოვნებას ორატორულ სკოლაში; ეს იმას ჰგავს, ქრისტიან ეპისკოპოსს რომ ეთქვა - „ვინმე მათეო“ (თუმცა ნეტარი ავგუსტინე არც აქაა მართო: მისი დიდი თანამედროვე წმიდა იერონიმე წერდა, ციცერონისადმი მეტისმეტი სიყვარულის გამო ანგელოზები ისე დაუნდობლად მამათრახებენ მამავეციერის წინაშე, რომ მთელ ტანს მილილაგებენო, „წერილები“, 22); „უხამსი სიამოვნება“, - ამ სიტყვებში წარმართული მუსიკის მოსმენით მონიჭებული სიტკბოება იგულისხმება („ღვთის ქალაქისათვის“, XVII, 14). „ნეტარი ავგუსტინეს ასკეტიზმი ზოგჯერ იქამდე მიდიოდა, რომ ხელაღებით ჰგმობდა ყველას, ვინც ცდილობდა ე.წ. „თავისუფალ ხელოვნებებზე“ დაუფლებოდა. ერთადერთი „თავისუფლების მოყვარე“ ლიტერატურა „ბიბლიაა“, - ამტკიცებდა იგი, ხოლო იმათ, ვინც თავისუფალ ხელოვნებებში ინაფავს თავს, მონები უფრო ეთქმით, ვიდრე თავისუფალი ადამიანები“ (კვილბერტი, ჰ. კუნი, დასახ. ნაშრ. გვ. 140).

ჩემთვის აშკარა იყო, რომ ეს წიგნი საკმაოდ ნათლად მსჯელობდა სუბსტანციებსა და მათ თვისებებზე: ასე მაგალითად - ადამიანის აღნაგობა - თვისებაა; მისი სიმაღლე - რაოდენობა; ვისი ძმაა - მიმართება; სადაცაა - ადგილი; როცა დაიბადა - დრო; მის თუ დედას - მდგომარეობა; რა მოსავეს: ფეხსაცმელი თუ საჭურველი - ფლობა; რას აკეთებს - მოქმედება; რას განიცდის - ვნება. ამ ცხრა კატეგორიას, რომელთა მაგლითებიც აქ მოვიგანე, და საკუთრივ სუბსტანციის კატეგორიას შეიძლება ურიცხვი სხვადასხვა მოვლენა მიესადაგოს<sup>91</sup>.

29. მერედა, რა მარგო ყოველივე ამან? ვნებით კი ძაწნო, რაკილა მეგონა, რომ ეს ათი კატეგორია მოიცავდა უკლებლივ ყველაფერს, რაც კი არსებობს, მე ვცდილობდი, შენც, ღმერთო ჩემო, განსაცვიფრებლად მარტივი და უცვლელი, შენივე სიღიადისა თუ მშვენიერებს სუბიექტად წარმომედგინე, თითქოს მათსა და შენს შორის ისეთივე თანაფარდობა არსებულებო, როგორიც აქციდენცებსა და სუბსტანციას, ვთქვათ, სხეულს შორის, მაშინ როდესაც შენივე სიღიადეცა და მშვენიერებაც თვითონ შენა ხარ<sup>92</sup>. სხეული კი არც ღიღია და არც მშვენიერი, რამდენადაც ის მხოლოდ სხეულია: უფრო პატარაც რომ ყოფილიყო და ნაკლებ მშვენიერი, მაინც სხეული იქნებოდა.

ჭეშმარიტი კი არა, მცდარი იყო ყოველივე ის, რასაც შენზე ვთქვობდი: ჩემი საცოდაობის უბადრუკი გამონაგონი, და არა შენი ნეტარების ურყევი სიმტკიცე. რადგანაც ასე

<sup>91</sup> მოძღვრება „კატეგორიების“ შესახებ გადმოცემულია არისტოტელეს ლოგიკურ თხზულებათა კორპუსის - „ორგანონის“ პირველ ტრაქტატში. სტაგირელი ფილოსოფოსის ამ ერთ-ერთ უმნიშვნელოვანეს ნაშრომს, რომელსაც ურიცხვი კომენტატორი გამოუჩნდა ქრისტიანობის პირველ საუკუნეებში, როგორც ჩანს, ნეტარი ავეუსტინე იცნობდა მარიუს ვიქტორინუსს (დაახლ. 300 - დაახლ. 363 წ.) ლათინური თარგმანის მიხედვით. არისტოტელეს თანახმად, კატეგორიები პრედიკატთა ის ძირითადი ტიპებია, რომლებზედაც შეიძლება დაყვანილი იქნეს მთელი მრავალფეროვნება გამონათქვამებისა არსის შესახებ. ასეთი კატეგორია ათია: 1. საკუთრივ არსი, ანუ სუბსტანცია (ბერძნ. „უსია“); 2. რაოდენობა („კოსონ“); 3. თვისება („პოინონ“); 4. მიმართება („პროს ტი“); 5. ადგილი („პუ“); 6. დრო („პოტე“); 7. მოქმედება („პოიენ“); 8. ვნება („პასხეინ“); 9. მდებარეობა („კეისთაი“); 10. ფლობა („ხეინ“), თუმცა ამ ორ უკანასკნელს არისტოტელე ზოგჯერ თვითონვე გამოიხსავდა კატეგორიათა წყებიდან. აქვე უნდა შევნიშნოთ, რომ არისტოტელე ყველა კატეგორიას „არსს“ უწოდებს, და ეს უბრალო ომონიმია როდია. „არსი“, ამ სიტყვის უშუალო მნიშვნელობით, ერთობლივად მოიცავს არსებობის ყველა მოდუსს, რაც კი კატეგორიებითაა გამოხატული. „არსია“ გრძნობებით აღქმადი ყველა ცალკეული სუბსტანცია, რომელიც ყოველთვის გარკვეული სიღიღითა თუ თვისებით ხასიათდება, ყოველთვის სადღაც და როდესღაც - სიერყის ამა თუ იმ ადგილას და დროის ამა თუ იმ მომენტში არსებობს, ასე თუ ისე მიემართება სხვა საგნებს, რომლებზედაც გარკვეულ მოქმედებას ახდენს, ან თვითონვე განიცდის მათ ზემოქმედებას. ნეტარ ავეუსტინეს კი, ვისთვისაც ჯერ კიდევ უცხო იყო ნეოპლატონისტური ფილოსოფია, მანიქველთა ანთროპომორფული მოძღვრების გავლენით ეგონა, რომ ყველა ეს კატეგორია შეიძლება მიესადაგოს ღმერთს, როგორც სუბიექტს, რომელიც არსებითად განსხვავდება სიღიღის, მშვენიერებისა და სხვა მისთანათა ატრიბუტებისაგან.

<sup>92</sup> როგორც ზემოთ აღვნიშნეთ, მანიქველთა მოძღვრების თანახმად, კატეგორიები ისე ესადაგებოდნენ ღმერთს, როგორც აქციდენციები თუ ატრიბუტები - სუბსტანციას, რაც პრიმიტიული აზროვნებით განპირობებული უხეში შეცდომა გახლდათ - პლატონის და, მის კვალდაკვალ, ნეოპლატონიკოსთა კონცეფციით, რასაც შემდეგ მთლიანად გაიზიარებს ქრისტიანული თეოლოგია, ღმერთისა და მისი ატრიბუტების განსხვავება პირწმინდად ნომინალურია. ასე მაგალითად, სახელმგანთქმული ქრისტიანი სქოლასტიკოსი ანსელმ კენტერბერელი (1033-1109 წ.), ღვთაებრივი ბუნების აბსოლუტური სიმარტივისა და სრულქმნილებისგან გამომდინარე, ამტკიცებს, რომ ყველა ატრიბუტი, ვთქვათ, სიკეთე, სიბრძნე, სამართლიანობა, მშვენიერება და სხვა მისთანანი, რაც ახასიათებს სრულქმნილებას, თვისებრივად კი არ მიწნდება ღმერთს, არამედ არსობრივად. რაკილა ღმერთში არაფერია ისეთი, საკუთრივ ღმერთი რომ არ იყოს, ამიტომ ღმერთის სიკეთეც, სიბრძნეც, სამართლიანობაც და მშვენიერებაც სხვა არა არის რა, თუ არა იგივე ღმერთი.

ბრძანე და ასრულდა კიდევ შენი ბრძანება: დედამინამ „ძეძვი და ეკალი აღმომიცენა“<sup>93</sup>, რათა „ოფლითა პირისა ჩემისათა მეჭამა პური“<sup>94</sup>.

30. ანდა რა მარგო მაშინ ჯერ კიდევ უკეთურ ვნებათა მონას იმან, რომ ერთიმეორის მიყოლებით ნაფიკითხე ყველა წიგნი, რისი შოვნაც კი შევძელი<sup>95</sup>, ეგრეთწოდებულ თავისუფალ ხელოვნებათა შესახებ და გავიგე კიდევ ისინი? მე ვგვბობდი მათი კითხვისას და არ კი მესმოდა, საიდან იღებდა დასაბამს ის, რაც მათში ნამდვილი იყო და ჭეშმარიტი. სინათლის მიმართ ზურგშექცევით მდგარს პირი განათებული საგნებისაკენ მქონდა მიქცეული, ასე რომ, თვით ჩემს სახეს სინათლის სხივიც არ ეცემოდა. შენ ხომ იცი, უფალო ღმერთო ჩემო, რაც შევიძენე, დიდი გაჭირვებისა და სხვისი შეწევნის გარეშე, მჭევრმეტყველების, დიალექტიკის, გეომეტრიის, მუსიკისა და არითმეტიკის დარგში, რადგანაც შენგან მებოძა აზრის სისხარტე და გონების გამჭრიახობა, მაგრამ შენ როდი შემოგწირე მსხვერპლად ისინი. ჩემდა სასიკეთოდ კი არა, ჩემსავე წარსანყმედად ვიყენებდი მათ, რადგანაც ხარბად ვებლაუჭებოდი ჩემი სამკვიდროს უკეთეს ნაწილს და ნაცვლად იმისა, რომ შენთვის შემენახა ჩემი ძალა, გაგექცე და შორეულ მხარეს გადავიკარგე, რათა ავხორცულ გულისთქმათა დასაცხრომად გამეფლანგა მთელი ჩემი ავლადიდება<sup>96</sup>. რას ვაქნევდი სიკეთეს, თუკი არ შემეძლო კეთილად მომეხმარა იგი? არც კი მესმოდა, რარიგ უჭირდათ ჩემს ყველაზე ბეჭითსა და გონიერ მონათვეებს ამ საგნების შეთვისება ჩემი გულმოდგინე ახსნა-განმარტების გარეშე, ასე რომ, ყველაზე გონებაგახსნილი მათ შორის ის იყო, ვინც შედარებით სწრაფად ითვისებდა ათასჯერ გადაღეჭილ მასალას.

31. რა მარგო იმან, უფალო ჩემო, რომ მეგონა, თითქოს შენ, ჭეშმარიტების ღმერთი, უბარმაზარი მნათი სხეული ხარ, ჩემი თავი კი ამ სხეულის ნამსხვრევად მიმაჩნდა? უკუღმართობაც ამასა ჰქვია! მაგრამ სწორედ ამნაირი ვიყავი მაშინ. არა, არ მრცხვენია, უფალო, აღსარება გითხრა და ვაღიარო შენი გულმონყალეება ჩემს მიმართ; ვაღიარო და

<sup>93</sup> დაბად. III, 18.

<sup>94</sup> იქვე, III, 19.

<sup>95</sup> მკვლევართა აზრით, აქ უნდა იგულისხმებოდეს დიდი რომაელი სწავლულის მარკუს ტერენციუს ვარონის (დაახლ. 116-127 ძვ.წ.ა.) „ხელოვნებათა ცხრა წიგნი“ - ე.წ. „თავისუფალ ხელოვნებათა“ პირველი ლათინური ენციკლოპედია, რომელსაც ჩვენს დრომდე არ მოუღწევია (ისევე, როგორც ამ უგანათლებულესი და უნაყოფიერესი მწერლის თხზულებათა აბსოლუტურ უმრავლესობას, რომელთა საერთოდ რაოდენობა, გადმოცემით, ექვსასს აღემატებოდა.

<sup>96</sup> როგორც მოიქცა სახარებისეული ძე შვეტომილი (იხ. ლუკა XV, 11 და შმდ.).

ხმამაღლა ვიხმო: აკი არ მრცხვენოდა მკრეხელურად მექადაგა ხალხის წინაშე და ქოფაკივით მეყეფა შენთვის.

რა მარგო ჩემმა გონებამ, ასე ადვილად რომ ართმევდა თავს ზემოხსენებულ მეცნიერებებს, ან რა სიკეთე მიყო იმან, რომ მასწავლებლების დაუხმარებლადაც შემეძლო ჩაწვდომი უკიდურესად ბნელი და ბუნდოვანი წიგნების აზრს, მაშინ როდესაც უკეთურად ვმკრეხლობდი გზააბნეული და ურცხვად უგულვებლყოფდი ღვთისმოსაობის მეცნიერებას? განა რას ვნებდა შენს ბარცყებს ის, რომ ცოცხალი უფრო ზანგი გონება ჰქონდათ? სამაგიეროდ არსადაც არ გაგიბოდნენ, არამედ მოთმინებით უცდიდნენ, როდის წამოიჩიებოდნენ შენი ეკლესიის ბუდეში, და თანდათანობით იმაგრებდნენ სიყვარულის ფრთებს, ჭეშმარიტი რწმენის საზრდოთი ნასაზრდოებნი<sup>97</sup>.

უფალო ღმერთო ჩვენო, „შენს ფრთათა ჩრდილქვეშ მოველით სასოებას“<sup>98</sup>: დაგვიფარე და გაგვაქროლე. „შენ გაგვაქროლებ შენს ბარცყებს, და ეს ქროლა გაგრძელდება ჩვენს სიბერემდე“<sup>99</sup>, რადგანაც ჩვენი ძალა მხოლოდ მაშინაა ძალა, როცა ჩვენთანა ხარ; უშენოდ კი ჩვენი ძალა უძლურებაა, ჩვენი სიკეთე მუდამ შენშია, და როგორც კი ზურგს ვაქცევთ მას, სინრფელის გზას ვკარგავთ. შენს მიმართ შემოვიქცევით, რომ მინას არ დავენარცხოთ, რადგანაც შენში ცოცხლობს ჩვენი სიკეთე მთელი თავისი სავსებით, და ეს სიკეთე შენა ხარ თვითონ. არ გვეშინია, რომ ველარსად დავბრუნდებით, რაკილა დავეცი და დავემხეთ: ჩვენთან ერთად როდის დამხობილა ჩვენი მშობლიური სახლი - შენი მარადისობა.

<sup>97</sup> შლრ. ფსალმ. 83, 4-5.

<sup>98</sup> შლრ. ფსალმ. 16, 8; 62, 8.

<sup>99</sup> შლრ. ესაია XLVI, 3-4.



## წიგნი მახუთა

### I

1. მიიღე ჩემი აღსარება, მსხვერპლად რომ გწირავს ჩემი ენა<sup>1</sup>, რომელიც შენ თვითონ შეჰქმენი, რათა ელიარებისა სახელი შენი; განიკურნენ და განტკიცდნენ ჩემი ძვლები<sup>2</sup>; დაე, ისინი ხმობდნენ: „უფალო, ვინ არის შენი მსგავსი?“<sup>3</sup> რას გეტყვის ახალს, ვინც აღსარებას გეუბნება, რათა გაუწყოს, რა ამბავია მის თავს: რადგანაც შენი თვალისათვის არ არსებობს გულდახურულთა საიდუმლო, და ვერც კაცთა სისასტიკე უკუაგდებს შენს მარჯვენას; როცა გსურს, ცვილივით გააღლობ მათ სისასტიკეს, გულმონყალებითა თუ შურისძიებით აღძრული, „და ვერავინ დაეძალება შენს მხურვალებას“<sup>4</sup>.

დაე, გაქებდეს ჩემი სული<sup>5</sup>, რათა შეგიყვაროს. გამუდმებით და დაუღუპებლად გადიდებენ შენი ქმნილებანი: შენსკენ მოქცეული ყოველი სული - თავისი ბაგეებით; ცხოველები და უსულო საგნები - მათსავე მჭვრეტელთა პირით. დაე, აღსდგეს და აღორძინდეს შენში ჩვენი დაღლილი სული; დაე, შენს ქმნილებებზე დაყრდნობით მოაღწიოს შენამდე, სასწაულებრივი ძალმოსილებით რომ შეჰქმენი ისინი: შენშია განახლება და ჭეშმარიტი სიმტკიცე.

### II

2. დაე, გშორდებოდნენ და გაგირბოდნენ უგმკიცონი და უსამართლონი. შენ ხედავ მათ, რადგანაც შენი მზერა თვით ლანდებსაც კი განწონის. და, აი, ყველაფერი მშვენიერია მათ ირგვლივ, თვითონ კი მახინჯნი არიან<sup>6</sup>. მერედა, რა გაუნეს? ან რითი შებღალეს შენი უსასრულო ძალმოსილება, ზესკნელიდან ქვესკნელს რომ უწევს? სად უნდა გაქცეულიყვნენ,

<sup>1</sup> შდრ. ფსალმ 53, 8.

<sup>2</sup> შდრ. ფსალმ. 6, 3.

<sup>3</sup> ფსალმ. 34, 10.

<sup>4</sup> ფსალმ. 18, 7.

<sup>5</sup> ფსალმ. 118, 175; 145, 2.

<sup>6</sup> „მოელი სამყარო სურათსა ჰგავს, სადაც შავ ფერს თავისი ადგილი აქვს მიჩენილი; ის მშვენიერია თავისი ცოდვილებითურთ, თუმცადა, თუკი ამ უკანასკნელთ თავისთავად განვიხილავთ. ისინი მახინჯნი არიან“ („ღვთის ქალაქისათვის“, XI, 23). - პარალელი პიერ დე ლაბრიოლისა (იხ. დასახ. გამოც. გვ. 93)... შდრ. მარკუს ავრელიუსი: „ჩვენ ყველანი ერთი საერთო მიზნის ხორცშესხმას ვემსახურებით, ერთნი - ცოდნით და მიზნის შეცნობით, მეორენი - მის შეუცნობლად. ალბათ ამიტომ ამბობს ჰერაკლიტე, რომ თვით მძინარენიც მუშაკობენ და ხელს უწყობენ სამყაროეულ ყოვლისქმნადობას. მაგრამ ყველა თავისებურად მუშაკობს, ყველას თავისი წვლილი შეაქვს ამ ქმნადობაში, ასე განსაჯე, მკრეხელსაც და მასაც, ვინც ცდილობს წინაღუდვს ქმნადს და არად აქციოს იგი. სამყაროს ასეთი კაცნიც სჭირდება. მაშასადამე, შენ თვითონ უნდა გადანწყვიტო, ვის მხარეს დადგე, ვის მიაკუთვნო თავი. სულ ერთია, ყოვლისგამრიგე მაინც ისე გამოვიყენებს, როგორც თვითონ მიიჩნევს უმჯობესად. და თავის თანამოქმედად და თანამონაწილედ გაქცევს. მაგრამ, დაე, შენი მონაწილეობა ნუ ემგვანება კომედიის იმ სუსტსა და სულელურ ლექსს, რომელსაც იხსენიებს ქრისიპი“ („ფიქრები“, VI, 42). პლუტარქეს თავის ტრაქტატში „სტოეელთა წინააღმდეგ“ მოაქვს სახელგანთქმული სტოეელი ფილოსოფოსის ქრისიპეს (დაახლ. 282 - დაახლ. 208 ძვ.წ.ა.) სიტყვები, რომელთაც უნდა გულისხმობდეს მარკუს ავრელიუსი: „როგორც კომედიებში ვხვდებით ხოლოდ სუსტსა და სასაცილო ლექსს, რომელიც თავისთავად უფასურია, მაგრამ მაინც გარკვეულ მომხიბვლელობას ანიჭებს მოელს ქმნილებას, ისე ბიწიც თავისთავად საგმობია, მაგრამ არა უსარგებლო სხვა რიგის ფენომენთათვის“.

რომ შენს ნათელ სახეს გაქცეოდნენ? სადაა ადგილი, რომ შენ ვერ მიაგნო გაქცეულს?<sup>7</sup> გაიქცნენ, რათა აღარ ენახათ, რომ შენ ხედავდი მათ, მაგრამ თვალდავისილნი შენვე წაგანყდნენ და ნაიფორთხილეს, რადგანაც არასოდეს მიგიტოვებია არცერთი შენი ქმნილება<sup>8</sup>. დიას, გაიქცნენ, რათა უსამართლონი შენვე ჩაგვარდნოდნენ ხელში და თავს დასცდომოდათ შენი სამართლიანი რისხვა. შენს გულმონყალებას გაექცნენ, რათა შენი საშინელი მსჯავრი ეწვინათ. ეტყობა, არ იცოდნენ, რომ ყველგანა ხარ, და არ მოიძებნება იმნაირი ადგილი, სადაც შენ არ იყო. შენ, ერთადერთი, თვით იმათ გვერდითა ხარ, ვინც ყველაზე შორსაა შენგან<sup>9</sup>.

მაშ, მოიქცნენ და გექებონ. თუ თავიანთი შემოქმედი მიატოვეს, შენ როდი მიგიტოვებია შენი ქმნილება. მაშ, თვითონვე მოიქცნენ, რათა გექებონ: შენ აქა ხარ, იმათ გულში ვინც აღსარებას გეუბნება; ვინც გულში გვევრის და ნარეკლიან გზებზე ხეციალით დაღლილი ცრემლებით გილტობს მკერდს; და შენ, გულმონყალე, ცრემლებს უშპრალე მათ<sup>10</sup>; ისინი კი უფრო მწარედ გირიან, მაგრამ მათ გირილში უკვე გამოკრთის სიხარული, რადგანაც ადამიანი - სისხლი და ხორცი კი არა, არამედ შენ, უფალო, მათი შემოქმედი, თითქოს ხელახლა ქმნი და ანუგეშებ მათ. მაგრამ სად ვიყავი მე თვითონ, როცა გექებდი? შენ ჩემს წინ იდექ, მე კი დაგმორდი და ჩემს თავს ვეღარ ვპოულობდი, არამცთუ - შენ!

### III

3. ახლა კი ჩემი ღმერთის წინაშე ვიტყვი, რა გადამხდა თავს ჩემი ცხოვრების ოცდამეცხრე წელს.

კართაგენში ჩამოვიდა ერთი მანიქეველი ეპისკოპოსი, სახელად ფაუსტუსი<sup>11</sup>; ეს იყო „ემპაკის საშინელი მახე“<sup>12</sup>, რომელშიაც ბევრი გაება, მისი მჭევრმეტყველებით ცთუნებული. მეც ვაქებდი მის ხელოვნებას, მაგრამ, ამასთანავე, ნათლად ვხედავდი განსხვავებას მასა და საგანთა ჭეშმარიტ არსს შორის, რომელის შეცნობასაც ხარბად მიველტვოდი. მე იმდენად მისი სიტყვიერების ჭურჭელს როდი ვაკვირდებოდი, რამდენადაც იმას, თუ რაწაირ სასმელს შემომთავაზებდა ამ ჭურჭლით მისი თაყვანისმცემლების მიერ გაღმერთებული ფაუსტუსი.

<sup>7</sup> შდრ. ფსალმ. 138, 7-12.

<sup>8</sup> შდრ. სიბრძნე სოლომ. XI, 25.

<sup>9</sup> შდრ. პოლოტინი („ენეიდა“ VI, IX, 7): „არავინაა ისეთი, ამბობს პლატონი, ვის სულშიც არ იყოს ღმერთი. ის ყველაშია, მაგრამ მათ არ იციან ეს. ვინც მას გაურბის, უმალ, თავის თავსვე გაურბის“.

<sup>10</sup> შდრ. გამოცხ. იოანესი (აპოკალიფსი), VII, 17; XXI, 4: „და შეაშრობს ღმერთი მათ თვალებზე ყოველწაირ ცრემლს“.

<sup>11</sup> იგულისხმება ნეტარი ავგუსტინეს თანამედროვე მანიქეველი ეპისკოპოსი (იხ. შენიშვნები III, 51) და ღვთისმეტყველი ფაუსტუს მილეველი, ცნობილი თავისი განსწავლულობითა და მჭევრმეტყველებით; დაახლოებით 382 წელს ჩავიდა კართაგენს, სამი წლის შემდეგ კი, როგორც ერეტიკოსი, უდაბურ კუნძულზე გადაასახლეს. ფაუსტუსს დაუწერია ჩვენთვის უცნობი თხზულება, სადაც მანიქეველთა რელიგიის საფუძვლები ყოფილა გადმოცემული. ნეტარმა ავგუსტინემ მის გასაბათილებლად დაწერა (დაახლ. 400 წ.) ოცდაცამეტი წიგნისაგან შემდგარი ვრცელი თხზულება - „ფაუსტუსის წინააღმდეგ“.

<sup>12</sup> I ტიმ. III, 7.

მითქმა-მოთქმის წყალობით წინასწარვე ვიცოდი, რომ ეს იყო უზენაეს მოძღვრებათა უბადლო მცოდნე და თავისუფალ მეცნიერებათა არაერთ დარგში ღრმად განსწავლული კაცი.

რაკილა მრავალი ფილოსოფიური თხზულება მქონდა ნაკითხული და კარგად მახსოვდა ისინი, ამიტომ ერთმანეთს ვუდარებდი ამ თხზულებათა ცალკეულ მონაცემებსა და მანიქეველთა დაუსრულებელ არაკებს: მე უფრო დამაჯერებელი მეჩვენებოდა მათი სიტყვები, „რომელთაც ეყოთ იმისი ძალა, რომ ეკვლიათ ეს წარმავალი სამყარო“, მაგრამ „ვერ მიაკვლიეს მის უფალს“<sup>13</sup>. „რადგანაც დიდი ხარ, უფალო, და თვინიერს ხედავ, ხოლო ქედმაღალს შორით შეიცნობ“<sup>14</sup>, მაგრამ მხოლოდ „შემუსრულ გულებს“<sup>15</sup> უახლოვდები. ქედმაღალნი ვერ გპოვებენ, თავიანთი ცნობისმოყვარე გონებით ცაში ვარსკვლავებიც რომ დათვალონ, ხოლო ზღვაში - ქვიშის მარცვლები<sup>16</sup>, გაბომონ სამყაროს უსასრულო სივრცე და გამოიკვილონ მნათობთა გზები.

4. ისინი ახორციელებენ ამ გამოთვლებს თავიანთი ნიჭითა და გონებით, რომლებიც შენ უბოძე მათ; ბევრ რასმე მიაკვლიეს და დიდი ხნით ადრე იწინასწარმეტყველეს მზისა თუ მთვარის დაბნელება, ისევე, როგორც ამ დაბნელების დღე, საათი თუ ხარისხი. გამოთვლები სწორი გამოდგა: ყველაფერი ისე ხდება, როგორც იწინასწარმეტყველეს. მათ ჩაინერეს კანონები, რომლებიც თვითონვე აღმოაჩინეს. ეს კანონები დღესაც ცნობილია და მათი მიხედვით წინასწარმეტყველებენ, რომელ წელს, ამ წლის რომელ თვეს, ამ თვის რომელ დღესა და ამ დღის რომელ საათზე დაბნელდება მზე თუ მთვარე, და რანაირი იქნება ეს დაბნელება - სრული თუ ნაწილობრივი. ყველაფერი ისე მოხდება, როგორც ნაწინასწარმეტყველებია.

<sup>13</sup> შდრ. სიბრძნე სოლომ. XIII, 9.

<sup>14</sup> ფსალმ. 137, 6.

<sup>15</sup> ფსალმ. 33, 19.

<sup>16</sup> შდრ. აკაკი წერეთელი: „ვინ დათვალოს ზღვაში ქვიშა და ან ცაზე - ვარსკვლავები“...

განცვიფრებული და გაოგნებულია ხალხი, რომელსაც ამ მეცნიერებისა არა გაეგება რა. სამაგიეროდ უსაზღვროა იმათი აღტაცება და აღფრთოვანება, ვისაც ყოველივე ეს ესმის. მკერეხული ქედმაღლობით აღძრულნი ზურგს გაქცევენ, უფალო, და თანდათანობით შორდებიან შენს ნათელს; ისინი დიდი ხნით ადრე წინასწარმეცყველებენ ზმის მომავალ დაბნელებას, მაგრამ ვერ ხედავენ საკუთარი მზის დაბნელებას ანმყოში<sup>17</sup>. ღვთისმოსავთათვის ნიშნეული გულმოდგინებით როდი ეძებენ, ვისგან ებოძათ ეს ნიჭი, რომლის მეშვეობითაც ყოველივე ამას იკვლევენ. მაგრამ თუნდაც მიხვდნენ, რომ შენა ხარ მათი შემოქმედი, სუერთია, მაინც არ მოგენდობიან, რათა დაითვარო ისინი, როგორც შენივე ქმნილებები, და მსხვერპლად არ შემოგწირავენ იმას, რადაც თვითონვე აქციეს თავიანთი თავი: არც თავიანთ ქედმაღლურ აზრებს, ცაში რომ ნაუარდობენ „ჩიგებივით“<sup>18</sup>; არც თავიანთ ცნობისმოყვარეობას, „ზღვაში მცურავ თევზებს“ რომ მოგვაგონებს და აიძულებს მათ „უფსკრულის იღუმალი ბილიკებით იხეციალონ“; არც თავიანთ მდაბალ ვნებებს, „მინდვრად მობალახე ნახირს“ რომ ამსგავსებს მათ<sup>19</sup>, - რათა შენ, უფალო, „ყოვლისშთანთქმელო ცეცხლო“<sup>20</sup>, შემუსრო მათი სასიკვდილო საზრუნავი და ხელახლა შექმნა ისინი უკვდავებისათვის.

5. მათ ვერ შეიცნეს „გზა“, ანუ შენი სიგყვა<sup>21</sup>, რომლითაც შეჰქმენი ისიც, რასაც აღირცხავენ, ისინიც. ვინც აღრიცხავენ, გრძნობაც, რომლითაც არჩევენ აღსარიცხს საგნებს და გონებაც, რომლის მეშვეობითაც აღრიცხავენ მათ, „შენი სიბრძნე კი აღურაცხელია და

<sup>17</sup> აქ ნეტარი ავგუსტინე ზუსტად ისევე მსჯელობს, როგორც ფრანგი იანსენისტები, რომლებიც უარყოფდნენ ყოველგვარ მეცნიერულ კვლევა-ძიებას, როგორც სულის პატივმოყვარულ მისწრაფებათა ხორცშესხმის მცდელობას და, მაშასადამე, აშკარა მკრეხელობასაც. მათი მტკიცებით, „დასაბამიერმა ცოდვამ არა მარტო ღვთიური მადლისაგან განძარცვა კაცი, არა მარტო ზებუნებრივი ნიჭი მიჰხადა და, ამრიგად, დააკნინა მისი ბუნება, არამედ სულის სიღრმემდეც შებღალა იგი. რა იყო პირველქმნილი ადამიანის უზენაესი დანიშნულება? მას უნდა ჰყვარებოდა ღმერთი და ეცხოვრა ღვთიური მადლის თანახმად. უფლის ამ ურჩეულეს ქმნილებაში თვით ბუნებაც კი ზებუნებრივი იყო. მაგრამ მან თავისი თავი არჩია ღმერთს, უარყო მისი გულმონყალეობა და მთელის არსებით, თავისი გამრუდებული გონებითა და გაუკუღმართებული ნებით ბოლომდე დაემონა საკუთარ „მე“-ს. ამიტომ უფლის მიმართ მიქცევას მხოლოდ იმ შემთხვევაში შეძლებს იგი, თუ პირნიშნად წაშლის, უკვალოდ წარხოცს პირად ეგოიზმს და თავის ამქვეყნიურ ყოფას ბუნებრივ ცხოვრებას, ღმერთისმიერ არსებობას დაუქვემდებარებს. მიჩილი ასპექტი აქვს კაცის ეგოიზმს, უთვალავი სხვადასხვა სახით, ხორციელი თუ სულიერი ვნების სახით ვლიდნება იგი. დიას, ხორციელი ვნების გარდა არსებობს სულის ვნებაც, რომელიც სხვა არა არის რა, თუ არა ადამიანური ცნობისწადილის დაკმაყოფილება და რომელსაც საფუძვლად უდევს იგივე, რაც ყველა სხვა ადამიანურ ვნებას: ზვაობა, ცუდმედილობა, თავმოყვარეობა. ამიტომ კაცის ამქვეყნიური არსებობის მიზანი მეცნიერება კი არ არის, არამედ სულის სინძინდე; არა უძღები სურვილი ამ წარმავალი სინამდვილის შემცენებისა, არა გონების პატივმოყვარული მისწრაფებანი, არამედ მარადიულ, თუნდაც გონებაშიუნვლომელ ჭეშმარიტებათა წინაშე ქედის მოდრეკა, მათი გულმხურვალე სიყვარული, - აი, ჩვენი ჭეშმარიტი დანიშნულება, ვინაიდან მიუტევებელი მკრეხელობაა ყოველგვარი თვითგანწილვა, თვითგაორება, შუა გაყოფილი სულის რყევა, ერთის მხრივ, ღმერთსა, ხოლო მეორეს მხრივ, სამყაროს შორის: „რამეთუ წერილ არს: წარვწყმიდო სიბრძნე იგი ბრძენთა და მეცნიერებაჲ იგი მეცნიერთაჲ შეურაცხ-ვყო. სადა არს ბრძენი? სადა არ მნივნობარი? სადა არს გამომეძიებელი იგი ამის სოფლისაჲ? ანუ არა განაცოგაა ღმერთმან სიბრძნე იგი ამის სოფლისაჲ“ (I კორ. I, 19-20). - იხ. ჩემი შესავალი წერილი წიგნში - ბლემ ჰასკალი, აზრები, ფრანგულიდან თარგმნა, წინასიტყვაობა და შენიშვნები დაურთო ბაჩანა ბრეგვაძემ, თბ. 1981, გვ.16-17.

<sup>18</sup> შდრ. ფსალმ. 8, 9.

<sup>19</sup> „ჩიტები“, „ზღვაში მცურავი თევზები“, „მინდვრად მობალახე ნახირი“, - „ნეტარ ავგუსტინეს უყვარდა ბიბლიის ალევორიული სახეების ახსნა-განმარტება: „შეხედ ცის ფრინველებს“, ამ ქედმაღალთა და მზვობართ, რომელთათვისაც ითქვა, ცამდე აღუღრიათ თავიო. შეხედ „ზღვის თევზებს“, ანუ ცნობისმოყვარეთ, „ზღვის ბილიკებით რომ სეირნობენ“, ესე იგი, ამა სოფლის უფსკრულთა შორის ეძებენ წარმავალს, - იმას, რაც ისე სწრაფად როდი ქრება, როგორც „ზღვის ბილიკნი“, რომელთაც წყალი შლის მაშინვე, როგორც კი უკან მოიტრევენ მათ... ხოლო „მინდვრის ნახირი“ უფრო მართებული იქნება ვუნოდოთ იმ ხალხს, რომელიც მხოლოდ ხორციელი განცხრომით ტკბება“ („ფსალმუნთათვის“, 8, 13), - რუს. თარგმანის შენ. იხ. დასახ. გამოც. გვ.239.

<sup>20</sup> მეორე სჯული, IV, 24; ებრ. XII, 29.

<sup>21</sup> შდრ. იოანე, I, 1-3; იოანე XIV, 6.

განუზომელი<sup>22</sup>. თვით შენი მხოლოდშობილი ძე „იქმნა ჩვენთვის სიბრძნე, სიმაართლე და განწმენდა“<sup>23</sup>, ჩვენს შორის შეირაცხა და ხარკს უხდიდა კეისარს<sup>24</sup>.

მათ ვერ შეიცნეს ეს გზა, რომლითაც შეეძლოთ თავიანთი ქედმარლობიდან დაშვებულიყვნენ ძის სიმდაბლემდე და მისი მეშვეობით ამაღლებულიყვნენ მისსავე სიდადემდე. მათ ვერ შეიცნეს ეს გზა; ამიტომაც ჰგონიათ, თითქოს ვარსკვლავებს მისწვდნენ და მათთან ერთად ჩახახებენ ცის თავანზე, მაგრამ, აი, მინას დაენარცხნენ, „და დაბნელდა მათი უგონო გული“<sup>25</sup>.

ბევრი რამ, რასაც ისინი გვაუწყებენ ქმნილებაზე, მართალია, მაგრამ ღვთისმოასვთა მონივნებით როდი დაეძებენ ჭეშმარიტებას, ანუ სამყაროს შემოქმედს, და ამიტომაც ვერ პოულობენ, თუმცა კიდევაც რომ იპოვონ, „არ აღიდეგენ, როგორც ღმერთს, და მადლოს არ სწირავენ, არამედ ამაოების მსახურნი ხდებიან და ბრძენკაცებად მოაქვთ ავი“<sup>26</sup>; თვითონვე მიიწერენ იმას, რაც შენ გვეუთვნის, და, პირიქით, თვალდავსილნი და გაუკუღმართებულნი შენ მოგანერენ თავიანთ კუთვნილს; ასე რომ, შენზე გადმოაქვთ თავიანთი სიცრუე, შენზე, რომელიც ხარ ჭეშმარიტება; „უხრწნელი ღმერთის დიდებას ხრწნადი კაცის, ფრინველთა, ოთხფეხა თუ ქვეწარმავალთა ხატებაზე ცვლიან, ღვთის ჭეშმარიტებას კი -სიცრუეზე, და მსახურებენ შექმნილსა და არა შემოქმედს“<sup>27</sup>.

6. და მაინც, მათ წიგნებში ბევრი ფასეული და საგულისხმო რამ ამოვიკითხე შექმნილი სამყაროს შესახებ. მათი ახსნა-განმარტების სისწორეს გამოთვლები, წელიწადის დროთა მონაცვლეობა და ვარსკვლავთა ხილული მოძრაობანი ადასტურებდნენ<sup>28</sup>. მათ დებულებებს მე ვუღარებდი მანის მრავალრიცხოვან თხზულებებში გადმოცემულ მოსაზრებებს: მთელს ამ აბდაუბაში ვერსად ჰპოვებდით ვერც მზებუდობის, ვერც ბუნიობის, ვერც მზისა თუ მთვარის დაბნელებისა და, საერთოდ, ვერცერთი იმ მოვლენის დამაჯერებელ ახსნას, რაც საერო სიბრძნის ქმნილებებში ამოვიკითხე<sup>29</sup>. მე კი ნაბრძანები მქონდა მერწმუნა ის, რაც სრულიად არ ემთხვეოდა და ეთანხმებოდა არც გამოთვლებსა და არც ჩემს პირად დაკვირვებებს.

<sup>22</sup> თსაღმ. 146, 5.

<sup>23</sup> I კორ. I, 30.

<sup>24</sup> იხ. მათე XXII, 17-21.

<sup>25</sup> რომ. I, 21.

<sup>26</sup> რომ. I, 21-22.

<sup>27</sup> რომ. I, 23, 25.

<sup>28</sup> ჩვენთვის უცნობია, ვინ იყვნენ ის ასტრონომები, ვის თხზულებებშიაც ნეტარმა ავგუსტინემ, როგორც თვითონ გვაუწყებს, „ბევრი ფასეული და საგულისხმო რამ ამოვიკითხა შექმნილი სამყაროს შესახებ“.

<sup>29</sup> ნეტარი ავგუსტინესა და მანიქეველ ფელიქსის სიტყვიერი პაექრობისას (I, IX, Patrol. Lat. XLII, 525), ეს უკანასკნელი ამბობს: „მანამ ჩვენ გვასწავლა სამყაროს დასაბამი; როგორ, რატომ, ან ვის მიერ შეიქმნა იგი. მანვე ავგვისხნა დღისა და ღამის მიზეზიც, განგვიმარტა მზისა და მთვარის მიმოქცევა. არაფერი ამდაგვარი არ განუცხადებია არც ჰაელეს და არც სხვა რომელიმე მოციქულს: აი, რატომ გვგონია, რომ მანი პარაკლეტონი უნდა იყოს“... თუმცა ნეტარი ავგუსტინეს მოწმობით, მანიქეველთა ფანტასმაგორიული ასტროლოგია თუ ასტროლოგიური ფანტასმაგორია სხვა არა იყო რა, თუ არა „აბდაუბა“.



IV

7. „უფალო, ჭეშმარიტების ღმერთო“<sup>30</sup>, ნუთუ ვინც იცის ყოველივე ეს, უკვე მოსაწონია შენთვის? ვაი იმ კაცს, ვინც იცის ყველაფერი, მაგრამ არ იცის, ვინა ხარ შენ. ნეგა მას, ვინც გიცნობს, თუნდაც სხვა არაფერი იცოდეს. ხოლო სწავლულს, რომელიც გიცნობს, მეცნიერება როდი ანიჭებს მეგ ნეგარებას, რადგანაც ის მხოლოდ შენი მეშვეობითაა ნეგარი, თუკი შენი შემცნობი გადიდებს, როგორც ღმერთს, მაღლს შემოგწირავს და ამაოების მსახური არ გახდება თავისი ფუჭი აზრებით<sup>31</sup>.

რადგანაც უმჯობესია ხე მედგას და იმ სარგებლობისათვის, რაც მას შეუძლია მომიტანოს, მაღლს გწირავდე შენ, თუნდაც არ ვიცოდე, რამდენ წყრთას შეადგენს მისი სიმაღლე, ან რამდენ წყრთაზე იშლება მისი გოცები, ვიდრე ვიცოდე, რანაირად გაგზომო მისი სიმაღლე და სათითაოდ დავთვალო მისი გოცები, მაგრამ თვით ხე კი ჩემი არ იყოს, არ ვიცოდე და არც მიყვარდეს მისი შემოქმედი. ასე, შენს ერთგულს ეკუთვნის სამყაროს მთელი სიმიდრე, და თითქოს არას მქონები „ყოველის მფლობელი“<sup>32</sup> ხდება, თუკი შენ მოგანდობს თავს, შენ, ვისაც მორჩილებს ყოველი. რა ვუყოთ, თუ არ იცის, რანაირად ბრუნავს დიდი დათვის თანაგარსკვლავედი? განა სიშლევე არ იქნება ვიფიქროთ, რომ მასზე უფრო ბედნიერია ის, ვინც ზომავს ცის უსასრულო სივრცეს, სათითაოდ ითვის ვარსკვლავებს და წონის მთელ ნივთიერებას, მაგრამ უგულვებელგყოფს შენ, „რომელმაც ზომით, თვლითა და წონით განანესე ყოველი“<sup>33</sup>.

V

8. მაგრამ ვინ დაავალა ვილაც მანის იმ საკითხთა კვლევა, რომელნიც არას არგიან ღვთისმოსაობის მეცნიერებას? აკი შენ უთხარი კაცს: „აჰა, ღვთისმოსაობაა სიბრძნე“<sup>34</sup>. მანის შეეძლო არ სცოდნოდა ეს ჭეშმარიტი სიბრძნე, თვით იმ შემთხვევაშიც კი, სრულყოფილადაც რომ დაუფლებოდა მეცნიერებას. მაგრამ მას წარმოდგენაც არა ჰქონდა მეცნიერებაზე, თუმცა ურცხვად კი მსჯელობდა მისი სახელით. ხოლო რაც შეეხება ჭეშმარიტ სიბრძნეს, ამაზე ლაპარაკიც კი ზედმეგია. საერო მეცნიერებათა ქადაგება ფუჭი საქმეა, თვით მაშინაც კი, როცა საფუძვლიანად იცნობენ მათ; ხოლო შენი აღმსარებლობა ღვთისმოსაობად შეირაცხება. მაგრამ სწორედ ამ გზას ასცდა მანი, ამდენს რომ ლაყობდა სამეცნიერო საკითხებზე და მხილებულ იქნა ჭეშმარიტ მცოდნეთა მიერ. აქედან აშუარაა, რა ფასი უნდა ჰქონოდა მის აზრს იმ საგანზე მსჯელობისას, რაზედაც ხელი არ მიუწვდებოდა. მაგრამ იმხელა წარმოდგენა

<sup>30</sup> ფსალმ. 30, 6.  
<sup>31</sup> შდრ. რომ. I, 21.  
<sup>32</sup> II კორ. VI, 10.  
<sup>33</sup> სიბრძნე სოლომ. XI, 20.  
<sup>34</sup> იობი, XXVIII, 28.

ჰქონდა თავის თავზე, რომ ცდილობდა ხალხი დაერწმუნებინა იმაში, თითქოს სული წმიდა, უფლის ერთგულთა მფარველი და მწყალობელი, მთელი თავისი ძალმოსილებით სწორედ მასში იყო დამკვიდრებული<sup>35</sup>. ამხილებდნენ მის უმეცრებას იმ საკითხებში, ცისა და ვარსკვლავების მოძრაობას, მზისა და მთვარის მიმოქცევას რომ შეეხება და თითქოს კავშირი არა აქვს რელიგიურ მოძღვრებათან, მაგრამ მისი მცდელობის ღვთისმგმობლური ხასიათი აქაც აშკარა იყო, რადგანაც თავისი ფუჭი და შლეგური ქედმაღლობით აღძრული არამარტო თავხედურად მსჯელობდა იმაზე, რაზედაც წარმოადგენდა არა ჰქონდა, არამედ იმასაც ცდილობდა, რომ საკუთარი პიროვნების ყბადაღებული ღვთაებრიობის ავტორიტეტით განემტკიცებინა თავისი მკრეხეული აზრები.

9. როდესაც მესმის, რომ ჩემი ერთ-ერთი ქრისტიან ძმათაგანი, რომელსაც მეცნიერების საერთოდ არა გაეგება რა, უთავბოლოდ მსჯელობს ამ საკითხებზე, - მოთმინებით ვიგან მის უაზრო ლაქლაქს, რადგანაც ვხედავ, რომ ამას არ შეუძლია რაიმე აზროვნება; მხოლოდ შენ, არ მოგიხსენიოს უდიერად, უფალო ჩემო, „ყოველის შემოქმედო“<sup>36</sup>, და რა ვუყოთ, თუ წარმოდგენაც არა აქვს შექმნილ საგანთა ბუნებაზე, ვნება და ზიანი მაშინ იკითხეთ, თუკი გადაწყვეტს, რომ ამ საკითხებს რაიმე კავშირი აქვთ საღვთისმოსაო მოძღვრებასთან, და კადნიერად დაიწყებს იმის მგვიცხვას, რისიც არა გაეგება რა. თუმცა თვით ამნაირ უმწიბროსადაც კი გულმონყალება დედაშვილური სიყვარულით მიუტყვევებს იმათ, ვინც ჯერ კიდევ ჩვილია რწმენით, ვიდრე ახალი კაცი არ იქცევა „სრულყოფილ კაცად“<sup>37</sup>, რომელსაც „ვერ შეარყევს ყოველგვარი მოძღვრების ქარი“<sup>38</sup>.

მაგრამ ვის არ შეზარავს და თავს არ შეამბიბლებს იმისი სიშლეგე, ვინც ამდენჯერ ამხელს სიცრუეში, და მაინც გაბედა წარმდგარიყო თავისი მსმენელების წინაშე როგორც მოძღვარი, როგორც ფუძემდებელი, წინამძღოლი და თავკაცი, რათა მის მიმდევრებს ჰგონებოდათ, რომ უბრალო მოკვდავს კი არ მიჰყვებოდნენ კვალდაკვალ, არამედ თვით შენს წმინდა სულს?

ჩემთვის პირადად არცთუ მთლად ნათელი იყო, შეიძლებოდა თუ არა მანის მოძღვრების თანახმად აგვეხსნა დღეებისა და ღამეების სიგრძე თუ სიმოკლე, თვით დღე-რამის მონაცვლეობა, მზისა თუ მთვარის დაბნელება და სხვა მისთანანი, რაზედაც გარკვეული წარმოდგენა მქონდა სულ სხვა წიგნების წყალობით. ამნაირი ახსნა რომ შესაძლებელი ყოფილიყო, ჩემთვის სრულიად გაურკვეველი დარჩებოდა საგანთა ჯეშმარიტი ბუნება; მაგრამ

<sup>35</sup> როგორც ზემოთ (შენ. 29) აღვნიშნეთ, მანის თუ მანესს (რომელსაც 275 წელს სპარსეთის მეფის ბაჰრამ I-ის ბრძანებით, ცოცხლად გადასრეს ტყავი) „პარაკლეტოსად“, ანუ იმ „ნუგეშინისცემლად“ მოჰქონდა თავი, იესო ქრისტემ წინასწარ რომ აუწყა თავის მონათვეებს (იხ. იოანე XIV, 16). მანის პარაკლეტოსობაში არც მის მიმდევრებს ეპარებოდათ ეჭვი. თუმცა, ამ მხრივ, ისინი პირველობას ვერ დაიჩვენებენ. თითქმის ერთი საუკუნით ადრე ფრიგიელიმა ჰერესიარქმა მონტანუსმა (გარდ. 212 წ.) დააარსა მონტანისტო მწვალებლური სექტა, რომლის წევრებიც ღრმად იყვნენ დარწმუნებულნი, რომ სწორედ მონტანუსი იყო ის „პარაკლეტონი“, რომელზედაც გადმოვიდა სული წმიდა, და რომელსაც თავისი მონათვეებისთვის უნდა გაემჟღავნებინა ღვთიური საიდუმლო, რის აღსაქმელადაც თურმე ჯერ კიდევ არ იყვნენ მზად იესო ქრისტეს მოციქულები.

<sup>36</sup> II მაკაბ. I, 24.

<sup>37</sup> ეფეს. IV, 13.

<sup>38</sup> ეფეს. IV, 14.

ჩემს რწმენას საფუძვლად ედო მანის ავტორიტეტი, რადგანაც ჯერ კიდევ არ მეპარებოდა ეჭვი მის სინძინდეში.

## VI

10. თითქმის მთელი ცხრა წელიწადი, ვიდრე ჩემი მოხეტიალე სული ხარბად ენათებოდა მანიქეველთა „სიბრძნეს“, მოუთმენლად მოველოდი ზემოხსენებული ფაუსტუსის ჩამოსვლას. მანის დანარჩენი მიმდევრები, ვისაც კი შევხვედრივარ და ჩემთვის თავსამტვრევ საკითხებზე მისაუბრია, ვერაფერს მეუბნებოდნენ პასუხად, მაგრამ მაიმედებდნენ, მალე ჩამოვა ფაუსტუსი, შეხვდი, გაესაუბრე და სულ ადვილად და გასაგებად ავიხსნის არა მარტო მაგ თავსამტვრევ საკითხებს, არამედ, თუ ჰკითხავ, გაცილებით უფრო რთული პრობლემების გადაჭრაშიც დაგეხმარებათ.

ბოლოს, ფაუსტუსიც ჩამოვიდა! მისი სახით მე გავიცანი მართლაც მომხიბლავი და ამოდ მოუბარი კაცი, სხვებზე გაცილებით უკეთ რომ მსჯელობდა ყოველივე იმის შესახებ, რაც არაერთხელ მსმენია მანიქეველებისაგან. მაგრამ რა სასძელი შემომთავაზა მწყურვალს თავისი ძვირფასი თასით ამ მომხიბლავმა მწდემა? ამნაირი სიგყვებით უკვე ყურები მქონდა გამოჭედილი: ისინი სულაც არ მეჩვენებოდნენ უკეთესნი იმის გამო, რომ უკეთ წარმოსთქვამდნენ; არც ჭეშმარიტნი, რადგანაც მჭევრმეტყველების ნიმუშებს უფრო ჰგავდნენ; სული არ ჩანდა ბრძენი, ვინაიდან თვით მჭევრმეტყველის სახე მრავლისმეტყველი იყო, გამოთქმები კი - საგულდაგულოდ შერჩეული. მანიქეველები, რომლებიც ფაუსტუსს მიქებდნენ, ცუდი მსაჯულები გამოდგნენ. მათ ის ბრძენი ეჩვენებოდათ მხოლოდ იმიტომ, რომ მონუსხულნი იყვნენ მისი სიგყვებით.

მე ვიცნობდი სხვა ჯურის ხალხსაც, რომელსაც თვით ჭეშმარიტებაც კი საეჭვოდ მიიჩნია, თუ ის მაღალფრდოვანი და ზიზილ-პიპილებით შემკული სიგყვითაა გადმოცემული. ხოლო მე შენ დამმოძღვრე, ღმერთო ჩემო, იდეალური და გონებაშიუნვდომელი გზით; დიას, მე მჯერა, რომ შენ დამმოძღვრე, რადგანაც ესაა ჭეშმარიტება, ხოლო შენს გარდა არ არსებობს ჭეშმარიტების სხვა მოძღვარი, სადაც უნდა მოგვევლინოს, ან საიდანაც უნდა მოგვევლინოს იგი. შენგან ვისწავლე, რომ მჭევრმეტყველური სიგყვა არ შეიძლება ჭეშმარიტი იყოს მხოლოდ იმის მიხედვით, რომ მჭევრმეტყველურია, უთავბოლო სიგყვა კი - ყალბი, მხოლოდ იმიტომ, რომ უთავბოლოდ ითხზვის როყოლ წამოროშილი და ულაზათო ბგერებით; და პირიქით: ულაზათო სიგყვა თავისი ულაზათობის გამო როდი იქნება ჭეშმარიტი, ბრწყინვალე სიგყვა კი - ყალბი, მხოლოდ იმიტომ, რომ ბრწყინვალეა. სიბრძნე და სიბრიყვე თითქოს საზრდოა, სასარგებლო ან მავნე; დახვეწილი და გლახქი სიგყვები კი - ქალაქური თუ სოფლური ჭურჭელი, რომლითაც ამა თუ იმ კერძს გვთავაზობენ.

11. მე ისე ხარბად და იმდენხანს ველოდი თაუსტუსს, რომ ახლა ეს ჩემი სიხარბე თითქოს ცხრებოდა მისი მსჯელობის უჩვეულო ცხოველყოფილობითა და უზადო სიგვეიერი გარსით, რომელშიაც ის გასაოცარი სიმსუბუქით აქცევდა თავის აზრებს. სხვებთან ერთად ვცკებოდი მისი ხელოვნებით და სხვებზე მეტად ვაქებდი და ვადიდებდი მას, მაგრამ მწყინდა, რომ მსმენელთა ბრბოში გარეულს არ შემეძლო შეკითხვები მიმეცა ყოველივე იმის შესახებ, რაც ასე ძლიერ მტანჯავდა, ან გულითად საუბარში ჩემი აზრები გამეზიარებინა მისთვის. თუმცა, ბოლოს და ბოლოს, ამის შესაძლებლობაც მომეცა და ჩემს მეგობრებთან ერთად დავიმარტოხელე იგი, როცა აზრების ამნაირი გაზიარება სავსებით ღროული ჩანდა, და ჩემთვის მტანჯველი ზოგიერთი საკითხი შევთავაზებე განსახილველად. მაგრამ სულ ძალე დავრწმუნდი, რომ ამ კაცს წარმოდგენაც არ ჰქონდა თავისუფალ მეცნიერებაზე, გრამატიკის გარდა, თუმცა მისი ცოდნა აქაც ზერელე და ზედაპირული იყო. მას წაკითხული ჰქონდა მხოლოდ ციცერონის რამდენიმე სიტყვა, სენეკას ორიოდე ტრაქეტი, ძველი პოეტების ცალკეული ლექსები და იმ მანიქველთა თხზულებები, რომლებიც ასე თუ ისე ასაგანად და თანაც ლათინურად წერდნენ; ამას დაუმატეთ ყოველდღიურ ლაყობაში განაფული ენა, და ეს იქნება ყველაფერი, რასაც ეფუძნებოდა თაუსტუსის მჭევრმეტყველება, რომელიც მისი მახვილგონიერებისა და ბუნებრივი ხიბლის წყალობით კიდევ უფრო სასიამოვნო, შემპარავი და მაცთური ხდებოდა.

ზუსტია თუ არა ეს მოგონებები, უფალო ღმერთო ჩემო, ცემი სინიდისის მსაჯულო? შენს წინაშეა გადაშლილი ჩემი გულიცა და მეხსიერებაც. შენ უკვე შემეყვანე შენი განგების იღუმალებით მოცულ სიღრმეში და თვალნათლივ მიჩვენე ჩემი სამარცხვინო ცთომილება, რათა მეხილა და სამუდამოდ შემზიზღებოდა იგი.

## VII

12. მას შემდეგ, რაც ჩემთვის ცხადი შეიქნა, რომ თაუსტუსს წარმოდგენაც არ ჰქონდა იმ მეცნიერებებზე, რომელთა დიდი მცოდნეც მეგონა, სასონარკვეთილებამ შემიპყრო, რადგანაც მივხვდი, რომ მისგან ველარ ველირსებოდი ჩემთვის ესოდენ საინტერესო საკითხთა ახსნა-განმარტებას. მართალია, მათი არა გაეგებოდა რა, მაგრამ მაინც შეეძლო ჭემპარიტი რწმენა ჰქონოდა, მანიქვეელი რომ არ ყოფილიყო. მანიქველთა წიგნები ხომ დაუსრულებელი არაკებთაა სავსე, სადაც ერთავად ცაზე, ვარსკვლავებზე, მზესა და მთვარეზე ლაყობენ. მე უკვე აღარა მქონდა იმის იმედი, რომ თაუსტუსი დამაკმაყოფილებლად ამისხნიდა იმას, რაც ასე ძალიან მსურდა: ერთმანეთისათვის შეედარებიან ჩემს მიერ სხვა წიგნებში ამოკითხული გამოთვლები და მანიქველთა მონაცემები, ხოლო შემდეგ ეჩვენებინა, რამდენად შეესაბამებოდნენ ისინი ერთიმეორეს, ან რომელი იყო უფრო ზუსტი.

როდესაც ეს საკითხები შევთავაზებ განსახილველად, მოკრძალებით აღიარა, ესოდენ მძიმე გვირგვინს ვერ შევეჭიდებო, და ჭკვიანურადაც მოიქცა. იცოდა, რისი შემძლეც იყო, და არ რცხვენოდა ამის აღიარება. იმ აუტანელ მოლაყებებს როდი ჰგავდა, ყველაფერს რომ მიხსნიდნენ, მაგრამ ვერაფერს მაგებინებდნენ. თაუსტუსს შენს მიმართ „არ ჰქონდა წრფელი გული“<sup>39</sup>, უფალო, თორემ საკუთარი თავის მიმართ ყოველთვის დიდ სიფრთხილესა და წინდახედულებას იჩენდა. ვერ ვიგყვით, თითქოს არ იცოდა, რომ არათერის მცოდნე არ იყო. ამიტომაც თავს არიდებდა მისთვის უცნობ საკითხზე კამათს, რათა გამოუვალ მდგომარეობაში არ ჩავარდნილიყო. ამით უფრო მეტად მომანონა თავი. თავმდაბლობა, რომელიც თავის სისუსტეს აღიარებს, გაცილებით უფრო მომხიბლავია, ვიდრე ცოდნა, რომლის შეძენასაც მე ვაპირებდი. ხოლო თაუსტუსი ყველა რთული და ჩახლართული საკითხის გადაწყვეტისას - მე თვითონ ვარ ამისი მონძე, - უჩვეულო თავმდაბლობას იჩენდა.

13. გულმოდგინება, რომლითაც ვენათებოდი მანის თხზულებებს, თანდათანობით გამინელდა. სასომხდილმა მანიქეველთა სხვა მოძღვრებებზედაც ავიყარე გული, რაკილა მათ შორის ყველაზე სახელგანთქმულმაც კი ვერ შესძლო განემარცა იმ კითხვების უძრავლესობა, როლებიც ასე მგანჯავდნენ და მანამებდნენ. მაგრამ კვლავინდებურად განვაგრძობდი მასთან ურთიერთობას, რადგანაც თაუსტუსი გატაცებული იყო მწერლობით, ხოლო მე - იმხანად კართაგენელი რიტორი - სწორედ მწერლობას ვასწავლიდი ჩემს შეგირდებს. ჩვენ ერთად ვკითხულობდით იმ მწერლებს, რომელთა სახელიც ყურმოკვრით სმენოდა და ამიტომ ძალიან უნდოდა მათი გაცნობა, აგრეთვე იმ ავტორებს, რომლებიც მისი სულიერი წყობისათვის ყველაზე შესაფერისად მიმაჩნდა. ამ კაცის გაცნობამ ფრთები შეაკვეცა ჩემს მისწარაფებს - რამენაირად დაფინანსებულიყავი მანიქეველთა სექტაში. მართალია, საბოლოოდ არ გაემდგარვარ მათგან, მაგრამ ისე კი მეჭირა თავი, როგორც კაცს, რომელმაც დღემდე ვერაფერს მიაკვლია იმ მოძღვრებაზე უკეთესს, რასაც უნინ ესოდენ ბრმად იზიარებდა, და ამიტომაც იძულებულია ჭერხნობით ამით დაკმაყოფილდეს, იმის მოლოდინში, რომ შემთხვევით მაინც გამოკრთება რარაც უფრო ნათელი და არსებითი, რათა მასზე შეაჩეროს თავისი არჩევანი.

ამრიგად, თაუსტუსმა, რომელიც მრავალთათვის „სიკვდილის მახედ“<sup>40</sup> იქცა, თავისდა უნებურად დაიწყო იმ მახის გახსნა, რომელშიაც მე ვიყავი გაბმული. ეს იმიტომ, რომ შენს მონყალე ხელს, უფალო, შენივე განგების გონებაშიუნვლომელი იდუმალეებით, არ მიუტოვებია ჩემი სული. საბრალო დედაჩემი, ვის ტანჯულ გულსაც დღედაღამ შეუწყვეტლივ სდიოდა სისხლი, ცრემლებს გწირავდა მსხვერპლად ჩემს გამო, და შენ სასწაულებრივად დამითარე,

<sup>39</sup> ფსალმ. 77, 37; მოციქ. საქმენი, VIII, 21.

<sup>40</sup> ფსალმ. 17, 6.



უფალო ჩემო; დიახ, დამითარე, რადგანაც „უფლის მიერ წარიმართება კაცის ნაბიჯი, და ის უჩვენებს გზას“<sup>41</sup>. ვინ გვიხსნის, თუ არა შენი ხელი, რომელიც განაახლებს შენსავ ქმნილებას?

## VIII

14. შენი ხელი ერია იმაშიც, რომ დაბეჭოთებით მირჩიეს და კიდევაც დამარწმუნეს, რომში გადავსახლებულიყავი, სადაც, ჩემი მრჩეველების აზრით, უკეთ შევძლებდი იმის სწავლებას, რასაც ჩემს შევირდებს კართაგენში ვასწავლიდი. უყოყმანოდ ვაღიარებ შენს წინაშე, რამ გადამანყვეტინა ეს: შენი ზრახვების იდუმალი სიღრმე და შენი გულმონყალება, რომელიც ყოველთვის მზადაა ჩვენს დასახმარებლად, ღირსია იმისა, რომ ჩაგვაფიქროს და აღგვაფრთოვანოს.

რომში გადასვლა იმიტომ კი არ მოვინადინე, რომ იქ, როგორც ჩემი მეგობრები მარწმუნებდნენ, უფრო მეტ გასამრჯელოს შემომთავაზებდნენ და მეტი პატივით მელოდა, თუმცა ერთსაც და მეორესაც ჯერ კიდევ დიდი თვასი ედო ჩემს თვალში: მთავარი და ლამის ერთადერთი მიზეზი ის იყო, რომ გავიგე, თითქოს იქაურ ახალგაზრდებს, მკაცრი დისციპლინის წყალობით, გაცილებით უფრო ნაკლები გასაქანი ჰქონდათ, ამიტომაც უფრო მშვიდად ეჭირათ თავი, და ვერ ბედავდნენ თავხედურად შეჭრილიყვნენ მათთვის უცხო მასწავლებლის კლასში, სადაც მხოლოდ თვით მასწავლებლის ნებართვით თუ შეიძლებოდა შესვლა. კართაგენში კი, პირიქით, მოსწავლეების აღვირაბსნილობა მართლაც რომ უსაზღვროა. გათავხედებულნი ურცხვად ამგვრევენ სკოლის კარს და მასწავლებლებს ძალით უვარდებიან კლასში; გამაოგნებელი სიჩლუნგით სჩადიან ათასნაირ უხამსობას, რისთვისაც კანონიერი სასჯელი არ ასცდებოდათ, ჩვეულება რომ არ იყოს მათი მფარველი. ამ უბედურებს ნებადართული ჰგონიათ ის, რასაც შენი მარადიული კანონი არასოდეს არ მიიჩნევს ნებადართულად. სასჯელის შიში არა აქვთ, რადგანაც ჰგონიათ, ყველაფერი შეგვრჩებაო, მაგრამ მათივე სიბრძავეა მათი სასჯელი; ამიტომაცაა, რომ გაცილებით უფრო მეტად იტანჯებიან, ვიდრე სხვებს სტანჯავენ და აწამებენ.

ჩემი მონათევობისას არავითარი სურვილი არა მქონდა ამ უკეთურთა ბრბოში გავრეულიყავი. მაგრამ როცა მასწავლებელი გაუხდი, მეტი რა გზა მქონდა, ძალაუწებურად უნდა ამეგანა ისინი. ამიტომაც მიხლოდა იქ წასვლა, სადაც, თვითმხილველთა მონშობით, ვერაფერს ამის მსგავსს ვერ ვპოვებდით. სინამდვილეში კი „სასოებაჲ ჩემო, წილხვდომილო ჩემო ცოცხალთა ქვეყნად“<sup>42</sup>, სწორედ შენ მაიძულე სულის სახსნელად გამომეცვალა საცხოვრისი: კართაგენში დგობის კვრით მაქებებდი, რომ იქაურობას გავცლოდი, რომში კი საცყუარს მიგებდი, რომ იქ ჩაგეტყუებინე, და ორსავე შემთხვევაში იმათი მემეგობით

<sup>41</sup> ფსალმ. 36, 23.

<sup>42</sup> ფსალმ. 141, 6.

მოქმედებდი, ვისაც თავდაფიცებით უყვარს ეს მკვლარი სიცოცხლე; ერთგან ისინი შლევდებოდნენ, მეორეგან კი ურიცხვი ამაო აღთქმით მახრუებდნენ, ხოლო შენ ფარულად იყენებდი მათსა და ჩემსაგ სიბილწეს, რათა სათანადოდ წარგემართა ჩემი ნაბიჯი<sup>43</sup>. რადგანაც ჩემი სიმშვიდის დამრღვევთათვის სამარცხვინო სიშლეგეს დაეფსო თვალი, ხოლო უკეთესი ხვედრის მიმართ ჩემი მხმობელნი ამქვეყნიური სიბრძნით იყვნენ ბრძენნი. და მე, ვისაც კართაგენში მთელის არსებით მძულდა ნამდვილი ტანჯვა, დაუოკებლად მივიღტვოდი რომში - მოჩვენებითი ბედნიერებისაკენ.

15. შენ იცი, უფალო, რატომაც ვტოვებდი კართაგენს და რომში მივემგზავრებოდი, მაგრამ არავითარი ნიშანი არ მოგიცია არც ჩემთვის და არც დედაჩემისთვის, რომელიც მწარედ ტიროდა ჩემი გამგზავრების გამო და უნდოდა თვით ზღვამდე გავეცილებინე. გამწარებული ჩამფრენოდა ორივე ხელით, რათა ან უკან დავებრუნებინე, ან ჩემთან ერთად წამოსულიყო. მაგრამ მე ვიცრუე და თავი ისე მოვაჩვენე, ვითომ მეგობართან ვაპირებდი დარჩენას, რომელიც ზურგსქარსლა უციდა გასამგზავრებლად.

დიახ, დედაჩემს ვეცრუე, და მერე რანაირ დედას! ასე დავუსხლტი ხელიდან. მაგრამ შენმა გულმონწყალებამ ესეც მომიტევა; შენ დამითარე, მწვირითა და სილირწით საფსე, ზღვის გაღვებისგან, რათა შენი მადლის ცხოველმყოფელ წყაროსთან მიგეყვანე, რომ მასში განბანილს ამომეშრო დედაჩემის ცრემლები, რომლებითაც შენს წინაშე უხვად რწყავდა მინას, ჩემზე მგირალი. არასდიდებით არ უნდოდა უჩემოდ გაბრუნებულიყო უკან, და მე რის ვაივავლახით დავარწმუნე, ის ღამე ნეგარი კიპრიანეს<sup>44</sup> სამლოცველოში გაეტარებინა, რომელიც ჩვენი ხომალდის მახლობლად იდგა. სწორედ იმ ღამეს ვავიპარე, ის კი ნაპირზე დარჩა, ჩემზე მგირალი და მლოცველი.

მაინც რას გევედრებოდა, უფალო, ცრემლების ფრქვევით? იმას, რომ გამგზავრების საშუალება არ მოგეცა ჩემთვის? მაგრამ მის მთავარ სათხოვარს რომ უსმენდი, შენი უღრმესი ზრახვის თანახმად, ანგარიში არ ვაგინევი მისი იმჟამინდელი თხოვნისათვის, რათა იმად გექციე, რასაც ის მარადჟამ გთხოვდა.

დაჰხერა ქარმა, გაშლილ იალქნებს ეკვეთა და მალე ჩვენი ნაპირიც თვალს მიეთარა, სადაც, დილაუთენია, მწუხარებისაგან შეშლილი დედაჩემი ყურთასმენას გიყრუებდა თავისი გმინვითა და მოთქმა-გოდებით, რისთვისაც ყურადღება არ მივიქცევი, რადგანაც ჩემი ვნებების ძახილზე მიმაქროლებდი, რათა სამუდამოდ დაგეთრგუნა იგივე ვნებები, დედაჩემის ხორციელ ჭმუნვას კი მართალი სამართლით სჯიდა ტკივილის შოლტი როგორც ყველა დედას, მასაც უნდოდა ყოველთვის გვერდით ვყოლოდი, მაგრამ მისი სურვილი კიდევ უფრო მძაფრი იყო,

<sup>43</sup> შდრ. ფსალმ. 39, 3; სიბრძნე სოლომ. XX, 24.

<sup>44</sup> კიპრიანე (დაიბ. დაახლ. 200 წ.) - კართაგენის ეპისკოპოსი, რომელსაც 258 წლის 14 სექტემბერს თავი მოჰკვეთეს იმპერატორების პუბლიუს ლიცინიუს ვალერიანუსისა (253-260 წ.) და მისი ძის გალიენუსის (253-268 წ.) ბრძანებით. ეკლესიის მიერ კიპრიანე წმიდანად იქნა შერაცხილი.

ვიდრე სხვა დედებისა, და არ იცოდა, რამხელა სიხარულს აღუთქვამდი იმით, რომ ჩემს თავს ამორებდი. არა, არ იცოდა და ამიგომაც გიროდა ასე მწარედ, რაც თვალნათლივ ავლენდა მასში ევას შემკვიდრეს: გირილით ეძებდა იმას, რაც გირილით ეშვა<sup>45</sup>. დიდხანს მოსთქვამდა საბრალო, დიდხანს მეძაცდა ცრუსა და გულქვას, მაგრამ ბოლოს მაინც ლოცვა დაიწყო, რათა შენტვის შევედრებინა ჩემი თავი, და ისევ თავის ჩვეულებრივ საქმიანობას დაბრუნებოდა; ხოლო მე რომში ჩავედი.

## IX

16. და აი, თავისი შოლგით მიწია ხორციელმა სნეულებამაც: უკვე ჯოჯოხეთს ვეშურებოდი და თან მიმქონდა ჩემი ცოდვები, რომლებიც ჩავიდინე არა მარტო შენს წინაშე, არამედ ჩემი თავისა და სხვების მიმართაც, - გრძელი და მძიმე ჭაჭვი, დასაბამიერი ცოდვის ბორკილზე გამობმული, ცოდვისა, რომლითაც „ყველანი ვკვდებით ადამში“<sup>46</sup>. შენ ჯერაც არაფერი მოგეცევიან ჩემთვის ქრისტეს მიერ, რადგანაც მას ჯერ კიდევ არ გაექარწყლებინა თავისი ჯვარცმით მგრობა<sup>47</sup>, რასაც შენს მიმართ მიღვივებდნენ ჩემი ცოდვები. რანაირად შეეძლო მისი გაქარწყლება იმ ჯვარცმულ აჩრდილს, რომელიც მაშინა მწამდა?<sup>48</sup> რამდენადაც მოჩვენებითი მეგონა მაშინ მისი ხორციელი სიკვდილი, იმდენადვე ნამდვილი იყო ჩემი სულიერი კვდობა, და რამდენადაც ნამდვილი იყო მისი ხორციელი სიკვდილი, იმდენადვე მოჩვენებითი იყო ჩემი სულიერი სიცოცხლე, რომელსაც არ სწამდა იგი.

ციებ-ცხელებამ მიმაგა. აშკარად ვგრძნობდი, რომ ვკვდებოდი. სად წავიდოდი, მაშინ რომ მოვმკვარიყავი? რაღა თქმა უნდა, შენი მართალი მსჯავრით, - მხოლოდ ცეცხლის გენასა და საგანჯველში, რასაც, ჩემი უკეთურების გამო, საესებით ვიმსახურებდი. დედაჩემმა კი არ იცოდა ეს, და მაინც, ჩემგან შორს მყოფი ჩემთვის ლოცულობდა. შენ კი ყველგან მყოფო, იქ შეინყნარე მისი ლოცვა, სადაც დედაჩემი იყო, ხოლო მე იქ შემინყალე, სადაც ვიყავი. ასე რომ, მოვმკობინდი და კვლავ სააქაოსაკენ ვიბრუნე პირი, თუმცა ჯერ კიდევ სნეული იყო ჩემი ღვთისმგმობი გული. მე ხომ თვით ამ საშინელი განსაცდელის ჟამსაც არ ვისურვე შენი ნათლობით მოვნათლულიყავი. რამდენად უკეთესი ვიყავი სიყმანვილისას, როცა ღვთისმოსავლ დედაჩემს ვთხოვდი სასწრაფოდ მოვენათლე. ჩემდა სამარცხვინოდ, გავიზარდე და, დამთხვეული, დაუცინოდი შენს სალბუნსა და ნამლობას, მაგრამ შენმა გულმონყალებამ არ იწება, რომ ღვთის პირიდან გადავარდნილი ორმაგი სიკვდილით მოვმკვდარიყავი<sup>49</sup>. ამნაირ იარას რომ მოეწყლა დედაჩემის გული, ნამდვილად ვერ

<sup>45</sup> შდრ. დაბად. III, 16.

<sup>46</sup> I კორ. XV, 22.

<sup>47</sup> შდრ. ეფეს. II, 16.

<sup>48</sup> როგორც ვიცით (იხ. მესამე წიგნის შენ. 25), მანიქეველები გადაჭრით უარყოფდნენ განკაცებას, რადგანაც ეს ღვთაებრივი ბუნების მუდმილად მიაჩნდათ. და რაკი ქრისტეს არასოდეს შეუმოსავს ადამიანური სხეული, ამიტომ, ცხადია, მისი ჯვარცმაც მოჩვენებითი იყო.

<sup>49</sup> ხორციელი და სულიერი სიკვდილი იგულისხმება.

გალარობდებოდა. საცოდავს მზე და მთვარე ჩემზე ამოსდიოდა, თავს მეველებოდა, მელლოლიავებოდა და, ჩემი გაჩენის დღიდან მოყოლებული, უფრო მესათუთებოდა სულით, ვიდრე იმ ცხრა თვის მანძილზე, როცა მუცლით მატარებდა.

17. არა, არ ვიცი რა გადაარჩენდა, ჩემი სიკვდილის, და თანაც ამნაირი სიკვდილის ამბავს მახვილივით რომ განეწონა მისი სიყვარულით მფეთქავი გული. ვის მიმართ აღავლენდა ესოდენ გულმხურვალე და უწყვეტ ლოცვა-ვედრებას, თუ არა შენს მიმართ, მხოლოდ შენს მიმართ, უფალო? და განა შენ, გულმონყალეთა ღმერთო, ზიზღით დახედავდი წმინდა და ღმობიერი ქვრივის „მოდრეკილსა და მორჩილ გულს“?<sup>50</sup> ქვრივისა, უშურველად რომ გასცემდა მონყალებას, დაუბარებლად მსახურებდა შენს ერთულ მსახურთ, და დღე ისე არ გავიდოდა, რომ შესანიშნავი არ დაედო შენს საკუთხეველზე<sup>51</sup>. დღეში ორჯერ, დილა-სალამოს, დადიოდა შენს ეკლესიაში, მაგრამ იმისთვის კი არა, რომ ჭორიკნების მითქმა-მითქმა თუ დედაბრების ჩითფიფი მოესმინა, არამედ იმ მიზნით, რომ შენი ხმა სმენოდა შენივე სიციყვებიდან და შენთვისაც მოენვდინა ხმა თავისი ლოცვა-ვედრებით. და ნუთუ ზიზღით დახედავდი მის ცრემლებს, ხელს აიღებდი და შენვენას არ აღირსებდი იმას, ვინც ოქრო-ვერცხლს, ან სხვა ხრწნადსა და მსწრაფლწარმავალ სიკეთეს კი არა გთხოვდა, არამედ მხოლოდ ერთ რამეს გვედრებოდა: გეხსნა მისი შეცთომილი ძის სული? არა და არა, უფალო, შენ გვერდით იდექ, გესმოდა მისი ხმა და ყველაფერი ისე წარმართე, როგორც შენი წინასწარგანჩინებით გადაგენყვიტა. შეუძლებელია იმ ხილვებითა თუ პასუხებით მოგეტყუებინა, რომელთაგანაც მხოლოდ ზოგი მოვიხსენიე, ზოგი კი არა, და რომელთაც სათუთად ინახავდა გულის სიღრმეში, რათა ლოცვისას ისე წარმოედგინა შენთვის, როგორც შენივე ხელწერილი. რადგანაც თვითონვე იხებე, რაკილა „მარადიულია შენი წყალობა“<sup>52</sup>, თავს გედო შენი აღთქმის აღსრულება, და ამრიგად, იმათი მოვალე ყოფილიყავი, ვისაც თვითონვე მიუტყეებ მათ ვალს.

## X

18. ამრიგად, შენ განმკურნე ამ სნეულებისაგან და იხსენი „შენი მხევლის ძე“<sup>53</sup>, მართალია, ჯერ მხოლოდ ხორციელად, რათა საშუალება გქონოდა უფრო ქმედითი და საიმედო ხსნითაც დაგეხსნა იგი.

მე რომშიაც დაფუკავშირდი ცრუთა მიერ ცთუნებულ ამ ცრუ წმიდანებს; ამჯერად, არა მარტო „მსმენელებს“, რომელთა რიცხვს ეკუთვნოდა ჩემი მასპინძელი, ვის სახლშიაც მოვიხადე ავადმყოფობა, არამედ იმათაც, ვისაც „რჩეულებს“<sup>54</sup> უწოდებენ. კვლავინდებურად

<sup>50</sup> ფსალმ. 50, 19.

<sup>51</sup> ე.ი. პური და ღვინო ევქარისტიისთვის.

<sup>52</sup> ფსალმ. 117, 1; 137, 8.

<sup>53</sup> ფსალმ. 115, 7.

<sup>54</sup> „მსმენელები“, „რჩეულები“ - იხ. მესამე წიგნის შენ. 25.

მეჩვენებოდა, რომ ჩვენ კი არ ვცოდავდით, არამედ რომელიღაც სხვა ბუნება სცოდავდა ჩვენში; ჩემი სიამაყე ტკებოდა იმით, რომ წილი არ მედო ცოდვაში, ამიტომ თუ რაღაც სიავეს ჩავიდენდი, არამც და არამც არ ვალიარებდი ჩემს დანაშაულს, რომ „განგეკურნე, რადგანაც შენს წინაშე ვცოდე“<sup>55</sup>. მე მსიამოვნებდა გამემართლებინა ჩემი თავი და დამედანაშაულებინა ვიღაც სხვა, რომელიც ჩემში იყო, მაგრამ ჩემს თავთან არასოდეს გამეიგივებინა იგი. თუმცა სინამდვილეში ერთი ვიყავი, მაგრამ ჩემმა სვედესილობამ გამაორა და ჩემს თავსვე დამაპირისპირა: ცოდვა მით უფრო უკურნებელი ჩანდა, რომ ცოდვილად არ მიმაჩნდა თავი; ჩემ ამბზრზენ უსამართლობას ის უფრო სურდა, ყოველისმძლეო, რომ, ჩემსავ წარსანყმედად, შენ ყოფილიყავი ძლეული ჩემში, ვიდრე შენ თვითონ გეძლიე ჩემდა სახსნელად. რადგანაც „ჯერ კიდევ არ მიგეჩინა გუშავი ჩემი პირისათვის, და არ მოგვბლუდა ჩემი ბაგეების კარი, რათა უკეთურ სიგყვათა მიმართ არ მიქცეულიყო ჩემი გული, რომ უსამართლობის მოქმედთა მსგავსად მიგვევა ეძებნა თავისი ცოდვებისათვის“<sup>56</sup>. აი, რატომ განვაგრძობდი „რჩეულებთან“ ურთიერთობას, თუმცა იმედი კი აღარა მექონდა, რომ რაღაც სასარგებლოს ვპოვებდი მათ მოძღვრებაში. და მაინც, გადანყვეტილი მექონდა, მანამდე არ გამენყვიტა კავშირი მათთან, სანამ უკეთესს არ მივაკვლევდი რასმე, თუმცა მანიქვევლებზე გულაყრილს სულ უფრო და უფრო მიჭირდა ამ კავშირის შენარჩუნება.

19. ერთხანს იმასაც კი ფიქრობდი, რომ ფილოსოფოსთა შორის სიბრძნით ყველას ჩრდილავდნენ ეგრეთწოდებული აკადემიკოსები, რომელთა აზრითაც, ყველაფერი საეჭვოა, ხოლო ჭეშმარიტება საერთოდ მიუწვდომელია ადამიანისათვის<sup>57</sup>. სხვებთან ერთად მეც მეგონა, რომ სწორედ ამას ამტკიცებდნენ ისინი, მაგრამ მათი ჭეშმარიტი ზრახვა ჩემთვის ჯერ კიდევ გაუგებარი იყო.

ყოველნაირად ვცდილობდით დამერწმუნებინა ჩემი მასპინძელი, რომ ბრმად არ უნდა ნდობოდა ამ ცრუ არაკებს, რომლებითაც საფსვა მანიქვევლთა წიგნები. მაგრამ კვლავინდებურად მჭიდრო ურთიერთობა მაკავშირებდა მანიქვევლებთან და უფრო მეგობრულად ვიყავი განწყობილი მათ მიმართ, ვიდრე იმ ხალხისადმი, ვინც ამ მწვალებელთა სექტას არ ეკუთვნოდა. მართალია, უწინდელი შემართებით აღარ ვიცავდი მათ მოძღვრებას, მაგრამ მათთან სიახლოვე (ხოლო რომს იმხანად უამრვი მანიქვევლი ატარებდა თავს) ხელს მიშლიდა იმაში, რომ უკეთესი მოძღვრება მეძია, და, ეგეც არ იყოს,

<sup>55</sup> ფსალმ. 40, 5.

<sup>56</sup> ფსალმ. 140, 3-4.

<sup>57</sup> 388 წელს (ძვ.წ.ა.) ატიკელი გმირის აკადემოსის სახელობის ჭალაში პლატონმა დააარსა თავისი სახელგანთქმული „აკადემია“, რომელმაც თითქმის ათი საუკუნე იარსება (ვიდრე 529 წელს ბიზანტიის იმპერატორმა იუსტინიანემ საგანგებო ბრძანებით არ გააუქმა იგი) და უდიდესი როლი შეასრულა ბერძნული, და არა მარტო ბერძნული, მეცნიერების განვითარების საქმეში. აკადემიის ისტორიაში გამოყოფენ სამ პერიოდს: 1. „ძველი აკადემია“ (388-270 ძვ.წ.ა.); 2. „საშუალო აკადემია“ (270-150 ძვ.წ.ა.) და 3. „ახალი აკადემია“ (150 ძვ.წ.ა. - 529 ახ.წ.ა.). ნეტარი ავგუსტინე სწორედ ამ უკანასკნელს გულისხმობს, რომლის წარმომადგენელთა („აკადემიკოსთა“) შორისაც თანდათანობით ძლიერდება სკეპტიკური ტენდენცია, რაც ბოლოს აშკარა აგნოსტიციზმში - სინამდვილის სრული შეუცნობლობის თაიარებაში გადადის. უფრო გვიან ახალმა აკადემიამ დასძლია სკეპტიციზმი და პლატონის, არისტოტელესა და სტოიკოსების იდეათა ეკლექტიკურ განზოგადებას შეუდგა, უწინარეს ყოვლისა, ეთიკის სფეროში. ზოგიერთ მკვლევარის აზრით, ნეტარი ავგუსტინე აკადემიკოსთა მოძღვრებას იცნობდა მხოლოდ ციყერონის „აკადემიკას“ მიხედვით, რომელიც დიდმა რომაელმა ორატორმა და ფილოსოფმა თავისი სიცოცხლის მიმწუხრს (45 ძვ.წ.ა.) დაწერა.



სასწარმევეთილს არავითარი იმედი აღარა მქონდა, ცისა და მიწის უფალო<sup>58</sup>, ყოველივე ხილულისა და უხილავის შემოქმედლო<sup>59</sup>, რომ შენს ეკლესიაში ვპოვებდი ჭეშმარიტებას, რომლისკენაც მიმავალი გზა მანიქველეებმა გადამიღობეს; ამიგომაც სამარცხვინოდ მიმაჩნდა იმისი რწმენა, რომ შენ ადამიანივით ხორციელი არსება ხარ, ჩვენი სხეულის გარსით მობლუდულ ვინრო თვარვლებში მოქცეული<sup>60</sup>. მაგრამ როდესაც ვცდილობდი წარმომედგინა ჩემი ღმერთი, ვერათერსაც ვერ ვხედავდი, სხეულებრივი სიდიდის გარდა, და მე მეგონა, რომ საერთოდ არა არის რა სხეული: აი, სწორედ ეს იყო ჩემი საბედისწერო ცთომილების მთავარი და, ალბათ ერთადერთი მიზეზიც.

20. ამიგომ ბოროტებაც ასეთივე სუბსტანციად წარმომედგინა<sup>61</sup>, ბნელ და უფორმო სიდიდედ; ის ხან მკვრივი იყო, რასაც ისინი მიწას უწოდებდნენ, ხან კი ჰაერივით ისვიათ და ნატიფი: მათი წარმოდგენით, ეს იყო მიწაზე მცოცავი ბოროტი სული. და რადგანაც თვით ჩემი უბადრუკი ღვთისმოსაობაც კი მაიძულებდა მერწმუნა, რომ შეუძლებელია კეთილ ღმერთს შეექმნა თუნდაც ერთი ბოროტი არსება, ამიგომაც გადაფწყვიტე, რომ არსებობს ორი ურთიერთსაპირისპირო სიდიდე, და ორივე უსასრულოა, თუმცა სიკეთე, ჩემი აზრით, მაინც უფრო ვრცლად იყო განფენილი, ვიდრე ბოროტება<sup>62</sup>. ამ მოწამლული სათავიდან იღებდა დასაბამს მთელი ჩემი ღვთისმგებლობა.

და მართლაც, როცა ჩემი სული ცდილობდა კვლავ დაბრუნებოდა კათოლიკურ სარწმუნოებას, დაუყოვნებლივ უკუმაგდებდა რაღაც უხილავი ძალა; რადგანაც ჩემი წარმოდგენა ამ სარწმუნოებაზე ნაკლებად შეესაბამებოდა მის ნამდვილ არსს. მე უფრო დიდ ღვთისმოსაობად მიმაჩნდა იმისი რწმენა, უფალო, (ვის გულმონწყალებასაც თვითონვე ვმონებ ჩემი აღსარებით), რომ ყოველმხრივ უსაზღვრო და უსასრულო ხარ, თუმცა იძულებული ვიყავი ერთ რამეში მაინც შელიარებინა შენი საზღვრულობა, კერძოდ, იქ, სადაც ბოროტება მთელი თავისი საზარელი სიდიდით გიპირისპირდება; ღიახ, ეს უფრო დიდ ღვთისმოსაობად მიმაჩნდა, ვიდრე იმის აღიარება, რომ ყოველმხრივ ადამიანური სხეულის თორმითა ხარ შემოსაზღვრული. მე მეგონა, უძკობესი იყო მერწმუნა, რომ შენ არ შეგიქმნია

<sup>58</sup> დაბად. XXIV, 3.

<sup>59</sup> კოლ. I, 16.

<sup>60</sup> იხ. აქვე, შენ. 48.

<sup>61</sup> ამ მცდარი აზრის საპირისპიროდ, ბოროტების არასუბსტანციურობის შესახებ იხ. შენიშვნები, წიგნი მესამე, 39.

<sup>62</sup> იხ. შენიშვნები, წიგნი მესამე, 25... აქვე უნდა ითქვას შემდეგი: ღვთაებრივი არსის წარმოდგენისას მანიქველეებისათვის უცხო იყო ყოველგვარი ანთროპომორფიზმი, მაგრამ ისინი ვერ ამაღლდნენ ღმერთის, როგორც სულის ცნებად. ღვთაებრივ სუბსტანციას ისინი სინათლესთან აიგივებდნენ. თანაც სინათლე არა მარტო ღვთაების სინათლედ მიაჩნდათ, არამედ მის საკუთარ არსადაც (ნეტარი აგუსტინე, „მწვალელობისათვის“, 46; „ნეტარი ცხოვრებისათვის“, 4). ამრიგად, მანიქველეებისათვის ღმერთი იყო სხეულებრივი სინათლე, ანუ, ნეტარი აგუსტინეს სიტყვებით რომ ვთქვათ, უზარმაზარი „სხივოსანი სხეული“ („აღსარებანი“, III, X, 20), უკიდევანოდ განფენილი სამყაროს ზედა ნაწილში. მათ მოძღვრებაში ვერსად შეხვდებით მკვეთრად გამოხატულ იდეას ღმერთის აბსოლუტურობის შესახებ. მანიქველთა კეთილი ღმერთი მხოლოდ ბოროტ სანყისებზე უზენაესია. მართალია, ისინი მარტოოდენ მას მიაგებენ ღვთაებრივ პატივს, მაგრამ მთელ სამყაროულ სივრცეს კი თანაბრად ანაწილებენ მასა და სიბნელის მთავარს შორის. თუმცა ზოგჯერ ეს კეთილი ღმერთისათვის შეუფერებლად მიაჩნდათ, და მაშინ ერთგვარად ზღუდავდნენ ბოროტების საუფლოს, რომელიც სინათლის სფეროში შეჭრილი სოლის სახით წარმოედგინათ, ყოველი მხრიდან შემოსაზღვრული მხოლოდ ქვემოთ რომ ვრცელდება უსასრულოდ. ზოგჯერ კი, იმავე მიზნით, სინათლესა და სიბნელეს შორის სივრცელს ათავსებდნენ („ფაუსტუსის წინააღმდეგ“, 4, 2), რომელიც ერთგვარ ნეიტრალურ ზონად მიაჩნდათ.

არავითარი ბოროტება (ჩემი უმეცრების გამო არა მარტო ერთგვარ სუბსტანციად მიმაჩნდა იგი, არამედ სხეულბრივ სუბსტანციადაც, ვინაიდან თვით ჩემს გონებასაც არ შეეძლო მისი წარმოდგენა სხვა რამედ, თუ არა უნატიფეს სხეულად, რომელიც, მიუხედავად ამისა, სივრცეში იყო გათქვეფილი), ვიდრე მეღიარებინა, რომ შენგან იღებს დასაბამს ის, რაც ბოროტებად მესახებოდა. რაც შეეხება მაცხოვარს ჩვენსას, შენს მხოლოდშობილ ძეს, ჩემი წარმოდგენით, ის შენი სხივოსანი სხეულის გამონაშეუქი იყო, ამ ქვეყნად ჩვენდა სახსნელად ჩამოსული<sup>63</sup>, და არ ვენდობოდი არაფერს, გარდა ჩემივე ფუჭი წარმოსახვისა, რომლის თანახმადაც, ამნაირი ბუნება შეუძლებელია ისე დაბადებულიყო ღვთისმშობლისაგან, რომ ხორციელ ბუნებას არ შეზავებოდა, მაგრამ ვერ წარმომედგინა, რანაირად შეიძლებოდა ხორციელ ბუნებას შეზავებოდა და შეუბღალავი კი დარჩენილიყო. ამიტომაც მეშინოდა მისი განკაცება მერწმუნა, რათა იძულებული არ ვყოფილიყავი მეღიარებინა, რომ ადამიანის ხორციით შეიბღალა.

ეს ჩემი „აღსარებანი“ ღღეს რომ ჩვენს სულიერ მოძღვრებს ჩაუვარდეთ ხელში, ალბათ, ალერსითა და სიყვარულით დამაყრიან სიცილს, მაგრამ სწორედ ასეთი ვიყავი მე.

XI

21. ეგეც არ იყოს, მე ვფიქრობდი, რომ შეუძლებელი იყო შენი საღმრთო წერილის იმ ადგილების დაცვა, რომლებსაც თავს ესხმოდნენ მანიქეველები<sup>64</sup>. თუმცა ზოგჯერ მაინც მინდოდა ცალ-ცალკე განმეხილა ესა თუ ის ადგილი საღმრთო წერილში საფუძვლიანად განათულ რომელიმე სწავლულთან ერთად, რათა გამეგო მისი აზრი ყოველივე ამის შესახებ.

ჯერ კიდევ კართაგენში ჩემზე დიდი შთაბეჭდილება მოახდინა ვინმე ელპიდისმა<sup>65</sup>, რომელიც საჭაროდ ილაშქრებდა მანიქეველების წინააღმდეგ: ძნელი იყო წინ აღდგომოდი მის სიგყვებს საღმრთო წერილის შესახებ. მანიქეველთა პასუხები მით უფრო უსუსური მეჩვენებოდა, რომ ისინი თავს არიდებდნენ საჭარო პაექრობას და საიდუმლოდ გვიზიარებდნენ თავიანთ მოსაზრებებს: მათი მგვიცებით, ახალი აღთქმა გაყალბებული იყო მავანთა მიერ, რომელთაც სურდათ ქრისტიანულ სარწმუნოებაზე დაემყნათ იუდეველთა სჯული, თუმცა თავიანთი მოსაზრების დასტურად ვერც ერთ წერილობით საბუთს ვერ გვიჩვენებდნენ<sup>66</sup>. მე კი კვლავაც ზემოხსენებულ სხეულბრივ სიდიდეებზე ვფიქრობდი, და,

<sup>63</sup> მანიქეველთა ქრისტოლოგია, პირველწყაროთა სიმწირის გამო (მათი აბსოლუტური უმრავლესობა განადგურებულ იქნა) საკმაოდ ბუნდოვანია. მოკლედ, იხ. შენიშვნები, მესამე წიგნი, 25.

<sup>64</sup> უპირატესად ძველი აღთქმის ცალკეული პასაჟები იგულისხმება. მათ შესახებ იხ. პროფ. ი.ვ.პოპოვი, დასახ. ნაშრ. გვ.88-91.

<sup>65</sup> ჩვენ არავითარი ცნობები არ მოგვეპოვება ამ პოლეემისტის შესახებ.

<sup>66</sup> „მანიქეველებისათვის განსაკუთრებულ სიძნელეს წარმოადგენდა შემდეგი გარემოება: ახალი აღთქმა ხშირად იმონმებს სჯულსა და წინასწარმეტყველთ, რაც იმის მაუწყებელი იყო, რომ სახარების მქადაგებელნი სულაც არ უარყოფდნენ ძველი აღთქმის ავტორიტეტს და არც ბნელი ძალების ქმნილებად მიაჩნდათ იგი. ყველა ამნაირ შემთხვევაში მანიქეველები ძალზე მარტივად პოულობდნენ გამოსავალს: ყოველგვარი ტექსტოლოგიური თუ კრიტიკული კვლევა-ძიების, ხელნაწერთა ყოველგვარი შეჯერების გარეშე, ამნაირ ადგილებს ჩანართებად და ნაყალბევად აცხადებდნენ“ (პროფ. ი.ვ.პოპოვი, დასახ. ნაშრ. გვ.91).

როგორც მათი სიმძიმით გასრესულ ტყვეს, არ შემეძლო სული მომეთქვა, რომ შენი მარტივი ჭეშმარიტის სუფთა და მჭვირვალე ჰაერი ჩამესუნთქა.

## XII

22. გულმოდგინედ მოვკიდე ხელი იმ საქმეს, რისთვისაც რომს ჩამოვედი: რიტორიკის სწავლება დავინყე და, უწინარეს ყოვლისა, რამდენიმე შევირდს მოვეყარე თავი; მათი წყალობით უკეთ გამიცნო ხალხმა.

მაგრამ სულ მალე შევიტყვე, რომ რომში ისეთი რამ ხდება, რაც ჩემთვის სრულიად უცნობი იყო აფრიკაში: მართალია, აქაური ჭაბუკი არამზადები ყველაფერს თავდაყირა არ აყენებდნენ, - რისი მონშეც თავად გახლავართ, - მაგრამ სულ სხვა რამ მაუწყეს: იმ მიზნით, რომ მასწავლებელი გაეცურებინათ და სწავლის საფასური არ გადაეხადათ მისთვის, შევირდები თურმე პირს შეკრავდნენ და ჭგუფ-ჭგუფად გადადიოდნენ სხვა მასწავლებელთა, რადგანაც სიტყვის გამგებთ სულს ერჩიათ ფული. სამართლიანობა უფრო იათად უღირდათ. სტულდა ჩემს გულს ამნაირი უღირსნი და უკეთურნი, თუმცა არა „სრული სიძულვილი“<sup>67</sup>. შესაძლოა, უფრო იმის გამო მძულდა ისინი, რაც მათგან უნდა ამეგანა, ვიდრე იმ ზიანის გამო, რასაც სხვებს აყენებდნენ.

ამნაირი ადამიანები მართლაც უღირსნი არიან, „შენგან შორს მყოფნი რომ ეძლევიან გარყვნილებას“<sup>68</sup>, ნამიერ თავშექცევასა და ბიძურ გამოსარჩენს დახარბებულნი, მაგრამ ვაი ამნაირ გამოსარჩენს: შეეხები თუ არა, სამუდამოდ გესვრება ხელი; ამ მსწრაფლწარმავალი ქვეყნის გრთიანნი ზიზლით გიყურებენ შენ, უცვლელსა და წარუვალს, უკანვე რომ მოუხმობ და შეცოდებას მიუტევენ ადამიანის შეცთომილ სულს, რომელსაც სურს კვლავ მოგეახლოს.

მე დღესაც მძულს ამნაირი გარყვნილნი და უკეთურნი, მაგრამ, იმავდროულად, კიდევაც მიყვარს ისინი, რადგანაც მათი გამოსწორების იმედი მაქვს: დაე, ფულს ამჭობინოს მეცნიერება, რომელსაც ეუფლებიან, მეცნიერებას კი შენ გარჩიონ, უფალო ჩემო, რომელიც ხარ ჭეშმარიტება, უხრწნელი სიკეთისა და აუძღვრეველი სიმშვიდის უშრეტი წყარო. მაშინ კი უმაღლეს მინდოდა, რომ არავითარი საქმე აღარ მეჩონოდა მათთან, ბოროტს რომ იზრახავდნენ ჩემთვის, ვიდრე ის, რომ კეთილნი ყოფილიყვნენ შენს მიმართ.

<sup>67</sup> ფსალმ. 138, 22.

<sup>68</sup> ფსალმ. 72, 27.

XIII

23. ამიგომ, როცა მედიოლანელებმა თხოვნა აახლეს რომის პრეფექტს<sup>69</sup>, იქნებ რიტორიკის მასწავლებელი გვიმოვლო და უფლება მისცე, სახაზინო ეგლით ჩამოვიდესო, - ცდა არ დამიკლია, რომ ამ ადგილზე გავემწესებინეთ, რისთვისაც თავიანთი ფუჭი ზმანებებით მთვრალი მანიქველები მოვიშველიე, რათა საშუალოდ გავცლოდი მათ, თუმცა მაშინ არც მე და არც მათ აზრადაც არ მოგვსვლია ეს. სიგყვის წარმოთქმა შემომთავაზეს. იმხანად რომის პრეფექტი სიმმაქე<sup>70</sup> იყო, რომელმაც მოიწონა ჩემი სიგყვა და მედიოლანუმს წარმგზავნა.

მედიოლანუმში ეპისკოპოს ამბორისის<sup>71</sup> ვენვიე; ეს იყო საქვეყნოდ სახელგანთქმული, უკეთესთა შორის უკეთესი კაცი, შენი ერთგული მსახური, ვინც თავისი ქადაგებებით გამუდმებით სთავაზობდა შენს ხალხს „ნოყიერ ხორბალს, სიხარულის ზეთსა და სიფხიზლის ღვინოს“<sup>72</sup>. ჩემს დაუკითხავად მიმგვარე მას, რათა მას ჩემივე ნებით მოვეყვანე შენთან.

ამ „ღვთის კაცმა“<sup>73</sup> მამაშვილური სიყვარულით მიმიღო და ეპისკოპოსის ღირსებით დამიდასტურა თავისი სიხარული ჩემი ჩასვლის გამო<sup>74</sup>. მე მაშინვე შევიყვარე იგი, მართალია, არა როგორც ჭეშმარიტების მასწავლებელი (რადგანაც უკვე აღარა მქონდა იმის იმედი, რომ შენი ეკლესიის წიაღში ვპოვებდი ჭეშმარიტებას), არამედ როგორც ჩემი კეთილმოსურნე. გულმოდგინედ ვუსმენდი მის საუბარს ხალხთან, მაგრამ არა იმ მიზნით, რა მიზნითაც უნდა მესმინა, არამედ რათა დავრწმუნებულიყავი, მართლა ისეთი დიდებული მჭევრმეტყველი იყო თუ არა, როგორც ამბობდნენ, და ამრიგად, გამეგო, ვადამეტებულად ხომ არ აქებდნენ, თუ პირიქით, მეცის ღირსიც იყო. საგულდაგულოდ ვწონიდი მის სიტყვებს, მაგრამ დაუდევრად უგულვებლყოფიდი მათ შინაარსს. მე ვგვკებოდი მისი მომხიბლაფი სიტყვით, რომელშიაც გაცილებით მეტი ცოდნა იყო ჩაქსოვილი, მაგრამ სინატიფითა და დახვეწილობით კი ჩამოუვარდებოდა ფაუსტუსის სიტყვას. რაც შეეხება შინაარსს, ამ მხრივ მათი შედარება შეუძლებელი იყო, რადგანაც ერთს მანიქველთა სიყალბის უსიერ გვერში დაეხნა გზა, მეორე კი ნამდვილი მხსნელივი გემოდღვრავდა, თუ როგორ გვეხსნა სული. მაგრამ „შორსაა ხსნა ცოდვილთაგან“<sup>75</sup>, მე კი ცოდვილი ვიყავი მაშინ, თუმცა, ქვეშეცნეულად, თანდათანობით ვუახლოვდებოდი ხსნის გზას.

<sup>69</sup> რომის პრეფექტის (praefectus urbis) უფლება-მოვალეობათა შესახებ იხ. მ.სერგენკო, დასახ. ნაშრ. გვ.38-40.

<sup>70</sup> ცნობილი რომაელი ორატორი და სახელმწიფო მოღვაწე კვინტუს ავრელიუს სიმმაქე (დაახლ. 345-403 წ.) რომის პრეფექტი იყო 384-385 წ.

<sup>71</sup> იხ. პირველი ნიგნის შენ. 4.

<sup>72</sup> იხ. ფსალმ. 80, 17; 103, 15; 44, 8.

<sup>73</sup> IV მეფ. I, 9.

<sup>74</sup> შდრ. I ტიმ. III, 2.

<sup>75</sup> ფსალმ. 118, 155.

XIV

24. მართალია, არ მიცდია იმის შესწავლა, რასაც ის ლაპარაკობდა, მაგრამ გულდასმით ვაკვირდებოდი მის მეტყველებას (არა, იმედი აღარა მქონდა, რომ ადამიანის წინაშე შეიძლებოდა გახსნილიყო გზა, რომელსაც შენსკენ მოვყავართ, მაგრამ სიტყვისადმი ამნაირი დამოკიდებულება სასომიხდისადაც კი შემომრჩა). თუმცა იმ სიტყვებთან ერთად, რომლებსაც ასეთი სიამოვნებით აღვიქვამდი, ჩემში თავისთავად შემოდიოდა იმავე სიტყვებით გამობატული აზრი, რის მიმართაც ესოდენ გულგრილად ვიყავი განწყობილი: მე არ შემიძლო ერთმანეთისაგან გამეცალკეეებისა ისინი, და როცა ჩემს გულს ვუშლიდი იმას, რაც ესოდენ მოხდენილად იყო ნათქვამი, შიგ, მართალია, ნელ-ნელა და თანდათანობით, მაგრამ მაინც შემოდიოდა ის ჭეშმარიტება, რომელიც ესოდენ მომხიბლავი სიტყვებით იყო გამოთქმული.

უწინარეს ყოვლისა, მე შევნიშნე, რომ შეიძლებოდა მისი აზრების დაცვა, და უკვე აღარ ვფიქრობდი, რომ მხოლოდ უგითრობას თუ შეეძლო ხმა აემაღლებინა კათოლიკე სარწმუნოების მხარდასაჭერად, რომლის დაცვაც მანიქეველთა თავდასხმისაგან აქამდე შეუძლებელი მეგონა. განსაკუთრებით დიდი შთაბეჭდილება მოახდინა ჩემზე ძველი აღთქმის არა ერთი და ორი ბუნდოვანი ადგილის ახსნამ, რადგანაც მათი სიტყვასიტყვით განმარტება მომაკვდინებლად მოქმედებდა ჩემზე<sup>76</sup>. მაგრამ მას შემდეგ, რაც მოვისმინე საღმრთო წერილის ცალკეულ ადგილთა სპირიტუალური განმარტება<sup>77</sup>, ჩემს თავს ყვედრება დაუწყე იმ სასონარკვეთილების გამო, რასაც განვიცდიდი იმის შედეგად, რომ მჯეროდა, თითქოს შეუძლებელი იყო წინ აღვდგომოდით მათ, ვისაც სძულს და სასაცილოდაც არ ჰყოფნის საღმრთო წერილი და წინასწარმეტყველნი<sup>78</sup>.

თუმცა მე მაინც არ მეგონა, რომ ეკლესიის გზას უნდა გავეყოლოდი: განა კათოლიკე სარწმუნოებას აკლდა გამოცდილი და ღრმად განსწავლული დამცველნი, რომელთაც შეეძლოთ ერთიმეორის მიყოლებით გაებათილებინათ მოპირისპირეთა მოსაზრებანი? მაგრამ მე არც ის მინდოდა, რომ ერთბაშად მექცია ზურგი ჩემი თანამოაზრეებისათვის, რადგანაც ორივე მხარე ცოლძალი ჩანდა. კათოლიკე სარწმუნოება ძლეული როდი მეგონა, თუმცა არც გამარჯვებულად მიმაჩნდა.

<sup>76</sup> შტრ. II კორ. III, 6: „ასო კლავს, ხოლო სული აცოცხლებს“.

<sup>77</sup> წმიდა ამბროსი მედიოლანელი სწორედ სპირიტუალურ-ალეგორიული მეთოდით განმარტავდა საღმრთო წერილს, რასაც თვალნათლივ გვიმონწმებს მისი ტრაქტატი „Hexameron“ („ექვსთა დღეთათვის“), რომელიც ბასილი დიდის იმავე სათაურის მქონე თხზულებითაა შთავონებული. „ცხრა სიტყვისაგან შემდგარ ამ თხზულებაში, შესაქმის ექვს დღეს რომ ეხება, - წერს შუა საუკუნეების ფილოსოფიის ცნობილი ფრანგი მკვლევარი ეტიენ უილსონი, - ამბროსი ფართოდ იყენებს ალეგორიულ ინტერპრეტაციას, რაც ზოგჯერ თითქოს უწონადს ხდის საღმრთო წერილის სიტყვებს. მაგრამ სანანებლად ნუ დავგვრჩება ეს მეტისმეტობა, რადგან მილანის ეპისკოპოსს რომ უსმენდა, რომელიც ალეგორიულად განმარტავდა ბიბლიას, ნეტარი ავგუსტინე სწორედ ამის წყალობით მიხვდა, რომ „სიტყვა კლავს, ხოლო სული აცოცხლებს“ (E.Gilson, La philosophie au moyen âge, Paris, 1962, p.112).

<sup>78</sup> იგულისხმებიან მანიქეველები.



25. სწორედ მაშინ იყო, თავდაუზოგავად რომ ვცდილობდი ეჭვშეუვალ საბუთებზე დაყრდნობით მემხილებინა მანიქველთა სიცრუე. ჩემს გონებას რომ შესძლებოდა სულიერი სუბსტანციის წარმოდგენა, მთელ მათ გამონაგონს ხელის ერთი მოსმით აღვგვიდი პირისაგან მიწისა და მეც სამუდამოდ მოვისვენებდი, მაგრამ ვაი რომ ამნაირი სუბსტანციის წარმოდგენა არ შეეძლო. თუმცა აქვე უნდა ითქვას: ჩემი გულმოდგინე განხილვისა და ურთიერთშეჯერების შედეგად იმ დასკვნამდე მივედი, რომ ფილოსოფოსთა უმრავლესობას გაცილებით უფრო სწორი წარმოდგენა ჰქონდა სამყაროსა და ბუნების შესახებ, რომლებსაც გრძნობებით აღვიქვამთ.

ასე, აკადემიკოსებისა<sup>79</sup> არ იყოს (თუკი სწორია, რასაც გვაუწყებენ მათზე), ყველაფერზე დაეჭვებულმა და ურთიერთსაპირისპირო შეხედულებებს შორის ამდენი რყევით თავგაბებრებულმა გადაწყვიტე სამუდამოდ ჩამოვშორებოდი მანიქველებს, რადგანაც შეუძლებლად მიმაჩნდა კვლავინდებურად დავრჩენილიყავი ამ სექტაში, რომელსაც უკვე ზოგიერთი ფილოსოფოსი მერჩია; მაგრამ გადაჭრით უარყავი იმის შესაძლებლობა, რომ ამ ფილოსოფოსებისათვის მიმენდო ჩემი დაუძლურებული სულის მკურნალობა, რაკილა მათთვის სრულიად უცხო იყო ქრისტეს ყოვლისმხსნელი სახელი.

ამიტომაც გადაწყვიტე კატეხუმენად<sup>80</sup> დავრჩენილიყავი კათოლიკე ეკლესიაში, სადაც ლოცულობდა ჩემი დედ-მამა, და დავლოდებოდი ამა თუ იმ მხრიდან ანაზღაურებად გამომპრთალ შუქს, რომელიც გამინათებდა ესოდენ ძნელად საუალ გზას.

<sup>79</sup> იხ. აქვე, შენ. 57.

<sup>80</sup> იხ. პირველი წიგნის შენ. 37.

# წიგნი მთავარი

## I

1. ო, ჩემი სიჭაბუკის სასოება<sup>1</sup>, სად იყავი და სად ნახვედი? განა შენ არ შეძქმენი, შენვე არ განმასხვავე ოთხთუთაგან და ცის თრინველებზე მეტი გონიერებაც არ მიბოძე? მე კი წყვილადმი დაბორილობდი მოლიპული გბით<sup>2</sup>, და ვერ ვბოულობდი ჩემი გულის ღმერთს<sup>3</sup>; ასე მივალწიე „ზღვის უთსკრულს“<sup>4</sup>; რწმენადაკარგულს აღარ მქონდა იმის იმედი, რომ ოღესმე ვეზიარებოდი ჭეშმარიტებას.

მედიოლანუმს ჩამოვიდა დედაჩემი<sup>5</sup>, ვისი რწმენაც ურყევი იყო. ათასნაირ საფრთხესა და განსაცდელში შენს მონყალებას მონდობილი კვალდაკვალ მომყვა ხმელსა და ზღვაზე. როცა ტალღები წალეკვას უქადდნენ ხომალდს, თვითონვე ანუგეშებდა ზღვაოსნებს, რომლებიც, ჩვეულებრივ, იქით ამხნევებენ და აიმედებენ გამოუცდელ მგზავრებს, როცა მათ შიში აიგანს ხოლმე. დედაჩემი კი ზღვაოსნებს ანუგეშებდა, ნუ გეშინიათ, საღსალამათნი მიაღწევთ ნავსადგურსაო, რადგანაც უცნაური ხილვის მხილველს სწორედ შენ აღუთქვი ეს.

მისი ჩამოსვლისას საშინელი განსაცდელი შემუქრებოდა: იმედი აღარა მქონდა, რომ ჭეშმარიტებას მივაკვლევდი. როცა გაიგო, რომ მანიქეველი აღარ ვიყავი, თუძცა არც მართლმორწმუნე ქრისტიანი მეტქმოდა, სიხარულს არ აუტაცნია, თითქოს ამას არც მოელოდაო. თუძცა ჩემი უბედურების შემყურე შეიძლებოდა ერთის მხრივ მაინც მშვიდად ყოფილიყო: რადგანაც გამუდმებით დამტიროდა, როგორც მკვდარს, მაგრამ როგორც იმნაირ მკვდარს, რომელიც შენ უნდა აღგედგინა; მის წარმოსახვაში მე ვგავდი ქერივის იმ უსულოდ მდებარე ვაჟს, რომელსაც შენ უთხარი: „ჭაბუკო, შენ გეუბნები, აღდეგ!“<sup>6</sup> ისიც გაცოცხლდა, „აღაპარაკდა და მიეც იგი დედამისს“<sup>7</sup>. ამიგომაც არ აჩქროლებულა მისი გული უზვეულო სიხარულით, როცა შეიგყო, რომ ნანილობრივ მაინც აღსრულდა ის, რასაც დღემუდამ ცრემლების ფრქვევით გევედრებოდა; მართალია, ჭეშმარიტებას ჯერ კიდევ ვერ მივაკვლიე, მაგრამ სიცრუეს ხომ დავაღწიე თავი. დარწმუნებული იყო, რაკილა აღუთქვი, რომ მთლიანად აუსრულებდი თხოვნას, - ბოლომდე მიიყვანდი დანყებულ საქმეს; ამიგომაც ძალიან მშვიდად და რწმენით აღსავსე გულით გამანდო, ვიდრე ამ ქვეყნიდან გავალ, ჭეშმარიტ ქრისტიანად გიხილავ. ქრისტია ამის თავმდებო.

<sup>1</sup> მდრ. ფსალმ. 70, 5.

<sup>2</sup> მდრ. ფსალმ. 34, 6.

<sup>3</sup> მდრ. ფსალმ. 72, 26.

<sup>4</sup> ფსალმ. 67, 23.

<sup>5</sup> მონიკა მილანში (მედიოლანუმში) ჩავიდა 385 წლის გაზაფხულზე.

<sup>6</sup> ლუკა, VII, 12.

<sup>7</sup> ლუკა, VII, 15.

მხოლოდ ეს მიიხარა; შენს მიმართ კი, გულმონყალების უშრეტო წყაროვ, უფრო უხშირა ლოცვას და ცრემლების ფრქვევით გვედრებოდა, რაც შეიძლება სწრაფად მომშველბოდი და „სინათლედ გექცია ჩემი წყვილია“<sup>8</sup>. უფრო გულმოდგინედ დაიარებოდა ეკლესიაში და სულგანაბული უსმენდა ამბროსის, „საუკუნო სიცოცხლისაკენ მიმდინარე წლის წყაროს“<sup>9</sup>, რადგანაც უყვარდა ეს კაცი, როგორც „ანგელოსი ღვთისა“<sup>10</sup>, რაკილა გაიგო, რომ სწორედ მან აღმიძრა ეჭვი და იქამდე მიმიყვანა, სადაც მე ვიყავი ამჟამად. ამიგომ ეჭვიც არ ეპარებოდა, რომ სწეულებისაგან განვიკურნებოდი და ამდენ განსაცდელგამოვლილი გავუძლებდი ამ საშინელ გამოცდასაც, ექიმები კრიზისს რომ ეძახიან.

II

2. ერთხელ, აფრიკელთა ჩვეულებისამებრ, დედაჩემმა წმიდანთა სასაფლაოზე თაფა, პური და ზედაშე მიიგანა<sup>11</sup>, კარისკაცმა კი არ მიიღო მისი ძღვენი. როცა გაიგო, ეს ეპისკოპოსმა აკრძალაო, ისე თვინიერად დაემორჩილა მის განკარგულებას, რომ მე თვითონ გამიკვირდა, რა ადვილად უარყო თავისი ძველი ჩვეულება, აკრძალვის თაობაზე კი კრინტიც არ დაუძრავს. მეტისმეტობა არაფერში სჩვეოდა და ღვინის სიყვარული ჭემმარიტებას ვერ შეაძლებდა, ბევრი სხვა ქალისა თუ კაცის მსგავსად, რომლებსაც თხიზელთა საგალობლები ისევე ურევნ გულს, როგორც ლოთებს - წყლის დანახვა. როცა კალათით მიჰქონდა ხოლმე საკურთხი, რომლისთვისაც ჯერ თვითონ უნდა გაესინჯა გემო, შემდეგ კი უპოვართათვის ჩამოერიგებინა, თავისთვის მხოლოდ პაგარა თასით იგოვებდა ღვინოს, და ისიც - წყლით გაზავებულს, როგორ კარნახობდა მისი ზომიერება. თრიოდე ყლუპს თუ მონრუპავდა, რათა კუთვნილი მიეგო ჩვეულებისათვის. ხოლო როცა მრავალი მიცვალებულის სული უნდა მოეხსენიებინა, იმავე თასით ჩამოუვლიდა მათ საფლაოებს და წვეთ-წვეთობით უხანწებდა სასაფლაოზე მყოფთ არა მარტო წყლით გაზავებულ, არამედ შემთბარ ღვინოსაც, და ასე ასრულებდა დადგენილ წესს, რადგანაც ღვთისმოსაობას ემსახურებოდა და არა საკუთარ სიამოვნებას.

<sup>8</sup> ფსალმ. 17, 29.

<sup>9</sup> იოანე IV, 14.

<sup>10</sup> გალ. IV, 14.

<sup>11</sup> ეს იყო აფრიკაში, და არა მარტო აფრიკაში ფართოდ გავრცელებული ჩვეულება (რასაც ზოგიერთი მკვლევარი წარმართობის გადმონაშთად თვლის): სასაფლაოებზე მიცვალებულთა სულის მოსახსენებლად მიჰქონდათ პური-მარილი, რაც თავანწყვეტილ ღრეობად იქცეოდა ხოლმე. „ავგუსტინემ, რომელმაც პირადი გამოცდილებით იცოდა, რომ ეს ჩვეულება, ეკლესიის გავლენით, უკვე ქრებოდა იტალიაში, მღვდლად კურთხევისთანავე გადაწყვიტა დაუნდობლად ებრძოლა მის წინააღმდეგ. მაგრამ გრძნობდა, რომ მხარდაჭერა სჭირდებოდა და ჯერ კიდევ 392 წელს ამ საქმის გამო წერილობით მიმართა აფრიკელ ღვთისმსახურთა წინამძღვარს ავრელიუს კართაგენელს, რომელსაც სთხოვდა „განეკურნა ეკლესია ურიცხვი წყლოლისა თუ სწეულებისაგან, რომლითაც მრავალნი ხდებიან ავად, მაგრამ რომელსაც ცოტანი თუ დასტირიან“... „ლოთობა და ღორმუცელობა - წერდა იგი, - ამ შემთხვევაში იმდენად დასაშვებადაა მიჩნეული, რომ ასეთნაირად მიაგებენ პატივს წმიდა მონაშეთა ხსოვნას არა მარტო დღესასწაულებზე, არამედ სადაც დღევებით“... (იხ. ვ.გერიე, დასახ. ნაშრ. გვ. 206-207; ამ მავნე ჩვეულების წინააღმდეგ ნეტარი ავგუსტინეს ბრძოლის ცალკეული პერიპეტების შესახებ იხ. იქვე, გვ.207-210).

ამრიგად, როცა გაიგო, რომ ამ დიდებულ მოქადაგესა და ღვთისმოსაობის ბურჯს<sup>12</sup> აეკრძალა ეს ჩვეულება, თვით იმათთვისაც კი, ვინც განუხრელად იცავდა ზომიერებას, რათა ლოთებს იმისი საშუალება არ მისცემოდათ, რომ გამცყვრალიყვნენ, რის შედეგადაც ეს ქრისტიანული დღესასწაული წარმართულ ღრეობას<sup>13</sup> ემგვანებოდა - დედაჩემმა უყოყმანოდ უარყო იგი; სულ მალე მიეჩვია იმას, რომ მიწის ნაყოფით სასესე კალაი კი არ მიეგანა მონამეთა სათლაავზე, არამედ წმიდა აღთქმებით აღსავსე გული, და შეძლებისდაგვარად გაეკითხა გლახაკნი; ასე ხდებოდა ზიარება უფლის სხეულთან, რადგანაც მარტვილნი ქრისტეს ვნებების მიბაძვით ემსხვერპლნენ რწმენას და მონამობრივი გვირგვინი დაიდგეს თავზე<sup>14</sup>.

მაგრამ მე მგონია, უფალო ღმერთო ჩემო, - და სწორედ ამას მონიშნავს შენს წინაშე ჩემი გული, - რომ დედაჩემი ასე აღვილად არ აიღებდა ხელს ამ ჩვეულებაზე, ის რომ სხვა ვინმეს აეკრძალა, ვინც უფრო ნაკლებ ეყვარებოდა, ვიდრე ამბროსი, რომელიც თავს ერჩია, რადგანაც სწორედ ის მიაჩნდა ჩემს მსხნელად. თავის მხრივ, ამბროსისაც უყვარდა დედაჩემი მისი ღვთისმოსაობისა და „სულის მღუღარების“<sup>15</sup> გამო, რითაც აღბეჭდილი იყო მისი კეთილი საქმეები და გამუდმებული ლოცვები, დღენიადაგ რომ აღავლენდა ეკლესიაში. ვინ მოსთვლის, ჩემთან შეხვედრისას რამდენჯერ უქია იგი; მილოცავდა და მეუბნებოდა, შენაირ დედას ბევრი ვერ დაიკვებნისო. რა იცოდა, რანაირი შვილი ვყავდი დედაჩემს; შვილი, რომელსაც ყველაფერი აეჭვებდა, რადგანაც მიაჩნდა, რომ შეუძლებელი იყო ეპოვა „სიცოცხლის გზა“<sup>16</sup>.

### III

3. მე ჯერ კიდევ არ ვდრგვინავდი ლოცვისას, და არ გევედრებოდი, შემენიე-მეთქი, მაგრამ მშფოთვარე სულითა და მოუსვენარი განსჯით გეძებდი. თვით ამბროსი, საერო თვალსაზრისით, ბედნიერ კაცად მიმაჩნდა, იმ პატივის გამო, რასაც მას მიაგებდნენ ძლიერნი ამა სოფლისანი; ძნელი ასაგანი მეჩვენებოდა მხოლოდ მისი ცელიბატობა<sup>17</sup>. მაგრამ რანაირ იმედებს შეჰხაროდა, როგორ ებრძოდა თვით მისი სიდიადისაგან განუყრელ საცთურს, რითი ინუგეშებდა თავს უბედობაში, ან რა სიგებობებს განიცდიდა მისი გული, როცა იღუმალ ცოხნიდა<sup>18</sup> შენს პურს, ამას კი ვეღარ ვხვდებოდი ჩემი გამოუცდელი გამო.

<sup>12</sup> იგულისხმება ამბროსი მედიოლანელი.  
<sup>13</sup> დედანში: „parentalia“ - მშობლების სულის მოსახსენიებელი სამკლოვიარო დღესასწაული (იხ. ოვიდიუსი, „ფასტები“, II, 533 და შმდ.), რომელიც 13 თებერვალს იწყებოდა და მთელი ერთი კვირა გრძელდებოდა.  
<sup>14</sup> ეკლესიის მიერ დადგენილი იყო წმიდა მონამეთა სსოვნის დღეს აღსრულებინათ ლიტურგია და ეზიარებინათ მორწმუნენი სწორედ იმ სასაფლაოზე, სადაც განისვენებდა ამ მონამეთა ნეშტი.  
<sup>15</sup> რომ. XII, 11.  
<sup>16</sup> ფსალმ. 15, 11; ივანე სოლომ. VI, 23; მოციქ. საქმენი II, 28.  
<sup>17</sup> უქორწინებლობა, უცოლობა.  
<sup>18</sup> დედანში ზუსტად ასეა: „ruminaret“. იმ ხალხს, ვინც გამუდმებით ჩაჰკირკიტებდა საღმრთო წერილს და ხშირ-ხშირად უბრუნდებოდა ერთსა და იმავე პასაჟს, ნეტარი ავგუსტინე მცონავ ცხოველებს ადარებდა.

მან კი არ იცოდა, რა ცეცხლი ცრიალებდა ჩემს გულში და ვერც იმ უფსკრულს ხედავდა, რომელშიაც შეიძლებოდა თავდაყირა გადავშვებულიყავი. არ შემეძლო მისთვის მეკითხა, რაც მსურდა და როგორცა მსურდა, რადგანაც ჩვენს შორის ყოველთვის იდგა მთხოვნელთა ბრბო, რომელთაც იგი გასაჭირში შევლოდა, ხოლო როცა მთხოვნელები არ აწუხებდნენ, დროის ამ მოკლე მონაკვეთს იმითვის იყენებდა, რომ აუცილებელი საბრძოლო აღედგინა ხორციელი ძალა, სულიერი კი - კითხვით.

კითხვისას მისი მზერა სწრაფად დასრიალებდა წიგნის თურცლებზე, სული ცდილობდა ჩასწვდომოდა ნაკითხულის აზრს, ენა კი დუმდა. ვინ მოსთვლის, რამდენჯერ შევსულვარ მასთან (ხოლო შესვლა ყველას შეეძლო: ჩვევად არ ჰქონდა მოეხსენებინათ, ესა და ეს გაეხლათ) და ყოველთვის წიგნში თავჩარგული მხედრობდა. ერთხანს უხმოდ ვიჯექი (ვინ გახედავდა მყუდროება დაერღვია ესოდენ ღრმა თქვენი დანთქმულისათვის?), შემდეგ კი თვხაკრებით გამოვდიოდი, რადგანაც ვხვდებოდი, რომ არ უნდოდა სხვა საქმისათვის შეეწირა ის ორიოდე წამი, რომელსაც რის ვაივავლახით მოიხელთებდა ხოლმე, რათა მთხოვნელთა თუსთუსსა და ყურთასმენის წამლებ გნიახს გასცლოდა. იქნებ იმიტომაც, კითხულობდა ჩუმად<sup>19</sup>, რომ ემინოდა, მისი სმენით მოხიბლულ რომელიმე მსმენელს ამა თუ იმ ბუნდოვანი ადგილის განმარტება, ან ზოგიერთი საჭოჭმანო საკითხის გარჩევა არ ეთხოვა, და, ამრიგად, უფრო ნაკლები დრო არ დარჩენოდა საკითხავად, ვიდრე თვითონა სურდა. ეგეც არ იყოს, ხმამაღლა კითხვას იმიტომაც არიდებდა თავს, რომ ხმას უფროთხილდებოდა, რომელიც ხშირად ეხრინებოდა. ასე თუ ისე, ერთი რამ მაინც შეიძლება დაბეჭითებით ითქვას: მისი განზრახვა ყოველთვის სასიკეთო იყო.

4. მე, რა თქმა უნდა, არ მომეცა იმის საშუალება, რომ დანვრილებით გამომეკითხა მისთვის, რაც მსურდა, რათა გამეგო, რას თქვობდა ამის თაობაზე ის თავის გულში, ამ შენს წმინდა სამისნოში. მხოლოდ მცირე ხნით თუ შეეძლო ყურადღება დაეთმო ჩემთვის. ჩემი მღელვარების დაცხრომას ხანგრძლივი საუბარი სჭირდებოდა მოცლილობის აჟამს, ამბროსი კი არასოდეს არ იყო მოცლილი. ყოველ კვირა ხალხში ჩამდგარი ვუსმენდი მას, „ჭეშმარიტების სიგყვის სარწმუნოდ მქადაგებელს“<sup>20</sup>, და სულ უფრო და უფრო მეტად ვრწმუნდებოდი, რომ შეიძლებოდა გაგვეხსნა ცილისწამების ყველა ხლართი, მაცთურთა მზაკურულ ჩანათიქრს რომ ჩაეხლართა საღმრთო წერილის წინააღმდეგ.

როდესაც მივხვდი, რომ შენი სულიერი ძენი, შენივე მადლით ხელახლა შობილნი კათოლიკე ეკლესიის წიაღში, „ადამიანის შექმნას შენს ხატად“<sup>21</sup> იმ აზრით როდი აღიქვამდნენ, თითქოს ადამიანური სხეულის ფორმით მოგებლუდოს თავი (თუმცა მაშინ არავითარი, თვით ბერელე და ბედაპირული წარმოდგენაც კი არ მქონდა სულიერი

<sup>19</sup> ჩუმად კითხვა, ცოტა არ იყოს, უცნაურ შთაბეჭდილებას ტოვებდა, რადგანაც ძველი რომაელები, ჩვეულებრივ, ხმამაღლა კითხულობდნენ.

<sup>20</sup> II ტიმ. II, 15.

<sup>21</sup> დაბად. IX, 6.



სუბსტანციაზე<sup>22</sup>), - სირცხვილით დაფინჯი და, იმავდროულად, ცას ვენიე სიხარულით, რადგანაც ჩემთვის ცხადი შეიქნა, რომ ამდენი წლის მანძილზე თურმე კათოლიკე სარწმუნოებას კი არ ვუყუფდი<sup>23</sup>, არამედ ხორციელი წარმოსახვით შექმნილ აჩრდილებს. მე თავხედი და მკრეხელი ვგმობდი და ბრალს ვდებდი იმას, რაც უნდა მეკვლია და მესწავლა.

შენთვის კი, ყველაზე შორეულო და ყველაზე ახლობელო, უიდუმალებსო და უცხადესო, ვისი არცერთი ასო არ არის მეორეზე უფრო დიდი, ვინც ყველგანა ხარ მთლიანად, - რა თქმა უნდა, უცხოა ყოველგვარი სხეულებრივი ფორმა, და მაინც, „შენს ხატად შექმენი ადამიანი“<sup>24</sup>, რომელიც თხემით ცერტამდე გარემოცულია სივრცით.

#### IV

5. რაკილა არ ვიცოდი, რანაირად შეიძლება ადამიანი შენი ხატება ყოფილიყო, კარზე უნდა მეკაკუნებინა და გამომეკითხა, რა უნდა გვეფიქრა ამის თაობაზე, ნაცვლად იმისა, რომ თავხედურად მემგვიცებინა, თითქოს სწორედ ის სწამდათ, რასაც გადაჭრით უპირისპირდებოდა ჩემი რწმენა. მძაფრი სურვილი, როგორმე მომეხელთებინა რაღაც სარწმუნო, მით უფრო გამშაგებით მიღრღნიდა სულს, რაც უფრო მეტად მრცხვენოდა იმისა, რომ ამდენხანს მახიბრებდნენ და სარწმუნო ცოდნის მატური ალთქმით მიყოლიებდნენ, მე კი ბავშვური ნდობითა და მიაშიცობით ვცდილობდი სარწმუნოდ მიმეჩნია ამდენი არასარწმუნო რამ. მხოლოდ უფრო გვიან მიფხვდი, რაოდენ ყალბი იყო ყოველივე ეს. თუმცა ჩემთვის უკვე აშკარა იყო, რომ არასარწმუნო გახლდათ ის, რაც უნინ სარწმუნოდ მიმაჩნდა, როცა უმეცრებით თვალდავისილი ვუტევდი კათოლიკე სარწმუნოებას და ბრალს ვდებდი მას: მართალია, ჯერ კიდევ არ ვიცოდი, ჭეშმარიტებას გვასწავლიდა თუარა, მაგრამ უკვე ვხედავდი, რომ იმას როდი გვიქადაგებდა, რისთვისაც ასე განუსჯელად ვადანაშაულებდი. ამრიგად, მე, შემცბარი და მოსქცევად გამზადებული, ვხარობდი, ღმერთო ჩემო, რომ ერთიანი ეკლესია, შენი მხოლოდშობილი ძის სხეული<sup>25</sup>, რომლის წიაღშიაც სიყრმიდანვე მეუნყა ქრისტეს სახელი, ბავშვური თამაშით როდი იქცევდა თავს და, თავისი ჭეშმარიტი მოძღვრების თანახმად, არც სივრცით, თუნდაც უკიდევანო სივრცით გზლუდავდა ყოვლის შემოქმედს, სივრცით რომელიც ყოველი მხრიდან მაინც ადამიანური სხეულის ფორმით იყო ზღვარდებული.

6. ისიც მიხაროდა, რომ სხვა თვალთ უნდა წამეკითხა ძველი ალთქმა და წინასწარმეგყველნი, რომელნიც უნინ ესოდენ უაზრონი მეჩვენებოდნენ<sup>26</sup>. ამიტომაც იყო, რომ ევედრებით ვაფხვებდი შენს წმიდანთ, იმ აზრების გამო, რაც სინამდვილეში კი არ

<sup>22</sup> ამ მცდარი წარმოდგენის სათავე მანიქველთა მოძღვრება იყო. იხ. მესხეთე წიგნის შენ. 62.

<sup>23</sup> დედანში ზუსტად ასეა: „latrasse“.

<sup>24</sup> დაბად. I, 27.

<sup>25</sup> შდრ. კოლ. I, 18; 24.

<sup>26</sup> ამასაც მანიქველთა გავლენა განაპირობებდა. იხ. მესამე წიგნის შენ. 25.

გამოუთქვამთ, არამედ მხოლოდ მე მივანერდი მათ. სიამოვნებით ვუსმენდი ამბროსის, თავისი ქადაგებებით ხშირად რომ უმეორებდა და დაბეჭითებით ურჩევდა ხლხს: „ასო კლავს, ხოლო სული აცოცხლებს“<sup>27</sup>. როცა იდუმალების საბურველს ხსნიდა და სპირიტუალური აზრით განმარტავდა იმ ადგილებს, რომელნიც, სიგყვა-სიგყვით გაგებულნი, გარყენილების ნიშნად მეჩვენებოდეს, მისი სიტყვები არავითარ შეურაცხყოფას არ აყენებდნენ ჩემს სულს, თუმცა ჯერ კიდევ ვერ ვხვდებოდი, რამდენად მართებულნი იყვნენ ისინი. ნებას არ ვრთავდი ჩემს გულს, თანხმობა განმეცხადებინა რისთვისაც ვნებავთ, რადგანაც უესკრულში ღანთქმისა მეშინოდა; მაგრამ ეს ორჭოფობა კიდევ უფრო მიწამლავდა ყოფას და ბოლოს მიღებდა. მინდოდა ისევე ურყევად მერწმუნა ყოველივე უხილავი, როგორც მჯეროდა, რომ შეიდი და სამი ათია. არც ისე დამთხვეული ვიყავი, რომ მეფიქრა, თითქოს ეს მგვიცება საკმაოდ ცხადი არ იყო, მაგრამ მინდოდა ასევე უეჭველი ყოფილიყო ჩემთვის ყველაფერი, სულერთია, იქნებოდა ეს რაღაც სხეულებრივი, მაგრამ ჩემი გრძნობებისგან დაშორებული, თუ სულიერი, რომლის წარმოდგენაც არასდროს არ შემეძლო სხეულებრივი გარსის გარეშე<sup>28</sup>.

მხოლოდ რწმენას შეეძლო ჩემი განკურნება, მხოლოდ რწმენას შეეძლო გაენმინდა და შენი უცვლელი და წარუვალი ჭეშმარიტების მიმართ მიექცია ჩემი გონების თვალი<sup>29</sup>. მაგრამ, მოგეხსენებათ, უხირო მკურნალის ხელში გამოვლილი და დაშინებული ავადმყოფი იმასაც კი ვერ ბედავს, რომ ნამდვილ ექიმს მიანდოს თავისი ბედი<sup>30</sup>; ასევე კრთოდა ჩემი სხეული სულიც, რომელსაც მხოლოდ რწმენა თუ განკურნავდა, ის კი თავს არიდებდა მკურნალობას, რადგანაც ეშინოდა, ვაითუ კვლავაც სიცრუის მსხვერპლი გახდებოდა. ის უერჩებოდა შენს მონყალე ხელს, რწმენის ნამალი რომ გაემზადებინა მისთვის, ნამალი, რომელიც უწყალობე ამ ქვეყნის ყველა სხეულს, რათა შენი სასწაულთმოქმედი ძალით განგემგვიცებინა ისინი.

<sup>27</sup> II კორ. III, 6.

<sup>28</sup> „ნეტარი ავგუსტინეს თვალში მათემატიკა ცოდნის ნიშნად და იდეალად გვევლინება. მისი აზრით, ჭეშმარიტად შეცნობილი შეიძლება იყოს მხოლოდ ის, რაც ისეთივე ეჭვმეუვალი სიყბადით წარმოუდგება გონებას, რანაირი სიყბადეც ახასიათებს მტკიცებას, რომლის თანახმადაც ერთის, ორის, სამისა და ოთხის ჯამი ათია („მონოლო.“, I, 9). „ჩვენ რომ შეგვეძლოს ისევე ცხადად შევიცნოთ ღმერთი, როგორც გეომეტრიული ხაზისა თუ სფეროს თვისებებს შევიცნობთ, უკეთესს ვერას ვინატრებდით“ („აკად. წინააღმდეგ“, 2, 9). - პროფ. ი.ვ.პოპოვი, დასახ. ნაშრ. ნაწ. II, გვ.445.

<sup>29</sup> ნეტარი ავგუსტინეს განმარტებით, რწმენა არის ამა თუ იმ აზრის აღიარება თანაგრძნობით ანდა თანხმობით („სახელმძღვ.“ 9). რწმენასა და ცოდნას შორის ის განსხვავებაა, რომ ეს უკანასკნელი მყარ რაციონალურ საფუძველს ემყარება, რწმენას კი აშინი საფუძველი არ გააჩნია. ცოდნას ჩვენ უნდა ვუმადლოდეთ გონებას, რწმენას კი - ავტორიტეტს. რწმენა, რომელიც ჭეშმარიტებად აღიარებს ამა თუ იმ დებულებას, მაგრამ გრძნობს, რომ საამისოდ მყარო რაციონალური საფუძველი არ გააჩნია, თავის თავში შეიცავს მომავალი განვითარების ტენდენციას, რადგანაც იმას მიეღობს, რომ ცოდნად იქცეს. ამ თვალსაზრისით, ცოდნა მიზანია, რწმენა კი მისი მიღწევის საშუალება. რაკი მიზანი საშუალებაზე უმენაესია, ხოლო საშუალება წინ უსწრებს მიზნის მიღწევას, ამიტომ ღირებულების მიხედვით პირველობა ცოდნას ეკუთვნის, დროის მიხედვით კი - რწმენას („ჭეშმარიტი რწმენისათვის“, 45). მაგრამ რწმენა შეიძლება ნაჩქარავი იყოს, დაუსაბუთებელი და ამიტომ - მცდარიც. მაშასადამე, გონება, გარკვეული აზრით, რწმენაზე უწინარესია, რადგანაც შეავონებს მას, რაოდენ აუცილებელია ყველა პირობის გულდასმით ანონ-დანონა და რწმენის საფუძველთა კვლევა. ასე რომ, ერთის მხრივ, რწმენა გონებაზე უწინარესი, მეორეს მხრივ კი გონება წინ უსწრებს რწმენას. არის ზოგი რამ, რასაც ვერ ირწმუნებ, თუკი არ გესმის, და პირობით, რასაც ვერ გაიგებ, თუკი თავდაპირველად არ ირწმუნე. ნეტარი ავგუსტინეს დევიზია: Credo ut intelligam (მწამს, რათა მესმოდეს) და intelligo ut credam (მესმის, რათა მწამდეს). „თუ ვერ გაიგე, ირწმუნე, რადგანაც გაგება რწმენის ჯილდოა“ („იოანეს სახარებისათვის“, 29, 6). - დანვრილებით იხ. პროფ. ი.ვ.პოპოვის დასახ. ნაშრ. ნაწ. II, გვ.470-484.

<sup>30</sup> „უხირო მკურნალი“, რომ ამბობს, ნეტარი ავგუსტინე მანიქველთა ერეტიკულ სექტას გულისხმობს.

V

7. და მაინც, ამ დროიდან მოყოლებული, მე უკვე ვამჯობინებდი კათოლიკე მოძღვრებას, რადგანაც მივხვდი, რომ მისი ბრძანება, ვნამდეთ ის, რისი დამტკიცებაც შეუძლებელიაო (თუმცა მტკიცება, შესაძლოა, კიდევ არსებობს, მაგრამ არა ყველასათვის, ან, შესაძლოა, საერთოდ არ არსებობს), უფრო მოკრძალებული და გულწრფელი იყო, ვიდრე მიმნდობი ადამიანების თავხედური დაცინვა, ადამიანებისა, რომლებსაც განუსჯელად ჰპირდებოდნენ ცოდნას, შემდეგ კი უბრძანებდნენ ერწმუნათ ყოვლად უაზრო და ბრყვეული არაკები, რომელთა დამტკიცებაც არავითარ ძალას არ შეეძლო.

ეგეც არ იყოს, შენი მონყალე და მოალერსე ხელით თანდათანობით დაიურვე ჩემი მბორგავი გული, უფალო. მე დავინყე იმაზე ფიქრი, თუ რამდენი ისეთი რამ მწამდა, რაც არასოდეს მინახავს და არც მათი მომსწრე ვყოფილვარ: რამდენი ისტორიული მოვლენა; რამდენი ქალაქი თუ ქვეყანა, რომლებსაც არასოდეს ვწვევივარ; რამდენი შემთხვევა მახსოვს, როცა უყოყმანოდ ვნდობივარ მეგობრებს, ექიმებს, მავანს და მავანს, - ამ ნდობის გარეშე ჩვენ საერთოდ ვერ შევძლებდით გვეცოცხალა და გვემოქმედა. და ბოლოს, მე ხომ ურყევად მწამდა, ვინ იყვნენ ჩემი მშობლები, მაგრამ ასევე ურყევი იქნებოდა თუ არა ჩემი რწმენა, ხალხისთვის რომ არ დამეჭვრებინა? შენ დამარწმუნე, რომ იმათ კი არ უნდა ვგმობდეთ, ვისაც სწამს საღმრთო წერილი, რომლის მნიშვნელობაც ესოდენ მტკიცედ დაამკვიდრე თითქმის ყველა ხალხში, არამედ იმათ, ვისაც არა სწამს იგი, და რომ ყურს უნდა ვუგდებდე იმ ხალხს, ვისაც შეუძლია მითხრას: „კი მაგრამ, რა იცი, რომ ეს წიგნები მართლაც ღვთის სულმა, უმართლესმა და უჭეშმარიტესმა, უბოძა კაცთა მოდგმასო?“ სწორედ ეს უნდა მერწმუნა ურყევად და უყოყმანოდ, რადგან ვერც ცილისმწამებლური კითხვების კორიანტელმა, ვერც ურთიერთმოქიშვე ფილოსოფოსთა დავამ, რომელთა მრავალი წიგნიც წამეკიცხა<sup>31</sup>, ვერ შესძლეს თუნდაც წამით წაეშალათ ჩემს გულში რწმენა იმისა, რომ შენ არსებობ და შენვე ხარ ჩვენი გამრიგვე<sup>32</sup>. არ ვიცოდი მხოლოდ, ვინ ხარ და რა ხარ.

8. ჩემი რწმენა ხან უფრო მტკიცე იყო, ხან კი მერყევი, მაგრამ ყოველთვის მწამდა, რომ შენ ხარ და ჩვენზედაც ზრუნავ, თუმცა ის კი არ ვიცოდი, რა მეფიქრა შენი სუბსტანციის შესახებ, ან რომელი გზა მოგვიძღვის, რომელ გზას მოვყავართ შენსკენ.

მას შემდეგ, რაც საღმრთო წერილის არა ერთი და ორი ადგილის საწმუნო ახსნა-განმარტება მოვისმინე<sup>33</sup>, მივხვდი, რომ ის მოჩვენებითი უაზრობა, რაც ასე ხშირად

<sup>31</sup> ვინ არიან ეს ფილოსოფოსები? პლატონი, არისტოტელე, ციცერონი, სენეკა, პლოტინი, სკვპტიკოსები, სტოიკოსები? მკვლევართა ვერცერთი ვარაუდი, რა თქმა უნდა, ვერ სცილდება ჰიპოთეტიკურ ფარგლებს.

<sup>32</sup> არისტოტელესა და ეპიკურეს აზრით, ღმერთებისათვის უცხო იყო ადამიანზე ზრუნვა. სტოელები ფიქრობდნენ, რომ „ღმერთები არსებითზე ზრუნავენ და უგულებელყოფენ მცირეს“ („ღმერთების ბუნებისათვის“, 2,66). ავგუსტინე უარყოფდა ამ „უგულებელყოფელ განცებას“ („ბუნებისათვის, 1,1).

<sup>33</sup> იგულისხმება საღმრთო წერილის წმიდა ამბორის მედიოლანელი იესული განმარტება. - იხ. მესუთე წიგნის შენ. 77).

შეურაცხყოფდა მათი კითხვისას, სინამდვილეში ღრმა და საიდუმლო აზრის შემცველი იყო. საღმრთო წერილის ავტორიტეტი ამიერიდან მით უფრო მეტი თაყვანისცემისა და ეჭვშეუვალი რწმენის ღირსი მეჩვენებოდა, რომ ყველასათვის მისანვლოში ჩანდა და, ამასთანავე, უცვლელად ინარჩუნებდა თავისი იდემალების უღრმესა და უშინაგანეს აზრს. თავისი სიგყვიერი სისადავითა და ყველასათვის გასაგები ენით ის ჭეშმარიტად სახალხო წიგნი იყო და, იმავდროულად აიძულებდა გამალებით ემუშავა ყველა იმ კაცის აზრს, ვინც მალემრწმენი როდია გულით. ის თავის გულს უხსნიდა და მკერდში იკრავდა ყველას, შენამდე კი, ვინრო ბჭით<sup>34</sup>, მხოლოდ მცირერიცხოვან რჩეულთ უშვებდა, თუმცა მთელი თავიანთი სიმცირის მიუხედავად, ისინი მაინც მეგნი იყვნენ, ვიდრე იქნებოდნენ იმ შემთხვევაში, საღმრთო წერილს ესოდენ მალლა რომ არ აეზიდა თავისი ავტორიტეტი და თავის წმიდათა-წმიდა წიაღში არ მიეღო ამდენი ხალხი.

ასე ვფიქრობდი და შენ ჩემს გვერდით იყავი; ვოხრავდი და მისმენდა; ცალღები მათამაშებდნენ და შენ თან მახლდი; ფართო საერო გზით მივდიოდი და მეგზურად შენ მყავდი.

## VI

9. ხარბად მიველგვოდი პატივს, სარგებელს, ქორწინებას, შენ კი იცინოდი. ვინ მოსთვლის, რამდენჯერ ჩაუუგდივარ შავ ღლეში ამ ჩემს უკეთურ ვნებებს. შენ მით უფრო მონყალე იყავი ჩემს მიმართ, რაც უფრო ნაკლებ მაძლევდი იმის საშუალებას, რომ სიგვობება მეპოვა იქ, სადაც არ იყავი შენ.

ჩახედე ჩემს გულს, უფალო: აკი შენ თვითონ ინებე, ყოველივე ეს გამეხსენებინა და აღსარება მეთქვა შენთვის. დაე, მოგენებოს ან ჩემი სული, როემლიც იხსენი სიკვდილის ბლანგი წებოსაგან. რა უბედური იყო საბრალო! ყველაზე მტკივნეულ ადგიალს მონყალი იგი, რათა მიეგოვებინა ყველაფერი და შენსკენ მოქცეულიყო განსაკურნებლად, შენსკენ, რომელიც ხარ უბნაესი<sup>35</sup> და რომლის გარეშეც არაფერი არ იქნებოდა. რა უბადრუკი ვიყავი და როგორ შემენიე, რათა უკეთ მეგრძნო ჩემი უბადრუკება იმ დღეს, როცა სიგყვას ვთხზავდი იმპერატორის სადიდებლად<sup>36</sup>. სიგყვა სიცრუით იყო საფსე, და მაინც, ის ალბათ კეთილად განაწყობდა ჩემს მიმართ იმ ხალხს, ვისაც მშვენივრად ესმოდა, რომ ეს იყო მგკნარი სიცრუე. სულს მიხუთავდა ამდენი საბრუნავი და გონების დამაბნელებელი აზრების კორიანგელი. და, აი, მედიოლანუმის ერთ-ერთ ქუჩაზე მიმავალმა თვალი მოგვარი მათხოვარს: ეგყობოდა, უვკე მოესწრო გადახუხვა და მშვენიერ გუნებაზე იყო. ამოვიოხრე და ჩემს გვერდით მომავალ

<sup>34</sup> მათე VII, 13.

<sup>35</sup> შღრ. რომ. IX, 5.

<sup>36</sup> იგულისხმება იმპერატორი ფლავიუს ვალენტინიანუს II (375-392 წ.). იმპერატორის სადიდებელი სიტყვის - პანეგირიკის წარმოთქმა - მისი კორინციის ათი წლის თავზე (385 წლის 22 ნოემბერს) - სწორედ ავგუსტინეს ვეალებოდა, როგორც რიტორთა სკოლის მოძღვარს.

მეგობრებს გადავუღაპარავე, რა ძვირი გვიჯდება ჩვენი საკუთარი სიშლეგე-მეთქი. და მართლაც, სურვილებით განამებულნი რომ მოვათრევთ ესოდენ მძიმე გვირგვინს, რომელსაც კიდევ უფრო ამძიმებს ჩვენი მტანჯველი ძალისხმევა, ჩემი იმდღევანდელი ძალისხმევისა არ იყოს, ჩვენ მხოლოდ ერთ რამეს ვესწრაფვით: აუძღვრეველ ბედნიერებას. მაგრამ ამ მათხოვარმა ყველას გაგვასწრო, ჩვენ კი, შესაძლოა, ვერასოდეს ვენით მიზანს. თორიღე ნამათხოვრევი მონეგით მან სულ ადვილად მიაღწია იმას, რის მიღწევასაც მე ირიბი და მიხვეულ-მოხვეული გზებით ვცდილობდი: მსწრაფლნარმავალი ბედნიერებით ტკობას. მართალია, მათხოვრის სიხარულს ნამდვილი სიხარული არ ეთქმოდა, მაგრამ ის, რასაც ჩემი პატივმოყვარეობა მიეღვოდა, გაცილებით უფრო ყალბი იყო. ყოველ შემთხვევაში, ის ილხენდა, მე კი ვწუხდი; ის მშვიდად იყო, მე კი ვმფთოთავდი. ვინმეს რომ ეკითხა, რა გირჩევნია, სიხარული თუ მწუხარება, მე უყოყმანოდ ვარჩევდი პირველს; მაგრამ კითხვა რომ შეებრუნებინათ: რას ამჯობინებ, ამ მათხოვრისნაირი იყო, თუ ის, რაც ამ წუთას ხარო, მე მაინც ჩემს თავს ვარჩევდი, ზრუნვით განამებულსა და შიშით გათანგულს. მაგრამ ეს იქნებოდა გარყვნილების არჩევანი, და არა ჭკმძარიტებისა. რად უნდა მერჩია ჩემი თავი მათხოვარს? მხოლოდ იმიტომ, რომ მეტი ვიცოდი? მაგრამ ცოდნა არავითარ სიხარულს არ მანიჭებდა, რადგანაც მისი მეშვეობით მე ვცდილობდი შეამეებინა ხალხისათვის: კი არ განმესწავლა, არამედ მხოლოდ შეამეებინა. ამიტომაც იყო, რომ შენი ცოდნის კვერთხით „შემუსრე ჩემი ძვლები“<sup>37</sup>.

10. შორს ჩემგან ყველა, ვინც ეტყვის ჩემს სულს: „გააჩნია, ვინ რას შეჰხარის; მათხოვარს სიმთვრალე უხარია, შენი სიხარული კი დიდების წყურვილი იყო“. რომელი დიდებისა, უფალო? არა იმისა, რომელიც არის შენში. ყალბი იყო მათხოვრის სიხარული და ყალბი იყო ჩემი დიდებაც; ის მხოლოდ უფრო მეტად მახვევდა თავბრუს. მათხოვარი დაიძინებდა და თხიზელი გაიღვიძებდა; მე კი ვიძინებდი და კვლავ ჩემი პატივმოყვარეობით მთვრალი ვიღვიძებდი; მთვრალს უნდა დამეძინა და მთვრალსვე გამეღვიძა; მაგრამ როდემდის, უფალო? ვიცი, რომ სხვადასხვა სიხარულის მიზეზი: სხვაა წმიდათა-წმიდა სასოების სიხარული და სხვაა ფუჭი ბედნიერება. რა თქმა უნდა, მათხოვარი უფრო ბედნიერი იყო, არა მარტო იმიტომ, რომ მის სიხარულს საზღვარი არა ჰქონდა, მე კი ათასი საზღვრავი მიღრღნიდა გულს, არამედ იმიტომაც, რომ გამვლელ-გამომვლელს ლოცავდა და ასე იშოვა ღვინო, მე კი ვცდილობდი სიცრუით დამეცხრო ჩემი პატივმოყვარეობა.

ვინ მოსთვლის, კიდევ რამდენი რამ ვუთხარი იმ დღეს ჩემს ძვირფას მეგობრებს, თუცა ამ მხრივ სხვა დროსაც დავთქვარებთ ჩემს უნუგემო ყოფას; ვგრძნობდი, რომ შავ დღეში ვიყავი, ვწუხდი და ამით მხოლოდ ვიორკვევდი განჯვას. ხოლო თუ ოდესმე მაინც გამიღიმებდა ბედნიერება, მხნეობა არ მყოფნიდა მის მისახელთებლად, ასე რომ, უფრო მალე მიფრინავდა, ვიდრე მის მონადირებას მოვასწრებდი.

<sup>37</sup> შტრ. ფსალმ. 41, 11.



VII

11. ჩემს მეგობრებთან ერთად ხშირად ვოხრავდი ამის გამო; განსაკუთრებით გულახდილი ვიყავი ალიპიუსისა და ნებრიდიუსის<sup>38</sup> მიმართ. ჩემი თანამოქალაქე ალიპიუსი, დიდგვაროვანი მშობლების შვილი, ჩემზე უძეცროსი იყო. ჯერ კიდევ მაშინ დამემონათა, როცა ჩვენს ქალაქში პირველად დავინწყე მასწავლებლობა, შემდეგ კი კართაგენშიც ჩამომყვანა. ძალიან ვუყვარდი, რადგანაც კეთილი და ღრმად განსწავლული ვატი ვეგონე. მეც მიყვარდა, სიქველისადმი თანდაყოლილი მიდრეკილების გამო, რაც მიყვარდა, სიქველისადმი თანდაყოლილი მიდრეკილების გამო, რაც სიყმაწვილიდანვე თვალნათლივ ვლინდებოდა მასში. მაგრამ კართაგენული უზნეობის ორომგრიანმა<sup>39</sup> და უაზრო სანახაობებით საყოველთაო გატაცებამ თავის მორევში ჩაითრია და საციროვო წარმოდგენების გრფილად აქცია იგი. ის რომ რეგდასხმულივით გრიალებდა ამ შმაგ მორევში, მე იმხანად რიტორიკას ვსწავლობდი საქალაქო სასწავლებელში, მაგრამ ალიპიუსი ერთხანს თავს არიდებდა ჩემს გაკვეთილებს, მამამისსა და ჩემს შორის ჩამოვარდნილი უთანხმოების გამო. როცა შევიტყვე, რომ საციროვო სანახაობების<sup>40</sup> სახედისწერო გრფილს შეეპყრო, ძალზე შევწუხდი: რამხელა იმედებს ვამყარებდი მასზე, ის კი თავს ილუპავდა, თუ უკვე არ დაეღუპა. მაგრამ არავითარი საშუალება არა მქონდა თვალი ამეხილა თვალდავსილისთვის და კვლავ სწორ გზაზე დამეყენებინა: ვერც მეგობრულ კეთილმოსრუნეობას მოვიშველიებდი და ვერც მასწავლებლის უფლებას, რადგან მეგონა, რომ ჩემს მიმართ ისიც მამამისივით იყო განწყობილი. თურმე ვცდებოდი. სულ მალე მივხვდი, რომ ანგარიშს არ უწევდა მამის ნება-სურვილს: კიდევაც მესალმებოდა და გაკვეთილებზეც მესწრებოდა. უსიგყოდ შემოვიდოდა, ყურადღებით მისმენდა, და ბოლოს, უსიგყოდვე გოვებდა კლასს.

12. დამავინყდა, მოვლაპარაკებოდი და მერჩია, ფუჭი თავშექცევის სახედისწერო გრფილს ნუ უმსხვერპლებ ღვთისგან ბოძებულ ნიჭსა და უნარს-მეთქი. მაგრამ შენ, უფალო, ყოველივე იმის მესაჭევ და მესვეურო, რაც შენ თვითონვე შეჰქმენი, არ დაგვინყნია შენი მომავალი მსახური<sup>41</sup>. მისი განკურნება უცილობლად შენ უნდა მოგვენერეოს, მაგრამ ეს ჩემი მეშვეობით მოხდა, ისე, რომ არათერი გიკითხავს ჩემთვის.

<sup>38</sup> 394 თუ 395 წელს ალიპიუსი თავისი მშობლიური ქალაქის - თავასტის ეპისკოპოსი გახდა, რამდენიმე თვით ადრე, ვიდრე ნეტარი ავგუსტინე ჰიპონის საეპისკოპოსო კათედრას დაიკავებდა. მისი გარდაცვალების წელი უცნობია, მაგრამ 428-429 წ. ის ცოცხალი იყო და ნუმიდიის არქიეპისკოპოსის თანამდებობა ეჭირა. ალიპიუსი ყოველთვის მხარში ედგა ნეტარ ავგუსტინეს და მწვალებლობის წინააღმდეგ ბრძოლაში შეეწეოდა, როგორც მონაფე, მეგობარი და თანამოაზრე... რაც შეეხება ნებრიდიუსს, დღემდე შემოგვრჩა ნეტარი ავგუსტინეს ერთი წერილი მისდამი.

<sup>39</sup> „აფრიკელთა უზნეობა ანდაზადაც კი იქცა: „განა ვინმესთვის საიდუმლოა, რომ ყველა აფრიკელი უტიფარია, იმათ გარდა, ვინც ღვთის მიმართ მიიქცა?“ (სალვიანე, „ღვთის მმართველობისათვის“, 7,16). ამ მხრივ ის განსაკუთრებით გამოჰყოფს კართაგენს: „ამ ქალაქში ერთ უბანსაც ვერ შეხვდებით, სიბილწით რომ არ იყოს საფე. ვერსად იპოვით ვერც მოედანს და ვერც ქუჩაბანდს, საროსკიპოდ რომ არ გვევლინებოდეს“ (იქვე, 17; სალვიანე მასილიის - მარსელის - მღვდელი იყო V ს. შუა წლებში)“. - რუს. თარგმანის შენ. იხ. დასახ. გამოც. გვ. 242.

<sup>40</sup> ცირკში უპირატესად ცხენოსანთა ასპარეზობები იმართებოდა. საციროვო სანახაობათა შესახებ იხ. მ. სერვენკო, დასახ. ნაშრ. გვ.245-253.

<sup>41</sup> იხ. ზემოთ, შენ. 38.

ერთხელ, როცა ჩემს ჩვეულ ადგილას ვიჯექი და წინ მონათევები მესხდნენ, ალიპიუსი ჩემოვიდა, უხმოდ მოგვესალმა, დაჯდა და ჩვენს მეცადინეობაში ჩაერთო. მოხდა ისე, რომ სწორედ ამ დროს ხელთ მქონდა ტექსტი, რომელიც ჩემი მსმენელებისათვის უნდა განმემარტა და რატომღაც მომეჩვენა, რომ ურიგო არ იქნებოდა ამ მიზნით სწორედ საცირკო სანახაობიდან აღებული მაგალითი მომეხმო; ჩემი აზრი რომ უფრო გასაგები და სისიამოვნო გამეხადა, მწარედ გავკენწლეთ ამ დამთხვეულობის ტრფიალნი. შენ ხომ იცი, უფალო, რომ იმ წუთას აზრადაც არ მომხვლია ამ წყეული სენისაგან განმეკურნა ალიპიუსი. მან კი რატომღაც თავის თავზე მიიღო ჩემი სიგყვები და გადაწყვიტა, რომ სწორედ მას ვგულისხმობდი. სხვა მის ადგილას გაცოფდებოდა და ჩემზე იყრიდა ჭავრს, მაგრამ ამ ღირსეულმა ჭაბუკმა საკუთარ თავზე გადაიტანა თავისი რისხვა და უფრო მეტად დამიახლოვდა.

შენ ხომ ოდესღაც თქვი და შენს წმინდა წერილშიც ჩართე ეს სიგყვები: „ამხილე ბრძენი და შეგიყვარებს“<sup>42</sup>. მე კი არც მიმხელია, მაგრამ შენ, რომელიც შენთვის ცნობილი მიზნით იყენებ ყველას (ხოლო ეს მიზანი ყველთვის სამართლიანია), მიუხედავად იმისა, იციან თუ არა ეს, - ჩემი სიგყვები და აზრები მღვივან ნაკვერცხლებად აქციე, რათა ყოველგვარი ხრწნილება ამოეშანთათ სულში, რომელიც ესოდენ დიდ იმედებს იძლეოდა, და ამრიგად განეკურნათ იგი. დაე, ნუ გაქებს და გადიდებს, ვინც ვერ ხედავს შენს გულმონყალებას, რომელსაც ვალიარებს და აღსარებას ვეუბნები გულის სიღრმეში.

მას შემდეგ, რაც ჩემი სიგყვები მოისმინა, ალიპიუსმა თავი დააღწია იმ ღრმა ხაროს, რომელშიაც თავისი ნებით ჩაძვრა და ტვებოდა კიდევ თავისი გამაოგნებელი სიბრძავეთ. ვაჟუკური სიმტკიცით შეარყია ავისი სული და ცირკის მთელი ჭუჭყი და სიბინძურე ჩამოიბერტყა. ეს იყო და ეს, ცირკში თუხი აღარ დაუდგამს. მერე მამამისის წინააღმდეგობაც დასძლია, რომელსაც არ უნდოდა, რომ მე ვყოფილიყავი მისი შვილის მასწავლებელი. მამამ უკან დაიხია და ძის ნებას დაჰყვა. ხელახლა რომ დამემონათა, ალიპიუსი ჩემთან ერთად გაება მანიქველთა ცრურწმენის მახეში: მოსწონდა მათი მოჩვენებითი თავდაჭერილობა, რომელიც ნამდვილი და ჭეშმარიტი ეგონა<sup>43</sup>. ის კი მზაკვრული და რჩეულ სულთა მაცთური იყო, რომელნიც ჯერ კიდევ არ ზიარებოდნენ ჭეშმარიტი სიქველის მწვერვალს და ამიტომაც ადვილად ტყუედებოდნენ თვალთმაქცური სიქველის ყალბი ციმციმით.

<sup>42</sup> იგავნი სოლომ. IX, 8.

<sup>43</sup> მანიქველთა ეთიკა „სამ ბეჭედს“ უწესებდა თავისი სექტის წევრებს: „პირის ბეჭედი“, რომელიც კრძალავდა სიცრუეს, მკრეხელობას, განდგომილებას, ფიცს; „ხელის ბეჭედი“, რომლითაც იკრძალებოდა კაცის კვლა, ცხოველის მოკვლა, მცენარეების განადგურება; ხოლო „წილის ბეჭედი“ სქესობრივი კავშირისაგან თავშეკავებას მოითხოვდა. თუმცა მანიქველები, როგორც წესი ავგუსტინეს სიტყვებიდან ჩანს, არც ისე მკაცრად იცავდნენ ამ აკრძალვებს.

VIII

13. ალიპიუსს, რა თქმა უნდა, არ მიუტოვებია მინიერი გზა, რომელზედაც ამდენს ეჩიხინებოდნენ მშობლები; ამიტომაც ჩემზე უმაღლესი ჩავიდა რომს სამართლის შესასწავლად; და იქ გამაოგნებელი სიმძაფრით დარია ხელი შმაგმა სურვილმა - გამუდმებით ეცქირა გლადიატორთა ბრძოლებისათვის<sup>44</sup>.

თუმცა თავდაპირველად ჭირის დღესავით სძულდა და ეზიზღებოდა ეს საზარელი სანახაობა. მაგრამ ერთხელ ქუჩაში თავის მეგობრებსა და თანაკლასელებს შეხვდა, სადილობიდან რომ ბრუნდებოდნენ; მეგობრებმა, მისი ცივი უარისა და წინააღმდეგობის მიუხედავად, ძალისძლად შეათრიეს ამფითეატრში, სადაც სწორედ იმ დღეებში ეს სასტიკი და სისხლიანი სანახაობანი იმართებოდა. „თქვენ შეგიძლიათ წაათრიეთ ჩემი სხეული და ამფითეატრში წამოჭიმოთ, - ეუბნებოდა იგი მათ, - მაგრამ ნუთუ გგონიათ, რომ ჩემს სულსა და თვალებსაც აიძულებთ ამ სისხლიან სპექტაკლს უყურონ? მე იქ ვიქნები და არც ვიქნები, ასე რომ, გამარჯვებას ვიზიჟებ მასზედაც და თქვენზედაც“. არათურმა არ გაჭრა, მეგობრებმა მაინც თავისი გაიტანეს; იქნებ მისი გამოცდა სურდათ: ვნახოთ, შესძლებს თუ არა შეასრულოს თავისი სიტყვაო.

ამფითეატრში შესულებმა რის ვაივაგლახით მოძებნეს ადგილები. ბრბო უკვე მთვრალი იყო მძვინვარე ტკობის მოლოდინით. ალიპიუსმა თვალები დახუჭა და სულს აუკრძალა ბოროტების ამ უფსკრულში დანთქმა. ოჰ, ნეტა ყურებიც დაეცო! ბრძოლის რაღაც მომენტში გაშმაგებულმა ბრბომ ისე საზარლად იღუმვლა, რომ ალიპიუსს ელდა ეცა, ცნობისმოყვარეობამ სძლია და თვალები გაახილა, თუმცა გადაწყვეტილი ჰქონდა გულთან ახლოს არ მიეგანა არანაირი სანახაობა. მაგრამ თვალის გახელაც იყო და მისი სული უფრო საშინელმა წყლულებამ მოსწყლა, ვიდრე იმ გლადიატორის სხეული, რომელსაც ხარბად ეძებდა მზერით. უბედური უფრო მძიმედ დაეცა, ვიდრე ის, ვისმა დაცემამაც ესოდენ საზარელი ღრიალი აღმოატყვევებინა ბრბოს, ღრიალი, რომელმაც ლამის დააყრუა და თვალები გაახელინა. ასე დაემხო ეს სული, უფრო თავხედი, ვიდრე ძლიერი, და მით უფრო უმწეო, რომ თავისი თავის იმედად იყო იქ, სადაც მხოლოდ შენი იმედი უნდა ჰქონოდა. როგორც კი სისხლი დაინახა, იმ წამსვე შეისრუტა ბრბოს მთელი მძვინვარება, და ნაცვლად იმისა, რომ პირი ებრუნა, თვალი ველარ მოსწყვიტა ამ საზარელ სანახაობას. ის ბოხოქრობდა ისე, რომ თვითონაც ვერ ამჩნევდა ამას, ტკბებოდა ამ დანაშაულებრივი ბრძოლითა და თვრებოდა სისხლიანი ექსტაზით. ალიპიუსი უკვე აღარ იყო ის კაცი, რომელიც თავისდა უნებურად მოვიდა აქ, არამედ - ბრბოს ღვიძლი შვილი, ბრბოისა, რომელსაც შეუერთდა, და იმათი

<sup>44</sup> გლადიატორთა ბრძოლების შესახებ დანვრილებით იხ. მ.სერგენკო, დასახ. ნაშრ. გვ.226-244.

სისხლი სისხლთაგანი და ხორცი ხორცთაგანი, ვინც ძალით მოიყვანა<sup>45</sup>. მეტი რაღა ვთქვა? უყურებდა, ყვიროდა, ღრიალებდა, ბორგავდა, ბობოქრობდა და თან ნაიგანა შლეგური სურვილი, უკანვე რომ ექაჩებოდა. ახლა ის ძალით კი არ მოჰყავდათ სხვებს, პირიქით, თვითონ მოათრევდა მათ.

მაგრამ შენმა მძლეობა-მძლე და მონყალ ხელმა ამ უფსკრულიდანაც ამოიყვანა იგი; შენვე ასწავლე, რომ თავისი თავის იმედი კი არ უნდა ჰქონოდა, არამედ მხოლოდ შენი; მაგრამ ეს გაცილებით უფრო გვიან მოხდა.

## IX

14. მესხიერებაში ჩამრჩა ეს შეთხვევა, როგორც სამერძისო წამალი. იგივე ითქმის მეორე შემთხვევაზედაც.

მაშინ ის ჩემი მონათე იყო კართაგენში. ერთხელ, შუადღისას, ფორუმზე სეირნობდა და თან იმ სიტყვაზე თქრობდა, რომელიც სატაროდ უნდა წარმოეთქვა<sup>46</sup>, - ეს იყო ჩვეულებრივი სასკოლო სავარჯიშო, - და შენ იხებე, უფალო, რომ ქურდივით შეეპყროთ ფორუმის მცველებს. მე მგონია, უფალო, მხოლოდ იმიტომ იხებე ასე, რომ ეს კაცი, რომელსაც ესოდენ დიდი როლი უნდა ეთამაშა შემდგომ, იმთავითვე მიძხვდარიყო, რომ არ შეიძლება მიაბიგურად მიძნდობი იყო საქმის გარჩევისას და არც არავის მიეცევა განუსჯელად განიკითხოს ადამიანი.

ღიას, ის მარტო სეირნობდა სამსჯავროს წინ, თავის პატარა დაფებითა და სტილუსით<sup>47</sup>, როცა ერთი ჭაბუკი შევიდა, ნამდვილი ქურდი, ნატახით ხელში მიეპარა ცყვიის მოაჯირს, ოქრომჭედელთა ქუჩას რომ გასდევს ზემოდან, და ცყვიის ჩამოთლას შეუდგა. ალიპიუსს არც შეუნიშნა, მაგრამ ოქრომჭედლები, ქვევით რომ იდგნენ, ნატახის ხმის გაგონებისას აჩოჩოლდნენ და მცველები გაგზავნეს დამნაშავეს შესაპყრობად. ხალხის გნისმა დააფრთხო ქურდი, სწრაფად მოისროლა ნატახი, რომ თავისი იარაღითურთ არ შეეპყროთ, და თავქედმოგლეჯილმა მოკურცხლა. ალიპიუსს შემოსული არ დაუნახავს, მაგრამ გაქცეულს კი მოჰკრა თვალი; ნეტა რა ამბავიაო, გაითიქრა, მოაჯირს მიუახლოვდა და განცვიფრებით დააშტერდა მინაზე დაგდებულ ნატახს. ამასობაში მცველებიც მოვარდნენ და ალიპიუსს დაადგნენ თავზე, რომელსაც ნატახი უკვე ხელში ეჭირა, ისინი კი სწორედ ნატახის კაკუნმა მოიყვანა აქ; ხელი სტაცეს, წაათრიეს და თან, გარსშემოჯარულ ახლომხლო მცხოვრებთა

<sup>45</sup> ავეუსტინეს ყოველთვის აინტერესებდა ბრბოს ფსიქოლოგია. ისევე, როგორც ზემოთ (იხ. წიგნი მეორე, III,8 - IV,9), აქაც ძალზე ზუსტადაა გადმოცემული ბრბოს ზემოქმედება ადამიანზე. აქვე უნდა შევნიშნოთ, რომ ბრბოს ფსიქოლოგიის ცოდნას ნეტარი ავეუსტინე წარმატებით იყენებდა თავის საეპისკოპოსო მოღვაწეობაში. იხ. თუნდაც ვ.გარიე, დასახ. ნაშრ. გვ.206-210.

<sup>46</sup> ივლიუსსება ე.წ. „დეკლამაცია“, - იხ. მ.სერვენკო, დასახ. ნაშრ. გვ.187-188.

<sup>47</sup> ძველი რომაელები წვერწამახული წვირით („სტილუს“) წერდნენ ცვილის თხელი ფენით დაფარულ დაფაზე.

გასაგონად, ხმამაღლა იკვებინდნენ, რომ დანაშაულის ადგილზე შეიპყრეს ქურდი; ასე გაკოჭილს მიათრევდნენ, რომ მსაჯულებისათვის მიეგვარათ.

15. ამით დამთავრდა გამოცდა. რადგან მაშინვე მოველინე მწედ ალაღმართალს, რომლის ერთადერთი მონძეც შენ იყავი, უფალო. დილეგში ჩასაგდებად თუ საწამებლად რომ მიათრევდნენ, გზად ერთი ხუროთმოძღვარი შემოხვდათ, საზოგადოებრივ ნაგებობათა მთავარი ზედამხედველი. მცველებს ძალიან გაუხარდათ მისი დანახვა, რადგან ყოველთვის, როცა ფორუმზე რაიმე ზიანდებოდა, ხუროთმოძღვარი მათ სდებდა ბრალს: ახლა ხომ მაინც მიხვდება ვინ არის ნამდვილი დამნაშავეო.

მაგრამ ხუროთმოძღვარს არაერთხელ ენახა ალიპიუსი ერთი სენგორის სახლში, სადაც საკმაოდ ხშირი სტუმარი იყო; მაშინვე იცნო ალიპიუსი, ხელი ჩასჭიდა, ბრბოდან გამოიყვანა და ჰკითხა, ეს რა ამბავია შენს თავსაო? როდესაც გაიგო, რაც მოხდა, აღშოთებულსა და აბობოქრებულ ბრბოს უბრძანა, უკან მომეყვითო. ერთად მიადგნენ ქურდის სახლს. ჭიშკართან პაგარა მონა იდგა, ისეთი პაგარა, რომ აზრადაც არ მოსვლია, რა საფრთხეში აგდებდა თავის ბატონს, რომელსაც თან ახლდა ფორუმზე და ამიტომ ყველაფერი იცოდა. ალიპიუსმა იცნო იგი და ყველაფერი უამბო ხუროთმოძღვარს, რომელმაც ნაჭახი უჩვენა მონას და ჰკითხა, ეს ვისიაო? - ჩვენო, - თვალის დაუხამხამებლად მიუგო ბიჭმა. მაშინ გამოკითხვა დაუწყეს და ყველაფერი ნათელი გახდა.

ასე მიაგნეს ნამდვილ ქურდს შეცბუნებული ბრბოს თანდასწრებით, რომელიც ის იყო აპირებდა საკადრისი მიეგო ალიპიუსისათვის. შენი სიგყვის მომავალი მქადაგებელი და საეკლესიო მსაჯული<sup>48</sup> სწრაფად გაეცალა იქაურობას, ესოდენ ძვირად შეძენილი ცოდნითა და გამოცდილებით გამდიდრებული.

X

16. ამრიგად, ის რომში დამხვდა, სადაც ისე დამიახლოვდა, რომ მედიოლანუმშიც წამომყვა, რათა არ გამოშორებოდა და პრაქტიკულადაც გამოეყენებინა მის მიერ შეძენილი იურიდიული ცოდნა, თუმცა სამართლის შესწავლა იმდენად თვითონ როდი უნდოდა, რამდენადაც მის მშობლებს. უკვე სამჯერ იყო არჩეული მსაჯულად და ყველას აცვიფრებდა თავისი უანგარობით. მისი ხასიათის სიმგვიცე არაერთხელ დაუყენებია გამოცდის წინაშე არა მარტო სიხარბის საცთურს, არამედ შიშის ნესტარსაც.

<sup>48</sup> ქრისტიანობის პირველ საუკუნეებში ეპისკოპოსთა ყოველდღიურ მოვალეობად იქცა საჩივართა და ცილობათა გარჩევა, რადგანაც მორწმუნეებს არ უნდოდათ წარმართული სამსჯავროებისათვის მიემართათ. იხ. ვ.გერიე, დასახ. ნაშრ. გვ.183.



რომში თანაშემწე გახლდათ მსაჯულისა<sup>49</sup>, იგალობს თინანსებს რომ განაგებდა. იმ დროს იქ იყო ერთი დიდად გავლენიანი სენატორი; ბევრი დაემონებინა თავისი მონყალებით, ბევრი კი შიშით დაეთრგუნა. ერთ მშვენიერი დღეს მან მოისურვა თავისი გავლენით ესარგებლა და რაღაც ისეთ მოემოქმედა, რასაც კანონი კრძალავდა. ალიპიუსი გადაჭრით აღუდგა წინ. ჭილდოს შეჰპირდნენ, - სასაცილოდაც არ ეყო; დაემუქრნენ, - წარბიც არ შეიხარა. ყველას უკვირდა სულის ეს უჩვეულო სიმტკიცე, გადაჭრით რომ უარყოფთა იმ ყოვლისმძლე ვაცის მთავრელობას, რომელსაც უთვალავი საშუალება ჰქონდა საიმისოდ, რომ წყალობით აევესო მორჩილნი და კისერი მოეგრისა ურჩთათვის, - და არც მის მცრობას უფრთხოდა. მართალია, ამ საქმის წინააღმდეგი გახლდათ თვითონ მსაჯულიც, ვისი მრჩეველიც იყო ალიპიუსი, მაგრამ ვერ ბედავდა უარი ეთქვა სენატორისთვის და ყველაფერს ალიპიუსს აბრალებდა: თანხმობის ნებას არ მრთავსო. და მართლაც, რომ დათანხმებოდა, ალიპიუსი მაშინვე თავს დაანებებდა სამსახურს.

მხოლოდ ერთხელ მეცნიერების სიყვარულმა კინალამ აცთუნა იგი: შეეძლო სახელმწიფოს ხარჯზე შეეძინა ხელნაწერები; მაგრამ გულდასხმით რომ ანონ-დანონა ყველაფერი, თავისთვის სასიკეთო გადაწყვეტილება მიიღო, რაკილა მიიჩნია, რომ უმჯობესი იყო სამართლიანობა, რომელიც თანამდებობის ბოროტად გამოყენებას უკრძალავდა, ვიდრე ძალაუფლება, რომელიც ნებას რთავდა ბოროტად ესარგებლა იმავე თანამდებობით. თითქოს წვრილმანია, მაგრამ „მცირედში სანდო დიდშიც სანდოა“<sup>50</sup>. არ შეიძლება თუკი იყოს შენში ჭეშმარიტების სიტყვები: „თუ ცრუ და უსარგებლო სიმდიდრეში უნდონი იყავით, ჭეშმარიტს ვინ განდობთ თქვენ? და თუ სხვისაში უნდონი იყავით, თქვენსას ვინ მოგცემთ თქვენ?“<sup>51</sup>

ასეთი იყო ჩემი განუყრელი მეგობარი; ერთ ცათაში ვინვოდით, ერთნაირად დაეჭვებულნი, და ერთადვე ვიმტვრევდით თავს, რა გზა აგვეჩნია ამ ცხოვრებაში.

17. რაც შეეხება ნებრიდიუსს, მან მიაგოვა მამული, კართაგენის მახლობლად რომ მდებარეობდა, მიაგოვა თვით კართაგენიც, სადაც უმეტესწილად ცხოვრობდა, მიაგოვა მშობლიური მამაპაპეული სოფელიც, სახლიც და დედაც. რომელიც თან არ გამოჰყოლია, და მედიოლანუმში ჩამოვიდა მხოლოდ იმიტომ, რომ გვერდიდან არ მომშორებოდა, ჭეშმარიტებისა და სიბრძნის წვდომის დაუოკებელი სურვილით გულანთებული. ბედნიერების ეს გულმხურვალე მაძიებელი და ურთულეს პრობლემათა უგამჭრიახესი მკვლევარი აქ ჩემთან ერთად ოხრავდა, ჩემთან ერთად ბორგავდა და წრიალებდა. ერთად ვიყავით სამი მშვიერი, ჭეშმარიტი არსობის პურს დანაგრებულნი და იმის მოსურნენი, რომ „დროულად მოგეცა საბრძოლო“<sup>52</sup>. მწარე იმედგაცრუებისას, რაც, შენი გულმონყალებით, განუყრელად თან

<sup>49</sup> დედანში: „comes“ („კომიტი“) - ეს იყო მაღალი რანგის მოხელე, პროკონსულის (იმპერატორის ნაცვლის, პროვინციის გამაგებლის) თანაშემწე.

<sup>50</sup> ლუკა XVI, 10.

<sup>51</sup> ლუკა XVI, 11-12.

<sup>52</sup> ფსალმ. 144, 15.

ახლდა ყველა ჩვენს საერო საქმეს, განამებულნი ვეკითხებოდით ერთმანეთს, რა აზრი ჰქონდა ჩვენს ტანჯვას, მაგრამ გარსშემოწოლილ წყვილადში ვერავითარ პასუხს ვერ ვპოულობდით. სასონარკვეთილნი უკუეციქვოდით და მწარედ ვგმინავდით: „როდემდის, უფალო, როდემდის?!“ ხშირ-ხშირად ვიმეორებდით ამას და მაინც ძველებურად ვცხოვრობდით, რადგანაც ვერაფერს ვხედავდით სანდოსა და საიმედოს, რასაც შეიძლებოდა თავის გადასარჩენად ჩავჭიდებოდით.

## XI

18. მე კი ყველაზე მეტად მიკვირდა და ჭმუნვით აღვსილი ვივინებდი, რა დრო გავიდა მას შემდეგ, რაც ცხრაშვიდი წლისა ვიყავი, როცა ჩემს გულში პირველად იჩინა თავი სიბრძნის სიყვარულმა. მე მეგონა, თუკი ამ სიბრძნეს ვეზიარებოდი, სამუდამოდ ხელს ავიღებდი ყველა ამაო სურვილსა თუ ფუჭ იმედზე და ვასაქანს აღარ მივცემდი ცრუ გაცაცებებს. მაგრამ უკვე ოცდაშვიდწიანი ვიყავი და კვლავ იმავე გლაპოში ვიყავ დაფლული; ამაოდ ვცდილობდი დაემტკებარიყავი ანმყოფი, რომელიც ხელიდან მისხლგებოდა და თან მიჰქონდა გულის ნაწილი. მე კი დაჟინებით ვიმეორებდი: ხვალ მაინც მოვიხელოვებ; ჭეშმარიტება მთელი სიცხადით წარმოგიჩინდება და ველარსად წამივა; აი, ჩამოვა ფაუსტუსი და ყველაფერს ამისხნის-მეთქი. ო, აკადემიის ბრძენმოძღვარნო! მაშ, სულ გყუილად ვეცდებით იმის გაგებას, თუ როგორ უნდა ვიცხოვროთ? მოდი, უფრო გულმოდგინედ დაგინწყით ძებნა და ნუ წარვიკვეთთ სასოს. აკი ის, რაც უაზრობად მეჩვენებოდა საეკლესიო წიგნებში, თურმე სულაც არ ყოფილა უაზრობა, რაკილა შეიძლება სულ სხვაგვარად და მართებულად განვმარტოთ ბევრი ადგილი. მეც ავდგები და იმ საფეხურზე დაემკიდრდები, სადაც ბავშვობისას დამაყენეს ჩემმა მშობლებმა, ვიდრე არ ვიპოვი თვითცხად ჭეშმარიტებას. მაგრამ სად დაუწყეო ძებნა, ან როდის ვეძიო? ამბროსის არა სცალია; არც მე მცალია საიმისოდ, რომ წიგნებს ჩავუჭდე. სად ვეძიო თვითონ წიგნები? სად გამოვჩხრიკო, ან ვისა ვკითხო?

არა, უფრო ზუსტად უნდა გავანაწილო საათები, როგორც გამოვანახო დრო სულის სახსნელად. უკვე გულში ჩამესახა დიდი იმედი: კათოლიკე სარწმუნოება იამს როდი გვასწავლის, რაც მე მეგონა და რაშიაც ბრალს ვდებდი მას: ამ სარწმუნოების აღმსარებელნი მკრეხელობად მიიჩნევენ იმის მტკიცებას, თითქოს ღმერთი ადამიანის სხეულის ფორმით იყოს შემოსაზღვრული. მე კი ვყოყმანობ, მეშინია დავაკაკუნო<sup>53</sup>, რათა ყოველივე დანარჩენიც ცხადი შეიქნეს ჩემთვის. მთელი დილა მონათვეებთან მეცადინეობას მიაქვს; კი მაგრამ, რისთვისღა ვიყენებ დარჩენილ დროს? რატომ არ მივყო ხელი ამ საკითხთა კვლევას? მაგრამ როდისღა მოვინახულო ჩემი გავლენიანი მეგობრები, რომელთა მხარდაჭერაც ასე მჭირდება?

<sup>53</sup> რემინისცენცია მათეს სახარების სიტყვებისა: დააკაკუნეთ და გავიღებენ“ (VII, 7).

როდისღა მოვამზადო ის, რასაც ყიდულობენ მონაფეები<sup>54</sup>? როდისღა გავერიდო დროებით მაინც ამდენ საზრუნავს, რათა დავისვენო და კვლავ მოვიკრიბო ძალა?

19. შორს ჩვენგან ყოველივე ეს; თავი ვანებოთ წვრილმანებს; მოვიქცეთ მხოლოდ ჭეშმარიტების ძებნად. სიცოცხლე უბადრუკია; არ ვიცით, როდის მოვკვდებით. თუ სიკვდილი ანაზღაურად წამომეპარა, რანაირად წავალ აქედან? სად ვისწავლი იმას, რაც აქ არათურად მიმაჩნდა? შეჩვენება ხომ არ მომელის ამ დაუდევრობის სანაცვლოდ? კი მაგრამ, თუ სიკვდილი ბოლოს უღებს აზრის წრიალსა და გრძნობათა ბორჯვას? ოო, ესეც უნდა ვიკვლიოთ<sup>55</sup>.

არა, შორს ჩემგან ამნაირი ვარაუდი. განა ამაოდ გავრცელდა ქრისტიანული სარწმუნოება მთელი დედამიწის ზურგზე თავისი უზენაესი ავტორიტეტის ძალით? განა უფლის გულმონწყალეა გვალისებდა ამდენ სიდიადესა და მშვენიერებას, სხეულის სიკვდილი სულის სიკვდილსაც რომ მოასწავებდეს?<sup>56</sup> მაშ, რად ვაყოვნებთ? დაუგეტვით ამქვეყნიური იმედები და მთელის არსებით მივიქცეთ ღმერთისა და საუკუნო სიცოცხლის ძებნად.

მოიცა: სანუთროც სანუკვარი, ჯადოქრული ხიბლითა და სიგებოებით სავსე. ძნელია თავი დააღწიო მისკენ სწრაფვას, მაგრამ თუ მაინც დააღწევ, სამარცხვინოა კვლავ დაუბრუნდე. რაღა დამრჩა საპატიო წოდების მოპოვებამდე? განა ცოცხალი ვაღწევიანნი მეგობარი? თუ მეგისმეც არ მოვინდომებ, თავისუფლად შემიძლია პროვინციის მმართველი<sup>57</sup> მაინც გავხდე. ცოლსაც მოვიყვან, კაი გვარიანი მზითვეი რომ მოჰყვეს: შემოსავალი უნდა სჭარბობდეს გასავალს. აი, ყველა ჩემი სურვილის ზღვარი. ვინ მოსთვლის, რამდენი სახელოვანი და მოყვასთათვის მისაბაძი კაცი ეწაფებოდა ცოლთან ერთად სიბრძნეს.

20. ასე ვესიტყვებოდი საკუთარ თავს, ხოლო ამასობაში ოთხივ მხრიდან მქროლი ქარები თავიანთ ნებაზე ათამაშებდნენ ჩემს გულს. დრო გადიოდა, მე კი ვაყოვნებდი ღმერთის მიმართ მიქცევას, ყოველდღე იმის ცდაში ვიყავი, რომ სახვალაოდ გადამეღო შენში დავანება, შენში სიცოცხლე. უფალო, მაგრამ ყოველდღე კი ვკვდებოდი ჩემსავე თავში. თავდავინწყებით მიყვარდა ბედნიერება, მაგრამ მეშინოდა იქ მეძებნა, სადაც ის იყო; ხარბად მიველგვოდი და, იმავდროულად, გავურბოდი კიდევ. ასე მეგონა, უბედურზე უბედური ვიქნებოდი ქალის აღერსისა და ხვეწნა-კოცნის გარეშე; იმედი არა მქონდა, რომ შენი გულმონწყალეა მიხსნიდა ამ უბედურებისაგან, რადგანაც არასოდეს განმეცადა იგი. მე მწამდა, რომ თავშეკავება ჩვენს საკუთარ ძალაზეა დამოკიდებული, ჩემს თავში კი ვერ ვგრძნობდი მას. რა ვიცოდი მე

<sup>54</sup> ივლისისხმება რიტორიკული ხელოვნების გაკვეთილები.

<sup>55</sup> ივლისისხმება ეპიკურეს მოძღვრება, რომლის თანახმადაც სიკვდილი სულისა და სხეულის სრულ იავარყოფას მოასწავებს.

<sup>56</sup> ეპიკურეზმის ანტითემა.

<sup>57</sup> დედანში: „praeses“ (praesidis). იმპერატორ დიოკლიტიანეს (284-305 წ.) აღმინისტრაციული რეფორმის შედეგად რომის იმპერია 12 დიოცეზად იქნა დაყოფილი, ხოლო დიოცეზები, თავის მხრივ, პროვინციებად იყოფილნენ. კონსტანტინე დიდმა (306-337 წ.) ოთხ პრეფექტურად გააერთიანა დიოცეზები: აღმოსავლეთი, ილირია, იტალია, გალია. პრეფექტურებს პრეტორიის პრეფექტები განაგებდნენ, რომლებსაც ემორჩილებოდნენ დიოცეზების ვიკარები, ამ უკანასკნელთა კი - პროვინციების პრეზიდენტი.

სულელმა, რომ დაწერილია: „ვერავინ იქნება თავდაჭერილი, თუკი ღმერთი არ მისცემს ამის უნარს“<sup>58</sup>. შენ კი დიახაც მომცემდი და მიწყალობებდი, გულიდან ამომსკდარ გმინვას რომ მოეღწია შენს ყურამდე და ურყევი რწმენით აღვსილს შენთვის გადმომებარებინა ჩემი საბრუნავი.

21. ალიპიუსი წინააღმდეგი იყო იმისა, რომ ცოლი მეთხოვა და გამუდმებით მიმეორებდა, თუ ამ ნაბიჯს გადადგამ, ჩვენს მეგობრობასაც უნდა დავემშვიდობოთ და სიბრძნისკენ ერთად სწრაფვასაც, თანახმად ჩვენი სანუკვარი სურვილისაო. ამ მხრივ ის ჯერ კიდევ მაშინ განსაცვიფრებელ სინძინდეს ინარჩუნებდა; სიჭაბუკის ზღურბლზე შეეცნო ხორციელი სიყვარული და მალე ხელიც აეღო მასზე; ზიზღისა და ტკივილის მეტი არა დარჩენოდა რა სახსოვრად, და მას აქეთ მკაცრი თავდაჭერილობა ექცია ცხოვრების წესად.

მე კი ვედავებოდაი და იმ ხალხს ვუსახავდი ნიმუშად, ვინც სიბრძნესაც ემსახურებოდა, მადლიც ეპოვნა უფლის წინაშე და მეგობრების მიმართაც შესაშურ ერთგულებას იჩენდა. თუმცა სად მე და სად მათი სულიერი სიდიადე? ხორციელი ციებ-ცხელების, ტკბილი და სასიკვდილო ციებ-ცხელების მონად ქცეული სიამოვნებით დავათრევედი ბორკილებს და ისე ვუფრთხობდი კეთილ რჩევასა თუ ჩემს სახსნელად მოვლენილ ხალხს, როგორც ღია ჭრილობაზე შეხებას. მეტიც, ჩემი მეშვეობით თვით გველი ელარაპაკებოდა ალიპიუსს<sup>59</sup> და ჩემივე სიციფებით ქსოვა ვერაგულად დაგებულ მახეს, რათა შიგ გაეხა ეს თავისუფალი და პატიოსანი ყმაწვილი კაცი.

22. ალიპიუსს უკვირდა, რა ღრმად დაფელულებოდა მე, მისი სათაყვანებელი კერპი, ხორციელ გულისთქმათა მწვირეში, რადგანაც ყოველთვის, როცა ამ საკითხზე ვლაპარაკობდით, დაჟინებით ვიმეორებდი, უცლოლდ ვერ გავძლებ-მეთქი. მისი განცვიფრების შემყურე ვუმტკიცებდი, რომ ის წამიერი და მსწრაფლწარმავალი სიამოვნება, მალულად რომ განეცადა და თითქმის აღარც კი ახსოვდა, რის გამოც ასე ხელალებით ჰგმობდა და ზიზღით იხსენიებდა მას, ძირფესვიანად განსხვავდებოდა ჩემს მიერ განცდილი და, თავისი ხანგრძლივობის წყალობით, სანეგარო ჩვეულებად ქცეული სასიყვარულო კავშირისაგან. ხოლო თუ ამ კავშირს ცოლქმრობის ღირსეული სახელიც დაერქმევა, - დავსძენდი მე, - რაღაც გიკვირს, რომ არ შემოძლია შენსავით მეზიზღებოდეს ამნაირი ცხოვრება-მეთქი? როგორც ჩანს, იმდენი ვეჩიჩინე, რომ, ბოლოს და ბოლოს, ალიპიუსმა თვითონაც მოინდომა ცოლის შერთვა, თუმცა არა ტკბობის სურვილით, არამედ ცნობისმოყვარეობით ძლეულმა. მეუბნებოდა, რომ ძალიან უნდოდა გაეგო, რა იყო ის, რის გარეშეც ჩემი ცხოვრება, როემლიც ასე მოსწონდა, ცხოვრებად კი არა, ნამდვილ საგანჯველად მიმაჩნდა. ამნაირ კავშირს უჩვევ სულს აცვიფრებდა ჩემი მონობა, და სწორედ ამ განცვიფრების გამო ცდილობდა თვითონაც განეცადა იგივე ვნება; მას სურდა შეეძინა იგივე გამოცდილება, რომელიც სწორედ იმნაირ

<sup>58</sup> შდრ. სიბრძნე სოლომ. VIII, 21.  
<sup>59</sup> შდრ. დაბად. III, 1.

მონობაში ჩააგდებდა, ასე ძლიერ რომ აცვიფრებდა. დიახ, ის ცდილობდა „დანინდულიყო სიკვდილზე“, ხოლო „ვინც განსაცდელს მიეღტვის, განსაცდელშივე ვარდება“<sup>60</sup>.

არც მე და არც მას არ გვიბიდავდა ის, რაც ამკობს და ამშვენებს ცოლქმრულ ცხოვრებას: თუახის რივიანად გაძლოდა და ბავშვების აღზრდა. ხორციელი განცხრომის უძლები სურვილი, - აი, რა მაგყვევებდა და კიდევ მტანჯავდა. მისი ცყვეობის მიზეზი კი ცნობისმოყვარეობა გახლდათ. აი, რანი ვიყავით, ვიდრე შენ, უბენაესო, რომელიც არ სტოვებ ჩვენს დედამინას, არ შეგვიწყალე საწყალობელნი და იღუმალი და გონებაშიუნვდომელი გზებით არ მოგვეახლე მწედ და მეოხად.

### XIII

23. სულ იმას ჩამჩინებდნენ, ცოლი შემერთო. მე უკვე ხელი ვთხოვე ჩემს საგრტოს და თანხმობაც მივიღე მისგან. ამ საქმეში განსაკუთრებულ გულმოდგინებას იჩენდა დედაჩემი, რომელსაც იმედი ჰქონდა, რომ საქორწინოდ მაინც განვიბანებოდი ნათლისღების წმიდა და მაცოცხლებელი წყლით. სიხარულით ფეხზე აღარ იდგა, რადგანაც ხედავდა, რომ დღითიდღე სულ უფრო და უფრო მეტად მეუფლებოდა მონათვლის სურვილი, რაც თავისი ლოცვისა და შენი აღთქმის აღსრულებად მიაჩნდა.

ჩემი თხოვნითა და თავისი საკუთარი სურვილით ყოველდღე ვიხმობდა და გულმხურვალე ღაღადისით გვევდრებოდა, მოწყალება მოგელო, ხილვა მოგველინა და რაღაც მაინც გენიშნებინა მისთვის ჩემი მომავალი ქორწინების გამო; მაგრამ შენ დუმდი. რამდენჯერმე ნახა ფუჭი და უაზრო სიზმარი, რასაც სულში მომავლის მტანჯველი მოლოდინი იწვევს. დანვრილებით მიაბობდა მათ, მაგრამ არა უწინდელი რწმენით და სასოებით, რაც ასე ნათლად ვლინდებოდა მის სიციყვებში, როცა თავისი სიზმარეული ჩვენებების მიზეზად შენ გსახავდა, არამედ ერთგვარი გულაცრუებით და, ცოცა არ იყოს, ავდებულადაც. ის ამბობდა, რომ რაღაც უცნაური ელფერის წყალობით, რისი ახსნაც მას არ შეეძლო, თავისუფლად ასხვავებდა ერთმანეთისგან შენეულ გამოცხადებას და თავის საკუთარ ზმანებას.

და მაინც, დაჟინებით მირჩევდა ცოლი შემერთო. ყმანვილი ქალი, რომელსაც ხელი ვთხოვე, მხოლოდ ორი წლის შემდეგ გახდებოდა საქორწინო ასაკისა<sup>61</sup>, და რაკი მომწონდა, გადავწყვიტე მომეცადა.

<sup>60</sup> სიბრძნე ზირაქ. III, 25.

<sup>61</sup> ქალისათვის საქორწინო ასაკად ითვლებოდა 12 წელი (იუსტ. „ინსტიტ.“ 1,10,22).



XIV

24. მე და ჩემი მეგობრები რა ხანია ვაწყობდით გეგმებს, როგორ გავცლოდით კაცთა მშფოთვარე ცხოვრების უკუღმართობას; რაც უფრო მეტს ვფიქრობდით და ვსაუბრობდით ამის თაობაზე, მით უფრო მეტად ვრწმუნდებოდით, რაოდენ სწორი იყო ჩვენი გადანწყვეტილება.

აი, როგორ უნდა მოგვეწესრიგებინა ეს უმშფოთველი და აუძღვრეველი ყოფა: მთელი ჩვენი ავლადიდება საერთო საკუთრებად უნდა გვექცია, ესე იგი, გაგვეერთიანებინა ყველაფერი, რაც კი გვებადა; ამ საერთო საკუთრების მფლობელი უნდა ყოფილიყო თვითვეული ცალ-ცალკე და ყველა ერთად, რათა გულწრფელი მეგობრობით შეკრულთა შორის საერთოდ აღარ დარჩენილიყო ცნებები - „ჩემი“ და „შენი“. დაახლოებით ათნი უნდა ვყოფილიყავით, და ჩვენს შორის ძალიან მდიდრებიც იყვნენ, როგორც მაგალითად, ჩემი თანამემამულე და ჩემი სიყრმის მეგობარი რომანიანი<sup>62</sup>, რომელიც ძალზე გართულებული საოჯახო საქმეების მოსაგვარებლად ჩამოვიდა მედიოლანუმს და ერთავად სასახლის კარზე ტრიალებდა. ჩვენს წამოწყებას ყველაზე გულმხურვალედ სწორედ რომანიანი უჭერდა მხარს, და მის სიტყვას დიდი გასაგალი ჰქონდა, რადგანაც გაცილებით უფრო დიდი სიმდიდრის პატრონი იყო, ვიდრე რომელიც გნებავთ ჩვენგანი.

დავადგინეთ, რომ ყოველწლიურად ორ კაცს ავირჩევდით, როგორც სახაზინო მოხელეს, რომლებიც მიხედავდნენ ყოველივე აუცილებელს, დანარჩენები კი თავისუფლები იქნებოდნენ ამ საქმისაგან. მაგრამ ამ ანაზღაურებად შევბნელმა აზრმა გაგვიელვა თავში: დაეთანხმებოდნენ თუ არა ჩვენი ძვირფასი ცოლები ამნაირ გადანწყვეტილებას? (ზოგი უკვე ცოლიანი იყო, მე კი მალე ვაპირებდი ცოლის მოყვანას). ესეც იყო და ეს ჩვენი მშვენიერი გეგმა თვალსა და ხელს შუა გაგვიქრა და, რასაკვირველია, ერთხმად უარყოფილ იქნა.

კვლავ განვაახლეთ ვაი-ვიში და მოთქმა-გოდება, კვლავ დავადექით ამა სოფლის ფართო და გათელილ გზას, რადგანაც „მრავალი ზრახვა ტრიალებდა ჩვენს გულში“<sup>63</sup>, მაგრამ „მხოლოდ უფლის შთანათუქრია მარადისი“<sup>64</sup>. ასე, შენი შთანათუქრის თანახმად, დასცინოდი ჩვენს გეგმებს და სანაცვლოდ ამზადებდი შენსას, რათა „დროულად მოგვეცა ჩვენთვის საბრძოლო, გაგეხსნა ხელი და კურთხევით აგვესო ჩვენი სული“<sup>65</sup>.

<sup>62</sup> შდრ. მეოთხე წიგნის შენ. 43.

<sup>63</sup> ივანე სოლომ. XIX, 21.

<sup>64</sup> ფსალმ. 32,11.

<sup>65</sup> შდრ. ფსალმ. 144, 15-16.

XV

25. ამასობაში კი ჩემს ცოდვებს ცოდვები ემატებოდა<sup>66</sup>. მკერდიდან მომწყვიტეს საყვარელი არსება, რომელსაც შეეძლო ხელი შეეშალა ჩემი ქორწინებისათვის, და რომელიც ამდენი ხნის მანძილზე იზიარებდა ჩემს სარეცელს. სასიკვდილოდ მომიწყლეს გული, რომელიც უიმისოდ ვერ ძლებდა, და წყლულიდან დიდხანს მდიოდა სისხლი. ჩემი საყვარელი ათრიკაში დაბრუნდა; წასვლის წინ აღთქმა დადო, რომ სხვა მამაკაცს გვერდით აღარ გაიკარებდა, და დაპიტივდა ჩემი უკანონოდ შობილი ვაჟი, რომელიც მისგან შემეძინა. მე უბედურს კი იმდენიც არ შემიძლო, რომ ამ უმწეო ქალისთვის მიმეხატა: რაკი ქორწინებამდე ორი წელი უნდა მეცადა, სულმოკლეობის გამო თავი ვეღარ შევიკავე, რადგანაც, ეგცობა, იმდენად ცოლქმრულ ცხოვრებას როდი ვესწრაფოდი, რადმენადაც ავხორცული ვნების დაცხრომას, დიახ, თავი ვეღარ შევიკავე და სხვა ქალს დაუეხლოვდი, მაგრამ არა იმ მიზნით, რომ ცოლად შემერთო, არამედ რათა გამეხანგრძლივებინა ჩემი სულიერი სწეულება, რომელიც ჩემს არსებაში ღრმად ფესვგადგმული ჩვეულების ძალით სულ უფრო და უფრო მძაფრდებოდა და, როგორც ჩანს, თვით ქორწინებამდე გაგრძელდებოდა. თუმცა ჩემს პირველ სიყვარულთან განშორებით გულს დაჩნეულმა იარამ არ იქნა და არ შეიკრა პირი: მართალია, ცნობის მიმდელი ტვივილი ცოცხათი გამინელდა, მაგრამ წყლული დაჩირქდა და კვლავ მტკიოდა, ყრუდ და უიმედოდ<sup>67</sup>.

XVI

26. დიდება შენდა, უფალო, გულმონწყალების უშრეტო წყაროვ. რაც უფრო იზრდებოდა ჩემი უბედურება, მით უფრო მიახლოვდებოდი. ჩემს ზემოთ უკვე გამოისახა შენი მარჯვენა, რომელიც მზად იყო ამ მწვირედან ამოვეყვანე<sup>68</sup> და განვებანე. მე კი არ ვიცოდი ეს. თუ უფრო ღრმად არ ვინთქმებოდი ხორციელ გულისთქმათა უფსკრულში, მხოლოდ იმიტომ, რომ სიკვდილისა მეშინოდა და ვძრწოდი განკითხვის დღის წინაშე; ჩემი გრძნობების გამუდმებული მონაცვლეობის მიუხედავად, ამ შიშს არასოდეს მიუტოვებია ჩემი გული.

ჩემს მეგობრებთან - ალიპიუსსა და ნებრიდიუსთან ერთად ვმსჯელობდი სიკეთისა და ბროლოცების ზღვრის თაობაზე. სულის სიღრმეში პირველობას მივანიჭებდი ეპიკურეს, თუ დარწმუნებული არ ვყოფილიყავი, რომ სული სხეულის სიკვდილის შემდეგაც განაგრძობს არსებობას, და იმას მოიმკის, რაც ამქვეყნად დაუთესია; ეპიკურეს კი ეს არ სწამდა; მე ვეკითხებოდი ჩემსავე თავს: „ჩვენ რომ უკვდავნი ვიყოთ და მთელი სიცოცხლის მანძილზე ხორციელ განცხრომაში დანთქმულნი, არც იმის შიში გვექონდეს, რომ აღრე თუ გვიან

<sup>66</sup> შლრ. სიბრძნე ზირაქ. XXIII, 3.

<sup>67</sup> ამ კავშირის შესახებ დანვრილებით იხ. პროფ. ი.ვ.პოპოვი, დასახ. ნაშრ. გვ.66-70.

<sup>68</sup> შლრ. ფსალმ. 39, 3.

იძულებულნი ვიქნებით ხელი ავიღოთ ამ განცხრომაზე, ვითომ რაგომ არ ვიქნებოდით ბედნიერნი, ან რაღა უნდა გვენატრა?“ რა ვიცოდი, რომ სწორედ ეს მოწმობდა უდიდეს უბედურებას: დაცემულსა და თვალდავსილს არ შემეძლო აღმეცემა სიჭველის წმინდა ნათელი და უხრწნელი მშვენიერება, რომელსაც ხორციელი თვალთ კი არა, მხოლოდ შინაგანი - გონების თვალთ თუ იხილავს კაცი. ისიც კი არ მესმოდა მე უბედურს, რომელი წყაროდან იღებდა დასაბამს თვით ამ სიბილწეზე საუბრის სიგებობა, ან რაგომ არ შემეძლო ბედნიერი ვყოფილიყავი მეგობრების გარეშე, თუმცა არანაირი ხორციელი განცხრომა არ მაკლდა. უანგაროდ მიყვარდა ჩემი მეგობრები და მწამდა, რომ ასევე უანგაროდ ვუყვარდი მათაც.

ო, ცთომილების კლაკნილო გზებო! ვაი თავხედსა და თავგასულ სულს<sup>69</sup>, რომელსაც ეგონა, თუ შენ გაგეცლებოდა, უკეთესს იპოვიდა რასმე. ამაოდ წრიალებდა სასომიხდილი, ხან ერთ გვერდზე გადატრიალდებოდა, ხან მეორეზე, პირქვე დამხობილი რომ ვერ ძლებდა, გულაღმა არჩევდა წოლას, მაგრამ ყველაფერი მქისე და ხორკლიანი ეჩვენებოდა, რადგანაც შენს გარდა ვერსად ჰპოვებდა მოსვენებას.

და, აი, შენც არა ხარ, ჩვენი უბადრუკი ცთომილებისაგან გვათავისუფლებ და შენს წრფელ გზაზე გვაყენებ, გვანუგეშებ და შეგვაგონებ: „გაიქეცით, მე შეგენევით; მე წაგიყვანთ და დაგიხსნით“<sup>70</sup>.

<sup>69</sup> შდრ. ესაია III, 11.

<sup>70</sup> შდრ. ესაია, XLVI, 4.

## წიგნი მეორე

### I

1. უკვე მიიწვალა ჩემი სიჭაბუკე<sup>1</sup>, ცოდვილი და უკეთური: მონიჭებულობის ასაკს ვუახლოვდებოდი. რაც უფრო მემატებოდა წლები, მით უფრო თუჭი ხდებოდა ჩემი ოცნებები. მე არ შემიძლო წარმომედგინა სხვა არსი, გარდა იმისა, რომლის ჭვრეტასაც ჩვეულებრივ იყვანენ, აი, ეს ჩემი თვალები. ვერასდროებით ვერ ვახერხებდი ადამიანის სახით წარმომედგინე, უფალო ჩემო: მას აქვთ, რაც სიბრძნის ხმას ვათხოვე ყური, ყოველთვის თავს ვარიდებდი ამნაირ წარმოდგენებს, და სიხარულით ცას ვენიე, როცა იგივე რწმენა ვპოვე ჩვენი სულიერი დედის - შენი კათოლიკე ეკლესიის წიაღში. თუმცა აზრადაც არ მომსვლია, რომ შეიძლებოდა სხვა სახითაც წარმომედგინე. მე - კაცი, და მერე რა კაცი, ვცდილობდი წარმოსახვით მოგწვდომოდი უზენაესს, ერთადერთსა და ჭეშმარიტ ღმერთს!<sup>2</sup> მთელი ჩემი არსებით მწამდა, რომ უხრწნელი ხარ, ურღვევი და მარად უცვლელი. არ ვიცი, როგორ და რისი წყალობით, მაგრამ მკათიოდ ვხედავდი და დაბეჭდვით ვიცოდი, რომ ხრწნადი უხრწნელზე უდარესია, რღვევადი - ურღვევზე, ხოლო ცვლადი - უცვლელზე უმდაბლესი.

ჩემი გული გამშაგებით ეწინააღმდეგებოდა ყველა ჩემს გამონათქვამს. მე ვცდილობდი ერთი დარტყმით მომეცილებინა თავიდან თუჭი თანგასმების ეს უწმინდური ხროვა, გამუდმებით რომ რიალებდა ჩემი გონების თვალწინ; მაგრამ საკმარისი იყო წამით გამეფანტა, რომ თვალის დახამბამებაში<sup>3</sup> ხელახლა იყრიდა თავს, მგვრის ბუქივით კვლავ ჩემს ირგვლივ იწყებდა გრიანს და მზის შუქს მიბნელებდა; ასე რომ, იძულებული ვიყავი, ადამიანის სახით თუ არა, ერთგვარ სხეულებრივ არსად მაინც წარმომედგინე, რომელიც სამყაროშია გათქვეფილი, ან უსასრულოდ განიფინება სამყაროს მიღმა. და მაინც, ჩემი წარმოდგენით, ეს იყო რაღაც უხრწნელი, ურღვევი, მარად უცვლელი და, მამასადამე, ყოველივე იმაზე უზენაესიც, რაც ხრწნილებას, რღვევასა და ცვალებადობას ექვემდებარება. მაგრამ ის, რაც არანაირ სიფრცეში არ თავსდებოდა, არარაობად, სრულ არარაობად მესახებოდა, და არა, ვთქვათ, სიცარიელედ, გადაადგილებული სხეულის ნაცვლად რომ რჩება სიფრცეში, - ყოველგვარი სხეულისაგან თავისუფალ სიცარიელედ, მინის, წყლის, ჰაერისა თუ ცის გარეშე. რა არის ეს, თუ არა პირწმინდად ცარიელი ადგილი, ერთგვარი ვრცელი არარაობა?<sup>4</sup>

<sup>1</sup> „ყოველივე ცვალებადში სიკვდილი სხვა არა არის რა, თუ არა ცვლილება, რადგანაც მასში სპობს იმას, რაც იყო“ („მანიქეველთა წინააღმდეგ“, 2, 12, 2).

<sup>2</sup> მდრ. იოანე XVIII, 3.

<sup>3</sup> მდრ. I კორ. XV, 52.

<sup>4</sup> მანიქეველთა მატერიალისტური წარმოდგენებისაგან განთავისუფლებული ავგუსტინე ჯერ კიდევ განიცდის მათ ერთგვარ გავლენას: მას ვერ წარმოუდგენია ღმერთი, როგორც პირწმინდად სულიერი რეალობა: „სულიერებას“ ის ერთგვარ „მათემატიკურ“, ანუ იმნაირ სიფრცესთან აიგივებს, რაც მისი ამსვები სხეულებისაგან დამოუკიდებლად მოიაზრება.

2. ისე გამქისდა ჩემი გული, თვითონაც ვერ ვამჩნევდი საკუთარ თავს, და სრულ არარაობად მიმაჩნდა ყველაფერი, რაც სივრცის ამა თუ იმ მონაკვეთზე არ იყო განთენილი, გადაჭიმული, შეგრავნილი თუ განწელილი<sup>5</sup>, და რასაც არ შეეძლო ესა თუ ის ფორმა მიეღო, ან მისი მიღების საშუალება არ ჰქონდა. რანაირ ფორმათა შორისაც მჩვეოდა თვალის ცეცება, იმნაირ ხატებათა შორის დაბორიალობდა ჩემი გულიც; ვერ ვხედავდი, რომ სულის ის უნარი, რომლის მეშვეობითაც ვქმნიდი თვით ამ ხატებებს, მათივე მსგავსი როდი იყო: ის ვერ შესძლებდა შეექმნა ისინი, რაღაც დიადი რომ არ ყოფილიყო<sup>6</sup>.

და თვით შენც, ჩემი სიცოცხლის სიცოცხლეო, მე წარმომედგინე უდიადეს არსად, კიდით-კიდემდე რომ განწონის სამყაროს უსასრულო სივრცეს და მის მიღმაც განითენება, უსაზღვროდ და უკიდევანოდ: შენა ხარ დედამინაზე, შენა ხარ ცაში, შენა ხარ ყველგან, შენა ხარ ყველაფრის ზღვარი, შენთვის კი სრულად უცხოა ყოველგვარი ზღვარიც და დასასრულიც. როგორც ჰაერის სისქე, გარს რომ აკრავს მთელ დედამინას, ხელს ვერ უშლის მზის შუქს, დაუბრკოლებლივ მოაღწიოს ჩვენამდე, ისე, რომ არსად გაფლითოს და გახიოს ჰაერი; შუქს, რომელიც მთლიანად ავსებს და განწონის მას, - მე მეგონა, შენც ასევე დაუბრკოლებლივ განწონიდი არა მარტო ცას, ჰაერს თუ ზღვას, არამედ დედამინასაც, ისევე, როგორც სამყაროს ყველა ნაწილს, დიდსა თუ მცირეს, რომლებიც ცდილობდნენ მოეხელთებინათ შენი არსება, რათა, ამრიგად, შეგრწყობდნენ და შეგნივთებოდნენ; ხოლო შენ, როგორც შიგნით, ისე გარეთაც, შენი იღუმალის სუნთქვით მართავდი და წარმართავდი შენსავე ქმნილებებს. ასე მეგონა, რადგან სხვა რამის წარმოდგენაც კი არ შემიძლო; მაგრამ ეს იყო შეცდომა, ვინაიდან მაშინ დედამინის უდიდესი ნაწილი შენს უდიდეს ნაწილს მიირქმევდა, უმცირესი კი - უმცირესს; შენ იქნებოდი ყოვლის აღმსესები, მაგრამ სპილოში მეტი იქნებოდი, ვიდრე ბელურაში, იმდენად მეტი, რამდენადაც სპილო აღემატება ბელურას და უფრო დიდი ადგილი უჭირავს, ვიდრე ამ პატარა ჩიგს. ამრიგად, სამყაროს სხვადასხვა ნაწილს შენ ნაკუნ-ნაკუნ უწილადებდი საკუთარ თავს: უფრო დიდს შენი არსების უმეტეს ნაწილს არგუნებდი, უფრო მცირეს კი - უკნინესს. არა, სინამდვილეში ასე როდია საქმე, მაგრამ შენ ჯერ კიდევ არ გაგენათებინა ჩემი წყვილიაღი.

## II

3. ჩემთვის სავესებით საკმარისი იყო, უფალო, ამ ცთუნებულ მაცთურთა, ამ მუნჯ ებედთა<sup>7</sup> საპირისპიროდ, - რადგანაც მათი პირით როდი ღალადებდა შენი სიტყვა, - დიახ, ჩემთვის სავესებით საკმარისი იყო ის კითხვა, რომელსაც დიდი ხნის წინათ, ჯერ კიდევ კართაგენში გვთავაზობდა ნებრიდიუსი და რომელმაც ასე გაგვაოგნა მისი მსმენელნი: არ ვიცი, რას

<sup>5</sup> შლრ. მათე XIII, 15; მოციქ. საქმენი XXVIII, 27.

<sup>6</sup> შლრ. აქვე, შენ. 4.

<sup>7</sup> იგულისხმებიან მანიქეველები... შლრ. II ტომ. III, 13.



დაგაკლებდნენ, უფალო, ბნელეთის ეს მოციქულნი, რომელთაც, ჩვეულებრივ, გიპირისპირებდნენ მანიქეველები, როგორც მგრულ ძალას, თუკი არ ისურვებდი შებმოდი მათ? თუ გვიპასუხებდნენ, რომ ამ ძალას შეიძლებოდა რაიმე ევნო შენთვის, მაშინ უნდა გველიარებინა, რომ არც უძლეველი ხარ და არც უხრწნელი. ხოლო თუ პასუხად გვეცოდნენ, რომ ის ვერაფერს გაუნებდა, მაშინ რაღა აზრი ექნებოდა მასთან ბრძოლას, ესე იგი, იმნაირ ბრძოლას, სადაც შენი ერთი ნაწილი, შენივე არსის ნაწილი<sup>8</sup>, შეიძლებოდა მგრულ ძალას, ანუ იმ ბუნებას შერეოდა, რომელიც შენ არ შეგიქმნია, და იმდენად შერყვნილ-შებლალულიყო, რომ ნეგარების ნაცვლად განჯვა ხვდომოდა წილად, ასე რომ, შემწეობა დასჭირდებოდა განწმენდისა და განთავისუფლების მოსურნეს<sup>9</sup>. სწორედ ეს ნაწილია სული, რომელსაც მწედ ევლინება შენი სიგყვა: მონას - თავისუფალი, შერყვნილს - უხრწნელი, ბინიერს - წმიდა, თუმცა ხრწნილება, ამ შემთხვევაში, არც მისთვის იქნებოდა უცხო, რაკილა იმავე საწყისისგან იღებს დასაბამს<sup>10</sup>. ამრიგად, თუ იცოდნენ, რომ ის, რაცა ხარ, ანუ თვით შენი არსი, უხრწნელია, მთელი მათი მტკიცება მცდარი და ამაზრბენი იქნებოდა, ხოლო თუ იმავე არსს ხრწნილებას მიანერდნენ, ეს იქნებოდა სიყალბე, რომლისთვისაც იმთავითვე ზიზღით უნდა გვექცია ზურგი.

მარტოდენ ეს საბუთიც იკმარებდა ამ უკეთურთა უკუსაგდებად, რათა მათი კირთებისაგან დაგვეხსნა გული; რადგან ასე რომ მსკელობენ და ფიქრობენ შენზე, ისინი თავს ვერ დააღწევენ ამ შინაგან წინააღმდეგობას საბარელი მკრეხელობის გარეშე: ესაა ღვთის გმობა ენისა თუ გულის მიერ.

III

4. მე კი, მართალია, ვამტკიცებდი და დაბეჯითებით მწამდა, რომ უმწიკვლო ხარ, წარუვალი და უცვლელი, უფალო ჩვენო<sup>11</sup>, ჭეშმარიტო ღმერთო ჩვენო, რომელმაც შექმენი არა მარტო ჩვენი სული, არამედ სხეულიც, და არა მარტო ჩვენი სული და სხეული, არამედ ყველა და ყველაფერიც, მაგრამ ჯერ კიდევ არა მქონდა ნათელი და მკათიო წარმოდგენა იმაზე, თუ რა იყო ბოროტების მიზეზი<sup>12</sup>. როგორიც უნდა ყოფილიყო ბოროტების დასაბამი,

<sup>8</sup> ე.ი. სინათლის ის ნაწილაკები, რომლებსაც სინათლისა და სიბნელის ურთერთჭიდოში, მანიქეველთა მოძღვრების თანახმად, მიიტაცებს ხოლმე ბნელეთი (იხ. მესამე წიგნის შენ. 25).  
<sup>9</sup> ეს კი ღვთაებრივი არსის ყოვლისშემძლეობისა და უხრწნელების უარყოფას ნიშნავს. ნებრიდისის ზემოხსენებული არგუმენტი ისარგებლა ნეტარმა ავგუსტინემ მანიქეველთა ერთ-ერთ „რჩეულთან“ - ვინმე ფელიქსთან პაექრობისას. როცა დარწმუნდა, რომ მანიქეველთა მოძღვრებიდან ლოგიკური აუცილებლობის გზით გამომდინარეობდა დასკვნა, რომლის თანახმადაც ღმერთს შეიძლება ავნოს ან ზიანი მიაცენოს რაიმე, ფელიქსი საბოლოოდ გაემიჯნა მანიქეიზმს („აქტები ფელიქსის წინააღმდეგ“, 2,32).  
<sup>10</sup> მანიქეველთა ქრისტოლოგია ბუნდოვანია და შინაგანი წინააღმდეგობებით საჯეს (მდრ. მესამე წიგნის შენ. 25): ქრისტე ხან ღვთის სიტყვად გვევლინება, რომელიც მოველინა ადამიანებს, რათა სინათლის საუფლოში დააბრუნოს ისინი, ხან კი - სინათლის ამ ნაწილაკთა პერსონიფიკაციად, რომელთაც ადამიანის სულში აქვთ საჯანე.  
<sup>11</sup> „თვით ღმერთზე ნეტარი ავგუსტინე გადმოგვცემს, რომ უფლის უცვლელის იდეა ყოველთვის თვითცხადიყო მისთვის. ერთის მხრივ, მას ნათლად ჰქონდა შეგნებული, რომ ღმერთი ის არსებაა, რომელზე უზენაესის წარმოდგენაც შეუძლებელია გონებისათვის, მეორეს მხრივ კი, მისთვის ისიც უეჭველი იყო, რომ უხრწნელი და უცვლელი ხრწნადსა და ცვალებადზე უმაღლესია. ამ იდეების ურთიერთშერწყმამ მას შთაუწერა ღვთაებრივი სუბსტანციის უცვლელის ურყევი რწმენა“. - პროფ. ი.ვ.პოპოვი, დასახ. ნაშრ. ნაწ. II, გვ.580-581.  
<sup>12</sup> ნეტარი ავგუსტინე დიდხანს განიცდიდა მანიქეველთა დუალისტური მოძღვრების გავლენას, რომლის თანახმადაც, ბოროტება სუბსტანციური ბუნებისაა, რაც აშკარად ეწინააღმდეგებოდა ღმერთის, როგორც უზენაესი სიკეთის ცნებას. თუ ღმერთი მართლაც უზენაესი სიკეთეა და, იმავდროულად, ყოვლის შემოქმედიც, ის შეუძლებელია ბოროტების მიზეზი იყოს. ყველაფერი, რაც კი არსებობს, ღმერთის

მე მხოლოდ ერთ რამეს ვხედავდი: ისე უნდა წარმემართა ჩემი ძიება, რომ იძულებული არ გავმხდარიყავი ცვალებადად მეღიარებინა უცვლელი ღმერთი<sup>13</sup>; თორემ იმასვე დავემგვანებოდი, რასაც ვეძებდი. ამრიგად, მე მშვიდად მივყავი ხელი ძიებას, რადგანაც დარწმუნებული ვიყავი, რომ მანიქეველთა მსჯელობაში სიმართლეს ვერ ვპოვებდა კაცი. მთელი არსებით ვშორდებოდი მათ, რაკილა ვხედავდი, რომ ბოროტების მიზების ძიებისას თვითონაც ბოროტდებიან და ამიგომაც ფიქრობენ, რომ უმაღლეს დიამონს ბოროტებას, უფალო, ვიდრე ისინი ჩაიდენენ მას.

5. მე ვცდილობდი გამეგო, რასაც მეუბნებოდნენ ჩვენი თავისუფალი ნების თაობაზე: სწორედ ესაა მიზეზი იმისა, რომ ბოროტებას ჩავდივართ და სამართლიანად ვიგვით თავზე უფლის მსჯავრსაო<sup>14</sup>. - მაგრამ ნათლად კი ვერ ვწვდებოდი ამ მიზეზის არსს. მინდოდა უთსკრულიდან ამომეზიდა ჩემი გონება, მაგრამ უფრო ღრმად ვინთქმებოდი შიგ; რაც უფრო მეტს ვწვალვობდი, მით უფრო ფუჭი ხდებოდა ჩემი მცდელობა<sup>15</sup>.

აი, რა მიზიდავდა შენი ნათლისავენ: არანაკლებ ღრმად ვიყავი დარწმუნებული იმაში, რომ ნება მაქვს, ვიდრე იმაში, რომ ვცოცხლობ. ასე მაგალითად, როცა რაიმე მსურდა ან არ

შექმნილია. ღმერთისაგან არ იღებს დასაბამს მხოლოდ ის, რაც არ არსებობს. არარსებული კი, ნეოპლატონისტთა კონცეფციით, რასაც შემდეგ მოლიანად ვაიზიარებს ნეტარი ავგუსტინე, მატერიაა (იხ. მესამე წიგნის შენ. 39). მაგრამ ამ „არარსებულს“, ამ „არარას“, რომელსაც სუბსტანციური არსებობა არ გააჩნია, ვარკვეული აზრით, თავისებური წილი უდევს გრძნობადი სამყაროს არსებობაში. უფრო გვიან, ელინისტურ ეპოქაში, ბიბლიური ტრადიცია ეჭვმუხუვალად გვიდასტურებს, რომ ღმერთმა სწორედ „არარსებულისგან“, „არარასგან“, „არაფრისგან“ შექმნა სამყარო: „გემუდარები, შვილო ჩემო, შეხედე ცასა და მიწას, იხილე ყოველივე ზეციური და მიწიერი, და შეიცან, რომ ყველაფერი არაფრისაგან შექმნა ღმერთმა, და რომ ასევე წარმოიშვა კაცთა მოდგმაც“ (II მაკაბ. VII, 28). შესაძლოა, ტერმინოლოგიური მსგავსების გამო ქრისტიანულმა თეოლოგიურმა აზრმა ვარკვეულწილად ერთმანეთთან გააიგივა ნეოპლატონისტთა „არარსებული“ და ბიბლიური „არაფერი“, „არარა“. „ნეტარ ავგუსტინეს - შენიშნავს პროფ. ი.ვ.პოპოვი, - „არარა“ წარმოუდგენია ერთგვარ ურჩ საწყისად, რომელიც მას შემდეგ, რაც შემოქმედებითმა აქტმა გამოიხმო მისთვის ბუნებრივი არარსებობის მდგომარეობიდან, გამუდმებით მიეღობის იმას, რომ კვლავ მისთვის ნიშნულ მდგომარეობას დაუბრუნდეს“ (დასახ. გამოც. ნაწ. II, გვ.536).

<sup>13</sup> „მანიქეველთა მოძღვრების თანახმად, ღმერთი არსებები ძალით მიიტაცებენ ნათელი ღვთაებრივი სუბსტანციის ნაწილს, რომელსაც მატერიაში გამოამწყვდევნენ და ათავსებენ ძალადობის საგნად აქცევენ. მაცხოვრის ადამიანური ბუნება კი არა, ღვთაებრივი სუბსტანციის დაქუცმაცებული და ქვებში, მცენარეებსა თუ ცხოველებში დატყვევებული ნაწილაკები, - აი, რა არის ვნებელი ქრისტი. ღმერთის ბუნების შეურაცხყოფელმა და მისი ღირსების შემოღალავამ ამ წარმოუდგენად აიძულა ნეტარი ავგუსტინე მკვეთრად დაპირისპირებოდა მანიქეველებს და განსაკუთრებული დაუინებით წამოეყენებინა ღმერთის უცვლელიობის იდეა“. - პროფ. ი.ვ.პოპოვი, დასახ. ნაშრ. ნაწ. II, გვ.580-581.

<sup>14</sup> ზოგიერთი კომენტატორის აზრით, აქ შეიძლება იგულისხმებოდეს წმ. ამბროსი მედიოლანელის ქადაგებები, რომელთა მიხედვითაც, ბოროტების მიზეზი თავისუფალი ნებაა. უფრო გვიან ნეტარი ავგუსტინე იტყვის: „ბოროტებად იწოდება ისიც, რასაც სჩადის და ისიც, რასაც ითმენს ადამიანი. პირველი ცოდვაა, მეორე კი სასჯელი. ადამიანი სჩადის ბოროტებას, რომელიც სურს, და ითმენს ბოროტებას, რომელიც არ სურს“ („მანიქეველთა წინააღმდეგ“, 26). მაგრამ საკითხავია, რამდენად ეთანხმება ცოდვის ეს დეფინიცია პავლე მოციქულის სიტყვებს: „რადგანაც ვიცით, რომ სჯული სულიერია, ხოლო მე ხორციელი ვარ და ცოდვას მიყიდული, ვინაიდან არ მესმის რას ჩავდივარ: იმიტომ, რომ მისს კი არ ჩავდივარ, რაც მსურს, არამედ იმას, რაც მძულს. ხოლო თუ იმას ჩავდივარ, რაც არ მსურს, მაშასადამე, ვეთანხმები სჯულს, როგორც კეთილს. და ან უკვე მე კი არ ჩავდივარ მას, არამედ ცოდვა, რომელიც მკვიდრობს ჩემში. რადგანაც ვიცი, რომ არ მკვიდრობს ჩემში, ესე იგი, ჩემს ხორცში, კეთილი; ვინაიდან არის ჩემში კეთილის ნდობა, მაგრამ არ ვიცი, როგორც აღვასრულო იგი. რადგან კეთილს კი არ ჩავდივარ, რომელიც მსურს, არამედ ბოროტს, რომელიც არ მსურს. ხოლო თუ იმას ჩავდივარ, რაც არა მსურს, მე კი არ ჩავდივარ მას, არამედ ცოდვა, რომელიც მკვიდრობს ჩემში“ (რომ. VII, 14-20). თუ ნეტარი ავგუსტინეს მიხედვით, ბოროტების მიზეზი თავისუფალი ნებაა, პავლეს თანახმად, იმავე ბოროტების მიზეზად პირველი ცოდვა გვევლინება, რომელმაც შებღალა ადამიანის ბუნება და მემკვიდრეობით გადაეცა კაცთა მთელ მოდგმას. თუმცა, ბიბლიის მიხედვით, სწორედ თავისუფალი ნება იყო პირველი ცოდვის მიზეზი. მაგრამ მაშინ იბადება ახალი კითხვა: მხოლოდ ჩვენს ბიბლიურ წინაპრებს ჰქონდათ თავისუფალი ნება, ანუ სიკეთესა და ბოროტებას შორის თავისუფალი არჩევანის შესაძლებლობა, კაცთა მთელი მოდგმა კი ამ პირველ ცოდვის მარადიული ტყვეა და მისი ქცევაც სწორედ ამ ცოდვითაა დეტერმინირებული?

<sup>15</sup> ეს ხელმოკლარელობა, უწინარეს ყოვლისა, განპირობებული იყო იმით, რომ ნეტარი ავგუსტინეს მსოფლმხედველობაზე კვლავინდებურად ვარკვეულ გემოქმედებას ახდენდა მანიქეველთა მოძღვრება, რომლის თანახმადაც ბოროტება სუბსტანციონალური ბუნებისაა. პრობლემის თავისებურ გადაჭრას გვთავაზობს ნეტარი ავგუსტინეს ორი თხზულება: „თავისუფალი ნებისათვის“, 3,17,47 და „დონიტიანთა წინააღმდეგ“, 12,7-8.

მსურდა, ვიცოდი, რომ სხვას კი არა, სწორედ მე მსურდა ან არ მსურდა, და ამრიგად, ჩემთვის თანდათან ცხადი ხდებოდა, სად იყო ჩემი ცოდვის მიზეზი. რაც შეეხება ჩემს უნებურ ქცევას, ეს, უძალად, ვნებითი სანყისის გამოვლენად მიმაჩნდა, ვიდრე ქმედითისა, ასე რომ, დანაშაულად კი არა, სასჯელად აღვიქვამდი მას; ხოლო რაკი შემს სამართლიანობაში ეჭვი არ მეპარებოდა, დარწმუნებული ვიყავი, რომ საესებით სამართლიანად ვიმსახურებდი ამ სასჯელს.

მაგრამ მაშინვე თავს იჩენდა სასტიკი კითხვა: „ვინ შექმნა? ვინ, თუ არა ღმერთმა ჩემმა, რომელიც არა მარტო კეთილია, არამედ თვითონვეა სიკეთე? მაშ, რა უნდა იყოს იმის მიზეზი, რომ ცუდი მსურს და არა კარგი? ნუთუ ის, რომ სამართლიანად დამსაჯოს ღმერთმა? ვინ ჩამინერგა, ვინ ჩათესა ჩემში სიმწრის ეს ნერვი<sup>16</sup>, თუკი მთელი ჩემი არსება ჩემმა ტკბილმა უფალმა შექმნა? ხოლო თუ ჩემი შემოქმედი ეშმაკია<sup>17</sup>, საიდან იღებს დასაბამს თვითონ ეშმაკი? თუ ის ოდესღაც კეთილი ანგელოსი იყო, მაგრამ თავისი გამრუდებული და გაუკუღმართებული ნების წყალობით ეშმაკად იქცა, მაშინ რა ძალამ შვა მასში ეს უკეთური ნება, თუკი ის, სრულმქნილი ანგელოსი, კეთილმა შემოქმედმა შექმნა?“ კვლავინდებურად თავს მეხვეოდნენ და სულს მიხუთავდნენ ეს შავბნელი ფიქრები, მაგრამ ცთომილების იმ უფსკრულში კი არ ვინთქმებოდი, სადაც არავინ გეუბნება აღსარებას, რადგანაც ხალხს ჰგონია, რომ უძალ შენ დაითმენ ბოროტებას, ვიდრე კაცი ჩაიდენს რაიმე ბოროტს.

#### IV

6. მე ვცდილობდი, ისევე ჩავწვდომოდი სხვა ჭეშმარიტებათა აზრსაც, როგორც იმას ჩავწვდი, რომ უხრწნელი ხრწნადზე უმჯობესია. ამიგომ, ვინც უნდა ყოფილიყავი, უხრწნელად გსახავდი, უფალო, ვინაიდან ვერცერთი სული ვერასოდეს ვერ შესძლებდა შენზე უკეთესი არსი წარმოედგინა, რადგანაც შენა ხარ უზენაესი და უსრულქმნილესი სიკეთე. რაკილა სამართლიანობა და სიბუსტე მოითხოვს, უხრწნელი გერჩიოს ხრწნადს, - ხოლო ეს არჩევანი მე უკვე მოვახდინე, - შეიძლებოდა იმედი მაინც მქონოდა, რომ აზრით მივწვდებოდი შენზე უმჯობესს, უხრწნელი რომ არ ყოფილიყავი. დიახ, მე ვხედავდი, რომ უხრწნელი ხრწნადზე უმჯობესია, და ამიგომაც უხრწნელთა შორის უნდა მეძებნე, რათა გამეგო, საიდან იღებს დასაბამს ბოროტება, ანუ სადაა თვითონ ხრწნილების სათავე, რასაც ხელი არა აქვს შენს წმინდა არსთან, რადგანაც ყოველგვარი ხრწნილება უცხოა ჩვენი ღმერთისთვის: ვერავითარი ნებელობა, ვერავითარი აუცილებლობა, ვერავითარი გაუთვალისწინებელი შემთხვევითობა ოდნავადაც ვერ შებღალავს მას, რამდენადაც ის არის ღმერთი: ყველაფერი, რაც თავისი თავისთვის სურს, სიკეთეა, და თვითონვე არის სიკეთე. შეუძლებელია შენდა უნებურად ჩაიდინო რამე, უფალო, რადგანაც შენი ნება უფრო დიდი როდია, ვიდრე შენი ძალმოსილება.

<sup>16</sup> შტრ. ებრ. XII, 15.

<sup>17</sup> მანიქეველთა მოძღვრების გამოძახილი, მოძღვრებისა, რომლის თანახმადაც ადამი და ევა სატანის ნაშიერნი არიან (იხ. მესამე წიგნის შენ. 25).

ის რომ უფრო დიდი ყოფილიყო, მაშინ შენ თვითონ უნდა ყოფილიყავი შესავე თავზე უფრო დიდი, მაგრამ ღმერთის ნებაცა და ძალმოსილებაც თვითონ ღმერთია<sup>18</sup>. ან რა უნდა იყოს გაუთვალისწინებელი შენთვის, რომელმაც იცი ყოველი? ნებისმიერი ქმნილება მხოლოდ იმის წყალობით არსებობს, რომ შენ იცი იგი. მაგრამ რა საჭიროა ამდენი მიეთ-მოეთი იმის დასტურად, რომ ღვთაებრივი არსი უხრწნელია? რადგანაც ხრწნადი რომ იყოს, ღმერთიც ხომ აღარ იქნებოდა ღმერთი.

V

7. მე ვეძებდი ბოროტების სათავეს, მაგრამ ცუდად ვეძებდი, და ვერ ვხედავდი ბოროტებას თვით ჩემს ძიებაში. ვცდილობდი აზრით წარმომედგინა ყოველივე შექმნილი: ისიც, რაც შეიძლება თვალთ ვიხილოთ, - დედამიწა, ზღვა, ჰაერი, ვარსკვლავები, ხეები, მოკვდავი არსებები, და ისიც, რაც უხილავია, - უზენაესი ცამყარი<sup>19</sup>, ანგელოზები თუ სულები. ჩემი წარმოსახვა ისე ანაწევრებდა თვით ამ სულიერ არსებებს, რათა თვითოეულისათვის ცალ-ცალკე მიეჩინა ადგილი, თითქოს სხეულებრივი არსნი ყოფილიყვნენ. მთელი შენი ქმნილებიდან მე ერთ უზარმაზარსა და განუყოფელ სამყაროს ვეძინდი, სადაც ერთმანეთის გვერდით ვათავსებდი ყველა არსებას: როგორც სხეულებრივ, ისე სულიერ არსთაც, რომელნიც ჩემს წარმოსახვაში ხორცს ისხამდნენ და სხეულით მოსილნი ხდებოდნენ. დიას, მე ის შესახებოდა ერთ უზარმაზარ სამყაროდ, მაგრამ ეს მისი ნამდვილი სიდიადე კი არ იყო, რაზედაც წარმოდგენაც არ მქონდა, არამედ ჩემი თვალთ დანახული და ყოველმხრივ შემოსაზღვრული. შენ კი უფალო, არა მარტო გარს ეგყმოდ, კიდევაც განწონიდი მას, თუძცა ყოველი მიმართულებით მაინც უსასრულო რჩებოდი. ასე მაგალითად, ეს რომ მხოლოდ ზღვა ყოფილიყო, ყოველ მხარეს უსასრულოდ გადაჭიმული, შიგ მოტივტივე ერთადერთი, ნებისმიერი, მაგრამ სასრული სიდიდის მქონე ღრუბლის ნაჭრითურთ, ეს უკანასკნელიც ყოველმხრივ განწონილი და გაჟღერებული იქნებოდა უსასრულო ზღვით<sup>20</sup>.

მე მეგონა, შენს სასრულ ქმნილებასაც ასევე ავსებდი შენი უსასრულო არსით, და გულში ვამბობდი: „აჰა, ღმერთი და არა, ისიც, რაც შექმნა ღმერთმა; ღმერთი კეთილია და განუზომლად აღემატება თავის ქმნილებას; კეთილმა კეთილი შექმნა, და, აი, როგორ მოიცავს და კიდევაც ავსებს მას; მაშ, სადღაა ბოროტების სათავე, ან საიდან შემოგვეპარა იგი? სადაა მისი ფესვი და თესლი? ან, იქნებ, სულაც არ არსებობს? კი მაგრამ, მაშინ რატომღა ვუფრთხით, ან რას გაფურბივართ არარსებულს? ხოლო თუ უსაფუძვლოდ ვუფრთხით და გვეშინია, მაშინ თვით ეს შიშია ბოროტება, რაკილა ამაოდ გვანამებს და გვიხეთქავს გულს, - მით უფრო დიდი

<sup>18</sup> იხ. მეოთხე წიგნის შენ. 92.

<sup>19</sup> ივლისისებრა ჩვენს ხილულ ცაზე უზენაესი „ზეცათა ზეცა“ (იხ. „აღსარებათა“ XII წიგნი).

<sup>20</sup> პლოტინი ამბობდა, რომ მთელი სამყარო დანთქმულია „სამყაროულ სულში, როგორც ბაღე - წყალში, და როგორც ბაღეს მთლიანად განწონის წყალი, ისე სამყაროს ყველა ნაწილიც განწონილია სულით“ („ენნ.“ IV, III, 9).

ბოროტება, რომ საშიში არათურია, ჩვენ კი მაინც შიშითა ვძრებით. მაშასადამე, ან არსებობს ბოროტება, რომელიც შიშის ზარსა გვცემს, ან თვით ეს შიშია ბოროტება.

საიდან იღებს დასაბამს ბოროტება, თუკი ყველაფერი შექმნა კეთილმა ღმერთმა და კეთილია მისი ქმნილება? უფრო ღიად და უზენაესმა სიკეთემ უფრო მცირე სიკეთე შექმნა, მაგრამ კეთილია შემოქმედის და შექმნილის. მაშ, სადაა ბოროტების სათავე? იქნებ ბოროტი იყო მაგერია, რომლისგანაც ღმერთმა შექმნა სამყარო? მაგრამ თორმე რომ მიანიჭა და მოაწესრიგა მაგერია, იქნებ რაღაცა დაუგოვა მას, რაც სიკეთედ არ გარდაუქმნია? კი მაგრამ, რატომ? ნუთუ ყოვლისმძლეს არ შეეძლო მთლიანად გარდაექმნა და შეეცვალა იგი, რათა საერთოდ არ დარჩენილიყო რამე ბოროტი?<sup>21</sup> და ბოლოს, რატომ ინება მაგერიისაგან შეექმნა სამყარო, ნაცვლად იმისა, რომ თავისი ყოვლისმძლეობის წყალობით მთლიანად მოესპო და არარაობად ექცია იგი? განა მაგერიას შეეძლო ღვთის ნების საპირისპიროდ ეარსება? ხოლო თუ მაგერია მარადიული იყო, რად დართო ნება, უსასრულო დროის მანძილზე ამ სახით ეარსება და მხოლოდ შემდეგ ინება რაღაცა შეექმნა მისგან<sup>22</sup>. ანდა, თუ ანაზღაურად აღეძრა მოქმედების სურვილი, განა ყოვლისმძლეს არ ერჩია ისე ემოქმედა, რომ მაგერია საბოლოოდ გამქრალიყო და მხოლოდ თვითონ დარჩენილიყო, მთლიანი ჭეშმარიტება, უსასრულო და უზენაესი სიკეთე? ხოლო თუ კეთილს უკადრისად მიაჩნდა არსებობა მიენიჭებინა რაღაც უკეთურისათვის, ნუთუ არ შეეძლო სამუდამოდ მოესპო ბოროტი მაგერია<sup>23</sup>, რათა მის ნაცვლად დაემკვიდრებინა კეთილი, და ამ უკანასკნელისაგან შეექმნა ყველაფერი? რადგანაც ყოვლისმძლე არ იქნებოდა, თუკი მაგერიის გარეშე ვერ შექმნიდა რაიმე კეთილს, მაგერიისა, რომელიც მას არ შეუქმნია<sup>24</sup>.

აი, რანაირი აზრები მიმღვრევდნენ გულს, შეძრწუნებულს სიკვდილის შიშითა და იმის შეგნებით, რომ ჭეშმარიტება მიუკვლეველი დამრჩა. და მაინც, ჩემს საბრალო გულში ღრმად ჰქონდა ფესვი გადგმული ჩვენი უფლისა და მაცხოვრის იესო ქრისტეს<sup>25</sup> რწმენას, როგორც მას აღიარებს კათოლიკე ეკლესია. მართალია, ჩემს რწმენას ჯერ კიდევ აკლდა დოგმატა მგვიცე საყრდენი, მაგრამ ის მაინც არ ცოვებდა ჩემს სულს; პირიქით, სულ უფრო და უფრო ურყევად მკვიდრობდა მასში.

<sup>21</sup> ამ მარადიულ კითხვას რვა საუკუნის შემდეგ თითქმის სიტყვასიტყვით გაიმეორებს ჩვენი უდიდესი ნაციონალური პოეტი: „ბოროტიმცა რად შეექმნა კეთილისა შემოქმედსა?“

<sup>22</sup> დროის პრობლემის შესახებ იხ. „აღსარებანი“, წიგნი მეთერთმეტე, 12-16.

<sup>23</sup> იხ. მესამე წიგნის შენ. 39.

<sup>24</sup> იხ. აქვე, შენ. 14.

<sup>25</sup> II პეტრე, II, 20.



VI

8. მე უკვე უკუვარდეთ ასტროლოგთა ცრუ წინასწარმეტყველებანი და მკრეხელური ბოდვანი<sup>26</sup>. დაე, ჩემი გულის სიღრმიდან ვალიარო, უფალო, შენი გულმონყალეა ჩემდამი! ვის შეუძლია გაგვარიდოს ათასგვარ ცთომილებსეულ სიკვდილს, თუ არა მარადიულ სიცოცხლეს, რომელმაც არ იცის, რა არის სიკვდილი; თუ არა სიბრძნეს, თავისი შუქით რომ ანათებს სულებს, რომლებსაც სინათლე სჭირდებათ, თვითონ კი არა სჭირდება არავითარი ნათელი, - და, იმავდროულად, მართავს მთელ სამყაროსაც, თვით იმ ყვითელი ფოთლების ჩათვლით, ხეებზე რომ აშრიანებს შემოდგომის ქარი? შენ, მხოლოდ შენ განმკურნე, უფალო, იმ სიკვრპისგან, რომლითაც ვუბრისპირდებოდი ვინდიციანუსს<sup>27</sup>, გონებაგამჭრიახ ბერიკაცს, და ნებრიდიუსს<sup>28</sup>, დიდსულოვანსა და კეთილშობილ ჭაბუკს. პირველი დაბეჭითებით მიმტკიცებდა, მეორე კი, მართალია, ერთგვარი ყოყმანით, მაგრამ მაინც ხშირად მიმეორებდა, რომ არ არსებობს მომავლის წინასწარმეტყველების ხელოვნება; ხოლო რაც შეეხება ადამიანთ ვარაუდს, ის არცთუ იშვიათად ემთხვევა შემთხვევითობას: რა იციან წინასწარმეტყველებმა, რა მოხდება მომავალში, მაგრამ იმდენს კი ლაყბობენ, რომ ზოგი რამ მაინც ახდება... და, აი, შენ მომივლინე მეგობარი, რომელიც გამუდმებით ეთათბირებოდა ასტროლოგებს. მართალია, მათი წიგნებისა ბევრი არათყერი გაეგებოდა, მაგრამ ცნობისმოყვარეობით აღძრული, როგორც უკვე მოგახსენეთ, გატაცებით უსმენდა მათ. მამამისისაგან ერთი ამბავი სმენოდა, რომელსაც შეეძლო ძირი გამოეთხარა მთელი ასტროლოგიისათვის, თუმცა თვითონ აბრადაც არ მოსულია ეს.

ამ კაცს ფირმინიუსი<sup>29</sup> ერქვა; საერო განათლება მიეღო და საფუძვლიანად გაეწაფა თავი მჭევრმეტყველების ხელოვნებაში. ძალიან დამიახლოვდა და ერთ დღეს რჩევა მკითხა რაღაც საქმის გამო, რაზედაც დიდ იმედს ამყარებდა, და თანაც მთხოვა, თუ ღმერთი გნამს, მითხარი, რა აბრისა ხარ „ჩემს თანავარსკვლავედზე“<sup>30</sup>. იმხანად მე უკვე ნაწილობრივ მიზიარებდი ნებრიდიუსის თვალსაზრისს; ამიტომ, მართალია, უარი არ მითქვამს, ჩემი ფრთხილი ვარაუდი გამენდო მისთვის, მაგრამ ისიც ღაფიხე, რომ მთელი ეს მისნობა თუ მკითხაობა ფუჭად და სასაცილოდ მიმაჩნდა.

მაშინ ფირმინიუსმა მიაძბო, რა უჩვეულო ინტერესს იჩენდა მამამისი ასტროლოგიური წიგნების მიმართ. მას ჰყოლია ერთი მეგობარი, რომელსაც თურმე არანაკლებ იზიდავდა ასტროლოგია. ერთნაირი გულმოდგინება და ერთობლივი კვლევა-ძიება კიდევ უფრო აძძაფრებდა მათ ცნობისწადილს. საგულდაგულოდ ინიშნავდნენ დროს, როცა შინაურ

<sup>26</sup> იხ. წიგნი მეოთხე, 3-5.  
<sup>27</sup> იხ. მეოთხე წიგნის შენ. 29.  
<sup>28</sup> იხ. მეექვსე წიგნის შენ. 38.  
<sup>29</sup> ჩვენთვის უცნობი პირი.  
<sup>30</sup> იგულისხმება მისნობა ვარსკვლავების მიხედვით.

ცხოველებს უნდა მოეგოთ, და, იმისდა კვალად, - მნათობთა მღებარეობასაც ცის თაღზე: ასე იძებდნენ გამოცდილებას და თავის ინათავდნენ თავიანთ ცრუ ხელოვნებაში.

ფირმინიუსს კარგად ახსოვდა მამის ნაამბობი: როდესაც დედაშენი ფეხძიმედ იყო შენზე, მაშინ ჩემი მეგობრის ერთი მოახლეც დაორსულდაო. ეს ამბავი, რა თქმა უნდა, არ გამოჰპარვია მის ბატონს, რომელიც ზუსტად ინიშნავდა თვით იმ დროსაც კი, როცა მისი ძაღლები ლეკვებსა ჰყრიდნენ. ორივე მეგობარი ცდილობდა შეუმცდარად გამოეთვალა მშობიარობის დღე, საათი და წუთი: ერთი მეუღლის მოლოზინებას ელოდა, მეორე - მოახლისას. ორივენი იძულებულნი იყვნენ ორი, ზედმინეებით ერთმანეთის მსგავსი, ჰოროსკოპი შეედგინათ, რომელთაგანაც ერთი მეძვედრისა იყო, ხოლო მეორე - მონისა. მშობიარობა რომ დაიწყო, მეგობრებმა ერთმანეთს შეატყობინეს ეს ამბავი; ორივეს მზად ჰყავდა მსახურები, რათა ერთმანეთთან ეფრინათ და, ამრიგად, დროზე გაეგოთ, როდის დაიბადნენ ბავშვები. რაკი თავ-თავიანთი სახლეულის ნამდვილი ბატონ-პატრონი და ბრძანებელნი იყვნენ, არცერთს არ გასჭირვებია, დროულად ეცნობებინა მეორისათვის მშობიარობის ამბავი. და, აი, მათი შიკრიკები შუა გზაზე შეხვდნენ ერთმანეთს, ზუსტად იმ ადგილას, რომელიც თანაბარი მანძილით იყო დაშორებული როგორც ერთი, ისე მეორე სახლიდან. მეგობრებმა ყველაფერი ზუსტად გამოთვალეს და დარწმუნდნენ, რომ დაბადების დროცა და მნათობთა მღებარეობაც ცის თაღზე ზედმინეებით ერთხვეოდა ერთმანეთს<sup>31</sup>. მიუხედავად ამისა, ფირმინიუსი, წარჩინებული მშობლების შვილი, წარმატებით მიიწევდა წინ ამქვეყნიური ცხოვრების ფართო სარბიელზე; ერთდროულად იზრდებოდა მისი სიმდიდრეც და გავლენაც; მონას კი კვლავ მონობის უღელი ედგა ქედზე და მისი სიმძიმით წელში მოკაკუული ემსახურებოდა თავის ბატონებს, როგორც მიამბობდა ფირმინიუსი, რომელიც კარგად იცნობდა მას.

9. ეს სარწმუნო ამბავი რომ მოვისმინე, - ფირმინიუსი სავსებით იმსახურებდა ნდობას, - მთელ ჩემს სიკერპეს საფუძველი გამოეცალა, ამიგომაც გადავწყვიტე, უწინარეს ყოვლისა, სწორედ ფირმინიუსი განმეკურნა მისი ფუჭი ცნობისმოყვარეობისაგან. ვუთხარი, ჩემი დაკვირვება „შენს თანაგარსკვლავედზე“ სწორი იქნებოდა, თუკი თვალნათლივ დავინახავდი შენს მშობლებს, ესოდენ საპატიო ადგილი რომ ეჭირათ თანამოქალაქეთა შორის, დიდებულ ოჯახს, შენს კეთილშობილურ წარმომავლობას და საუცხოო აღზრდა-განათლებლას-მეთქი. მაგრამ მის თანამოასაკე მონას რომ ეთხოვა, ჩემი თანაგარსკვლავედის მიხედვით მიმკითხავეო, - ხოლო ის და ფირმინიუსი ერთ ვარსკვლავზე იყვნენ დაბადებულნი, - მაშინ, ჩემი დაკვირვება ამ შემთხვევაშიც სწორი რომ ყოფილიყო, იქვე უნდა დამენახა გაჭირვებული და გასაცოდავებული ოჯახი, მონური ყოფა და, საერთოდ, ყოვლად უბადრუკი ცხოვრება, ძირფესვიანად განსხვავებული ფირმინიუსის ცხოვრებისაგან. ასე რომ, ერთი და იმავე დაკვირვებიდან, თუკი გულწრფელი ვიქნებოდი, ორი ურთიერთსაპირისპირო დასკვნა უნდა

<sup>31</sup> ეს გამოთვლები საჭირო იყო ახალშობილთა ჰოროსკოპების შესადგენად.

გამომეტანა, რადგან თუ ორივე დასკვნა ერთნაირი იქნებოდა, უთუოდ უნდა მეცრუა. აქედან გარდუვალად გამომდინარეობს შემდეგი: როდესაც ვარკველავებზე დაკვირვების მეშვეობით შეუძლარად წინასწარმეტყველებენ მერმისს, ამას ვარსკველავთმრიცხველობის მეცნიერული მეთოდი კი არ განაპირობებს, არამედ შემთხვევითობა, ხოლო როდესაც წინასწარმეტყველება არ მართლდება, ეს მეთოდის მცდარობის შედეგი კი არ არის, არამედ შემთხვევითობის გონებაშიუნვლომელი თვითნებობისა.

10. ამ ამბავმა საბოლოოდ ამიხილა თვალი და გამიხსნა გზა; ერთავად იმაზე ვფიქრობდი, თუ როგორ დავსხმოდი თავს, მინასთან გამესწორებინა და ქვეყნის სასაცილოდ მექცია ეს დამთხვეულნი, სიყალბითა და სიცრუით რომ შოულობდნენ ლუკმა-პურს; მაგრამ, ცოცხა არ იყოს, მეშინოდა, ვაითუ ფირმინუსმა სიმართლე არ მითხრა, ხოლო მას, თავის მხრივ, მამამისი ეცრუა-მეთქი. ამიტომაც გულმოდგინედ ვაკვირდებოდი ცყუბებს, რომლებიც უმეტესწილად ერთიმეორის მიყოლებით იბადებიან, და მათ დაბადებათა შორის დროის ისეთი მოკლე შუალედი ძვეს, რომ ასტროლოგია დაჟინებული მცდელობის მიუხედავად, გადაჭარბებული მნიშვნელობა მიანიჭონ ამ ერთ უბადრუკ წამს, ჩვენ მის აღქმასაც ვერ ვასწრებთ, არამცთუ ჩანერას და ჩანიშნას, რის გარეშეც ვერცერთი ასტროლოგი ვერ შესძლებს ზუსტად იწინასწარმეტყველოს მერმისი<sup>32</sup>. მაგრამ ეს სიზუსტე პირნიშნად მოჩვენებითია, რადგანაც, თავისი ჩანანერის მიხედვით, ნებისმიერ ასტროლოგს ერთნაირი მომავალი უნდა ეწინასწარმეტყველებინა ესავისა და იაკობისთვის<sup>33</sup>, თუმცაღა მათი ბედობალი ასე ძლიერ განსხვავდებოდა ერთმანეთისგან. მაშასადამე, ასტროლოგს უნდა ეცრუა, ხოლო თუ სიმართლეს იტყვოდა, მაშინ ერთი და იმავე დაკვირვებიდან ორი სხვადასხვა დასკვნა უნდა გამოეტანა. ამრიგად, სიმართლე მეცნიერულ მეთოდზე კი არ იქნებოდა დამოკიდებული, არამედ შემთხვევითობაზე.

შენ კი, უფალო, შენი უსასრულო სიმართლით რომ მართავ სამყაროს<sup>34</sup>, იღუმალეების გონებაშიუნვლომელი გზით ჩააგონებ ყველას - მრჩეველსაც და რჩევს მთხოვნელსაც - იმნაირ პასუხს, რისი ღირსიცაა მთხოვნელის სულის ფარული ღირსება თუ დამსახურება; პასუხს, რომელიც შენი მართალი მსჯავრის უსასრულო უტესკრულიდან იღებს დასაბამს. დაე, ნუ იტყვის კაცი: „რა არის ეს?“ ან „რაგომია ეს?“ დაე, ნუ იტყვის, რადგანაც ის სხვა არა არის რა, თუ არა კაცი.

<sup>32</sup> ე.წ. „ტყუბების არგუმენტი“ ასტროლოგიური წინასწარმეტყველების წინააღმდეგ ნეტარ ავგუსტინეზე ექვსი საუკუნით ადრე გამოიყენა ცნობილმა ბერძენმა ფილოსოფოსმა, „ახალი აკადემიის“ სქოლარმა კარნეადემ (214-129 ძვ.წ.ა). - იხ. Словарь Антонического. пер. с немецкого, М., 1989, стр.58.

<sup>33</sup> იხ. დაბად. XXV, 20-34.

<sup>34</sup> შდრ. ფსალმ. 35, 7.

VII

11. ასე გამათავისუფლე, მწევ და მეოხო ჩემო, ამ ხუნდებისგან, მაგრამ მე კვლავ ვეძებდი, სად იყო ბოროტების სათავე, გამოსავალი კი არ ჩანდა. ნებას არ რთავდა ჩემი აზრების შმაგ დინებას შორის წარვეცავე ჩემი რწმენისგან, რომლის თანახმადაც შენ არსებობ და შენი არსი უცვლელია. შენ ზრუნავ ჩვენზე და შენი ძის, უფლის ჩვენის - იესო ქრისტესა და საღმრთო წერილის მეშვეობით განგვიკითხავ, საღმრთო წერილისა, რომლის ავტორიტეტსაც ურყევად ამკვიდრებს შენი კათოლიკე ეკლესია<sup>35</sup>; შენვე გვიჩვენებ გზას, საუკუნო სიცოცხლისაკენ რომ მიგვიძღვის, რომელიც იწყება სიკვდილის შემდეგ.

ეს ჭეშმარიტება თანდათან იბრუნებოდა და ურყევად მკვიდრდებოდა ჩემს სულში, მაგრამ მაინც ვერ ვპოულობდი მოსვენებას და გამუდმებით ვეკითხებოდი ჩემსავე თავს, სადაა ბოროტების სათავე-მეთქი? ღმერთო ჩემო, როგორ იტანჯებოდა ჩემი გული, როგორ გმინავდა! შენ ყურს უგდებდი მის გმინვას, მაგრამ მე არ ვიცოდი ეს. უხმოდ ვეძებდი, თავგანწირული ძალისხმევით, მაგრამ ჩემი გულის ძახილი სიმწრის ყვირილად აღწევდა, მონყალეო, სასმენელს შენსას. შენ იცოდი, რა საშინლად ვიტანჯებოდი, ადამიანებმა კი არ იცოდნენ. ჩემი ენა ღუძღა და თვით გულითად მეგობრებსაც კი არ უმჯლავნებდა ჩემს ხვაშიადს. განა მათ ესმოდათ ჩემი სულის ბორბვა და ტანჯვა-წამება, რომლის გადმოსაცემდაც არც დრო მეყოფოდა და ვერც საჭირო სიტყვებს ვპოულობდი? მაგრამ ყველაფერი შენსკენ მოისწრაფოდა; „ვღმერთო ჩემი გულის გმინვით, და შენს წინაშე იყო ჩემი გულისთქმა, და ნათელი ჩემი თვალისა არ იყო ჩემთან“<sup>36</sup>, რადგანაც ის შიგნით იყო, მე კი - გარეთ, სადაც ვერსად ვხედავდი ამ ნათელს<sup>37</sup>, რაკილა ჩემს ყურადღებას იპყრობდა მხოლოდ ის, რაც სივრცეშია, სივრცეში კი ვერსაც ვპოულობდი ადგილს, სადაც შეიძლებოდა მომესვენა, და არც იმის ნებასა მრთავდა, რომ კვლავ დავბრუნებულიყავი იქ, სადაც „საკმაოდ კარგად“ ვიქნებოდი.

მე ამ სამყაროზე ძალდა ვიდექი, მაგრამ შენზე დაბლა ვიყავი, ჩემო ჭეშმარიტო სიხარულო, და შენ დამიმორჩილებდი ჩემზე დაბლა მდგომ ყველა ქმნილებას, შენი მორჩილი რომ ვყოფილიყავი. ასეთი იყო ნამდვილი თანათუარდობა<sup>38</sup>, და ხსნის გზა სადღაც შუაში გადიოდა: შენს მონა-მორჩილსა და ჩემი სხეულის მბრძანებელს „შენი ხატისთვის“<sup>39</sup> უნდა მეერთგულა. მაგრამ როცა ქედმაღლურად აღვიძვროდი უფლის წინააღმდეგ, „ჩემი სქელი

<sup>35</sup> ტერმინს „კათოლიკური ეკლესია“ ნეტარი ავგუსტინეს დროს დღევანდელისაგან სრულიად განსხვავებული მნიშვნელობა ჰქონდა და „საყოველთაო (მსოფლიო, უნივერსალური) ეკლესიის“ აღსანიშნავად იხმარებოდა.

<sup>36</sup> ფსალმ. 37, 9-11.

<sup>37</sup> პლოტინი ურჩევდა სრულქმნილების მიღწევის ყველა მსურველს, მოეკვეთა ყოველივე გარეგანი და მიქცეულიყო თავისი შინაგანი არსისა თუ რაობის ჭვრეტად („ენ. VI, 9,7).

<sup>38</sup> „დაე, სული, თავის თავზე ფიქრისას მიელტვოდეს მისი ბუნების შესატყვის წესრიგს. იყოს იმაზე დაბლა, რისი მორჩილებაც მართებს, და იმაზე მაღლა, რაზე მაღლადაც დაუდგენიათ; იმაზე დაბლა, ვინც უნდა მართავდეს მას, და იმაზე მაღლა, ვისაც უნდა მართავდეს თვითონ“ („სამებისთვის“, 10,57).

<sup>39</sup> ე.ი. სულისათვის.

ფართო აღჭურვილი<sup>40</sup>, ქვენა სამყარო ყალბე დგებოდა და თავს მემხოლოდა: აღარსად იყო დანდობა და არც სულის მოთქმის საშუალება. საითაც უნდა გამეხედა, ჩემს თვალწინ იკვეთებოდნენ შენს მიერ შექმნილი საგნები, ერთმანეთში ალუფხულნი და აზავთებულნი. ჩემს აზრს გასაქანს არ აძლევდნენ და გზას უღობავდნენ მათი ხატებანი, რომელნიც თითქოს მეუბნებოდნენ: „საით გაგინეგია, უღირსო და უწმინდურო?“ და ყოველივე ეს იზრდებოდა ჩემი ჭრილობიდან, რადგანაც „დაამხე მზვობარი, როგორც დაჭრილი“<sup>41</sup>: ჩემმა ქედმაღლობამ განმაშორა შენგან და ჩემს გაბლენძილ სახეზე დაიშრიცა თვალის ჩინი.

VIII

12. ხოლო შენ, უფალო, „მარადის ხარ“<sup>42</sup>, მაგრამ „მარად როდი მრისხანებ ჩვენზე“<sup>43</sup>, რადგანაც შეინყალე მგვერი და ფერფლი და „შენი მზერის წინაშე“<sup>44</sup> სახე უცვალე ჩემს სიმახინჯეს, რათა მოსვენება არა მექონოდა, ვიდრე არ გირწმუნებდი ჩემი შინაგანი ხედვით. გაბლენძილ მზვობას მიცხრობდი შენი იღუმალი კურნებით და ჩემი სულის ამღვრეულსა და დაბინდულ მზერას თანდათანობით აღმიდგენდი ჩემი მსხელი განჯვა-ნამების მწველი სალბუნით.

IX

13. უწინარეს ყოვლისა, შენ იხეზე გეჩვენებინა ჩემთვის, რომ „მზვობართა წინააღმდეგომი ხარ, ხოლო თვინიერთ მაღლს ანიჭებ“<sup>45</sup>. და რაოდენ დიდია შენი გულმონყალეობა, რაკილა ხალხს უჩვენე თვინიერების გზა, რადგანაც „სიგყვა ხორცად იქცა და დაემკვიდრა ჩვენს შორის“<sup>46</sup>. სწორედ შენ მაშოვნინე, ქედმაღლობისაგან უჩვეულოდ გაბლენძილი ერთი ნაცნობი კაცის წყალობით, ნეოპლატონიკოსთა ზოგიერთი თხზულება, ბერძნულიდან ლათინურ ენაზე თარგმნილი<sup>47</sup>.

ამ თხზულებებში მე ამოვიკითხე, მართალია, არა იმავე სიგყვებით გადმოცემული, მაგრამ, არსებითად, იგივე აზრი, მრავალ სხვადასხვა საბუთზე დაყრდნობით რომ გვიმტკიცებს

<sup>40</sup> იობი, XV, 26.  
<sup>41</sup> ფსალმ. 88, 11.  
<sup>42</sup> შდრ. ფსალმ. 32, 11.  
<sup>43</sup> ფსალმ. 84, 6; 102, 9.  
<sup>44</sup> ფსალმ. 68, 21.  
<sup>45</sup> იაკ. IV, 6; I პეტრე, V, 5.  
<sup>46</sup> იოანე, I, 14.  
<sup>47</sup> „ნეოპლატონიკოსთა შორის საყოველთაოდ ცნობილი არიან ბერძნები: პლოტინი, იამბლიქოსი, პორფირიოსი; ორსავე ენაზე, ე.ი. ბერძნულად და ლათინურად წერდა აპულეიუს აფრიკელი“ („ღვთის ქალაქისათვის“, 8,12). ავგუსტინე საფუძვლიანად იცნობდა პლოტინსა და პორფირიუსს, აიმბლიქოსს კი არსად არ იმონმებს. პლოტინი ლათინურ ენაზე თარგმნა სახელგანთქმულმა რიტორმა ვიქტორინუსმა, ვის შესახებაც ავგუსტინე მოგვითხრობს „აღსარებათა“ მომღვენო (მერვე) წიგნში. ვიქტორინუსის ამ თარგმანს ჩვენს დრომდე არ მოუღწევია. ვინ ამოვნინა ნეტარ ავგუსტინეს ნეოპლატონიკოსთა თხზულებები, ესეც უცნობია ჩვენთვის.



შემდეგ<sup>48</sup>: „დასაბამიდან იყო სიცივე, და სიცივე იყო ღმერთთან და ღმერთი იყო სიცივე. ის იყო დასაბამიდან ღმერთთან, ყველაფერი მის მიერ შეიქმნა, და უძისოდ არაფერი შეიქმნილა, რაც კი შეიქმნა. მასში იყო სიცოცხლე, და სიცოცხლე იყო ნათელი კაცთა. და ნათელი ბნელში ნათობს, და ბნელმა იგი ვერ მოიცილა“<sup>49</sup>. ხოლო ადამიანის სული, მართალია, ნათელს გვიმონშებს<sup>50</sup>, მაგრამ თვითონ როდია ნათელი<sup>51</sup>; არა, სიცივე, ღმერთი, - აი, „ნათელი ჭეშმარიტი, რომელიც გაანათლებს ყველა კაცს, მომავალს ქვეყნად“<sup>52</sup>; იგი „ამ ქვეყნად იყო, და ქვეყანა მის მიერ შეიქმნა, და ქვეყანამ იგი ვერ იცნო“<sup>53</sup>. მაგრამ ის, რომ „თავისიანებთან მოვიდა, და თავისიანებმა იგი არ შეინყნარეს; ხოლო ყველას, ვინც შეინყნარა იგი, მისცა ხელმწიფება ღმრთის შეილებად წოდებულიყვნენ; ყველას ვისაც სწამს მისი სახელი“<sup>54</sup>, - ნამდვილად აღარ ამომიკითხავს ამ თხზულებაში.

14. იქვე წავიკითხე, რომ სიცივე, ღმერთი „არა სისხლისაგან, არა ხორცის ნებისაგან, არა მამაკაცის ნებისაგან, არამედ ღმრთისაგან იშვა“<sup>55</sup>, მაგრამ ის კი ვეღარ წავიკითხე, რომ „სიცივე ხორცად იქცა, და დაემკვიდრა ჩვენს შორის“<sup>56</sup>.

ისიც ამოვიკითხე, რომ ამ წიგნებში სხვადასხვა კილოთი და სხვადასხვა სახითაა ნათქვამი: ძეს, როგორც „მამის ხატს, ნაძარცვად არ შეურაცხავს ღმრთის სწორად ყოფნა“<sup>57</sup>, რადგან ბუნებით იგივეა, რაც ღმერთი<sup>58</sup>, მაგრამ იმას კი ვეღარსად მივაკვლიე, რომ მან

<sup>48</sup> „ქრისტიანობის კავშირი ნეოპლატონიზმთან ბოლომდე არაა შესწავლილი. ცნობილია, რომ პლოტინი იცნობდა ქრისტიანებს; მისი მასწავლებელი ამონიოს საკასი, თავისი ცხოვრების ერთ პერიოდში მაინც, ქრისტიანი იყო; პლოტინის უშუალო მოწაფეები იცნობდნენ ახალ აღთქმას; ამელიოსი, პლოტინის მოწაფე, პარალელს ავლებდა იოანეს ლოგოსსა და პერაკლიტეს ლოგოსს შორის; სიმპლიციანუსისათვის, ამბროსის სულიერი მოძღვრისათვის, ცნობილი იყო ეს სიახლოვე. ავგუსტინეს მისგან გაუგონია, როგორ გამოთქვა ერთმა ნეოპლატონიკოსმა სურველი, რომ იოანეს სახარების საწყისი ლექსები ოქროს ასოებით ამოეკვეთათ ეკლესიებში და მოედნებზე („დონატისტთა წინააღმდეგ“, 10,29). ამ საუბრებმა და საკუთარმა მედიტაციებმა აღუძრეს ნეტარ ავგუსტინეს იმის სურვილი, რომ პარალელი გაეკეთა სახარებასა და ნეოპლატონიზმს შორის“. - რუს. თარგმანის შენ. იხ. დასახ. გამოც. გვ.244).

<sup>49</sup> იოანე I, 1-5.

<sup>50</sup> პლოტინის მიხედვით, „სამყაროს სული“, რომლის ნაშიერადაც გვევლინება ადამიანის სული, საკუთარი სინათლით კი არა ნათობს, არამედ „გონებისგან“ („ნუს“) სესხულობს ნათელს, როგორც მთვარე - მზისგან (იხ. „ენნ.“ V,6,4).

<sup>51</sup> პლოტინი ამტკიცებს, რომ ჭეშმარიტი ნათელი, ანუ „გონება“ („ნუს“) ყოველთვის როდი ცოცხლობს ჩვენს სულში („ენნ.“ V,3,3).

<sup>52</sup> იოანე, I, 9.

<sup>53</sup> იოანე, I, 10.

<sup>54</sup> იოანე, I, 11-12.

<sup>55</sup> იოანე, I, 13.

<sup>56</sup> იოანე, I, 14.

<sup>57</sup> ფილიპ. II, 6.

<sup>58</sup> პლოტინის ტრიადა, ანუ სამება სამ წევრს შეიცავს: აბსოლუტური ერთი („ტო ჰენ“), კოსმიური გონება („ნუს“) და სამყაროს სული („ფსიქე“). აბსოლუტური ერთი - ესაა ყოველგვარი თვისებრივი განსაზღვრულობისაგან განძარცული, არსსა და აზრზე მაღლა მდგომი, მეტანათეური და მეტანატეოლოგიური პირველსაწყისი, ანუ ღმერთი. მას ვერ მივანერთ ვერავითარ პრედიკატს, იმასაც კი ვერ ვიტყვით, რომ ის აზროვნებს, ანდა არსებობს. ესაა პირველი რგოლი, რომელზედაც ჰკიდია სამყაროული არსებობის, კოსმიური სიცოცხლის ყველა ჯაჭვი. ამ თვალსაზრისით, აბსოლუტური ერთი (პლოტინის „სიკეთე“) მთელი სინამდვილის პირველმიზეზი და ნეოპლატონისტთა ფილოსოფიური სისტემის გვირგვინია; იგია ჭეშმარიტებაც, სამართლიანობაც, მშვენიერებაც და მათზე უმეტესიც, მათზე უპირატესიც; იგია იდეალური სამყაროს დასაბამი, მისი სულიერი მზე, მისი ცენტრი. დროისა და სივრცის გარეშე არსებულ ამ პირველსაწყისს პლოტინი ზუსტად იმ სიტყვებით ახასიათებს, სამყაროს გონებაშიუნქვდომელ იდეალულებაში დაფარული ღმერთის ატრიბუტად რომ იყენებს ჩვენი უდიდესი ეროვნული პოეტი: „უცნაური და უთქმელი“ („arreton kai agnoston“, - „ენნ.“ V,3,10,42). არსისა და აზრის მიღმიურ ამ პირველსაწყისში აბსოლუტურად დაუნაწევრებელი სახით მოქცეულია კოსმოსის მთელი სიცოცხლე, მისი შინაგანი კანონზომიერებებიც, მისი აწმყოც, მისი მომავალიც, მისი წარსულიც; ესაა აზრის აბსოლუტური ნათელი, რომელიც არ შეიცავს არავითარ განსხვავებას და ამიტომ აბსოლუტური სინბელის იდენტურია; როგორც უცვლელი, წარუვალი, თვითკმარი, მთლიანი და განუწილველი, აბსოლუტური ერთი არსის ზღვრული სისავსეა და სისრულე, არსებობის მინიმუმიც და მაქსიმუმიც, თუმცა, სწორედ ამ ზღვრული სისავსის გამო, ის თითქოს ვერ თავსდება თავის თავში და თავის თავს ვაცემს, თავისი თავიდან ვადმოედინება, მაგრამ ისე კი, რომ მის სავსებას არა აკლდება რა ამით. ასე მზე ღვრის სამყაროში სიბობს და სინათლეს, ასე ყვავილი აფრქვევს სურნელებას. აქედან - ემანაციურობის

„დაიმცრო თავისი თავი, მონობის ხატი შეიმოსა და კაცის მსგავსად იქცა; თავი დაიმდაბლა და მორჩილი გახდა ვიდრე სიკვდილამდე, ჯვარზე სიკვდილამდე; ამიგომაც აღამაღლა იგი ღმერთმა, და მისცა სახელი უზენაეს ყოვლისა სახელისა, რათა იესოს სახელის წინაშე მოიდრიკოს ყოველი მუხლი, ზეცისანი, ქვეყანისანი და ქვესკნელისანი, და ყოველმა ენამ აღიაროს, რომ იესო ქრისტე არის უფალი, სადიდებლად ღმრთისა და მამისა“<sup>59</sup>.

რომ უწინარეს ყოველი ღრთისა და ჟამთა უზენაეს უცვლელად სუფევს შენი მხოლოდმობილი ძე, შენსავით დაუსაბამო; რომ „მისი სავესებისაგან ყველამ მივიღეთ მადლი მადლისა წილ“<sup>60</sup>, და რომ „მისივე სავესებისაგან“ იღებენ სულები ნეტარებას და ეზიარებიან მასშივე დამკვიდრებულ სიბრძნეს, რისი წყალობითაც განახლდებიან და განიბრძნობიან, - ამას კი იპოვით იმ წიგნებში<sup>61</sup>, მაგრამ იმის თაობაზე, რომ ის „ჩვენი გულისთვის მოკვდა, როცა ჯერ კიდევ ცოდვილნი ვიყავით“<sup>62</sup>, და რომ შენ „არ დაინდე შენივე ძე, არამედ ყველა ჩვენგანისათვის გასწირე იგი“<sup>63</sup>, - იქ არაფერია ნათქვამი. „ბრძენთა და გონიერთ დაუფარე ყოველივე ეს, და გაუცხადე ჩვილ ბაღლებს“<sup>64</sup>, რათა მივიდნენ მასთან „მაშვრალნი და გვირთმძიმენი“<sup>65</sup> და მან მოუფონოს შეჭირვებულთ, რადგანაც „მშვიდია და გულით მდაბალი“<sup>66</sup>, და „წარუძღვება თავმდაბალთ სიმართლისაკენ და თავის გზას ასწავლის მორჩილთ“<sup>67</sup>, ვინაიდან „იხილავს ჩვენს სიმდაბლეს და განჯვას, და მოგვიტყევს ჩვენს

პლოტინისეული თეორია. ერთის პირველ ემანაციად პლოტინი სახავს გონებას, რომელშიაც იმთავითვე მოცემულია „დასაბამიერი ორადობის“ პრინციპი, რაც იმას ნიშნავს, რომ „ყოველი აზრი, თვითშემეცნების ჩათვლით, თავისთავად გულისხმობს სუბიექტისა და ობიექტის, შემეცნებლისა და შესამეცნებლის დაპირისპირებულობას“ (ვინდელბანდი). ერთს რომ იაზრებს, ერთს რომ იმეცნებს, გონება წარმოიდგენს მას როგორც „თვითობას“ (პეტრინისეული ტერმინია), ხოლო თავის თავს - როგორც მის Alter Ego-ს (მეორე მე-ს). გონების ქმედითობით ერთის განუყოფელი სისრულე აქ უკვე იდეათა სიმრავლედაა განწილული; ეს იდეები ქმნიან ინტელიგიბილურ (გონით სანვლომ) სამყაროს. ამრიგად, გონების ქმედითობა იდეალური სიმრავლის წყაროა და საწყისი. ემანაციის მომდევნო საფეხურზე დგას სული, რომელიც ისე მიემართება გონებას, როგორც ეს უკანასკნელი - ერთს. სულისათვის ერთი უშუალო წვდომის ობიექტი კი არაა (როგორც გონებისათვის), არამედ სიყვარულისა და სურვილი ლტოლვის საგანი. სულიც გონებასავით მრჩობლი ბუნებისაა, მაგრამ მისი ორადობა მეორეული ორადობაა. პლოტინი განასხვავებს „უმაღლესსა“ და „უდაბლეს“ სულს. სწორედ უმაღლესი სული მიდრეკება და მისწრაფვის ერთისაკენ, მაშინ როდესაც უდაბლესი, ანუ „ბუნება“ მატერიისკენა მიქცეული. თუ გონება იდეების, იდეალური სიმრავლის წყაროა და საწყისი, სამყაროს სული, თავის მხრივ, ინდივიდუალურ სულთა სიმრავლედაა განწილული. უმაღლესი სული ქმნის ღმერთებსა და უსხულმყოფელ ასტრალურ სულებს, ხოლო უდაბლესი - დემონიურ, ადამიანურ, ცხოველურ და მცენარეულ სულთა სიმრავლეს.

ნეტარი აგვისტინეს სიტყვებიდან შეიძლება დავასკვნათ, რომ პლოტინისეული ტრიადის წევრები, ქრისტიანული სამებისა არ იყოს, ერთმანეთის სწორნი არიან; მაგრამ ეს შეცდომაა: კოსმიური გონება აბსოლუტური ერთის ემანაციაა და, ამრიგად, მასზე უდარესია; იგივე ითქმის სამყაროს სულისა და კოსმიური გონების თანაფარდობის მიმართაც („ენწ.“ V,1,6).

<sup>59</sup> თეოლოგ. II, 7-11.

<sup>60</sup> იოანე, I, 16.

<sup>61</sup> ნეოპლატონიკოსთა მიხედვით, ადამიანის, როგორც მიკროკოსმოსის, გონება კოსმიური გონების („ნუს“) - პლოტინისეული ტრიადის მეორე წევრის გამოვლენაა გრძნობად-კონკრეტულ სინამდვილეში. როცა ჩვენ ამ კოსმიური გონების თანახმად ვცხოვრობთ, მაშინ „ითიქოს ვივსებთ მისით“ („ენწ.“ V,3,3-4).

<sup>62</sup> რომ. IV, 6.

<sup>63</sup> რომ. IV, 8.

<sup>64</sup> მათე, XI, 25.

<sup>65</sup> მათე, XI, 28.

<sup>66</sup> მათე, XI, 29.

<sup>67</sup> თსალმ. 24, 9.

ცოდვებს<sup>68</sup>. მათ კი, თითქოს უფრო მაღალი მეცნიერების კოთურნებზე<sup>69</sup> შემდგაროთ, არ ესმით უფლის სიგჳვა: „დაიდგით ქედზე ჩემი უღელი და ისწავლეთ ჩემგან, ვაინაიდან მშვიდი ვარ და გულით მდაბალი, და მოიპოვებთ სულის სიმშვიდეს“<sup>70</sup>. თუძცა კი იციან ღმერთი, „მაგრამ არ ადიდებენ როგორც ღმერთს, და არც მადლს სწირავენ მას, არამედ ამაონი ხდებიან ზრახვით და ბნელდება მათი უგონო გული; ბრძენკაცებად მოაქვთ თავი და შლეგებად კი იქცევიან“<sup>71</sup>.

15. ამიგომაც ამოვიკითხე ამ წიგნებში, როგორ მიანერეს კერპებსა და ათასნაირ გამოსახულებებს „უხრწნელი ღმერთის დიდება“ და „ხრწნადი კაცის, ფრინველთა თუ ქვეწარმავალთა ხატებაზე გაცვალეს იგი“<sup>72</sup>. სწორედ ესაა ეგვიპტური საზრდო<sup>73</sup>, რისთვისაც ესაგმა დაკარგა თავისი პირმშობეა, რადგანაც შენი რჩეული ერი „ეგვიპტისკენ მიიქცა გულით“, შენს ნაცვლად თაყვანი სცა ოთხფეხს და „თივის მცოხნელი მოზერის“ ხატების წინაშე დაიდრია სული თვისი - შენი ხატება. ეს საზრდო ვპოვე ამ წიგნებში, მაგრამ მის ცოხნას არ მოვეყოლივარ. თვითონვე ინებე, უფალო, არ დაგემდაბლებინა იაკობი, რათა „უხუცესი უმრწემესის მსახური“ ყოფილიყო, და შენს სამკვიდრებელში მოუხმე წარმართთ<sup>74</sup>. მეც წარმართთაგან მოვედი შენთან, და იმ ოქროსკენ ვისწრაფოდი, შენმა ერმა რომ წაიგანა ეგვიპტიდან<sup>75</sup>, რადგან სადაც არ უნდა ყოფილიყო, მაინც შენი იქნებოდა. შენი მოციქულის

<sup>68</sup> ფსალმ. 24, 18.

<sup>69</sup> კოთურნები (ბერძნ. კოთორნოს) - სქელლანჩიანი ფეხსაცმელები, რომლებსაც სცენაზე გამოსვლისას იცვამდნენ მსახიობები, რათა უფრო ტანმაღალი გამოჩენილიყვნენ. ლანჩების სისქე თანდათანობით იზრდებოდა და, ბოლოს, თითქმის წყრთას მიაღწია, ასე, რომ კოთურნები ნამდვილ ოჩოფეხებად იქცნენ.

<sup>70</sup> მათე, XI, 29.

<sup>71</sup> რომ. I, 21-22.

<sup>72</sup> რომ. I, 23.

<sup>73</sup> „პორფირიოსმა და მისმა მიმდევრებმა სცადეს, ქრისტიანობის მზარდი გავლენის საპირისპიროდ, ფილოსოფიური დასაბუთება მოეძებნათ წარმართული კულტისათვის. „ეგვიპტური საზრდო“ პირდაპირი მოსხსნიება უფლებას გვაძლევს ვიფიქროთ, რომ ავეგუსტინე გულისხმობდა პორფირიოსის თხზულებას „ხორცის ჭამისაგან თავშეკავებისათვის“ (4,9), სადაც ის იწონებს ცხოველთა თაყვანისცემას ეგვიპტეში: „მათ იცოდნენ, რომ ღმერთი მარტოოდენ ადამიანს როდი შეეხო, და სულიც დედამიწაზე მარტოოდენ ადამიანში როდი ჩასახლდა: ის ყველა ცოცხალ არსებაშია. ამიტომაც ისინი ღვთაებრივ პატივს მიაგებდნენ ყველა ცხოველს, ერთადაც აერთიანებდნენ ცხოველსა და ადამიანს, ფრინველისა და ადამიანის სხეულებს“. - რუს. თარგმანის შენ. იხ. დასახ. გამოც. გვ.245.

<sup>74</sup> „მთელი ეს მოკლე აბზაცი მეტაფორათა წყებად გვევლინება: „ეგვიპტური საზრდო“ ნეოპლატონიკოსთა ფილოსოფიაა. ესაგმა, ისააკის უფროსმა ძემ, ოსპის შეჭამანდზე გაცვალა თავისი პირმშობეა („ოსპი ეგვიპტელთა საზრდოა. ეგვიპტეში უხვადაა იგი. ალექსანდრიულ ოსპს დიდად აქებენ და ჩვენშიაც კი შემოაქვთ“, „ფსალმუნებისათვის“, 46,6). ავეგუსტინემ არ ისურვა „ეცოხნა ეგვიპტური საზრდო“ („თვისი მცოხნელი მოზვერი“ - იხ. ფსალმ. 105,20 - ბ.ბ.). როგორც ებრაელებმა მოითხოვეს ოდესღაც, რომ მათთვის ჩამოესხათ ოქროს მოზვერი, რომელსაც იაკვებს ნაცვლად სცემდნენ თაყვანს, ასევე ნეოპლატონიკოსებიც იწონებდნენ ცხოველთა კულტს (იხ. შენ. 75). „უმრწემის“ იაკობი სიმბოლოურად განასახიერებს წარმართობიდან მოქცეულ ქრისტიანებს: ისინი „უხუცეს“ ებრაელებზე წინ არიან“. - რუს. თარგმანის შენ. იხ. დასახ. გამოც. გვ.245).

<sup>75</sup> იხ. გამოსვლა, XII, 35-36: „მოსეს სიტყვისამებრ მოიქცნენ ისრაიტელები, ინათხოვერეს ეგვიპტელებისაგან ვერცხლისა და ოქროს ჭურჭელი და სამოსელი. მაღლი აზოენინა უფაღმა ხალხს ეგვიპტელთა თვალში და მათაც ათხოვეს. ასე გაძარცვეს მთელი ეგვიპტე“... ნეტარი ავეგუსტინე ეგვიპტურ ოქრო-ვერცხლს ადარებს პლატონისა და ნეოპლატონიკოსთა ფილოსოფიას, რომელიც ქრისტიანიზმის სამსახურში უნდა ჩააყენონ ჭეშმარიტმა მორწმუნეებმა. თავის თხზულებაში „ქრისტიანული სარწმუნოებისათვის“ (2,40,61), იმათ შორისაც, ვინც „ოქრო-ვერცხლითა და სამოსით დატვირთული გამოვიდა ეგვიპტიდან, ე.ი. წარმართობიდან მოიქცა ქრისტეს სულებზე და ამ უკანასკნელის განსამტკიცებლად გამოიყენა თავისი ცოდნა, წარმართულ სკოლებში რომ შეიძინა. ნეტარი ავეგუსტინე ასახელებს კართაგენის ეპისკოპოსს კიპრიანეს (იხ. მესუთე წიგნის შენ. 44), სახელგანთქმულ რიტორს და მწერალს ლაციუს ცელიუს ფირმიანუს ლაქტანციუსს (გარდ. დაახლ. 317 წ.), ცნობილ რიტორს და სწავლულს ვიქტორინუსს (დაიბ. დაახლ. 300 წ.), მილევის (ნემილია) ეპისკოპოსს ოქტატუსს (დაახლ. 315 - დაახლ. 386 წ.), პუატის ეპისკოპოსს პილარიუსს (გარდ. დაახლ. 367 წ.). სხვათა შორის, ამ უკანასკნელის გარდა, ზემოთ ჩამოთვლილი ყველა მოღვაწე, ისევე, როგორც ნეტარი ავეგუსტინე, წარმოშობით აფრიკელი იყო... აღსანიშნავია, რომ ამავე მეტაფორას იყენებს დიდი ალექსანდრიელი ღვთისმეტყველი ორიგენეც (დაახლ. 185-254 წ.), რომელიც მოუწოდებს თავის მონაფეს გრიგოლ სასწაულთმოქმედს, ქრისტიანული დოგმების დასაფუძნებლად გამოიყენოს მთელი თავისი ცოდნა,

პირით უთხარი ათენელებს, რომ „შენით ვცოცხლობთ, ვმოძრაობთ და ვართ“<sup>76</sup>, როგორც უთქვამს ზოგიერთ მათ თანამემამულესაც<sup>77</sup>. ასეა თუ ისე, ეგვიპტური იყო ეს წიგნებიც. მაგრამ ეგვიპტურმა კერპებმა ვერ მიმიზიდეს, რომლებსაც შენივე ოქროთი ემსახურებოდნენ, რადგანაც „სიცრუემე გაცვალებს ჭეშმარიტება ღმრთისა, და მსახურებდნენ შექმნილსა და არა შემოქმედს, რომელიც კურთხეულია უკუნისამდე“<sup>78</sup>.

X

16. ამ წიგნებით გონს მოგებულნი საკუთარ თავს მიუბრუნდი და შენი წინამძღოლობით ჩემივე გულის სიღრმეში განემარტოვდი: ეს თუ შეეძელი, მხოლოდ იმიტომ, რომ „მნედ და მეოხად მომეგვლინე“<sup>79</sup>. ჩემსავე თავში ჩაღრმავებულმა სულიერი თვალით ვიხილე უძრევი ნათელი, თვით ამ ჩემს სულიერ თვალსა და ჩემს გონებას რომ მოჰფენოდა; არა, ეს არ იყო ჩვეულებრივი ნათელი, რომელსაც ხორციელი თვალთა ალვიქვამთ, და არც იმისი მსგავსი, არამედ უფრო ძალუმი, უფრო მეტად მოკაშკაშე და მოელვარე, თავისი ბრწყინვალეობით ყოვლის ნამლევი<sup>80</sup>. ისე როდი ადგა ჩემს გონებას, როგორც ზეთი - წყალს, ან ზეცა - მიწას: არა, უზენაესი იყო, რადგანაც მან შექმნა, მე კი მასზე დაბლა ვიდექი, რადგანაც მის მიერ ვიყავ შექმნილი. ვინც შეიცნო ჭეშმარიტება, მანვე შეიცნო ეს ნათელიც, ხოლო ვინც შეიცნო ნათელი, მანვე შეიცნო მარადისობაც<sup>81</sup>.

ო, მარადიულო ჭეშმარიტება, ჭეშმარიტო სიყვარულო, საყვარელო მარადისობავ!<sup>82</sup> შენა ხარ ჩემი ღმერთი, შენთვის ვჭმუნავ დღისით და ღამით<sup>83</sup>. შეგიცანი თუ არა, მაშინვე

რადგანაც წმიდათა-წმიდის ჭურჭელი დამზადებულია იმ ნადავლისაგან, ეგვიპტიდან რომ წაიღო ისრაელმა“ (გრიგოლ სასწაულომოქმედი, წერილები, 2).

<sup>76</sup> ესაა პავლე მოციქულის სიტყვები ათენელთა მიმართ. იხ. მოციქ. საქმენი, XVII, 28.

<sup>77</sup> აქ, უწინარეს ყოვლისა, პლატონი იგულისხმება.

<sup>78</sup> რომ. I, 25.

<sup>79</sup> იხ. ფსალმ. 29, 11.

<sup>80</sup> საკუთარ თავში ჩაღრმავების, თვითმეცნებისა და სულიერი მზერის მეოხებით ზებუნებრივი, ღვთაებრივი ნათლის ჭვრეტა პლატონის მიერ დასახული გზა: „...რას ჭვრეტს ეს სულიერი მზერა, რას ჭვრეტს ეს შინაგანი თვალი? მას არ ძალუძს გაღვიძებისთანავე აღიქვას ჭეშმარიტ არსთა თვალშეუდგამი ბრწყინვალეობა. ამიტომ სული, უწინარეს ყოვლისა, უნდა მიეჩვიოს მშვენიერ საქმეთა თუ ქმნილებათა ჭვრეტას; მე ვგულისხმობ არა ხელოვნებისეულ ქმნილებებს, არამედ კეთილ კაცთა ნაქმარსა და ნამოქმედარს. ამის შემდეგ მას მართებს შეიცნოს ქველის საქმეთა მოქმედი სულის მშვენიერება. მაგრამ როგორ შეიცნობ შენ კეთილი სულის მშვენიერებას? მიიქვცე შენად და შეიცან შენივე თავი. ხოლო თუ შენში ვერ იხილავ მშვენიერებას, მოიქვცე როგორც მოქმედაკე: ხან ჭრის, ხან ფხეკს, ალაგ აგლეუვებს, ალაგ კიდევ წმენდს, სანამ არ გამოავლენს ნათივ ნაკეთებს ქანდაკებისას. ასე ჰყავ შენაც: ამოიკვეთე ზედმეტი, წრფელჰყავი მრუდი, წარისოცე ბნელი, შემოსე ნათელი და აქანდაკე საკუთარი არსება მანამ, სანამ არ იფეთქებს შენში ღვთაებრივი სათნების შუქი, სანამ არ იხილავ სიბრძნეს, თავის წმიდათა-წმიდა ტახტზე მჯდომს. თუ ჰყავ ასე და იხილე ეს, თუ წმიდა ხარ საკუთარ თავთან, თუ არაფერი გირღვევს კავშირთ უზინაგანეს ერთიანობას, არც რამ გიმღვრევს სულის სიწმინდეს, თუ შეიმოსე თვით ჭეშმარიტი ნათელი, არა სასრული, არა გარეშემოწერილი, ან კლებადი თუ მატებადი, არამედ უსასრულო და განუზომელი, ყოველგვარ განზომილებასა თუ გარეშემოწერილობაზე უზენაესი, თუ მისწვდი და მიაღწიე ყველაფერ ამას, მაშინ თვით ჭვრეტად ქცეულხარ შენ, ჭეშმარიტ ჭვრეტად. მაშ, ენდე თავს და გწამდეს შენი, რადგან აქვე ეზიარე თვით უზენაესს. შენ უკვე აღარ გჭირდება მოძღვარი. დაძაბე მზერა სულისა და უმზირე ასე; რადგანაც ესაა ერთადერთი თვალი, რომელიც უზენაეს მშვენიერებას უმზერს“ („ენწ.“ I, 6, 9).

<sup>81</sup> „ღმერთია სინათლე, არა ის სინათლე, რომელსაც თვალითა ხედავ, არამედ ის, რომელსაც ხედავს ჩვენი გული, როდესაც გვსმის: „იგია ჭეშმარიტება“ („სამებისათვის“, 8, 2, 3).

<sup>82</sup> „ღვთაებრივ არსებაში არაფერი არ იცვლება... მასშია მარადიული ჭეშმარიტება, მარადიული სიყვარული, ჭეშმარიტი მარადისობა; მასშია საყვარელი მარადისობა, საყვარელი ჭეშმარიტება“ („სამებისათვის“).

<sup>83</sup> მღრ. ფსალმ. 1, 2.

აღმიტაცე, რათა მეხილა ის, რისი ხილვაც ასე მენადა, თუმცა ჯერ კიდევ არ შემეძლო მეხილა იგი. შენი სხივებით დაშრიგე ჩემი უმწეო თვალის ჩინი, და მე ვერხვის ფოთოლივით აუცახცახდი სიყვარულისა და შიშის გამო. მე დავრწმუნდი, რარიგ შორს ვიყავი შენგან ამ ქვეყნად, სადაც არაფერი არ გგავდა შენ<sup>84</sup>, და თითქოს ბეცით ჩამომესმა შენი ხმა: „მე ვარ მონიფულთა საბრდო; იზარდე და მიგემბე მე. შენ კი ვერ გარდაიქმნი შენში, როგორც ხორციელ საბრდოს, არამედ შენ თვითონ გარდაიქმნები ჩემში“.

და მე მივხვდი, რომ „უსამართლობის სამხილებლად ასწავლი კაცს და აბლაბუდასავით დაადნობ მის სულს“<sup>85</sup>; ამიტომაც ვთქვი: „ნუთუ ჭეშმარიტება არარაა, რაკილა არც სასრულ სივრცეშია განფენილი და არც უსასრულოში?“ და შორიდან მომესმა შენი ხმა: „ჭეშმარიტად, მე ვარ, რომელიც ვარ“<sup>86</sup>. ვისმინე ეს, როგორც ისმენენ გულით, და არავითარი საბაბი აღარ დამრჩა ეჭვისა და ორჭოფობისათვის, რადგანაც უმაღლესი ჩემი არსებობა დამაეჭვებდა, ვიდრე ის, რომ არსებობს ჭეშმარიტება, რომელსაც შექმნილი სამყაროს მეშვეობით აღიქვამს გონი<sup>87</sup>.

## XI

17. გულდასმით გამოვიკვლიე ყველაფერი, რაც შენზე დაბლა დგას, უფალო, და მივხვდი, რომ მასზე ვერც იმას იტყვი, არსებობდაო, და ვერც იმას, არ არსებობდაო: ის არსებობს, რადგანაც შენმიერია, და არ არსებობს, რადგანაც ის არ არის, რაცა ხარ შენ. ჭეშმარიტად არსებობს მხოლოდ ის, რაც უცვლელია<sup>88</sup>. „ხოლო ჩემი სიკეთე ისაა, რომ მივეახლო ღმერთს“<sup>89</sup>, რადგან თუ მასში არ ვეგები, მაშინ ვერც ჩემში ვიარსებებ. ის კი „თავის თავშია დავანებული და განაახლებს ყოველს“. „შენა ხარ ჩემი უფალი, რადგანაც არა გჭირდება რა ჩემი“.

<sup>84</sup> შდრ. პლოტინი: „მაგრამ თუ ჭეშმარიტ არსთა ჯვრეტად მიიქცა უძლეო ან ბინით შესვრილი სული, ის მათ ბრწყინვალეობას კი არა, თვით ხილულსაც ვერ იხილავს, შემთხვევით რომ დაუღონ წინ. რადგან ის, რაც ჯვრეტს, ჯერ ჯვრეტის საგანს უნდა ემსგავსოს და მხოლოდ შემდეგ მიიქცეს მის ჯვრეტად. ვანა ჩვენი თვალის ოდესმე იხილავდა მზეს, მზეს რომ დამსგავსებოდა თავად? ვერც სული იხილავდა მშვენიერს, მშვენიერება რომ არ შეემოსა მასაც. დაე, თავდაპირველად ღმერთს ემსგავსოს, დაე, თავდაპირველად მშვენიერი გახდეს ყველა, ვისაც სურს იხილოს ღვთაებრივი და მშვენიერი“ („ენნ.“ I,6,9).

<sup>85</sup> შდრ. ფსალმ. 38, 12.

<sup>86</sup> გამოხვლა, III, 14.

<sup>87</sup> უფრო გვიან იოანე სკოტ ერიუგენა ნეტარი ავგუსტინეს კვალდაკვალ იტყვის, რომ მართალია, ღმერთი ყოველგვარ არსებობაზე უზენაესია, მაგრამ ის აბსოლუტურად დაფარული როდია ჩვენთვის. ღმერთი თვითონ, ანუ ღვთივამოვლენით ეცხადება ჩვენს ცნობიერებას. სწორედ ესაა ღმერთის შემეცნების საშუალება. თვითონა, ერთის მხრივ, სხვა არა არის რა, თუ არა შექმნილი სამყაროს მოვლენები, რომლებსაც გრძნობებით აღვიქვამთ, მეორეს მხრივ კი შინაგანი ნათელფენა ღვთიური მადლის წყალობით (იხ. ალბერტ შტეკლი, შუა საუკ. ფულოს. ისტორია, იოანე სკოტ ერიუგენა, 2,3). იმავე აზრისა იყვნენ - პეტრე აბელიარიც (იხ. იქვე, 1,8). ჰუგო სენ-ვიქტორიელიც (იქვე, 2,3), რიშარ სენ-ვიქტორიელიც (იქვე, 3,3), ალბერტ დიდიც, ვისი მტკიცებითაც, ჩვენი ბუნებრივი ღვთისშემეცნება შუალობითი ხასიათით გამოირჩევა: ის გაშუალდებულია შექმნილი საგნებით, რომელთა ერთობლიობაც, როგორც შემოქმედებით მიზეზის შედეგი, ამ მიზეზზე მიგვანიშნებს და მისი შეცნობის საშუალებას გვაძლევს (იქვე, 2,1), თოამ აქვინელიც, რომელიც, ამ მხრივ, პავლე მოციქულის სიტყვებს ემყარება („ყოველივე ის, რაც უხილავია ღმერთში, მისი ქმნილებების მიხედვით გონების მიერ ხილული ხდება“; იქვე, 4,1) და სხვანი და სხვანი.

<sup>88</sup> ესაა რადიკალური სხვაობა შემოქმედსა და მის ქმნილებას შორის. შემოქმედი უცვლელია, ქმნილება კი ცვალებადი. ამიტომ პირველის არსებობა აუცილებელია, მეორისა კი არა.

<sup>89</sup> ფსალმ. 72, 28.



XII

18. ჩემთვის ცხადი შეიქნა, რომ მხოლოდ სიკეთეს თუ შეიძლება შეეპაროს ხრწნილება<sup>90</sup>. ეს რომ უზენაესი სიკეთე იყოს, ან სულაც არ იყოს სიკეთე, ხრწნილება უცხო იქნებოდა მისთვის. უზენაესი სიკეთე უხრწნელია<sup>91</sup>, ხოლო იმაში, რაშიც არავითარი წილი არ უდევს სიკეთეს, რას უნდა მოედოს ხრწნილება?<sup>92</sup> ის, რაც იხრწნება, ზიანდება; ხრწნილება რომ სიკეთეს არ ამცრობდეს, არც ზიანს მიაყენებდა რასმე. ამრიგად, ორში ერთია: ან ხრწნილება არაფერს აყენებს ზიანს, რაც შეუძლებელია, ანდა იმას, რაც ხრწნილებას განიცდის, სიკეთე აკლდება, რაც ცხადზე უცხადესია. ის, რასაც სიკეთის ნასახიც აღარა რჩება, საერთოდ წყვეტს არსებობას. მაგრამ თუ კვლავაც იარსებებს და მიუწვდომელი იქნება ხრწნილებისათვის, უთუოდ უკეთესი გახდება, რადგანაც მთელი თავისი არსებობის მანძილზე შეინარჩუნებს უხრწნელებას. მაგრამ რა შეიძლება იყოს იმის მტკიცებაზე უფრო უცნაური, თითქოს შეიძლება უკეთესი გახდეს ის, რასაც სიკეთის ნაგამალიც აღარა რჩება? მაშასადამე, რაც მთლიანად განძარცვულია სიკეთისაგან, საერთოდ ვერ იარსებებს; ესე იგი, ვიდრე არსებობს, კეთილია, ასე რომ, ყოველივე არსებული კეთილად უნდა მიგვაჩნდეს, ხოლო ბოროტებას, რომლის სათავესაც ვეძებდი, სუბსტანციური არსებობა არ გააჩნია, რადგანაც სუბსტანცია რომ ყოფილიყო, კეთილი იქნებოდა, ან იმნაირი სუბსტანცია, რასთანაც ხელი არა აქვს ხრწნილებას, ესე იგი, ნამდვილი სიკეთე, ან კიდევ - სუბსტანცია, რომელიც ხრწნილებას ექვემდებარება, რაც შეუძლებელი იქნებოდა, სიკეთეს რომ წილი არ ედოს მასში.

ამრიგად, მე მივხვდი და ჩემთვის ნათელი შეიქნა, რომ ყველაფერი, რაც შენ შექმენი, კეთილია, და არ არსებობს სუბსტანცია, შენს მიერ შექმნილი რომ არ იყოს. ხოლო რაკი ყველაფერი ერთმანეთს არ გაუთანაბრე, ყოველივე არსებული, ცალ-ცალკე, კარგია, ყველა ერთად კი - ძალიან კარგი, რადგანაც ჩვენმა ღმერთმა ყველაფერი კეთილად შექმნა<sup>93</sup>, და როცა შექმნა, იხილა, რომ „ძალიან კარგი იყო“<sup>94</sup>.

<sup>90</sup> იგულისხმება სიკეთე, რომელიც ღმერთის მიერ დვრიტადაა ჩადებული ყველა ქმნილებაში, მთელს ბუნებაში, ვინაიდან სიკეთე, ნეტარი ავგუსტინეს აზრით, ესაა არსებობა, არსება, ფორმა, რაც მხოლოდ ღმერთისგან თუ შეიძლება იღებდეს დასაბამს, რამდენადაც მარტოოდენ ღმერთია უზენაესი არსებობა, უზენაესი არსება, სრულქმნილი ფორმა.

<sup>91</sup> უზენაესი სიკეთე უხრწნელია, იმიტომ, რომ მისთვის უცხოა ყოველგვარი ცვალებადობა („სიკეთის ბუნებისათვის“, 1). უზენაესი სიკეთე და აბსოლუტური უცვლელობა სინონიმური ცნებებია. უზენაესი სიკეთე ვერც უკეთესი გახდება და ვერც უარესი; ის არც მატებას ექვემდებარება და არც კლებას, არამედ ყოველთვის თვითიგივეობრივია, თვითიდენტური.

<sup>92</sup> მეორეს მხრივ, იგივე ითქმის მატერიის მიმართაც, რომელსაც სუბსტანციური არსებობა არ გააჩნია. და მართლაც, რანაირად შეიძლება განიცდიდეს ხრწნილებას ის, რასაც არავითარი წილი არ უდევს არსებობაში, ესე იგი, პირწმინდად განძარცვულია ყოველგვარი სიკეთისაგან?

<sup>93</sup> „უთვალავი ფერით“ მოცემული სამყაროს საგანთა სიმრავლეს და მშვენიერებას, მათ ურთიერთდაქვემდებარებას, ამქვეყნიური ჰარმონიის წყაროს - სიკეთისა და სილამაზის გრადაციას ანალოგიურად განიცდიდა ვაჟა-ფშაველა:

<sup>94</sup> დაბად. I, 31.

XIII

19. ხოლო შენთვის, უფალო, სულაც არ არსებობს ბოროტება, და არა მარტო შენთვის, არამედ მთელი შენი ქმნილებისთვისაც, რადგანაც ამ ქმნილების მიღმა არ არის არაფერი, რაც შეიძლება მის წიაში შემოჭრილიყო და დაერღვია შენს მიერ დადგენილი წესრიგი. ბოროტებად ითვლება ის, რაც ცალკე აღებული არ ეთანხმება და ესადაგება რაღაცას, მაგრამ სხვა რამეს კი შეიძლება ეთანხმებოდეს, და არა მარტო ამდენად, არამედ თავისთავადაც კეთილი იყოს. ყოველივე ის, რაც არ ეთანხმება ერთმანეთს, შეიძლება ამ ქვეყნა სამყაროს ეთანხმებოდეს, რომელსაც დედამიწას ვუწოდებთ ჩვენ, ღრუბლებით დაფარულსა და ქარების სათარემოდ ქვეულ სამყაროს. ღმერთმა ნუ მათქმევინოს ეს სიტყვები: „უმჯობესი იქნებოდა, ეს ქვეყანა სულაც არ არსებულყო!“ მის მეტი რომ არაფერი მცოდნოდა, შეიძლება უკეთესი მენატრა, თუმცა მარტოდენ მისი გულისთვისაც ქება-დიდება უნდა ამეცეს<sup>95</sup>, რადგანაც დიდების ღირსი რომ ხარ, ერთხმად მონშობენ „ქვეყნით-ვეშაპნი და ყველა უფსკრული, ცეცხლი და სეგყვა, თოვლი, ყინვა და ქარბუქი, შენი სიტყვის მონა-მორჩილნი, მთანი და ყოველი ბორცვი, ყველა კედარი, ყოველი მხეცი და პირუტყვი, ქვეწარმავალნი და ფრთოსანნი, მეფენი ქვეყანისანი და ყოველი ერი, მთავარნი და ქვეყნის ყოველი მსაჯული, ჭაბუკნი და ქალწულნი, მცხოვანნი და ყრმანი, რომელნიც აღიღებენ შენს სახელს“. და კვლავაც „გადიდებდნენ ზეცითაც, გადიდებდნენ „მაღალთა შინა“, ყოველი ანგელოსი შენი, ყოველი ძალი შენი, გადიდებდნენ მზე და მთვარე, ყოველი შუქურვარსკვლავი, ცანი ცათანი და წყალნი, ზესკენლზე უზენაესნი, დაე, აღიღებდნენ შენს სახელს“<sup>96</sup>. და როცა ყოველივე ეს გონის თვალთა წარმოვიდგინე, უკვე აღარა მსურდა უკეთესი. უზენაესი, რა თქმა უნდა, უმდაბლესზე უმჯობესია, მაგრამ როცა საღი განსჯით გაგზომე და ავზონ-დავზონე ყველაფერი, იმ დასკვნამდე მივდი, რომ მთელი ქმნილება ერთად უკეთესია, ვიდრე ცალკე აღებული ზენა სამყარო<sup>97</sup>.

XIV

20. სულის სისაღე აკლია იმას<sup>98</sup>, ვისაც რაღაცა არ მოსწონს შენს ქმნილებათა შორის, როგორც მე მაკლდა, როცა ამდენი რამ არ მომწონდა შენს ქმნილებებში. და რაკი ჩემი სული ვერ ბედავდა ეღიარებინა, ჩემი უფალი არ მომწონსო, ამიტომ არ სურდა შენეულად

<sup>95</sup> ამ მხრივ, ნეტარი ავგუსტინე მთლიანად ეთანხმება პლატონს, ვისი აზრითაც, მატერიალური, გრძობად-კონკრეტული სამყარო მხოლოდ უფრო დაბალი რანგის რეალობაა ინტელიგიბილურ სინამდვილესთან შედარებით, და ამდენად, მშვენიერიცაა და კეთილიც.  
<sup>96</sup> ფსალმ. 148, 7-13.  
<sup>97</sup> ნეტარი ავგუსტინე ფიქრობს, რომ ინტელიგიბილური, ზედროული და ზესივრცული სინამდვილე და მისი მატერიალური გამოვლენა - გრძობად-კონკრეტული სამყარო, ერთად აღებული, უმჯობესია, ვიდრე მარტოდენ ზენა (ე.ი. ინტელიგიბილური) სამყარო.  
<sup>98</sup> შდრ. ფსალმ. 37, 4.

მიეჩნია ის, რაც არ მოსწონდა<sup>99</sup>. სწორედ ამან მიიყვანა იმ აზრამდე, რომ არსებობს ორი სუბსტანცია<sup>100</sup>, მაგრამ მაინც ვერ პოულობდა სიმშვიდეს და სხვისი ენით მეტყველებდა. ამ მცდარი წარმოდგენიდანვე გამომდინარემ შექმნა თავისთვის ისეთი ღმერთი, ყოველ მხარეს უკიდევანოდ რომ განთენილა სამყაროს უსასრულო სივრცეში, შენ დაგსახა ამ ღმერთად, უფალო, თავის თავში დაუდო ბინა და გაძრად ექცა საკუთარ კერპს, რაც ეგზომ საძულველია შენთვის. ხოლო როცა ჩემდა შეუცნობლად განკურნე ჩემი სნეული თავი და „დამიხუჭე თვალი, რათა არ ეხილა ამოლება“<sup>101</sup>, ცოცხალი არ იყოს, მოვისვენე ჩემივე თავისაგან და მიიძინა ჩემმა სიმლევემ. მერე შენში გავიღვიძე და ვიხილე, რომ სულ სხვანაირად ხარ უსასრულო, მაგრამ ხორციელი თვალით როდი ვიხილე ეს.

## XV

21. თვალი მოვაღვლე დანარჩენ საგნებსაც, და მივხვდი, რომ შენ უნდა გიმაღლოდნენ არსებობას და შენშივე არიან დამკვიდრებულნი, მაგრამ ისე კი არა, როგორც სივრცეში, არამედ სულ სხვანაირად: ყოვლისმპყრობელს ისე გიპყრია ისინი შენმიერ ჭეშმარიტებაში, როგორც ხელში, რადგანაც ყოველი არსებული ჭეშმარიტია, რამდენადაც ის არსებობს, და არა არის რა მოჩვენებითი, გარდა იმისა, რაც არსებულად მიგვაჩნია, თუმცა სინამდვილეში არ არსებობს.

იმასაც მივხვდი, რომ ყველაფერი არა მარტო თავის ადგილს შეესაბამება, არამედ დროსაც, და შენ, ერთადერთი მარადიული არსი, იმას როდი დალოდებიხარ, რომ საუკუნეთა უსასრულო წყებას გაეფლო, რათა ქმედებად აღძრულიყო, რადგანაც ეს გარდასული თუ მომავალი საუკუნენი არც გავიდოდნენ და არც მოვიდოდნენ, შენ რომ არ მოქმედებდე და არ ეგო უკუნითი უკუნისამდე<sup>102</sup>.

## XVI

22. როგორც ჩემმა გამოცდილებამ დამარწმუნა, საკვირველი არა არის რა იმაში, რომ ჰურს, რომელსაც მაღიანად შეექცევა ჯანმრთელი კაცი, რის ვაივაგლახით ღეჭავს

<sup>99</sup> ნეტარი ავგუსტინე მხოლოდ უფრო გვიან მივა პლოტინის მსოფლმეგობრებამდე: „თავდაპირველად უნდა შევიგნოთ: სიკეთე, რომელსაც ამ ქვეყნად ვეძებთ, ბოროტებასთან შერეულია; მაშ, ნუ მოვითხოვთ, რომ ეს სიკეთე ისეთივე დიდი იყოს, როგორც შეურევნელ არსში; ნუ ვეძებთ ინტელიგიბილურ არსთა სიკეთეს გრძნობად არსთა შორის. რაკილა სამყაროს სხეული აქვს, უნდა ვალიართო, რომ ეს სხეული რაღაცას ანიჭებს მას; და გონებაც მხოლოდ იმდენად მოვითხოვთ ნარევს თუ ნაზავს, რამდენადაც ნაწილს შეუძლია მისი მიღება... დაუკვირდეთ ყველაზე მომხიბლავ გრძნობად კაცს; მის სილამაზეს მაინც ვერ შევადარებთ ინტელიგიბილური კაცის მშვენებას. მაგრამ მაღლიერნი ვიყოს მისი შემოქმედისა, თუკი ხორცის, ძვლებისა და ძარღვებისაგან შექმნილ ამ არსებაში მაინც მბრძანებლობს გონება, რომელსაც შეუძლია მშვენიერებით შეამკოს იგი და განწონოს მატერია“... („ენნ“, III,2,7).

<sup>100</sup> იგულისხმება ღმერთი და მატერია, რომელსაც ნეტარი ავგუსტინე თავდაპირველად, მანიქეველთა მოძღვრების გავლენით, სუბსტანციურ არსებობას მიაწერდა.

<sup>101</sup> ფსალმ. 118, 37.

<sup>102</sup> ეს თემა დაწვრილებითაა განვითარებული „აღსარებათა“ მეფერომეტე წიგნში.

სასამკვიფრანი; ნათელი, ესოდენ საამო სალი თვალისთვის, აუგანელია სნეულისათვის. არც შენი სიმართლე მოსწონთ ცოდვილთ, მით უმეტეს, ქვენარმაველნი და ჭიაღუანი, რომელნიც შენ კეთილად შეჰქმენ, ქმნილებათა დაბალი საფეხურის შესაბამისად; ამ საფეხურსვე უახლოვდებიან თვითონ ცოდვილნიც, რადგანაც დაჰპარგეს შენი მსგავსება, და მხოლოდ მაშინ მიაღწევენ უფრო მაღალ საფეხურს, როცა ამ დაპარგულ მსგავსებას დაიბრუნებენ. მე ვცდილობდი გამეგო, რა იყო ცოდვილობა, და ვერ მივაღწეე სუბსტანციას: არა, ესაა გაუკუღმართებელი ნება, რომელმაც ზურგი აქცია უზენაეს სუბსტანციას, ანუ შენ, ღმერთო, რათა უმდაბლესის მიმართ მიქცეულიყო, თავისი შინაგანი რაობის უარმყოფელი და გარე სამყაროში გათქვეფილი.

## XVII

23. მიკვირდა, უფალო, რომ უკვე მიყვარდი; დიახ, სწორედ შენ მიყვარდი და არა შენი ლანდი. მაგრამ ჯერ კიდევ ვერ დავძვიდრებულებიყავი შენში და მთელი არსებით ვერ გამეხარა: უჩულო ძალით მიზიდავდა შენი მშვენიერება, მაგრამ შენგანვე განმიზიდავდა ჩემი ცვირთი, და მე გმინვით ვემხოვოდი ძირს. ეს ცვირთი ხორცის ჩვეულებაა. თუცა ყოველთვის მახსოვდა და ეჭვიც აღარ მეპარებოდა იმაში, რომ არსებობს ის, ვისაც უნდა დაფნაფებოდი, მაგრამ ჯერ კიდევ არ შემწევდა ამისი ძალი, რადგანაც „ეს ხრწნადი სხეული ამძიმებდა სულს, და ეს მინიერი კარავი ცვირთად აწვა ფიქრით სავსე გონებას“<sup>103</sup>. მე ღრმად ვიყავი დარწმუნებული, რომ ის, „რაც უხილავია შენში, - მარადიული ძალა და ღვთაებრიობა შენი, - სამყაროს შექმნიდან შენსავე ქმნილებებში ცნაურდება“<sup>104</sup>. და როცა იმაზე ვფიქრობდი, თუ ვინ მომცა იმის უნარი, რომ შემეფასებინა ციურ თუ მინიერ სხეულთა მშვენიერება, საღად და სწრაფად შემსჯელა ცვალებად საგანთა შესახებ და მეთქვა: ეს ასე უნდა იყოს და არა ისეო, - დიახ, როცა იმაზე ვფიქრობდი, თუ ვინ მომცა ამნაირი განსჯის უნარი, საბოლოოდ დარწმუნდი, რომ ჩემს ცვალებად აზრზე მაღლა დგას უცვლელი, ნამდვილი და მარადიული ჭეშმარიტება.

ასე თანდათანობით გადავდიოდი სხეულიდან სულზე, რომელიც სხეულის მეშვეობით გრძნობს, სულიდან - იმ შინაგან ძალაზე, გრძნობებით რომ აღიქვამს გარე სამყაროს (ესაა ცხოველური ცნობიერების ზღვარი)<sup>105</sup>, იქიდან კი - განსჯის უნარზე, რომელიც აყალიბებს მსჯელობას იმის შესახებ, რასაც ხორციელი გრძნობებით აღვიქვამთ. მაგრამ როცა ეს უნარი შეიცნობს თავის ცვალებადობას, ის თვითშემეცნებამდე მაღლდება, ყოველივე ჩვეულს განარიდებს აზრს, ერთმანეთში ალუფხული ურთიერთსაპირისპირო ფანტასმებისაგან

<sup>103</sup> სირბძნე სოლომ. IX, 15.

<sup>104</sup> რომ. I, 20.

<sup>105</sup> ესაა ე.წ. „შინაგანი გრძნობა“, რომელიც, ნეტარი ავგუსტინეს მიხედვით, ერთმანეთს უთანხმებს გარეგან გრძნობათა (მზერა, სმენა, ყნოსვა, გემო, შეხება) ქმედობის შედეგად გამოწვეულ შთაბეჭდილებებს და, იმავდროულად, გარკვეულ თანაფარდობას ამყარებს აღქმულსა და აღმქმულს შორის (იხ. პროფ. ი.ვ.პოპოვი, დასახ. ნაშრ. ტ. I, ნაწ. II, გვ. 24-26).

თავისუფლდება და ცდილობს გაიგოს, მაინც რა ნათელი მოეფინა. ხოლო როცა ღრმად დარწმუნებული ნამოიძახებს, რომ უცვლელი უნდა გვერჩიოს ცვალებადს, რომლის მეშვეობითაც ჩასწვდა თვით ამ უცვლელს (რაცადაცაა რომ არ ჩასწვდომოდა, ვერასდობით ვერ შესძლებდა ცვლადზე მალა დაეყენებინა უცვლელი), - მაშინ ანაბდეული ნათელფენა<sup>106</sup> უშუალოდ მიიყვანს მასთან, ვინც არის<sup>107</sup>, და ვისაც მხოლოდ ნამითა ჭვრეცს მოცახცახე მზერა.

სწორედ აქ ავიქვი „შენი უხილავი არსი, ხილულ ქმნილებათა მეოხებით რომ ცნაურდება“<sup>108</sup>, მაგრამ ჯერ კიდევ ვერ შევძელი თვალი გამესწორებინა მისთვის. ჩემი უმწიბრის გამო უკუგდებული კვლავ ჩემს ძველ ყოფას მივუბრუნდი, ხოლო ნამით ხილულისაგან აღარათფერი შემჩნა, გარდა სანუკვარი მოგონებისა; რაღა ამნაირი მოგონება და რაღა სანუკვარი კერძის სურნელი, კერძისა, რომლისთვისაც ჯერ კიდევ ვერ შევძელი გემო გამესინჯა.

## XVIII

24. მე ვეძებდი გზას, რომელიც ძალას მომაკრებინებდა, რათა შენით დავმტკბარიყავი, მაგრამ ვერსად ვიპოვე იგი, ვიდრე არ ჩავეჭიდე „შუამდგომელს ღმერთსა და კაცთა შორის, კაცს იესო ქრისტეს“<sup>109</sup>, რომელიც არის „ღმერთი, ყველაზე ამაღლებული, კურთხეული უკუნისამდე“<sup>110</sup>, ვინც გვიხმობს და გვეუბნება: „მე ვარ გზა და ჭეშმარიტება და სიცოცხლე“<sup>111</sup>; ის საბრძოლვე, რომლის საგემებლადაც ძალა არ მეყო, და რომელიც ხორცს შეურია უფალმა, რადგანაც „სიცივა ხორცად იქცა“<sup>112</sup>, რათა შენი სიბრძნე, რომლითაც შექქმენ ყოველი, ჩვენი სიყრმის რძედ ქცეულიყო.

მე, თვითონ თვინიერებისგან განძარცვულს, არ შემეძლო მეღიარებინა თვინიერი იესო, უფალი ჩემი, და არ მესმოდა, რას გვასწავლის მისი თვინიერება. რადგანაც შენი სიცივა, მარადიული ჭეშმარიტება, უზენაესი შენს უკეთეს ქმნილებათა შორის, თავის უზენაეს არსამდე ამაღლებს მორჩილთა და თვინიერთ<sup>113</sup>, მაშინ როდესაც ქმნილების უმდაბლეს საფეხურზე ჩვენი ცალახისაგან აიგო თავისი მდაბალი სადგომი, რათა საკუთარი თავისაგან განეშორებინა ისინი, ვინც უნდა დაემორჩილებინა და თავისკენ გადაებრებინა იმ მიზნით, რომ ქედმაღლობისაგან განეკურნა და სიყვარული შთაენერგა მათთვის. მას სურდა მზვობართათვის ხელი შეეშალა იმაში, რომ უფრო შორს შეეცოპათ თავიანთი თვითრწმენით,

<sup>106</sup> იგულისხმება ნეოპლატონიკოსთა „მისტერიული ინტუიცია“.

<sup>107</sup> იგულისხმება ღმერთი.

<sup>108</sup> რომ. I, 20.

<sup>109</sup> I ტიმ. II, 5.

<sup>110</sup> რომ. IX, 5.

<sup>111</sup> იოანე, XIV, 6.

<sup>112</sup> იოანე, I, 14.

<sup>113</sup> შდრ. მათე V, 5: „ნეტარ არიან თვინიერნი, ვინაიდან ისინი დაიმკვიდრებენ მიწას“.



რათა უკეთ ეგრძნოთ საკუთარი უმწეობა, როცა თავიანთ თერხთით იხილავდნენ ღვთაებას, დაუძღურებულს იმის შედეგად, რომ შეიმოსა ჩვენი ხორციელი გარსი, - და დაღლილ-დაქანცულნი მის წინაშე დამხობილიყვნენ, რათა თავისი აღდგომით აღედგინა ისინი.

XIX

25. მე კი სხვანაირად ვფიქრობდი და ქრისტე, ჩემი უფალი, მხოლოდ უჩვეულო ბრძენკაცად მიმაჩნდა, რომელსაც ვერავინ შეედრებოდა, მით უმეტეს, რომ სასწაულებრივად იშვა ქალწულისაგან, რათა ნიმუში ყოფილიყო იმისა, თუ როგორ შეიძლება უგულვებლყო წარმავალი სიკეთე უკვდავების გულისთვის. მე მეგონა, რომ ჩვენს მიმართ სწორედ ამ ღვთაებრივი ზრუნვის წყალობით შეიძინა მისმა მოძღვრებამ ესოდენ დიდი მნიშვნელობა. მაგრამ წარმოდგენაც არ მქონდა იმაზე, თუ რა საიდუმლოს იმარხავენ სიციყები: „და სიციყა ხორცად იქცა“<sup>114</sup>. იმ წიგნებიდან, რომლებშიაც მისი ცხოვრება იყო აღწერილი, მხოლოდ ის ვიცოდი, რომ ქრისტე ჩვენსავით ჭამდა, სვამდა, ეძინა, დადიოდა, ხარობდა, წუხდა, საუბრობდა; ვიცოდი ისიც, რომ ეს სხეული ვერ შეერწყმოდა შენს სიციყას ადამიანური სულისა და გონების გარეშე. ეს იცოდა ყველამ, ვისთვისაც ცნობილი იყო შენი სიციყის უცვლელობა, და, შეძლებისდაგვარად, ვიცოდი მეც; ამ მხრივ, არაფითარი ეჭვი არ მეპარებოდა. და მართლაც, საკუთარი ნება-სურვილით ამოძავებდე სხეულის ასობეს, ან სულაც არ ამოძრავებდე მათ, განიცდიდე ან არ განიცდიდე რაიმეს, სიციყებით გადმოსცემდე გონივრულ აზრს ან მღუპარედ იყო, - ყოველივე ეს ცვალებადი სულისა და გონების ნიშან-თვისებებია. თუკი ამ თვისებებს ზემოაღნიშნული წიგნები მცდარად მიაწერენ მას, მაშინ ყველა დანარჩენ წიგნსაც ეჭვის თვალთ უნდა შევხედოთ, ასე რომ, მათში აღარ დარჩება აღარათყერი, რასაც შეეძლო რწმენით ესხნა და გადაერჩინა კაცთა მოღვმა. მაგრამ რაკი ის, რაც მასზე დანერილა, სრული სიმართლეა, მეც სრულ კაცად მიმაჩნდა ქრისტე, რომელსაც არა მარტო კაცის სხეული ჰქონდა, ანდა სხეულთან ერთად - სულიც, გონების გარეშე, არამედ ნამდვილაც კაცად, და არა ხორცმესხმულ ჭეშმარიტებად. ამიგომაც, ჩემის აზრით, ის უნდა დაგვეყენებინა ყველა ადამიანზე მაღლა, რადგანაც მისი კაცური ბუნება განუზომლად აღემატებოდა ყოველი კაცის ბუნებას, და სიბრძნესაც ყველაზე სრულად იყო ნაზიარები<sup>115</sup>.

აღიპიუსი კი ფიქრობდა, რომ კათოლიკე სარწმუნოების თანახმად, ღმერთმა თვითონ შეისხა ხორცი, ასე რომ, ქრისტე სხვა არა არის რა, თუ არა ღმერთი და ხორცი, რომელსაც კაცის სული უდგას და გონებას ვერ მივანეროთ. რაკილა ღრმად იყო დარწმუნებული, რომ ქრისტეს საქმენი, რომელთა ხსოვნაც შემოგვინახა საღმრთო წერილმა, შეიძლებოდა აღესრულებინა მხოლოდ სიცოცხლითა და გონიერებით მოსილ ქმნილებას, ამიგომ ზანგად

<sup>114</sup> იოანე, I, 14.

<sup>115</sup> ნათლისღებამდე ნეტარ ავგუსტინეს მხოლოდ ბრძენკაცად თუ „სრულ კაცად“, ე.ი. სხეულის, სულისა და გონების მქონედ მიაჩნდა იესო ქრისტე.

და ზოზინით უახლოვდებოდა ქრისტიანულ სარწმუნოებას. მაგრამ შემდეგ, როცა შეიცნო მთელი ცთომილება აპოლინარიუსის მიმდევართა ამ მწვალებლობისა<sup>116</sup>, ეკლესიის წიაღს შეუერთდა და სიხარულით აღიარა ჭეშმარიტი სარწმუნოება.

მე კი, მართალი ვითხრათ, ცოცხალი ვიყავი მიუხედავად, თუ როგორ ემიჯნება კათოლიკე ჭეშმარიტება სიტყვებით - „და სიტყვა ხორცად იქცა“<sup>117</sup>, - ფოტინუსის სიცრუეს<sup>118</sup>. მწვალებელთა გმობა და უარყოფა კიდევ უფრო მეტ ნათელს ჰფენს შენი ეკლესიის ჭეშმარიტ აზრსა და მისი წმინდა მოძღვრების მთელ შინაარსს, „რადგან მწვალებლობაც საჭიროა, რათა გამოცდილნი გამოჩნდნენ“<sup>119</sup> უძღურთა შორის.

XX

26. პლატონიკოსთა თხზულებების კითხვამ აღმიძრა აზრი უსხეულმყოფელი ჭეშმარიტება მეძია: მე თვალი ვკიდევ „უხილავს შენსას, ქმნილის მეოხებით რომ ცნაურდება“<sup>120</sup>, და ამ უხილავისაგან უკუგდებულმა ვიგრძენი, რომ ჩემი სულიერი სიბნელის გამო არ შემიძლო მისი ჭვრეტა. დარწმუნებული ვიყავი, რომ შენ არსებობ და უსასრულო ხარ, მაგრამ სასრულ ან უსასრულო სამყაროში როდი ხარ განფენილი; რომ ჭეშმარიტად ისა ხარ, ვინც მარად ერთი და იგივეა, ყოვლად უცვლელი, ვისი შეცვლაც არათერს ძალუძს. ყველაფერი შენგან იღებს დასაბამს, რისი ერთადერთი და სარწმუნო საბუთიც ისაა, რომ ყველაფერი არსებობს. დარწმუნებული ვიყავი ამაში, მაგრამ საიმისო ძალა კი არ შემწევდა, რომ შენით მეცოცხლა.

ისე ვცებდობდი, თითქოს დიდი მცოდნე ვყოფილიყავი, მაგრამ „ქრისტიანო, ჩვენს მაცხოვარში“<sup>121</sup> რომ არ მეძია გზა ხსნისა, მცოდნე კი არა დასაღუბად განწირული ვიქნებოდი. დიდი სურვილი მექონდა, ნამდვილი ბრძენი ვგონებოდი ხალხს, - ეს იყო ჩემი შეჩვენების მთელი სისრულე, - და კი არ დავგვიროდი ჩემს შეცდომებს, არამედ თავიც კი მომქონდა ცოდნით. სად იყო ის სიყვარული, სიმდაბლის საძირკველს რომ ეფუძნება<sup>122</sup>, ესე იგი, იესო

<sup>116</sup> იგულისხმება ლაოდვიკის ეპისკოპოსის აპოლინარიუსისა (გარდ. 382 წ.) და მისი მიმდევრების - „აპოლინარისტების“ ერეტიკული მოძღვრება, რომლის თანახმადაც, განკაცებისას (ინკარნაცია) ღვთაებრივი სიტყვა (ლოგოსი) ადამიანის სულს კი არ შერწყმია, არამედ - უშუალოდ მის სხეულს; ხოლო ეს სხეული, აპოლინარისტთა მტკიცებით, პირწმინდად ციური და ზეგარდამო ჩამოსული იყო, ასე რომ, ჯვარცმისას ქრისტი მხოლოდ მოჩვენებითად ევნო. აპოლინარიუსის მწვალებლობა თითქოს არიანიზმის ერთგვარ ანტიფას წარმოადგენდა, რადგანაც ეს უკანასკნელი ზღუდავდა ქრისტიანულ ღვთაებრიობას, პირველი კი - მის ადამიანურ ბუნებას. აპოლინარიუსის ერესი დაგმობილი იქნა კონსტანტინოპოლის საეკლესიო კრებაზე (381 წ.).

<sup>117</sup> იოანე, I, 14.

<sup>118</sup> იგულისხმება სირმიუმის (პანონია) ეპისკოპოსის (დაახლ. 340 წ.) ფოტინუსის ერეტიკული მოძღვრება, რომლის თანახმადაც, ქრისტი მხოლოდ ადამიანი იყო, დანარჩენ მოკვდავთაგან მართოდენ თავისი სასწაულებრივი დაბადებით, მასზე გადმოსული მადლის სავესთითა და ზნეობრივი სრულქმნილებით გამოჩენილი. ფოტინუსის მოძღვრება დაგმობილი იქნა ანტიოქიის (345 წ.), მილანის (346 წ.) და ბოლოს, სირმიუმის (351 წ.) საეკლესიო კრებებზე, ხოლო თვით ფოტინუს მეტსახელად „სკოტინუსი“ („ბნელი“) შეარქვეს.

<sup>119</sup> I კორ. XI, 19.

<sup>120</sup> რომ. I, 20.

<sup>121</sup> ტიტ. I, 4.

<sup>122</sup> მდრ. I კორ. VIII, 1.

ქრისტეს?<sup>123</sup> მასწავლებს კია ეს სიყვარული ჩემს მიერ ნაკითხულმა წიგნებმა? მე მწამს, რომ სწორედ შენ იხეებ, უმაღლესი ჩამეარდნოდნენ ხელში, ვიდრე შენს წმინდა წერილს გავეცნობოდი, რათა ჩემს მესხიერებაში აღბეჭდილიყო მათგან მიღებული შთაბეჭდილება, ხოლო შემდეგ, როცა შენი წმინდა წიგნები მოინადირებდნენ ჩემს გულს და შენი მონყალე თითებით განკურნავდი ჩემს წყლულებს, თვალნათლივ დაძენახა, რა დიდი ზღვარი ძევს თვითგანდიდებასა და თვინიერებას შორის, ან რა განასხვავებს ერთმანეთისაგან იმას, ვინც ხედავს ჭეშმარიტ გზას და მის ვეშხედველს; გზას, რომელსაც ჩვენს კურთხეულ სამშობლოში მივეყვართ, რათა არა მარტო ვიცოლოთ, დავიმკვიდროთ კიდევაც იგი.

ჩემს აღბრდას იმთავითვე შენი საღმრთო წერილი რომ სდებოდა საფუძვლად, იმთავითვე რომ შემეტკებე მისი მეშვეობით, და მხოლოდ შემდეგ გადავყროდი პლატონიკოსთა თხზულებებს, იქნებ მათ კიდევ შეერყიათ ჩემი ღვთისმოსაობის მყარი საფუძველი, ანდა, თუ შევძლებდი შემენარჩუნებინა სულის ის ნათელი განწყობილება, რომლის კეთილისმყოფელ გავლენასაც მთელი ჩემი არსება მოეცვა, ვინ იცის, იქნებ ისიც მეფიქრა, რომ ამ წიგნებს შეიძლებოდა არანაკლები სარგებლობა მოეგანა ჩემთვის, მათ გარდა არაფერიც რომ არ გვესწავლა<sup>124</sup>.

XXI

27. ამრიგად, მე ხარბად დავენათე ამ სათაყვანებელ წიგნებს, რომლებიც შენი სულითაა ნაკარნახევი, უწინარეს ყოვლისა კი - პავლე მოციქულის ეპისტოლეებს. და გაქრა ყველა გაუგებრობა<sup>125</sup>, რაც მაცბუნებდა მათი კითხვისას, როცა მეგონა, თითქოს მოციქული თავის თავს ეწინააღმდეგებოდა და არც სჯულსა და წინასწარმეტყველთ ეთანხმებოდა თავისი ქადაგებით: ჩემთვის ნათელი შეიქნა ამ წმიდა გამონათქვამთა ერთობა და ისიც ვისწავლე, თუ როგორ უნდა „ვმსახურებდეთ უფალს შიშით და ვუგალობდეთ ძრწოლით“<sup>126</sup>. მე დავინწყე კითხვა და დავრწმუნდი, რომ ყოველივე ჭეშმარიტი, რაც თეოლოგოსთა წიგნებში ამომეკითხა, შენს წმინდა წერილშიცაა ნათქვამი შენივე მადლის მეოხებით<sup>127</sup>, რათა არავინ იქადოდეს, თითქოს შენგან არ მიეღოს არა მარტო ის, რასაც ხედავს, არამედ თვით ხედვის უნარიც (თუშეა რა აქვს კაცს ისეთი, რაც შენგან არ მიუღია?)<sup>128</sup> და შეიგნოს, რომ არა მარტო

<sup>123</sup> შდრ. I კორ. III, 11.

<sup>124</sup> „ავგუსტინე ასახელებს ორ საფრთხეს, რომელიც ემუქრებოდა, მარტოოდნ ნეოპლატონიკოსთა თხზულებების კითხვით რომ შემოფარგლულიყო: 1) შეიძლებოდა განდგომოდა ქრისტიანულ სარწმუნოებას; 2) ერწმუნა, რომ თეოლოგოსთა შექმნილი იგივე მიეცა სულისათვის, რასაც მას საღმრთო წერილი აძლევს“. - რუს. თარგმანის შენ. იხ. დასახ. გამოც. გვ.246.

<sup>125</sup> „პავლე მოციქულის გავლენის შესახებ ჰარნაკი წერდა: „მარკოსი მოციქულთა სწორ მამათა შემდეგ; ირინეოსი, კლიმენტი და ორიგენე აპოლოგეტთა შემდეგ; ავგუსტინე ბერძენ მამათა შემდეგ; შუა საუკუნეების დიდი რეფორმატორები შუასაუკუნეობრივი ეკლესიის წიაღში ავობარდიდან ვესელამდე; ლუთერი სქოლასტიკოსთა შემდეგ; იანსენიზმი ტრიდენტის საეკლესიო კრების შემდეგ - ყველა მათგანში მოქმედებდა და რეფორმაციისკენ წარმართავდა პავლე“ („დოგმატთა ისტორია“, I, 136). - რუს. თარგმანის შენ. იხ. დასახ. გამოც. გვ.246.

<sup>126</sup> ფსალმ. 2, 11.

<sup>127</sup> პასკალი (ზოჯერ) უფრო რადიკალი იყო: „იმას, რისი შეცნობაც მხოლოდ ყველაზე დიდმა ხალხმა - მცენიერების ყველა უშრეტმა ლამპარმა შესძლო, ჩვენი სარწმუნოება თავის ბავშვებს ასწავლის“ (ბლეზ პასკალი, აზრები, თბ. 1981, გვ.291).

<sup>128</sup> შდრ. I კორ. IV, 7.

გიხილავს შენ, რომელიც მარად ერთი და იგივე ხარ, არამედ კიდევ განიკურნება, რათა შენგან განუყრელი იყოს. ხოლო ვისაც შორიდან შენი ხილვა არ შეუძლია, დაე, ისიც შენსკენ მომავალ გზას დაადგეს, რათა მოგეახლოს, გიხილოს და სამუდამოდ შენთან დარჩეს. რადგან თუ ვინმე „შინაგანი კაცისამებრ, მხოლოდ ღმრთის სჯულით ტკებება“<sup>129</sup>, მაშინ რაღას უბამს სხვა სჯულს, „რომელიც ეურჩება მისი გონების სჯულს, და იმ ცოდვილი სჯულის ტყვედ აქცევს, რომელიც არის მის ასოებში“<sup>130</sup>. რადგან „მართალი ხარ“<sup>131</sup>, უფალო, ჩვენ კი „ვცოდეთ და უსამართლობას ვიქმოდით“<sup>132</sup>, უკეთური იყო ჩვენი გზა და „დაძძიმდა შენი ხელი ჩვენზე“<sup>133</sup>; სამართლიანად ჩაგვეყარე ძველი ცოდვილის, სიკვდილის მთაფრის<sup>134</sup> ხელში, რადგანაც მან დაარწმუნა ჩვენი ნება მის ნებას დამსგავსებოდა, რომელიც „ვერ დაძვედრდა ჭეშმარიტებაში“<sup>135</sup>. რა უნდა ქნას „ბედკრულმა კაცმა? ვინ დაიხსნის სიკვდილის ამ სხეულისაგან“<sup>136</sup>, თუ არა შენი მადლი, იესო ქრისტეს, უფლის ჩვენის მეოხებით, რომელიც დაჰბადე „უნინარეს ყოველი საუკუნისა“ და „შენი ყოველი გზის დასაბამიდან?“<sup>137</sup> და რომელშიაც „ამა ქვეყნის მთავარმა“<sup>138</sup> ვერა ჰპოვა რა სიკვდილის ღირსი<sup>139</sup>, თუმცაღა მაინც მოაკვდინა იგი; და, ამრიგად, „ნარხოცა ჩვენს გამო შეთხზული ხელწერილი, რომელიც იყო ჩვენს წინააღმდეგ“<sup>140</sup>.

აი, ეს არ იყო ფილოსოფოსთა წიგნებში; ვერსად ნახავდით მათ ფურცლებზე ამ ღვთისმოსაობის სახეს, ცრემლებს აღსარებისას, „შენდამი შემონირულ მსხვერპლს - სულს შემესვრილს, გულს შემესვრილს და დამდაბლებულს“<sup>141</sup>. ერთი სიტყვითაც არ იყო ნახსენები ხალხის ხსნა, არც „ქალაქი სასძლოსავით შემკული“<sup>142</sup>, არც „წინდი სული წმიდისა“<sup>143</sup>, არც ჩვენი გამომხსნელი და გამომსყიდველი სასამისი. არავინ უვალობს იქ უფალს: „მხოლოდ ღვთისადმია მდუმარება ჩემი სულისა, მხოლოდ მისგანაა ჩემი ხსნა, რადგანაც იგია ჩემი ღმერთი და მაცხოვარი, საყრდენი ჩემი: აღარ შევირყევი ამიერიდან“<sup>144</sup>. არავინ უსმენს იქ მხმოებელს: „მოდით ჩემთან მაშვრალნი და გვიერთმძიმენი“<sup>145</sup>. ისინი ზიზღით აქცევენ ბურგს

<sup>129</sup> რომ. VII, 22.

<sup>130</sup> რომ. VII, 23.

<sup>131</sup> დას. III, 27.

<sup>132</sup> დას. III, 29.

<sup>133</sup> ფსალმ. 31,4.

<sup>134</sup> იგულისხმება ეშმაკი. ებრ. II, 14.

<sup>135</sup> იოანე, VIII, 44.

<sup>136</sup> რომ. VII, 44.

<sup>137</sup> იგაენი სოლომ. VIII, 22.

<sup>138</sup> იოანე, XIV, 30.

<sup>139</sup> იბ. ლუკა, XXIII, 4; 14-15.

<sup>140</sup> კოლ. II, 14.

<sup>141</sup> ფსალმ. 50, 19.

<sup>142</sup> აპოკ. XXI, 2.

<sup>143</sup> II კორ. V, 5.

<sup>144</sup> ფსალმ. 61, 2-3.

<sup>145</sup> მათე, XI, 28.

მის სწავლას, ვინც „მშვიდია და გულით მდაბალი“<sup>146</sup>, რადგანაც „ბრძენთა და გონიერთ დაუფარე ეს და გაუცხადე ჩვილ ბალებს“<sup>147</sup>.

ერთია - ტყით დაბურული მთის თხემიდან ხედავდე მშვიდობის სამკვიდრებელს, მაგრამ ვერ პოულობდე მისკენ მიმავალ გზას და ამაოდ ცდილობდე, უგზო-უკვლოდ მოხეტიალე. თავი დააღწიო ათასნაირ საფრთხეს თუ მახეს, ლტოლვილ მოღალატეებს რომ დაუგიათ ლომისა და ღრაკონის წინამძღოლობით<sup>148</sup>; და სულ სხვაა - მისკენ მიმავალ გზას ადგე, ზეციური მთავრის ზრუნვითა და მფარველობი გარემოსილი; იქ, სადაც არ ავაზაკობენ ზეციური მხედრობის მოღალატენი; რომელნიც ისე გაურბიან ამ ციურ ლაშქარს, როგორც საშინელ ტანჯვა-წამებას.

ეს ამრები სასწაულებრივად იდგამდნენ ფესვს ჩემში, როცა ვკითხულობდი „უმცირესს შენს მოციქულთა შორის“<sup>149</sup>; შენს ნამოქმედარს ვჭვრეტთ და შევძრწუნდი.

---

<sup>146</sup> მათე, XI, 29.

<sup>147</sup> მათე, XI, 25.

<sup>148</sup> იხ. ფსალმ. 90, 13.

<sup>149</sup> I კორ. XV, 9.



## წიგნი მარვა

### I

1. ღმერთო ჩემო, მინდა გავიხსენო შენი გულმონყალება, ჩემზე ბეცით გადმოვლენილი, გავიხსენო და მადლი მოგავო. დაე, აღივსოს შენდამი სიყვარულით „ყოველი ძვალი ჩემი“<sup>1</sup>; დაე, შეგლალადონ: „უფალო, ვინ არის შენი მსგავსი? შენ შემუსრე ჩემი საკვრელი; შენ შემოგწირავე მსხვერპლს ქებისას“<sup>2</sup>. ვიცევი, თუ ვით შემუსრე ჩემი საკვრელი, რათა ყველამ, ვინც თაყვანს გცემს, წამოიძახოს: „კურთხეულია უფალი ცაშიაც და მიწაზედაც; დიდია და საკვირველი მისი სახელი“<sup>3</sup>.

ჩემი გულის სიღრმეში ცოცხლობდნენ შენი სიტყვები; ტყვედ გყავდი მე. დარწმუნებული ვიყავი, რომ მარადისია შენი სიცოცხლე, მაგრამ ეს მარადისობა გამოცანად რჩებოდა ჩემთვის, რადგან „პირისპირ“ კი არ ვხედავდი, არამედ თითქოს „სარკით და სახით“<sup>4</sup>. იოცის ოდენა ეჭვიც აღარა მქონდა შენი უხრწნელი არსისა და იმის თაობაზე, რომ ის იყო ყოველი არსის წყარო. ის კი არ მინდოდა, რომ უფრო მეტი მცოდნოდა შენზე, არამედ - ის, რომ უფრო მტკიცედ დაემკვიდრებულიყავი შენში<sup>5</sup>. ჩემს წარმავალ ცხოვრებაში არათფერი არ იყო მყარი და აუცილებლად უნდა გამეწმინდა გული ძველი დვრიტისაგან<sup>6</sup>. მე მომწონდა გზა - თვით მაცხოვარი<sup>7</sup>, მაგრამ მიძიმდა ამ ვინრო გზით სიარული<sup>8</sup>. და შენ ჩამაგონე სიმპლიციანუსისთვის<sup>9</sup> მიმემართა, რაც, ჩემი აზრით, მართლაც კეთილი რჩევა იყო, რადგანაც სიმპლიციანუსი შენს ერთგულ მსახურად მიმაჩნდა, ვის სულშიაც ნათლის სვეტად ჩამდგარიყო შენი მადლი. გაგონილი მქონდა, რომ სიჭაბუკიდანვე მონინებით გამსახურებდა. იმხანად უკვე მსცოვანი იყო და, ჩემი აზრით, თავისი ხანგრძლივი სიცოცხლის მანძილზე, რომლის განმავლობაშიც განუხრელად მისდევდა შენს გზას, ბევრი რამ უნდა განეცადა და შეეცნო კიდევ. არც შევძლარავარ. მე მინდოდა გამეწმინდა მისთვის ჩემი მუდმივი მშფოთვარების

<sup>1</sup> ფსალმ. 34, 10.

<sup>2</sup> ფსალმ. 115, 7-8.

<sup>3</sup> ფსალმ. 8, 2; 75, 2.

<sup>4</sup> I კორ. XIII, 12.

<sup>5</sup> შდრ. ბლეზ პასკალი: „რა დიდი ზღვარი ძვეს ღმერთის შემეცნებასა და ღმერთისმოყვარეობას შორის“ („აზრები“, თბ. 1981, გვ. 253). შდრ. აგრეთვე შორის მეტერლიკი: „საკმარისი არ არის, რომ ჩვენ ვფლობდეთ ჭეშმარიტებას. ჭეშმარიტება თვით უნდა გვეფლობდეს ჩვენ“ („Le Trésor des Humbles“, Paris, 1915. p.239).

<sup>6</sup> შდრ. I კორ. V, 7.

<sup>7</sup> შდრ. იოანე, XIV, 6: „უთხრა მას იესომ: მე ვარ გზა და ჭეშმარიტება და სიცოცხლე“...

<sup>8</sup> შდრ. მათე, VII, 14: „ვინაიდან ვინცა ბჭე და ძნელია გზა, რომელსაც მიყვარათ სიცოცხლისაკენ, და მცირედნი ჰპოვენ მას“.

<sup>9</sup> სიმპლიციანუსი (გარდ. დაახლ. 401 წ.) - წმ. ამბროსი მედიოლანელის (იხ. პირველი წიგნის შენ. 4) სულიერი მოძღვარი და მისი მემკვიდრე საეპისკოპოსო კათედრაზე. ავეუსტინემ 386 წელს გაიყნო იგი. წმ. ამბროსი ახასიათებდა სიმპლიციანუსს როგორც გამჭრიახი გონების კაცს, რომელის ამხილებდა „ჭეშმარიტებისაგან გამდგარ ფილოსოფიურ მოძღვრებებს“ (წერილები, 65,1). ნეტარმა ავეუსტინემ მას მიუძღვნა ერთი თხზულება: „სხვადასხვა საკითხთათვის, სიმპლიციანუსისადმი“ („De diversibus Quaestionibus ad Simplicianum“, - Patrologia Latina, t. XL, p. 101-148).

ამბავი: იქნებ ერჩია, როგორ მოვექცეულიყავი ჩემს იმჟამინდელ მღვდმარეობაში, რათა შენს გზას დავდგომოდი<sup>10</sup>.

2. მე ვხედავდი, რომ შენი ეკლესია საფსეა, მაგრამ ზოგს ერთი გზა აერჩია, ზოგს კი მეორე<sup>11</sup>. ჩემთვის უკვე აუტანელი იყო ჩემი საერო ცხოვრება, მძიმე გვირთად რომ მანვა მხრებზე. უწინდებურად აღარა მწვავედა სიმდიდრისა და პატივის მოხვეჭის დაუოკებელი სურვილი, რომელიც მაიძულებდა გამეძლო ესოდენ მძიმე უღლისათვის. ყოველივე ეს აღარც მახარებდა და აღარც მაგებობდა, რადგანაც „შევიყვარე მშვენება შენი სახლისა“<sup>12</sup>. მაგრამ ჯერ კიდევ მაცთური ქალის ტყვეობაში ვიყავი; მოციქული არ მიკრძალავდა ქორწინებას, თუმცა კი გვირჩევდა უკეთესი ხვედრი გვერჩია. რადგანაც ყველაზე მეტად ის სურდა, რომ ყველანი „მისნაირნი ვყოფილიყავით“<sup>13</sup>. მე უმწეომ უფრო საამო რამ ვირჩიე. სწორედ ეს იყო ერთადერთი მიზეზი იმისა, რომ დანარჩენშიაც მორჩილად მივეყვებოდი ღინებას. ათასგვარი საზრუნავისაგან თანდათანობით ვილეოდი და ვჭკნებოდი, რადგანაც ცოლქმრული ცხოვრების უღელი, რომელში შებმასაც ვაპირებდი, მაიძულებდა ამეგანა თვით ისიც კი, რისი აგანაც უკვე აღარა მსურდა.

ჭეშმარიტების ბაგეთაგან მსმენოდა: „არიან საჭურისნი, რომელთაც თავად დაისაჭურისეს თავი ცათა სასუფეველის გულისთვის“<sup>14</sup>; და „ვისაც წვდომის თავი აქვს, ჩასწვდეს“<sup>15</sup>. „ამაოა ღმერთის უმეტარი ყოველი ვაცი, რომელმაც ხილულ სიკეთეთა მიხედვით ვერ შესძლო შეცნობა მისი, ვინც არის“<sup>16</sup>. მე უკვე დაუძლიე ეს ამაოება და ავმაღლდი მასზე: ყოველი ქმნილება თვალნათლივ მიმონმებდა შენს არსებობას<sup>17</sup>, და მე გიპოვე შენ, ჩვენი შემოქმედი და შენი სიგყვა, შენში და შენთან მყოფი<sup>18</sup>, ერთი ღმერთი, ვისი მეშვეობითაც შეჰქმენ ყოველი<sup>19</sup>.

თუმცა არიან სხვა ჯურის მკრეხელნიც, რომელთაც „შეიცნეს ღმერთი, მაგრამ არ აღიდეს იგი, როგორც ღმერთი, და არც მადლი შესწირეს მას“<sup>20</sup>. სწორედ მათ შორის აღმოვჩნდი, მაგრამ „შენმა მარჯვენამ აღმიტაცა“<sup>21</sup> და იქ დამადგინა, სადაც შემეძლო განმეკურნა თავი, რადგანაც შენ უთხარი ვაცს: „ღვთისმოსაობაა სიბრძნე“<sup>22</sup>, და „ბრძენად ნუ იტყვი თავს“<sup>23</sup>,

<sup>10</sup> შდრ. ფსალმ. 127,1.

<sup>11</sup> შდრ. აპოკ. I, 11; II, 1-22, სადაც მაცხოვარი უბრძანებს იოანეს წერილები დაუგზავნოს ასიის ეკლესიებს: ეფესოში, სმირნაში, პერგამონში, თიატირაში, სარდესში, ფილადელფიასა და ლაოდიკეაში. სადაც აღნუსხული იქნება როგორც მათი კეთილი, ისე უკეთური საქმენი. ნეტარი ავეუსტინეს დროს საეკლესიო ცხოვრება არანაკლები სიჭრელით გამოირჩეოდა, თუ მეტი არა.

<sup>12</sup> ფსალმ. 25, 8.

<sup>13</sup> იბ. I კორ. VII, 25-40.

<sup>14</sup> მათე XIX, 12.

<sup>15</sup> მათე, იქვე.

<sup>16</sup> სიბრძნე სოლომ. XIII, 1.

<sup>17</sup> შდრ. სიბრძნე სოლომ. XIII, 5: „რადგან ქმნილებათა სიღიადისა და მშვენების მიხედვით, მათი შემოქმედიც შეიცნობა“.

<sup>18</sup> იბ. იოანე I, 1.

<sup>19</sup> იოანე I, 2.

<sup>20</sup> რომ. I, 21.

<sup>21</sup> ფსალმ. 17, 36.

<sup>22</sup> იობი, XXVIII, 28.

<sup>23</sup> იგავნი სოლომ. XXVI, 5.

რადგანაც ვისაც „ბრძენკაცებად მოჰქონდათ თავი, შლეგებად იქცნენ“<sup>24</sup>. მე უკვე ნაპოვნი მქონდა ძვირფასი მარგალიტი, რომლის შესაძენადაც უნდა „გამეყიდა ყველაფერი, რაც მებადა, და მეყიდა იგი“<sup>25</sup>, მაგრამ ჯერ კიდევ ვყოყმანობდი.

## II

3. ამრიგად, მე გავემგზავრე სიმპლიციანუსთან, რომელიც შენი მადლის მეოხებით ეპისკოპოსს ამბროსიუსს სულიერი მამა იყო, და ამბროსიუსსაც ჭეშმარიტად მამასავით უყვარდა იგი. ვუამბე ჩემი უთავბოლო ბორიალი ცთომილების გზით და ისიც ვახსენე, პლატონიკოსთა თხზულებები წამიკითხავს-მეთქი, ლათინურად რომ ეთარგმნა ვიქტორინუსს<sup>26</sup>, ომელიც ოდესღაც მჭევრმეტყველების მასწავლებელი იყო რომში და, როგორც გავიგე, ქრისტიანულ სარწმუნოებაზე მოქცეული აღესრულა. სიმპლიციანუსმა მომილოცა და მითხრა, ბედი შენი, რომ სხვა თეოლოგოსთა წიგნები არ ჩავივარდა ხელშიო; წიგნები, რომლებიც სავესე არიან სიცრუითა და საცთურით „ქვეყნის სანყისთამებრ“<sup>27</sup>. პლატონიკოსთა თხზულებებში კი, მართალია, სულ სხვადასხვა სახით, მაგრამ გამუდმებით შეიძლება ზიარებოდი ღმერთსა და მის სიგყვას. მერე, როცა შემაგონებდა ქედი მომედრიკა ქრისტეს წინაშე, რაც „დაფარულია ბრძენთათვის და გამოცხადებულია - ჩვილთათვის“<sup>28</sup>, სიმპლიციანუსმა გაიხსენა თვით ვიქტორინუსი, რომელსაც, მისი რომში ყოფნის დროს, ძალიან კარგად იცნობდა. ღუმლით ვერ აწუვლი გვერდს მის ნაამბობს, რადანაც ხმამაღლა უნდა ვაქებდეთ და ვადიდებდეთ შენს მონყალებას. სიმპლიციანუსის მონშობით, ეს იყო ნამდვილი მხცოვარნი ბრძენი, ღრმად განსწავლული თავისუფალ მეცნიერებათა სხვადასხვა დარგში, ურიცხვი თეოლოგიური თხზულების მკითხველი და განმმარტებელი, მრავალი სახელგანთქმული სენატორის მოძღვარი, ვისთვისაც საგანმანათლებლო სარბიელზე ესოდენ სასახელო მოღვაწეობის გამო ძველიც კი დაედგათ ფორუმზე<sup>29</sup>, რასაც ამ ქვეყნის მოქალაქენი ყველაზე დიდ პატივად თვლიან; და სწორედ ეს ვიქტორინუსი სიბერემდე თავყანსა სცემდა კერპებს და ღვთისმგმობლურ მისცერიებში მონაწილეობდა, თუმცა ასევე იქცეოდა რომის მთელი

<sup>24</sup> რომ. I, 22.

<sup>25</sup> მათე XIII, 45.

<sup>26</sup> ივლიუსხმება ცნობილი სწავლული და რიტორი მარიუს ვიქტორინუსი. დაიბადა დაახ. 330 წ. პროკონსულარულ აფრიკაში. დაახლ. 340 წ. რიტორიკის შესასწავლად ჩავიდა რომში, სადაც თავგამოდებით უპირისპირდებოდა ქრისტიანიზმს. მათივე იარაღით რომ ებრძოლა ქრისტიანობის წინააღმდეგ, საფუძვლიანად შეისწავლა საღმრთო წერილი, რამაც შემდგომ გადაამწყვეტი ზემოქმედება მოახდინა მისი მსოფლმხედველობის განვითარებაზე: 355 წელს ქრისტეს სჯულზე მოიქცა. გარდაიცვალა დაახლ. 363 წ. ვიქტორინუსის მრავალრიცხოვანი შრომებიდან მხოლოდ ნაწილმა მოაღწია ჩვენს დრომდე - დაკარგულია პლოტინის „ენნეადების“ მისეული თარგმანი, რომლითაც ნეტარი ავგუსტინე გაეცნო დიდი ნეოპლატონიკოსის მოძღვრებას; დაკარგულია მისი გრამატიკული, დიალექტიკური, რიტორიკული და ეგზეგეტიკური თხზულებები. შემოგვრჩა ვიქტორინუსის ორი თეოლოგიური ტრაქტატი: „ღვთაებრივი სიტყვის დაბადებისათვის“ და „არიუსის წინააღმდეგ“, აგრეთვე პავლე მოციქულის სამი ეპისტოლეს (გალატელთა მიმართ, ფილიპელთა მიმართ, ფესელთა მიმართ) მისეული კომენტარები (იხ. Etienne Gilson, La Philosophie au Moyen Age, Paris, 1962, p.121-125).

<sup>27</sup> კოლ. II, 8.

<sup>28</sup> მათე XI, 25. შდრ. მეშვიდე წიგნის შენ. 130.

<sup>29</sup> რომში არსებობდა ე.წ. „ძველი ფორუმი“, იულიუს კეისრის ფორუმი. ავგუსტუსის ფორუმი, ვესპასიანე - ხერვას ფორუმი (ე.წ. „გასასვლელი ფორუმი“ – Forum Transitorium), ტრაიანეს ფორუმი. ზოგიერთი კომენტატორის აზრით, ვიქტორინუსის ქანდაკება ტრაიანეს ფორუმზე უნდა დაედგათ.

მაშინდელი არისტოკრატია, რომელიც ხალხს თავს ახვევდა ოსირისის კულტს<sup>30</sup>; გამარჯვებული რომი თავყვანს სცემდა მის მიერ ძლეულთა ღმერთებს:

„ათასგვარ ურჩულს, თვით ანუბისს, ძალლივით მყეფარს,  
მათ, ვინც ოდესღაც თავხედურად უტყვედა შუბით  
ნეპტუნს, ვენერას და დიდ მინერვას“<sup>31</sup>.

ყოველივე ამას ამდენი ხნის მანძილზე მგრგვინავი სიცივეთ იცავდა მსცოვანი ვიქტორინუსი; და მაინც, მან არ ითაკილა ქრისტეს მონა გამხდარიყო, ყრმა შენი ცხოველმყოფელი წყაროსი<sup>32</sup>, რადგანაც თვინიერების უღელი დაიდგა ქედზე<sup>33</sup> და „სირცხვილით მოსილი“ ჭერის წინაშე დადრიკა შუბლი.

4. უფალო, უფალო, რომელმაც „მოდრიკე ცანი და გადმოდი, შეეხე მთებს და აკვამლდნენ“<sup>34</sup>, რანაირად შემოაღწიე ჩემს გულში?

სიმპლიციანუსის სიცივეებით, ვიქტორინუსი საღმრთო წერილს კითხულობდა თურმე, ხარბად ეძებდა ქრისტიანულ წიგნებს, გულმოდგინედ იკვლევდა მათ და აშკარად კი არა, მალულად, როგორც გულითად მეგობარს, ეუბნებოდა სიმპლიციანუსს, მე უკვე ქრისტიანი ვარო; ის კი მიუგებდა, ვერ ვირწმუნებ მაგას, და ვერც ქრისტიანებს მიგათვლი, ვიდრე ქრისტეს ეკლესიაში არ გიხილაუო. ვიქტორინუსი იცინოდა: „მაშ, კაცს კედლები აქცევენ ქრისტიანად?“ დაჟინებით იმეორებდა, ქრისტიანი ვარო, სიმპლიციანუსი კი მიავე სიცივეებით ჰასუხობდა, რასაც მოსდევდა ვიქტორინუსის დამცინავი შენიშვნა კედლების თაობაზე, ქრისტიანად რომ აქცევენ კაცს. თავისი მეგობრების შეურაცხყოფას უფრთხოდა, დემონთა ამ ქედმაღალი მსახურებისას, რადგანაც ეგონა, რომ ისინი თავიანთი ბაბილონური დიდების<sup>35</sup> სიმაღლიდან, როგორც ლიბანურ კედართა კენწეროდან, რომელნიც ჯერ კიდევ არ შეემუსრა უფალს<sup>36</sup>, - თავიანთ სიძულვილს დაატყებდნენ თავზე. მაგრამ კვლავაც ენათებოდა ქრისტიანულ წიგნებს და ისე ხარბად ისრუტავდა ნაკითხულს, რომ ურყევი სიმტკიცით განიმსჭვალა, რადგანაც ეშინოდა, ვაითუ ქრისტემ უარმყოსო „წმიდა ანგელოსთა წინაშე“<sup>37</sup>, თუკი თვითონ გამბედაობა

<sup>30</sup> ოსირისი - ძველი ეგვიპტური ღვთაება, ბუნებისა და მკვდართა სამეფოს უფალი. ოსირისის კულტმა ფართო გავრცელება ჰპოვა ეგვიპტეში, და არა მარტო ეგვიპტეში. ბერძნები მას დიონისესთან, პლუტონთან, ჰელიოსთან, ოკეანოსთან და თვით ეროსთანაც კი აიგივებდნენ.

<sup>31</sup> ვერგილიუსი, „ენეიდა“, VIII, 698 და შმდ... ანუბის - ძველი ეგვიპტური ღვთაება, საიქიოს უფალი, რომელსაც შავი ძაღლისა თუ ტურის სახით გამოსახავდნენ, ან კიდევ კაცის ტანითა და ტურის თავით. ანუბისს თავყვანს სცემდნენ კინოპოლისში, მემფისში, აბილოსა და დენდერში. ბერძნული წყაროები მას ზოგჯერ კრონოსთან აიგივებდნენ. ნეპტუნი (ბერძენთა პოსეიდონი) - ზღვებისა და მდინარეების ღმერთი. ვენერა (ბერძნ. აფროდიტე) - სიყვარულის ქალღმერთი. მინერვა (ბერძნ. ათენა) - სიბრძნის ქალღმერთი.

<sup>32</sup> იგულისხმება ახლად ნათელღებული.

<sup>33</sup> შდრ. მათე XI, 29.

<sup>34</sup> ფსალმ. 143, 5.

<sup>35</sup> ბაბილონის შესახებ იხ. მეორე წიგნის შენ. 20.

<sup>36</sup> შდრ. ფსალმ. 28, 5.

<sup>37</sup> ლუკა XII, 9; მარკ. VII, 38.

არ ეყოფოდა „კაცთა წინაშე ელიარებისა იგი“<sup>38</sup>. ნამდვილ დამნაშავედ მიაჩნდა თავი, რაკილა რცხვენოდა ერთგულება შეეფიცა შენი სიგყვისთვის, როდესაც სირცხვილის გარეშე მკრეხელურად მსახურებდა მზვობარ დემონებს და, ამრიგად, თვითონაც მათსავით მზვობარი ხდებოდა. ბოლოს, ისე შერცხვა მთელი ამ ამოებისა, ისეთნაირად არცხვინა ჭეშმარიტებამ, რომ თურმე სრულიად მოულოდნელად განუცხადა სიმპლიციანუსს: ნავიდეთ ეკლესიაში, ქრისტიანი მინდა გავხდეთ. სიხარულით ფრთაშესხმული სიმპლიციანუსიც დაუყოვნებლივ გაჰყოლია მას. რაკილა რწმენის პირველსანყისთ ეზიარა, მალე ისიც ისურვა, რომ ხელახლა შობილიყო ნათლისღებით<sup>39</sup>. რომი განცვიფრებული იყო, ეკლესია ზეიმობდა. მზვობარნი ხედავდნენ ამას და დრგვინავდნენ, კბილებს აღრჭიალებდნენ და ბოლმით დნებოდნენ<sup>40</sup>; ხოლო შენს მონას უფალი ღმერთი ეგულებოდა „სასობად და არას დაგიდევდათ კადნიერთა და სიცრუის ტრფიალთ“<sup>41</sup>.

5. ბოლოს სარწმუნოების აღსარების ჟამმაც მოაღწია. ყველას, ვინც ნათლისღების მადლს უნდა ზიარებოდა, ბეჭობზე შემდგარს მთელი ქრისტიანული რომის წინაშე საჯაროდ უნდა წარმოეთქვა ზუსტი სიგყვებით ჩამოყალიბებული და დაზეპირებული ფორმულა - რწმენის სიმბოლო<sup>42</sup>. სიმპლიციანუსის გადმოცემით, მღვდელთმსახურებს ვიქტორინუსისათვის შეუთავაზებიათ საჯაროდ კი არა, ფარულად წარმოეთქვა იგი (ჩვეულებრივ, ამას სთავაზობდნენ იმ ხალხს, ვინც შეიძლებოდა შემკრთალიყო და შიშს აეგანა), მაგრამ ვიქტორინუსმა არჩია საჯაროდ განეცხადებინა მორწმუნეთა ბრბოის წინაშე, სულის სხნის გზას უნდა დაეადგეო. განა სხნა ერქვა იმას, რასაც ის ასწავლიდა რიგორთა სკოლაში? მაგრამ მალულად როდი ასწავლიდა! ვინც თამამად ქადაგებდა თავის მრწამსს უგუნურთა ბრბოის წინაშე<sup>43</sup>, რაგომ უნდა შეეკრთო იმას, რომ შენი სიგყვები ექადაგა შენივე თვინიერი სამწყსოსათვის? და როცა ბეჭობზე შედგა აღსარების წარმოსათქმელად, ნაცნობთა ბრბოს სიოსავით დაუარა აღგაცების ჩუმმა ჩურჩულმა. ცნობით კი ვინდა არ იცნობდა! სიხარულით ფრთაშესხმულ ხალხში ყველას პირზე ეკერა მისი სახელი: „ვიქტორინუს! ვიქტორინუს!“ მის გამოჩენას აღგაცემის ყიყინით შეეგება ბრბო, შემდეგ კი სამარისებურმა სიჩუმემ დაისადგურა: ყველას სურდა მოემინა მისი სიგყვები. ვიქტორინუსმა განსაცვიფრებელი სიმტკიცით აღიარა

<sup>38</sup> ლუკა, იქვე.

<sup>39</sup> „როცა წარმართი დააპირებდა ქრისტიანობა მიელო, მის მიმართ გარკვეულ წესს ასრულებდნენ: მღვდელი ჯვარს გადასახავდა, ხელთ დაასახამდა, ერთ მნიკვ მარილს მისცემდა და ეტყოდა: მიიღე სიბრძნის მარილი, მშვიდობით რომ შეგიყვანს საუკუნო ცხოვრებაშიო. ამის შემდეგ ის უკვე „კატეხუმენი“ იყო (ბერძნული ზმნიდან „კატეხეო“ – „ზეპირად ვმოძღვრავ“). თუ შემდეგ კატეხუმენი მონათვლასაც მოისურვებდა, ის „თავის სახელს იძლეოდა“, რომელიც დიდმარხვის დამდევს ნათლისღების მსურველთა სიაში შეჰქონდათ. ნათლისღებას აღდგომის კვირას ასრულებდნენ“. - რუს. თარგმანის შენ. იხ. დასახ. გამოც. გვ. 247.

<sup>40</sup> ფსალმ. III, 10.

<sup>41</sup> ფსალმ. 39, 5.

<sup>42</sup> „აი, ეს „ნათლისღების ფორმულა“, რწმენის ძველი სიმბოლო: „მწამს მამა ღმერთის ყოვლისმძლეობა და იესო ქრისტე, მისი მხოლოდობილი ძე, მაცხოვარი ჩვენი, სული წმიდისა და ქალწული მარიამის მიერ შობილი. პოლატე პონტოელის დროს ჯვარცმული და სათლავად დადებული. ის აღდგა მკვდრეთით მესამე დღეს, ზეცად ამაღლდა და მამის მარჯვნივ ზის: ის მოვა, რათა განიკითხოს ცოცხალნი და მკვდარნი, და სული წმიდა; წმიდა ეკლესია; ცოდვათა მიტევება და ხორცის აღდგომა მკვდრეთით“. - რუს. თარგმანის შენ. იხ. დასახ. გამოც. გვ. 247.

<sup>43</sup> ივლიისმებთან ვიქტორინუსის მონაფეები რიტორიკულ სკოლაში.



ჭეშმარიტი სარწმუნოება. ბრბოს სურდა გულში ჩაეკრა იგი; მისკენ განვდილი ხელები ყველაზე უკეთ გამოხატავდა ხალხის სიყვარულს და სიხარულს.

### III

6. ღმერთო დიდებულო, რატომაა, რომ უფრო მეტად უხარიათ სასომხიდილოთ და საბარელი განსაცდელისაგან თავდაღწეულთ სულის ხსნა, ვიდრე იმისა, ვისგანაც მარად განუყრელი იყო სასოება და არც საბარელი განსაცდელი დამუქრებია ოდესმე? აკი შენც, მონყალეო მამავ ჩვენო, უფრო მეტად შეჰხარი „ერთ მონანულ ცოდვილს, ვიდრე ოთხმოცდაცხრამეც მართალს, რომელთაც არ სჭირდებათ სინანული“<sup>44</sup>. და ჩვენც დიდი სიამოვნებით ვისმენთ, რა სიხარულით მოიგდო მწყემსმა მხრებზე თავისი დაკარგული ცხვარი, ან როგორ ხარობდნენ მეზობლები, როდესაც ქალმა შენს საგანძურს დაუბრუნა მის მიერ ნაპოვნი დრაქმა<sup>45</sup>. და როცა „შენს სახლში“<sup>46</sup> კითხულობენ უმრწემესი ძის ამბავს, სიხარულით ცრემლები გვდის თვალებიდან, რადგანაც იგი „მკვდარი იყო და გაცოცხლდა, დაკარგული იყო და გამოჩნდა“<sup>47</sup>. დიახ, შენ ხარობ ჩვენში და შენს ანგელოსთა შორის, რომელნიც კურთხეულნი არიან შენი წმიდა სიყვარულით. შენ ხომ მარად უცვლელი ხარ და უკუნითი უკუნისამდე უცვლელადვე შეიცნობ ყოველივე იმას, რაც ცვალებადია და წარმატადი<sup>48</sup>.

7. რატომ უხარია სულს უფრო მეტად დაკარგული ნივთის პოვნა, რომელიც მას უყვარდა, ვიდრე მისი მუდმივი ფლობა? ვინ მოსთვლის, რამდენი მაგალითი გვიმონშებს ამას, რამდენი რამ გვიდასტურებს, რომ ეს ასეა. გამარჯვებული იმპერატორი ტრიუმფსა<sup>49</sup> მართავს. რომ არ ებრძოლა, ვერ გაიმარჯვებდა, და რაც უფრო დიდი განსაცდელი ემუქრებოდა ბრძოლის ველზე, მით უფრო საამოა ტრიუმფი. გრიგალი თავის ნებაზე ათამაშებს მეზღვაურებს და ზღვაში დანთქმას უქადის ხომალდს; შიშისაგან ფერმიხდილნი გულის კანკალით ელიან სიკვდილს, მაგრამ ანაზღვეულად ცხრება ქარი, მშვიდდება ზღვა და ხალხი ცას ეწევა სიხარულდო, რომელიც მით უფრო დიდია, რაც უფრო საბარელი იყო შიში. თქვენი ახლობელი ავადაა; მისი მაჯისცემა სასიკეთოს არას გიქადით; ჭირისუფლებს ისე მწარედ უკვნესის გული, რომ თვითონაც სწეულსა ჰგვანან; მაგრამ, აი, ავადმყოფმა მოიკეთა და სააქაოსაკენ იბრუნა პირი, თუმცა ჯერ კიდევ არ შეუძლია სიარული; მიუხედავად ამისა, ყველა გულშემატკივარს უფრო დიდი სიხარული ეუფლება, ვიდრე ხარობდნენ მაშინ, როცა ის არხეინად დასეირნობდა, ჯანმრთელი და საღისაღამათი. თუმცა მარტოოდენ ანაზღვეული და

<sup>44</sup> ლუკა XV, 4; 7.

<sup>45</sup> ლუკა XV, 8-9.

<sup>46</sup> ფსალმ. 25, 8.

<sup>47</sup> ლუკა XV, II, 32.

<sup>48</sup> შდრ. „აღსარებანი“, წიგნი მეცამეტე, XVI, 19.

<sup>49</sup> ტრიუმფი - ზეიმი, რომელსაც მაღლიერი რომი უმართავდა ბრძოლის ველზე გამარჯვებულ მხედართმთავარს, - ჩვეულებრივ, დიქტატორს, კონსულსა და პრეტორს, იმპერიის ეპოქაში კი - იმპერატორს.

ჩვენდა უნებურად თავს დატყუებული უბედურებანი როდი გვაგრძობინებენ, რაოდენ საამოა ამქვეყნიური სიკეთით ცხოვრება: ხალხი ზოგჯერ განზრახ იკლეს სიამოვნებას, რათა ამ გზით უკეთ შეიკვებოს, რაც საამოა. რა სიამოვნებას მოგვანიჭებს სასმელ-საჭმელი, თუკი არც შიმშილით აგვწვია კუჭი და არც წყურვილი განგვიცდია? ლოთები ხარბად შეექცევიან მლაშე შეჭამანდს, რათა უფრო მეტად მოსწყურდეთ და შემდეგ ღვინის სმით დაიციხონ წყურვილი. დანიშნულ სასძლოსაც მაშინვე როდი გააგანენ საქმროს, რადგანაც მას უბადრუკ ძღვნად მოეჩვენება თავისი საცრფო, თუკი მასზე მეოცნებეს დიდხანს არ უოხრია და არც თეთრად უთენებია ღამეები.

8. იგივე ითქმის ბილწსა თუ ამბობენ, ნებადართულსა და სჯულიერ სიხარულზე, წმინდა თუ უანგარო მეგობრობასა და იმის თაობაზედ, ვინც „მკვდარი იყო და გაცოცხლდა, დაკარგული იყო და გამოჩნდა“<sup>50</sup>: დიდ სიხარულს ყოველთვის წინ უსწრებს კიდევ უფრო დიდი მწუხარება.

რაგომაა ასე, უფალო ღმერთო ჩემო? შენ ხომ შენივე თავისთვის მარადიული სიხარული ხარ, და ისინიც, ვინც გარს გახვევიან<sup>51</sup>, მარადის ხარობენ შენში. რაგომ ენაცვლებიან ერთმანეთს ამ საწუთროში სიღუბსირე და სიჭარბე, თანხმობა და უთანხმოება? ან იქნებ ესაა გრძობადი სამყაროს კანონი, რომელიც შენ დაუდგინე მას, როცა ბესკნელიდან ქვესკნელამდე, ჟამთა დასაბამიდან დასასრულამდე, ანგელოსიდან მაგლამდე, პირველი მოძრაობიდან უკანასკნელ ამოსუნთქვამდე, შენი მართალი საქმით ყველა ქმნილებას მიუჩინე მისი ადგილი, მიუბოძე მისი ღრო, არგუნე მისი კუთვნილი სიკეთე და მიაგე მისი წილი პატივი. ოჰ, რარიგ მაღალი ხარ „მაღალთა შინა“ და როადენ ღრმა - უფსკრულთ სიღრმეში! არსად მიდიხარ, და მაინც რა გაჭირვებით გიბრუნდებით!

## IV

9. მაშ, აღიძარ, უფალო, გაგვალვიძე და გვიხმე, დაგვდაგე და აგვიტაცე, აგვაგიზგიზე და შენი სიკვებობა გვაკმიე, რათა შეგიყვაროთ და შეგივრდეთ. განა ცოცხანი გიბრუნდებიან, ვიქტორინუსის მსგავსად, ჯოჯოხეთური ქვესკნელის უკუნეთიდან? გიახლოვდებიან და გარს ეთინებათ ნათელი<sup>52</sup>, რომლის წყალობითაც „იძინენ ხელმწიფებას ღმრთის შვილებად იწოდებოდნენ“<sup>53</sup>. მაგრამ თუ ნაკლებად ცნობილნი არიან, ვინც კარგად იცნობს მათ, ნაკლებად ხარობს მათი ნაცნობობით. ხოლო როცა მრავალნი ხარობენ ერთად, თვითოეულის სიხარული გაცილებით უფრო სრულია: რადგანაც ერთი მეორეს აღანთებს და ააბრიალებს. ეგვეც არ იყოს, მრავალთათვიც ცნობილნი არა მარტო მწედ და მეოხად

<sup>50</sup> ლუკა XV, 32.

<sup>51</sup> იგულისხმებიან ანგელოსები.

<sup>52</sup> მდრ. იოანე I, 9

<sup>53</sup> იოანე I, 12.

ველინებიან თავიანთ მიმდევართ, არამედ წინაც მიუძღვიან მათ ხსნისაკენ მიმავალ გზაზე. აი, რაც მოხდა, რომ უფრო მეტად ხარობენ თვით მათი წინამორბედნი, რადგანაც მარტოოდენ მათ გამო როდი ხარობენ.

ნუმც მოვსწრებივარ, რომ შენს სასუფეველში მდიდრებს უმაღლეს იღებდნენ, ვიდრე ღარიბებს<sup>54</sup>, ხოლო კეთილშობილებს - მდაბიორებზე უწინარეს, რადგანაც შენ „გამოარჩიე შლეგნი ამა ქვეყნისანი, რათა არცხვინო ბრძენნი, და უძლურნი ამა ქვეყნისანი, რათა არცხვინო ძლიერნი“<sup>55</sup>. და მაინც, ამ „უმცირესმა შენს მოციქულთა შორის“<sup>56</sup>, ვისი პირითაც გახშირდა შენი სიტყვები, არჩია სავლედ კი არ წოდებულიყო, როგორც უწინ, არამედ პავლედ, დიადი გამარჯვების აღსანიშნავად: ამ მეომარმა სძლია პროკონსულ პავლეს ამპარგანება, ქრისტეს მსუბუქი უღელი დაადგა ქედზე და, ამრიგად, დიადი მეფის ქვეშევრდომად აქცია იგი<sup>57</sup>. მტერი უფრო სასტიკად მარცხდება მის მიერ, ვინც უფრო მტკიცედ ეპყრა ხელთ, და ვისი მეშვეობითაც ეპყრა მრავალი. მას უფრო მტკიცედ უპყრია ხელთ ძლიერნი ამა ქვეყნისანი, მათი დიდგვაროვნების მეოხებით, და ასევე უპყრია ხელთ მრავალნი ძლიერთა გავლენის წყალობით<sup>58</sup>. რარიგ მადლიერნი უნდა ყოფილიყვნენ მორწმუნენი ვიქტორინუსისა, ვის გულსაც, როგორც შეუვალ ცხიფ-სიმაგრეს, ფლობდა ეშმაკი<sup>59</sup>, და ვისი ენაც, როგორც ბასრი მახვილი, უწყალოდ მუსრავდა მრავალს. საესებით სამართლიანად ხარობდნენ შენი ძენი, რადგანაც მეუფემ ჩვენმა შებოჭა ძლიერი; მტრის ხელიდან იქნა გამოგლეჯილი, ხოლო შემდეგ - შენს სადიდებლად გამზადებული, მისი ჭურჭელი, „უფლის-ათვის კეთილსასურველი, და ყოველი კეთილი საქმისათვის სახმარი“<sup>60</sup>.

V

10. როცა სიმპლიციანუსმა, შენმა მსახურმა, ეს მიაბო ვიქტორინუსზე, მისი მიბადვის სურვილით აღვნითე: სიმპლიციანუსის მიზანიც, რა თქმა უნდა, მხოლოდ ეს იყო. იქვე დასძინა, რომ იმპერატორ იულიანეს დროს გამოქვეყნებული კანონი გრამატიკის და რიტორიკის სწავლებას უკრძალავდა ქრისტიანებს<sup>61</sup>; როცა ზემოხსენებული კანონი მასაც შეეხო, ვიქტორინუსმა ამჯობინა საბოლოოდ მიეცოვებინა ფუჭსიტყვაობის ეს სკოლა, და არა შენი

<sup>54</sup> შდრ. იაკ. II, 1-9.  
<sup>55</sup> I კორ. I, 27-28.  
<sup>56</sup> I კორ. XV, 9. იგულისხმება პავლე მოციქული.  
<sup>57</sup> იხ. მოციქ. საქმენი, XIII, 7-12.  
<sup>58</sup> „ეს მოსაზრებანი გვიჩვენებენ, რომ ქრისტიანობამ ძალიან ადრე მიმართა თავისი პროზელეტიზმი მაღალი წოდებისაკენ. ქრისტეს სჯულზე ჯერ კიდევ პირველ საუკუნეში მოიქცა მრავალი არისტოკრატი, მაგრამ მათმა რიცხვმა განსაკუთრებით იმატა იმპერატორ კომოდუსის (180-192 წ.) დროს. თვით იმპერატორის სასახლეშიც კი შეხვდებოდით გაქრისტიანებულ კარისკაცებს. ფაქტებს თავი მოუყარა პარნაკმა („Die Mission und Ausbreitung des Christentums“, 1915, T.II, S.30-47). - პიერ დე ლაბრიოლის შენიშვნა; იხ. დასახ. გამოც. ტ. I, გვ. 183.  
<sup>59</sup> დედანში - diabolus: წარმართული ღმერთები ქრისტიანობის მიერ ეშმაკებთან იქნენ გაიგივებული.  
<sup>60</sup> II ტიმ. II, 21.  
<sup>61</sup> იგულისხმება იმპერატორი იულიანე განდგომილი (აპოსტატა; 361-363 წ.), რომელმაც უარყო ქრისტიანობა და კვლავ აღადგინა წარმართობა... ხსენებული კანონი 362 წელს გამოქვეყნდა.

სიგყვა, რომელიც „მჭევრმეტყველების უნარს ანიჭებს ჩვილთა ენას“<sup>62</sup>. ამიტომაც იყო, რომ მე უფრო ბედნიერ კაცად მომეჩვენა იგი, ვიდრე მამაკაცად, რაკილა ხელსაყრელი შემთხვევა ჰპოვა შენთვის მოქმედება მთელი სიცოცხლე. მეც ხომ ამისთვის ვგმინავდი, ჩემივე საკუთარი ნების ბორკილით გათანგული. ჩემი ნება მტერს ეპყრა ხელთ, რომელმაც მისგან გამოჭედა ჭაჭვი და ქედზე დაბადო. უკეთური ნებისაგან დასაბამს იღებს ბილწი გულისთქმა; გულისთქმის მონა კი ჩვეულებად აქცევს მას. ხოლო ჩვეულების მონობით ჩვეულება აუცილებლობად იქცევა<sup>63</sup>. ამ ურთიერთგადაჭრობილი რგოლებით ვიყავი შეკრული ჩემი სასტიკი მონობის<sup>64</sup> მიერ (ამიტომაც ვახსენე წელან ჭაჭვი). ხოლო ახალი ნება, რომელიც ის-ის იყო ისახებოდა ჩემში და რომელსაც სურდა, უფალო, შენივე გულისთვის თაყვანი მეცა შენთვის და მხოლოდ შენით ვყოფილიყავ ნუგეშემული, - ჯერ კიდევ უძნეო იყო საიმისოდ, რომ დაეთრგუნა ძველი ნება, ძვალ-რბილში რომ მქონდა გამჭდარი. ასე რომ, ჩემი ორი ნება - ძველი და ახალი, ხორციელი და სულიერი - ერთმანეთს ებრძოდა და ამ ბრძოლაში ირღვეოდა მთლიანობა ჩემი სულისა<sup>65</sup>.

11. მე შესძოდა, რომ თვითონვე ვმონობდი იმას, რაზედაც წამეკითხა: „ხორცს სულის საპირისპიროდ სურს, და სულს - ხორცის საპირისპიროდ“<sup>66</sup>. მე ერთითაც ვცხოვრობდი და მეორითაც, მაგრამ უფრო იმით ვცხოვრობდი, რაც მოსაწონად მიმაჩნდა ჩემში, ვიდრე იმით, რაც არ მომწონდა. ამ მხრივ, მე არც კი ვიყავი მე, რადგანაც უმეტესწილად იძულებით ვითმენდი იმას, რაც არ მომწონდა, ვიდრე ჩემი საკუთარი ნება-სურვილით. და მაინც, ჩემს არსებაში ღრმად ფესვგადგმული ჩვეულება გადაულახავ დაბრკოლებად მეღობებოდა წინ, რაკილა ჩემივე ნებით მივედი იქ, სადაც არ მინდოდა მისვლა<sup>67</sup>. ვის შეუძლია, ან ვისა აქვს იმის უფლება, რომ წინ აღუდგეს სამართლიან მსჯავრს, რომელიც თავს აცყდება ცოდვილს?

<sup>62</sup> სიბრძნე სოლომ. X, 21.

<sup>63</sup> ეს სხარტი და ექსპრესული ფორმულა ადამიანის ფსიქიკაში ავტორის ღრმა წვდომაზე მეტყველებს.

<sup>64</sup> ასეთია ცოდვასა და ბოროტ ჩვეულებას დამონებული ადამიანის მდგომარეობა. „სასტიკ მონობას“ უპირისპირდება „თავისუფალი მონობა“, როცა „მსახურებას აუცილებლობა კი არ გვაიძულებს, არამედ სიყვარული“ („ფსალმუნებისათვის“, 99,18).

<sup>65</sup> შდრ. პასკალი, „ცოდვილის მოქცევისათვის“: „პირველი, რასაც ღმერთი შთააგონებს სულს, რომელსაც იმის ღირსად მიიჩნევს, რომ თავისი დათარული არსის გამოცხადებით შესძრას, ესაა ყოველად უჩვეულო შემეცნება და უჩვეულო ხედვა, რომლითაც სული სრულიად ახლებურად ჭვრეტს საგნებს.

ეს ახლად მოვლენილი ნათელი აძრწუნებს და უცნაური ძალით ამფოთებს მთელს მის არსებას; და ეს ძრწოლა, ეს შემფოთება აშკარად ჩრდილავს იმ სიმშვიდეს და აუმღვრევლობას, რასაც აქამდე ანიჭებდა მისთვის ესოდენ სანუკვარი საგნების ჭვრეტა.

მას აღარ ძალუძს მშვიდად დატკბეს ყოველივე იმით, რაც აქამდე ასე ხიბლავდა. მუდმივი ეჭვი ამღვრევს ამ ტკობას, და ეს შინაგანი ხედვა მთლიანად აქანწყლებს მისთვის ჩვეულ სიტკობებს, მოგვრილს იმ სანუკვარი საგნების ჭვრეტით, რომლებშიაც ესოდენი თავდავიწყებით ითქმებოდა და ესოდენ სრულად ითქვიფებოდა მისი გულის მთელი სინაზე.

მაგრამ ის ლეთისმოსაობაში კიდევ უფრო მეტ სიმწარეს ხედავს, ვიდრე ამა სოფლის ამაოებაში. ერთის მხრივ, ხილულ საგანთა ხიბლი უფრო მეტად სძრავს და აღელვებს, ვიდრე სასოება უხილავ საგანთა მიმართ, ხოლო მეორეს მხრივ, უხილავ საგანთა უცვლელიობა უფრო გულისშემძვრელად მოქმედებს მასზე, ვიდრე ხილულთა ამაოება. და ასე, ამ ორი გრძნობის ჭიდილი ინვესს მის გულაყრილობას და გულაყრუებას, რაც დასაბამს აძლევს სრულ ქაოსს და უნესრიგობას; ესაა მის არსებაში ღრმად ფესვგადგმული ძველი შთაბეჭდილებების, ძველი გრძნობებისა და ახალ განცდათა სამკვდრო-სასიცოცხლო ბრძოლის შედეგი“ (ბლემ პასკალი, აზრები, ფრანგულიდან თარგმნა, წინასიტყვაობა და შენიშვნები დაურტო ბ.ბრეგვაძემ, თბ. 1981, გვ.21).

<sup>66</sup> გალ. V, 17.

<sup>67</sup> შდრ. რომ. VII, 19-20.

მე უკვე ველარ ვიმართლებდი თავს იმით, რასაც ადრე თარივით ვიშველიებდი: „თუ ამ ქვეყანას არ განვუდგები, რათა შენ გემსახურო, მხოლოდ იმიტომ, რომ ჭეშმარიტება ჯერ კიდევ არ შემიცვნია-მეთქი“, - რადგანაც უკვე ნათელი წარმოდგენა მქონდა მასზე, მინას მიტაცებული უარყოფილი იმას, რომ შენი მხედარი გაემხდარიყავი, და ისევე ვუფროთხიდი ყოველგვარი ტვირთისაგან განთავისუფლებას, როგორც თვით ტვირთის სიმძიმისა უნდა მშინებოდა<sup>68</sup>.

12. საერო ცხოვრების ტვირთი ისეთი მსუბუქი იყო, რომ სიზმარში მეგონა თავი. შენზე თეძრი იმ კაცის მცდელობას ჰყავდა, გამოღვიძება რომ სურს, მაგრამ ღრმა ძილით ძლეული ხელახლა ინთქმება მასში. ვინ იქნება, სულ მუდამ ძილი რომ სურდეს? - საყოველთაო და სალი განსჯით, ღვიძილი უმჯობესია, - მაგრამ კაცი მაინც ძნელად ელევა ძილს: ასოები დამძიმებია, ძილიც საამო როდია მისთვის, მაგრამ მაინც განაგრძობს თვლეშას, თუმცა დიდი ხანია ადგომის დროა. მეც ასევე დაბეჭითებით ვიცოდი, რომ უმჯობესია შენი სიყვარულისთვის მიმეძღვნა თავი, ვიდრე კვლავაც ჩემი გულისთქმის მონა-მორჩილი ვყოფილიყავი. პირველი მხიბლავდა და მატყვევებდა, მეორე კი მიყვარდა და ხელ-ფეხს მიკრავდა. ვერაფერს ვიცოდი შენი სიტყვების პასუხად: „გაიღვიძე, მძინარევე; აღსდევ მკვდრეთით, და ქრისტე ნათელს გფენს შენ“<sup>69</sup>. ყველგან თვალნათლივ მივლენდი შენი სიტყვების ჭეშმარიტებას, მაგრამ ამ ჭეშმარიტებით ძლეულს საპასუხო არა მქონდა რა, და მხოლოდ უმწოდ ვლულულელებდი: „ახლავე“, „ამ წუთას“, „ცოტაც მაცალე“, მაგრამ ეს „ახლავე“ და „ამ წუთას“ სულაც არ ნიშნავდა რაიმე განსაზღვრულ ჟამს, ხოლოდ „ცოტაც მაცალე“ უსაშველოდ აჭიანურებდა დროს. ამაოდ ვგვებოდი „შენი სჯულით, შინაგანი კაცისამებრ“<sup>70</sup>, მაშინ როდესაც „ჩემს ასოებში სხვა სჯულს ვხედავდი, რომელიც ეურჩებოდა ჩემი გონების სჯულს, და იმ ცოდვილი სჯულის ცყვედ მხდიდა, რომელიც იყო ჩემს ასოებში“<sup>71</sup>. ხოლო ეს „ცოდვილი სჯული“ ძალაა და მეუფება ჩვეულებისა, რომელსაც მტკიცედ უპყრია ხელთ და თავის ნებაზე ათამაშებს სულს, თვით მისდა უნებურად; ახია მასზე, რაკილა თავისი ნებით იქცა ამ ჩვეულების ნადავლად. ვინლა დამიხსნის უბედურს „სიკვდილის ამ სხეულისაგან“<sup>72</sup>, თუ არა შენი მადლი, რომელსაც გვანიჭებ უფლის ჩვენის - იესო ქრისტეს მეოხებით?

## VI

13. აღსარებას გეუბნები, უფალო, მწევ ჩემო და მხსნელო ჩემო; აღსარებას გეუბნები და იმასაც ვიცევი, თუ როგორ დამიხსენ ხორციელ გულისთქმათა დამთრგუნველი ხუნდებისა და ამქვეყნიურ საქმეთა მონობისაგან.

<sup>68</sup> შდრ. ტიმ. II, 4.

<sup>69</sup> ეფეს. V, 14.

<sup>70</sup> რომ. VII, 22.

<sup>71</sup> რომ. VII, 23.

<sup>72</sup> რომ. VII, 24.



მე კვლავ ჩემი ჩვეულებრივი ცხოვრებით ვცხოვრობდი, მაგრამ ჩემი მღელვარება კვლავაც იზრდებოდა. დღენი ადავ ვჭმუნავდი შენს გამო და შენს ეკლესიაშიც დავდიოდი, რამდენადაც ამის საშუალებას მაძლევდნენ ჩემი საქმენი, რომელთა სიმძიმითაც ქანცგანყვეტილი ვგმინავდი. ჩემთან იყო ალიპიუსი, რომელიც უკვე აღარ ასრულებდა იურისკონსულის მოვალეობას, რასაც თავი დააღწია მას შემდეგ, რაც უკვე მესამედ იყო ასესორად<sup>73</sup>. მოთმინებით უცდიდა მუშტარს, ვისთვისაც შეეძლო მიეციდა თავისი რჩევა, როგორც მე ვყიდიდი მჭევრმეცყველების ხელოვნებას (თუკი დაუშვებთ, რომ შეიძლება ვინმეს ასწავლო იგი). ნებრიდიუსიც დაჰყვა ჩვენს მეგობრულ თხოვნას და თანაშემწედ დაუდგა ჩვენს გულთად მეგობარს, მედიოლანელ ვერეკუნდუსს, რომელიც გრამატიკოსი იყო და გულთად უნდოდა ერთ-ერთი ჩვენგანი აეყვანა ერთგულ თანაშემწედ, რომელიც ძალიან სჭირდებოდა და, რაკი ჩვენი მეგობარი იყო, უფლებაც ჰქონდა ჩვენთვის მოეთხოვა იგი. ნებრიდიუსი გამორჩენის სურვილმა როდი მიიყვანა მასთან (გაცილებით მეტს მიაღწევდა, დამოუკიდებლად რომ დაენყო მასწავლებლობა): არა, ამ უსათნოესმა და უსათუთესმა მეგობარმა კეთილმოსურნეობის გამო ვალდებულად ჩათვალა თავი და არ უგულვებლყო ჩვენი თხოვნა. ახალ ადგილას ძალზე კეთილგონივრულად იქცეოდა: თავს არიდებდა სახელის მოხვეჭას „ამა ქვეყნის ძლიერთა“ შორის და, ამრიგად, გაურბოდა სულის ყოველგვარ მღელვარებას; ის მხოლოდ სულიერ თავისუფლებას მიეღწეოდა და ცდილობდა რაც შეიძლება მეტი დრო გამოენახა კვლევა-ძიებისა თუ წიგნების კითხვისათვის და ბრძნული საუბრის მოსასმენად.

14. ერთ მშვენიერ დღეს - ახლა ვეღარ ვიხსენებ, რაცომ არ იყო ნებრიდიუსი ჩვენთან, - მე და ალიპიუსს ვინმე პონტიციანუსი გვეწვია, ჩვენი თანამემამულე, რადგანაც ისიც ათრიკელი იყო, ხოლო ამჟამად დიდი გავლენით სარგებლობდა სასახლის კარზე. არ მხსოვს, რა საქმე ჰქონდა ჩვენთან. სასაუბროდ დავსხედით. შემთხვევით თვალი მოჰკრა წიგნს, რომელიც ჩვენს წინ მდგარ სათამაშო მაგიდაზე იდო; აიღო, გადაფურცლა და ჰავლე მოციქულის ეპისტოლენი შერჩა ხელში, თუმცა, ალბათ, ეგონა, რომ მჭევრმეცყველების სახელმძღვანელო იქნებოდა, რომელიც უკვე ყელში მქონდა ამოსული. გაიღიმა, გაოცებულმა შემომხედა და მომილოცა, რო სხვა კი არა, სწორედ ეს წიგნი მედო მაგიდაზე. ჭეშმარიტი ქრისტიანი იყო და მრავალგზის განრთხმულა შენს წინაშე, ღმერთო ჩვენო, როცა ხშირად დიდხანს ლოცულობდა ეკლესიაში.

როცა ვუთხარი, ამჟამად ყველაზე ხშირად საღმრთო წერილს ვკითხულობ-მეთქი, ანგონზე, ამ ეგვიპტელ ბერზე, ჩამოგვიგდო სიგევა, ვისი სახელიც სინძინდის შარავანდელით იყო მოსილი შენს მსახურთა თვალში, ჩვენთვის კი მხოლოდ იმ წუთას გახდა ცნობილი<sup>74</sup>. ეს რომ გაიგო, პონტიციანუსმა კვლავ ანგონ ეგვიპტელზე განაგრძო საუბარი; გატაცებით

<sup>73</sup> ასესორი - იურისკონსული, ოფიციალური პირების თანამემწე იურიდიულ საკითხებში.

<sup>74</sup> იგულისხმება წმ. ანტონი დიდი (251-356 წ.), სამონასტრო ცხოვრების ფუძემდებელი.

გვაცნობდა ამ საოცარ კაცს, რომელიც სრულიად უცნობი იყო ჩვენთვის, და უკვირდა, რომ დღემდე არაფერი გვსმენოდა მასზე. გაოგნებული დავრჩით: თურმე ნუ იტყვიან და, აგერ აქვე, თითქმის ჩვენს დროში, ეჭვშეურევლად დადგურებულია შენი მრავალი სასწაული, უფალო, ჭკმდარიტი რწმენით აღსრულებული კათოლიკე ეკლესიაში. ყველას გვიკვირდა: ჩვენ - სიდიადე ამ უჩვეულო ამბებისა, პონტიციანუსს კი - ის, რომ პირველად ვისმენდით ამას.

15. ამის შემდეგ მონასტერთა სიმრავლესა და ბერ-მონაზონთა ზნე-ჩვეულებებზე ჩამოვადლო სიგყვა, ზნე-ჩვეულებებზე, შენს კეთილსურნელებას რომ აფრქვევენ; ილაპარაკა განდევნილებით სავსე უდაბნოებზედაც, რომელთა შესახებაც დღემდე არაფერი ვიცოდით. თვით მედიოლანუმშიც, ქალაქის გალაგანს გარეთ ყოფილა მონასტერი, სავსე კეთილ ძმათა კრებულით<sup>75</sup>, რომელთაც ამბროსი მფარველობდა თურმე (ესეც პირველად გავიგეთ). პონტიციანუსი განაგრძობდა ლაპარაკს, ჩვენ კი, სმენად ქცეულნი, ვდუმდით. მერე სხვა ამბავიც მოგვიყვა: ერთხელ ტრევერიში<sup>76</sup>, ნაშუადღევს, როცა იმპერატორი საცირკო სანახაობის ყურებით იყო გართული, სამ ამხანაგთან ერთად ქალაქგარეთ მდებარე ბაღში გასულა სასეირნოდ. ისა და მისი ერთ-ერთი ამხანაგი დანარჩენ ორს დაშორებია: ერთი ერთ მხარეს წასულა, ორიც - მეორეს. სეირნობისას ეს მეორე წყვილი ერთ ქოხს წასწყდომია, სადაც შენი მსახური ცხოვრობდნენ, - „გლახაკნი სულითა“, რომელთაც უნდა დაიმკვიდრონ „ცათა სასუფეველი“<sup>77</sup>. იქ უნახავთ წიგნი, რომელშიაც წმინდა ანტონის ცხოვრება ყოფილა აღწერილი<sup>78</sup>. ერთ მათგანს გადაუშლია წიგნი და კითხვას შესდგომია: კითხულობდა, უკვირდა და უჩვეულოდ აღგზნებულს თანდათანობით ეუფლებოდა იმის სურვილი, რომ თვითონაც ამნაირი ცხოვრებით ეცხოვრა, მიეგოვებინა საერო სამსახური და შენი მსახური გამხდარიყო, უფალო. ორივენი ხომ იმპერატორის მცველები იყვნენ. და, აი, ანაზღაურ, წმინდა სიყვარულით აღსავსემ, საღვთისმოსაო კრძალვით აღძრულმა და თავის თავზე განრისხებულმა მეგობარს მიაპყრო მზერა და წამოიძახა: „მითხარი, გეთაყვა, რას მოველით ჩვენი ამდენი შრომის სანაცვლოდ? ანდა რას ვეძებთ? რისთვის ვმსახურობთ? რისი იმედი უნდა გვექონდეს სასახლის კარზე? მხოლოდ იმისა, რომ „იმპერატორის მეგობრებად“<sup>79</sup> ვინოდებოდეთ? მაგრამ თვით ამ შემთხვევაშიაც კი რამდენი ხიფათი და განსაცდელი გველის! ამდენი ფათერაკი გამოვლო და უფრო დიდ ფათერაკში ჩაიგდო თავი?! ან კი როდის

<sup>75</sup> „მე მინახავს წმიდათა სავანე მედიოლანუმში; ისინი ცოტანი როდი იყვნენ, ხოლო მათ სათავეში იდგა ერთადერთი მღვდელი, კაცი სწავლული და წარჩინებული“ (ნეტარი ავგუსტინე, „კათოლიკე ეკლესიის სხვაობისათვის“, 32-33).

<sup>76</sup> ტრევერი (დღევანდელი პრუსიის ქალაქი ტრიერი) - რომისა და ბიზანტიის იმპერატორების ადგილსამყოფელი გერმანიაში, იმპერატორებისა, რომლებიც რაინის არმიას სარდლობდნენ (სხვადასხვა დროს აქ ყოფილან იულიუს კეისარი, ავგუსტუსი, მაქსიმიანე, კონსტანტინე ქლორუსი, კონსტანტინე I, კონსტანტინე I, ვალენტინიანე I, ვალენტი, გრაციანე, ვალენტინიანე II, მაქსიმე, თეოდოსი). ამ გარემოებამ განაპირობა ტრევერის სწრაფი ზრდა და აყვავება. პოეტი დეციმუს მაგნიუს ავრონიუსი (გარდ. დაახლ. 295 წ.), იმპერატორ გრაციანუსს მასწავლებელი, რომელიც ერთხანს ცხოვრობდა ტრევერიში, მას „იმპერიის მეორე სატახტო ქალაქს“ უწოდებდა. რომის იმპერიის დამხობის შემდეგ ტრევერი პირწმინდად გაძარცვეს და დაანგრის ბარბაროსებმა (ალამასები, ფრანკები, ვანდალები, ჰუნები).

<sup>77</sup> მათე V, 3.

<sup>78</sup> წმ. ანტონის (იხ. აქვე, შენ. 74) ცხოვრება დიდი მუედაბნოსის სიკვდილიდან დაახლოებით ერთი წლის შემდეგ (357 წ.) დაუნერია წმ. ათანასეს, ვისი თხოვრებაც მეთხველი საუკუნის შემდეგ ლათინურად უთარგმნია ევაგრე ანტიოქიელს.

<sup>79</sup> იგულისხმება იმპერატორთან დაახლოებულ სენატორთა თუ მხედართა წოდების წარმომადგენელთა ვინაობა წრე; ეს იყო ერთგვარი „მრჩველთა საბჭო“, რომლის სხდომებზეც განიხილავდნენ უმნიშვნელოვანეს სახელმწიფოებრივ საკითხებს.

მივალწევთ ამნარი მდგომარეობას? ღვთის მეგობარი კი, თუ მოვინდომებ, შემძლია ამ წამსვე ვაგზდე“.

ესა თქვა და ახალ ცხოვრებაში დაბადების ტკივილებით განამებულმა კვლავ წიგნში ჩარგო თავი: კითხულობდა და უჩვეულო ცვლილებას განიცდიდა მისი გული, რასაც მხოლოდ შენ ხედავდი, უფალო; ცდილობდა განდგომოდა სანუთროს, რაც ძალე გამჟღავნდა კიდევ. წიგნის კითხვაში ჩაფლულმა და უჩვეულო მღვლვარებით მოცულმა საბოლოოდ განსაზღვრა და გადაწყვიტა, რა იყო უკეთესი; ის უკვე შენი გახდა, უფალო, და თავის მეგობარს უთხრა: „ამიერიდან სამუდამოდ ვივინყებ ჩვენს უწინდელ იმედს; აი, ამ წუთს და ამ ადგილას გადაწყვიტე ღმერთს ვემსახურო. თუ არ მომბაძავ, ხელს მაინც ნუ შემძლი“. მანაც მიუგო: ამნარი საზღაურისა და სამსახურისთვის შენი ერთული მეგობარი ვიქნებით. ისინი უკვე შენ გეკუთვნოდნენ და ოცნებაში მათთვის ხელსაყრელ თასად აგებდნენ სულის ხსნის კოშკს; მიაგოვეს ყველაფერი, რომ შენს კეთილ კვალს შესდგომოდნენ<sup>80</sup>.

ამასობაში კი პონტიციანუსი თავის თანმხლებთან ერთად ბალის მეორე მხარეს დასეირნობდა. თავიანთი ამხანაგების ძებნაში იმავე ქობს მიადგნენ, სადაც ნახეს ისინი და უთხრეს, უკან დაბრუნების დროაო, რადგანაც დღე იწურებოდა. ამხანაგებმა თავიანთი გადაწყვეტილება გაანდეს და ისიც აუწყეს, თუ რამ აღუძრათ და განუმტკიცათ ამის სურვილი; თანაც სთხოვეს, თუ არ შემოგვიერთდებით, ჩვენსას მაინც ნუ გადაგვათქმევინებთო. პონტიციანუსმა და მისმა თანმხლებმა არ გაიზიარეს თავიანთი ამხანაგის გადაწყვეტილება, თუმცა თავიანთი თავი კი გამოიტირეს. მონინებით მიულოცეს მეგობრებს ახალი ცხოვრების დანყება და მათ ლოცვა-ვედრებას მიანდეს თავი. შემდეგ ამქვეყნიური საზრუნავით გულდამძიმებულებმა სასახლისაკენ გასნიეს, ის ორნი კი, ბეცის მიმართ მოდრეკილი გულით, ქობში დარჩნენ. თუმცა ორივე დანიშნული იყო: თავიანთი საქმროების გადაწყვეტილება რომ გაიგეს, უფალო, საპატარძლოებმაც მოგიძღვნეს თავიანთი ქალწულება.

## VII

16. ამას გვიყვებოდა პონტიციანუსი, შენ კი, უფალო, ვიდრე ის ლაპრაკობდა, ჩემი თავისკენ მიმაქცევილე მზერა, მაიძულე, საკუთარ ზურგს ამოთარებულს მიმეგოვებინა ჩემი სამალავი, სადაც მშვიდად მოვკალათებულიყავი და ვერ ვბედავდი ჩემი თავისთვის გამესწორებინა თვალი. შენ დამაყენე საკუთარი თავის პირისპირ, რათა დამენახა ჩემი სიმახინჯე და სიბილწე, ჩემი უბადრუკობა, ჩემი მწიკლოვანება და წყლულება. მეც დავინახე და შევძრწუნდი, მაგრამ გასაქცევი გზა მოჭრილი მქონდა. ვცდილობდი თვალი ამერიდებინა ჩემი თავისთვის, მაგრამ პონტიციანუსი იქვე იყო თავისი ნაამბობითურთ, ასე რომ, კვლავ ჩემივე თავის პირისპირ მაყენებდი, უფალო, და მაიძულებდი თვალმოუშორებლივ მექცირა

<sup>80</sup> შდრ. ლუკა XIV, 28.

მისთვის: „შეხედე შენს უსამართლობას და შეიზიზღე იგი“. მე რა ხანია ვიცი ჩემი უკეთურება, მაგრამ განზრახ ვხუჭავდი თვალს და ვცდილობდი დამევიწყებინა იგი<sup>81</sup>.

17. რაც უფრო გულმხურვალედ მიყვარდა ისინი, ვისზედაც მსმენოდა, რომ ცხოველმყოფელი გზებით აღძრულთ მთლიანად მოგიძღვნეს თავი განსაკურნავად, მით უფრო მძაფრად მძულდა, მათთან შედარებით, ჩემი თავი. რამდენმა წყალმა ჩაიარა მას შემდეგ (თორმეტი წელი მაინც იქნება), რაც ციცერონის „ჰორტენზიუსმა“ ცხრამეტი წლის ჭაბუკს სიბრძნის სიყვარული აღმიგზნო გულში<sup>82</sup>, მაგრამ საბოლოოდ მაინც ვერ შევიძულე ამქვეყნიური ბედნიერება და ვცდილობდი სამერძისოდ გადამედო ძიება იმ სიკეთისა, რომლის არა მარტო მიკვლევა, მარტოდენ ძიებაც კი ათასწილ სჯობს ამა ქვეყნის ყველა საუნჯეს, ყველა სამეთოს თუ სიკვებობას, რომელიც თითქოს მზადაა ყოველ ნამს მიგვცეს ხორციელი განცხრომის ზვირთებს. ოჰ, რა უბადრუკი ვიყავი სიჭაბუკისას, მეტადრე სიჭაბუკის გარიჟრაჟზე, უმანკობასაც კი გთხოვდი და გვევდრებოდი: მომეც უმანკობა და კრძალულება, მაგრამ არა ახლავე-მეთქი. თითქოს მეშინოდა, მაშინვე არ შეგესმინა ჩემი ვედრება და არ განგეკურნა უკეთური გულისთქმა ჩემი<sup>83</sup>: მერჩია კი არ ჩამეხშო, არამედ დამეცხრო იგი. ასე ვიდრე მკრეხელური ცრურწმენის „მრუდე გზებით“<sup>84</sup>, მაგრამ იმიტომ კი არა, რომ დარწმუნებული ვიყავი მის სისწორეში: მე მას თითქოს ვამჯობინებდი სხვა მოძღვრებებს, მაგრამ ქედმოდრეკით კი არ ვიკვლევდი ამ უკანასკნელთ, არამედ მტერივით ვებრძნოდი მათ<sup>85</sup>.

18. რაკი დღეები დღეებს მისდევდა, მე კი ვერასდიდებით ვერ ველეოდი ფუჭ იმედებს, რათა მხოლოდ შენს კვალს შევდგომოდი, ამის მიზეზი კი ის მეგონა, რომ ვერას ვხედავდი ცხადს და გარკვეულს, რათა მისკენ წარმემართა ჩემი ნაბიჯი. მაგრამ, აი, მოვიდა დღე, როცა შიშველ-ტიტველი წარვსდექი ჩემივე თავის წინაშე და ჩემმა სინდისმა შემომლაღადა: „სად არის შენი სიტყვა? აკი ამბობდი, იმიტომ ვერ ვიცილებ ამაოების უღელს, რომ ჭეშმარიტება დაფარულია ჩემთვისო? მაგრამ შენთვის უკვე ნათელია ჭეშმარიტება, ის კი კვლავ დამთრგუნველად მოქმედებს შენზე. უფრო თავისუფალ მხრებს უკვე ფრთები გამოესხა: არც ამდენი ძიებით განამებულან და არც ათი თუ მეტი წელი გაუტარებიათ გამუდმებულ ფიქრსა და გვინის ჭყლეტაში“.

ასე ვიგანჯებოდი შერცხვენილი; სინდისი მქენჯნიდა პონტიციანუსის ლაპარაკისას. ბოლოს საუბარი დასრულდა და ისიც გავიგეთ, თუ რამ მოიყვანა ჩვენსას. პონტიციანუსი შინ წავიდა, მე კი ჩემსავე თავს ჩაფულრმავდი. რაღა არ ვაკადრე საკუთარ თავს! რანაირი აზრების მათრახი აღარ ვუცხუნე ჩემს სულს, რათა ნებას დამეყოლოდა და შენს კვალს დასდგომოდა.

<sup>81</sup> შდრ. თსალმ. 35, 3.

<sup>82</sup> იხ. მესამე წიგნის შენ. 14.

<sup>83</sup> შდრ. სიბრძნე ზირაქ. II, 15.

<sup>84</sup> შდრ. სიბრძნე სოლომ. II, 16.

<sup>85</sup> ნეტარი ავგუსტინე კვლავ თავის მანიქეისტურ წარსულს იხსენებს.

მაგრამ უწინდებურად მეურჩებოდა, კვლავ თავის აზრზე იდგა და დანაშაულში გამოცეხას არ აპირებდა. ამოიწურა და უარყოფილ იქნა ყველა მისი საბუთი, მაგრამ დარჩა უტყვეო მშფოთვარება: სიკვდილივით უფრთხოდა იმას, ვაითუ ცხოვრების ჩვეული კალაპოტიდან ამომავდონო, კალაპოტიდან, რომელშიაც ისე ჩამყაყებულყო, რომ ხრწნილებას აღარაფერი უკლდა.

## VIII

19. იმ დიდ შფოთსა და აყალმაყალში, ჩემს შინაგან სამკვიდრებელში, კერძოდ, მის ყველაზე მეუდრო ადგილას - ჩემს გულში რომ აუუტყხე საკუთარ სულს, სახეშეშლილი მივვარდი ალიბიუსს და შლეგივით შევბავლე: „რა ამბავია ჩვენს თავს?! გაიგონე? აღიძვრიან უმეცარნი და მიიტაცებენ ცათა სასუფეველს<sup>86</sup>, ჩვენ კი, ამ ჩვენი უსულო მეცნიერებით, კვლავაც ხორციელ მწვირეში ვვორავთ! რაკილა ჩვენზე წინ არიან, გვეთაკილება მათ გზას გავყვეთ, ხოლო ის ამბავი, რომ ერთი ნაბიჯიც არ გადავდგათ ამ გზაზე, სულაც არ გვეჩვენება სათაკილოდ?“<sup>87</sup>

არ ვიცი, ამას რა მოვაცოლე; გამმაგებული გავცალე ალიბიუსს, გაოგნებული უსიტყვოდ რომ შემომცქეროდა. ამნაირი რამ არასოდეს სმენოდა ჩემგან. ჩემს მაშინდელ სულიერ მდგომარეობას ჩემი შუბლი, ღანვები, თვალები, სახის ფერი და ხმის ჟღერადობა უკეთ გამოხატავდნენ, ვიდრე ჩემივე სიტყვები.

ჩვენი სახლი პაგარა ბაღში იდგა, რომლითაც ისევე ვსარგებლობდით, როგორც მთელი სახლით, რადგანაც ჩვენი მასპინძელი, რომელმაც შეგვიფარა, აქ არ ცხოვრობდა. აღელვებულმა სწორედ ამ ბაღს მივაშურე, სადაც არავინ შემიშლიდა ხელს იმაში, რომ ბოლომდე მიმეყვანა ეს სასტიკი ბრძოლა, რომელიც ჩემს თავს გაუუმართე, მაგრამ რანაირი იქნებოდა ეს ბოლო, მე კი არა, მხოლოდ შენ იცოდი, უფალო: გონებაშიხდილი ვიყავი, რათა გონს მოვსულიყავი; ვკვდებოდი, რათა მეცოცხლა; ვიცოდი, რა ბოროტებაშიაც ვიყავი დანთქმულიმ, მაგრამ არ ვიცოდი, რანაირი სიკეთე მელოდა სულ ძალე.

ამრიგად, ბაღს მივაშურე; ალიბიუსი კვალდაკვალ მომყვა. მის სიახლოვეს სულაც არ დაურღვევია ჩემი მარტობა. მას კი რა ექნა: ამ დღეში ხომ ვერ მიმატოვებდა?

სახლიდან მოშორებით დავსხედით. სული ყრუდ შემომკვნესოდა, საშინლად აღშფოთებული იმის გამო, რომ ამდენ ხანს ვაყოვნებდი შენსკენ ნაბიჯის გადმოდგმას, ხოლო ამ ნაბიჯის გადმოდგმა რომ საჭირო იყო, ამას ღალადებდა „ყოველი ძვალი ჩემი“<sup>88</sup>, და ეს ღალადისი

<sup>86</sup> იხ. მათე XI, 12.

<sup>87</sup> ძალზე მნიშვნელოვანი სიტყვებია, რომლებიც გარკვეულწილად გვიმუდავებენ ქრისტეს სჯულზე ნეტარი ავგუსტინის მოქცევის ჭეშმარიტ მოტივს, რასაც უშუალოდ ერნესტის ერთგვარი ირრაციონალური იმპულსი, რომლის გამოფვრაც ინტელექტუალური მკითხველისათვის მივცინდია.

<sup>88</sup> ფსალმ. 34, 10.



შენს ქებად და დიდებად უწევდა ზეცას. შენთან მოსახლებლად კი სულაც არ არის საჭირო ხომალდზე თუ ოთხთვალა ეგლზე ახვიდე, ანდა ფეხით დაადგე გზას<sup>89</sup>: მანძილი იმაზე მეტი როდია, რაც ჩვენს სახლსა და ამ ადგილს შორის, სადაც ვისხედით. შენ მხოლოდ ფეხის მოცვლა ისურვე და არა მარტო უკვე გზაში ხარ, არამედ მიზანთანაც, მაგრამ ეს შენი სურვილი მეცისმეტად ძლიერი უნდა იყოს, მთელის არსებით უნდა ისწრაფოდე ღმერთისკენ, და არა ისე, წინსვლას რომ აპირებ და ფეხი უკან გრჩება, რადგანაც მეცის თავი არა აქვს ნახევრად დაჭრილ ნებას<sup>90</sup>, სადაც ერთი სურვილი მეორეს ებრძვის, და თუ ერთი ზეცისკენ ილგვის, მეორე მიწას განარცხებს.

20. ამ ყოყმანში, ბორჯვასა და ბობოქრობაში ისეთ უცნაურ მოძრაობებს ვასრულებდი, რომელთა შესრულება იქნებ კიდევაც უნდოდეს ზოგიერთს, მაგრამ არასდროს არ შეუძლია, ან იმიტომ, რომ სხეულის შესაბამისი ასოები აკლია, ან დაღლილ-დაქანცულს განძრევის თავი არა აქვს, ან რაღაცა ამდაგვარი უშლის ხელს. თუ თმებს ვიგლეჯდი, შუბლში ვირცყამდი ხელს, ან ჰაერში ვიქნევდი გადაჭდობილ თითებში მომწვედევულ მუხლს, - მხოლოდ იმიტომ, რომ ასე მსურდა. თუმცა შეიძლება სურვილი კი მქონოდა, მაგრამ მისი შესრულება არ შეეძლებოდა, ჩემივე ასოები რომ არ დამმორჩილებოდნენ. ამრიგად, მე ვასრულებდი ბევრ ისეთ რამეს, სადაც „ნდომა“ და „შეძლება“ ერთმანეთის გოლთარდი როდია. მაგრამ არ ვაკეთებდი იმას, რაც გაცილებით უფრო სასურველი იყო ჩემთვის, და რისი ვაკეთებაც სულ თავისუფლად შემიძლო, ოღონდაც მენებებინა, ხოლო ის კი ნამდვილად მსურდა, რო მსურვა. აქ ხომ კეთების უნარი და კეთების სურვილი გოლთარდია: გსურდეს - ეს უკვე სურვილის ასრულებას ნიშნავს. და მაინც არაფერი გამომდიოდა: ჩემი სხეული უფრო ადვილად ემორჩილებოდა სულის ყველაზე უბადრუკ სურვილს, რის შედეგადაც ამა თუ იმ ასოს გამომძრავებდი, ვიდრე სული - საკუთარ თავს, როცა მისი ყველაზე სანუკვარი სურვილის ასრულებას ეხებოდა საქმე, მიუხედავად იმისა, რომ ეს მხოლოდ მის ნებაზე იყო დამოკიდებული.

<sup>89</sup> ეს სიტყვები პლოტინისგანაა ნასესხები, რომელიც ლაპარაკობს იმაზე, თუ როგორ დაშორდა სული თავის ჭეშმარიტ სამშობლოს - ზეცას, და როგორ უნდა დაუბრუნდეს მშობელს თვისას - ღმერთს: „ამიტომ ის იქნება უკეთესი მრჩეველი, და კეთილისმყოფელი ჩვენი, ვინც გვირჩევს, გავიქცეთო ჩვენს სამშობლოში. მაგრამ რას ნიშნავს ეს „გავიქცეთ“? როგორ გავიქცეთ? როგორც ოდისევსი, რომელიც გრძნეულ კირკეს გაექცა და გრძნეულ კალიფოსს, მიუხედავად მთელი სილამაზისა, რასაც ისინი მის მზერას აღუთქვამდნენ და ფიანდაზად უშლიდნენ ფეხქვეშ. ჩვენი სამშობლო კი იქაა, საიდანაც მოვსულვართ, და იქვეა მშობელი ჩვენი. უნდა გავიქცეთ! მაგრამ არა ფეხთა სისწრაფით, რომელთაც მიწის ერთი კუთხიდან მეორეში გადავყავართ მხოლოდ, ან ეტლითა თუ კეთილმავალი ნავით; არა, უნდა დავეხუჭოთ თვალი, სხვა რამით შევცვალოთ ხორციელი მზერა, და გავადვიძოთ ის ფარული უნარი, რომელიც ყველა ჩვენგანში თვლემს, მაგრამ რომელსაც ცოტანი იყენებენ მხოლოდ“ („ენნ.“ I, VI, 8; ძველი ბერძნულიდან თარგმნა, წინასიტყვაობა და შენიშვნები დაურთო ბ.ბრეგვაძემ, უურნ. „მნათობი“, 1966, №9, გვ.188).

<sup>90</sup> დედანში ზუსტად ასეა: voluntas semisaucia. „ნახევრად დაჭრილი“ (სემისაუცია) ნეტარი ავგუსტინეს მიერ შექმნილი კომპოზიტია.

IX

21. საიდან იღებს დასაბამს ეს უცნაური მოვლენა? რა არის ამის მიზეზი? დაე, ნათელი მომთინოს შენმა გულმონყალებამ და ნება მიბოძე ვიკითხო, იქნებ პასუხი გამცეს კაცთა მოდგმის თავს მონეულმა სასჯელმა და წყვილიაღმი დანთქმულ ადამის ძეთა ტანჯვა-ვაება<sup>91</sup>. დიას, საიდან იღებს დასაბამს ეს უცნაური მოვლენა, ან რა არის ამის მიზეზი? სული უბრძანებს სხეულს, და ისიც მყისვე ემორჩილება; სული უბრძანებს საკუთარ თავს, და მხოლოდ წინააღმდეგობას აწყდება. სული უბრძანებს ხელს ამოძრავდეს, და ისიც ისე ადვილად და დაუყოვნებლივ ემორჩილება, რომ შეუძლებელიც კია იმ შუალედის შემჩნევა, რომელიც ძვეს ბრძანების გაცემასა და მის შესრულებას შორის. მაგრამ სული სულია, ხელი კი - სხეული. სული უბრძანებს სულს ისურვოს, ესე იგი, თავის თავსვე უბრძანებს, მაგრამ თვითონვე არ ასრულებს მის მიერ გაცემულ ბრძანებას. საიდან იღებს დასაბამს ეს უცნაური მოვლენა, ან რა არის ამის მიზეზი? ის თავის თავს უბრძანებს სურდეს, მაგრამ ამას არ ბრძანებდა, რომ არა სურდეს, თუმცა მისი ბრძანება არ სრულდება.

ალბათ, იმიტომ, რომ მთელის არსებით როდი სურს, და არც მთელის არსებით გასცემს ბრძანებს. მხოლოდ იმდენად ბრძანებს, რამდენადაც სურს, და იმდენად არ ასრულებს ამ ბრძანებას, რამდენადაც არა სურს. რადგანაც ნება უბრძანებს ნებას ნებადღეს, დიას, თავის თავს უბრძანებს, და არა სხვას. მაშასადამე, მთელი თავისი სავსებით როდი უბრძანებს და ამიტომაც არ სრულდება მისი ბრძანება. რადგანაც მთელი სავსებით რომ ბრძანებდეს, ბრძანების გაცემაც აღარ იქნება საჭირო: ყველაფერი ისედაც შესრულდებოდა. ასე რომ, გსურდეს და, იმავდროულად, არცა გსურდეს, ეს უცნაური მოვლენა კი არ არის, სწეულებაა სულისა. სულს არ შეუძლია მთლიანად აღზვედეს: ჭეშმარიტება აღაბეგებს, ჩვეულება კი ქვე ებიდება. ამიტომაცაა ადამიანში ორი ნება, ორი სურვილი, რომელთაგანაც არც ერთი არ არის სრული: ერთშია ის, რაც მეორეს აკლია<sup>92</sup>.

<sup>91</sup> ამ მხრივ, საინტერესოა ნებელობის აქტის ანტიკური და ქრისტიანული კონცეფციების შედარება; პირველის მაგალითად მოვიხმოთ სტოიციკური ფილოსოფია, რომელიც რაციონალისტური თვალსაზრისით ცდილობდა პრობლემის გადაწყვეტას. სტოიციკმის მიხედვით, ნებელობა მხოლოდ ჩვენი შინაგანი განსჯითაა განპირობებული: „ადამიანი ყოველთვის ცდილობს იმოქმედოს ისე, როგორც თვითონ ვერინება, საკუთარი განსჯის თანახმად, მაგრამ ყოველთვის როდი ახერხებს გააკეთოს ის, რაც სურს, თუნდაც აკეთებდეს იმას, რისი ქმნაც გადაწყვიტა. ამით აიხსნება საერთო აზრის პროტესტი სოკრატული ინტელექტუალიზმის წინააღმდეგ, რომლის მიხედვითაც ნებელობა განსჯითაა განსაზღვრული; ასე მართლდება პავლეს სიტყვები: მე ჩემდა უნებურად ვჰყოფო ბოროტს. ეს პარადოქსი ნებელობისა, რომელიც თავის თავს ეწინააღმდეგება, და რომელიც თავისდაუნებურად ახდენს არჩევანს..., ნების აბსოლუტისტურ მისწრაფებასა და მის პრაქტიკულარულ დეტერმინაციას შორის არსებული დისპროპორციის შედეგია... ნება, რომელიც აბსოლუტურად მიელტვის სიკეთეს, მხოლოდ პარტიკულარული წარმოდგენებითაა დეტერმინირებული, წარმოდგენებით, რომელთაგან არც ერთი არ შეიცავს აბსოლუტურ სიკეთეს მთელი თავისი სიხადით. აქედან - ნების ესოდენი ხშირი ცთომილება, მაგრამ ეს ცთომილება ნანდაური როდია“ (ჟან მორო, ეპიტეტე, პარიზი, 1964, გვ. 35-36). ნებელობის აქტის ქრისტიანულ ინტერპრეტაციას კი პირწმინდად რელიგიური თვალსაზრისი უდევს საფუძვლად, თვალსაზრისი, რომლის თანახმადაც ნების ცთომილება, მისი სისუსტე ადამიანის ცოდვითადაცემის შედეგია (იხ. მეშვიდე წიგნის შენ. 16).

<sup>92</sup> შდრ. პასკალი: „გონებისა და ვნებების გაშმაგებული ბრძოლა ადამიანში. მართო გონება რომ ჰქონდეს და არა ვნებები... მართო ვნებები რომ ჰქონდეს და არა გონება... მაგრამ რაკი ერთიყა აქვს და მეორეც, ამიტომ გამუდმებით ეომება საკუთარ თავს, რადგან გონებას მხოლოდ მაშინ უზადება, როცა ვნებებს ებრძვის, ანდა პირუკუ. ამრიგად, ის ყოველთვის გაორებულია, გათიშული, შინაგანი წინააღმდეგობებით განამებული“ (ბლემ პასკალი, აზრები, თბ. 1981, გვ.278).

X

22. „ღე, წარწყმდნენ შენი პირისაგან“<sup>93</sup>, უფალო, როგორც წარწყმდებიან „ამაოების მეტყველნი“<sup>94</sup> და „გონით მაცთურნი“<sup>95</sup>, რომელნიც ადამიანში ამ ორი ნების არსებობის მიხედვით ასკვნებენ, რომ ჩვენ ორი სხვადასხვა ბუნება და ორი სული გვაქვს<sup>96</sup>: ერთი კეთილი, ხოლო მეორე ბოროტი. სინამდვილეში კი თვითონვე არიან ბოროტნი, რადგანაც ბოროტია მათი აზრები, მაგრამ თვით მათაც კი შეუძლიათ კეთილნი გახდნენ, თუკი ჩასწვდებიან ჭეშმარიტებას და მასვე შეუწონიან თავიანთ ზრახვას, ასე რომ, შეიძლება მათაც მიესადაგოს შენი მოციქულის სიტყვები: „ოდესღაც ბნელი იყავით, ხოლო აწ ნათელი ხართ უფალში“<sup>97</sup>.

მაგრამ მათ ის კი არ უნდათ, რომ უფალში იყვნენ ნათელი, არამედ - თავიანთ თავში, და რაკი ჰგონიან, რომ სულის ბუნება იგივეა, რაც ღმერთი, სიბნელედ კი არა, უკუნეთად იქცნენ და თავიანთი საშინელი კადნიერების შედეგად უფრო მეტად დაგმორდნენ შენ, ჭეშმარიტ ნათელს, „რომელიც გაანათლებ ყველა კაცს, მომავალს ქვეყნად“<sup>98</sup>. დაუკვირდით, რას ამბობთ, გრცხვენოდეთ და „მიეახლეთ მას“, რათა „განათლდეთ და სირცხვილმა არ ავიღწნოთ სახე“<sup>99</sup>.

თვითონ მეც, როცა ვფიქრობდი, თუ რანაირად შემსახურა უფლის ჩემის მიმართ (რაც ღიდი ხანია გადაწყვეტილი მქონდა), სწორედ მე ვიყავი ამის მსურველიც და არამსურველიც; არც მთელის არსებით მსურდა და არც მთელის არსებით არ მსურხა. ამიგომაც ვებრძოდი ჩემსავე თავს, გათიშულ-გაორებული, მაგრამ ეს გაორება, რაც ჩემი ნების საპირისპიროდ ხდებოდა, ორი სხვადასხვა ბუნების არსებობას კი არ მონშობდა ჩემში, არამედ იმას, რომ დასჯილი იყო ჩემი საკუთარი ბუნება<sup>100</sup>; თუმცა მე კი არ ვიყავი ამის მიზეზი, არამედ „ჩემში დამკვიდრებული ცოდვა“<sup>101</sup>, როგორც სასჯელი თავისუფალი ნებით ჩადენილი შეცოდებისა: მეც ხომ ადამის ძე გახლდით.

23. ურთიერთსაპირისპირო, მგრული ბუნება იმდენივე რომ იყოს, რამდენიც ურთიერთ-საპირისპირო ნებაა, მაშინ ორი ბუნება კი არ იქნებოდა, არამედ მრავალი. ვთქვათ, კაცი ყოყმანობს და ვერ გადაუწყვეტია, მანიქეველთა თავყრილობაზე წავიდეს თუ თეატრში, და,

<sup>93</sup> ფსალმ. 67, 3.

<sup>94</sup> ტიტ. I, 10.

<sup>95</sup> ტიტ. იქვე.

<sup>96</sup> შდრ. პასკალი: „ადამიანის ბუნების გაორება იმდენად აშკარაა, რომ ზოგიერთი იმ დასკვნამდეც კი მივიდა, თითქოს ჩვენ ორი სული გვაქვს. მათი აზრით, მარტივი და ერთგვაროვანი ბუნება შეუძლებელია განიცდიდეს განწყობილებათა ასე მძაფრსა და ანაზღვეულ ცვალებადობას - წარმოუდგენელი ქედმაღლობიდან გულისამყინავ ძრწოლამდე“ (ბლემ პასკალი, აზრები, თბ. 1981, გვ.280).

<sup>97</sup> ეფეს. V, 8.

<sup>98</sup> იოანე I, 9.

<sup>99</sup> ფსალმ. 33, 6.

<sup>100</sup> შდრ. პასკალი: „ადამიანმა არ იცის, ვის მიაკუთვნოს თავი. ის გრძნობს, რომ დაიკარგა, დაეცა, დაივინა ჭეშმარიტი სამშობლო და ვეღარ აგნებს უკან დასაბრუნებელ გზას, თუმცაღა მთელი სიცოცხლე ბრმასავით დაბორილობს განუჭვრეტელ უკუნეთში და - სასწრაფოვეთილი - ალაღბედზე, ხელის ფათურით დაეძებს მას“ (ბლემ პასკალი, აზრები, თბ. 1981, გვ.282).

<sup>101</sup> რომ. VII, 17.

აი, ისინი ერთხმად გაჰყვირიან: „აჰა, ორი ბუნება, რომელთაგანაც ერთს - კეთილს, ჩვენთან მოჰყავს იგი, ხოლო მეორეს - ბოროტს - პირიქით, ჩვენგან მიჰყავს, თორემ რა უნდა იყოს ამ ორ ურთიერთსაპირისპირო სურვილს შორის ყოყმანისა და რყევის მიზეზი?“ მე კი ვამტკიცებ, რომ ორივე ნება-სურვილი ბოროტია: ისიც, მანიქეველთა თავყრილობისკენ რომ მიუძღვის და ისიც, თეატრში წასასვლელად რომ აღძრავს კაცს<sup>102</sup>. მანიქეველებს კეთილი ჰგონიათ ის ნება, მათგან რომ მიუძღვის კაცს. კეთილი და ჰაგიოსანი! მაგრამ ხომ შეიძლება რომელიმე ჩვენგანში ორი სურვილი ებრძოდეს ერთმანეთს და მასაც ვერ გადაენწყვიტოს, სად წავიდეს - მანიქეველთა თავყრილობაზე თუ ჩვენს ეკლესიაში? ხომ არ გაუჭირდებოდათ ამ კითხვაზე პასუხის გაცემა? ისინი იძულებულნი იქნებოდნენ ელიარებინათ ის, რისი აღიარებაც არ უნდათ: ჩვენს ეკლესიაში მოდიან კეთილი ნების მორჩილნი, როგორც მოდიან მის საიდუმლოს ზიარებულნი და მასშივე დამკვიდრებულნი, - ან არა და, ემტკიცებინათ, რომ ერთსა და იმავე კაცში ერთმანეთს ებრძვის ორი ბოროტი ბუნება და ორი ბოროტი სული: მაშინ სიცრუედ უნდა მიგვეჩნია მათი ჩვეული მტკიცება იმის თაობაზე, რომ არსებობს ორი სხვადასხვა ნება - კეთილი და ბოროტი, ანდა ჭეშმარიტების გზას დასდგომოდნენ და აღარ ეცადათ იმის უარყოფა, რომ ამა თუ იმ საკითხის გადწყვეტისას ერთსა და იმავე სულს შეიძლება ორი სხვადასხვა სურვილი ამოძრავებდეს.

24. ამიტომ, როცა ხედავენ, როგორ ებრძვის ერთმანეთს ორი ნება ერთ კაცსი, დე, ნუ იცყვიან, რომ მასში ერთმანეთს ერკინება ორი ურთიერთმოქიშპე სული: ერთი კეთილი, ხოლო მეორე ბოროტი, რომლებიც ორი მგრული სუბსტანციისა და ორი საპირისპირო სანყისისაგან იღებენ დასამაბს<sup>103</sup>. რადგან შენ, ღმერთო ჭეშმარიტო<sup>104</sup>, უარყოფ, ამხილებ და აბათილებ მათ. დაუშვათ ორი ბოროტი ნების არსებობა ადამიანში, რომელიც კაცის მოკვლას აპირებს მახვილითა და სანამლაავით; ან კიდევ ფიქრობს, რომელი მამული მიიტაცოს - ესა თუ ის (რადგან ორივეს მიტაცება არ შეუძლია); განცხრომას გადააგოს თავისი ავლადილება თუ ძუნწივით გადამალოს ფული; ცირკში წავიდეს თუ თეატრში, თუკი იმ დღეს ორივე ღიაა. მე შემიძლია მესამე სურვილიც დაუშვაგო ამას: თუ დრო იხელთა, ხომ არ გაქურდოს სხვისი სახლი? ანდა მეოთხე: ხომ არ იმრუშოს, თუკი ამის საშუალება მიეცა? მაგრამ თუ ყველა ეს სურვილი ერთდროულად აღიძვრის და, თანაც ყველა თანაბრად მძაფრია? მაშინ ხომ შეუძლებელი იქნება ერთდროულად აისრულოს ისინი? ასე რომ, ამ ოთხი ურთიერთსაპირისპირო ნების ჭიდილმა შეიძლება ნაფლეთებად აქციოს სული. თუძვა ნება ოთხი კი არა, შეიძლება მეტიც იყოს: სურვილის საგანი ხომ უამრავია<sup>105</sup>. და მაინც, მანიქეველები არაფერს ამბობენ სხვადასხვა სუბსტანციის ასეთსავე სიმრავლეზე.

<sup>102</sup> იხ. მეოთხე წიგნის შენ. 90.

<sup>103</sup> ნეტარი ავგუსტინე კვლავ გადაჭრით უპირისპირდება მანიქეველთა დუალიზმს.

<sup>104</sup> შდრ. იოანე III, 33.

<sup>105</sup> ვერ ვიტყვით, რომ ეს მსჯელობა უზადო იყოს ლოგიკური სიმუსტის თვალსაზრისით.

იგივე ითქმის კეთილი ნების მიმართაც. სასიკეთოა თუ არა - ვეკითხები მანიქველებს, - მოციქულის კითხვითა თუ ფსალმუნთა კეთილხმოვანებით ცკობა? სასიკეთოა თუ არა სახარების განმარტება? პასუხად მესმის: სასიკეთოაო. კი მაგრამ, თუკი ყოველივე ეს არა მარტო ერთდროულად, არამედ ერთნაირადაც გვატკობს, ხომ არ გვიფლეთს სულს ეს ოთხი სხვადასხვა ნება, როდესაც ვცდილობთ იმის გარკვევას, თუ რომელი უნდა ვარჩიოთ? ყოველი მათგანი კეთილია, მაგრამ ერთმანეთს კი ებრძვიან, ვიდრე ერთ-ერთზე არ შეჩერდება არჩევანი, რაც აცხრობს და ამთლიანებს ადამიანის ნებას, მანამდე განწილულს და დანანვერებულს.

ზუსტად ასევე, რაკი მარადისობა უზენაეს ნეტარებას აღგვიქვამს, წარმავალი სიკეთით ცკობის სურვილი კი მიწას გვატაჭვავს, ერთი და იგივე სული ერთიანი, განუყოფელი ნებით როლი მიელტვის ერთსაც და მეორესაც. აქედან მისი საღმობა და ტანჯვა-ვაება: ჭეშმარიტება აიძულებს პირველი ამტობინოს, ჩვეულება კი მეორის მიმართ მიაქცევს.

## XI

25. ასე ვწუხდი, ვშფოთავდი და ვიტანჯებოდი, უწინდელზე უფრო მწარედ ვყვედრიდი ჩემსავე თავს, გამწარებული ვბორგავდი და ვცდილობდი ერთიანად დამეგლიტა ჩემი ხუნდები, რომლებსაც უკვე აღარ შერჩენოდათ ძველი ძალა, თუმცა ჯერ კიდევ მათი მარწუხების ცყვე ვიყავი. შენ კი თავს მადექ, უფალო, ჩემს გულისგულში და შენი მკაცრი გულმონყალებით დაუნდობლად მამათრახებდი შიშისა და სირცხვილის ორმაგი შოლტით, რათა კვლავინდებურად აღარ დამეხია უკან და საბოლოოდ გამეწყვიტა ის გაცვეთილ-გახეხილი თოკი, ჯერ კიდევ მჭიდროდ რომ მეკვროდა გარს, თორემ შეიძლებოდა კვლავაც შეეძინა სიმკვრივე და უწინდელზე მაგრა გავეთანგე.

ასე ვესაუბრებოდი საკუთარ თავს: „ახლა კი დროამ ბარემ მოვრჩეთ და მოვათავოთ!“ ასეთი იყო ჩემი სიცივიერი გადაწყვეტილება, მაგრამ სიცივის საქმედ ქცევას კი ვერ ვახერხებდი, თუმცა ველარც უწინდელი ცხოვრება მითრევდა თავის მორევში: ზედ მორევის პირას მივასვამდი ფეხს, რომ სული მომეთქვა და კვლავ განმეახლებინა ჩემი მცდელობა; თანდათანობით ვუახლოვდებოდი მიზანს და ის იყო, უნდა მომეხელთებინა კიდევ, მაგრამ ირკვეოდა, რომ სულაც არ მივახლებივარ და, ცხადია, ვერც მის მოხელთებას ვახერხებდი, ასე რომ, კვლავაც ვყოყმანობდი და ვერ გადამეცვიტა, სიკვდილით მოვმკვდარიყავი თუ სიცოცხლით მეცოცხლა. უსურვაბივით ჩამწვნოდა უკეთურება, სიკეთე კი ვერასდიდებით ვერ შემეხისხლხორცებინა. და რაც უფრო ახლოვდებოდა ის წამი, როცა სხვად უნდა ვქცეულიყავი, მით მეტად მიპყრობდა შიში, მაგრამ არც უკან ვიხევდი და არც გზიდან გადახვევას ვაპირებდი: გახევებული ვიდექი ერთ ადგილას.



26. მაინც რა იყო, რომ მხოჭავდა და გასაქანს არ მაძლევდა? - უბადრუკობათა უბადრუკობა და ამოებათა ამოება<sup>106</sup>, ჩემი ცხოვრების ეს განუყრელი თანამგზავნი, ჩემს ხორციელ გარსს რომ ჩაჰტრენოდნენ და ჩამურჩულებდნენ: „მაშ, აღარ იშლი, გვცოვებ? იცოდე, ამ წამიდან ჩვენს მიგატოვებთ! ამიერიდან ესა და ეს სამუდამოდ აკრძალული იქნება შენთვის!“ „ესა და ეს“ - ვლუდლუდები მე; სინამდვილეში კი თურმე რას მთავაზობდნენ ისინი, უფალო ღმერთო ჩემო, რას მთავაზობდნენ? მონყალება მოილე და აშორე ყოველივე ეს შენი მორჩილი ნორის სულს! რანაირ სიბილწეს მთავაზობდნენ, რა სიმახინჯეს! თუმცა მე მხოლოდ ცალი ყურით ვუსმენდი მათ, და ისინიც ძველებური თავდაჭერებით კი ველარ მილობავდნენ გზას, არამედ თითქოს ჩემს ზურგს უკან მიმალულიყვნენ, მიხურჩულებდნენ და მალულად მჩქმეგდნენ მიმავალს, რათა უკან მოვებრუნებინეთ. თუმცა მაინც მიჭერდნენ და წინსვლას მიშლიდნენ, მე კი ვაყოვნებდი ხელიდან დაესხლგომოდი მათ, თავიდან მომეშორებინა წყეულნი და ფრთაშესხმული გაჭკრილიყავი იქით, საიდანაც მიხმობდა მბრძანებლური ხმა. ყოვლისმძლე ჩვეულება კი მაცთურივით ჩამძახოდა ყურში: „შენ გგონია, რომ მათ გარემეც გაძლებ?“

27. მაგრამ მის სიგყვებში უკვე აღარ იგრძნობოდა ძველებური რიხი, რადგანაც გაღმა მხარეს, საითკუნაც რახანია მექცია პირი და ცხროიანივით ვცახცახები გადასვლის მოლოდინში, მთელი თავისი სინძინდით, თავისი შეუმღვრეველი სიხარულის მთელი სიცხადით და სიმშვიდით მილიმოდა თავდაჭერილობის ღირსეული და კეთილშობილური ხატება; გულითადი და აღერსიანი იყო მისი მიპატიჟება; დაეჭვება აღარ შეიძლებოდა. წმინდა იყო ჩემსკენ გამონვდილი ხელი, რომ ავეგაცე და გულში ჩავეკარი; წმინდა და სიკეთის ურიცხვი ნიმუშით საესე. ვინს მოსთვლის, რამდენ ყრმას, რამდენ ქალწულს თუ ჭაბუკს, სხვადასხვა ასაკის რამდენ ხალხს, რამდენ ღირსეულ ქვრივს თუ ქალწულებში დაბერებულ მანდილოსანს მოეყარა აქ თავი. ყველას თავდაჭერილობის სინძინდე გადაჰფენოდა, მაგრამ ეს არ იყო უნაყოფო სინძინდე, არამედ ბედნიერი დედა ურიცხვი უმანკო შვილისა<sup>107</sup>, შენ რომ გეჩუქებინა მისთვის, უფალო, შენ - მის მეუღლეს.

დამცინავად მილიმოდა<sup>108</sup>, მაგრამ ამ დაცინვით თითქოს კიდევაც მამხნევებდა და მეუბნებოდა: „ნუთუ გგონია, რომ მართლა ვერ შესძლებ იმას, რაც ამ ხალხმა შესძლო? თუმცა განა მათაც თავისით შესძლეს ეს, და არა ღვთის ძალით? უფალომა ღმერთმა მე მომანდო

<sup>106</sup> შდრ. ეკლესიასტე 1, 2.

<sup>107</sup> შდრ. ფსალმ. 112, 9.

<sup>108</sup> იგულისხმება პერსონიფიკირებული თავდაჭერილობა (Continentia). „აბსტრაქტულ ცნებათა პერსონიფიკაცია უცხო არ ყოფილა ბერძნული მწერილობისათვის (იხ. Egger. Essai sur l'Histoire de la critique chez les Crees, Paris, 1886, p.41); რომაულმა გემონებამაც ადრევე აღიარა და შეითვისა ეს ხერხი. გაისხენეთ განღმრთობილი აბსტრაქტუციები, რაც ესოდენ ხშირია რომაულ რელიგიებში; „ფუფუნებისა“ და „სილატაკის“ დიალოგი პლატონის „ტრინუმუსის“ პროლოგში; ვერგილიუსისეული ჯოჯოხეთის „mala gaudia mentis“ („სულის უკეთური სიხარული“), ვენერას წალკოტის აღწერა კლაუდიანეს „ჰონორიუსისა და მარიამის ქორწინებაში“, სადაც პერსონაჟებად გვევლინებიან „ვერმისხილობა“ (Pallor), მრისხანება (Irae), „თავნებობა“ (Licentia), „ორგულობა“ (Perjuria), „ვენება“ (Voluptas), „ცრემლები“ (Lacrimae), ავრეთვე ქრისტიანულ მწერილობაში - „მოთმინების“ პორტრეტი, როგორც მას გვიხატავს ტერტულიანე („De Patientia“ - „მოთმინებისათვის“, XV) და ამავე უანრის ურიცხვი ტრანსპოზიცია (წმ. კიპრიანე, „De Mortalitate“ - „მოკვდავობისათვის“, IV; ძენონ ვერონელი, I, XIV, 5 ap. Migne, Patrol. lat. XI, 361 და ა.შ. და ა.შ.). - პიერ დე ლაბრიოლის შენიშვნა, იხ. დასახ. გამოც. გვ.198.

ისინი. რას მიყრდნობიხარ შენსავე თავს? კაცი როდია საკუთარი თავის საყრდენი. ნუ გეშინია, თამამად მიჰმართე ღმერთს: ის შეგივრდომებს და განგკურნავს“. სირცხვილი მწვაავდა, რადგან ჯერ კიდევ ყურს ვუგდებდი ამაოებათა ამაოების ჩურჩულს, ვყოყმანობდი და საბოლოო ნაბიჯის გადადგმა ვერ გადამეწყვიტა. და კვლავ ჩამესმა ხმა ყურში, რომელიც მეუბნებოდა: „ყურს ნუ ათხოვებ შენი უწმინდური სხეულის ხმას ამქვეყნად, ყურს ნუ ათხოვებ და ისიც მოკვდება. განცხრომასა და სიტკბოებას აღვითქვამს იგი, მაგრამ არა იმ სჯულისამებრ, რომელიც დაანესა უფალმა ღმერთმა შენმა“. ჩემს გულში იყო ეს ბრძოლა: ჩემს გამო და ჩემს წინააღმდეგ. მთელი ამ ხნის განმავლობაში გვერდიდან არ მომცილებია ალიპიუსი, უსიტყვოდ რომ ელოდა, თუ რითი დამთავრდებოდა ეს ჩემი უჩვეულო მღელვარება.

## XII

28. ხანგრძლივი თქირისა და განსჯის შედეგად იღუმალი სიღრმიდან ამოიზიდა და გონების თვალწინ დამიდგა მთელი ჩემი უბადრუკობა. საშინელი ქარიშხალი, ჩემს სულში რომ მძვინვარებდა, ალბათ სულ მალე საავდრო ღრუბლებს შეჰყრიდა და მღუღარე ცრემლებად გადმოიღვრებოდა თვალებიდან. სიტყვებით რომ ჩამეხმო ეს მძვინვარება, წამოვდექი და ალიპიუსს გავეცალე: ჩემს მაშინდელ მდგომარეობას მარტობა უფრო შეეფერებოდა, რათა სრული გასაქანი მიმეცა ცრემლებისათვის. და მეგობარმაც გამიგო: ეგყობა, რაღაც ვუთხარი და ჩემმა მთრთოლავმა ხმამ ვეღარ შესძლო მოგუღული ქვითინის ჩახშობა. ღიახ, მე წამოვდექი და გავეცალე, გაოგნებული ალიპიუსი კი იმავე ადგილას დარჩა, სადაც ვისხედით. აღარ მახსოვს, როგორ დავემხე რომელიღაც ლელვის ხის ძირას და მწარედ ავგირდი: თვალებიდან ღვარად მდიოდა ცრემლი - შენი სანუკუარი მსხვერპლი, უფალო. იქნებ ამ სიტყვებით არც კი მოგმართავედი მაშინ, მაგრამ ჩემი სათქმელი, აი, ეს იყო: „როდემდის, უფალო, როდემდის შენი რისხვა? ნუ მოიხსენებ ძველ ცოდვებს ჩვენსას!“<sup>109</sup> მაგრამ ვგრძნობდი, რომ მათი გყვე ვიყავი, და სანყალობლად ვვოდებდი: „როდემდის, როდემდის, სულ „ხვალ“ და „ხვალ“?!”<sup>110</sup> კი მაგრამ, რაგომ ახლავე არა? რაგომ ამწამსვე არ მოვეუღებ ბოლოს ამ ჩემს სიბილწეს?“

29. ამას ვამბობდი და მწარედ ვგიროდი, გულით ურვილი. და უცებ მეზობლის სახლიდან მომესმა ხმა, არ ვიცი, პატარა ბიჭისა თუ გოგონასი, რომელიც თითქოს ღიღინით იმეორებდა: „აილე და წაიკითხე! აილე და წაიკითხე!“ მყისვე მეცვალა სახის ფერი და სულგანაბულმა მივაყურადე: ვცდილობდი გამეხსენებინა, რომელიმე თამაშში ხომ არ ღიღინებდნენ ამ სიტყვებს, მაგრამ ამის მსგავსი არასდროს არაფერი მსმენია. ცრემლი

<sup>109</sup> ფსალმ. 6, 4 - ფსალმ. 78, 5; 8.

<sup>110</sup> თავის „ქადაგებებში“ (82, 11, 14) ცოდვილის ყოყმანს („ხვალ - ხვალ“: „cras-cras“) ნეტარი ავგუსტინე ხშირად აღარებს ყვავის ჩხავილს („ყვა-ყვა“): „აჰა, გუებნები შენ: ვიღრე ასე ყვავივით ჩხავიხარ, წარწყმდები კიდეც“.

შევიძრე და წამოვდექი, რადგანაც ეს სიტყვები ღვთის ბრძანებად მივიჩნე; გადამეფურცლა საღმრთო წერილი და წამეკითხა პირველივე თავი, რომელზედაც წიგნი გადაიშლებოდა. აკი ანტონზედაც<sup>111</sup> მსმენოდა, რომ მის მოქცევას სახარების ერთმა ადგილმა შეუნყო ხელი, რომელსაც შემთხვევით ნააწყდა თურმე: „ნადი, გაყიდე, რაც გაბადია, მიეცი გლახაკთ, და გექნება საუნჯე ცაში; და მოდი და გამომყევ მე“<sup>112</sup>. ამ სიტყვებმა დაუყოვნებლივ მოაქციეს იგი შენს მიმართ.

სასწრაფოდ დავბრუნდი იმ ადგილას, სადაც იჯდა ალიპიუსი. წამოსვლისას მოციქულის ეპისტოლე დავტოვე იქ. ავიღე, გადავფურცლე და ჩუმად წავიკითხე პირველი თავი, რომელზედაც წიგნი გადაიშალა: „არა ღორმუცელობითა და სიმთვრალით, არა სიმრუშითა და სიბილწით, არა შუღლითა და შურით, არამედ შეიმოსეთ უფალი იესო ქრისტე და ხორცისათვის ზრუნვას ნუ აქცევთ ავხორცობად“<sup>113</sup>. კითხვის გაგრძელება აღარ ვისურვე, თუმცა არც იყო საჭირო: გულში ნათელი ჩამიდგა და სიმშვიდემ დაისადგურა; განქარდა ჩემი ეჭვის წყვილიაღი.

ფრჩხილით თუ რალაც სხვა ნიშნით ჩავინიშნე ეს ადგილი, წიგნი დავხურე და სავსებით მშვიდად ავუხსენი ყველაფერი ალიპიუსს. მან კი, თავის მხრივ, ასევე მშვიდად გამიმელანა, რა ამბავიც იყო მის თავს. პირველად მესმოდა ეს. მითხრა, მიჩვენე, რაც წაიკითხეო. მეც ვუჩვენე და მან განაგრძო კითხვა. ჩემთვის უცნობი იყო ეს გაგრძელება: „შეინყნარეთ რწმენით უძღურნი“<sup>114</sup>. ალიპიუსმა თავის თავზე მიიღო ეს სიტყვები და კიდევაც გამანდო თავისი ვარაუდი. ამნაირი შეგონებით განმტკიცებულმა ყოველგვარი მღელვარებისა და ყოყმანის გარეშე მიიღო სასიკეთო გადაწყვეტილება, მისი ზნეობრივი სიტუაციის შესაბამისად, ხოლო ამ მხრივ ის რა ხანია გაცილებით მაღლა იდგა ჩემზე.

დაუყოვნებლივ მივედი დედაჩემთან და ყველაფერი ვაუწყეთ. საბრალო ქალი ცას ეწია სიხარულით. ვუამბეთ, როგორ მოხდა ეს. დედაჩემს სამოთხის კარი გაეღო და გულმხურვალე მაღლი გიძღვნა, უფალო ჩემო, „ვისაც განუზომლად მეცის ქმნა ძალგის, ვიდრე ჩვენ გთხოვთ, ანდა ვიაზრებთ“<sup>115</sup>. მან დაინახა, რომ ჩემი სახით გაცილებით მეტი მიიღო, ვიდრე თვითონვე ელოდა, როცა მწარე გმინვითა და ცრემლების ფრქვევით შეგთხოვდა ჩემს შეწყალებას. შენს მიმართ მიმაქციე, უფალო: აღარც ცოლის შერთვა მინდოდა და აღარც რისიმე იმედი მქონდა ამ ქვეყნად. მტკიცედ დავადექი იმ რწმენას, რომლითაც მოსილი დიდი ხნის წინათ უჩვენე მას ჩემი თავი და „სიხარულად უქციე გლოვა“<sup>116</sup>, გაცილებით უფრო დიდ სიხარულად, ვიდრე ამის იმედი ჰქონდა; დიახ, ეს იყო

<sup>111</sup> იგულისხმება წმ. ანტონი დიდი ეგვიპტელი, - იხ. ქვე, შენ. 74.

<sup>112</sup> მათე XIX, 21.

<sup>113</sup> რომ. XIII, 13-14.

<sup>114</sup> რომ. XIV, 1.

<sup>115</sup> ეფეს. III, 20.

<sup>116</sup> ფსალმ. 29, 12.

უფრო წმინდა და უმანკო სიხარული, ვიდრე ის მოელოდა თავისი შეილიშვილების - ჩემი ხორციელი შვილებისაგან.

## წიგნი მეცხრე

### I

1. ო, უფალო, მე ვარ მონა შენი, დიას, მონა შენი და ძე შენი მხევლისა. შენ შემუსრე ჩემი ბორკილი. შენ შემოგწირავ მსხვერპლს ქებისას<sup>1</sup>. დაე, გაქოს გულმა ჩემმა და ენამ ჩემმა, „დაე, თქვას ყოველმა ძვალმა ჩემმა: „უფალო, ვინ არის შენი მსგავსი?“<sup>2</sup> დაე, თქვას, შენ კი მიპასუხე და „მიუგე ჩემს სულს: მე ვარ ხსნა შენი“<sup>3</sup>.

ვინ ვიყავი, ან რა ვიყავი? რანაირ პრობლემას არ იტყვდა ჩემი საქმე? საქმე თუ არა, სიგყვა; სიგყვა თუ არა, ნება მაინც? მაგრამ შენ, უფალო, მონყალო და სახიერო, ჩახედე ჩემი სიკვდილის უფსკრულს და ჩემი გულის სიღრმიდან შენი მარჯვენით ამოძირკვე უწმინდურების შმახნარი. ხოლო ეს იმას მოასწავებდა, რომ ამიერიდან მთელის არსებით ის კი აღარ უნდა მესურვა, რაც თვითონ მსურდა, არამედ ის, რაც გსურდა შენ<sup>4</sup>.

მაგრამ სად იყო ამდენი ხნის მანძილზე ჩემი თავისუფალი ნება, ან რომელი უძირო და თარული უფსკრულიდან გამოიხმე იგი ერთ ნაშში<sup>5</sup>, უცებ რაოდენ საამური შეიქნა ჩემთვის დამხშოდა ყველა მინიერი სიამის კარი! რაც უფრო მეტად მაშინებდა ის ნამი, მით მეტ სიხარულს მგვრიდა ახლა.<sup>6</sup>

შენ განდევნე ჩემგან ამქვეყნიურ სიამეთა ყველა სურვილი, ო, ჭეშმარიტო და უბნაესო სიტკბობებზე<sup>7</sup>; დიას, შენ განდევნე ისინი, რათა თვითონ დაგეკავებინა მათი ადგილი, ყოველგვარ სიტკბობებზე უტკბესო<sup>8</sup>, მაგრამ არა სისხლისა და ხორცისათვის; ყოველგვარ ნათელზე უნათლესო, მაგრამ ყოველგვარ იღუმალებზე უიღუმალესო; ყოველგვარ პატივზე

<sup>1</sup> ფსალმ. 115, 7-8.

<sup>2</sup> ფსალმ. 34, 10.

<sup>3</sup> ფსალმ. 34, 3.

<sup>4</sup> შდრ. მათე, XXVI, 39.

<sup>5</sup> ნეტარი ავგუსტინეს მიხედვით, მაღლი კი არ აუქმებს თავისუფალ ნებას, არამედ ალაღვენს მას: „მაღლი კურნავს ნებას“ („სულისა და ასოსათვის“, 30, 52).

<sup>6</sup> იბ. მათე XI, 30.

<sup>7</sup> ფსალმ. 18, 15... ესაა ერთადერთი ადგილი, სადაც ნეტარი ავგუსტინე უშუალოდ მიმართავს ქრისტეს.

<sup>8</sup> სიყვარული წარმავლის მიმართ შეიძლება სძლიო მხოლოდ მას შემდეგ, რაც იგემებ მარადისობის სიტკბობებს“ (ნეტარი ავგუსტინე, „მუსიკისათვის“, 6,16)... შდრ. პასკალი, ვისი აზრითაც, ჩვენში, ყოველმხრივ სასრულსა და მსწრაფლწარმავალ არსებებში, არის რაღაც უსასრულო, კერძოდ, ბედნიერების შმაგი წყურვილი, და არ არსებობს ამ ქვეყნად ძალა, რომელიც შესძლებს ეს სურვილი ჩაახშომ ჩვენში, ისევე, როგორც არ არსებობს ამქვეყნიურ სინამდვილეში მისი დაცხრომის არავითარი საშუალება: „მაგრამ რას მოწმობს ბედნიერების ეს შმაგი წყურვილი და მისი დაცხრომის შეუძლებლობა, თუ არა იმას, რომ ადამიანი ოდესღაც ჭეშმარიტად ბედნიერი იყო, და რომ ამ ბედნიერების სახსოვრად მას დარჩა მხოლოდ ლიტონი სურვილი, აღუესებელი სანყაული, რომლის ავსებასაც ამაოდ ცდილობს ყოველივე იმით, რაზედაც ხელი მიუწვდება, რაც გარს არტყია, მაგრამ რაკი ხელმისაწვდომი არ აკმაყოფილებს, რაკი მიღწეულით ვერ იკლავს წყურვილს, ხარბად მიელტვის მიუღწეველს თუ მიუწვდომელს, და კვლავ უშედეგოდ, და კვლავ ამაოდ, ვინაიდან უსასრულო სიყვარულის ავსება შეიძლება მხოლოდ რაღაც უსასრულოთი და უცვლელით, ესე იგი, ღმერთით.

მხოლოდ მასშია ჩვენი ჭეშმარიტი სიკეთე, მაგრამ ვაი რომ დავკარგეთ ის, და მას მერე ამაოდ ვეძებთ მის მაგიერს, ამაოდ ვცდილობთ რაიმეთი შევცვალოთ იგი... ჭეშმარიტი სიკეთის დაკარგვი შემდეგ ადამიანს შეიძლება ყველაფერი სიკეთედ მოეჩვენოს, ასე განსაჯეთ, საკუთარი თვითმოსპობაც და თვითგანადგურებაც. თუმცა არაფერი ასერიგად არ ეწინააღმდეგება ღმერთს, გონებას, სამყაროს, ბუნებას“ (ბლევ პასკალი, აზრები, თბ. 1981, გვ. 281-282).



უზენაესო, მაგრამ არა პატივმოყვარეთა და მზავობართათვის. ჩემი სული უკვე თავისუფალი იყო ურიცხვი მტანჯველი საზრუნავისგან: აღარც პატივმოყვარეობა, აღარც ანგარება, აღარც სამარცხვინო თავდამცირება ბილწ გულისთქმათა დასაკმაყოფილებლად. მე მხოლოდ შენ გესიტყვებოდი, ნათელი ჩემო, სიუხვეო ჩემო, ხსნავ ჩემო, უფალო ღმერთო ჩემო.

## II

2. მე გადავწყვიტე, შენი მზერის წინაშე, ერთბაშად კი არ მიმენებებინა თავი სამსახურისთვის, არამედ თანდათანობით ჩამოვშორებოდი ამ სალაყბოს, ლაქლაქის ხელოვნების ამ ნამდვილ ბაზარს<sup>9</sup>, რადგან არ მინდოდა, რომ ჭაბუკებს, რომლებიც არას დაგიდევნ არც შენს სჯულსა და არც შენს მშვიდობას, არამედ სიმშაგით ცნობამიხდილთ თორუმის ბრძოლებზე ელევათ სული, კვლავინდებურად ეყიდათ ჩემგან თავიანთი სიძლევის საჭურველი<sup>10</sup>.

საბედნიეროდ, საშემოდგომო არდადეგებამდე<sup>11</sup> სულ ცოტა დროლა იყო დარჩენილი; მე გადავწყვიტე ამ ცოცხასთვისაც გამეძლო და ჩვეულებრივ გაესულიყავი შევბუღებაში, მაგრამ გასაყიდი მონასავით აღარასოდეს დავბრუნებულყავი უკან: მე ხომ შენს მიერ ვიყავი გამოსხნილი და გამოსყიდული.

ჩვენი გადაწყვეტილება მხოლოდ შენ გაუნყეთ, უფალო, კაცთაგან კი არავის გავნდობივართ, გარდა ჩვენი გულითადი მეგობრებისა. ერთმანეთს სიცივა მივეცით, კრინტიც არ დაგვეძრა ამაზე, თუმცაღა „გოდების გაფობიდან“<sup>12</sup> მომავალთ „აღსავლის საგალობსლი“<sup>13</sup> გალობით შენ გვიბოძე „ბასრი ისრები და მღვივანი ნაკვერცხლები“<sup>14</sup> „ცრუ ბაგეთა და მზაკვარი ენის“<sup>15</sup> დასაშანთავად, ენსია, ჭიუტად რომ ეურჩება კეთილს და ვითომ სიკეთის სიყვარულით ისე ნთქაშს იმავ სიკეთეს, როგორც ჩვეულ საზრდოს.

3. შენ განწონე ჩვენი გული შენი სიყვარულის ისრით და შიგ ჩარჩა შენი სიცივები, რომლებიც ავსებდნენ მთელ ჩვენ არსებას. ჩვენ შევკრიბეთ ყველა მისაბაძი ნიმუში, რომლებსაც გვთავაზობდნენ შენი მსახურნი<sup>16</sup>, სიბნელიდან სინათლედ რომ მოგვექცია და სიკვდილიდან სიცოცხლედ, - და მათზე ფიქრით ვათენ-ვალამებდით. მათი მაგალითი გვწავდა, გვდალავდა, ახლობდა ჩვენი უგრძნობლობის ყინულს, რომლის სიმძიმესაც შეეძლო სიმდაბლის უფსრულში გადავეჩხეთ, და ისეთნაირად აღგვაგზნებდა, რომ „მზაკვარი

<sup>9</sup> ნეტარი ავგუსტინე რიტორიკულ სკოლას გულისხმობს.

<sup>10</sup> ე.ი. მჭევრმეტყველების ხელოვნება.

<sup>11</sup> ეს არდადეგები 15 აგვისტოდან 22 ოქტომბრამდე გრძელდებოდა.

<sup>12</sup> ფსალმ. 83, 7.

<sup>13</sup> ასე იწოდება ფსალმ. 119-133.

<sup>14</sup> ფსალმ. 119, 4.

<sup>15</sup> ფსალმ. 119, 2.

<sup>16</sup> ზოგიერთი მათგანის შესახებ იხ. მეშვიდე წიგნის შენ. 77.

ენის<sup>17</sup> რაგრაგით ატეხილი სიურჩის ქარი კი ვერ აქრობდა, პირიქით, უფრო ამძაფრებდა ჩვენს სურვილს.

მაგრამ რაკი შენი სახელი ნათლის ელვარებად მოჰყენოდა ქვეყნიერებას, ჩვენს ზრახვასა და აღთქმას შეიძლებოდა მათი მაქებარნიც გამოსჩენოდა. მე კი უკადრისად მიმაჩნდა არ დავლოდებოდი კარს მომდგარ არდადეგებს და ნაუცბათევად მიმეტოვებინა ჩემი ადგილი, რომელიც ყველას თვანლინა ჰქონდა. რას იგყოფა ხალხი? - იმიტომ დაასწრო რთვლობას<sup>18</sup>, რომ საყოველთაო ყურადღების მიპყრობა და თავის განდიდება სურსო. რას მარგებდა, ხალხი რომ ასე აყაყანებულებოდა, ჩემს სულში დაენყო ქექვა და „ეგმო ჩემი სიკეთე“<sup>19</sup>.

4. ამას ზედ ისიც დაერთო, რომ იმ ბათხულს, სკოლაში დაძაბული მუშაობისაგან თილტვეები დამიავადდა. სუნთქვა მიჭირდა, ხოლო ტკივილები მკერდის არესი იმას მონძობდა, რომ შიგ სენი ჩაბუდებულიყო; ხმა ყრუ და ჩახლიჩილი გამიხდა<sup>20</sup>. თავდაპირველად ამ ამბავმა ძალბე შემაძფოთა: ცოტაც და, იძულებული ვიქნებოდი ხელი ამელო მასწავლებლობაზე, ან დროებით მაინც შემენყვიგა ეს საქმიანობა, ვიდრე მოემტობინდებოდი. მაგრამ როგორც კი ჩემს სულში თავი იჩინა და მტკიცედ დამეუფლა იმის სურვილი, რომ „გავთავისუფლებულიყავი და მეხილა, რადგანაც შენ უფალი ხარ“<sup>21</sup>, - მართალი გითხრა, ღმერთო ჩემო, სიხარულიც კი ვიგრძენი, რომ ესოდენ საპატიო მიზეზი მომეცა თავის გასამარ-თლებლად, რასაც უნდა შეერბილებინა მშობლების წყენა, რომლებიც, თავიანთი შვილების გამო, არასდიდებით არ დამრთავდნენ სკოლიდან წასვლის ნებას.

ამ სიხარულით აღსავსემ გადაწყვიტე ცოტაც გამეძლო - არდადეგებამდე სულ ოციოდე დღე თუღა რჩებოდა, - მაგრამ ვაი ამ გაძლებას: ჩემში უკვე აღარ იყო ის მონძომება, რისი წყალობითაც თავს ვართმევდი ამ ჭაპანწყევტას, და მოთმინებას რომ არ შეეცვალა იგი, ეს მძიმე ტვირთი ნამდვილად წელში გამწყვეტდა.

შესაძლოა, რომელიმე შენმა მსახურმა, ერთ-ერთმა ჩემმა ძმათაგანმა თქვას, რომ ვცოდე, რაკიღა თუნდაც ერთი საათით დავრჩი სიცრუის ამ კათედრაზე, მაშინ როდესაც ჩემი გული სავესე იყო შენი მსახურების სურვილით. არათერს ვიტყვი პასუხად. მაგრამ განა შენ, გულმონყალე უფალო ჩემო, სხვა, უფრო მძიმე და მომაკვდინებელ ცოდვებთან ერთად არ მომიტყვევ ეს შეცოდებაც, შენი წმინდა წყლით რომ განმბანე?!<sup>22</sup>

<sup>17</sup> იხ. აქვე შენ. 15.

<sup>18</sup> რთვლობა სწორედ ზემოხსენებულ არდადეგებს ემთხვეოდა (იხ. აქვე, შენ. 11).

<sup>19</sup> რომ. XIV, 16.

<sup>20</sup> „ექიმმა ლეგევიმ სცადა დაედგინა ავგუსტინეს ავადმყოფობა. მისი აზრით, ეს არამც და არამც არ შეიძლებოდა თილტვეებისა თუ ყელის ტუბერკულოზი ყოფილიყო, არამედ, უმალ, ქრონიკული ბრონქიტი, ლარიგიტიოთა თუ ტრაქეიტიოთ ვართულებული (B.Legewie. Die Körperliche Konstitution und die Krankheiten Augustins. Miscelanea Agostiniana. Roma. 1931, t.II, p.19-20)“. - რუს. თარგმანის შენ. იხ. დასახ. გამოც. გვ. 250.

<sup>21</sup> ფსალმ. 45, 11.

<sup>22</sup> იგულისხმება ნათლისღება.

III

5. ჩვენი ბედნიერების შემყურე ვერეკუნდუსი ჭმუნავდა და იგანჯებოდა, რადგანაც ხედავდა, რომ ამქვეყნიური ცხოვრების ბორკილი, რომელსაც მაგრად გაეთანგა იგი, სულ მალე აიძულებდა ჩვენს ჯგუფს ჩამოშორებოდა: თვითონ ქრისტიანი არ იყო, მაგრამ ქრისტიანი ქალი შეირთო ცოლად და ყველაზე მეტად სწორედ ეს უშლიდა ხელს ჩვენს გზას დასდგომოდა, რადგანაც ქრისტეს სჯულზე მოქცევა მხოლოდ იმ პირობით სურდა, რისი შესრულებაც შეუძლებელი იყო<sup>23</sup>.

და მაინც, კეთილმოსურნედ შემოგვთავაზა, რამდენსაც მოვისურვებდით, იმდენი ხანი დაგვეყო მის მამულში. შენ მიაგებ კუთვნილს, უფალო, როცა მოაწევს მართალთა აღდგომის ჟამი; თუმცა უკვე მიაგე მას, რადგანაც, მართალია, ჩვენი წამოსვლის შემდეგ (როცა უკვე რომში ვიყავით), მძიმე ავადმყოფობისას ქრისტეს სჯული მიიღო და ასე დაუტევა ეს ქვეყანა. ამით მარტო ის კი არა, ჩვენც შეგვიწყალე, რაკილა აუტანელ გვივიღს აღარ მოგვაყენებს იმის შეგნება, რომ თავისი უჩვეულო სიკეთით გამორჩეულამ ჩვენს მეგობარს ადგილი არა აქვს შენს სამწყსოში.

მადლობას გწირავთ, ღმერთო ჩვემო. შენი ვართ ჩვენ. ამას მონშობს შენი შეგონება და შენი ნუგეში. შენივე აღთქმის ერთგულმა კასიციაკუმში<sup>24</sup> მდებარე მისი პატარა მამულის სანაცვლოდ, სადაც იმ ზათხულს შენს წიაღში განვერიდეთ ამა სოფლის ყველა საზრუნავს, მარად მოლაღანე სამოთხის - ამ უკვდავი მამულის მშვენიერება უბოძე მას, რაკილა შეუნდე მინიერი ცოდვები „ამ პოხიერ მთაზე, შენს მთაზე, სიუხვის მთაზე“<sup>25</sup>.

6. მაგრამ მაშინ ის სევდას შეეპყრო, ნებრიდიუსი კი ჩვენთან ერთად ხარობდა. მართალია, ჯერ არც ის იყო ქრისტიანი და ოდესღაც ყველაზე საშინელი ცთომილების ხაროში ჩავარდნილიყო (შენი ძის ჭეშმარიტ სხეულს თანგასმად თვლიდა<sup>26</sup>), მაგრამ უკვე თავი დაეღწია მისთვის, და თუმცა ჯერ კიდევ არ ზიარებოდა შენი ეკლესიის საიდუმლოებებს, მაინც გულმხურვალედ დაეძებდა ჭეშმარიტებას, ჩვენი მოქცევისა და შენი ნათლისღებით ჩვენივე ხელახლა შობის შემდეგ სულ მალე განუტევე მისი სული სხეულისაგან, ამ ღროისათვის ის უკვე ჭეშმარიტი კათოლიკე იყო და სრული სინშინდითა და კრძალულებით გემსახურებოდა თავის მშობლიურ აფრიკაში; და ნებრიდიუსის მთელი სახლეულიც მისი მეოხებით მიიქცა ქრისტეს მიმართ.

<sup>23</sup> ვერეკუნდუსს არ შეეძლო თავის ქრისტიან მეუღლეს გაჰყროდა, ქრისტიანობის მიღება კი, ცოლიანს, შეუძლებლად ეჩვენებოდა. ასეთი იყო ნეტარი ავგუსტინეს ეპოქის ასკეტური იდეალის ერთი კერძო ასპექტი.

<sup>24</sup> ვერეკუნდუსის მამულს - კასიციაკუმს დიდხანს ეძებდნენ მილანის შემოგარენში. ფრანგი მეცნიერი ლუი ბერტრანი მას მილანიდან 33 კმ-ით დაშორებულ სოფელთან კასავო დი ბრიანცასთან აიგივეს, ზოგიერთი მკვლევარის აზრით კი ეს უნდა იყოს ლომბარდიის სოფელი კაშაზო, რომელიც მილანიდან 65 კმ-ითაა დაშორებული.

<sup>25</sup> ფსალმ. 67, 16-17.

<sup>26</sup> ე.ი. მანიქეველთა მოძღვრებას იზიარებდა.

ახლა კი განისვენებს იგი „ნიალსა შინა აბრაამისა“, რა უნდა ვიგულისხმოდ ამ სიტყვაში? მაინც რას ნიშნავს ეს „ნიალი“?27 იქ ცხოვრობს ჩვენი ნებრიდიუსი, უძვირფასესი მეგობარი ჩემი, ოდესღაც აბაგყოფილი28, ხოლო ან შენი შეილობილი; დიას, ახლა იქ ცხოვრობს იგი. ან კი სხვაგან სად უნდა იყოს ამბაირი სულის საგანე? იქ ცხოვრობს, ამ სანუკუარ ადგილას, რომელზედაც ამდენს მეკითხებოდა უბადურკ უვიცს. ახლა ჩემს ბაგეს როდი მოაპყრობს ყურს, არამედ თავისი სულიერი ბავით დასწაფებია შენს მინდა წყაროს და უსასრულო ნეტარებაში დანთქმული სვამს იმდენს, რამდენიც შეუძლია, შენი ღვთაებრივი სიბრძნის სიტკბოს. არა მგონია, იმდენად გაებრუებინოს ამ ნეტარებას, რომ საბოლოოდ დავევიწყებინე: შენ ხომ გახსოვარ, უფალო, წყურვილს რომ უკლავ მას.

ასე ვცხოვრობდით და ვანუგეშებდით ჩვენი მოქცევით დამწუხრებულ, მაგრამ კვლავაც მეგობრობის ერთგულ ვერეკუნდუსს; შევაგონებდით, იმდენად მაინც მიელო ჭეშმარიტი რწმენის ნათელი, რამდენადაც ამის საშუალებას აძლევდა მისი იმჟამინდელი მდგომარეობა, ესე იგი, ცოლქმრული ცხოვრება. იმავედროულად, მოთმინებით ველოდით იმ წუთს, როცა ნებრიდიუსიც ჩვენს გზას დაადგებოდა. საამისოდ ისიც მზად იყო, მაგრამ ამასობაში არდადევების დღეებაც მიიწურა. უსაშველოდ გაიჭიმა და გაჭიანურდა ჩემთვის ეს დრო; მე კი თავისუფლება და მოცალეობა მწყუროდა, რათა მთელის არსებით მეგალობა შენთვის: „შენ გეუბნება ჩემი გული: შენს სახეს ვეძებდი, და კვლავაც მოვძებნი, უფალო“29.

IV

7. და აი, დადგა დღე, როცა საბოლოოდ გაუთავისუფლდი რიგორიკის მასწავლებლობისაგან, რისგანაც უკვე დიდი ხანია თავისუფალი ვიყავი ჩემი ბრახვით. შენ განაშორე ჩემი ენა იმას, რასაც მანამდე უკვე განშორებოდა ჩემი გული. მადლს გწირავდი და მიხაროდა, რომ ჩემიანებთან ერთად30 მივემგზავრებოდი სოფელში.

იქ კვლავ წერას მიყვავი ხელი: მართალია, ჩემი წიგნებით შენ გემსახურებოდი, უფალო, მაგრამ მათში ჯერ კიდევ იგრძნობოდა სკოლის მასწავლებლისათვის ნიშნული ამპარგანება, - ასე სუნთქავენ მორბენლები, როცა სულის მოსათქმელად შეჩერდებიან ხოლმე, - რაც ნათლად ჩანს ჩემს დიალოგებში31, სადაც გვერდით მყოფ მეგობრებს

27 ნეტარი ავგუსტინეს წერილები (164, 7-8, 187, 6 და სხვ.) გვიჩვენებენ, როგორ ყოყმანობდა იგი ამ გამოთქმის ჭეშმარიტი აზრის დადგენისას. ასეა თუ ისე, მისი განმარტებით, ესაა მართალთა ნეტარების ადგილი, სადაც სული ქრისტეს პირისპირ ჭვრეტით ხარობს.  
 28 ე.ი. მანიქეველთა ერესისაგან თავდახსნილი.  
 29 ფსალმ. 26, 8.  
 30 ესენი იყვნენ - ნეტარი ავგუსტინეს დედა მონიკა, ძმა ნავიგიუსი, ვაჟიშვილი ადოლდატუსი, ბიძაშვილები - ლანტიდიანე და რუსტიკუსი, მეგობარი ალიპისუი, მონაფეები - ლიკენციუსი, რომანიანეს (იხ. მეოთხე წიგნის შენ. 43) ძე და თავასტელი ტრივეციუსი.  
 31 იგულისხმება ვერეკუნდუსის მომხიბლავ მამულში გასიცაკუმში 386 წელს (ე.ი. ნათლისღებამდე ერთი წლით ადრე) დაწერილი დიალოგები: „აკადემიკოსთა წინააღმდეგ“ („Contra academicos“), „ნეტარი ცხოვრებისათვის“ („De vita beata“), „წესრიგისათვის (De ordine,“), რომლებშიაც, ნეტარი ავგუსტინეს შემოქმედების მკვლევართა ერთსულოვანი აღიარებით, გაცილებით უფრო ძალუმაღ იგრძნობა ანტიკური ფილოსოფიის გავლენა (პლატონი, ნეოპლატონიკოსები, ციცერონი), ვიდრე ქრისტიანული სულისკვეთება.

უებაეჭრები, ისევე, როგორც ჩემსავე საუბრებში საკუთარ თავთან<sup>32</sup>, რისი მონმეც შენ ხარ, უფალო, და ნებრიდისუსისათვის გაგზავნილ წერილებშიაც<sup>33</sup>.

მეყოფა კია დრო საიმისოდ, რომ გავიხსენო ყოველივე ის, რაც უშურველად მიწყალობე იმხანად? მე ხომ ერთი სული მაქვს, კიდევ უფრო მთავარსა და არსებითზე გადავიდე. მოგონება ჩემს თავსვე გამომახმობინებს წარსულიდან, და არა არის რა ჩემთვის იმაზე უტკბესი, ვიდრე ვაღიარო, რა ფარული სანერგლით მოღრკიე ჩემი სული, რანაირად დაამდაბლე ჩემი ზრახვების ყოველი „მთა და ბორცვი“, „გაასწორე მრუდი“ და ვაკედ აქციე ფლაგე<sup>34</sup>, ან როგორ დაუმორჩილე ჩემი გულისმიერი ძმა ალიპიუსი შენი მხოლოდმოხილი ძის - „ჩვენი უფლისა და მაცხოვრის იესო ქრისტეს“<sup>35</sup> სახელს, რომელსაც უნინ ზიზღით უარყოფდა იგი და ჩვენს ნანერგებში მისი ხსენებაც არ უნდოდა, რადგანაც ერჩია უფლის მიერ დამხობილ სასკოლო კედართა<sup>36</sup> სურნელით ყოფილიყვენ ისინი გაჟღენთილნი, ვიდრე საეკლესიო ბალახთა ნელსურნელებით, გველის ნაკბენისაგან რომ კურნავენ კაცს<sup>37</sup>.

8. ასე გიხმობდი, ღმერთო ჩემო, დავითის ფსალმუნების, რწმენის ამ საგალობლების კითხვისას, ღვთისმოსაობით რომ არიან აღსავსენი და სიახლოვეს არ იკარებენ ზვაობის სულს! მე, ახალბედა შენს წმიდა სიყვარულში, კაცეხუმენი, ასევე კაცეხუმენ ალიპიუსთან ერთად, სოფელში ვისვენებდი. ჩვენთან იყო დედაჩემი, ვის სულშიაც ერთმანეთს ერწყმოდა ქალური სათნოება და მამაკაცური რწმენა, სიბერისათვის ნიშნეული სიცხადე და დედობრივი სიყვარული, ისევე, როგორც ქრისტიანული ღვთისმომშიშება.

როგორ გიხმობდი ამ ფსალმუნებით! რანაირ სიყვარულს ალაგზნებდნენ ისინი ჩემში! როგორი სურვილი მწვაავდა, თუკი შევძლებდი, მთელი ქვეყნიერებისათვის წამეკითხა ისინი, რათა ამრიგად შემემუსრა კაცთა მოდგმის ამპარტავნება!<sup>38</sup> მაგრამ აკი მათ მთელი დედამიწის ზურგზე გალობენ კიდევ, და „ვერაფინ ეძალეა შენს მცხუნვარებას“<sup>39</sup>.

<sup>32</sup> იგულისხმება ნეტარი ავგუსტინეს „საუბრები საკუთარ თავთან“, ანუ „მონოლოგები“ („Soliloquia“, 387 წ.), სადაც, ისევე როგორც ზემოხსენებულ დიალოგებში, იმდენად მკვეთრია კონტრასტი, ერთის მხრივ, ამ თხზულებების მკაფიოდ გამოკვეთილ პლატონიზმსა და, მეორეს მხრივ, „აღსარებათა“ ქრისტიანულ რიგორიზმს შორის, რომ გასული საუკუნის ცნობილი ფრანგი მეცნიერი გასტონ ბუასიე თავის გამოკვლევაში „წარმართობის დამხობა“ პირდაპირ სვამს კითხვას: მაინც რომელია ნამდვილი ავგუსტინე - „აღსარებათა“ მონანიე ცოდვილი თუ დიალოგების პლატონისტი ფილოსოფოსი? ბუასიეს მტკიცებით, - ერთიცა და მეორეც, მაგრამ დიალოგებში ის თავის თავს გვიჩვენებს როგორც ფილოსოფოსს, მაშინ როდესაც „აღსარებებში“ გულმხურვალე მორწმუნედ წარმოგვიჩინდება.

<sup>33</sup> ნებრიდისუსთან ვრცელი მიმონერიდან უმნიშვნელო ნაშთიღა შემოგვრჩა („წერილები“, 5, 6, 8).

<sup>34</sup> ლუკა, III, 5; ესაია, XL, 4.

<sup>35</sup> II პეტრე, III, 18.

<sup>36</sup> ფსალმ. 28, 5.

<sup>37</sup> „სამედიცინო მეტაფორათა სიუხვე ნიშნეულია პირველი საუკუნეების ქრისტიანული მწერლობის სტილისათვი. იხ. Harnack, Medicinisches aus der aeltesten Kirchengeschichte, - Texte und Untersuchungen, VII, 4 (1892). Stanley Pearse, - Harvard Studies in Classical Philology, t. XXV (1914), p. 73-86; Moncaux, - Comptes-rendus de l'acad. des Inscr. 1920, p. 75“. - პიერ დე ლაბრილის შენიშვნა; იხ. დასახ. გამოც. გვ. 215.

<sup>38</sup> ნეტარ ავგუსტინეს მთელი სიცოცხლის მანძილზე თან გაჰყვა ფსალმუნების გულმხურვალე სიყვარული, რასაც თვალნათლივ გვიმონწმებს „აღსარებათა“ ტექსტი, სადაც დავითის საგალობლები უფრო ხშირადაა ციტირებული, ვიდრე ნებისმიერი სხვა ძეგლი, „ახალი აღთქმის“ გამოკლებით. ამასვე მონშობს ფსალმუნების ნეტარი ავგუსტინესეული განმარტებები („Ennarationes in Psalmos“), 391 წლიდან სიცოცხლის დამლევაამდე რომ წერდა იგი.

<sup>39</sup> ფსალმ. 18, 7.



რა მწვავე და მძაფრი გვიფილი მიპყრობდა ხოლმე მანიქველები გახსენებისას, თუმცა კვლავინდებურად მებრალეობდნენ ისინი, რადგანაც არ იციან ჩვენი საიდუმლონი, ეს უებარი წამლები<sup>40</sup>, თავიანთი უგუნურებით უარყოფენ მათ და არ სურთ განიხმინდონ გონება. ნეგაჲ აქ სადმე გვერდით მყოლოდნენ, მე კი არ მცოდნოდა, რომ გვერდითა მყვანან: დაე, სახეში შემოეხედათ და მოესმინათ ჩემი ღაღადისი, როცა მოცალეობისას მეთოხე ფსალმუნს ვკითხულობდი: „მე გიხნე და შენც მისმინე, ჩემი სიმართლის ღმერთო; ვიტანჯებოდი და მომიფონე. შემინყალე, უფალო, და შეისმინე ჩემი ვედრება“<sup>41</sup>; დაე, მოესმინათ, მე კი აზრადაც არ მომსვლოდა, რომ ვინმე მისმენს, რათა არ ჰგონებოდათ, მე კი აზრადაც არ მომსვლოდა, რომ ვინმე მისმენს, რათა არ ჰგონებოდათ, თითქოს მათი გულისთვის ვამბობდი იმას, რასაც ამ სიგყვებში ვგულისხმობდი. და მართლაც, ვერც ამას ვიცოდი და ვერც ასე შევძლებდი თქმას, თუკი მეცოდინებოდა, რომ ისინი მხედავდნენ და მისმენდნენ მე, თუმცა, კიდევაც რომ მეთქვა, ვერასდიდებით ისე ვერ აღიქვამდნენ ჩემს სიგყვებს, როგორც იმ შემთხვევაში, როცა ვეცდებოდი ჩემით, ჩემთვისვე და შენი სახის წინაშე ჭეშმარიტი სიყვარულით გადამეშალა გული.

9. შიშით ვთრთოდი და, იმავდროულად, შენი მონყალების სასოებითაც ვხარობდი<sup>42</sup>, აღტაცებული ამის გამო, მამაო ჩემო. და ყოველივე ამას ამჟღავნებდნენ ჩემი ხმა და ჩემი თვალები, როცა შენი კეთილი სული, ჩვენდამი მოქცეული, გვეუბნებოდა: „ძენო კაცთანო, რატომა ხართ გულფიცხელნი? რად გიყვართ ამაოება და ეძებთ სიცრუეს?“<sup>43</sup> მე კი მიყვარდა ამაოება და ვეძებდი სიცრუეს. ხოლო შენ, უფალო, უკვე „განადიდე შენი წმიდა“<sup>44</sup>, „მკვდრეთით აღადგინე იგი, და მხარმაჯვნივ დაისვი ზეცას“<sup>45</sup>, რათა აღესრულებინა თავისი აღთქმა და ზეცით მოევილინა „ნუგეშისმცემელი, ჭეშმარიტების სული“<sup>46</sup>. და მოაცლინა კიდევაც იგი, მაგრამ მე არ ვიცოდი ეს. დიახ, მოავლინა კიდევაც იგი, რადგანაც უკვე განდიდებულ იქნა, მკვდრეთით აღმდგარი და ზეცად ამალღებული. ხოლო მანამდე „არ იყო მოცემული სული წმიდა, რადგანაც ჯერ კიდევ არ განდიდებულიყო იესო“.<sup>47</sup> და წინასწარმეგყველი ღაღადებს: „როდემდის იქნებით გულიფიცხელნი? რად გიყვართ ამაოება და ეძებთ სიცრუეს? მაშ, იცოდეთ, რომ უფალმა განადიდა თავისი წმიდა“<sup>48</sup>. ის ღაღადებს: „როდემდის?“ ღაღადებს: „იცოდეთ“, მე კი იმდენხანს ვიყავი უმეცარი, იმდენ ხანს მიყვარდა ამაოება და ვეძებდი სიცრუეს. ამიტომაც ვისმენდი და ვძრწოდი: ეს სიგყვები იმ ხალხის მიმართ იყო ნათქვამი, ვის რიცხვსაც, როგორც მახსოვს, მეც ვეკუთვნი. მოჩვენებებში, მე რომ ჭეშმარიტებად მიმაჩნდა, ამაოებაც იყო და სიცრუეც. მგვიწვეული იყო ჩემთვის ამის გახსენება,

<sup>40</sup> შდრ. აქვე, შენ. 37.

<sup>41</sup> ფსალმ. 4, 2.

<sup>42</sup> შდრ. ფსალმ. 30, 8.

<sup>43</sup> ფსალმ. 4, 3.

<sup>44</sup> ფსალმ. 4, 4.

<sup>45</sup> ეფეს. 1, 20.

<sup>46</sup> იოანე XIV, 16-17.

<sup>47</sup> იოანე VII, 39.

<sup>48</sup> ფსალმ. 4, 3 და შმდ.

და მეც ხმამაღალ, მწარედ ვჩიოდი. ოჰ, ნეცა ჩემი ჩივილი სმენოდა იმათ, ვისაც ღღემდე უყვარს ამოება და სიცრუე. იქნებ თვითონაც შემკრთალიყვნენ, უკუეგდოთ თავიანთი ცთომილებანი, და შენც, უფალო, შეგესმინა მათი ღაღადი, რადგანაც ქრისტე ჭემმარიტი ხორციელი სიკვდილით მოკვდა ჩვენთვის, და იგია „ჩენი მეოხი“<sup>49</sup>.

10. მე ვკითხულობდი: „რისხვით აღივსეთ და ნულარა სცოდავთ“<sup>50</sup>. როგორ მალეღვებდნენ ეს სიციყები, ღმერთო ჩემო! უკვე ვრისხავდი ჩემსავე თავს საკუთარი წარსულის გამო, რათა მომავალშიაც აღარ შემეცოდა, და სამართლიანიც იყო ეს მრისხანება, რადგანაც წყვდიადის ნაშიერი უცხო ბუნება როდი სცოდავდა ჩემში, როგორც ამტკიცებს ის, ვინც არ მრისხანებს საკუთარ თავზე და „თვითონვე იუნჯებს მრისხანებას რისხვისა და ღმერთის მართალი მსჯავრის გამოცხადების დღისათვის“<sup>51</sup>. ჩემს გარეთ როდილა იყო ჩემი სიკეთე, და არც ხორციელი თვალით, სხივოსანი მზის სინათლეზე ვეძებდი მას. ვინც გარეგანს შეჰხარის, მალე დაჭუნება, რასაც ხილულსა და წარმავალს შეაღვეს თავის მთელ ძალას<sup>52</sup>, და თავისი დამშეული წარმოსახვით არარსებულ საბრდოს დაუნყებს ლოღნას<sup>53</sup>. ო, ნეცა დაუძღურებელიყო შიმშილით და ეთქვა: „ვინ მიჩვენებს სიკეთეს?“<sup>54</sup> პასუხად ვეგყოდი და ნეცა ესმინა: „აღბეჭდილია ჩვენში შენი სახის ნათელი, უფალო“<sup>55</sup>. რადგან ჩვენ თვითონ როდი ვართ ეს ნათელი, „რომელიც გაანათლებს ყველა კაცს“<sup>56</sup>, არამედ შენითა ვართ განათლებულნი, ვინაიდან „ოდესღაც ბნელი ვიყავით, ხოლო აწ ნათელი ვართ შენში“<sup>57</sup>. რა იქნენოდა, დაენახა ეს წარუგალი ნათელი, რომელიც ვიგემე მე და სიმწრით ვაღრჭიალებდი კბილებს, რადგანაც არ შემეძლო სხივთვისაც მეჩვენებინა იგი. ნეცა მოსულიყო ჩემთან შენგან მიქცეული და გარესკნელისაკენ მიდრეკილი გულით, მოსულიყო და ეთქვა: „ვინ მიჩვენებს სიკეთეს?“<sup>58</sup> სიკეთე კი იქაა, სადაც მე ვმრისხანებდი საკუთარ თავზე, ჩემივე გულის სიღრმეში, სადაც მოგვალი და მსხვერპლად შემოგწირე ძველი კაცი; სადაც შენი იმედით გავემზადე განახლებისთვის; სადაც შევიტყვე და „სიხარული მოეცი ჩემს გულს“<sup>59</sup>. ასე ვლაღადებდი, როცა გულით შევიცნობდი წიგნი წაკითხულს. არა, არ მინდოდა, დროის მომკვლეღსა და დროისგან მოკლულს, მგვერით მიმოვუანგულიყავი, მიწიერ სიკეთეთა

<sup>49</sup> რომ. VIII, 34... ეს პასაჟი მიმართულია მანიქეველთა წინააღმდეგ, რომელნიც უარყოფდნენ ქრისტეს ადამიანურ ბუნებას და, მაშასადამე, მის სიკვდილსაც.

<sup>50</sup> ფსალმ. 4, 5... ნეტარი ავგუსტინე შემდეგნაირად განმარტავს დამონმებული ფსალმუნის ამ მუხლს: ა) თუ მრისხანებთ, დაე, თქვენმა გონებამ მაინც ჰგმოს ეს განუსჯელი მოქმედება; ბ) „შერისხეთ თქვენი თავი თქვენივე უწინდელი ცოდვების გამო და აწი მაინც ნულარა სცოდავთ“ („irascimini vobis ipsis de praeteritis peccatis et ulterius peccare desinite“).

<sup>51</sup> რომ. II, 5.

<sup>52</sup> „დედამინა გვთავაზობს იმას, რაც უნდა გვიყვარდეს; დრო გვტაცებს იმას, რაც გვიყვარს, და სულში აწრდილთა გუნდსა გვიტოვებს, რომელნიც აქეზებენ მას ვნებიანად მიელტვოდეს ხან ერთსა და ხან მეორეს. ამიტომაც შფოთავს მწუხარე სული, რაკილა ამაოდ ცდილობს შეინარჩუნოს ის, რისი წყალობითაც ინარჩუნებს საკუთარ თავს“ (ნეტარი ავგუსტინე, „ჭემმარიტი სარწმუნოებისათვის“, 35).

<sup>53</sup> დედანში ზუსტად ასეა: lambivit.

<sup>54</sup> ფსალმ. 4, 7.

<sup>55</sup> შდრ. ფსალმ. 4, 7.

<sup>56</sup> იოანე I, 9.

<sup>57</sup> ეფეს. V, 8.

<sup>58</sup> ფსალმ. 4, 7.

<sup>59</sup> ფსალმ. 4, 8.

შორის განწილული, რადგანაც შენს მარადიულ სიმარტოვეში იყო ჩემთვის „სულ სხვა პური, ღვინო და ზეთი“<sup>60</sup>.

11. ხოლო მომდევნო ლექსის კითხვისას ხმამალალი ყვირილი აღმოხდებოდა გულის სიღრმიდან: „ო, სიმშვიდეში!“<sup>61</sup> ო, თვით მასშივე!“ რას ნიშნავს მისი სიტყვები: „დავიძინებ და ვეზიარები სიმშვიდეს?“<sup>62</sup> ვინ აღგვიდგება წინ, როცა აღსრულდება წერილი: „დაინთქა სიკვდილი ძლევეთ?“<sup>63</sup> რადგან შენ ხარ ჭეშმარიტად უცვლელი არსი<sup>64</sup>; შენშია სიმშვიდე და დავინყება ყოველგვარი საზრუნავისა; არც არავინაა შენთან, შენსავე გარდა<sup>65</sup>, და იმისთვის როდი „დამამკვიდრე, უფალო, სასოებით“<sup>66</sup>, რომ ურიცხვ ამქვეყნიურ სიკეთეს გამოვდევნებოდი.

ვკითხულობდი, ვინვოდი და არ ვიცოდი, რანაირად მეშველა ამ ყრუ მკვდართათვის, რომელთაც ვეკუთვნოდი უნინ თავადაც<sup>67</sup>, მე უღირსი და უბადრუკი, უსინათლო და ურიცხვი ქოთაკი, გაშმაგებით რომ უყეფდა შენს სიტყვებს, გეციური თათულით დათათულულთა და შენი ნათლით ნათელფენილთ. და მე ჭირის ოფელი მდიოდა, როცა შენი წმიდა წერილის მტრებზე ვუეიქრობდი<sup>68</sup>.

12. როდისლა მოვიგონებ მოცლილობის იმ ნეგარ ღლეებს? მაგრამ არ დამვიწყნია და არც დუმილით აუფული გვერდს, თუ რა სასტიკად მამათრახებდი და რაოდენ საკვირველი იყო შენი წყალობა, ესოდენ სწრაფად რომ მენია.

ერთხელ კბილის საშინელი გკვილი მტანჯავდა, და როცა ტანჯვა იმდენად აუტანელი გახდა, რომ ლაპარაკიც აღარ შემეძლო, გადავწყვიტე მეთხოვა ყველასათვის, ვინც გარს მეხვია, ჩემი თავი შეევედრებინათ შენთვის, ყოვლის მკურნალო ღმერთო<sup>69</sup>. ჩემი თხოვნა პაგარა დატუაზე დაფნერე და წასაკითხად მივეცი მათ. და როცა სალოცავად მოვიყარეთ მუხლი, გკვილიც გაქრა; მერედა, რანაირი გკვილი, ან როგორ გაქრა! ვალიარებ: თავბარი დამეცა, უფალო ჩემო და ღმერთო ჩემო: რაც თავი მახსოვს, ამისი მსგავსი არათფერი განმეცადა.

მაშინ კი გულის სიღრმემდე გავიმსჭვალე შენი ძალმოსილების შეგნებით, და სიხარულით აღსაფსე გულმხურვალე რწმენით ვადიდებდი შენს სახელს. მაგრამ იგივე რწმენა

<sup>60</sup> ფსალმ. 4, 8.

<sup>61</sup> ფსალმ. 4, 9

<sup>62</sup> ფსალმ. 4, 9

<sup>63</sup> I კორ. XV, 54.

<sup>64</sup> იხ. მეშვიდე წიგნის შენ. 13.

<sup>65</sup> მეორე სჯ. IV, 35; ესაია XLV, 5.

<sup>66</sup> შდრ. ფსალმ. 4, 9.

<sup>67</sup> იგულისხმებიან მანიქეველები.

<sup>68</sup> შდრ. ფსალმ. 138, 21.

<sup>69</sup> შდრ. ფსალმ. 37, 23.

მოსვენებას არ მაძლევდა ჩემი ძველი ცოდვების გამო, რომლებიც ჯერ კიდევ არ მოგეტყვებინა ჩემთვის შენი ნათლისღებით.

## V

13. დამთავრდა არდადეგები და მე უარი ვთქვი ჩემს ადგილზე. დაე, მედიოლანელებს სხვა სიტყვით მოვაჭრე ეძებნათ თავიანთი შევირდებისთვის. მე შენს სამსახურში გავემძნე და, ეგეც არ იყოს, მასწავლებლობა იმიტომაც აღარ შემიძლო, რომ სუნთქვა მიჭირდა და მკერდის არეში ყრუ ტკივილს ვგრძნობდი.

შენს მსახურს, მეუფე ამბროსის, ამ წმიდა და ღვთისმოსავ კაცს წერილობით ვაუწყე როგორც ჩემი ძველი ცოდვები, ისე ახლანდელი აღთქმაც და ვთხოვე ერჩია, შენი საღმრთო წერილის რომელი წიგნი წამეკითხა უპირველესად, რათა ესოდენ დიდი მადლის მისაღებად შეემზადებინა თავი. მან მიბრძანა, ესაია წინასწარმეტყველის წიგნი წამეკითხა, ალბათ, იმიტომ, რომ ყველაზე ცხადად გვაუწყებს სახარებისა და წარმართთა მონოდების ამბავს. მაგრამ რაკი პირველივე თავი გაუგებარი დარჩა ჩემთვის, ვითუქრე, მთელი წიგნიც ასევე გაუგებარი იქნება-მეთქი და გადავწყვიტე სამერმისოდ გადამედო მისი ხელმოწერილ წაკითხვა<sup>70</sup>, ვიდრე არ შევეჩვეოდი და შევითვისებდი საღმრთო წერილის ენას.

## VI

14. და, აი, დადგა დრო, როცა მოსანათლად უნდა ჩაენერილიყავი<sup>71</sup>. დატკოვეთ სოფელი და მედიოლანუმში დაგბრუნდით.

ალიბიუსს სურდა ჩემთან ერთად ხელახლა შობილიყო შენში; უკვე შეემოსა ის სიმდაბლე, რაც შენს საიდუმლოებებს შეშვენის. ხორცის დაურევებისას ისეთ სიმტკიცეს იჩენდა, რომ ფეხშიშველაც კი დადიოდა იტალიის გაყინულ მინაზე, რაც მის არნახულ შეუპოვრობას მონშობს.

ჩვენ თან გვახლდა ადვოდატუსიც, ჩემი ხორციელი ცოდვის შვილი. ეს იყო შენი მშვენიერი ქმნილება. თხუთმეტი წლისა უკვე მრავალ დარბაისელ სწავლულს აღემატებოდა გონებით. ვაღიარებ შენს მადლს და წყალობას, უფალო ღმერთო ჩემო, ყოვლის შემოქმედო, მშვენიერებად რომ გარდაქმნი ჩვენს სიმახინჯეს: ჩემი არა ეცხო რა ყმანვილს, თუ არ

<sup>70</sup> „მთელი თავისი სიცოცხლის მანძილზე ნეტარი ავგუსტინე ამჯობინებდა საღმრთო წერილის იმ წიგნებს, ადამიანის შინაგან ცხოვრებას რომ ეხებოდა, ე.ი. ფსალმუნებს და პავლე მოციქულის ეპისტოლეებს. წინასწარმეტყველნი ისეთ სიამოვნებას როდი ჰგვრიდნენ მას, როგორც იერონიმეს“. - რუს. თარგმანის შენ. იხ. დასახ. გამოც. გვ. 251.

<sup>71</sup> იხ. მერვე წიგნის შენ. 39.

ჩავთვლით ჩემსავე ცოდვას. ხოლო შენი მოძღვრებით რომ აღვზარდეთ იგი, ეს სხვა ვინმემ კი არა, შენ შთაგვაგონე: ვაღიარებ წყალობას შენსას.

ერთ ჩემს წიგნში, რომლის სათაურია „მოძღვარი“, ჩემი და მისი საუბარია გადმოცემული<sup>72</sup>. შენ ხომ იცი, რომ ყველა აზრი, რომელიც ჩემს თანამოსაუბრეს მიეწერება, სინამდვილეშიც მასვე - ჩემი თექვსმეტი წლის ვაჟს ეკუთვნის. ვინ მოსთვლის, რამდენი საოცრება აღმოძიჩენია მასში. მაშინებდა კიდევ მისი უჩვეულო ნიჭიერება. შენ თუ არა, ვინ, რომელი ხელოსანი იქნებოდა ამ საკვირველების შემოქმედი?

ნაადრევად მოუსწრაფე სიცოცხლე და ახლა უფრო მშვიდადა ვარ მის გამო: აღარც მისი სიყრმისთვის ვშფოთავ, აღარც მისი სიჭაბუკისა და აღარც მთელი მისი სიცოცხლისათვის. ჩვენ დავიამხანაგეთ იგი, ჩვენივე გოლი შენს მადლთან ზიარების წყალობით, რათა შენი მოძღვრებით გაგვენათა. ჩვენ მოვინათლეთ და ჩამოგვეცილდა უწინდელი ცხოვრების ყველა საზრუნავი. მე ვერ ვძლებოდი მაშინ იმ საკვირველი სიტკბოებით, რომლითაც ვჭვრეტდი სიღრმეს შენი ზრახვისას - გეხსნა კაცთა მოდგმა. რამდენჯერ მიღვრია მღუღარე ცრემლი, როცა ვისმენდი შენს ჰიმნებსა და საგალობლებს, მომნუსხველად რომ ჟღერდნენ შენს ეკლესიაში, საამოდ ჩამოსმოდნენ ყურში, სმენას მიტკობდნენ და ჭეშმარიტების ნაჟურად ინურებოდნენ სულის სიღრმეში<sup>73</sup>. ღვთისმოსაობით აღგყინებულს ნეტარების ცრემლი მდიოდა. ოჰ, რა ბედნიერი ვიყავი მაშინ.

## VII

15. არც ისე დიდი ხნის წინათ, მედიოლანუმის ეკლესიაში ჩვევად იქცა დაემოძღვრათ და განემტკიცებინათ მორწმუნენი ერთობლივი გალობით, სადაც ერთმანეთს ერწყმოდა ქრისტესმიერ ძმათა გზნება, მათი ხმები და გულები. ერთი წლისა თუ ცოტა მეტი ხნის წინათ, დედოფალმა იუსტინამ, მცირეწლოვანი იმპერატორის ვალენტინიანეს დედამ, თავიანთი მწვალებლობით რომ აცთუნეს არიანელებმა, დევნა დაიწყო შენს ღირსეულ მსახურ ამბროსის. ღვთისმოსავეთა ბრბო ეკლესიაში ათენებდა და აღამებდა: მზად იყო თავი დაედო ეპისკოპოს ამბროსისათან - შენს მონასთან ერთად. ღამისმთვევლთა შორის ერთ-ერთი პირველთაგანი იყო დედაჩემი, შენი მხევალი, რომელიც ლოცვა-ვედრებითლა სულდგმულობდა ჩვენ ჯერ კიდევ არ მოგვეფენოდა მხურვალეობა შენი სულისა, მაგრამ მაინც ვბორგავდით და ვბობოქრობდით;

<sup>72</sup> ნეტარი ავგუსტინეს ეს თხზულება („De magistro“) მამა-შვილის საუბრით იწყება: ადოლფტუსი ვერგილიუსის ლექსსა და ზოგიერთი სიტყვის მნიშვნელობას განმარტავს. დიალოგი ფილოსოფიურ-რელიგიური შეკონებით მთავრდება: ყური მივევლოთ ჩვენი გულის სიღრმეში დამკვიდრებულ ჭეშმარიტებას და ერთადერთ მოძღვრად მიგვანდეს ისეო ქრისტე.

<sup>73</sup> იხ. აქვე, შენ. 38.



ქალაქო შეთოსა და არეულობას მოეცვა<sup>74</sup>. სწორედ მაშინ შემოიღეს წესად, აღმოსავლური ეკლესიის ჩვეულებისამებრ, გალობით წარმოეთქვათ ჰიმნები და ფსალმუნები, რათა მორწმუნენი სევდასა და მწუხარებას არ დაეთრგუნა. მას აქეთ ეს ჩვეულება უცვლელად დარჩა და მრავალმა შეითვისა კიდევ, თითქმის ყველა შენმა სამწყსომ, მთელ მსოფლიოში.

16. მაშინ ზემოსხენებულ წინამდგომეს შენსას<sup>75</sup> ჩვენებით ეუწყა ის ადგილი, სადაც დამარხული იყო წმიდა მონამეთა - პროტასისა და გერვასის ცხედრები<sup>76</sup>, რომლებსაც ამდენ ხანს ფარულად ინახავდი უხრწნელად, რათა თავის დროს გამოგვესვენებინა იქიდან მძვინვარე დედოფლის დასათრგუნავად<sup>77</sup>. როცა მათ მიაგნეს და ამოთხარეს, სათანადო პატივით გადაასვენეს ამბროსის ბაზილიკაში. დიდი იყო მათი ძალა: არა მარტო უკეთური სულებით შეპყრობილნი იკურნებოდნენ (თვით დემონებიც აღიარებდნენ თავიანთ დამარცხებას), არამედ მრავალი სხვანიც. მთელს ქალაქში კარგად ცნობილმა ერთმა მედიოლანელმა მოქალაქემ, რომელსაც დიდი ხნის წინათ დაშრეგოდა თვალის ჩინი, იკითხა, რა არის ამ ზარბეიმის მიზეზი, და როცა უთხრეს, რაშიც იყო საქმე, წამოხტა და თავის

<sup>74</sup> „ამბროსის ეპისკოპოსობის პირველი ცხრა წლის მანძილზე დასავლეთ რომის იმპერიის იმპერატორი იყო გრაციანე, სიქველით მოსილი კათოლიკე, მაგრამ უდარდელი და გულარხინი კაცი. გრაციანეს თავდავიწყებით უყვარდა ნადირობა, რისი გულისთვისაც საერთოდ ხელი აეღო სახელმწიფოს მართვამდე. ბოლოს, ის მოკლეს. დასავლეთ რომის იმპერიის უმეტესი ნაწილის მმართველი გახდა უზურპატორი მაქსიმე, მაგრამ საკუთრივ იტალიაში იმპერატორის ტიტული მიიღო გრაციანეს უმცროსმა ძმამ ვალენტინიანე II-მ, რომელიც ჯერ კიდევ მცირეწლოვანი იყო. ამიტომ პირველ ხანებში საიმპერატორო ძალაუფლება ხელთ ეპყრა დედამისს იუსტინას, იმპერატორ ვალენტინიანე I-ის ქვრივს, მაგრამ ის არიანელი იყო, რაც გარდაუვალს ხდიდა შეჯახებას მასა და წმ. ამბროსის შორის...”

საბაბმაც მალე იჩინა თავი. დედოფალმა მოითხოვა არიანელებისათვის დაეთმოთ მილანის ერთ-ერთი ეკლესია, რაზედაც ამბროსიმ ცივი უარი განაცხადა. მოსახლეობა ეპისკოპოსს მიემხრო და ბაზილიკაში უზარმაზარმა ბრბომ მოიყარა თავი. ვითი ჯარისკაცები, რომლებიც არაიანელები იყვნენ, ბაზილიკის დასაკავებლად გაგზავნეს, მაგრამ ისინი მოქალაქეებს დაუქმობილდნენ. „დიდებულები და ტრიბუნები - გადმოგვცემს ამბროსი დისადმი მიწერილ მღელვარე წერილში, - ჩემთან მოვიდნენ, რომ ვეითლებინეთ, ბრძანება გამეცა სასწრაფოდ ჩაებარებინათ ბაზილიკა. ისინი დარწმუნებულნი იყვნენ, რომ იმპერატორი თავის უფლებას ახორციელებდა, რადგანაც არა არის რა ისეთი, მის ძალაუფლებას რომ არ ექვემდებარებოდეს. ამაზე მე მიუეგე, ჩემთვის რომ მოეთხოვა ის, რასაც ჩემი ჰქვია, ჩემი მიწა-წყალი, ჩემი ფული და სხვა მისთანანი, რაც პირადად მე მეკუთვნის, არაფერს დავუკავებდი-მეთქი, თუმცა ყველაფერი, რაც მე მეკუთვნოდა, უპოვართა კუთვნილებაა (წმ. ამბროსი მდიდარი კაცი იყო; მღვდლად რომ ეკურთხა, ქრისტეს მცნებისამებრ, ღარიბ-ღატაკებს დაურიგა მთელი თავისი ავლადიდება, - ბ.ბ.). მაგრამ ის, რაც ეკუთვნის ღმერთს, იმპერატორის ძალაუფლებას არ ექვემდებარება. მე ვთქვი: „ჩემი ქონება გნებავთ? - ინებეთ. ჩემი სხეული? - ჩემივე ნებით წამოგვცე. გინდათ ბორკილები დამადოთ და სიკვდილით დამსაჯოთ? - ნეტარებად მივითვლი ამას. თავის დასაცავად არ ვუხმობ ბრბოს, არც საკურთხეველს ჩავებლაუჭები და არც ვედრებას დავიწყებთ, სიცოცხლე მაჩუქეთ-მეთქი, არამედ სიხარულით შევეგებები სიკვდილს საკურთხევლის გულისთვის“. თავგარი დამეცა, გაეშრი, გაეჭვავდი, როცა გავიგე, რომ შეიარაღებული ხალხი გამოუგზავნიათ ბაზილიკის მისატყვებლად; მეშინოდა, ვაითუ ბაზილიკის დასაცავად მოსული ხალხის სისხლი დაიდვაროს-მეთქი, რაც ამტუტებდა მთელ ქალაქს. ღმერთს შევევდრე, ჩვენი დიდებული ქალაქისა და, შესაძლოა, მთელი იტალიის დაღუპვას ნუ მომასრებ-მეთქი“ (წერილი XX).

ეს შიში გადაჭარბებული არ ყოფილა, რადგანაც აღვირახსნილ ვოთებს ყოველ წამს შეეძლოთ ქვა ქვაზე აღარ დაეთოვებინათ, როგორც ეს მოხდა ოცდახუთი წლის შემდეგ, რომის დარბევისას.

ამბროსის ძალა ის იყო, რომ მას მხარს უჭერდა მოსახლეობა. ეპისკოპოსს ბრალად დასდეს, მოქალაქეებს აქეზებო, რაზედაც მან მიუგო: „მე არ შემძლია ხალხის ნაქეზება, მაგრამ მისი დაშოშმინება უფლის ხელთაა“. ვერცერთმა არიანელმა, აცხადებს ამბროსი, ფეხი ვერ წადგა წინ, რადგანაც მოქალაქეთა შორის არ ყოფილა არცერთი არიანელი. ამბროსიმ მიიღო ოფიციალური განკარგულება, დაუყოვნებლივ ჩაებარებინა ბაზილიკა, ჯარისკაცებს კი ებრძანათ, თუ საჭირო იქნებოდა, ძალა გამოეყენებინათ. მაგრამ უკანასკნელ წამს მათ უარი თქვეს ძალის გამოყენებამდე, ასე რომ, იმპერატორი იძულებული შეიქნა უკან დაეხია. ეს კი მოასწავებდა დიად გამარჯვებას ეკლესიის დამოუკიდებლობისათვის ბრძოლაში. ამბროსიმ ცხადყო, რომ ზოგიერთ საკითხში სახელმწიფომ ქედი უნდა მოიხაროს ეკლესიის ნების წინაშე, და ამით დაამკვიდრა ახალი პრინციპი, რომელიც დღემდე ინარჩუნებს თავის მნიშვნელობას“ (Бертран Россел, История западной философии, Мю 1959, стрю 351-354).

<sup>75</sup> ეპისკოპოსი ამბროსი იგულისხმება.  
<sup>76</sup> გადმოცემით, წმ. მონამენი - პროტასი და გერვასი იმპერატორ ნერონის (54-68 წ.) დროს აწამეს.  
<sup>77</sup> იგულისხმება დედოფალი იუსტინა (იხ. აქვე, შგნ. 74).

გამყოლს სთხოვა, წმიდანთა ნეშტთან მიმიყვანეო. ბაბილიკაში შესულმა ნება ითხოვა, მიახლოვებოდა და ხელსახოცით შეხებოდა ცახგრევანს, რომელზედაც ესვენა იმათი ნეშტი, ვისთვისაც ითქვა: „ძვირთვასია შენს წინაშე წმიდათა შენთა სიკვდილი“<sup>78</sup>; მერე თვალებთან მიიგანა ხელსახოცი და მაშინვე აეხილა თვალი<sup>79</sup>. მთელს ქალაქს მოედო ეს ამბავი; გულმხურვალედ გადიდებდნენ მრავალნი და სიხარულით გაბრწყინებულნი გიძღვნიდნენ ქებას. ამიგომაც იყო, რომ წინააღმდეგომი შენი, დედოფალი იუსტინა, მართალია, ჯერ კიდევ ვერ მიიქცა ჭეშმარიტი რწმენის მიმართ, მაგრამ იმდენი მაინც შესძლო, რომ დაეურვებინა თავისი ძძვინვარება, რომლითაც სდევნიდა მორწმუნეთ.

მადლობას გწირავ, ღმერთო ჩემო! საიდან გამოიხმე და საით წარმართე ჩემი მოვონებები, რათა აღსარება მეთქვა შენთვის და მეღიარებინა, რომ ლამიბ დამაფინყდა ესოდენ მნიშვნელოვანი მოვლენები. თვით მაშინაც კი, როცა „ეგზომ საამო სურნელს აკმევდი“<sup>80</sup>, არ მოგეახლეთ, რათა შეგვრდომოდით<sup>81</sup>. ამიგომაც ვგიროდი ასე გულმღუღარედ, როცა შენს საგალობლებს ვისმენდი; რა ხანია სულთქმით გივონებდი და, ბოლოს, შევისუნთქე კიდევ ქროლვა შენგან მონაბერი ქარისა, რამდენადაც მან შემოაღწია ამ „თივის ქობში“<sup>82</sup>.

## VIII

17. „შენ, ვინც ერთ ჭერქვეშ ამკვიდრებ ერთსულოვანთ“<sup>83</sup>, ჩვენს ჯგუფში შემოიყვანე ჭაბუკი ევოდიუსი<sup>84</sup>, რომელიც წარმოშობით ჩვენივე მუნიციპალიტეტიდან<sup>85</sup> იყო. ადრე საიდუმლო პოლიციაში მსახურობდა, მაგრამ თავი დაანება საერო სამსახურს, მონათლა და შენდა სამსახურად აღიჭურვა. ერთად ვიყავით და ერთადვე ვაპირებდით განგვეხორციელებინა ჩვენი წმინდა გადაწყვეტილება. დიდხანს ვეძებდით ადგილს, სადაც უკეთ შევძლებდით შენს მსახურებას. ერთხმად გადაწყვიტეთ აფრიკაში დავბრუნებულიყავით, და როცა ტიბერისის ოსტიაში<sup>86</sup> ვიყავით, დედაჩემი გარდაიცვალა.

ბევრ რამეს დუმილით ვუვლი ვვერდს, რადგანაც ძალიან ვჩქარობ. მიიღე ჩემი აღსარება და მადლიერება, თუნდაც უსიტყვო, შენი ურიცხვი სიკეთისთვის შემონირული,

<sup>78</sup> ფსალმ. 115, 6.

<sup>79</sup> ნეტარი ავგუსტინე ამ სასწაულს იხსენიებს „ღვთის ქალაქში“ (22, 8, 2) და „ქადაგებებშიც“ (286, 4). ამბროსის მდივანი პავლიუსი გადმოგვცემს, რომ ეს ბრმადყოფილი „დღესაც მსახურებს იმ ბაბილიკაში, ამბროსის ბაბილიკად რომ იწოდება, სადაც გადასვენებს წმიდანთა ნეშტი“ („ამბროსის ცხოვრება“, 14).

<sup>80</sup> ქებათა-ქება, 1, 3.

<sup>81</sup> ზემოხსენებულმა სასწაულმა, ეტყობა, მაინცდამაინც დიდი შთაბეჭდილება ვერ მოახდინა ნეტარ ავგუსტინეზე.

<sup>82</sup> ესაია, XL, 6... „თივის ქობი“ - იგულისხმება სხეული.

<sup>83</sup> ფსალმ. 67, 7.

<sup>84</sup> ეს ევოდიუსი შემდეგ უზალის ეპისკოპოსი გახდა. შემორჩენილია მისი მიმონერა ნეტარ ავგუსტინესთან.

<sup>85</sup> თვითმმართველობის მქონე ქალაქი, რომლის მცხოვრებნიც რომის მოქალაქეთა უფლებებით სარგებლობდნენ.

<sup>86</sup> ოსტია - დიდი სავაჭრო და საზღვდრო ნავსადგური მდინარე ტიბერისის შესართავთან. აქვე უნდა შევნიშნოთ, რომ ჩვენში დაკვიდრებული „ტიბრი“ (რუსიციზმი) და „ტიბროსი“ (არარსული გრეციზმი) უხეში შეცდომაა.

რომელთა ჩამოთვლასაც აქ არ მოყვები. მაგრამ იმას კი ვიცევი, თუ რა განცდები იშვა ჩემს სულში ამ შენი მხეველის მიმართ, რომელმაც ხორციელად მშვა მე ამ სანუთროსათვის, სულიერად კი - საუკუნო სოფლისათვის. მის ღირსებებს კი არ ჩამოვთვლი, არამედ იმას, რაც უწყალობე. თვითონ როდი შეუქმნია, და არც თვითონ აღუბრდია თავისი თავი: შენ შექმენი იგი, ასე რომ, არც დედამ და არც მამამ არ იცოდა, ვინ იცნებოდა და რა იქნებოდა მათი ნაშიერი. შენი ქრისტეს ნკებლებმა შთაუწერეს შენდამი შიში, შენმა მხოლოდშობილმა ძემ წარმართა წრფელი გზით მისი ნაბიჯი იმ ღვთისმორწმუნე ოჯახში, რომელიც შენი ეკლესიის კეთილი წევრი იყო.

თავის ღირსეულ აღბრდას იმდენად დედას როდი უმადლოდა იგი, რამდენადაც ერთ მოხუც მოახლეს, რომელიც პაგარაობისას ჯერ კიდევ მამამისს დაატარებდა ხელით, როგორც დაატარებენ ახლად წამოხიტილი გოგონები ხელში ატაცებულ უმწეო ყრმებს. ამიტომაც იყო, რომ ბატონები დიდ პატივს სცემდნენ მის მსცოვანებას და უმწიკვლოებას. თუმცა არა მარტო დიდი პატივისცემით სარგებლობდა ამ ქრისტიანულ ოჯახში, არამედ უფრო მეტი უფლებებითაც, ვიდრე სხვა მსახურები. სწორედ მას ჰქონდა მინდობილი ბატონის ქალიშვილების აღბრდა, და ისიც გულმოდგინედ ასრულებდა თავის მოვალეობას. საკმაოდ მკაცრი და უღმობელი იყო ბავშვების დასჯისას, როცა ეს აუცილებელი ხდებოდა, რჩევა-დარიგებისას კი დიდ კეთილმოსურნეობასა და წინდახედულებას იჩენდა.

ასე მაგალითად, გოგონებს, რომლებიც მშობლებთან ერთად უსხდნენ ღარიბულ სუფრას, წყურვილითაც რომ გაშრობოდათ პირი, ზოგჯერ იმის ნებასაც კი არ აძლევდა, რომ ორიოდვე ყლოუბი წყალი მოესვათ. გონივრული სიციყვით აფრთხილებდა მათ, უკეთურ ჩვევას არ დამონებოდნენ: „დღეს წყალს დაღვეთ, რადგანაც ღვინის სმის უფლება არა გაქვთ, ხოლო როცა გათხოვდებით და მეუღლის სახლში სარდაფისა და საკუჭნაოს მწენი გახდებით, წყალი შეიძლება მოგყირჭდეთ, სმის ჩვევა კი კვლავაც ჩვევადვე დარჩება“. ასე, გონივრული რჩევითა და მბრძანებლური კარნახით ცდილობდა იგი სიხარბე აღეკვეთა ნორჩებისათვის და თვით წყურვილის მოკვლის ნებასაც მხოლოდ იმდენად აძლევდა მათ, რომ ზომიერების თვარგებს არ გასცდნოდნენ: არ უნდა გაცთუნოთ იმან, რაც არ შეშვენის ადამიანის ღირსებასაო, - ეუბნებოდა იგი პატარებს.

**18.** და მაინც დედაჩემს (როგორც თვითონ მიყვებოდა მე - მის ვაჟს - შენი მხევალი) ძალუღლად ეპარებოდა ღვინის სიყვარული. მშობლები, ჩვეულებრივ, მას ავალეზდნენ, როგორც თავდაჭერილ გოგონას, სარდაფში ჩასულიყო და ღვინო ჩამოესხა კასრიდან. ისიც, როცა შეავსებდა დოქს, ვიდრე ბოთლებში ჩასცლიდა მას, ცოცხას მონრუპავდა ზედაშეს, რათა წვეთიც არ დაღვროდა გალიცლიცებული ჭურჭლიდან. მეცის დაღვევა კი არ შეეძლო, რადგანაც ღვინო არ სიამოვნებდა. მაგრამ ამას სიმთვრალის სიყვარულით კი არ სჩადიოდა, არამედ ძალთა სიჭარბის გამო, რაც გამოსავალს წამიერ სიანცეში ეძებდა, და რასაც ყრმების სულში უფროსებისადმი რიდი და კრძალვა თრგუნავს ხოლმე.

ასე რომ ღვინის ყლუპს დღითიდღე ემატებოდა ყლუპი, ჩვენ კი ვიცით, რომ „ვინც უგულვებლყოფს მცირედს, მცირე ხნის შემდეგ დაეცემა“<sup>87</sup>, და მალე იმ ზომამდის მივიდა, რომ ხარბად ენათებოდა ამ წმინდა, წყლით გაუზავებელ ღვინოს და ყოველდღე ლამის სავსე თასს სცლიდა.

სად იყო მაშინ მისი გულთამხილავი გამზრდელი მთელი თავისი სიმკაცრით? განა სადმე მოიძებნება ჩვენი ფარული სწეულების ქმედითი წამალი, თუკი შენ, უფალო, არ ფხიბლობ ჩვენს განსაკურნავად? შეიძლება შორს იყვნენ დედ-მამა და აღმზრდელები, მაგრამ შენ ყოველთვის ჩვენს გვერდითა ხარ, შენ, ვინც დაგვბადე, ვინც გვიხმობ და სიკეთის ქმნად იყენებ ადამიანებს, რათა იხსნა ჩვენი სულები. რა ქენი მაშინ, ღმერთო ჩემო? რითი განკურნე? როგორ დაუბრუნე ჯანმრთელობა? სხვისი პირით ხომ არ ჰგმე იგი, მკაცრი და სასტიკი სიცყვით, როგორც მკურნალის პირბასრი დანით, ხომ არ გაკვეთე მისი წყლული, დანით, შენი ფარული საცავიდან რომ ამოიღე, რათა ერთი დაკვრით ამოგეძირკვა ხრწნილება?

მოახლემ, რომელიც ყოველთვის თან ახლდა თავის პატარა ქალბატონს, ღვინო რომ ამოჰქონდა სარდაფიდან, დაუნდობლად ამხილა იგი და პირში მიახალა, ნამდვილი ლოთი<sup>88</sup> ხარო. დედაჩემი მწარედ მოსწყლა ამ მქირდავმა სიცყვამ; ახლალა დაინახა, რაოდენ მავნე იყო მისი ჩვევა და შეძრწუნებულმა ხელი აიღო მასზე.

ასეა ხოლმე; მეგობრები თავიანთი პირფერობით გვრყენიან, მტრები კი გმობითა და ლანძღვა-გინებით ჩვენს გამოსწორებას უწყობენ ხელს. თუმცა შენ, უფალო, ერთთაც და მეორეთაც იმისთვის კი არ მიაგებ სანაცვლოს, რასაც მათი მეშვეობით იქმ, არამედ მათი განზრახვისათვის. დედაჩემის განაწყენებულ მოახლეს ის კი არ სურდა, რომ განეკურნა თავისი პატარა ქალბატონი, არამედ ის, რომ მოთმინებიდან გამოეყვანა იგი: მალულად, როცა ღრო იხელთა და სათანადო ადგილიც შეურჩია, ან იქნებ, იმიტომაც, რომ თავიდან აეცილებინა ბატონების რისხვა ნაგვიანევი დაბეზღებისთვის.

ხოლო შენ, უფალო, რომელიც განაგებ ყოველს ცათა შინა და ქვეყანასა ზედა, ვისაც ძალგიძს შენივე ბრახვით აღმა აღინო მდინარენი და შენს ნებას დაუმორჩილო ღროის ბობოქარი ღინება, - ერთი სულის სიშლეგით განკურნე მეორე<sup>89</sup>. თუ ვინმეს თავისი სიცყვით გამოუსწორებია ის, ვისი გამოსწორებაც სურდა, დაე, ჩემი ნაამბობის წაკითხვის შემდეგ თავის თავს ნუ მიანერს ამ ძალას.

<sup>87</sup> შდრ. სიბრძნე ზირაქ. XIX, 1.  
<sup>88</sup> დედანში - meribibula: „გაუზავებელი ღვინის მსმელი“. ძველი ბერძნები და რომაელები წყლით გაზავებულ ღვინოსა სვამდნენ. გაუზავებელი ღვინის სმა ბარბაროსულ ჩვეულებად ითვლებოდა. აღსანიხნავია, რმო „მერიბიბულა“, როგორც ლექსიკოლოგები მოწმობენ, „აღსარებათა“ ამ პასაჟის ვარდა, მთელს უზარმაზარ ლათინურ მწერლობაში სხვაგან არსადა გვხვდება.  
<sup>89</sup> „რამდენ რამეს სჩადიან ბოროტნი ღვთის ნების საპირისპიროდ, მაგრამ ისეთი მისი სიბრძნე და ძალი, რომ ყველაფერი, რაც თითქოს ღვთის ნებას ეურჩებოდა, კეთილსა და სამართლიან დასასრულს ჰპოვებს, წინასწარ დადგენილს მის მიერ“ („ღვთის ქალაქისათვის“, 22, 2).

IX

19. უმანკოებითა და კრძალვით აღზრდილი, მშობლების გამგონე და დამტყერი, უმაღლესი შენდამი, ვიდრე მათდამი მორჩილების გამო, - საქორწინო ასაკისა რომ მოიყარა, დედამხემი ქმარს ჩააბარეს, რომელსაც სიკვდილამდე ერთგულად ემსახურებოდა და ცდილობდა შენთვის შეეძინა იგი<sup>90</sup>. შენზე ელაპარაკებოდა ქმარს მთელი მისი სულიერი სიტუაქიზე, ესოდენ მომხიბლავს, სიყვარულისა და პატივისცემის ღირსს რომ ხდიდა და განცვიფრების საგნად აქცევდა ცოლს. დედამხემი უღრგვინველად იგანდა ქმრის ღალატს და ამის გამო მეუღლესთან არასოდეს მოსვლია უთანხმოება. სულ იმის მოლოდინში იყო, რომ შენ, უფალო, მონყალებას მოიღებდი მის მიმართ, რის შედეგადაც რწმენასა და კრძალულებას ჩაუნერგავდი.

ისიც უნდა ითქვას, რომ მამამხემი უსაზღვროთ კეთილი ვაცი იყო, თუმცა ძალზე გულფიცხი გახლდათ. დედამხემაც კარგად იცოდა, რომ არამცთუ საქმით, სიგყვითაც არ უნდა აღდგომოდა წინ განრისხებულ ქმარს. როდესაც დარწმუნდებოდა, რომ სიმამრემ გაუარა და დამშვიდდა, მაშინღა უხსნიდა, რაოდენ უსამართლო იყო მისი საქციელი, რაკიღა უმიზნოდ შმაგობდა ხოლმე. ბევრ ქალს, ვისაც გაცილებით უფრო მშვიდი და თვინიერ ქმარი ჰყავდა, მთელი სახე დალილავებული ჰქონდა ცემისგან. ამიტომაც ერთმანეთს შესჩიოდნენ ხოლმე თავიანთ სვედაფილობას, დედამხემი კი მათ ჭარგალა ენას ადანაშაულებდა, და თითქოს ხუმრობით, დაბრაისლურ რჩევას აძლევდათ: იმ წუთიდანვე, როცა საქორწინო ხელშეკრულება წაგიკითხეს<sup>91</sup>, ის თქვენთვის უნდა იყოს სიგელი, რომლებიც ქმრების მხეველებად გაქცევთ და გამუდმებით შეგახსენებთ თქვენს მდგომარეობას, რათა არასოდეს აიმაღლოთ ხმა თქვენი ბატონების წინაშე<sup>92</sup>. ვინც იცოდა, რა მძვინვარე ქმრის გვერდით უნევედა ცხოვრება, განცვიფრებული იყო: არასოდეს სძენოდა და არც ენახა ვინმეს, რომ პატრიციუსს ცოლი ეცემა, ან თუნდაც ერთი დღით რაიმე უსიამოვნება მოსვლოდა მასთან. ნაცნობი ქალები ცდილობდნენ გაეგოთ, რა იყო ამის მიზეზი; დედამხემი კი თავის საიღუმლოს უმხელდა მათ, რაც ზემოთ უკვე მოგახსენეთ. ვინც კი ისმენდა მის რჩევას, სამუდამოდ მისი მადლიერი რჩებოდა, ხოლო ვინც არ ისმენდა, თვითონვე იყო თავისი თავის მტერი.

20. უზნეთ მოახლეთა ენაგანიობამ რძალს თავდაპირველად აუძხედრა დედამთილი, მაგრამ დედამხემმა თავისი თვინიერებით, მოთმინებითა და სიმშვიდით ისე განაიარაღა იგი, რომ დედამთილმა თვითონვე შესჩივლა თავის ვაჟს მოახლეთა უკეთური საქციელი, რამაც უთანხმოება ჩამოაგდო რძალ-დედამთილს შორის და დაარღვია ოჯახური მეუღროება;

<sup>90</sup> ე.ი. ქრისტეს სჯულზე მოეყვია.

<sup>91</sup> „კითხულობენ საქორწინო ხელშეკრულებას; კითხულობენ ყველა მონმის თანდასწრებით; კითხულობენ მშობლების წინაშე სწორედ იმ დროს, როცა ისინი საქმროს აბარებენ თავიანთ ქალს“ („ქადაგებანი“, 51, 22).

<sup>92</sup> მდრ. ეფეს. V, 22-24: „ცოლებო, დაემორჩილეთ თქვენს ქმრებს, როგორც უფალს; ვინაიდან ქმარია ცოლის თავი, როგორც ქრისტე თავია ეკლესიისა, და თვითვეა სხეულის მხსნელი. მაგრამ როგორც ეკლესია ემორჩილება ქრისტეს, ასევე ცოლებიც - თავიანთ ქმრებს ყველაფერში“.



შესჩივლა და თავგასულთა დასჯაც მოითხოვა. შვილმაც ყურად ილო დედის თხოვნა და რაკილა სურდა ჭკუა ესწავლებინა მსახურთათვის და კვლავ აღედგინა თანხმობა, მთხოვნელის ნება-სურვილისამებრ გაანკებლინა დამნაშავენი. დედამთილი დაეუმძრა ყველას, ვაი იმას, ვინც ეცდება, ჩემდა საამებლად, რძალი გამილანძლოსო. მას აქეთ ვერავინ ბედავდა დედაჩემის ძვირი ეთქვა და ოჯახშიც სიამკვბილობამ დაისადგურა.

21. „მონყალეო უფალო ჩემო!“<sup>93</sup> სწორედ შენ მიეც ამ კეთილ მოახლეს შენსას, ვის წიაღშიაც შემქმენი მე, კიდევ ერთი ნათელი ნიჭი: თუ სადმე ჩხუბი და აყალმაყალი იყო, სადაც კი ხელი მიუწვდებოდა, მშვიდობისმყოფელად გვევლინებოდა. მოთმინებით ისმენდა ორივე მხარის ურიცხვსა და მწარე ყვედრებს, რასაც ამოათხევს ხოლმე რისხვით ცნობამიხდილი სული. და როცა წყრობით აღვსილი ესა თუ ის ნაცნობი ქალი მის წინაშე უდიერი სიტყვით ლანძღავდა თავის მტერს, დედაჩემი მხოლოდ იმას გადასცემდა ამ უკანასკნელს, რაც მათ შერიგებას უწყობდა ხელს.

ამ ღირსებას არც ისე დიდ მნიშვნელობას მივანიჭებდი, საკუთარი მწარე გამოცდილებით რომ არ ვიცოდე, რამდენი ჩვენი მოყვასი არა მარტო თავისი გამშაგებული მტრის სიტყვებს გადასცემს ვაცს, არამედ თავის მხრივაც უმატებს რაღაც ისეთს, რაც საერთოდ არ თქმულა (ეგყობა, რაღაც საზარელი, საქვეყნოდ გავრცელებული ცოდვის ჭირი მოქმედებს აქ). არადა, ვაცური ვაცი უკეთური სიტყვით არ აღაგზნებს, არ გააჩაღებს მტრობის ხანძარს; პირიქით, ეცდება კეთილი სიტყვით ჩააქროს იგი.

ასეთი იყო დედაჩემი. შენ ასწავლიდი ამას მისი გულის ფარულ სკოლაში.

22. ბოლოს და ბოლოს, მისი სიცხოცხლის დამლევეს, როგორც იქნა, შეგძინა ქმარი, და ქრისტეს სჯულზე მოქცეული უკვე აღარ აღვრევენებდა ცრემლს იმაზე, რასაც დასტიროდა დედაჩემი, როცა მისი ქმარი ჯერ კიდევ არ დასდგომოდა ჭეშმარიტ გზას. ის იყო მსახური ყველა შენი მსახურისა. ვინც კი იცნობდა, აქებდა, პატივს სცემდა და უყავრა იგი, რადგანაც გრძნობდა, რომ მისი გული იყო შენი საფანე, რასაც თვალნათლივ მონშობდა მისი წმინდა ცხოვრება: ის იყო „ერთი ქმრის ცოლი, მშობლების პატივისმცემელი, სახლეულის მართლად გამრიგე და გულმოდგინე კეთილ საქმეში“<sup>94</sup>.

სათუთად ზრდიდა შეილებს და, როგორც მათი შობისას, ისე იტანჯებოდა ყოველთვის<sup>95</sup>, როცა ხედავდა, რომ ისინი ჭეშმარიტების გზას ასცდნენ.

და ბოლოს, რაკი შენი მონყალებით ნებასა გვრთავ შენს მსახურებად ვინოდებოდეთ, მიძინებამდე ისე ზრუნავდა ყველა ჩვენგანზე, ვისაც მეგობრები გვერქვა და ვინც შენი

<sup>93</sup> ფსალმ. 58, 18.

<sup>94</sup> შდრ. I ტიმ. V, 9, 4, 10.

<sup>95</sup> შდრ. გალატ. IV, 19.

ნათლიძეების მადლს ვეზიარეთ, თითქოს ყველანი მისი ნაშეირნი ვყოფილიყავით და, იმავდროულად, ისე გვემსახურებოდა, როგორც საკუთარ მშობლებს.

X

23. მაგრამ მოახლოვდა ამ ქვეყნით მისი გასვლის დღე, რომელიც შენ იცი, უფალო, ჩვენ კი არ ვიცით იგი. მოხდა ისე, რომ მე და დედაჩემი მარტონი დავრჩით (ხოლო ამაშიც მე შენს თარულ წინასწარგანჩინებას ვხედავ). თანჯრის რათებაზე დაყრდნობილი ვავეყრებდით იმ სახლის ბაღს, სადაც ვცხოვრობდით ოსტიაში<sup>96</sup> ყოფნისას. ხანგრძლივი მგზავრობით დაღლილ-დაქანცულნი, როგორც იქნა, განვმარტოვდით და ძალას ვიკრებდით გასამგზავრებლად. ტკბილად ვსაუბრობდით „წარსულის მაგნიფარნი და იმისკენ მსწრაფნი, რაც წინ გველოდა“<sup>97</sup>; ერთმანეთს ვეკითხებოდით ჭეშმარიტების წინაშე - ხოლო ესა ხარ შენ, - რანაირი უნდა ყოფილიყო წმიდათა საუკუნო ცხოვრება, „რაც არ უნახავს თვალს, არ სმენია ყურს, და არ გაუვლია კაცს გულში“<sup>98</sup>, არამედ ვცდილობდით გულის ბაგეებით დაენათებოდით შენს ზეციურ წყაროს, „სიცოცხლის წყაროს, რომელიც არიან შენთან“<sup>99</sup>, რათა გვსხურებოდა მისი წყალი და შეძლებისდაგვარად ჩავწვდომოდით მის სიღიადეს.

24. საუბრისას იმ დასკვნამდე მივდივით, რომ გრძნობებით განცდილი ნებისმიერი სიამოვნება, რანაირი მიწიერი ნათლითაც არ უნდა იყოს იგი მოსილი, არამცთუ ვერ შეედრება საუკუნო ცხოვრების ნეგარებას, არამედ მასთან ხსენების ღირსიც კი არ არის. და მაშინ, გულმხურვალე სწრაფვით, „თვით მის“<sup>100</sup> სიღიადემდე ავმალვდით, თანდათანობით უკან მოვიტოვებდით მისი ყოველი ქმნილება და ცის თავანს მივალწიეთ, საიდანაც ნათელს ჰტევენ დედამინას მზე, მთვარე და ვარსკვლავები. ასე მივინევდით სულ უფრო და უფრო მაღლა, შენს ქმნილებებზე ვფიქრობდით, ვსაუბრობდით და განცვიფრებულნი ვიყავით მათი სრულყოფილებით. ბოლოს, ჩვენს სულსაც ვუწიეთ და უკან მოვიტოვებდით ისიც, რათა მივწვდომოდით უღვევი სისაფის მხარეს<sup>101</sup>, სადაც მარადის ასაზრდოებ ისრაელს ჭეშმარიტების საზრდოთი<sup>102</sup>, სადაც ცხოვრება ის სიბრძნეა, რომელიც დასაბამს აძლევს ყოველივე იმას, რაც არის, იყო, ანდა იქნება. თვითონ კი დაუსაბამო და ყოველთვის ისეთია, როგორიც არის, იყო და იქნება, ან, უფრო სწორად, მასზე არ შეიძლება ითქვას „იყო“, ან „იქნება“, არამედ მხოლოდ „არის“, რადგანაც წარუვალია, ხოლო წარუვალისათვის უცხოა

<sup>96</sup> იხ. აქვე, შენ. 86.

<sup>97</sup> შდრ. ფილიპ. III, 13.

<sup>98</sup> I კორ. II, 9.

<sup>99</sup> ფსალმ. 35, 10.

<sup>100</sup> ფსალმ. 4, 9.

<sup>101</sup> ეს გზა - გრძნობად-კონკრეტულ საგანთა თუ მოვლენათა მშვენიერების ჭვრეტა, საკუთარ სულში ჩაღრმავება, შინაგანი კათარსისი, თვითგანწმენდა, თვითდავიწყება და წმინდა ინტიუციით თვითმყოფი „ერთის“, ანუ ღმერთის ჭვრეტამდე ამაღლება - ღმერთის მისტიურ შემეცნების გზაა, ერთხელ და სამუდამოდ მონიშნული პლატონისა და პლოტინის მიერ. შდრ. მეშვიდე წიგნის შენ. 82.

<sup>102</sup> შდრ. ეზეკ. XXXIV, 14.

წარსულიც და მომავალიც<sup>103</sup>. მარადიული სიბრძნის ამ საუკუნო სავანეზე საუბრისას, ხარბად რომ ვილგვოდით მისკენ, მთრთოლვარე გულით ლამის კიდევაც მივწვდით მას. ამოვიკვნიესეთ და იქ დავგლოვეთ „პირველნაყოფი სულისა“<sup>104</sup>, რათა კვლავ დაგებრუნებოდით ამქვეყნიურ ფუჭიციკვობას, სიგყვებს, ნამში რომ ჩნდებიდან და მყისვე ქრებიან. რა შეედრება შენს სიგყვას, ჩვენს უფალსა და მეუფეს, თავის თავშივე დავანებულს, მარადის უბერებელსა და ყოვლის განმაახლებელს!<sup>105</sup>

25. ჩვენ ვამბობდით: „თუკი ვინმეში დაცხრება ხორცის ბობოქრობა, დაიშრიტება მინის, წყლისა თუ ჰაერის წარმოდგენა, დადუმდება ცა და იყუჩებს სულიც“<sup>106</sup>, თავის თავს განუდგება და აღარც საკუთარ თავზე იფიქრებს, უტყვი გახდება სიმძარეული ჩვენება თუ წარმოსახვისეული გამოცხადება, დამუხტდება ყოველი ენა, ყოველი ნიშანი და ყოველივე ის, რაც იბადება და ქრება, მოკლედ, თუ სრული მდუმარება დაისადგურებს, - რადგან, ყური რომ ვუგდოთ, ყველაფერი ამას ღაღადებს: „ჩვენ როდი შეგვიქმნია ჩვენივე თავი; არა, ჩვენ შეგვიქმნა იმან, ვინც წარუვალა უკუნისამდე“<sup>107</sup>, - თუკი ამის მოქმელნიც ხმას გაკმენდენ, ყურს მიაპყრობენ თავიანთ შემოქმედს და მხოლოდ ის ამეგყველდება, არა მათი მეშვეობით, არამედ უშუალოდ და თავისთავად, რათა ვისმინოთ მისი სიგყვა, არა ხორციელი ბაგეებით, არა ანგელოსთა ხმით, არა მეხთაგებით, არა იგავებით თუ წართაული მინიშნებებით წარმოთქმული, არამედ თვითონ მის მიერ, ვინც გვიყვარს მისსავე ქმნილებებში; დიახ, თვითონ მის მიერ, ყოველგვარი ქმნილების გარეშე, როგორც ახლახან, როცა დაუუტყვევთ ჩვენივე თავი<sup>108</sup> და ფრთამაღლი აზრით მივეახლეთ ყოვლის უმაღლესსა და უზენაესს, უხრწნელსა და წარუვალ სიბრძნეს, და თანაც სულის ამნაირი მდგომარეობა რომ დიდხანს გაგრძელდებოდა, ხოლო დაბალი ხატებანი განქიქებულიყვნენ, ასე რომ, მარგლოდენ მას, მარგლოდენ წარუვალ სიბრძნეს აღეგაცებინა, შთაენთქა და უსაზღვრო სიხარულით წაელეკა მისი მჭვრეტელნი, - და თუკი საუკუნო სიცოცხლე იმნაირია, რანაირიც იყო ნათელხილვისა და სანეგარო წვდომის ეს ნამი, რის გამოც ასე ვჭმუნავდით, - განა სწორედ ეს არ არის ის,

<sup>103</sup> იხ. პირველი წიგნის შენ. 29.

<sup>104</sup> რომ. VIII, 23.

<sup>105</sup> შდრ. სიბრძნე სოლომ. VII, 27.

<sup>106</sup> პირწმინდად პლოტინისეული პასაჟია: „დაე, დაცხრეს არა მარტო სულის ყოველგვარი მღელვარება, სხეულისგან რომ იღებს დასაბამს, არამედ ყველაფერი, რაც გარს არტყია: დამშვიდდეს მინა, ზღვა, ჰაერი და თვით ყოვლის უჭობესი ზეცა“ („ენწ.“ V, 1, 2).

<sup>107</sup> ფსალმ. 99, 3, 5.

<sup>108</sup> აქაც აშკარად იგრძნობა პლოტინის ვაჟლენა: იმისი წვდომა, რაც ამქვეყნიურ ფარვლებს სცილდება, ე.ი. ინტელიგიბილური სამყაროს მეტაფიზიკური ერთობისა, ადამიანურ გონებას ჩვეულებრივი ქმედითობით - განსჯისა და მსჯელობის გზით არ შეუძლია; ამისთვის ის თითქოს უნდა განუდგეს საკუთარ თავს: „რანაირი შთაბეჭდილებით შეგვიძლია იმისი აღქმა, რაც ჩვენი გონების ბუნებას აღემატება? შეძლებისდაგვარად ვცადოთ ამისი ახსნა: იმით, რაც ჩვენში ამ სანყის (ე.ი. ინტელიგიბილურ სამყაროს, - ბ.ბ.) ენათესავება, - ვიტყვით პასუხად. რადგანაც არის ჩვენში რაღაც მისეული, ან, უფრო სწორად, არ არსებობს ისეთი ადგილი, სადაც ის არ იყოს, ცხადია, იმ არსათავის, რომელნიც წილნაყარნი არიან მასთან, და რაკი ის ყველგანაა, არ მოიძებნება ისეთი ადგილი, სადაც ჩვენ ვერ შევძლებდით რაღაცა მიგველო მისგან, იმის წყალობით, რასაც ჩვენში შეუძლია მისი აღქმა. ის თითქოს ზარის წკრილია, რომელიც ავსებს სივრცის მდუმარებას. ყველა ვაცს, ვინც ყურს მიუგდებს მას, შეუძლია მთლიანად აღიქვას იგი, თუმცა, სხვა აზრით, მთლიანად როდი აღვიქვამთ მას. მაშ, რას აღვიქვამთ, როცა გონებას მისკენ მივმართავთ? - უწინარეს ყოვლისა, გონება უნდა უკვიქცეს, თავისი ორადლობის მიუხედავად, განუდგეს, განესხვისოს საკუთარ თავს, და აღარ იყოს მთლიანად გონება, თუკი სურს იხილოს ეს უზენაესი სანყისი“ („ენწ.“ III, VIII, 9).

რაზედაც ითქვა: „შემოვედ უფლის შენის სიხარულში?“<sup>109</sup> როდისღა ახდება ეს? იქნებ მაშინ, როცა „ყველანი აღვდგებით, მაგრამ ყველანი როდი შევიცვლებით?“<sup>110</sup>

26. აი, ამას ვამბობდი მე, იქნებ არც მთლად ასე და არც ზუსტად ამ სიტყვებით, მაგრამ შენ იცი, უფალო, რომ იმ დღეს, როცა მე და დედაჩემი ვსაუბრობდით, ეს ქვეყანა ისეთი უხადრუკი და ზიზღის ღირსი გვეჩვენა, მთელი მისი სიამითა და სიტკბოებითურთ, რომ დედაჩემმა მითხრა: შეილო, მე უკვე აღარაფერი მიხარია ამ ქვეყნად. აღარც კი ვიცი რა უნდა ვაკეთო აქ, ან რისთვისღა ვიყო? არათურის იმედი აღარა მაქვს. მხოლოდ ერთი რამ მაკავებდა ამ ცოდვილ დედამინაბზე: არ მინდოდა ისე მოვმკვდარიყავი, რომ ჭემმარიც ქრისტიანად არ მეხილვ. ღმერთმა უშურველად ამისრულა ეს სანადელი: მის მსახურად და მინიერი ბედნიერების მოძულედ მაჩვენა შენი თავი. მაშ, რაღა დამრჩენია აქ?“

## XI

27. აღარ მახსოვს, რა ვუპასუხე, მაგრამ ხუთიოდე დღის შემდეგ ციებამ დარია ხელი და ლოგინად ჩააგდო. ავადმყოფობისას ერთხელ გონი დაჰკარგა და ცოცხა ხასნ გულნასული იყო. ყველანი მივცვივდით, მაგრამ მალე მოევო გონს, დაგვინახა მე და ჩემი ძმა, თავს რომ ვადექით, და - „სად ვიყავი?“ - ისე თქვა, თითქოს რაღაცას ეძებო. შემდეგ მწუხარეთ გარინდებულთ გვითხრა: „აი, აქ დამარხავთ დედათქვენს“. მე ვდუმი და ძლივს ვიკავებდი ცრემლებს. ჩემმა ძმამ სანუგეშოდ წაილულულა, ღმერთმა გვარიდოს ეს სიმწარე, რომ სამშობლოდან ასე შორს, უცხო მხარეში დაიმარხო. ამის გაგონებაზე, ცოცხა არ იყოს, შეკრთა, ყვედრებით შეხედა მას, მერე ჩემზე გადმოიგანა მზერა და მითხრა: „გესმის, რას ამბობს?“ შემდეგ კი ორივეს მოგვმართა: „სულერთია, სად დაასვენებთ ამ სხეულს. ერთსა გთხოვთ მხოლოდ: სადაც არ უნდა იყოს, უფლის საკურთხეველთან მოიხსენიეთ დედათქვენი“. ძლივსძლივობით წარმოსთქვა ეს სიტყვები და მიყუჩდა, სწეულებით განამეხული.

28. მე კი, ღმერთო უხილაგო, ფეიქრობდი ყველა იმ ნიჭზე, შენს ერთგულთ რომ უნერგავ გულში, სადაც საკვირველ ნაყოფს გვაძლევენ; მიხაროდა და მადლს გწირავდი<sup>111</sup>: აკი ვიცოდი, რარიგ ღელავდა ყოველთვის თავისი დაკრძალვის თაობაზე, წინასწარ იჭერდა თადარიგს და მტკიცედ ჰქონდა გადანყვეგილი, ქმრის გვერდით დამარხულიყო. გვბილი ცოლ-ქმრობა ჰქონდათ და დედაჩემს სურდა ეს ბედნიერება კვლავაც გაგრძელებულიყო (ადამიანის სულს არასდიდებით არ ეთმობა სანუთრო), რათა ხალხს ეთქვა: აი, ხომ ხედავთ, ზღვის იქით იყო და დაბრუნდა, რათა ქმრის გვერდით ეპოვა საუკუნო განსასვენო.

<sup>109</sup> მათე, XXV, 21.

<sup>110</sup> 1 კორ. XV, 51.

<sup>111</sup> შდრ. კოლ. 1, 3.

არ ვიცი, როდის ჩაქრა მის გულში, შენი უსაზღვრო მადლის წყალობით, ეს ფუჭი სურვილი. ამიგომაც მიხაროდა და მიკვირდა მისი უცნაური ფერისცვალება, თუცა სარკმელთან საუბრისას, როცა მითხრა, რაღა დამრჩენია ამ ქვეყნადო, მის სიტყვებში უკვე აღარ იგრძნობოდა, რომ მშობლიურ მხარეში ნაცრობდა სიკვდილს. როგორც უფრო გვიან გავიგე, ოსტიაში ყოფნისას დედობრივი გულახდილობით გაუნდვია ჩემი მეგობრებისთვის, რარიგ შესძულდა ეს საწუთრო და რა სასოებით ელოდა სიკვდილს. მე ამ საუბარს არ ვესწრებოდი, ჩემი მეგობრები კი განცვიფრებულნი დარჩენილან ქალის ამნაირი გამბედაობით (ესეც შენ უწყალობე, უფალო) და უკითხავთ, ნუთუ არ გეშინია, მშობლიური კუთხიდან ასე შორს დასტოვო შენი სხეულიო? „ღმერთისთვის არაფერია შორს, - უთქვამს დედაჩემს, - და არც ისაა საშიში, რომ ქვეყნის დასასრულს ვერ გაიხსენებს, სად აღმადგინოს“.

ამრიგად, ავადმყოფობის მეცხრე დღეს, თავისი სიცოცხლის ორმოცდამეექვსმეტე წელსა და ჩემი ამქვეყნიური არსებობის ოცდამეცამეტე წელს განემორა სხეულს ეს კეთილმორწმუნე და ღვთისმოშიში სული.

## XII

29. თვალები დაუხუჭე და უსაზღვრო მწუხარებამ შეიპყრო ჩემი გული, რათა ცრემლების ნაკადულად გადმოღვრილიყო. სულის მძაფრი ძალისხმევით ვაიძულე თვალები, სადინარი არ მიეცათა ამ ნაკადისთვის და სრულიად მძრალნი დარჩენილიყვნენ. ოჰ, რა მგანჯველი იყო ეს ძალისხმევა! როცა დედაჩემმა სული დალია, ყმანვილი ადვოდატუსი საწყალობლად ატირდა, მაგრამ ჩვენ ვაიძულეთ გაჩუმებულიყო. რაღაც ბალღური ასევე ითხოვდა ჩემშიც ცრემლებითა და ქვითინით ჩამეხში სიმწარე, მაგრამ ისიც დაფორგუნე და ჩავიკალ გულში. ჩვენ მიგვაჩნდა, რომ ამნაირ აღსასრულს არ შეჰფეროდა ცრემლის ღვრა და მოთქმა-გოდება. ასე ხომ იმათ მწარე ხვედრს დასტირიან, ვისაც ჰკონია, რომ სიკვდილით ყველაფერი მთავრდება. დედაჩემისთვის კი სიკვდილი სულაც არ იყო მწარე ხვედრი; მეტიც, ის საერთოდ არ არსებობდა მისთვის<sup>112</sup>, რასაც ნათლად მონშობდა მისი ზნეობა და „უპირფერო რწმენა“<sup>113</sup>.

30. მაშ, რა იყო ის, რაც ასე მწვავედ მტკიოდა შიგნით? ახალი ჭრილობა, რომელიც ამ ჩვეული, ესოდენ გზბილი და საამური, ერთობლივი ცხოვრების უეცარმა შეწყვეტამ მომაყენა? შვებას მგვრიდა იმის შეგნება, რომ ამ უკანასკნელი სწეულების ჟამს, როცა თავს ვადექი, აღერსით მიხდიდა მადლობას, თავის კეთილ შვილს მეძახდა და ენითუთქმელი სიყვარულით იხსენებდა, რომ არასოდეს სმენია ჩემგან როყიოდ წამოსროლილი ან უხამსი სიტყვა.

<sup>112</sup> შდრ. I თესალ. IV, 13-14: „მაგრამ არა გვნებავს, ძმანო, რომ არა იყოლდეთ რა განსვენებულთა, რათა არ სწუხდეთ დანარჩენთა მსგავსად, რომელთაც არა აქვთ სასოება. რადგანაც, თუ გვწამს, რომ იესო მოკვდა და აღდგა, მაშინ ღმერთი იესოში განსვენებულთა მოიყვანს მასთან ერთად“.

<sup>113</sup> 1 ტიმ. I, 5.



კი მაგრამ, ღმერთო ჩემო, ჩვენო შემოქმედო, სად ჩემი მოკრძალებული სამსახური მისდამი და სად მისი ამაგი ჩემზე? დიდი ნუგეშისმცემელი დაგვარგე მისი სახით; მონყლი იყო ჩემი სული, თითქოს შუაზე განყდაო ერთ მთელად ქცეული სიცოცხლე ჩვენი.

31. მაშ, ასე, ცირილი დაუშალეთ ბიჭუნას; ევლიუსმა დავითნი აილო და თსალმუნის გალობას შეუდგა, რასაც მთელი სახლეული აჰყვა: „გულმონყალებას და სამართალოს შენსას ვუგალობ, უფალო“<sup>114</sup>. როცა გაიგეს, რა მოხდა, მრავალმა ძმამ და მორწმუნე ქალმა მოიყარა თავის. ვისაც მართებდა, გვამის გაპაციოსნებას შეუდგა; მე კი ოდნავ მოშორებით ვიდექი, სადაც შემეძლო, ვითარების შესაბამისად, მესაუბრა იმ ხალხთან, ვინც გადაწყვიტა არ მივეტოვებინე, მესაუბრა იმაზე, რაც საჭირო იყო ამ დროს. ჭეშმარიტების ნამლით მსურდა შეემსუბუქებინა ტანჯვა, რაც შენ იცოდი, ჩემმა თანამოსაუბრეებმა კი არ იცოდნენ, უფალო: ასე ევონათ, არავითარ ტვივილს არ განვიცდიდი. მხოლოდ შენს გასაგონად - სხვას არავის ესმოდა, - ვუკიჟინებდი და სისუსტეს ვაყვედრიდი ჩემს თავს, ვცდილობდი როგორმე დამეოკებინა მწუხარების ნიაღვარი, და ისიც თითქოს მემორჩილებოდა, მაგრამ მალე კვლავ მიტაცებდა მისი ბობოქარი ღინება, თუმცა იმდენს კი ვახერხებდი, რომ არც ცრემლი გადმომეგდო და არც სახის გამომეტყველება შემეცვლოდა. მაგრამ კარგად ვიცოდი, რასაც ვიკვლევდი გულში. და რაკი საშინლად მთრგუნავდა იმის შეგნება, რომ იმ ზომამადე შემძრა კაცთათვის გარდუვალმა სიკვდილმა, რომელსაც ვერვინ გაექცევა, ვერავინ დააღწევს თავს, - ტვივილის ტვივილი ემატებოდა და ორმაგად მიმძაფრდებოდა ურვა.

32. ცხედარი გამოასვენეს, ჩვენც გაყვევით და უცრემლოდვე დავბრუნდით უკან. ლოცვის დროს, შენდამი რომ აღვაუღინეთ, ვიდრე გამოსახსნელ მსხვერპლს გწირავდით მისთვის და, იქაურთა ჩვეულებისამებრ, სხეული კუბოში ჩასვენებამდე მის ახლოს ესვენა, დიახ, თვით ლოცვის დროსაც კი არ გადმომვარდნია ცრემლი. მთელი დღის განმავლობაში საშინლად ვიტანჯებოდი, მაგრამ ეს არავის შეუმჩნეია, და ამ სულიერი საღმობის ჟამს შეძლებისდაგვარად გევედრებოდი, ტვივილისაგან მიხსენი-მეთქი. შენ კი არ შეისმინე ჩემი ვედრება, ალბათ, იმიტომ, რომ ჩემს გონებაში სამუდამოდ აღგებეჭდა, თუ რა მტკიცეა ჩვეულების ბორკილები თვით იმ სულისთვისაც კი, რომელიც უკვე უტყუარი სიტყვეთ საზრდობს.

და მაშინ აბანოში წასვლა გადაწყვიტე (გაგონილი მქონდა, რომ აბანოს ბერძნულად „ბალანეონი“ ჰქვია: ვითომცდა სულიდან მწუხარების განდევნას უწყობს ხელსაო<sup>115</sup>). გულახდილად ვაღიარებ ამას შენს წინაშე, ობოლთა ძამაო: ნავედი და განვიბანრე კიდევც, მაგრამ ისეთივე მწუხარე დავრჩი, როგორც განბანამდე ვიყავი. არასდიდებით არ ამოირეცხა ჩემი გულიდან სიმწრის ნაღველი. მერე ჩამეძინა და როცა გამოვიღვიძე, ჩემი მწუხარება

<sup>114</sup> ფსალმ. 100, 1.

<sup>115</sup> ეტიმოლოგია მცდარია: ნეტარი ავგუსტინეს აზრით, „ბალანეონ“ („აბანო“) წარმოდგება გამოთქმიდან: „ბალენ ანიან“ - „მწუხარების განდევნა“.

მიუჩებულოყო. სარეცელზე მარტო მწოლარეს გამახსენდა შენი ამბროსის მართალი სიტყვები<sup>116</sup>;

„ღმერთო, ყოვლის შემოქმედო,  
ცისა და მიწის გამრიგევე,  
დღის ნათელი სხივოსანო,  
სანუკუგარო შებენი ღამის,  
რომ სხეულმა დაქანცულმა  
კვლავაც იგრძნოს ძველი სიმხნე,  
მოეფონოს წამებულ სულს,  
საზარელი დაცხრეს ურვა“<sup>117</sup>.

33. მერე კი თანდათანობით დამიბრუნდა უწინდელი გრძობა: გამახსენდა შენი მხევალი, მისი ღვთისმოსაობა, დედობრივი ალერსი და გულმონწყალება; გამახსენდა, ვინც ასე უეცრად გამოძეცა ხელიდან, და კვლავ მომინდა ცირილით მეჯერა გული შენს წინაშე. მინდოდა მეჯერა მასზე და მისთვის, ჩემზე და ჩემთვის. და მე გზა მივეცი ცრემლებს, აქამდე რომ ვიკავებდი: დაე, თავისუფლად ედინათ. თითქოს რბილ სარეცელზე მოისვენაო, ისე დამშვიდდა ამ ცრემლის ღვრით ჩემი გული, რადგანაც შენ გესმოდა ჩემი ცირილი, რომელსაც ვერ გაიგებდა ვერაფერს, ვისაც შეეძლო მცდარად განემარტა მისი მიზები.

და, აი, ახლა აღსარებას გეუბნები, უფალო, და შენს წინაშე ვალიარებ ამას ჩემს წიგნში. დაე, წაიკითხოს, ვისაც სურს, და ისე განმარტოს, როგორც სურს. თუ ვინმეს მოეჩვენება, რომ ვცოდე, რაკილა ასე ცოტა ხანს დავცირილი დედაჩემს, რომელიც დროებით მოკვდა ჩემს თვალში, და ამდენ ხანს კი დამცირიდა, რათა მეცოცხლა შენს თვალსი, - დაე, დამცინოს; მაგრამ თუ ჭეშმარიტად გულმონწყალება, დაე, შენს წინაშე დაიციროს ჩემი ცოდვები, ყველა ქრისტესმიერი ძმის მამაო.

### XIII

34. მას შემდეგ, რაც ჩემი გული განიკურნა ამ ჭრლობისგან (რის გამოც ვამხილოთ კაცთა ხორციელი სისუსტე), მე უკვე სულ სხვა ცრემლებს ვღვრიდი შენს წინაშე, ღმერთო ჩემო, ამ შენი სათნო მხეველებისთვის: ცრემლებს, რომელთაც აფრქვევს სული იმ საფრთხის

<sup>116</sup> წმ. ამბროსი მედიოლანელის სახელით ჩვენამდე მოაღწია თორმეტმა საგალობელმა. აქედან კრიტიკა მხოლოდ ოთხს მიიჩნევს ავთენტიკურად.

<sup>117</sup> იხ. Migne, Patrol. lat. XVI, 409.

წარმოდგენაზე, რაც მოელის უკლებლივ ყველას, ვინც კვდება ადამის მიერ<sup>118</sup>. და თუმცა შენი მხევალი, ჯერ კიდევ ხორცშესხმული, ქრისტეს მიერ კვლავ ეზიარა სიცოცხლეს და ისე ცხოვრობდა, რომ თავისი რწმენითა და ზნეობით განადიდებდა შენს სახელს, მაინც ვერ ვხედავ იმის თქმას, თითქოს მას შემდეგ, რაც ხელახლა იშვა ნათლისღებით, დედაჩემის ბაგეს ერთი სიტყვაც არ დასცდენია შენი მცნებების წინააღმდეგ<sup>119</sup>. აკი თვით ჭეშმარიტების, ანუ შენი ძის მიერ ითქვა: „ვინც ეტყვის თავის ძმას: შლეგო, ცეცხლის გეენაში უნდა ჩავარდეს“<sup>120</sup>. და ვაი იმ კაცს, სანაქებო ცხოვრებითაც რომ ეცხოვროს, ვისაც გულმონყალების გარეშე განსჯი და განიკითხაუ! მაშ, რა გვასულდგმულებს იმის მოიძევეთ, რომ თუნდაც სულ მცირე ადგილს მოვიპოვებთ შენს გვერდით? მხოლოდ ის, რომ მთელი სიმკაცრით არ იძიებ ჩვენს შეცოდებებს. რადგანაც ვინც დაწვრილებით ჩამოვითვლის ყველა თავის დამსახურებას, სხვას რას ჩამოთვლის, თუ არა შენს მადლსა და ნიჭს? ოჰ, ნეტა კაცი შეიგნებდეს, რომ მხოლოდ კაცია, „ხოლო ვინც იქადის, უფლით იქადოდეს“<sup>121</sup>.

35. ამრიგად, „დიდებავ და ცხოვრებავ ჩემო“<sup>122</sup>, „ღმერთო ჩემი გულისა“<sup>123</sup>, მცირე ხნით დავივიწყებ დედაჩემის კეთილ საქმეებს, რომელთათვისაც სიხარულით გწირავ მადლობას, და ახლა გვედრები, მიუტევო მისი ცოდვები: შეისმინე ჩემი ლოცვა მისი სახელით, ვინც განკურნა ჩვენი წყლულები და ჩვენთვისვე ჯვარცმული „ჩვენდა მეობად“<sup>124</sup> დაჯდა შენს მარჯვნივ.

ვიცი, რაოდენ მონყალე იყო და მთელი გულით მიუტევებდა „თავის მოვალეთ“<sup>125</sup>; შენც მიუტევე მისი ცოდვები, თუკი რამ შეუცლოდავს ამდენი წლის განმავლობაში ნათლისღების შემდეგ. მიუტევე, უფალო, გვედრები, მიუტევე და „ნუ შეხვალ სამსჯავროში მასთან“<sup>126</sup>, არამედ „მონყალეამ იმძლავროს მსჯავრზე“<sup>127</sup>, რადგანაც ჭეშმარიტია შენი სიტყვა, შეწყალეა რომ აღუთქვი მონყალეთ. ხოლო ვინც მონყალეა, შენი წყალობითაა მონყალე, რაკილა „შეწყალეებ შესაწყალეებელს და გებრალეა, ვინც უნდა გებრალეობდეს“<sup>128</sup>.

36. მე მგონია, რომ უკვე ამისრულე თხოვნა, მაგრამ „შეიწყნარე, უფალო, ნებსითი მსხვერპლი ჩემი პირისა“<sup>129</sup>. სიკვდილის წინა დღეს განა მდიდრულ განსვენებაზე ფიქრობდა, ან მოითხოვდა კეთილსურნელოვანი საცხებელი ეცხოთ და დიდებული ძეგლი აეგოთ მისთვის, ანდა მშობლიურ მხარეში დაემარხათ? არა, ეს როდი დაუბარებია, მხოლოდ ის

<sup>118</sup> იგლისხმება პირველი ცოდვა. შდრ. I კორ. XV, 22: „და როგორც ადამში კვდებიან ყველანი, ისე ქრისტეში იცოცხლებს ყველა“.  
<sup>119</sup> შდრ. მათე XII, 36: „ხოლო მე გვეზნებით თქვენ: ყოველი ფუჭი სიტყვისათვის, რომელსაც იტყვიან კაცნი, პასუხს აგებენ ისინი განკითხვის დღეს“.  
<sup>120</sup> მათე V, 22.  
<sup>121</sup> II კორ. X, 17.  
<sup>122</sup> შდრ. ფსალმ. 117, 14.  
<sup>123</sup> შდრ. ფსალმ. 72, 26.  
<sup>124</sup> რომ. VIII, 34.  
<sup>125</sup> მათე VI, 12.  
<sup>126</sup> ფსალმ. 142, 2.  
<sup>127</sup> იაკ. II, 13.  
<sup>128</sup> რომ. IX, 15.  
<sup>129</sup> ფსალმ. 118, 108.

გვთხოვა, შენს წმიდა საკურთხეველთან მოგვეხსენიებინა, რომელსაც ერთგულად ემსახურებოდა მთელი სიცოცხლის განმავლობაში, რადგანაც იცოდა, რომ მასზე შეინირება წმიდა მსხვერპლი, რომლითაც „წარხოცება ჩვენს გამო შეთხზული ხელწერილი, მიმართული ჩვენს წინააღმდეგ“<sup>130</sup> და მარცხდება ჩვენი მტერი, რომელიც ეძებს იმის საბაბს, რომ ბრალი დაგვდოს<sup>131</sup>, მაგრამ ვერაფერს პოულობს მასში, ვისი მეოხებითაც ვიმარჯვებთ. ვინ დაუბრუნებს უმანკოდ დათხეულ სისხლს? ვინ გადაუხდის იმის საფასურს, რითაც გამოგვისყიდა ჩვენი მტრისაგან?

გამოსყიდვის ამ საიდუმლოს ჩაენწა სული შენი მხევლისა რწმენის საკვრელით. დაე, ველარავინ მოსწყვიტოს იგი შენს წიაღს. დაე, ვერც ლომმა და ვერც ძველმა ვერ შესძლონ მასში შეღწევა ძალითა თუ ცბიერებით<sup>132</sup>: სული არ ეგყვის მათ, რომ არაფერი არ მართებს მათი, იმისი შიშით, ვაითუ მამხილოს და მიმიტაცოს მაცთურმა ბრალმდებელმაო, არამედ პასუხად მიუგებს, რომ მიეგება ცოდვები მის მიერ, ვისაც ვერავინ მიაგებს იმას, რაც მან მოგვაგო, თუმცა არაფერი მართებდა ჩვენი.

37. დაე, მშვიდობა მისცეს ღმერთმა მეუღლესთან ერთად, ვის გარდა სხვა ქმარი არ ჰყოლია, არც მანამდე და არც მისი სიკვდილის შემდეგ; ვისაც ემსახურებოდა და „წყოფიც გამოჰქონდა მოთმინებით“<sup>133</sup>, რათა შენთვის შეგეძინა იგი<sup>134</sup>. მაშ, ჩააგონე ყველა შენს მსახურსა და ჩემს ძმას, ყველა შენს შვილსა და ჩემს მოძღვარს, რომელთაც ვემსახურები სიგყვით, გულით და კალმით, რომ არ სტრიქონების კითხვისას შენს წმიდა საკურთხეველთან მოიხსენიონ მონიკა, შენი მხევალი, და პატრიციუსი, ოდესღაც მისი მეუღლე, რომელთა ხორცის მეოხებითაც გამოძიხმე ამ ქვეყნად, მაგრამ როგორ, ეს კი არ ვიცი. დაე, სიყვარულით მოიხსენიონ ჩემი მშობლები ამ წუთისოფლად, შენმიერი და-ძმა ჩემი შენში<sup>135</sup>, მამაო, და ჩვენს დედა ეკლესიაში, ჩემი თანამოქალაქეები ზეციურ იერუსალიმში, რომლისთვისაც თავის ხეგიალში დასაბამიდან დასასრულამდე გამუდმებით ჭმუნავს შენი ერი. დაე, მარავალი მოყვასის ლოცვით უფრო სრულად აღსრულდეს მისი უკანასკნელი თხოვნა ჩემდამი, - და მარცო ჩემი ლოცვა-ვედრებით, არამედ ჩემი აღსარებითაც.

<sup>130</sup> კოლ. II, 14.

<sup>131</sup> შდრ. აპოკ. XII, 10.

<sup>132</sup> შდრ. ფსალმ. 90, 13.

<sup>133</sup> შდრ. ლუკა VIII, 14.

<sup>134</sup> შდრ. I პეტრე III, 1.

<sup>135</sup> მონიკა და პატრიციუსი - ნეტარი ავგუსტინეს დედ-მამა ამ ქვეყნად, საუკუნო ცხოვრებაში კი - მისი ქრისტესმიერ და-ძმა.

## წიგნი მათა

## I

1. „შევიცნობ შენ“, ჩემო შემცნობო, „შევიცნობ შენ, როგორც შენგან შევიმეცნები“<sup>1</sup>. ძალაო ჩემი სულისა, შემოდი ჩემსავე სულში და მიისადაგე იგი, რათა იყოს შენი სამკვიდრო, „მნიველისა თუ ზადის გარეშე“<sup>2</sup>. ესაა სასოება ცემი, ამიტომაც ამას ვამბობ<sup>3</sup> და ამ სასოებით ვხარობ<sup>4</sup>, თუკი ჭეშმარიტია ეს ჩემი სიხარული. ამა სოფლის სხვა სიკეთენი მით უფრო ნაკლებ ღირსნი არიან ცრემლების ღვრისა, რაც უფრო მწარედ დასტირიან მათ, და მით უფრო მეტად იმსახურებენ ცრემლებს, რააც უფრო ნაკლებ გოდებენ მათ გამო. „და აჰა, შენ შეიყვარე ჭეშმარიტება“<sup>5</sup>, რადგანაც „ჭეშმარიტების მოქმედი ნათლისკენ მიდის“<sup>6</sup>. მეც მინდა ჩემს გულში აღვასრულო ჭეშმარიტება შენს წინაშე ჩემივე აღსარებით და, იმავდროულად, ჩემი ქმნილებითაც მრავალი მოწმის წინაშე.

## II

2. მაგრამ აღსარებაც რომ არ მეტყუა შენთვის, უფალო, განა რაიმე დაემალეობდა შენს თვალს, რომლისთვისაც „არა არის რა დატყუებული, არამედ ყოველივე გამიშვლებულია და გამოაშკარავებული“<sup>7</sup>, თვით უთსკრულიც კი ადამიანის სინიდისისა?<sup>8</sup> შენ შეიძლება დატყუებული იყო ჩემთვის, მე კი ვერსად დაგემალეები. და ახლა, როცა ჩემი გმინვა თვალნათლივ მოწმობს, რომ აღარად მიმაჩნია ჩემივე თავი, ათასწილ უფრო მეტად ბრწყინავ, სიგებობავ და სინათლევ ჩემო, რათა მიყვარდე და დაუოკებლად ვილგვოდე შენსკენ; რათა სირცხვილმა დამწვას, უარვეყო ჩემი თავი და მის სანაცვლოდ შენ ავირჩიო, რომ მხოლოდ შენით მომწონდეს თავი და მოსაწონი ვიყო შენთვისაც.

როგორიც უნდა ვიყო, უფალო, მთლიანად შენს წინაშე ვდგავარ; უკვე გითხარი, რა ნაყოფსაც მოველი ამ ჩემი აღსარებიდან, რომელსაც ხორციელი ხმითა და სიგებებით როდი გეუბნები, არამედ სულის სიგებებითა და თქრთა ღაღადისით, რასაც აღიქვამს შენი სასმენელი. როდესაც უკეთურება მომჭარბდება, მთელი ჩემი აღსარება შენდამი ისაა, რომ თვითონვე არ მომწონს ჩემივე თავი, ხოლო როცა სიკეთე მძლავრობს ჩემში, აი, ჩემი

<sup>1</sup> I კორ. XIII, 12.

<sup>2</sup> ეფეს. V, 27.

<sup>3</sup> „არასრულყოფილია იმისი რწმენა, ვისაც არ სურს ილაპარაკონ იმაზე, რაც სწამს: რწმენა ხომ ნიშნავს ირწმუნო ისიც, რაც თქმულა: ვალიარებ მას ღვთის ანგელოსთა წინაშე“ (ნეტარი ავგუსტინე, „ფსალმუნებისათვის“, 115, 2).

<sup>4</sup> შდრ. რომ. XII, 12.

<sup>5</sup> ფსალმ. 50, 8.

<sup>6</sup> იოანე III, 21.

<sup>7</sup> ებრ. IV, 13.

<sup>8</sup> შდრ. სიბრძნე ზირაქ. XLII, 18, 20.



აღსარება შენდამი: ჩემს თავს როდი მივანერ ამას, რადგანაც „შენ აკურთხებ მართალს, უფალო“<sup>9</sup>, მაგრამ მანამდე „შენვე უჩვენებ სიმართლის გზას იმას“<sup>10</sup>, ვინც ადრე ცოდვილი იყო. ჩემი აღსარება შენს წინაშე მდუმარეცაა და დაუდუმებელიც. დუმს ენა, მაგრამ ღაღადებს გული. არ არსებობს ისეთი წრფელი სიტყვა, ხალხს რომ ვუთხრა და უმაღლ შენ არ ისმინო, და არც რა გსმენია ჩემგან ისეთი, უმაღლ შენ რომ არ გეთქვას ჩემთვის.

### III

3. მაშ, რა შესაქმება ხალხთან, ან რაგომ უნდა ისმინონ ჩემი აღსარება, თითქოს შეეძლოთ „ყოველი ჩემი სწულების“<sup>11</sup> განკურნვა? ეს მოდგმა მხოლოდ სხვისი ცხოვრების ჩხრეკაში იჩენს გულმოდგინებას, მაგრამ თითხაც არ გაანძრევს იმისთვის, რომ გამოასწოროს თავისი საკუთარი ცხოვრება. რაგომ ცდილობენ ჩემგან გაიგონ, ვინ ვარ და რა ვარ? რაგომ ცდილობენ ამას ისინი, ვსაც არ სურს შენგან გაიგოს, რანი არიან თავად? თუმცა ვინც ჩემგან ისმენს ჩემსავე ამბავს, რანაირად გაიგებს, მართალს ვამბობ თუ არა, ვინაიდან არცერთმა კაცმა არ იცის „რა ხდება კაცში, თუ არა კაცის სულმა, რომელიც არის მასში“<sup>12</sup>. ხოლო თუ შენგან გაიგებს, რა არის თავად, ველარ იტყვის, უფალი ცრუობსო. ვინც ისმენს, რას ამბობ მასზე, განა ამით არ შეიცნობს საკუთარ თავს? ან ვის შეუძლია, თავისი თავი შეიცნოს და თქვას, ეს სიცრუეაო? მაგრამ რაკი „სიყვარულს ყველაფერი სწამს“<sup>13</sup>, ყოველ შემთხვევაში, მათ შორის მაინც, ვინც ერთარსად შეუსისხლობრცებია, ამიტომ მეც აღსარებას გეუბნები, უფალო, რათა გაიგონოს ამ ხალხმა, რომელსაც ვერ დავეუძკვიცებ, მართალია თუ არა ეს ჩემი აღსარება; მაგრამ იმათ მაინც სწამთ ჩემი, ვისაც ყურნი სიყვარულმა განუხვანა ჩემი სიტყვებისათვის.

4. მაშ, განმიმარტე, ჩემი სულის მკურნალო, რისთვის ვიქმ ამას. უწინდელ ცოდვათა აღიარება, რომელნიც უკვე წარხოცე და მომიტევე, რათა ბედნიერი ვყოფილიყავი შენში, და რწმენითა თუ იღუმალებით შეცვალე ჩემი სული<sup>14</sup>, დიას, ამნაირი აღიარება აფხიზლებს მისი მკითხველისა თუ მსმენელის სულს, ნებას არ აძლევს მას სასწარკვეთილებას მიეცეს და მწარეს ამოიგმინოს, აღარ შემიძლიაო, აიძულებს იფხიზლოს შენი მონყალებისა და უტკბესი მადლის იმედით, მონყალებისა, ძალას რომ ანიჭებს უძლურს, რომელიც მისი მეოხებით შეიცნობს თავის უძლურებას<sup>15</sup>. კეთილი კაცი სიამოვნებით ისმენს სხვის მიერ ოდესღაც

<sup>9</sup> ფსალმ. 5, 13.

<sup>10</sup> რომ. IV, 5.

<sup>11</sup> ფსალმ. 102, 3.

<sup>12</sup> I კორ. II, 11.

<sup>13</sup> I კორ. III, 7.

<sup>14</sup> შდრ. ფსალმ. 31, 1-2.

<sup>15</sup> შდრ. II კორ. XII, 10.

განცდილი უბედურების ამბავს, მაგრამ თვით უბედურება კი არ ანიჭებს სიამოვნებას, არამედ ის, რომ უბედურება უკან დარჩა.

მას, რას მოველი, ღმერთო ჩემო, ვისაც ჩემი სინდისი ყოველდღე მოგმართავს აღსარებით, სინდისი, რომელსაც შენი გულმონყალების იმედი უფრო აქვს, ვიდრე თავისი უმანკობისა? გეკითხები, რას მოველი-მეთქი, ამ ჩემი აღსარებით რომ ვდგავარ როგორც შენს წინაშე, უფალო, ასევე კაცთა წინაშეც, და იმას კი არ გაუწყებთ, თუ როგორი ვიყავი უნინ, არამედ იმას, თუ როგორი ვარ ახლა. რა ნაყოფი გამოაქვს გარდასულ შეცოდებათა აღიარებას, ეს დავინახე და აღვნიშნე კიდევ. მაგრამ ვინ მოსთვლის, რამდენს უნდა გაიგოს, რანაირი ვარ მე ახლა, როცა ამ ჩემს აღსარებას ვწერ; ზოგი მიცნობს, ზოგი კი არა, მაგრამ რალაცა გაუგია ჩემგან ან ჩემზე. ვაი რომ ყურს ვერ მიაღებენ ჩემს გულს, თორემ მაშინ კი მიხვდებოდნენ, ვინცა ვარ. ამიგომაც სურთ მოისმინონ ჩემი აღსარება იმის თაობაზე, ვინ ვარ და რა ვარ შინაგანად, რაც მიუწვდომელია როგორც მათი თვალისთვის, ისე ყურისა თუ გონებისთვისაც. მათ სურთ ირწმუნონ ჩემი სიტყვები, თორემ რა გზით შემიცნობენ სხვანაირად? სიყვარული, რომელიც აკეთილშობილებს მათ სულს, არწმუნებს მათ, რომ არ ვიცრუებ ჩემს აღსარებაში, და თვით ამ სიყვარულს მათსას სჯერა ჩემი.

#### IV

5. მაგრამ ან ისინი რა ნაყოფს მოელიან აქედან? იქნებ სურთ მომილოცონ, როცა გაიგებენ რამდენად მოგიახლოვდი შენი წყალობით, და ილოცონ ჩემთვის, როცა გაიცხადებენ, რარიგად შემაფერხა ჩემივე გვირთის სიმძიმემ? თავს გაუუმჯღაფნებ ამნაირთ. მცირედი როდია ნაყოფი, უფალო ღმერთო ჩემო, როცა „შენს მიმართ მრავალნი აღავლენენ მადლს ჩვენთვის“<sup>16</sup> და მრავალნი შეგავედრებენ ჩვენს თავს. დაე, შეიყვაროს მოყვასის სულმა ჩემში ის, რის სიყვარულსაც გვასწავლი, და დაიტიროს ის, რაც სატირლად გიჩანს.

დაე, იგრძნოს უცხომ კი არა, მოყვასის სულმა, არა იმათმა, „ვისი ბავენიც გყუილს იგყვიან და ვისი მარტვენაც უსამართლობის მარტვენაა“<sup>17</sup>, არამედ ძმის სულმა, რომელიც, თუ მიწონებს, ხარობს ჩემს გამო, ხოლო თუ მგმობს, ჩემთვისვე წუხს, რადგან მიწონებს თუ მიწუნებს, მაინც ერთნაირად ვუყვარვარ. თავს გაუუმჯღაფნებ ამნაირთ: დაე, უხაროდეთ ყოველივე კარგი, რაც არის ჩემში, და წუხდნენ ცუდის გამო. რაც კარგია ჩემში, შენმიერია, ცუდი კი ჩემი ცოდვებისგან იღებს დასაბამს, რომელთაც შენ ჰგმობ. დაე, სიხარულით უმზერდნენ პირველს და წუხდნენ მეორის გამო. დაე, ჩემი ძმების გულიდან, როგორც სასაკმეველედან, ამოიკმეს შენდამი საგალობელიც და ვოდებაც. შენ კი, ვინც ტკბები შენივე ტაძრის კეთილსურნელებით, „შემიწყალე შენი უსაბღვრო გულმონყალებით“<sup>18</sup>, და რაკი

<sup>16</sup> II კორ. I, 11.

<sup>17</sup> ფსალმ. 143, 8.

<sup>18</sup> ფსალმ. 50, 3.

არასოდეს დაუბოლოვებლად არ გოვებ შენს საქმეს, ბოლომდე წარხოცე არასრულ-ქმნილებაც ჩემი.

6. აი, ჩემი აღსარების ნაყოფი: იმის გადმოცემა კ არა, თუ როგორი ვიყავი უნინ, არამედ იმისა, თუ როგორი ვარ ამჟამად. მე მინდა ვაღიარო ეს არა მარტო შენს წინაშე, იღუმალი „შიშით და ძნოლით“<sup>19</sup>, იღუმალი ჭმუნვით და სასოებით, არამედ ადამის კეთილმორწმუნე ძეთა წინაშეც, რომელნიც იზიარებენ ჩემს სიხარულს და ინანილებენ ჩემს მწარე ხვედრსაც - მოკვდავობას. ისინი ჩემი თანამოქალაქენი არიან და ჩემივე თანამგზავრნი ამქვეყნიური ცხოვრების ორომგრიალში, მიუხედავად იმისა, წინ მისწრებდნენ, უკან მომდევნენ თუ ჩემს მხარდამხარ მოდიან: შენი მსახურნი და ჩემი ძმები, შენი შვილები და ჩემი უფალნი, რომელთა მსახურებაც მიბრძანე, თუკი ვისურვებდი შენითა და შენთვის მეცოცხლა. შენს ძეს რომ მხოლოდ სიციყვებით დავემოძღვრეთ, ეს არ იქნებოდა საკმარისი, მაგრამ მან თავისი საქმით გვიჩვენა გზა, და მეც ამ გზას მივსდევ: სიციყვით თუ საქმით ვემსახურები ჩემსავე მოყვასთ, „შენი ფრთების ჩრდილს შეფარებული“<sup>20</sup>, რადგანაც საშინელი განსაცდელი შემუქრებოდა, შენს ფრთებს რომ არ შეხიზვნოდა ჩემი სული, და არა გცოდნოდა ჩემი უძლურება. მე ვარ უმწეო ყრმა, მაგრამ უკვდავია მამა ჩემი და ყოვლისმძლეა მფარველი ჩემი. მან დამბადა და მმფარველობს კიდევ. შენა ხარ მთელი ჩემი სიკეთე, მძლეეთამძლეო; ყოველთვის ჩემთან იყავი, თვით მაშინაც კი, ვიდრე მე მოვიდოდი შენთან. ამიტომაც ვაუწყებ იმ ხალხს, ვისი მსახურებაც მიბრძანე, არა იმას, თუ რა ვიყავი, არამედ იმას, თუ ვინა ვარ და რა ვარ ახლა. მაგრამ „მე თვითონ როდი განვიკითხავ ჩემსავე თავს“<sup>21</sup>; დაე, ახსოვდეთ ეს ჩემს მსმენელებს.

## V

7. შენ განმიკითხავ, უფალო, რადგანაც არაუინ იცის „რა ხდება კაცში, თუ არა კაცის სულმა, რომელიც არის მასში“<sup>22</sup>. მაგრამ არის კაცში რაღაც ისეთი, რაც არ იცის თვით კაცის სულმა, რომელიც არის მასში, ხოლო შენ, უფალო, ჭეშმარიტად იცი ყოველი, რაც არის კაცში, რადგანაც შენ შეჰქმენი იგი. ისე კი, მართალია, უბადრუკი ვარ შენს წინაშე და „მგვრად და ფერფლად“<sup>23</sup> მიმაჩნია ჩემივე თავი, მაგრამ ვიცი შენზე რაღაც ისეთი, რაც თვით ჩემზედაც არ ვიცი. რა თქმა უნდა, „ახლა ბუნდოვნად ვხედავთ, როგორც სარკეში“ და არა „პირისპირ“<sup>24</sup>, ამიტომ შენგან განშორებული და უცხო მხარეს მოხეგიალე<sup>25</sup> ჩემს თავთან უფრო ახლოსა ვარ, ვიდრე შენთან, მაგრამ ის მაინც ვიცი, რომ ვერაუინ დაგატანს ძალას, ხოლო რანაირ საცთურს შემოძლია აღუუდგე წინ და რანაირს - არა, ეს კი არ ვიცი. მხოლოდ იმის იმედი

<sup>19</sup> ფსალმ. 2, 11.

<sup>20</sup> ფსალმ. 16, 8; 35, 8.

<sup>21</sup> I კორ. IV, 3.

<sup>22</sup> I კორ. II, 11.

<sup>23</sup> იობი XLII, 6.

<sup>24</sup> I კორ. XIII, 12.

<sup>25</sup> შდრ. II კორ. V, 6.

მაქვს, რომ „სარწმუნო ხარ“ და „არ განგვაცდევინებ იმას, რისი თმენაც ჩვენს ძალ-ღონეს აღემატება, არამედ განსაცდელში გამოსავალსაც გაპოვნინებ, რათა შევიძლოთ დათმენა“<sup>26</sup>.

ამრიგად, აღსარების გეუბნები და ვალიარებ არა მარტო იმას, რაც ჩემსავე თავზე ვიცი, არამედ იმასაც, რაც არ ვიცი. რადგან ის, რაც ჩემსავე თავზე ვიცი, შენგან ნათელფენილმა ვიცი, ხოლო რაც არ ვიცი, მანამდე არ მეცოდინება, სანამ ჩემი „წყვდიადი“ „შუადღესავით არ გაბრწყინდება“<sup>27</sup> შენი სხივოსანი სახის წინაშე.

## VI

8. ცხადად შევიგრძნე, რომ მიყვარხარ, უფალო: აქ არათერია საეჭვო. შენი სიტყვით განწონე ჩემი გული და მეც შეგიყვარე. ცაც, მიწაც და ყოველივე ისიც, რითაც კი სავსობენ ისინი, ყოველი მხრიდან მიხმობენ, გიყვარდესო შენი უფალი, და ამასვე გამუდმებით ჩააგონებენ ყველას, რათა ვერაფერ „შეიძლოს თავის მართლება“<sup>28</sup>. უფრო სრული იქნება შენი წყალობა იმის მიმართ, ვისაც სწყალობდი, და უფრო გულმონყალე იქნები მისდამი, ვისაც გულმონყალებით ემსჭვალვოდი<sup>29</sup>. ასე რომ არ იყოს, ცა და მიწა ყრუებს თუ უქადაგებდნენ დიდებას შენსას.

მაგრამ რა მიყვარს, როცა მიყვარხარ შენ? არა ხორციელი სილამაზე, არა წარმავალი მშვენიერება, არა თვალთათვის ესოდენ საამო ბრწყინვალეობა, აი, ამ ნათლისა, არც კეთილხმოვანება სიმღერებისა თუ საგალობლებისა, არც ყვაფილთა, საკმეველთა თუ ნელსაცხებელთა ამო სურნელი, არც ბეციური მანანა თუ თაფლი, არც ქალის სავსე სხეული, ესოდენ სასურველი ხვევნა-კოცნისათვის: არა, ყოველივე ეს როდი მიყვარს, როცა მიყვარს ღმერთი ჩემი. ეს ნათელიც, ეს ხმაც, ეს სურნელებაც, საბრდოც და ხვევნაც „შინაგანი ვაცისა“, რომელიც არის ჩემში, იქ, სადაც ჩემს სულს აცისკროვნებს სივრცით გარშემოწერილი უცხო ნათელი; სადაც ჟღერს ის ხმა, რომელსაც დრო ვერ დაადუმებს; სადაც იკმევა სურნელება, რომელსაც ქარი ვერ განაქარვებს; სადაც საბრდოს ვერ მოგვაყირჩებს ნაყროვანება და სადაც ხვევნის ნეტარებას ვერ გვაბებრებს ცუბობის სისავსე. აი, რა მიყვარს, როცა მიყვარს ღმერთი ჩემი.

9. კი მაგრამ, მაინც რა არის ღმერთი? ვკითხე მიწას, და მან მომივო: „მე არა ვარ ღმერთი“; და მიწის ყოველმა მკვიდრმაც იგივე აღიარა<sup>30</sup>. ვკითხე ზღვას, უფსკრულს და მასში მობინადრე ქვეწარმავალთაც; მათაც მომივეს: „ჩვენ არა ვართ ღმერთი; ეძიე ჩვენს ზემოთ“.

<sup>26</sup> I კორ. X, 13.

<sup>27</sup> ესაია LVIII, 10.

<sup>28</sup> რომ. I, 20.

<sup>29</sup> შდრ. რომ. IX, 15.

<sup>30</sup> შდრ. პლატონი: „ჩვენ განცვიფრებით ვუმზეროთ ამ გრძობადი სამყაროს სიდიადეს, მის მშვენიერებას და მარადიული მოძრაობის წესრიგს... მაგრამ, დაე, ავმალდეთ მისი ჰორველნიმუშის („to arquetipon“), უფრო ჭეშმარიტი სინამდვილის ჭვრეტად, .... რათა ვიხილოთ წმინდა გონება, სასწაულებრივი სიბრძნე და ჭეშმარიტი სიცოცხლე („ენწ.“ V, 1, 4).

გვითხე ბობოქარ ქარებს და მთელმა ჰაეროვანმა სივრცემ, თავისი ბინადრებითურთ, პასუხად მითხრა: „ანაქსიმენე<sup>31</sup> ცდება: მე არა ვარ ღმერთი“. გვითხე ცას, მზეს, მთვარეს, ვარსკვლავებს: „არა ვართ ღმერთი, რომელსაც ეძებ“, - იყო პასუხი. მაშინ დავეკითხე ყველაფერს, რაც გარს არტყია ჩემს სხეულს: „მითხარით რამე ჩემს ღმერთზე, - თქვენ ხომ არა ხართ იგი, - რამე მაინც მითხარით მასზე“. და მათაც შემომღალადეს: „ჩვენ კი არა, ჩვენი შემოქმედი, - აი, ვინ არის ღმერთი“<sup>32</sup>. ჩემი ჭვრეცა იყო ჩემი შეკითხვა, ხოლო მათი პასუხი - მათივე მშვენიერება.

მაშინ ჩემსავე თავს მივუბრუნდი და გვითხე: „ვინა ხარ შენ?“ და მან მომიგო: „ადამიანი“. აჰა, ჩემი ხორცი და ჩემი სული, ჩემდა სამსახრად გამზადებულნი, ერთს გარეგან გარსს რომ უწოდებთ, ხოლო მეორეს - შინაგან არსს. ამ ორთაგან რომელსა ვკითხო, ვინ არის ჩემი ღმერთი-მეთქი, ვისაც ამდენ ხანს ვეძებდი, მიწიდან მოყოლებული ვიდრე ზეცამდე, სადამდისაც კი შემძლო მიმეწვდინა ჩემი თვალის სხივები? რა თქმა უნდა, უმჯობესია ჩემს შინაგან არსს ვკითხო. ყველა ხორციელმა მაცნემ უკვე აუწყა ჩემს სულს, ჰეგემონსა და მსაჯულს, როგორც ცისა და მიწის, ისე ყოველივე ზეციურის თუ მიწიერის პასუხი: „არა, ჩვენ კი არა, ჩვენი შემოქმედი, - აი, ვინ არის ღმერთი“. შინაგან კაცს გარეგანმა აუწყა ის, რომელიც არის მისი მსახური. ჩემმა სულმა, ანუ ჩემმა შინაგანმა „მე“-მ ხორციელი გრძნობების მეშვეობით შეიგყო თავისი კითხვის პასუხი. გვითხე მთელ სამყაროს ჩემი ღმერთის ამბავი, და მანაც პასუხად მითხრა: „არა, მე კი არა, ჩემი შემოქმედი, - აი, ვინ არის ღმერთი“.

10. მერედა, ნუთუ ყველას, ვისი ხორციელი გრძნობებიც საღია, ერთნაირად არ წარმოუჩნდება სამყაროს ეს მშვენიერება? მაშ, რატომ არ ეუბნება იგი ყველას ერთსა და იმავეს? როგორც პანანკინგელა, ისე ვეება ცხოველებიც ხედავენ მას, მაგრამ არ შეუძლიათ რაიმე ჰკითხონ, რადგანაც მათ არა ჰყავთ სულის მაცნე გრძნობების ფხიზელი მსაჯული - განმსჯელი გონი. ადამიანებს კი შეუძლიათ ჰკითხონ, რათა „ის, რაც უხილაგია ღმერთში, საცნაური და ხილული გახდეს“<sup>33</sup>. მაგრამ შექმნილი სამყაროს სიყვარულით თვალდავისილნი კიდევაც ეძინებიან მას, დამონებულთ კი აღარ შესწევთ განსჯის უნარი. ხოლო შექმნილი სამყარო შეკითხვაზე მხოლოდ იმას მიუგებს, ვისაც განსჯის უნარი აქვს: ის არ იცვლის ხმას, ანუ თავის მშვენიერებას, და სხვადასხვა სახით არ წარმოუჩნდება არც იმას, ვინც მხოლოდ ხედავს და არც იმას, ვინც ხედავს და კიდევ ვკითხება. თუმცა ერთნაირი სახით რომ ევლინება ორივეს, პირველის მიმართ მუნჯია, მეორეს კი პასუხს მიუგებს, მაგრამ მისი ხმა გასაგებია მხოლოდ მისთვის, ვინც ამ ხმის გაგონებისას იმ ჭეშმარიტებას აღარეებს მას,

<sup>31</sup> ანაქსიმენე (დაახლ. 585-525 ძვ.წ.ა) - სახელგანთქმული ბერძენი მოაზროვნე, თალესსა და ანაქსიმანდრესთან ერთად იონიური ნატურფილოსოფიის ერთ-ერთი უთვალსაჩინოესი წარმომადგენელი. ანაქსიმენე ჰაერს მიიჩნევდა საგანთა პირველსაწყისად, რომელიც გაუხშობისას დასაბამს აძლევს ცეცხლს, მემკვირვებისას კი - ქარს, ღრუბლებს, წყალს, მიწას, ქვებს.

<sup>32</sup> შდრ. ფსალმ. 99, 3.

<sup>33</sup> რომ. I, 20.



რომელიც მკვიდრობს ჩვენს სულში<sup>34</sup>. ეს ჭეშმარიტება კი, აი, რას მეუბნება მე: „შენი ღმერთი არც ცაა, არც მიწა და არც ესა თუ ის სხეული“. თვით მათი ბუნება ცხადყოფს ამას. მხედველობისთვის ყოველი სხეულის ნაწილი ნაკლებია მის მთელ მასაზე. ამიტომაც უკეთესი ხარ, შენ გეუბნები, სულო, რადგანაც შენ ასულდგმულებ სხეულის მთელ მასას, რომელშიაც მკვიდრობ, და სიცოცხლეს ანიჭებ მას, მაშინ როდესაც ვერცერთი სხეული სიცოცხლეს ვერ მიანიჭებს მეორე სხეულს<sup>35</sup>. ხოლო შენი ღმერთი უფრო მეტია: იგია შენი სიცოცხლის სიცოცხლე.

## VII

11. კი მაგრამ, მაინც რა მიყვარს, როცა მიყვარს ღმერთი ჩემი? ვინ არის იგი, ჩემს სულზე უმაღლესი და უზენაესი? ამ ჩემი სულით ავმალდები მის სიღიადემდე. თავს მოვევლები იმ ძალას, რომელიც მაკავშირებს სხეულთან და სიცოცხლით აღავსებს მას. ეს ძალა როდი მაპოვნინებს ღმერთს, თორემ მაშინ მის პოვნას „უგონო ცხენიცა და ჭორიც“<sup>36</sup> შესძლებდნენ. მაგრამ მათაც აქვთ სწორედ ეს ძალა, რომელიც სიცოცხლეს ანიჭებს მათ სხეულს.

არის სხვა ძალაც, რომლითაც არა მარტო სიცოცხლეს ვანიჭებ ჩემს სხეულს, არამედ გრძნობელობასაც. ეს ძალა შეჰქმნა ღმერთმა, რომელმაც თვალს დაუწესა, კი არ ისმენდეს, არამედ ხედავდეს, ხოლო ყურს - კი არ ხედავდეს, არამედ ისმენდეს, და ასე, თვითეულ გრძნობას თავისი ადგილი და დანიშნულება მიუჩინა. სწორედ მათი მეშვეობით ვასრულებ სხვადასხვა დანიშნულებას და იმავდროულად ვინარჩუნებ ჩემს სულიერ ერთიანობას. უკან მოვიტოვებ ამ ძალასაც; ის ცხენსაცა აქვს და ჭორსაც, რადგან მათთვისაც ნიშნულია სხეულებრივი გრძნობები<sup>37</sup>.

<sup>34</sup> შტრ. ნეტარი ავგუსტინე, „ქადაგებანი“ (197, 1): „შენ ყურადღებით აკვირდები პოხიერ მიწას, აკვირდები ზღვას, ცოცხალი არსებებით სავსეს, აკვირდები ჰაერს, ფრთოსნებით სავსეს, აკვირდები ცას, ვარსკვლავების ციმციმს რომ გვაფრქვევს, მაგრამ არ ეძებ ესოდენ დიდი ქმნილების შემოქმედს? ნაცვლად ამისა მეუბნები: ყოველივე ამას ვხედავ, თვითონ მას კი ვერა ვედავო. ყოველივე ეს რომ დაინახო, სამისოდ მან ხორციელი თვალი მოგცა, ხოლო თვითონ მის დასანახად გონი გიბოძა. აკი შენ სულსაც ვერ ხედავ, მაგრამ იმის მიხედვით, თუ როგორ მოძრაობს და წარიმართება სხეული, შენ შეიცნობ სულს, რომელსაც ვერ ხედავ. ზუსტად ასევე, იმის მიხედვით, თუ როგორ იმართვის სამყარო და წარიმართება თვით სული, შეიცან შემოქმედი“.

<sup>35</sup> თვით მზეც კი, ამქვეყნიური არსებობის ყველაზე დიდი ფაქტორი, უშუალოდ ვერ ქმნის სიცოცხლეს.

<sup>36</sup> ფსალმ. 31, 9.

<sup>37</sup> ეს მოულოდნელი გადასვლა ხორციელი გრძნობებიდან მესხიერებაზე გაუგებარი დარჩება მკითხველისათვის, თუ არ გაითვალისწინებთ იმ გარემოებას, რომ ნეტარი ავგუსტინე აქ მთლიანად იზიარებს პლოტინის ფსიქოლოგიზმს (რაც, თავის მხრივ, პლატონისგან იღებს დასაბამს), რომლის თანახმადაც, ერთმანეთისაგან უნდა ვასხვავებდეთ ხულის ქმედითობის ორ ასპექტს - უდაბლესსა და უმაღლესს. ამრიგად, ნეტარი ავგუსტინე გვერდს უვლის ხორციელ გრძნობებს, რომლებიც, მისივე სიტყვით, უგონო ცხოველებსაც ახასიათებთ, და უშუალოდ გადადის სულის უფრო მაღალ ფუნქციაზე - მესხიერებაზე, რაც მხოლოდ ადამიანებისთვისაა ნიშნული.

VIII

12. ამრიგად, უკან ვივლით ჩემი ბუნების ამ ძალასაც, რათა თანდათანობით ავმალდე მის სიდიადემდე, ვინც შექმნა. და, აი, მე ვუახლოვდები მესხიერების ვრცელ ველსა და სრასასახლეს<sup>38</sup>, ამ უზარმაზარ განძისაცავს, სადაც თავმოყრილია გრძნობებით აღქმულ საგანთა ურიცხვი ხატებანი. აქაა დაცული ყველაფერი, რაც დავინწყებას არ შთაუნთქავს და დაუსამარებია; ყველაფერი, რასაც ვაყალიბებთ, ვბრღით ან ვაკნინებთ, ვცვლით და ამა თუ იმ სახეს ვანიჭებთ.

როცა იქა ვარ, მე შემძლია გამოვიხმო ის ხატებანი, რომელნიც მინდა. ზოგი მაშინვე წარმომიჩნდება, ზოგს კი დიდხანს უნდა ელოდო, თითქოს თავიანთი საკნიდან გამოსვლა ებარებათ; ზოგიც ჭკროდ გამოეთინება, ნაცვლად იმისა, რასაც ვეძებ და ვთხოვლობ, და თითქოს მეუბნება, ჩვენ ხომ არ გვიხმო? მე გონების ხელს ვუქნევ ამ აბებრებს, ძალით ვიცილებ თავიდან, და ბოლოს ის, რაც მსურდა, თითქოს ღრუბლებიდან გამოანათაო, ზღაბზნით გამოდის თავისი სამალაფიდან; ზოგიც ძალდაუტანებლად მევლინება და მწყობრი წესრიგით ჩამივლის გონების თვალწინ, სწორედ ისე, როგორც მე მსურდა: წინამორბედი მომდევნოს უთმობს ადგილს, თვითონ კი უჩინარდება, რათა შემდეგ, ჩემი მოთხოვნისთანავე, ხელახლა გამომეცხადოს. ასე ხდება, როცა რაიმეს ვიგონებ და ვუყვები ვინმეს<sup>39</sup>.

13. აქ ცალ-ცალკე, სახეობებისდა მიხედვით ჯგუფდება და ინახება ყველაფერი, რაც გრძნობებს შეუგანიათ შიგ, თვითეულს - თავისი გზით: სინათლე, ყოველი სხეულის ფერი თუ ფორმა - თვალებს; ბგერათა ურიცხვი სიმრავლე - ყურებს; ათასგვარი სურნელი - ნესტოებს; ათასნაირი გემო - პირს; ყოველივე ის, რაც მკვრივია თუ რბილი, ცხელი თუ ცივი, მქისე თუ გლუვი, მძიმე თუ მსუბუქი, შინაგანი თუ გარეგანი, - მთელ სხეულს თავისი გრძნობელობით. ყოველივე ამას მესხიერება მიირქმევს თავის უსასრულო საცავში, თავის ფარულსა და იდუმალ სენაკებში, ურიცხვ ცხრაკლიგულსა თუ უღრმესსა და უშინაგანეს კუთხე-კუნჭულში, რათა სათანადოდ გადაამუშაოს და, თუ საჭიროება მოითხოვს, კიდევ გამოიხმოს იქიდან. ყველაფერს თავისი შესასვლელი აქვს და ამ საცავში გროვდება.

<sup>38</sup> პროფ. ი.ვ.პოპოვი თავის ფუნდამენტურ გამოკვლევაში „ნეტარი ავგუსტინეს პიროვნება და მოძღვრება“ (სერგიევ პოსადი, 1916, ტ. I, ნაწ. II, გვ. 49) შენიშნავს: „ნეტარი ავგუსტინეს მოძღვრება მესხიერების ბუნების შესახებ, საერთოდ, პლოტინის მისდევს და მისგან მხოლოდ ბერძენი ფილოსოფოსის თეზისთა უფრო დეტალური დამუშავებით, ცოცხალ ფსიქოლოგიურ დაკვირვებათა სიუხვითა და კერძო მომენტთა ზოგიერთი არსებითი ცვლილებით ამოირჩევა“. პროფ. პოპოვი უმეტესწილად ძალზე ზუსტად და ამომწურავად ახასიათებს პლოტინის გავლენას ნეტარი ავგუსტინეს მეტაფიზიკურ დოქტრინაზე, მაგრამ ამ შემთხვევაში ცდება: როგორც ვხედავთ, ნეტარი ავგუსტინეს მიხედვით, მესხიერება გრძნობებით აღქმულ საგანთა ხატებების უზარმაზარი საცივია, მაშინ როდესაც პლოტინი მკვეთრად უპირისპირდება ამ თვალსაზრისს: მესხიერება შთაბეჭდილებათა შენახვის უნარი კი არაა. რამედ სულის ენერგია. ქმედითი ძალა (იხ. П.Блюиский. Философия Плотина. М., 1918, стр. 166).

<sup>39</sup> როგორც ვხედავთ, ნეტარი ავგუსტინეს მიხედვით, მოგონებისა თუ გახსენებების აქტი გარკვეულ ძალისხმევას მოითხოვს; ამ მხრივ, ის პლოტინის აზრს იმეორებს, მაგრამ პლოტინს სულ სხვანაირი დასკვნა გამოაქვს ამ ფაქტიდან (იხ. М.Владиславлев, Философия Плотина, С-Пб., 1868, стр. 175-178).

მაგრამ შედიან არა საკუთრივ საგნები, არამედ მათი ხატებანი, დაუყოვნებლივ რომ ამოცივცივდებიან მისი გონების თვალწინ, ვინც მათ იგონებს. ვინ იცის, როგორ ჩამოყალიბდნენ, თუმცა ის კი ნათელია, რომელმა გრძნობამ მოიხელთა და მოათავსა სულის სიღრმეში.

განუჭვრეტელ უკუნეთსა და მღუპარებაშიც რომ ვცხოვრობდე, თუ მოვინდომებ, მაინც შემიძლია მეხსიერებაში გამოვიხმო ფერები, ერთმანეთისაგან განვასხვავო თეთრი და შავი, ან, თუ გნებავთ, ნებისმიერი სხვა ფერი. იქვეა ბგერების საუბრეც, მაგრამ ისინი არ ცდილობენ თავიანთი ხმოვანებით შემოიჭრან და აამღვრიონ ჩემს მიერ გამოხმობილი ხატებანი: ისინი თითქოს ცალკე სენაკებში არიან მიყუჟულნი. მე შემიძლია, თუკი მომეპრიანება, ბგერებიც გამოვიხმო იქიდან, და ისინიც არ დაახანებენ, წამსვე ამოიშლებიან: ენა უტყვია, ჩემი ყელი ღუმს, მე კი ვმღერი, ან ვლილინებ, რაც მსურს. ხოლო ფერების ხატებანი, რომელნიც იქვე არიან, არათერში არ ერევიან და ხელს არ მიშლიან, ვიდრე ჩემი მეხსიერების სულ სხვა საგანძურს ვხხრეკ, ჩემივე სმენის მიერ დაგროვილს და დახვავებულს. ასევე ვიხსენებ, როცა კი მომესურვება, ყოველივე იმას, რაც ჩემს გრძნობებს შეუკრებიან და შემოუგანიან ამ საცავში. ასე მაგალითად, მშვენივრად ვასხვავებ ერთმანეთისაგან იისა და შროშანის სურნელს, თუმცა ამ დროს არც ერთს ვყნავ და არც მეორეს<sup>40</sup>, ხოლო მაჭარს თათულს ვამჭობინებ, რბილს კი - მაგარს, თუმცა არც რას გემოს ვუსინჯავ და არც რას ვეხები, არამედ მხოლოდ ვიგონებ.

14. ყოველივე ეს ხდება ჩემში, ჩემი მეხსიერების ვრცელ დარბაზებში. აქ ჩემს განკარგულებაშია ცა, მინაც, ზღვაც და ყველაფერი, რაც კი გრძნობებით აღმიქვამს; ყველაფერი, გარდა იმისა, რაც დამაინყდა. აქვე ვხვდები ჩემსავე თავს, როცა ვიხსენებ, რას ვაკეთებდი, ან იმ დროსა თუ ადგილს, როცა ამას და ამას ვაკეთებდი, და იმ გრძნობებსაც, რასაც განვიცდიდი მისი კეთებისას<sup>41</sup>. აქაა ყველაფერი, რაც - კარგად მახსოვს, - საკუთარი

<sup>40</sup> „ყნოსვითი ხატებანი“, ჩვეულებრივ, უფრო მჭრქალნი არიან, ვიდრე სულში ხედვისა თუ სმენის ქმედითობის წყარობით აღბეჭდილი ხატებანი. ნეტარ ავეუსტინეს, ეტყობა, ძალზე ფაქიზი ყნოსვა და ყნოსვით აღქმულ სურნელთა შენახვის არანაკლებ დახვეწილი უნარი ჰქონდა... შდრ. პოლ ვალერი: „ბგერები და სურნელებანი. - ასოციაციები. ჩვენ არ შეგვიძლია და, მაშასადამე, არ ვიცით, სურნელთა ურთიერთდაკავშირება. რომ შეგვეძლოს და ვიცოდეთ, ოჰ, რა მუსიკა შეიქმნებოდა!

ყური ადვილად აღიქვამს ვარიაციებს, - ამიტომაც იბადება ურთიერთკავშირი, შესაძლო გაგრძელება და განვითარება, - მუსიკა.

სურნელთა თანმიმდევრული მწკრივი მხოლოდ აზრების თანმიმდევრულ მწკრივს იწვევს (უკეთეს შემთხვევაში). მაგრამ ბგერების თანმიმდევრული მწკრივი შეიძლება აღნიშნავდეს რაიმე ახალ არსს, ვინაიდან შეიძლება შეესატყვისებოდეს ამა თუ იმ რთულ მოქმედებას.

განკერძოებული ბგერა უფრო მეტად არარაა (საერთოდ), ვიდრე განკერძოებული სურნელი“ (იხ. პოლ ვალერი, სულის კრიზისი, ფრანგულიდან თარგმნა ბ.ბრეგვაძემ, თბ. 1994, გვ.61).

<sup>41</sup> ნეტარი ავეუსტინე ყოველთვის ცხოველ ინტერესს იჩენდა იმის მიმართ, თუ რანაირად ინახავს მეხსიერება სულიერ მღელვარებათა ნაკვალევს. მეხსიერება რომ არ ინახავდეს წარმოდგენას ოდესღაც განცდილი შიშის, ტკივილის, მწუხარებისა თუ ვნების შესახებ, შეუძლებელი იქნებოდა მათზე ლაპარაკი. და მაინც, ისინი იმ სახით როდი ინახებიან სულში, რა სახითაც განცდილ იქნენ. ვნებათაღელვის მოგონებას აკლია გრძნობის ის სიმძაფრე, რომელიც ოდესღაც თან ახლდა მას. უწინდელ სიხარულს ხშირად უსიხარულოდ იგონებენ, გარდასულ მწუხარებას კი ისე, რომ ამ გრძნობას არ განიცდიან. შეიძლება გულგრილად, ვნების გარეშე გაიხსენო უწინდელი ვნებათაღელვა. ზოგჯერ სულის მღვთმარება მოგონების საპირისპიროც კია. ხანდახან სიხარულით აღგზნებული ვიგონებთ დამორგუნველ მწუხარებას, გულმწუხარნი კი - სიხარულს. თუ განცდილი მღელვარებანი უკვე აღარ არსებობენ, ცხადია, თვით ისინი კი არ ინახებიან მეხსიერებაში, არამედ მხოლოდ მათი ხატებანი“. - პროფ. ი.ვ.პოპოვი, დასახ. ნაშრ. გვ.51.

გამოცდილებით შემოიქნია, ან სხვისგან შემოთვისებია. სწორედ ამ საგანძურს ვიყენებ, როცა ყოველივე იმის მიხედვით, რაც საკუთარი გამოცდილებით მაქვს შეძენილი, ან სხვისგან შეთვისებული, ისევე, როგორც მათთან მსგავსების საფუძველზე ვქმნი ხან ერთსა და ხან მეორე ხატებას, რომლებსაც ვაქსოვ ნამყოში და მათი მეშვეობით ვქსოვ მყოობადსაც; ურიცხვი ქცევა, ვითარება თუ სასოება, - ყოველივე ამას ხელახლა ვიპოვებ როგორც ანმცოს. „მე გავაკეთებ ამას და ამას“, - აი, რას ვეუბნები საკუთარ თავს ჩემი სულის ამ უზარმაზარ საცავში, რომელიც ესოდენ ურიცხვსა და ღიად ხატებას ალუვსია, - რასაც მოსდევს ხან ერთი და ხან მეორე დასკვნა: „ოჰ, ნეცა ასე და ასე მოხდეს!“ ან „ღმერთმა გვაშოროს ეს!“ აი, რას ვეუბნები ჩემსავთ თავს და მაშინვე წარმოძინდებიან იმათი ხატებიანი, რაზედაც ვლაპარაკობ, მესხიერების იმავე საცავიდან გამოხმობილნი. იქ რომ არ ყოფილიყვნენ, ვერათვის თქმასაც ვერ შევძლებდი<sup>42</sup>.

<sup>42</sup> მესხიერების პრობლემა ერთ-ერთი უმნიშვნელოვანეს პრობლემათაგანია ნეტარი ავგუსტინეს ფილოსოფიურსა და ფსიქოლოგიურ მოძღვრებაში. „აღსარებათა“ გარდა, მესხიერების ცალკეული ასპექტები საფუძვლიანადაა განხილული მის თხზულებებში: „სამებისათვის“, „სულის არამატერიალურობისათვის“, „მუსიკისათვის“, „ნების თავისუფლებისათვის“, „წერილებში“ და სხვ. ამიტომ აუცილებლად მიგვაჩნია ზოგადად მაინც მიმოვიხილოთ მესხიერების ავგუსტინესული კონცეფციის ძირითადი მომენტები.

აი, როგორია მესხიერების ნახევრად სერიოზული, ან, თუ გნებავთ, „სომატური“ განმარტება, რომელსაც ცოტა ქვემოთ (X, 21-22) ვეთავაზობს „აღსარებათა“ ავტორი: „მესხიერება თითქოს სტომაქია სულისა, ხოლო სიხარული და მწუხარება - ტკბილი თუ მწარე საჭმელი; როცა მესხიერებას გადავცემთ მათ, თითქოს სტომაქში გადავუძახებთ, ისინი დიდხანს ინახებიან იქ, მაგრამ გემოს კი ვეღარ ინარჩუნებენ... შესაძლოა, როგორც ცოხნისას ამოიზიდება საზრდო პირუტყვის ფაშვიდან, გახსნებაც ასევე გამოიხმობს ამ გრძნობებს მესხიერებიდან... კი მაგრამ, ვინც მათზე მსჯელობს, ესე იგი, იხსენებს მათ, რატომღა ვერ გრძნობს ვერც სიხარულის სიტკბოს და ვერც მწუხარების სიმწარეს? იქნებ ეს ორი რამ სწორედ იმით განსხვავდება ერთმანეთისგან, რომ მათ შორის გამორიცხულია სრული მსგავსება? ვინ ჩამოავდებდა სიტყვას მათზე, თუკი შიშისა და მწუხარების ყოველ სხენებაზე ეს განცდები ხელახლა დაეუფლებოდნენ მას?..“

მესხიერება, უწინარეს ყოვლისა, აღმქმელობითი უნარია. ესაა სულის ერთგვარი საკუჭნაო, უზარმაზარი საცავი, რომლის ცალკეულ სენაკებშიც ინახება მთელი მისი შიგთავსი თუ შინაარსი. ნეტარი ავგუსტინე ერთმანეთისაგან განასხვავებს მესხიერების ორ სახეს: სსოვნას „წარმავალისას“, რომელიც ხორციელი გრძნობებით (მზერა, სმენა, ყნოსვა, გემო, შეხება) აღქმულ საგანთა ხატებებთანაა დაკავშირებული, და სსოვნას „წარუვალისას“, რომელსაც ამათი ხატებანი არა სჭირდება. მესხიერების პირველი სახის შინაარსია, ჯერ ერთი, გრძნობებით აღქმულ საგანთა ხატებანი, სხვადასხვა გზით რომ შემოდიან ჩვენში და მესხიერების ინტიმურ „სენაკებში“ ინახებიან, რათა მოგონებისას ხელახლა ამოტივტივდნენ სულის სიღრმეში; მეორეც, ჩვენივე უწინდელი სულიერი მდგომარეობანი - შიში, ტკივილი, სიხარული, მწუხარება, ვნება და სხვა მისთანანი (იხ. აქვე, მენ. 41); და ბოლოს, დავიწყება: ამ სიტყვის გაგონებისას ჩვენ ვხვდებით, რასაც ეხება საქმე და, მაშასადამე, უნდა ვიფიქროთ, რომ მესხიერებაში ინახება ან თვით დავიწყება, ან კიდევ მისი ხატება. როდესაც მესხიერებაზე ჩამოვარდება სიტყვა, თვალწინ გვიდგება საკუთრივ მესხიერება ყოველგვარი ხატების გარეშე, მაგრამ ამასვე ვერ ვიტყვით დავიწყებაზედაც. დავიწყება შეუძლებელია მესხიერებაში ინახებოდეს, რაკილა მთლიანად გამოორიცხავს მას. მაგრამ ჩვენი დავიწყება რომ სრული იყოს, აღარაფერი გვემახსოვრებოდა მის შესახებ და, მაშასადამე, ვერც რას ვავიგებდით, როცა მასზე გველაპარაკებდით. ამიტომ თუ მესხიერებაში მაინც არის ის, რაც გამოორიცხავს საკუთრივ მესხიერებას, ცხადია, რეალურად კი არ არის იქ, არამედ როგორც ხატება („აღსარებანი“, X, 24).

მესხიერების მეორე სახის შინაარსია ყოველივე ის, რასაც ხატება და სივრცული ვარშემონერილობა თუ კონკრეტული თვისებრივი განსაზღვრულობა არ გააჩნია. ასე მაგალითად, მარადისობის ცნება ყოველთვისაა ჩვენს სულში, ისე, რომ მისი შემცვლელი ხატება არა სჭირდება. რათა მოგონების საგნად იქცეს. ჩვენი გონებრივი ქმედითობის ყველა უწინდელი ნაყოფი - განყენებული ცნებები თუ იდეები, აზროვნების ურყევ პრინციპებზე დაფუძნებული თეორიული დასკვნები, მესხიერებათა შესწავლის შედეგად მიკვლეული ჭეშმარიტებანი, მათემატიკის აქსიომატური დებულებები („მესხიერება შეიცავს აგრეთვე რიცხვებისა და განზომილებების ათასწირ თანაფარდობას, მათი ურთიერთმიმართების ურიცხვ წესსა თუ კანონს, რომლებსაც ვერცერთი ხორციელი გრძნობა ვერ აღბეჭდავდა ჩვენს სულში, რადგან მათ არც ფერი აქვთ, არც სუნი, არც გემო, არც ხმიანებენ და არც ხელშესახებენ არიან. მათზე მსჯელობისას მე მესმის ბგერები, რომლებიც აღნიშნავენ იმ სიტყვებს, მსჯელობისას რომ იყენებენ, მაგრამ სხვაა ეს სიტყვები და სულ სხვა - მსჯელობის საგანი. სიტყვები სხვადასხვანაირად უღერენ ბერძნულად და ლათინურად, მაშინ როდესაც ამ სიტყვებით გამოხატული ცნებები დამოუკიდებელი არიან ბერძნული, ლათინური თუ ნებისმიერი სხვა ენისაგან, - „აღსარებანი“, X, 19, - აი, რა განსაზღვრავს, ერთის მხრივ, მესხიერების მეორე სახის შინაარსს; მეორეს მხრივ კი, ამ შინაარსის განუყოფელ ნაწილად გვევლინებიან არა მარტო ინტელიგიბილურ რეალობათა აბსტრაქტული ცნებები, არამედ საკუთრევე ის ინტელიგიბილური რეალობებიც, სუბსტანციურად რომ არიან სულში, ისევე, როგორც ყველგან მყოფი და მარადის მყოფი ღმერთი (ჩვენამდე მოღწეულ მზისა თუ ვარსკვლავის სხივს, თავისი პირველწყაროსაგან უზარმაზარი სიშორის



მიუხედავად, მაინც შეუძლია გარკვეული ინფორმაცია მოგვანოლოს თავისი ციური სანყისის თუ წყაროს შესახებ; ზუსტად ასევე, განსხეულებული სულისთვისაც ინჰერენტულია მისი დასაბამიერი სამშობლოს - ინტელიგიბილური სინამდვილის ელემენტები).

მეხსიერების პირველ სახეს ნეტარი ავგუსტინე გრძობად მეხსიერებას უწოდებს, მეორეს კი - ინტელექტუალურს. შეგრძნებების შემდეგ სულში ჩარჩენილ ხატებებთან დაკავშირებული მეხსიერება ცხოველებისთვისაცაა ნიშნული: მერცხლები თავიანთ ბუდეებს უბრუნდებიან, საქონელი - ბოსელს თუ თავლას; მხეცები - ბუნავს; ძაღლები ძილში წკმუტუნებენ და ყმუიან, ესე იგი, სიზმრებს ხედავენ, რაც შეუძლებელი იქნებოდა, მათ სულში არამ არ რჩებოდნენ ყოველივე იმის ხატებანი, რასაც გრძობებით აღიქვამენ. მაგრამ ამით ამოიწურება უტყვე ცხოველთა მეხსიერება, რაკილა მათთვის მიუწვდომელი არიან უზენაესი იდეები, შეუძლებელია ინტელექტუალური მეხსიერება, თავიანთი გრძობებისა თუ მეხსიერების ხსოვნა ჰქონდეთ, რადგანაც მოკლებულნი არიან იმის უნარს, რომ გაიანზრონ თავიანთი სულის მოძრაობანი და ერთმანეთისაგან განასხვავონ ისინი („თავისუფალი ნებისათვის“, II, 9). მაგრამ ცხოველთა მეხსიერება აღამიანთა გრძობად მეხსიერებასაც ვერ შეედრება. მათ არ შეუძლიათ სათანადო ნიშნებით აღნიშნონ თავიანთ მეხსიერებაში დასული ხატებანი, თვითნებურად გაამდიდრონ საკუთარი მეხსიერება და განახლონ მასში ის, რასაც დაეინყება ემუქრება, სპონტანურად შეცვალოს ან ნაირ-ნაირი კომბინაციებით დაუკავშიროს ერთმანეთს რეალურ საგანთა ხატებანი, ხოლო ამ უკანასკნელთა შორის ერთმანეთისაგან გაარჩიონ ჭეშმარიტნი და ყალბნი („სამებისათვის“, XII,2).

მეხსიერების ფუნქციები: დამახსოვრება, გახსენება (მოგონება) და წარმოსახვა. პირველი შინაარსით ავსებს მეხსიერებას, მეორე მეხსიერებაში დასული ხატებისა თუ აბსტრაქტული ჭეშმარიტების ზუსტ რეპროდუქციებას ახდენს, ხოლო მესამე თვითნებურად ცვლის რეალურ საგანთა ხატებებს, რომელთაგანაც ჩვენი ფანტაზია მოგვჯერ მართლაც რომ ფანტასტიურ სურათებს ქმნის.

მეხსიერების მთელი შინაარსი მართლაც დამახსოვრების გზით როდი ექცევა მასში. თუ მეხსიერებაში დასულია სული, გონება, ნება და თვით მეხსიერება, შეუძლებელია დავასახელოთ მომენტი, როცა ყოველივე ეს აღქმულ იქნა მის მიერ. აღამიანის სული მისი განსხეულების მომენტიდანვე იმარხავს ღმერთს. ეს მომენტები ქრონოლოგიურად განურჩეველი არიან. აქ თანაარსებობასთან გვაქვს საქმე. დამახსოვრებასთან დაკავშირებულია მხოლოდ წარმავლის ხსოვნა. დამახსოვრების აქტს, რისი წყალობითაც შეგრძნებაში მოცემული საგნის ხატება თუ ახლად შექმნილი განყენებული იდეა მეხსიერების კუთვნილებად იქცევა, მატერიის, ფორმისა და მათი შემაერთებული ნების ურთიერთმოქმედება განაპირობებს. აქ მატერია მეხსიერებაა, რომელიც თავისთავად ისევე განუსაზღვრელია და უშინაარსო, როგორც ჩვენი მხერა, როცა ამ უკანასკნელს მის მიერ აღქმული საგნისაგან დამოუკიდებლად განვიხილავთ. ფორმა საგნის ფსიქოფიზიკური ხატებაა, რომელიც აღქმაში გვეძლევა. ნეტარი ავგუსტინე მეორეულ ფორმას უწოდებს მას („სამებისათვის“, XI,16). ნება, მეხსიერების მიერ გარეშე შთაბეჭდილებათა შეთვისებისას, განსაზღვრავს შეგრძნებას და ურთიერთკავშირს ამყარებს გრძობის ორგანოებსა და შეგრძნების საგანთა შორის. საგნის მიმართ თავისი სურვიელი ლტოლვისას ის თითქოს ერთმანეთს ამსგავსებს ამ საგანსა და მის აღმქმელ ორგანოს (მღრ. პლოტინი: „განა თვალი ოდესმე იხილავდა მგს, მგს რომ არ დამსგავსებოდა თავად? ვერც სული იხილავდა მშვენიერს, მშვენიერება რომ არ შეეგონა მასაც. დაე, თავდაპირველად ღმერთს ემსგავსოს, დაე, თავდაპირველად მშვენიერი გახდეს ყველა, ვისაც სურს იხილოს ღვთაებრივი და მშვენიერი გახდეს ყველა, ვისაც სურს იხილოს ღვთაებრივი და მშვენიერი“, - „ენი“, I,VI,9). დამახსოვრებისას ნება ერთმანეთთან აერთებს მეხსიერებასა და შეგრძნებაში მოცემულ გარეშე საგნის ხატებას, რის შედეგადაც ხდება მეხსიერების ინფორმირება და მასში მყარად აღიბეჭდება საგნის ხატება. ნება შეგრძნებისაკენ მიმართავს მეხსიერებას, როგორც თვალს - მხერით აღსაქმელი საგნის მიმართ, რასაც ემპირიულად გვიდასტურებს ყოველდღიური ცდის არა ერთი და ორი ფაქტი, რომლებიც გვიჩვენებენ, რომ შეგრძნებამ შეიძლება არც კი დატოვოს თავისი კვალი მეხსიერებაში. ასე მაგალითად, დაბნეულობისა თუ უყურადღებობისას, ჩვენ ვერ აღვიქვამთ თანამოსაუბრის სიტყვებს, შეიძლება წიგნის მთელი გვერდი ჩავიკითხოთ ისე, რომ ვერავითარი აზრი ვერ გამოვიტანოთ მისგან, ან კიდევ ისე ჩავუაროთ გვერდი სახლს, საითკენაც მივდიოდით, რომ ვერც კი შევინშნოთ, და სულ სხვა ადგილას ამოვყოთ თავი. ყველა ამ შემთხვევაში, ნეტარი ავგუსტინეს მიხედვით, გრძობის ქმედითობა, შეგრძნება უწყვეტი იყო, თორემ კითხვისას ვერც სიტყვას მივაყოლებდით სიტყვას და ვერც თამბად ვივლიდით ჩვენთვის უცნობი მიმართულებით. ასე რომ, დაბნეულობისას თუ უყურადღებობისას, ჩვენ ხედვით კი ვხედავთ და სმენითაც გვესმის, მაგრამ დანახულს და მოსმენილს ვერ ვამახსოვრებთ, რადგანაც ნება ერთმანეთთან არ აერთებს მეხსიერებასა და შეგრძნებაში მოცემული საგნის ხატებას („სამებისათვის“, XI,15; „მუსიკისათვის“, VI,21).

გახსენება (მოგონება) მეხსიერებაში დასული საგნის ხატების რეპროდუქციებას ახდენს. თუ ის ჯერ კიდევ არ წაშლილა მახსოვრობაში, ანდა შეძლებისდაგვარად აღადგენს მას, თუკი ის ნაწილობრივ დაეინყებინა ნადავლად იქცა. დაეინყება ერთბაშად კი არ ნოქამს მეხსიერების შინაარსს, არამედ თანდათანობით („მუსიკისათვის“, VI,6). გახსენების (მოგონების) პროცესი ისევე და ისევე შეგრძნების ანალოგიით, ესე იგი, მატერიის, ფორმისა და მათი შემაერთებული ნების ურთიერთმოქმედებით აიხსნება. მდგომარეობას, როცა ჩვენი სული მოგონებასა თუ ოცნებას ეძლევა, ნეტარი ავგუსტინე სულიერ ჭვრეტას უწოდებს, რადგანაც აქ ჭვრეტის ობიექტებად საგნები კი არა, მათი უსხეულო მსგავსებანი გვევლინებიან. მატერიალური საგნის ფორმას, რომელიც შეგრძნებაში აისახება, მოგონებისას თუ გახსენებისას იმავე საგნის არამატერიალური ხატება შეესაბამება, რომელიც მეხსიერებაშია დასული. ეს ხატება შეიძლება არც კი იქცეს მოგონების საგნად, ისევე, როგორც მატერიალური საგანი შეიძლება მხერით აღქმული დარჩეს, თუკი მეხსიერება და მხერა სხვა რამისკენაა მიმართული.

ნეტარი ავგუსტინეს მიხედვით, მატერიალურ საგანთა ჭვრეტისას სული გუგებიდან ემანირებული სინათლის სხივებით, როგორც ერთგვარი საცეცხებით, მოსინჯავს საგანს, რომლის დანახვაც სურს. ამ „საცეცხებს“ ის „სინათლის ისრებსა თუ თვალთა სხივებს“ („acies luminis vel radii oculorum“, - „ფსალმუნებისათვის“, XVI,8) უწოდებს. მოგონების უნარი, მისი აზრით, ასევე ყოვლისგანმშნის სხივია, ანუ „ისარი სულისა, რომელიც ფიქრობს თუ იგონებს“ („acies cogitantis vel recordantis animi“, - „სამებისათვის“, XI,6,11). ეს არამატერიალური სხივი სულისა, რომელიც რაღაცას იხსენებს თუ იგონებს, თავისთავად ყოველგვარ განსაზღვრულობას მოკლებულია და მხოლოდ მაშინ იძენს გარკვეულ ფორმას, როცა მეხსიერებაში დასული საგნის ხატებას აშუქებს, და აშუქებს მანამ, სანამ სხვა ხატებაზე არ გადაინაცვლებს. ნება,



ისევე როგორც მხედველობითი შეგრძნებისას, მესხიერების ბნელი სენაკისკენ მიმართავს ამ სხივს, რათა მისი მეშვეობით მოსინჯოს შიგთქმის.

მოვლენა შეიძლება თვითნებური აქტი იყოს. არცთუ იშვიათად, ნება შეგნებულად დაეძებს დაინწყებულს, რათა შინაგანი, სულიერი მზერით იპოვოს იგი, ამ თვალსაზრისით მოვლენა (გახსენება) ძალიანა ჰგავს დაკარგული ნივთის ძიებას. ქალმა დაკარგა დრაქმა და სანთლით დაუწყო ძებნა (ლუკა XV,8). საერთოდ რომ არ ხსომებოდა, რაც დაკარგა, ვერასდიდებით ვერ შესძლებდა მის ძიებას, ხოლო შემთხვევით რომ ენახა, ვერც კი იცნობდა. მაგრამ დრაქმა მთლიანად როდი დაკარგულა: ქალს სულში ჩარჩა მისი ხატება. მონეტის ძებნისას სწორედ ამ ხატებას ადარებდა ყველა ნივთსა თუ საგანს, რასაც კი ნააწყობებოდა, და, ამრიგად, რწმუნდებოდა, რომ ეს მისი დრაქმა არ იყო. რაღაც ამგვარი ხდება ჩვენს სულშიაც, როცა რაღაცის გახსენება ვცდილობთ. მესხიერებაში ვეძებთ იმას, რაც მოვსაკლისებთ, მამასადამე, გვახსოვს, რა დაგვაგვიწყდა. დაინწყებისას, რომელიც ბუნდოვანი გახსენების შესაძლებლობას მაინც გვიტოვებს, ყველაფერი კი არ ეძლევა დაინწყებას, არამედ მხოლოდ ჩვენთვის ჩვეული მთელის ნაწილი. სწორედ ამ დაინწყებულ ნაწილს ვეძებთ იმის მეშვეობით, რაც ჯერ კიდევ არ წაშლილა მესხიერებაში („ალსარებანი“, X,27). როდესაც ნაცნობს ვხვდებით და მისი სახელის გახსენებას ვცდილობთ, ვინ მოსთვლის, რამდენ სახელს ვადავთვლით და ერთიმეორის მიყოლებით უარვყოფთ ყველას, თუკი მათ ამ ადამიანს ვერ ვუკავშირებთ; ხოლო როცა ცნობიერებაში წამდელი სახელი ამოტივტივდება, მაშინვე ვამჩნევთ ჩვეულ კავშირს და ვმშვიდდებით („ალსარებანი“, X,28). მაგრამ თუ დაინწყება მთლიანად შთანთქმა ხატება თუ ხატებათ წყება, გახსენების სურვილიც კი არ აღგვეძვრის („სამებისათვის“, XI,22).

როგორც ზემოთ აღვნიშნეთ, მხედველობითი აღქმისას ნება თითქოს აღსაქმელ საგანს ამსგავსებს თვალს. გახსენებისას თუ მოვლენისას იგივე ნება ხელს უწყობს საგნის ფსიქიკური ხატების რეპროდუქციებას. ის გრძობად აღქმათა პლასტიკურობასა და საგნობრიობას ანიჭებს რეპროდუქციურ ხატებებს, როგორც, მაგალითად, სიზმარში, როცა გარეშე შთაბეჭდილებათა ნაკადი წყდება, რის შედეგადაც ჩვენ ისე აღვიქვამთ საკუთარ ჩვენებებს, როგორც ცხადში რეალურ საგნებსა ვხვდავთ, და მხოლოდ გამოფხიზლებისას ვრწმუნდებით მათ ილუმბორულობაში. იგივე ითქმის სწელთა ბოდვასა თუ ცნობიერების ექსტატიკურ მდგომარეობებზედაც. შინაგან ხატებათა ამ უჩვეულო სიხადის მიზეზი ისაა, რომ სულიც და ნებაც მთლიანად მათზეა კონცენტრირებული. გრძობის გარეგან ორგანოთა ქმედითობისას სულის ყურადღება, რაც აუცილებელია როგორც შეგრძნების, ისე გახსენებისთვისაც, ამ ორ აქტს შორის ნაწილდება, ასე რომ, ნებას აღარ ძალუქს ისეთივე სიხადე მიანიჭოს შინაგან ხატებებს, რაც ახასიათებს რეალურ აღქმას. მაგრამ თუ სულის ენერჯია გრძობის ორგანოთა მოძრაობისათვის არ იხარჯება, მაშინ ის განსაკუთრებული ინტენსივობით მოქმედებს ფსიქიკურ განცდათა სფეროში. ამ დროს სული განეყენება გრძობებს და ფსიქიკურ თუ ფიზიკურ მიზეზთა ძალით თავის თავშივე კონცენტრირდება („სამებისათვის“, XI,7).

რაც შეეხება მესხიერების მესამე ფუნქციას, ე.ი. წარმოსახვას, ის მოვლენისა თუ გახსენებისაგან განსხვავდება იმით, რომ არა მარტო სინამდვილეში არსებულ საგანთა ხატებების რეპროდუქციებას ახდენს, არამედ რაოდენობრივად თუ თვისობრივადაც ცვლის მათ. წარმოსახვის ქმედითობა უჩვეულო თავისუფლებითა და თვითნებურობით გამოირჩევა. საკმარისია გონების თვალის გადავადლოთ პოეტებისა თუ მითების მიხზველთა მიერ შექმნილ ფანტასტიკურ სახეებს, რომელთა განხილვაც გვარწმუნებს, რომ მათ არაფერი შეესაბამება სინამდვილეში. მაგრამ წარმოსახვისეული თავისუფლება უსაზღვრო და უსასრულო როდია: მას არ შეუძლია რაიმე შექმნას არაფრისაგან. რაგინდ შორსაც უნდა იდგნენ რეალობისაგან მისი ქმნილებები, მათში ყოველთვის შეიძლება აღმოვაჩინოთ წამდელი აღქმათა ელემენტები. ხოლო როცა ამ უკანასკნელთა ნატამალიც არსადაა, ნების ვერაუთარი ძალისხმევა ვერ გამოიწვევს სულში შესაბამის ხატებას („მუსიკისათვის“, VI,32). ბრმადლობილს არავითარი წარმოდგენა არა აქვს სინათლესა და ფერებზე. ამიტომაცაა, რომ წარმოსახვას არ შეუძლია კვალდაკვალ მისდიოს განეყენებულ აზრს. ჩვენ არ შეგვიძლია წარმოვიდგინოთ წრე რადიუსთა უსასრულო სიმრავლით, რომელნიც მხოლოდ ცენტრში იყრიან თავს. გონებას დიახაც შეუძლია უსასრულოდ გააგრძელოს სხეულის თვით უმცირეს ნაწილაკთა დაყოფა-დანაწევრება, მაგრამ წარმოსახვა მაშინვე ტოვებს მას, როგორც კი დაყოფა მზერისთვის მისაწვდომი თუ გასარჩევ ზღვარს გადალახავს („სამებისათვის“, XI,17). ამრიგად, წარმოსახვისათვის აუცილებელია მასალა, ანუ მესხიერებაში დასული რეალურ საგანთა ხატებანი. სამაგიეროდ მას შეუძლია სულ თავისუფლად შეცვალოს, დააჯგუფოს, დაანაწევროს, გაამრავლოს, შეკვეცოს, შეამციროს, მწყობრი წესრიგით დააღაგოს ან უწესრიგოდ არიგ-დარიოს და ერთმანეთში ალუფხოს ისინი. აიღოს ერთი ხატების ნაწილი და მეორეს მიუსადაგოს, ანდა პირიქით.

მესხიერება დიდ როლს ასრულებს შემეყენების პროცესში. ავიღოთ ასეთი მაგალითი: სივრცეში მდებარე პატარა საგანი შეიძლება მთლიანად აღქმულ იქნეს ერთი შეხედვით, მაგრამ დიდი მოცულობის მქონე საგანი რომ მთლიანად აღვიქვათ, ნაწილ-ნაწილ უნდა დავათვალიეროთ, ან გარს შემოუვაროთ მას, რის შედეგადაც მხედველობითი აღქმა რამდენიმე თანმიმდევრულ მომენტად ნაწევრდება, რომელთაგანაც საგნის მთლიანი ხატება მხოლოდ მესხიერების წყალობით ითხზვის, მესხიერებისა, ყველა ამ მომენტს რომ ინახავს და ინარჩუნებს („სამებისათვის“, VIII,9).

მესხიერების მნიშვნელობა კიდევ უფრო არსებითია სმენითი აღქმისას. მასში რომ ბგერების ნაკვალევი არა რჩებოდეს, ვერცერთ სიტყვას ვერ ვავიგებდით. ეს უკანასკნელი მხოლოდ მთლიანად თუ შეიძლება იყოს ცნების ნიშანი ან ურთიერთობის საშუალება. მაგრამ ყოველი სიტყვა მარცვლებად იშლება, ხოლო მარცვლები - ბგერებად. თვით ორმარცვლიან სიტყვასაც კი ვერ აღვიქვამთ ერთდროულად, რადგანაც მისი მეორე მარცვალი მხოლოდ მაშინ ახმთანდება, როცა მიჩუმდება პირველი, ხოლო ის, რაც ერთდროულად არ ხმთანებს, ვერც სმენით აღვიქვამთ ერთბაშად. დროის უსასრულო დაყოფადობის გამო არა მარტო მთელი სიტყვა, არამედ მისი ყოველი მარცვალიც ავსებს დროის იმ შუალედს, რომელშიაც სიტყვისა თუ მარცვლის დასაწყისი არ თანხვდება მის დასასრულს. ამიტომ ვერცერთ სიტყვას ვერ მოვისმენდით, - იმ დროს, როცა მისი დასასრული გაიხმანებს, მესხიერებაში რომ არ ინახებოდეს დასაწყისის კვალი, დასაწყისისა, რომელიც უკვე წარსულის კუთვნილებად იქცა („მუსიკისათვის“, VI,21).

15. დიდია ძალა მესხიერებისა, ღმერთო ჩემო, უსაზღვროდ დიდი! ესაა წმიდა გაძარი, უსასრულო და გონებაშიუნვლომელი. ვის შეუძლია შეღწევა მასში? და მაინც, ესაა ჩემი საკუთარი გონების ძალა, ის ნიშნულია ჩემი ბუნებისათვის, მაგრამ მე არ შემიძლია მთლიანად დავიციო ჩემივე თავი. ნუთუ სული მეგისმეგად ვინროა საიმისოდ, რომ თავისი თავი მოიცვას? მაშ, სადღაა ის, რასაც ვერ იტევს? ნუთუ მის გარეთაა და არა თვით მასში? კი მაგრამ, როგორც ვერ იტევს? ყოველივე ეს გამაოგნებლად მოქმედებს ჩემზე და ენითუთქმელი განცვიფრებით მავსებს.

ადამიანები განცვიფრებით უყურებენ მთის მწვერვალებს, ზღვის ბობოქარ ტალღებს, ვეება მდინარეებს, მთელი ხმელეთის გარემომცველ უსაზღვრო და უკიდევანო ოკეანეს თუ ვარსკვლავთა წრებრუნვას ცის თაღზე, მაგრამ რატომღაც ავინყდებათ თავიანთი თავი. არც ის უკვირთ, რომ მე შემიძლია ვილაპარაკო ყოველივე ამის შესახებ, თუმცა თვალწინ როდი მიდგანან ისინი, მაგრამ ერთ სიტყვასაც ვერ ვიტყვოდი მათზე, ამ მთებს თუ ტალღებს, ამ მდინარეებს თუ ვარსკვლავებს, რომლებიც მე თვითონ მინახავს, ან ამ ოკეანეს, რომლის უსაზღვროების ამბავიც მხოლოდ სხვებისგან მსმენია, ჩემი მესხიერების სიღრმეში რომ არ ვხედვდე მთელი მათი სიდიადით, თანაც ისე ცხადად და მკაფიოდ, თითქმის ამ წუთში სწორედ მათ მივჩერებოდე. მაგრამ თვალებით როდი შემისრუტავს ისინი და არც თვითონვე არიან ჩემში, არამედ მხოლოდ მათი ხატებანი, და მე ვიცი, რა ალიბეჭდა, ან გრძნობის რომელი ორგანოთი ალიბეჭდა ჩემს სულში.

## IX

16. მაგრამ მარგოლოდენ ამას როდი შეიცავს ჩემი მესხიერების უზარმაზარი საცავი. იქვეა თავმოყრილი ყოველივე ის, რაც თავისუფალ მეცნიერებათა შესწავლისას შემიძენია და აქამდე არ დამეინყნია. მთელი შესწავლილი მასალა მესხიერების რომელიღაც შორეულ კუნჭულშია დაცული, სულის სიღრმეში მიჩქმალულ ადგილას, რომელსაც, კაცმა რომ თქვას, ვერც კი ვუნოდებთ ადგილს. აქ მე შესწავლილ საგანთა უბრალო ხატებას კი არ ვინახავ, არამედ მათი შესწავლით შეძენილ ცოდნას. ჩემი ცოდნა გრამატიკის, დიალექტიკისა თუ მეცნიერებათა სხვადასხვა დარგის საკითხებისა მესხიერებაშია მოქცეული, მაგრამ არა როგორც საგნის ხატება, არამედ როგორც საკუთრივ საგანი<sup>43</sup>. ეს იმას როდი ჰგავს, ბგერა რომ გაიხმინებს და გაქრება, თუმცა ყურში თავის კვალს ტოვებს, რისი წყალობითაც თითქოს კვლავ ხმინებს იგივე ბგერა, რომელიც უკვე მიჩუმდა; ვერც სურნელს შევადარებთ ამას, ჰაერში რომ გრიალეხს და, ვიდრე განქარდებოდეს, ჩემს ყნოსვაზე ახდენს ზემოქმედებას, რის შედეგადაც თავის ხატებას უტოვებს მესხიერებას, მოგონებისას რომ ცოცხლდება ჩვენში; არც საზრდოსა ჰყავს ეს, რომელიც კუჭში, რა თქმა უნდა, მთლიანად ჰპარგავს თავის გემოს,

<sup>43</sup> ესაა ე.წ. „ინტელექტუალური მესხიერების“ შინაარსი (იხ. წინა პენიშენა).

მაგრამ მესხიერებაში კვლავინდებურად გემრიელია; არც რაღაც ისეთს, რაც შეიძლება შეხებით შეიგრძნო, და რისი წარმოდგენა ჩვენს მესხიერებას მაშინაც კი შეუძლია, როცა ის შორსაა ჩვენგან. არა, ამნაირ საგნებს როდი შეუძლიათ ჩვენს მესხიერებაში შეღწევა, რომელიც საოცარი სისწრაფით „იხელთებს“ მხოლოდ მათი ხატებებს და არანაკლებ საოცარ საცავეებში ათავსებს მათ, საიდანაც ისინი უკანვე ამოიზიდებიან ასევე საოცარი მოგონების მიერ.

## X

17. და მართლაც, როცა მესმის ერთმანეთისაგან განსხვავებული სამი კითხვა: არსებობს თუ არა ესა და ეს საგანი, რას წარმოადგენს თავისთავად და რანაირია მისი თვისება<sup>44</sup>, - ჩემში რჩებიან მხოლოდ იმ ბგერათა ხატებანი, რომელთაგანაც შედგებიან ეს სიტყვები; ისიც ვიცი, რომ იგივე ბგერები ჰაერში გაიხშიანებენ და გაქრებიან. ხოლო მათი მეშვეობით გამობატულ აზრებს ვერც ჩემი გრძობებით აღვიქვამდი და ვერც ვერსად ვპოვებდი, თუ არა ჩემსავ გონებაში. ჩემს მესხიერებაში აღიბეჭდა არა ამ აზრების ხატებანი, არამედ საკუთრივ აზრები<sup>45</sup>.

კი მაგრამ, რა გზით შემოაღწიეს მათ ჩემში? კეთილ-ინებონ და მითხრან, თუ შეუძლიათ. გარს ვუვლი ჩემი სხეულის ყველა ბჭეს და ვრწმუნდები, რომ ვერცერთიდან ვერ შემოვიღოდნენ. თვალები ამბობენ: „თუ მათ თერი აქვთ, მაშინ ჩვენ გაუნწყეთ ისინი“. ყურები ამბობენ: „თუ ისინი ხშიანებენ, მაშინ ჩვენ ვყოფილვართ მათი მაცნენი“. ნესტოები ამბობენ: „თუ ისინი სურნელს აფრქვევენ, მაშინ ჩვენი მეშვეობით შემოულწევიათ შენში“. გემოვნება ამბობს: „თუ მათ გემო არა აქვთ, მაშინ მე რაღას მეკითხები?“ შეხება ამბობს: „თუ ისინი უსხეულონი არიან, მათ ვერ შეხები, ხოლო თუ ვერ შეხები, რანაირად უნდა მეუწყებინა ისინი შენტვის?“

მაშ, საიდან, რა გზით შემოვიდნენ ჩემს მესხიერებაში? არ ვიცი. რადგან მათი შეცნობისას სხვის მონშობას კი არ ფნდობივარ, არამედ ჩემს საკუთარ გონებას ვენდე, და სწორად ვცანი ისინი; ამიტომაც გონებასვე გადავეცი შესანახად, რათა უკანვე გამომეხმო, როცა კი მოვისურვებდი. მაშასადამე, მათ შეცნობამდეც იქ იყვნენ, მაგრამ არა ჩემს მესხიერებასი? მაშ, სადღა იყვნენ, ან როგორ მოხდა, რომ როგორც კი მათზე ჩამომივდეს სიტყვა, მაშინვე ვიცანი ისინი და ვთქვი: სწორია, ასეა-მეთქი? ერთადერთი ახსნა ისაა, რომ ისინი უკვე იყვნენ ჩემე მესხიერებაში, მაგრამ მის იღუმალ სიღრმეში დათლულნი და მიჩქმალულნი, ასე რომ,

<sup>44</sup> ზოგიერთი მკვლევარის ვარაუდით, ამ თანმიმდევრობით ისმებოდა კითხვები რიტორიკულ სკოლაში.

<sup>45</sup> იხ. აქვე, შენ. 43.

ალბათ, აზრადაც არ მომივიდოდა მათი არსებობა, თუკი ვინმე არ აღმძრავდა საიმისოდ, რომ გამოემქნა ისინი<sup>46</sup>.

<sup>46</sup> აქ ნეტარი აგვისტინე მთლიანად იზიარებს პლატონისეულ კონცეფციას თანდაყოლილი იდეებისა და ცოდნის, როგორც მოგონების შესახებ. პლატონის მიხედვით, ზოგადი ცნებები, რომლებსაც აღქმების საფუძველზე აყალიბებს ჩვენი გონება, თავიანთი არსით და გენეზისით ძირითადად განსხვავდებიან ამ აღქმებისაგან და არ გამოიყვანებიან მათგან. ეს თვალსაზრისი თანაბრად ვრცელდება როგორც დედუქციით გამოყვანილ, ისე ინდუქციის გზით მიღებულ ცნებებზედაც. და მართლაც, პლატონმა აღმოაჩინა, რომ ინდუქციის გზით ცნებების ფორმირებისას აღქმები მხოლოდ ამ ცნებათა გამომწვევი საბაზის როლს ასრულებენ და არა მათი წყაროსას; რომ აღქმები ჩამოყალიბებული და დასრულებული სახით როდი იმარხავენ ცნებათა შინაარსს, და რომ გონება დამოუკიდებლად პოულობს მას. ცნებათა ფორმირების პროცესი, პლატონის აზრით, კონკრეტულ აღქმათა დანაწევრებასა და ამ გზით მათში ზოგადის აღმოჩენას კი არ გულისხმობს, არამედ ერთდროულად, სინოპტიკურ ინტუიციას, რომელიც უშუალოდ იცხადებს იმ ზოგადს, რაც კონკრეტულ ერთეულთა სიმრავლეს აერთებს. არისტოტელესაგან განსხვავებით, რომელიც ზოგადს კონკრეტულ ერთეულთა სიმრავლეში ეძებს და ცნებათა ანალიტიკური დანაწევრების გზით პოულობს მას („მეტაფიზიკა“, I,9,990 b 6), პლატონს იგივე ზოგადი ამ სიმრავლის გარეთ გამოაქვს და სინოპტიკური ინტუიციით ცდილობს მის აღმოჩენას („ფედროსი“, 265 d; „სახელმწიფო“, VII 537 d). არსებითად, ესაა ზოგადი ლოგიკური ცნებების, გვარეობითი ცნებების ჰიპოთეტისა, მათი ონტოლოგიზაცია. აქ „ეიდოსი“ „იდეაში“ გადადის, „იდეაში“ გადაიზრდება.

მაგრამ რას ნიშნავს გვარეობითი ცნებების ონტოლოგიზაცია? რას მოასწავებს „ეიდოსის“ „იდეად“ ქცევა? დავეკვირდეთ სიტყვა „იდეის“, იგივე „ეიდოსის“, ორმაგ მნიშვნელობას: მართალია, პლატონი უმეტესწილად ერთი და იგივე აზრით ხმარობს სიტყვებს „eidos“ და „idea“, („სახე“, „ხატი“, „eidos“ წარმოსდგება ზმნიდან „eido“ - „ვხედავ“, „ვჭვრეტ“, ხოლო „idea“ - ამავე ზმნის ინფ. აორ. 2-ის ფორმიდან - „idein“), მაგრამ მათი ექვივალენტურობის მიუხედავად, შეიძლება თქვას, რომ პლატონის მსოფლმხედველობის ქრონოლოგიური ევოლუციის თვალსაზრისით, პირველადი უნდა იყოს „ეიდოსი“, როგორც ლოგიკური ზოგადობის გამოხატველი გვარეობითი ცნება. თუ კვლავ წინ წამოვწევთ ამ სინონიმური სიტყვების განმასხვავებელ ნიშნებს, ჩვენ ვნახავთ, რომ „ეიდოსი“ წინასწარი აუცილებლობით გულისხმობს „იდეას“, ურომლისოდაც ის წარმოუდგენელია, მაშინ როდესაც „იდეა“ წინასწარ არ გულისხმობს „ეიდოსს“. „ეიდოსი“ გვარეობითი ცნებაა, „იდეა“ კი საგნის თავისთავადი არსი. ჩვენ ვვლით მშვენიერების იდეას (სუბიექტური აზრით), როგორც გვარეობით ცნებას, მხოლოდ იმიტომ, რომ არსებობს მისი საგანი - მშვენიერების იდეა (ობიექტური აზრით), „მშვენიერი თავისთავად“ („auto to kalon“), აბსტოლუტური რეალობა, ჭეშმარიტი სინამდვილის ფორმა.

და მართლაც, თუკი ცნებები იმარხავენ ისეთ ცოდნას, რომელიც, მართალია, აღქმებითაა გამოწვეული, მაგრამ აღქმებიდან როდი გამოიყვანება და არსებითად განსხვავდება მათგან, ამიტომ იდეები, რომლებიც ცნებათა ობიექტებად გვევლინებიან, ისევე რეალურად უნდა არსებობდნენ, როგორც აღქმათა ობიექტები. მეტიც, მხოლოდ ესაა თვითმყოფი სინამდვილე, მხოლოდ ესაა ჭეშმარიტი რეალობა, ვინაიდან აქ არსება (essentia) მთლიანად მოიცავს, მთლიანად ფარავს არსებობას (existentia). ასე ემოჭუნება იდეალიზმი მატერიალიზმს, ასე ორდება მთელი სამყარო, ასე უპირისპირდება გრძნობად-კონკრეტულ საგანთა ხილულსა და სხეულებრივ სინამდვილეს ინტელიგიბელურ არსთა უხილავი და უსხეულყოფილი სამყარო.

სავსებით სამართლიანად შენიშნავს ფილოსოფიის ცნობილი გერმანელი ისტორიკოსი ვ.ვინდელბანდი: „თუ ცნების შინაარსი განსხვავებულია მისი შესატყვისი აღქმების შინაარსისაგან და მოცემული არ არის მათში, მაშასადამე, პლატონის თანახმად, ის მოცემული და აღქმული უნდა იყოს შემეცნებელი სულის მიერ რაიმე სხვა გზით. თუ გონიერულ აზროვნებას არ შეუძლია თავისი ცნებების შინაარსის ფორმირება აღქმებისაგან, მაშასადამე, ეს შინაარსი რომელიც სხვა წყაროდან უნდა ეძლეოდეს მას: ცნება გამოხატავს ისეთი შინაარსის „მოგონებას“, რომელსაც სული დასაბამიდან, ე.ი. აღქმის ყოველგვარი აქტისაგან დამოუკიდებლად ფლობდა. ამ მოტივებიდან მეცნიერულად ყალიბდება პლატონის შემეცნების თეორიისათვის ყველაზე დამახასიათებელი დოქტრინა, რომლის მიხედვითაც, ცნებებით გამოხატული ყოველგვარი ცოდნა „ანამნეისისა“ - მოგონებაა.

ამ ძირითადი დოქტრინის ფსიქოლოგიური ახსნის მიზნით, პლატონი იყენებს („ნადიმსა“ და, განსაკუთრებით, „ფედონში“) მსგავსებისმიერი ასოციაციის მკაფიოდ გამოხატულ კანონს. თუ ცნებათა სინოპტიკური ფორმირების დროს აღქმებს იდეამდე მივყავართ, რომელიც, თავისთავად, მოცემული არ არის მათში, ეს შეიძლება აიხსნას მხოლოდ იმით, რომ შემეცნებელი ცნობიერება მის მიერ მიღებული აღქმების საფუძველზე იგონებს ამ აღქმათა მსგავს გარკვეულ ცნებას, რომელიც მათ პროტოტიპად გვევლინება. მაგრამ ამისთვის აუცილებელია, რომ ეს პირველადი ცნება მის გამომწვევ აღქმებზე ადრე არსებობდეს სულში, არსებობდეს თუნდაც გაუცნობიერებლად, როგორც ყოველივე ის, რასაც მესხიერება იმარხავს. მაგრამ ამნაირი ფარული არსებობა შესაძლებელია - როგორც ყოველგვარი ემპირიული მოგონების დროს - მხოლოდ იმ შემთხვევაში, თუ მოცემული ცნება ადრე ერთხელ მაინც ყოფილა სულში ცნობიერი წარმოდგენის სახით. ამიტომ ცნებებით გამოხატული ცოდნა შესაძლებელია მხოლოდ იმის გამო, რომ იდეა შეცნობილი იყო სულის მიერ ჯერ კიდევ მანამ, სანამ სული სხეულთან შერწყმის წყალობით აღქმის უნარს შეიძენდა, და რომ ამჟამად, მსგავსებისმიერი ასოციაციის საფუძველზე, აღქმები ცნობიერებაში ინვევენ მათ მსგავს იდეას... მაშასადამე, ცნებებით გამოხატული ყოველი ცოდნა მოგონებაა, როგორც დასაბამიერი, ყოველგვარ აღქმამდე შექნილი კუთვნილება სულისა, ის ცნობიერდება, როგორც კი იდეა მისი მსგავსი აღქმებით იქნება გამოწვეული“ (იხ. В.Виндельбанд, Платон, С-Пб., 1900; стр.78-79).

XI

18. ამრიგად, ჩვენ ვხედავთ შემდეგს: შეიცნო ის, რასაც ხატებათა მეშვეობით კი არ ვცნობთ, გრძნობის ორგანოები რომ გვანვლიან, არამედ ხატებათა გარეშე, შინაგანი ჭკრეცის გზით, თავისი საკუთარი სახით რომ წარმოგვიჩინს იმას, რასაც ვჭკრეცთ, - ეს მხოლოდ იმასა ნიშნავს, რომ აბრით შეკრიბო და შეაგროვო ის, რაც მესხიერებაში მიჩქმალული თუ უთავბოლოდ მიმოფანტული იყო, და ისე განაღვა, რომ აღვილი ხელმისაწვდომი შეიქნეს გონების ჩვეული ძალისხმევითვის<sup>47</sup>.

რამდენ ამაირ რასმე ინახავს ჩემი მესხიერება, უკვე ცნობილსა და, როგორც უკვე აღვნიშნე, ხელმისაწვდომს, რაზედაც შეიძლება ითქვას: „ჩვენ ეს შევისწავლეთ და ვიცითო“. თუკი მე, თუნდაც დროის ხანმოკლე შუალედებში, ერთიმეორის მიყოლებით არ გამოვიხმო მათ, ისინი კვლავ დაინთქმებიან მესხიერების სიღრმეში, თითქოს მას იღუმალ სენაკებში მიიყუყვნო. მაშინ მოგვიწევს გონების ქმედითობით კვლავ გამოვიხმოთ ისინი, თითქოს რაღაც ახალს მივაკვლიეთო, გამოვიხმოთ სწორედ ამ იღუმალი სენაკებიდან, - რადგანაც სხვაგან არსად არიან, - რათა კვლავ ერთად შევკრიბოთ მიმოხეულ-მიმოფანტული და, ამრიგად, შევიცნოთ ისინი. სწორედ აქედან იღებს დასაბამს სიტყვა *cogitare* (ფიქრი). *cogo* (ვკრებ) და *cogito* (ვფიქრობ) ისე მიემართებიან ერთმანეთს, როგორც *ago* (ვამოძრაებ) და *agito* (ვძრაებ)<sup>48</sup>, *facio* (ვაკეთებ) და *factito* (ვიქმ). გონებამ გაითავისა ეს ზმნა, როგორც უშუალოდ მისი კუთვნილი, ვინაიდან სადმე სხვაგან კი რა, მხოლოდ გონებაში მიმდინარეობს ეს შეკრება (*colligitur*), ანუ თავმოყრა (*cogitur*), და სწორედ ეს ინოღება „მოაბრებაღ“ (*cogitare*).

XII

19. მესხიერება შეიცავს აგრეთვე რიცხვებისა და განზომილებების ათასნაირ თანათარღობას, მათი ურთიერთმიმართების ურიცხვ წესსა თუ კანონს, რომლებსაც ვერცერთი ხორციელი გრძნობა ვერ აღბეჭდავდა ჩვენს სულში, რადგან მათ არც ფერი აქვთ, არც სუნი, არც გემო, არც ხმიანებენ და არც ხელშესახებნი რიან. მათზე მსჯელობისას მე მესმის ბგერები, რომლებიც აღნიშნავენ იმ სიტყვებს, მსჯელობისას რომ იყენებენ, მაგრამ სხვაა ეს სიტყვები და სულ სხვა - მსჯელობის საგანი. სიტყვები სხვადასხვანაირად ჟღერენ ბერძნულად და ლათინურად, მაშინ როდესაც ამ სიტყვებით გამოხატული ცნებები დამოუკიდებელნი არიან ბერძნული, ლათინური თუ ნებისმიერი სხვა ენისაგან.

<sup>47</sup> სწორედ ესაა პლატონისეული „სინოპტიკური ინტუიცია“ (იხ. წინა შენიშვნა).  
<sup>48</sup> მართლაც, *cogo*-ც და *cogito*-ც ერთი და იმავე ზმნისაგან - *ago* („ვამოძრაებ“) იღებენ დასაბამს: *cogo* (co+ago), *cogito* (co+agito: agito ე.წ. ინტენსივუმა *ago*-სი). შდრ. ვარონი, „ლათინური ენისათვის“ („De lingua latina“, 6,43): „*cogitare*“ წარმოსდგება *cogendo*-დან („შეკრება“, „შეგროვება“): „გონება ერთად უყრის თავს მრავალს, რის შედეგადაც არჩევის შესაძლებლობას იღებს“.



მე მინახავს ოსტატთა ხელით გავლებული ხაზები, აბლაბუდასავით წვრილი და ნატიფი, მაგრამ ჩემს სულში გავლებული ხაზები სულ სხვა ხაზებია, რომლებსაც იმათ ხატებად ვერ მივიჩნევთ, ჩემმა ხორციელმა მზერამ რომ აღმაქმევინა. მათ ისე სცნობ, რომ არაავითარ სხეულს არ უკავშირებ: საკმარისია შენსავე თავს ჩაუღრმავდე, რათა საკუთარ სულში აღმოაჩინო ისინი. ხორციელი გრძნობებით მე აღვიქვამ ეგრეთწოდებულ „აღრიცხვად რიცხვებს“, მაგრამ სულ სხვანი არიან „აღმრიცხველი რიცხვები“<sup>49</sup>, რომლებიც პირველთა ხატებად როდი გვევლინებიან და ამიტომაც ჭეშმარიტად არსებობენ. დაე, დამცინოს, ვინც ამას ვერ ხედავს, მე კი შევიბრალებ ჩემს დამცინავს.

### XIII

20. ყოველივე ამას მესხიერებაში ვინახავ და მასშივე მაქვს დაცული, როგორ ვისწავლე ყოველივე ეს. ბევრი მცდარი მოსაზრება მსმენია ამ ჩემი აზრის საპირისპიროდ, მაგრამ მესხიერებაში ვინახავ მათაც, თუმცა არა ეჭვიც არ მეპარება მათ მცდარობაში. მე ერთმანეთისაგან გავმიჯნე და განვასხვავე სწორი და ის, რაც მცდარად უპირისპირდება სისწორეს. ესეც მახსოვს, მაგრამ ახლა ვხედავ, რომ ერთია მათი განსხვავება და მეორე - ხსენა იმისა, თუ რამდენჯერ განმისხვავებია ისინი მათზე ფიქრისას. ხოლო თუ ახლაც ვფიქრობ, ვასხვავებ და მესმის, რომ ვასხვავებ, ჩემს მესხიერებას ვანდობ ამას, რათა შემდეგ გამახსენდეს, რაც ახლა მესმის. მაშასადამე, მე მახსოვს, რომ მახსოვდა, და თუ შემდეგ გავიხსენებ, რისი გახსენებაც ღღეს შევძელი, რა თქმა უნდა, ჩემს მესხიერებას უნდა ვუმაღლოდე ამას.

### XIV

21. იგივე მესხიერება ინახავს ჩემს სულიერ მდგომარეობებსაც, მაგრამ არა იმ სახით, რა სახითაც განუცდია ოდესღაც სულს, არამედ ძალზე განსხვავებულად, რაც მესხიერების ძალაზეა დამოკიდებული.

ვთქვათ, გამახსენდა, რომ ოდესღაც მიხაროდა, მაგრამ ამ გახსენებისას უკვე აღარ განვიცდი სიხარულს; ასე, მწუხარების გარეშე ვიხსენებ გარდასულ მწუხარებასაც არც შიშს განვიცდი, როცა მახსენდება, თუ როგორ ვძრწოდი ოდესღაც, და აღარც ვნება მამღვრევს გარდასული ვნების გახსენებისას. ზოგჯერ კი პირიქითაც ხდება: გარდასულ მწუხარებას სიხარულით ვიგონებ, სიხარულის გახსენებაზე კი მწუხარება მეუფლება<sup>50</sup>.

<sup>49</sup> პლატონისა და ნეოპლატონიკოსების კვალდაკვალ, ნეტარი ავგუსტინე განასხვავებს რიცხვთა ორ სახეს: „numeri numerati“ („აღრიცხვადი“, ან „აღრიცხული რიცხვები“), თვლისა თუ ანგარიშისას რომ გამოიყენებიან და „numeri numerantes“ („აღმრიცხველი რიცხვები“) - ყოველგვარი საგნობრიობისაგან განყენებული ინტელიგიბილური რიცხვები.

<sup>50</sup> იხ. აქვე, შენ. 46.

საქმე რომ სხეულს ეხებოდეს, სულაც არ იქნებოდა გასაკვირი, მაგრამ სული ხომ სხვაა და სხეული - სულ სხვა. თუ მხიარულად ვიხსენებ გარდასულ ხორციელ ცკვივებს, ეს არც ისე საკვირველია, მაგრამ მეხსიერება ხომ გონებაა და სული. როცა რაიმეს ვაფალებთ ვინმეს და გვინდა, რომ ჩვენი დავალება არ დაავინწყდეს, ამ სიტყვებით ვაფრთხილებთ მას: „აბა, შენ იცი, კარგად ჩაიბეჭდე გონებაშიო“. დავინწყებისას კი ვამბობთ: „სულ აღარ მომგონებია“, ან „გონებიდან ამომივარდაო“. მაშასადამე, მეხსიერებას სულსა თუ გონებას ვუკავშირებთ.

ხოლო თუ მართლა ასეა, რას ნიშნავს ეს? როცა სიხარულით ვიხსენებ გარდასულ მწუხარებას, ჩემს სულში სიხარული ცოცხლობს, მეხსიერებაში კი წუხილი? თუ ჩემი სული მხიარულია, - ეს იმიტომ რომ სიხარულითაა სავსე, მეხსიერება კი სულაც არ წუხს იმის გამო, რომ მწუხარებას მოუცავს? თუ მეხსიერება დამოუკიდებელია სულისაგან? ვინ იცის?

არა, მეხსიერება თითქოს სტომაქია სულისა, ხოლო სიხარული და მწუხარება - ტკბილი თუ მწარე საჭმელი; როცა მეხსიერებას გადავცემთ მათ, თითქოს სტომაქში გადავუძახებთ, ისინი დიდხანს ინახებიან იქ, მაგრამ გემოს კი ვეღარ ინარჩუნებენ.

ეს შედარება შეიძლება სასაცილოდაც არ გეყოს, მაგრამ ერთგვარი მსგავსება აქ უთუოდ არის.

22. და, აი, ჩემი მეხსიერებიდან გამომყავს დასკვნა, რომლის თანახმადაც არსებობს სული ამძღვრევი ოთხი ვნება: სურვილი, სიხარული, შიში, მწუხარება<sup>51</sup>. მთელ ჩემს მსჯელობას მათ შესახებ, როცა თვითვე მის საკუთარ სახეებად ვყოფ, ან გვარის მიხედვით განვსაზღვრავ, ჩემს მეხსიერებაში ვპოულობ და იქიდანვე გამომყავს ყველაფერი, რასაც აქ ვამბობ. და მაინც, სულის ამძღვრევი ამ ოთხი ვნებიდან ვერცერთი ვერ ამამძღვრევს მათი გახსენებისას. ვიდრე მათ გაუხსენებდი, ისინი უკვე იყვნენ ჩემი მეხსიერების სიღრმეში, და სწორედ ამიტომ ვახდა შესაძლებელი გახსენებით გამომეხმო ისინი.

შესაძლოა, როგორც ცოხნისას ამოიზიდება საზრდო პირუტყვის თაშვიდან, გახსენებაც ასევე გამოიხმობს ამ გრძნობებს მეხსიერებიდან. კი მაგრამ, ვინც მათზე მსჯელობს, ესე იგი, იხსენებს მათ, რატომღა ვერ გრძნობს ვერც სიხარულის სიგზბოს და ვერც მწუხარების სიმწარეს? იქნებ ეს ორი რამ სწორედ იმით განსხვავდება ერთმანეთისგან, რომ მათ შორის გამორიცხულია სრული მსგავსება? ვინ ჩამოაგდებდა თავისი ნებით სიგყვას მათზე, თუკი შიშისა და მწუხარების ყოველ ხსენებაზე ეს განცდები ხელახლა დაეუფლებოდნენ მას?

და მაინც, ჩვენ ვერ შევძლებდით გველაპარაკა მათზე, თუკი მეხსიერებაში ვერ ვპოუვებდით არა მარტო იმ სახელწოდებებს, ხორციელი გრძნობების მეშვეობით ჩვენს სულში აღბეჭდილ ხატებებს რომ შეესაბამებიან, არამედ თვით იმ საგანთა ცნებებსაც, რომელნიც ვერანაირი ხორციელი ბჭით ვერ შემოაღწევდნენ ჩვენში: სულმა პირადი ცდით შეიცნო თავისი

<sup>51</sup> სულის ამძღვრევი ვნებათა ეს ნუსხა სტოვლებისაგან იღებს დასაბამს. ის გვხვდება ციცერონთანაც - „ტუსკულუმური საუბრები“ (4,6,11).

საკუთარი ვნებანი და ამის შედეგად ჩამოყალიბებული ცნებები გადასცა მესხიერებას, ან იქნებ ისინი ყოველგვარი გადაცემის გარეშეც აღიბეჭდნენ მასში.

## XV

23. ხატებათა მეშვეობით თუ მათ გარეშე? ვინ იცის?!

მე წარმოვთქვამ ქვისა თუ მზის სახელს, თუმცა არც ერთია ჩემს წიანზე და არც მეორე, მაგრამ მათი ხატებანი, რა თქმა უნდა, აქაა, ჩემს მესხიერებაში. მე ვასახელებ ხორციელ სნეულებას, თუმცა სნეული არა ვარ: არაფერი არ მტკივა. მაგრამ სნეულების ხატება რომ არ იყოს ჩემს მესხიერებაში, არ მეცოდინებოდა, რა მეთქვა, და ვერ შევძლებდი მსჯელობისას ზღვარი გამეგლო ტკივილსა და შვებას შორის. მე ვლაპარაკობ ჯანმრთელობაზე, და თვითონაც ჯანმრთელი ვარ; ეს ჩემი თვისებაა, მაგრამ მისი ხატება რომ არ ყოფილიყო ჩემს მესხიერებაში, ვერასდიდებით ვერ გავისხენებდი, რას ნიშნავს ეს სახელწოდება. არც სნეულებს ეცოდინებოდათ, რას ნიშნავს სიცივა „ჯანმრთელობა“, მესხიერებაში რომ არ ჰქონდეთ მისი ხატება, თუმცა თვით ჯანმრთელობა უცხოა მათთვის.

მე ვასახელებ იმ რიცხვებს, რომელთა მეშვეობითაც ვანგარიშობთ, და ისინი ჩემს მესხიერებაში არიან: მათი ხატებანი კი არა, არამედ თვითონ რიცხვები. მე ვასახელებ მზის ხატებას, და ისიც ჩემს მესხიერებაშია: არა ხატების ხატება, არამედ თვითონ ხატება, რომელიც წარმომიჩნდება მისი ხსენებისას. „მესხიერებაო“ - ვამბობ, და ვიცი, რასაც ვამბობ. კი მაგრამ, სად შეიძლება რაიმე მსგავსი გამეგო მასზე, თუ არა თვით მესხიერების წიაღში? ნუთუ ისიც ხატების მეშვეობით აღიქვამს თავის თავს, და არა უშუალოდ?

## XVI

24. ან კიდევ, როცა ვამბობ „დავინწყებაო“<sup>52</sup>, და ვიცი, რასაც ვამბობ, საიდან მეცოდინებოდა, თუკი არ მესხომებოდა იგი? მე ხომ თვით ამ სახელწოდებას კი არ ვგულისხმობ, არამედ მის შინაარსს. რომ დამვინწყნოდა, ვერც მის შინაარსს გავისხენებდი. როდესაც მესხიერებას ვისხენებ, თვით მესხიერების მეოხებით წარმომიჩნდება მესხიერება, მაგრამ როცა დავინწყება მახსენდება, ორივე თავის ადგილზეა: მესხიერებაც და დავინწყებაც: მესხიერება, რომლის მეშვეობითაც ვისხენებ, და დავინწყება, რომელიც მახსენდება. მაშ, რა არის დავინწყება, თუ არა მახსოვრობის დაკარგვა? მაშ, როგორღა ვისხენებ იმას, რისი არსებობაც ჩემს სულში საერთოდ ხელს უშლის გახსენებას? მაგრამ თუ ჩვენ მესხიერებაში ვინახავთ იმას, რასაც ვისხენებთ, ამიგომ დავინწყება რომ არ გვახსოვდეს, ამ სიცივის გამოგონებისას ვერასდიდებით ვერ შევძლებდი მისი მნიშვნელობის გაგებას. მაშასადამე,

<sup>52</sup> დავინწყების შესახებ იხ. შენ. 46.

დავინწყებასაც მესხიერება ინახავს: მისი არსებობა აუცილებელია საიმისოდ, რომ არ დაგვაღინწყდეს, მაგრამ სწორედ ეს არსებობაა დავინწყების მიზეზი.

ხოლო არ გამოძინარეობს აქედან, რომ საკუთრივ დავინწყება კი არაა მესხიერებაში, არამედ მისი ხატება, როდესაც მასვე ვიხსენებთ? რადგანაც თვითონ რომ იყოს იქ, ვახსენების მიზეზი კი არ იქნებოდა, არამედ დავინწყებისა.

ვინ ჩასწვდება ამ საიდუმლოს? ვინ აგვიხსნის, რანაირად ხდება ეს?

25. დიას, უფალო, მე ამისთვის და, მაშასადამე, ჩემივე თავისთვისაც ვიღწვი: თვითონვე ვიქვეც საკუთარი თავისთვის მიწად, ქანცვამწყვეტ შრომასა და გამუდმებულ ოფლის ღვრას რომ მოითხოვს<sup>53</sup>. რადგან ჩვენ ახლა ციურ სივრცეთა უსასრულობას როდი ვიკვლევთ, არც ვარსკვლავთა შორის მანძილსა ვზომავთ და არც იმას ვკითხულობთ, თუ რა განაპირობებს დედამიწის წონასწორობას: მე ვარ, ჩემსავე თავს რომ ვიხსენებ, მე, ანუ სული. რა გასაკვირია, რომ ჩემგან შორსაა ის, რაც ჩემს გარეთაა, მაგრამ რა არის ჩემთან ჩემს თავზე უფრო ახლოს? და, აი, მე არ მესმის ჩემი მესხიერების ძალა, თუმცა მის გარეშე საკუთარი სახელის წარმოთქმასაც ვერ შევძლებდი. რა მეთქმის, თუკი დარწმუნებული ვარ, რომ ჩემივე მავინყობა მახსოვს? ნუთუ ვიტყვი, რომ ჩემს მესხიერებაში არ არის ის, რაც მახსოვს? ან იქნებ დავიჩემებ, რომ მავინყობა ჩემს მესხიერებაშია, რათა დამავინწყდეს? ყოვლად უაზროა როგორც ერთი, ისე მეორე ვარაუდი.

კი მაგრამ, არსებობს მესამენაირი ახსნა? თუ შემიძლია ვთქვა, რომ დავინწყების ვახსენებისას თვით დავინწყებას კი არა, მხოლოდ მის ხატებას ინარჩუნებს ჩემი მესხიერება? შეიძლება თუ არა ითქვას, რომ ყოველთვის, როცა რაღაც ხატება აღიბეჭდება მესხიერებაში, ამ „რაღაცას“ მანამდე უნდა ეარსება იქ, ვიდრე მისი ხატება აღიბეჭდებოდა? ასე მაგალითად, მე მახსოვს კართგენი, მახსოვს მისი ყოველი კუთხე-კუნჭული, სადაც კი ოდესმე ვყოფილვარ; მახსოვს იმ ხალხის სახე, ვისაც ვიცნობდი; მახსოვს ყველაფერი, რასაც მაუწყებდნენ ჩემი გრძნობები; მახსოვს ჩემი ჭანმრთელობა თუ ტკივილი. კართგენში ჩემი ყოფნისას აღიბეჭდა ჩემს მესხიერებაში მათი ხატებანი, რომელნიც შემიძლია ჩემი ნება-სურვილთ გამოვისიმო (ისინი ხომ ყოველთვის ჩემთან არიან), რათა მათი მეშვეობით კვლავ თვალწინ დამიდგეს ყოველივე ის, რასაც ოდესღაც პირისპირ ვჭვრეტდი.

მაშასადამე, თუ მესხიერება საკუთრივ დავინწყებას კი არ ინარჩუნებს, არამედ მხოლოდ მის ხატებას, ამ უკანასკნელის „მოსახელთებლად“ ის უთუოდ უნდა არსებობდეს ჩემს სულში. ხოლო თუ არსებობს, რანაირადღა შესძლო ჩემს მესხიერებაში აღიბეჭდა თავისი ხატება? რადგან თვით იმასაც კი, რაც უკვე აღიბეჭდილია მესხიერებაში, უკვალოდ შლის დავინწყების არსებობა. და მაინც, მიუხედავად იმისა, რომ ყოველივე ეს სრულიად გაუგებარია და

<sup>53</sup> ნართაულად იველისხმება „დაბადების“ ერთი პასაჟი - III, 17-19.

გონებაში უწვდომელი, დაბეჭდებით ვიცი, რომ ვისხენებ თვთ და ვინყებს, რომელიც ასამარებს ყველაფერს, რაც კი გვახსოვს.

## XVII

26. დიდია მესხიერების ძალა: არ ვიცი, უფალო, მაგრამ რალაცნაირად შიშის მომგვრელი კია მისი სიღრმე და უსასრულო მრავალფეროვნება. და ესაა ჩემი სული, ესა ვარ მე თვითონ. კი მაგრამ, ვინა ვარ, ღმერთო ჩემო? რანაირია ჩემი ბუნება? უთვალავ ფერად მოცემული, მრავალსახოვანი სიცოცხლე, გამაოგნებელი და განუზომელი.

აჰა, ჩემი მესხიერების თვალუწვდენი ველ-მინდვრები, ურიცხვი მღვიმეები და უკიდევანო ხეობები, უსასრულო მრავალფეროვნებით სავსენი: აჰა, ათასნაირ სხეულთა ხატებანი; აჰა, ხელოვნებათა თუ მეცნიერებათა გასაოცარი სიმრავლე; აჰა, აურაცხელი ნიშნები თუ მინიშნებები, - სულიერ მდგომარეობათა აღნაბეჭდები, რომელთაც უკვე აღარ განიცდის სული, მაგრამ მათ ნაკვალევს მესხიერება ინახავს, რადგანაც სულში არა არის რა ისეთი, მესხიერებაში რომ არ იყოს. ყოველივე ამას დაევიფი, მთელ ამ მრავალფეროვნებას შემოვირბენ და, შეძლებისდაგვარად, უღრმეს მღვიმეებშიც შევალწვე, მაგრამ არსად არა ჩანს ზღვარი; ასეთია მესხიერების ძალმოსილება, ასეთია სასიცოცხლო ძალაც კაცისა, მხოლოდ სიკვდილისთვის რომ ცოცხლობს.

მაშ, რა ვქნა, ღმერთო ჩემო, ჭეშმარიტო სიცოცხლე ჩემო? უკან მოვიტოვებ ამ ჩემს ძალას, მესხიერება რომ ჰქვია, უკან მოვიტოვებ მას, რათა ვისწრაფო შენსკენ, უტკბესო ნათელი ჩემო. მაინც რას მეტყვი? აჰა, ვეცდები ავმალლდე და მოგწვდე სულით, - შენი სამკვიდრო ხომ ჩემს ზემოთაა; - თავს მოვევლები ამ ძალას, მესხიერება რომ ჰქვია სახელად, რათა მოგეახლო იქ, სადაც შეიძლება მოგეახლონ, და დაგეწათო იქ, სადაც შეიძლება შენი დანაფება. მესხიერება ცხოველებსაც აქვთ და ფრინველებსაც, თორემ ვერც თავიანთ ბუნაგებს მიაგნებდნენ, ვერც ბუდეებს და ვერც სხვა რამეს, რაც ჩვეულია მათთვის, ჩვეულებას კი მხოლოდ მესხიერების წყალობით იძენენ. უკან მოვიტოვებ ჩემს მესხიერებას, რათა მოგეახლო შენ, ვინც ოთხფეხთაგან გამაცალკევე და ცის ფრინველებზე მეტი სიბრძნე მომეცი. უკან მოვიტოვებ ჩემს მესხიერებას, რათა მოგაკვლიო შენ. კი მაგრამ, სად? ჭეშმარიტად კეთილო, ჩემო შევებავ და სასოებავ, მაინც სად გპოვო? თუ ჩემს მესხიერებაში ვერ გიპოვე, მაშასადამე, არ მხსომებიხარ. მაგრამ როგორღა გიპოვო, თუ არ მახსოვხარ?



XVIII

27. ქალმა დაკარგა ღრაცმა და სანთლით დაუწყო ძებნა<sup>54</sup>; რომ არ ხსომებოდა, ვერ იპოვიდა. ანკი როგორ მიხვდებოდა, როცა იპოვა, რომ ეს სწორედ მისი ღრაცმაა, თუკი საერთოდ აღარ ეხსომებოდა? მახსოვს, როგორ ვეძებდი და ვპოულობდი დაკარგულ ნივთებს. ძებნისას მეკითხებოდნენ, ეს ხომ არაა, ან ისო? არა-მეთქი, ვამბობდი მანამ, სანამ სწორედ იმ ნივთს არ მაჩვენებდნენ, მე რომ დავკარგე. რომ არ მხსომებოდა, ვერ ვიპოვიდი, ვინაიდან, კიდევაც რომ ეჩვენებინათ, მაინც ვერ ვიცნობდი მას. ასეა ყოველთვის, როცა ვეძებთ და ვპოულობთ კიდევ დანაკარგს. თუ რომელიმე საგანი თვალთახედვის არიდან გაქრა, მაგრამ არა მესხიერებიდან (მე ვგულისხმობ ნებისმიერ ხილულსა და ნივთიერ საგანს), ჩვენს ხსოვნაში მაინც რჩება მისი ხატება, და მანამდე ვეძებთ მას, სანამ ჩვენს მზერას ხელახლა არ წარმოუჩნდება. ნაპოვნი იმ ხატებით იცნობა, რომელიც ჩარჩა ჩვენს სულში. ჩვენ ვერ ვიცვით, რომ დაკარგული ვიპოვეთ, თუკი ვერ ვიცანით იგი, ცნობი კი ნამდვილად ვერ ვიცნობთ, თუ აღარ გვახსოვს. რაც თვალისთვი გაუჩინარდა, მესხიერებამ შემოინახა.

XIX

28. კი მაგრამ, როცა თვით მესხიერება კარგავს რაიმეს, ანუ როცა გვაგინწყდება რაღაცა და მის გახსენებას ვცდილობთ, მაშინ სად ვეძებთ დანაკარგს, თუ არა თვით მესხიერებაში? და თუ ეს უკანასკნელი რაღაც სხვას გვიჩვენებს, დაუყოვნებლივ უკუვავდებით მას, ვიდრე არ წარმოგვიჩნდება სწორედ ის, რასაც ვეძებთ; ხოლო როგორც კი წარმოგვიჩნდება, ჩვენ ვამბობთ: „აი, ეს არის!“ მაგრამ ამას არ ვიცვით, რომ არ გვეცნო ის, რასაც ვეძებდით, და ვერ ვიცნობდით, რომ არ გვხსომებოდა. მართალია, დაგვაგინწყდა, მაგრამ განა მთლიანად ამოგვივარდა მესხიერებიდან? არა, ნაწილობრივ მაინც ჩარჩა შიგ, და ამ ნაწილმა შეიძლება გვაპოვნინოს მთელი. მესხიერება ხომ თვითონვე გრძნობს, რომ აღარ შეუძლია მთლიანი სახით წარმოგვიჩინოს ის, რასაც, ჩვეულებრივ, მთლიანად გადმოგვიშლიდა, ასე რომ ჩვეულებამოშლილი და თითქოს ფრთაშეკვეცილი უმწეოდ ფრთხილებს და, რაღა თქმა უნდა, ცდილობს კვლავინდებურად გაშალოს ფრთა და ლაღარ გაინავარდოს.

როდესაც ნაცნობს ვხედავთ, ან მასზე ვფიქრობთ, და ვცდილობთ გავიხსენოთ მისი სახელი, რომელიც დაგვგინწყნია, მაშინ ნებისმიერი სახელი, პირველად რომ მოგვივა თავში, როდი დაუკავშირდება ამ ადამიანს, რადგანაც ჩვენს სულს ჩვევად არ ჰქონდა, აზრით გაერთიანებინა ისინი. უკუვადებულ იქნება ყველა სახელი, გარდა იმ ერთისა, რომელზედაც, ბოლოს და ბოლოს, შეჩერდება დამცხრალი და დაშოშმინებული მესხიერება. კი მაგრამ, სად იყო ეს სახელი, თუ არა ჩვენსავე მესხიერებაში? თვით იმ შემთხვევაშიც კი, როცა ვიღაცის

<sup>54</sup> იხ. ლუკა, XV, 8.

დახმარებით ვისხენებთ მას, ის მაინც იქ იყო. რადგან ის ჩვენთვის რალაც ახალი კი არ არის, რაც სხვისი სიცყვით უნდა ვირწმუნოთ, არამედ ჩვენი მეხსიერება გვიდასტურებს, რომ სწორედ ესაა, რასაც ვეძებდით. ხოლო თუ ის პირწმინდად ამოიშალა ჩვენი მეხსიერებიდან, ვერავითარი შესხენება ვეღარ გვიშველის. მაგრამ დაეინყება მაინც არ არის სრული: ის მაინც გვახსოვს, რომ დაგვაუინყდა. ვინ დაუინყებდა ძებნას დაკარგულ ნივთს, მისი დაკარგვის ამბავიც რომ დაეინყნოდა?<sup>55</sup>

## XX

29. როგორღა ვეძებო, უფალო? როცა შენ ვეძებ, ღმერთო ჩემო, ბედნიერ ცხოვრებას ვეძებ. არ მოვეშვები შენს ძებნას, რათა ცოცხლობდეს ჩემი სული! ჩემი სული აცოცხლებს სხეულს, ხოლო ჩემს სულს აცოცხლებ შენ. როგორღა ვეძებო ბედნიერი ცხოვრება? ვერ ველირსები, ვიდრე არ ვიცი: „კმარა; აი, ისიც!“ მაშინ კი უნდა ვთქვა, როგორ ვეძებდი: მოგონებით, თითქოს დამეინყნოდეს, მაგრამ ის კი მახსოვდეს, რომ დამეინყნა? თუ სრულიად უცნობი ცხოვრებისკენ სწრაფვის სურვილით, რომელსაც საერთოდ არ ვიცნობდი, ანდა ისე დამეინყნა, რომ აღარც კი მახსოვს, თუ დამეინყნა? კი მაგრამ, განა ყველას არ სურს ბედნიერი ცხოვრება? თუ მოიძებნება თუნდაც ერთი კაცი, რომელსაც არ სურდეს ეს? მერედა, საიდან გაიგეს, რომ არსებობს ამნაირი ცხოვრება, რაკილა ასე ძალიან სურთ? ან სად უნახავთ, რომ ასე შეუყვარდათ? არ ვიცი, მაგრამ გარკვეულწილად ჩვენ უკვე ბედნიერები ვართ, თუმცა გააჩნია, ვისთვის რა არის ბედნიერება: ერთი ბედნიერია, როცა უკვე ბედნიერი ცხოვრებით ცხოვრობს, მეორისთვის კი საკმარისია იმედიც - ოდესმე მაინც ვიქნები ბედნიერიო, თუმცა ეს უკანასკნელი ნაკლებ ბედნიერია, ვიდრე პირველი, მაგრამ მისი ყოფა მაინც სჯობს იმისას, ვისაც არც ერთი აქვს და არც მეორე - არც ბედნიერი ცხოვრება და არც ბედნიერი მომავლის იმედი. და მაინც, თვით ამ იმედგადაწყვეტილთაც კი ასე თუ ისე რომ არ სცოდნოდათ, რა არის ბედნიერება, მაშინ მათთვის სრულიად უცხო იქნებოდა ბედნიერების დაუოკებელი სურვილი, უშრეტი ძალით რომ ღვივის მათ გულში, რაშიაც შეუძებელია ეჭვის შეგანა. არ ვიცი, რანაირად გაიგეს, რა არის ბედნიერება, ან რა წარმოდგენა აქვთ მასზე. მეც ამ კითხვაზე ვიმტვრევ თავს: თუ ეს წარმოდგენა მოგონების წყალობით შეექმნათ, მაშინ ოდესღაც ყველანი ბედნიერები ვყოფილვართ: ან თვითეული ცალ-ცალკე, ან ყველანი ერთად იმ კაცში, რომელმაც პირველად სცოდა, რომელშიაც ყველანი მოვევდით<sup>56</sup> და რომლისგანაც ყველანი ვიშვით მწუხარებით; თუმცა ამას კი არ ვიძიებ, არამედ მინდა ვიკითხო: ხომ არ ცოცხლობს ბედნიერი ცხოვრების მოგონება ჩვენს მეხსიერებაში?<sup>57</sup> არავითარი წარმოდგენა რომ არა გვექნოდა მასზე, მაშინ არც გვეყვარებოდა. საკმარისია ყური მოვკრათ ამ სიტყვებს - „ბედნიერი ცხოვრებაო“, და მაშინვე

<sup>55</sup> იხ. აქვე, შენ. 46.

<sup>56</sup> იგულისხმება ადამი. შდრ. I კორ. XV, 22.

<sup>57</sup> შდრ. ბლემ პასკალის ზემოთ უკვე ციტირებული სიტყვები: იხ. მეცხრე წიგნის შენ. 8.

ვალღარებთ, რომ სწორედ ესაა, რასაც ვესწრაფით. რა თქმა უნდა, ამ სიტყვების ხმოვანება როდი გვანიჭებს სიამოვნებას. თუკი მათ ლათინურად მოისმენს ბერძენი, ისინი ვერანაირ სიამოვნებას ვერ მიანიჭებენ მას, რადგანაც ვერ გაიგებს მათ მნიშვნელობას, ჩვენ კი ღიახაც მოგვანიჭებენ, ისევე, როგორც ბერძენსაც. თუ მათ ბერძნულად მოისმენს: ბედნიერი ცხოვრება არც საბერძნეთთანაა დაკავშირებული და არც რომთან, მაგრამ მას ხარბად მიელტვიან ბერძნებით, რომაელნიც და უცხოელებიც, სხვადასხვა ენებზე რომ მეტყველებენ. მაშასადამე, ბედნიერება ცნობილია ყველა ხალხისთვის და ერთდროულად რომ გვეკითხა მათთვის, გსურთ თუ არა ბედნიერები იყოთო, ყველანი ერთხმად გვიპასუხებდნენ, ცხადია, გვსურსო. მაგრამ პასუხი ასე ერთსულოვანი არ იქნებოდა, ყველას რომ არ შემორჩენოდა იმისი ხსოვნა, თუ რას ნიშნავს „ბედნიერება“.

## XXI

30. მაგრამ განა ეს ხსოვნა იგივეა, რაც ხსოვნა კართაგენისა, რომელიც თვითონ მინახავს? არა, ბედნიერებას თვალთ ვერ დაინახავ, რადგან ის სხეული როდია.

მაშ, იქნებ იგივე ხსოვნაა, რა ხსოვნითაც გვახსოვს რიცხვები? არა, რიცხვების მცოდნე არ მიელტვის მათ ფლობას. ჩვენ კი, ვინც ვიცით, რა არის ბედნიერი ცხოვრება და ამიღმაც გვიყვარს იგი, იმავედროულად ისიც გვსურს, რომ ვუფლოთ მას და ამრიგად ვეზიაროთ ბედნიერებას.

ან იქნებ ისე გვახსოვს იგი, როგორც მჭევრმეტყველება? არა, არც ასე, თუმცა ამ სიტყვის გახსენებისას თვით იმათაც კი ახსენდებათ რას ნიშნავს მჭევრმეტყველება, ვისთვისაც მჭევრმეტყველების ნიჭი არ მიუცია ღმერთს, და მაინც, ვინ მოსთვლის, რამდენს სურს ღეუფლოს მჭევრმეტყველების ხელოვნებას, რაც თვალნათლივ მოწმობს, რომ გარკვეული წარმოდგენა აქვთ მასზე: ხორციელ გრძნობათა მეშვეობით გაიცნეს მჭევრმეტყველნი, მოიხიბლნენ მათი ხელოვნებით და თვითონაც მოინდომეს მათსავით ენამჭევრნი გამხდარიყვნენ. ისინი ვერ მიიღებდნენ ვერავითარ სიამოვნებას, საერთოდ რომ არ სცოდნოდათ, რა არის მჭევრმეტყველება, და არც იმას ისურვებდნენ, ნეტავი მჭევრმეტყველების ნიჭი მოგვცაო, არავითარი სიამოვნება რომ არ მიეღოთ ენამჭევრთაგან. ცხადია, მათი სურვილი ერთგვარი შინაგანი ცდისა და ცოდნისაგან იღებს დასაბამს. მაგრამ რა არის ბედნიერი ცხოვრება, ამას ვერცერთი ხორციელი გრძნობა ვერ გვაუწყებს.

იქნებ ეს ისეთივე ხსოვნაა, როგორც ვიხსენებთ სიხარულს? ალბათ ასეა, რადგან ოდინდელ სიხარულს მაშინაც კი ვიხსენებ ხოლმე, როცა მწუხარე ვარ, ისევე, როგორც შავ ღლეში მყოფს მახსენდება ბედნიერება. ეს ჩემი სიხარული არასოდეს აღმიქვამს ამა თუ იმ ხორციელი გრძნობით: არც მინახავს, არც მსმენია, არც ვემო გამისინჯავს, არც ყნოსვითა თუ შეხებით შემვიგრძენია. ჩემივე სულით განვიცადე იგი, როცა მიხაროდა, ხოლო შემდეგ

მეხსიერებაში აღიბეჭდა იგივე განცდა. ასე რომ, მე შემიძლია კვლავ გავიხსენო ოდინდელი სიხარული, ხან ზიზღით და ხან სინანულით, იმის მიხედვით, თუ რა მიხაროდა ოდესღაც. რადგან ზოგჯერ უღირსი საქმის გამოც ავუტაცნივარ სიხარულს, რაც დღეს არ შემიძლია ზიზღის გარეშე გავიხსენო, ზოგჯერ კი სიკეთის გამო შევუპყრივარ იმავე გრძნობას, რასაც სინანულით ვიხსენებ დღეს, რაკილა წარსულში დარჩა: აი, რა მამწუხრებს ხოლმე გარდასული სიხარულის გახსენებისას.

31. კი მაგრამ, სად და როდის შევიცან ბედნიერება, რათა ამჟამადაც მახსოვდეს, მიყვარდეს და მსურდეს? და არა მარტო მე, ან რამდენიმემ, არამედ უკლებლივ ყველამ, რაკილა ყველას სურს ბედნიერი იყოს. დაბეჭითებით რომ არ ვიცოდეთ, რა არის ბედნიერება, ასე დაბეჭითებითაც აღარ ვინაგრებდით. მაინც რა არის ეს? ორ კაცს რომ ვკითხოთ, ჭარისკაცობა თუ გსურთო, ერთმა შეიძლება დადებითად გვიპასუხოს, მეორემ კი „არაო“ გვითხრას. მაგრამ კითხვა რომ შევუბრუნოთ, ბედნიერება თუ გსურთო, ორივე ერთხმად მოგვიგებს, რა თქმა უნდაო. ერთ მათგანს სწორედ ბედნიერების გულისთვის სურს ჭარისკაცობა და მეორეც სწორედ ამიტომ აცხადებს უარს. იქნებ იმიტომ, რომ ზოგს ერთი რამე ანიჭებს სიხარულს, ზოგს კი - სულ სხვა რამე. მაგრამ ერთნიც და მეორენიც უყოყმანოდ აღიარებენ, რომ ყველას სურს ბედნიერი იყოს, და თუ ჰკითხავ, რა არის საერთო მათ შორის, ერთხმად გვიპასუხებენ - რა და, ის, რომ ყველას სიხარული გვსურსო, დ სწორედ ამ სიხარულს უწოდებენ ისინი ბედნიერებას. თუმცა ზოგი რას მიელტვის და ზოგი - რას, მაგრამ მიზანი ყველას ერთი აქვს: სიხარული. მაგრამ რაკი პირადი ცდის გარეშე არავინ იცის, რა არის ეს, ამიტომ როცა გვესმის სიტყვა „ბედნიერება“, მხოლოდ ჩვენს მეხსიერებაში ვპოულობთ მის შინაარსს.

## XXII

32. შორს ჩემგან, შორს შენი მსახურის გულიდან, აღსარებას რომ გეუბნება, უფალო, ღიახ, შორს იყოს აზრი, თითქოს შეიძლება ბედნიერად ვსახავდე თავს, მიუხედავად იმისა, თუ რანაირი სიხარულით ვხარობ! რადგანაც არსებობს სიხარული, რომელსაც ვერ ეღირსება უკეთური<sup>58</sup>, არამედ მხოლოდ ის, ვინც უანგაროდ გცემს თავყვანს: მისი სიხარული შენა ხარ თვითონ. რა არის ბედნიერება, თუ არა ის, რომ შენით, შენს გამო და შენთვის ხარობდე? მხოლოდ ამას თუ ეთქმის ჭეშმარიტი ბედნიერება, მხოლოდ ამას. ვისაც სხვა რამე ჰკონია ბედნიერება, სულ სხვა სიხარულს მიელტვის და არა ჭეშმარიტს. მაგრამ მასაც თავისებური წარმოდგენა აქვს სიხარულზე, რომელსაც გამუდმებით ესწრაფის მისი ნება.

<sup>58</sup> შლრ. ესაია, XLVIII, 22: „არ არის მშვილობა, ამბობს უფალი, ბოროტეულთათვის“.

XXIII

33. მაშასადამე, ვერ ვიცევით, რომ ყველას სურს ბედნიერი იყოს, რადგანაც იმას, ვისაც არ სურს ხარობდეს შენში (ხოლო ესაა ჭეშმარიტი ბედნიერება), როგორც ჩანს, არ სურს ბედნიერი ცხოვრება. თუ ყველას სწყურია ეს, მაგრამ „ხორცს სულის საპირისპიროდ სურს, და სულს - ხორცის საპირისპიროდ, რათა ვერ იქმოდნენ იმას, რაც სურთ?“<sup>59</sup> ამიტომაც ინთქმებიან იმაში, რაც შეუძლიათ და ამას სჭერდებიან, რადგანაც არა სურთ ის, რაც არ შეუძლიათ, არა სურთ ისე ძალუმაღ, რომ ძალა მოიცენ.

მე რომ ავდგე და ყველას ვკითხო, რა გირჩევენიათ განიჭებდეთ სიხარულს - ჭეშმარიტება თუ სიცრუე-მეთქი, ყველანი უყოყმანოდ მიპასუხებენ - ჭეშმარიტებაო, ისევე, როგორც უყოყმანოდ მომიგებენ, რომ ბედნიერება სურთ. მაგრამ ბედნიერება ხომ ჭეშმარიტება, ანუ შენს მიერ მონიჭებული სიხარულია, უფალო, რადგანაც „შენა ხარ ჭეშმარიტება, სინათლე ჩემი, ხსნა ჩემი სახისა, ღმერთი ჩემი“<sup>60</sup>. ღიახ, ყველა სურს ეს ბედნიერება, ეს ბედნიერი ცხოვრება, რომელსაც ერთდერთს ეთქმის ნეტარი, ყველას სურს ჭეშმარიტებით მონიჭებული სიხარული.

რამდენ კაცს ვიცნობ, სხვების მოტყუება რომ სურთ, მაგრამ ის კი აღარ უნდათ, რომ სხვებისგან მოტყუებულნი დარჩნენ. სადღა ვაიგეს, რომ არსებობს ეს ბედნიერი ცხოვრება, თუ არა იქ, სასდაც შეიცნეს ჭეშმარიტება? მათი ჭეშმარიტებაც უყვართ, რადგანაც არ სურთ მოტყუებლნი დარჩნენ, მაგრამ, ცხადია, იმიტომ უყვართ, რომ უყვართ ბედნიერი ცხოვრება, რომელიც სხვა რა არის რა, თუ არა ჭეშმარიტებით მონიჭებული სიხარული. თუძცა ჭეშმარიტება არ ყევარებოდათ, მესხიერებაში რომ არ ჰქონდეთ ჩარჩენილი მისი თუნდაც მქრქალი ნაკვაღევი.

კი მაგრამ, რაგომ არ შეჰხარის მას? რაგომ არ არისნ ბედნიერნი? იმიტომ, რომ სხვა რამე უფრო ძალუმაღ დაეუფლა მათ სულს<sup>61</sup>, რაც უმაღ მოუგანთ უბედურებას, ვიდრე გააბედნიერებთ ესოდენ სუსტი ხსოვნა იმისა, რასაც შეეძლო ბედნიერება მოეგანა მათთვის. „სულ ცოგაღაა ნათელი კაცთა შორის“; მაშ, „იარონ, სანამ უნათებთ, რათა არ მოიცვათ ბნელმა“<sup>62</sup>.

34. მაშ, რაგომაა, რომ „ჭეშმარიტება ბადებს სიძულვილს“<sup>63</sup>, ან რაგომ იქცა მათთვის მტრად კაცი, რომელიც შენი სახელით ქადაგებდა ჭეშმარიტებას?<sup>64</sup> აკი ბედნიერი ცხოვრება

<sup>59</sup> გაღაღ. V, 17.

<sup>60</sup> იოანე, XIV, 6; ფსალმ. 26, 1; 41, 12.

<sup>61</sup> „გასაკვირი არ არის, რომ უბედურათათვის მიუღწეველი რჩება ის, რაც სურთ, ე.ი. ბედნიერი ცხოვრება: ის, რაც მარად თან ახლავს ბედნიერებას, რის გარეშეც არავინაა ბედნიერების ღირსი, - სახელდობრ, წრფელი ცხოვრება, - ამნაირსავე სურვილს არ იწვევს მათში“ („თავისუფალი ნებისათვის“, I, 14, 30).

<sup>62</sup> იოანე XII, 35.

<sup>63</sup> ტერენციუსი, „ანდროსელი ქალიშვილი“, 68.

<sup>64</sup> შღრ. იოანე VIII, 40.



უყვართ, რაც სხვა არა არის რა, თუ არა ჭეშმარიტებით მონიჭებული სიხარული? რა უნდა იყოს ამის მიზეზი? იქნებ ის, რომ ადამიანებს მთელის არსებით უყვართ ჭეშმარიტება, და ამიტომ, როცა სხვა რამე უყვართ, დაჟინებით სურთ, ისიც ჭეშმარიტება იყოს, რაც უყვართ? და რაკი არ სურთ მოტყუებულნი დარჩნენ, არც ის უნდათ, რომ ვინმემ შენიშნოს მათი შცრომა. ამრიგად, მათ სძულთ ჭეშმარიტება, სძულთ იმის გამო, რომ ჭეშმარიტებად მიიჩნევენ იმას, რაც უყვართ. მათ უყვართ ჭეშმარიტების ნათელი, მაგრამ სძულთ მისი ყვედრება<sup>65</sup>. რაკილა სურთ სხვები მოატყუონ და თვითონ კი არ უნდათ მოტყუდნენ, ამიტომ ჭეშმარიტებაც მაშინ უყვართ, როცა თვითონვე ევლინება მათ, და არა მაშინ, როცა მათ მანკიერებას ავლენს, რისთვისაც მიეგებათ კიდევ კუთვნილი: რაც უფრო მეტად სურთ არ გამჟღავნდეს მათი უკეთურება, ჭეშმარიტება მით უფრო დაუნდობლად გამოამჟღავნებს და გამოააშკარავებს მათ, თვითონ კი დატუარული დარჩება მათთვის.

ღიას, ღიას, ასეთია ადამიანის სული: ბრმა, უნიათო ბილნი, უღირსი. ამიტომაც სურს დაიმალოს, მაგრამ ის კი აღარ უნდა, რომ მისთვისაც რამე დარჩეს დამალული. მიტომაც მიეგება პირუკუ: ჭეშმარიტებას ვერ დაემალება, ჭეშმარიტება კი დაემალება მას. და მაინც, თავის სიგლახაკესა და სიმწირეშიც კი, მას ურჩევნია ჭეშმარიტებით ხარობდეს და არა სიცრუით. ბედნიერებას კი მხოლოდ მაშინ თუ ეღირსება, როცა ყოველგვარი დაბრკოლების გარეშე დატკბება უზენაესი ჭეშმარიტებით, რომლისგანაც წარმოსდგება ყველა სხვა ჭეშმარიტება.

## XXIV

35. აი, რამდენს დავბორიალობდი შენს ძებნისას, უფალო, ჩემი მესხიერების სიღრმეში, და ვერსად გპოვე მის გარეთ. ვერც სხვა რამ შენეული გპოვე, რომ არ მახსოვდეს მას აქეთ, რაც შენ გიცანი, და აღარც დამეინყნისარ მას მერე. სადაც მივაკვლიე ჭეშმარიტებას, იქვე გპოვე ჩემი ღმერთიც, რომელიც თვითონვეა ჭეშმარიტება, და მისი შეცნობის ღლიდან აღარასოდეს დამეინყნია იგი. მას აქეთ, რაც მოვაკვლიე, ცემს მესხიერებაში მკვიდრობ, უფალო, და იქვე გპოვებ ყოველთვის, როცა გახსენებ და შენში ვხარობ. ესაა ჩემი წმიდა სიტკბობება, გულმონყალედ რომ მომმადლე, როცა მოხედე სიგლახაკეს ჩემსას.

<sup>65</sup> შდრ. იოანე V, 35; III, 20.

XXV

36. მაგრამ სად მკვიდრობ, უფალო, ჩემი მესხიერების რომელ კუნჭულში? როგორი სამყოფელი აიგე? რანაირი ცაძარი აღმართე შენთვის? პატივი დამდე და დაემკვიდრე ჩემს მესხიერებაში, მაგრამ მის რომელ სენაკშია შენი საგანე? შენს ძებნაში სათითაოდ დავიარე მესხიერების ყველა ნაწილი, რომლებიც ცხოველებსაც მოეძევათ, მაგრამ ვერ გპოვე იქ, სხეულებრივ საგანთა ხატებებს შორის. მერე იმ ნაწილებსაც მივაღდექი, რომლებსაც ჩემი სულიერი მდგომარეობანი მივანდე, მაგრამ ვერც იქ მოგკარი თვალი. ბოლოს ჩემი სულის სენაკს მივაშურე, რომელიც მას აქვს მესხიერებაში, ვინაიდან სული თავის თავსაც იხსენებს ხოლმე, მაგრამ შენ არც იქ იყავი: აუი არც სხეულებრივი ხატება ხარ, არც სულიერი მდგომარეობანი - სიხარული თუ წუხილი, სურვილი თუ შიში, გახსენება თუ დავინწყება და ა.შ. არც თვით სული ხარ, რადგანაც ჩემი სულის უფალი ღმერთი ბრძანდები. ყოველივე ეს ცვალებადია, შენ კი მარად უცვლელი ხარ, ყველაფერზე ამაღლებული, თუმცა პატივი დასდე ჩემს მესხიერებას და შენს სამკვიდროდ აირჩიე, მას აქეთ, რაც პირველად გიცანი.

ან რას გეკითხები, სად, რა ადგილას მკვიდრობ-მეთქი? თითქოს იქ მართლაც იყოს ადგილი! და მაინც, ეჭვს გარეშეა, რომ ჩემში მკვიდრობ, რადგანაც იმ დღიდან, როცა გიცანი, ჩემში გპოულობ ყოველთვის, როცა გიხსენებ.

XXVI

37. მაშ, სადღა გიპოვე, რომ გამეცანი? რადგანაც ჩემს მესხიერებაში არ ყოფილხარ მანამ, სანამ გაგიცნობდი. კი მაგრამ, მაინც სად გიპოვე, რომ გამეცანი, თუ არა შენშივე, ჩემს ზემოთ?<sup>66</sup> არა, სივრცეს როდი ვგულისხმობ: სივრცე როდი გვყოფს, როცა გშორდებით, და არც სივრცის გავლით გიახლოვდებით<sup>67</sup>. შენა ხარ ჭეშმარიტება, ყველგან მყოფი, და ერთდროულად მიუგებ ყველას, ვინც გეკითხება, თუმცა სულ სხვადასხვა კითხვები მათი. ასევე ცხადად მიუგებ ყვეას, მაგრამ ყველას ცხადად როდი ესმის. ყველა იმას გეკითხება, რაც სურს, მაგრამ შენი პასუხი სასურველი როდია ყველასათვის. შენი უკეთესი მსახური ისაა, ვინც შენგან სასურველ პასუხს კი არ მოელის, არამედ ვისთვისაც სასურველია ის, რასაც შენგან მოისმენს.

<sup>66</sup> „ეჭვს გარეშეა, რომ არსება, რომელიც არ ექვემდებარება ცვალებადობას და გონიერ სულზე მაღლა დგას, არის ღმერთი“ („ჭეშმარიტი სარწმუნოებისათვის“, 31, 57).

<sup>67</sup> შდრ. იობი, XXIII, 8: „აჰა, წინ მივდივარ და არა ჩანს, უკან მივდივარ და ვერ ვაგნებ“.

XXVII

38. გვიან შევიყვარე, მშვენიერებავ, უძველესო და უახლესო, გვიან შევიყვარე! შენ ჩემში იყავ, მე კი გარე-გარე გეძებდი: შენს მიერ შექმნილი სამყაროს მომნუსხველ წიაღში ვცდილობდი შეჭრას მე უმსგავსი და უსახური. ჩემთან იყავი, მე კი არ ვიყავი შენთან. შენს თავს მაშორებდა სამყარო, რომელიც საერთოდ არ იარსებებდა, შენში რომ არ არსებულებო. შენ მიხმე და შენმა ძახილმა შემუსრა ჩემი სიყრუე; გაიღვწე და თვალისმოპყრელი ბრწყინვალეობით განდევნე ჩემი სიბრმავე; თავბრუდამხვევი სურნელება შემომამტრქვი, მე შევიყნოსე და ახლა სულს მიხუთავს სენი სიშორე; მე ვიგემე და ახლა მხოლოდ შენი მადლი მსურს და მწყურია; შემხე და სახმილივით შემომქნეთო გზნება, შენმიერი მშვიდობის მწველი სურვილით დადაგულს.

XXVIII

39. როცა შეგვერწყმი მთელის არსებით, სამუდამოდ განქარდება ჩემი ტკივილი თუ განჯვანამება, და შენით აღსავსე სიცოცხლე ჩემი ნამდვილ სიცოცხლედ იქცევა. მხოლოდ იმას ულხინს, ვისაც მთლიანად ავსებ, მე კი შენით არა ვარ საფსე და მიტომაც მიძიმს ჩემივე თავის გაძლება. ჩემი სიხარული, რის გამოც ტირილი უფრო მმართებს, გამუდმებით ებრძვის ჩემსავ ვაებას, რის გამოც, პირიქით, უნდა ვხარობდე, და მე არ ვიცი, რომელს დარჩება გამარჯვება.

ვაიმე, ვაი, შემინყალე, უფალო!<sup>68</sup> უკეთური ვაება ჩემი ერკინება კეთილ სიხარულს ჩემსას, და არც ის ვიცი, რომელი სძლევს, საით გადაიხრება გამარჯვების სასწორი. აი, ჩემი წყლულები, - როდი გიძალავ. შენ მკურნალი ხარ, მე კი სნეული; შენ მონყალე ხარ, მე - სანყალობელი. „რა არის კაცის ცხოვრება ამ ქვეყნად, თუ არა ცთუნება?“<sup>69</sup> ვინ ისურვებდა სიმძიმის და შეჭირვებას? შენ მათ სიყვარულს კი არ გვიბრძანებ, არამედ თმენას. ვის უყვარს, რასაც ითმენს, კიდევაც რომ უყვარდეს თმენა? იქნებ თავიც კი მოსწონდეს, რამდენის მოთმენა შემძლიაო, მაგრამ მაინც ამჯობინებდა, არათფერი ჰქონოდა მოსათმენი.

უბედურებაში ბედნიერებას ვნატრობთ, ბედნიერებაში კი უბედურებას ვუფრთხით. ნეტა თუ მოიძებნება ამ ორ უკიდურესობას შორის ისეთი შუალედი, სადაც კაცის ცხოვრება არ იქნებოდა ცთუნება? ვაი ამქვეყნიურ ბედნიერებას, ვაი და უი, რადგანაც განუყრელად თან ახლავს უბედურების შიში, შხამივით რომ გვინამლავს ჩვენ მწირ სიხარულს. ვაი ამქვეყნიურ უბედურებასაც, არამცთუ ორგზის, არამედ სამგზისაც ვაი და უი: ჯერ ერთი, იმიტომ, რომ სულ მუდამ ბედნიერებას ნატრობს; მეორეც იმიტომ, რომ თავისთავადაა საზარელი და სასტიკი,

<sup>68</sup> შდრ. ფსალმ. 30, 10.

<sup>69</sup> შდრ. იობი VII, 1.

და მესამეც, იმიტომ, რომ ზედ ემსხვერვა ჩვენი მოთმინება! მაშ, რა არის ჩვენი ცხოვრება ამ ქვეყნად, თუ არა უწყვეტი და გამუდმებული ცთუნება?

## XXIX

40. მთელი ჩემი სასოება შენი ღიადი გულმონყალებაა, უფალო. მომეცი, რასაც მიბრძანებ, და მიბრძანე, რაც გსურს. შენ გვიბრძანებ თავშეკავებას. „მაგრამ მე ვიცი, - უთქვამს ვილაცას, - რომ არავის შეუძლია თავშეკავება, თუკი ღმერთი არ მისცემს ამის ნიჭს; სიბრძნე კი სწორედ იმის ცოდნაა, თუ ვისგან არის ეს ნიჭი“<sup>70</sup>. მხოლოდ თავშეკავება გვეკრებს და კვლავ ერთის მიმართ მიგვაქცევს სიმრავლედ განწილულთა და აქეთ-იქით მიმოფანტულთ. ნაკლებად უყვარხარ იმას, ვისაც შენს გარდა სხვა რამეც უყვარს, ანდა შენს გამო როდი უყვარს<sup>71</sup>. ო, სიყვარულო, მუდამ რომ იწვი, და მაინც უშრეტი ხარ; ო, მონყალებავე, ღმერთო ჩემო, ამანთე და ამაბრიალე! თავშეკავებას გვიბრძანებ? მომეცი, რასაც მიბრძანებ, და მიბრძანე, რაც გსურს.

## XXX

41. შენ, რა თქმა უნდა, გვიბრძანებ თავი შევიკავოთ ყოველივე იმისგან, რასაც ჰქვია „სიხარბე ხორცის, სიხარბე თვალის და ქედმაღლობა არსებობისა“<sup>72</sup>. შენ გვიკრძალავ უქორწინოდ ცხოვრებას ქალთან, და თუმცა ქორწინების ნებას კი გვრთავ, მაგრამ იმასაც გვირჩევ, რომ უცხოობა უძჯობესია<sup>73</sup>. ეს უკანასკნელი გზა უფრო უმაღლ ამარჩევენ, ვიდრე შენს საიდუმლოთა აღსრულებას შევუდგებოდი. მაგრამ ჩემს მესხიერებაში, რომელზედაც ამდენი ვილაპარაკე, დღემდე ცოცხლობენ სასიყვარულო განცხრომათა ხატებანი, ჩვეულებას რომ ამოუგვიფრავს მასში. ისინი დღემდე მიტევენ მღვიძარს, თუმცა ძალაგამოცლილნი სიფხიზლეში ვერას მაკლებენ, მაგრამ ძილში არა მარტო ხორციელი ტვობის მაცთურ გრძნობას აღმიძრავენ, არამედ ლამის იმაზედაც დამიყოლიონ, რომ ამ ცთუნებას ავყვე. ეს ილუზორული ხატებანი იმნაირ ზემოქმედებას ახდენენ ჩემს სულსა და სხეულზედაც, რომ მძინარეს თითქმის მარწმუნებენ იმაში, რაშიაც ვერასდიდებით დამარწმუნებდნენ მღვიძარს. ნუთუ მე მაშინ სხვა ვარ, უფალო ღმერთო ჩემო? რამხელა განსხვავებაა ჩემს ორ „მე“-ს შორის: სხვა ვარ, როცა მღვიძარს ძილი მერევა, და სულ სხვა, როცა ძილს კვლავ ღვიძილი ცვლის<sup>74</sup>. სადაა ამ დროს ჩემი გონება, რომლის წყალობითაც სიფხიზლეში არაფრად ვავდებ

<sup>70</sup> შდრ. სიბრძნე სოლომ. VIII, 21.

<sup>71</sup> „ეს იმას როდი ნიშნავს, რომ არ უნდა გვიყვარდეს ქმნილება; მაგრამ თუ ეს სიყვარული შემოქმედისკენაა მიმართული, მასში უკვე აღარ არის ვნება; ვნება მაშინ აღიძვრის, როცა ქმნილება თვით მისი გულისთვის უყვართ“ („სამებისათვის“, 9,8,13).

<sup>72</sup> I იოანე II, 16.

<sup>73</sup> I კორ. 1-7, 27, 38.

<sup>74</sup> შდრ. მარკუს ავერლიუსი: „რას ვახმარ ამჟამად ჩემს სულს? აი, რა უნდა ჰკითხო ხოლმე შენსავე თავს და მერე იკვლიო, რა მოსდის შენი არსების იმ ნაწილს, რომელსაც წარმართველს უწოდებენ მართებულად. ვისი სული მაქვს მე ახლა? ჩვილის, ჭაბუკის, სუსტი ღიაცის, ტირანის, პირუტყვის თუ მკსინვარე მხეცის?“ („ფიქრები“, V, 11).

ამ მაცთურ ხატებათა შემპარავ ჩურჩულს და ურყევად ვდგავარ ნამდვილი საცთურის წინაშე? იქნებ ისიც თვალბრუნებთ ერთად იხუჭება და ხორციელ გრძობებთან ერთად იძინებს? ან რაგომაა, რომ ძილშიც ხშირად ვუძალიანდებით საცთურს, რადგანაც კარგად გვახსოვს ჩვენი გადანყვეტილება და ბოლომდე მისი ერთგულნი ვრჩებით? და მაინც, სხვაობა ისე ამკარაა, რომ თვით იმ შემთხვევაშიც კი, როცა ჩვენს გადანყვეტილებას ვლალატობთ, გამოღვიძებისას კვლავ მშვიდდება ჩვენი სინდისი; იგივე სხვაობა გვაფიქრებინებს, რომ ჩვენ როდი ჩავვიდენია ის, რაც, ჩვენდა სამწუხაროდ, მაინც მოხდა ძილში.

42. ნუთუ შენს ხელს, ყოველისძლე ღმერთო, არ შეუძლია განკურნოს ყოველგვარი სნეულება ჩემი სულისა და მადლის სიჭარბით ჩაახშოს ცემი სიბმების ავხორციული ბორგვა? შენ დღითიღვე გაამრავლებ შენს მადლსა და წყალობას ჩემს მიმართ, რათა ჩემს კვალდაკვალ მოგაშუროს ავხორციობის ჭაობიდან თავდახსნილმა ჩემსავე სულმა; რათა აღარ აუჯანყდეს საკუთარ თავს და თვით ძილშიაც კი აღარ დაემორჩილოს ამ ცხოველურ ხატებათა ზემოქმედებას, სიბილნის მორევში რომ ითრევენ ხორცს, არამედ სამუდამოდ დათრგუნოს ისინი. მომეცი ძალა იმისა, რომ ვერავითარმა ბილნმა საცთურმა, თუნდაც იმდენად უსუსურმა, რომ უმანკო ძილით მძინარის ნებას უმცირესი ძალისხმევითაც კი შეეძლოს მიი გაქარწყლება, - ვერც ამჟამად და ვერც მომავალში ვერ აღმიძრას ესოდენ უმსგავსი ნადილი. განა ეს ძნელია შენთვის, ყოველისძლეო, „ვისაც განუბომლად მეგის ქმნა ძალგიძს, ვიდრე ჩვენ გთხოვთ, ანდა ვიაზრებთ?“<sup>75</sup> ჭერჯერობით კი - ვალიარებ, უფალო ჩემო, სიკეთე ჩემო, - კვლავაც ამ ბოროტებაში ვარ დანთქმული და „ძრწოლით შევხარი“<sup>76</sup> იმას, რაც მიწყალობე, დავეგირი არასრულქმნილებას ჩემსას და იმედი მაქვს, რომ სრულყოფ შენს მონყალებას ჩემს მიმართ, ვიდრე სრულ მშვიდობამდე, რომლესაც ეზიარება შენში მთელი ჩემი არსება, შინაგანიც და გარეგანიც, როცა „დაინთქმება სიკვდილი ძლევეთ“<sup>77</sup>.

### XXXI

43. არის სხვა „ბოროტებაც დღისა“<sup>78</sup>; ნეგა ღმერთს ენებებინა, რომ ის ერთადერთი იყოს. ჩვენ სმა-ჭამით აღვიდგენთ ყოველდღიურად რღვევად სხეულს, და ასე იქნება მანამ, სანამ შენ „არ მოსპობ საჭმელსაც და სტომაცსაც“<sup>79</sup>, სასწაულებრივი სიმაძღრით არ დააცხრობ შიმშილს, და „ამ ხრწნად სხეულს არ შემოსავ მარადიული უხრწნელებით“<sup>80</sup>. დღესდღეობით კი სიამოვნებად მიჩანს ეს აუცილებლობა, და მე ვებრძვი ამ სიგკბობას, რათა მისი ცყვე არ გავხდე; ესაა ყოველდღიური ბრძოლა მარხულობითა და „ხორცის

<sup>75</sup> ეფეს. III, 20.

<sup>76</sup> შდრ. ფსალმ. 2, 11.

<sup>77</sup> I კორ. XV, 54.

<sup>78</sup> მათე VI, 34.

<sup>79</sup> შდრ. I კორ. VI, 13.

<sup>80</sup> I კორ. XV, 53.



დათრგუნვით<sup>81</sup>. თუმცა საღმობას მაინც სიამოვნების მეოხებით ვაძეგვებ, რადგანაც შიმშილი და წყურვილი საღმობაა, ციებ-ცხელებასავით რომ გწვავს და გაკვდინებს, თუკი სასმელ-საჭმელთ არ უმკურნალებ. მაგრამ რაკი წამალი ყოველთვის ხელთა გვაქვს, იმის წყალობით, რომ უშურველად გვიძღვნი შენს მაღლს, რის შედეგადაც შეენევიან ჩვენს უმწეობას მიწაც, წყალიც და ცაც, ამიტომ უბედურებას სიამოვნებად მიიჩნევენ კაცნი.

44. შენ მასწავლე წამალივით მივიღო საზრდო, მაგრამ ვიდრე მგანჯველი შიმშილისაგან გადავდივარ სასიამოვნო სიმადრებე, სწორედ აქაა დაგებული ჩემთვის ღორმუცელობისა თუ სიხარბის მახე. თვით ეს გადასვლა სიამოვნებაა, და ვერანაირი სხვა გზით ვერ გადავალთ იქ, სადაც გვერეკება აუცილებლობა. ჭამაც და სმაც ჯანმრთელობის შენარჩუნებას ისახავს მიზნად, მაგრამ ამას თან ახლავს სახითათო თანამგზავრი - სიამოვნება, რომელიც არცთუ იშვიათად ცდილობს წინ გაუსწროს აუცილებლობას, რათა გვაიძულოს მხოლოდ მისი გულისთვის ვჭამდეთ და ვსვამდეთ, თუმცა ეს, ჩვენივე სიტყვიით და ნება-სურვილით, მარტოოდენ ჯანმრთელობის შენარჩუნებას ემსახურება.

თუმცა ორივეს ერთი და იმავე საზომით ვერ მივუდგებით: ის, რაც საკმარისია ჯანმრთელობისთვის, სიამოვნებას ეცოტავება. და ხშირად ვერც კი ვარჩევთ, რა არის ეს: აუცილებელი ზრუნვა სხეულის სიმრთელისათვის, რაც ჩვენს მსახურებას მოითხოვს, თუ მაცთური სიამოვნებისაკენ სწრაფვა, განცხრომის მონებად რომ გვაქცევს. სწორედ ეს გაურკვეველობაა ჩვენი საბრალო სულის ერთგვარი შეება, რადგანაც მასში ხედავს თავის გამართლების საშუალებას და თავსაც მისი წყალობით იცავს, რადგანაც გაურკვეველია, მაინც რა არის აუცილებელი ჯანმრთელობის შესანარჩუნებლად, და სწორედ ამ გაურკვეველობით ამართლებს ღორმუცელობას. მე ყოველდღე ვებრძვი ამ საცთურს, და შენს მარჯვენას ვთხოვ შემწეობას: დამიხსენ ამ ორჭოფობისაგან, რადგანაც ამ მხრივ დღემდე ვერაფერი გამირკვევია.

45. მესმის ხმა ჩემი ღმერთისა, რომელიც ბრძანებს: „ნუ დაიმძიმებთ თქვენს გულს სიმთვრალით და ნაყროვანებით“<sup>82</sup>. სიმთვრალე შორსაა ჩემგან: ღმერთო, მარიდე მისი სიახლოვე. მაგრამ, აი, ნაყროვანება კი მეძალეა ხოლმე: მონყალეა მოიღე და განმარიდე. რადგანაც, „არავის შეუძლია თავშეკავება, თუკი შენ არ მისცემ ამის ნიჭს“<sup>83</sup>. რამდენ რასმე გვიწყალობებ ჩვენი ღოცვებისათვის; იმ სიკეთესაც, მანამ რომ ვიღებთ, სანამა ვთხოვდეთ, შენგანვე ვიღებთ<sup>84</sup>, და ისიც შენი წყალობაა, მხოლოდ შემდეგ რომ ვიგებთ ამას. მემთვრალე არასოდეს ვყოფილვარ, მაგრამ ვიცნობდი მემთვრალეებს, შენ რომ შეაძულე სიმთვრალე.

<sup>81</sup> შლრ. I კორ. IX, 27; II კორ. XI, 27.

<sup>82</sup> ლუკა XXI, 34.

<sup>83</sup> შლრ. სიბრძნე სოლომ. VIII, 21.

<sup>84</sup> შლრ. მათე, VI, 8.

შენივე ნამოქმედარია, რომ ზოგი არასოდეს არ ხდება ის, რაც არასდროს ყოფილა, ზოგი კი უკვე აღარ არის ის, რაც იყო.

სხვა სიტყვაც მსმენია შენგან: „ნუ აჰყვები შენს გულისთქმას, და სურვილისგან მოიზღუდე თავი“<sup>85</sup>. შენი წყალობით მსმენია სხვა შეგონებაც, რომელიც გამორჩევით მიყვარს: „ჭამით არაფერი გვემატება, და უჭმელობითაც არა გვაკლდება რა“<sup>86</sup>. ანუ, რაც იგივეა, ერთი არ გამამდიდრებს, ხოლო მეორე არ დამაქცევს. სხვაც გამიგია: „მე ვისწავლე კმაყოფილი ვიყო იმით, რაცა მაქვს; გაჭირვების თემნაც ძალმიძს და ხელგაშლილობაც; ყველაფერი შემიძლია ჩემი განმამტკიცებლის მიერ“<sup>87</sup>.

აჰა, მხედარი ბეციური ბანაკისა! ჩვენსავით მტვერი როდია. მაგრამ გაიხსენე, უფალო, რომ „ჩვენა ვართ მტვერი“<sup>88</sup>, და რომ მტვერისაგან შეჰქმენი კაცი<sup>89</sup>, რომელიც „დაკარგული იყო და გამოჩნდა“<sup>90</sup>. მაგრამ თვით ამ მხედარსაც<sup>91</sup> არაფერი შეეძლო თავისთავად, რადუნაც, ჩვენი არ იყოს, ისიც მტვერისაგან იყო ნაზელი, ვისი სიტყვებიც ასე შევიყვარე, შენმა სულმა რომ შთააგონა: „ყველაფერი შემიძლია ჩემი განმამტკიცებლის მიერ“<sup>92</sup>. მაშ, განმამტკიცე, რათა შევიძლო; მომეცი, რასაც მიბრძანებ, და მიბრძანე, რაც გსურს. პავლე აღიარებს, რომ ყველაფერი შენგან მიიღო, რა „რასაც იქადის, უფლის მიერ იქადის“<sup>93</sup>. სხვა ლოცვაც მსმენია: „განმარიდე მუცელმერთობა“<sup>94</sup>. ყოველივე ეს ცხადყოფს, წმიდაო ღმერთო, რომ მხოლოდ შენი წყალობით სრულდება ის, რისი ასრულებაც გნებავს.

46. შენ მასწავლე, ღმერთო სახიერო, რომ „წმიდათათვის ყველაფერი წმიდაა, მაგრამ ბოროტებაა კაცისთვის, რომელიც საცთუნებლად ჭამს; კეთილია შენი ყოველი ქმნილება და არ არის უარსაყოფი, თუკი მადლიერებით მიიღება; საჭმელი როდი გვაახლოებს ღმერთთან; მაშ, ნურავინ განგსჭით საჭმლისა თუ სასმელის გამო; ვინცა ჭამს, ნუ შეურაცხყოფს მას, ვინც არა ჭამს, ხოლო ვინც არა ჭამს, ნუ გასნჯის მჭამელს“<sup>95</sup>. შენი წყალობით შევიძენე ეს და მადლობას გწირავ, ღმერთო ჩემო, მოძღვარო ჩემო, შენი სიტყვებით რომ მიგკობ სმენას და ნათელს ჰყენ ჩემს გულს. გამარიდე ყოველგვარი საცთურს. უწმინდური საჭმელი როდი მაშინებს, არამედ უწმინდური ვნება. ვიცი, რომ ნოეს უფლება ჰქონდა ეჭამა ყოველნაირი ხორცი, რისი ჭამაც კი შეიძლება<sup>96</sup>; რომ ელიამ ხორციით აღიდგინა ძალა<sup>97</sup>; რომ იოანე, ეს

<sup>85</sup> სიბრძნე ზირაქ. XVIII, 30.

<sup>86</sup> I კორ. VIII, 8.

<sup>87</sup> თილიპ. IV, 11-12.

<sup>88</sup> ფსალმ. 102, 14.

<sup>89</sup> შდრ. დაბად. III, 19.

<sup>90</sup> ლუკა XV, 24, 32.

<sup>91</sup> იველისხმება პავლე მოციქული.

<sup>92</sup> იხ. აქვე, შენ. 87.

<sup>93</sup> I კორ. I, 31.

<sup>94</sup> სიბრძნე ზირაქ. XXIII, 6.

<sup>95</sup> ტიტ. I, 15; რომ. XIV, 20; I ტიმ. IV, 4; I კორ. VIII, 8; კოლ. II, 16; რომ. XIV, 3.

<sup>96</sup> იხ. დაბად. IX, 3.

<sup>97</sup> იხ. III მეფეთა XVII, 6.

საოცარი მმარხველი, სულაც არ შეუბილწავს იმას, რომ კალიებს ჭამდა<sup>98</sup>. მაგრამ ნე ისიც ვიცი, რომ ესავი ცერცვის შეჭამანდმა აცთუნა<sup>99</sup>; რომ დავითმა თავისი თავი ჰგმო, როცა წყლის დაღვეა მოუნდა<sup>100</sup>; რომ ჩვენს მეუფეს ხორციით კი არ აცთუნებდა მაცთური, არამედ პურით<sup>101</sup>, და ხალხმაც იმისთვის როდი დაიმსახურა ღვთის ყვედრება უდაბნოში, რომ ხორცი მოუნდა, არამედ იმიტომ, რომ უფლის წინააღმდეგ დაიწყო დრტვინვა<sup>102</sup>.

47. ამ საცთურში დანთქმული ყოველდღე ვებრძვი ნაყროვანებას, რადგანაც შეუძლე-ბელია ისევე დათრგუნო იგი, როგორც დავთრგუნე ავხორცული ვნება, ერთხელ და სამუდამოდ რმო აღვიკვეთე და აღრსოდეს მივბრუნებივარ. პირს ისე უნდა ამოსდო ლაგამი, რომ არც ძალუმად მოვზიდოთ და არც სულ მივუშვათ სადავე. კი მაგრამ, თუ მოიძებნება, უფალო, კაცი, ხანდახან მაინც რომ არ გადასცდეს აუცილებლობის ზღვარს? ვინც უნდა იყოს, ღიღია და, დაე, აღიღოს შენი სახელი. ვაი რომ ჩემს თავზე ვერ ვიგყვი ამას, რადგანაც ცოდვილი ვარ. მაგრამ მეც ვადიდებ შენს სახელს, რათა მან, ვინც „სძლია ქვეყანა“<sup>103</sup>, „მითავმდებოს შენს წინაშე ჩემი ცოდვებისთვის“<sup>104</sup>, რაკილა თავისი სხეულის უმწეო ასოთა შორის მიმთვლის, ვინაიდან „სენს თვალებს უხილავთ არასრულქმნილება ჩემი, და ყოველივე ჩაინერება შენს წიგნში“<sup>105</sup>.

## XXXII

48. სურნელების საცთური კი არ მაშფოთებს. როცა შორსაა, არ ვეძებ, ხოლო როცა ახლოსაა, არ გაუურბივარ; მე შემიძლია მთელი სიცოცხლე სურნელების გარეშე გავძლო, თუმცა შესაძლოა ვცდები. აი, სავალალო სიბნელე ჩემი, რომლის წიაღშიაც დათარულია ბევრი ჩემი უნარი, ასე რომ, როცა ჩემი სული თავის თავსვე ეკითხება, რა ძალის ჰატრონი ვარო, დარწმუნებული არ არის, რომ სწორ პასუხს მიიღებს: რასაც მისი სიღრმე იმარხავს, მეგწილად დათარულია, და მხოლოდ ცდა თუ გამოავლენს. ამ ცხოვრებაში, რომელიც სხვა არა არის რა, თუ არა „უწყვეტი ცთუნება“<sup>106</sup>, არავის შეუძლია დამშვიდებული იყოს თავისი თავის გამო: თუ ვინმე ცუდი იყო და კარგი გახდა, ეს ჯერ კიდევ არ ნიშნავს იმას, რომ სულ კარგი იქნება და შეუძლებელია კვლაც ცუდი გახდეს. ერთადერთი იმედი, ერთადერთი რწმენა, ერთადერთი უტყუარი აღთქმა, უფალო, ესაა შენი გულმონყალება!

<sup>98</sup> იხ. მათე III, 4.

<sup>99</sup> იხ. დაბად. XXV, 30-34.

<sup>100</sup> იხ. II მეფეთა XXIII, 15-17.

<sup>101</sup> იხ. მათე IV, 3.

<sup>102</sup> იხ. რიცხვთა XI, 4-6.

<sup>103</sup> იოანე XVI, 33.

<sup>104</sup> შდრ. რომ. VIII, 34.

<sup>105</sup> ფსალმ. 138, 16. ამ ფსალმუნის განმარტებისას ნეტარი ავგუსტინე წერდა: „შენს წიგნში ჩაინერებიან ყველანი: არა მარტო სრულქმნილნი, არამედ არასრულქმნილნიც. დაე, ნუ შეკრთებიან არასრულქმნილნი, დაე, იმოქმედონ, ყოველდღე რაღაცა მიმატონ და თანდათან მოგიახლოდნენ; დაე, განეშორებიან სხეულს უფლისას“...

<sup>106</sup> იობი VIII, 1.

XXXIII

49. სმენის სიამემ უფრო მაგრად შემბორკა და დამიმონა, მაგრამ შენ ამხსენ ბორკილი და თავისუფლება მომანიჭე. ვაღიარებ, თვით დღესაც სიამოვნებით ვისმენ ხოლმე შენი ცხოველყოფელი სიტყვით შთაგონებულ საგალობლებს, მომნუსხველი ხმით აჟღერებულნი საამოდ რომ ელაძუნებიან სმენას; ვისმენ და ვისვენებ, მაგრამ ბოლომდე როდი ვენდობი მათ უჩვეულო ხიბლს: როცა მომეპრიანება, შემიძლია ავღგე და წავიდე. თუმცა იმ ცხოველყოფელ სიტყვებთან ერთად, მათ რომ აცოცხლებენ და ასრულიერებენ, ისინიც ღირსეულ ადგილს მოითხოვენ ჩემს გულში, და მე შეეჭვება, შემიძლია თუ არა იმნაირი სამყოფელი მიუჭინო მათ, რასაც ისინი იმსახურებენ. ხანდახან კი, ასე მგონია, რაც ეკუთვნით, იმაზე მეტ პატივს მივაგებ მათ: მე ვგრძნობ, რომ შენი წმიდა სიტყვებით ახმიანებული საგალობლები უფრო მეტი ღვთისმოსაობით აღაგზნებენ ჩვენს სულს, როცა მათ სრულყოფილად ასრულებენ, მაშინ როდესაც არასრულყოფილი შესრულება ასეთსავე განცდას ვერ აღძრავს ჩვენში. ხომ ურიცხვია ჩვენი სულის იღუმალი მოძრაობანი, და თვითეული მათგანი თავისებური, მხოლოდ მისთვის ნიშნეული თრთოლვით ვლინდება მოლაპარაკისა თუ მომღერლის ხმაში, რომელიც, ღმერთმა იცის, რა შინაგანი სიახლოვისა თუ ნათესაობის წყალობით, მსმენელის სულსაც გადასცემს ამ მთრთოლვარებას. მაგრამ რა ხშირად მაგყუებს ხორციელი სიამოვნების გრძნობა, რომელსაც კაცმა არ უნდა დააძაბუნებინოს სული: გრძნობა, რომელიც თან ახლავს გონებას, მორჩილად კი არ მიჰყვება უკან, - თუმცა ეს ადგილიც გონების წყალობითა აქვს მოპოვებული, - არამედ ცდილობს წინ გაუსწროს და წინამძღვრად ექცეს. ასე, ჩემდა შეუმჩნეველად ვცოდავ ხოლმე, და მხოლოდ შემდეგ ვამჩნევ ჩემს შეცოდებას<sup>107</sup>.

50. ზოგჯერ კი, ამ ცთუნების თავიდან ასაცილებლად, შეცდომას ვუშვებ და მეცისმეც სიმკაცრეს ვიჩენ: ძალიან მინდა ხოლმე ჩემს სმენასაც გავრიდო და თვით ეკლესიასაც ეს მომნუსხველი ჰანგები, რომელთა თანხლებითაც ასრულებენ დავითის ფსალმუნებს. მე მგონია, სწორად იქცეოდა ალექსანდრიელი ეპისკოპოსი ათანასე<sup>108</sup>, რომელიც - მახსოვს, ხშირად მეუბნებოდნენ, - მეფსალმუნეებს აიძულებდა ხმის ისეთი უმნიშვნელო მოდულაციებით წარმოეთქვათ ფსალმუნები, რომ ეს კითხვას უფრო ჰგავდა, ვიდრე გალობას.

და მაინც, მახსოვს ნეგარების ცრემლები, რომლებსაც მალვრევინებდა საეკლესიო გალობის სმენა, როცა პირველად ვეზიარე რწმენის ნათელს. და ახლაც, - მართალია, იმდენად გალობა როდი მალეღვებს, რამდენადაც ის, რაც იგალობება, როცა მგალობლის

<sup>107</sup> ნეტარი ავგუსტინე მკრეხელობად მიიჩნევს იმას, რომ საგალობელთა მოსმენით მოგვრილმა ტკბობამ დაჩრდილოს მსმენელის საღვთისმოსაო გზება.

<sup>108</sup> ათანასე (295-373 წ.) - ალექსანდრიელი ეპისკოპოსი, არიანობის წინააღმდეგ თავგამოდებული მებრძოლი, პოლემიკური საღვთისმეტყველო თხზულებებისა და „წმ. ანტონის ცხოვრების“ ავტორი.

ხმა სუფთაა, თბილი და საამოდ მჟღერი, - ხელახლა ვაღიარებ, რაოდენ სასარგებლოა ეს უძველესი ჩვეულება.

ასე ვირყევი ამ ორ განცდას შორის: თუ, ერთის მხრივ, ტკობა სახიფათოა, მეორეს მხრივ, გალობის ცხოველყოფილი ზემოქმედება ცდითაა დადასტურებული. ამიგომაც თავს ვიკავებ იმნაირი დასკვნისაგან, საპირისპირო აზრს რომ ვერ იტანს, და მაინც ვინწინებ საეკლესიო გალობის ოდინდელ ჩვეულებას, რათა რწმენის თავბრუდამხვევმა ნეტარებამ ღვთისმოსაობის მიმართ მიაქციოს ჯერ კიდევ უმწეო სული. ხოლო როცა მე თვითონ ვგრძნობ, რომ გალობა უფრო მაღელვებს, ვიდრე ის, რაც იგალობება, ვაღიარებ, ესაა სინანულის ღირსი შეცდომა, და მე ვამჯობინებდი, სულაც არ მსმენოდა მგალობლის ხმა.

აი, ვინ ვარ და რა ვარ! იტირეთ ჩემთან ერთად და მიტირეთ ყველამ, ვინც კი სიკეთისათვის იღწვით გულში, საიდანაც იღებს დასაბამს ყოველი ქცევა. ხოლო ის, ვინც სიკეთისათვის არ იღწვის, ცხადია, არ შეიძვრის გულით. შენ კი, „უფალო ღმერთო ჩემო, მისმინე და მომხედე“<sup>109</sup>, „შემინყალე და განმკურნე მე“<sup>110</sup>. შენს თვალში ჩემივე თავისთვის გამოცანად ვიქცევი, და სწორედ ესაა ჩემი სწეულება.

### XXXIV

51. და ბოლოს, რჩება ხორციელ თვალთაგან მონიჭებული სიამოვნება; სწორედ მას ეხება ჩემი აღსარება, რომელსაც ისმენს ყური შენი ეკლესიისა<sup>111</sup>, თანამოდმეთა და ღვთისმოსაუთა ყური. ამით დავასრულებთ საუბარს ხორციელ სიამეთა საცთურის შესახებ, დღემდე რომ ცდილობენ ჩემს მკვნესარე გულში შემოჭრას, და მე, მკმუნვარეს, „მსურს შევიმოსო ზეციური სავანე ჩემი“<sup>112</sup>.

თვალს უყვარს ლამაზი და მრავალფეროვანი ფორმები, ნათელი და სასიამოვნო ფერები. დაე, ნუ დაეუფლებიან ისინი ჩემს სულს, არამედ დაეუფლოს მას ღმერთი, რომელმაც შექმნა ეს მომხიბლავი ფერებიცა და ფორმებიც. მაგრამ ისინი კი არა, ღმერთია ჩემი სიკეთე. ლამაზი სავნები, გარს რომ მარტყიან, მთელი დღის მანძილზე არ მაძლევენ მოსვენებას მღვიძარს, იმ წკრიალა ხმებისა და, საერთოდ, ყოველგვარი ჩქამისა არ იყოს, მყუდროებას რომ მირღვევენ. თვით ფერების დედოფალი, ნათელი მზისა, ყოველივე ხილულს რომ ეფინება, სადაც უნდა ვიყო, მთელი დღის მანძილზე ელაძუნება ჩემს მზერას, თუნდაც საქმეში თავჩარგული არავითარ ყურადრებას არ ვაქცევდე მას; და ისე უჩუმრად, შემპარავად

<sup>109</sup> ფსალმ. 12, 4.

<sup>110</sup> ფსალმ. 6, 3.

<sup>111</sup> შლრ. II კორ. VI, 16: „რადგანაც ცოცხალი ღმერთის ტაძარი ხართ“...

<sup>112</sup> II კორ. V, 2.



შემომჩვევია, რომ თუ უეცრად მიეთარა თვალს, სევდით შეპყრობილი დავეძებ, ხოლო თუ დიდხანს არ გამოჩნდა, სიბნელე ისადგურებს ჩემს სულში.

52. ო, ნათელი, რომელსაც ხედავდა თვალზე ლიბრგადაკრული ცობითი<sup>113</sup>, ცხოვრების გზას რომ უჩვენებდა თავის ძეს და წაუბოროდიკებლად უძლოდა წინ სიყვარულის ფეხებით<sup>114</sup>; ნათელი, რომელსაც ჭვრეტდა ხანდაზმული, ქუთუთოებდაძიმებული და თვალდაშრეცილი ისააკი, რომელმაც ისე აკურთხა შვილები, რომ არ უცვნია, რისთვისაც ის დაიმსახურა, რომ კურთხევის შემდეგ ეცნო ისინი<sup>115</sup>; ნათელი, რომელსაც ხედავდა წელთა სიმრავლით თვალდავსილი აიკობიც, გულში ჩამდგარი ნათელით რომ გაანათა წინასწარ უწყებული ცომები მომავალი ერისა, და იღუძალი ძალით გადაჯვარედინებული ხელები დაადო თავის შვილიშვილებს, იოსების მემკვიდრეთ, და ასე აკურთხა ისინი; იოსები, ხორციელი თვალებით რომ ხედავდა ამას, შეეცადა გამოესწორებინა მამის შეცდომა, მაგრამ ეს შეცდომა როდი იყო: იაკობი შინაგანი მზერის კარნახით მოქმედებდა<sup>116</sup>. აი, ჭეშმარიტი ნათელი: ერთი, ერთარსი და თავისი ერთობით ყველა მოკვდავის გამაერთიანებელი, ვინც კი ჭვრეტს მას და უყვარს იგი.

ხოლო ეს მინიერი ნათელი, რომელზედაც ვლავარაკობდი, თავისი მაცთური და სახითათო ხიბლით ამ ცრუ სანუთროს ულამაზებს მის ბრმა მოყვარეთ. ვისაც შეუძლია ამ ნათლისათვის გადიდოს შენ, „ღმერთო, ყოვლის შემოქმედო“<sup>117</sup>, მის სიციყვებს ჩააქსოვს და ჩააქარგავს შენს საგალობლებს, თვითონ კი არ ჩაიკარგება მასში, მთვლემარე და რულმორეული. მეც ამნაირი მინდა ვიყო. წინ აღუედგები თვალების საცთურს, რათა ფეხი არ შემიკრას შენსკენ მომავალს; შენ მოგაპყრობ უხილვ თვალს, რათა „მახიდან გამოხსნა ჩემი ფეხი“<sup>118</sup>. აკი გამუდმებით მიხსნი მზაკვრულად დაგებული მახიდან, რადგანაც ყოველი ფეხის ნაბიჯზე ვებძები შიგ. „შენ კი არ ჩასთვლემ და არ დაიძინებ, მფარველო ისრაელისა“<sup>119</sup>.

53. მაგრამ რამდენი რამ მიუმატეს ადამიანებმა თვალის საცთურს: სხვადასხვა ხელოვნებათა თუ ხელობათა ქმნილებები - განსაცმელი, ფეხსაცმელი, ჭურჭელი, ღვამ-ავეჯი, სამკაულები, სურათები, ქანდაკებები და სხვა მისთანანი, - ყოველივე ეს უკვე შორს სცილდება აუცილებლობისა და ზომიერების თარგლებს, როგორც საერო, ისე საეკლესიო ცხოვრებაშიც. მთლიანად გარე სამყაროში დანთქმულნი და საკუთარ ქმნილებათ ყურმოჭრილ მონებად ქცეულნი თავიანთ გულშიც ხელს იღებენ იმაზე, ვისი ქმნილებებიც არიან თვითონ, და ამრიგად ანგრევენ იმას, რაც შემოქმედს ჩაუნერგავს მათში<sup>120</sup>.

<sup>113</sup> იხ. ტობ. IV, 2 და შმდ.

<sup>114</sup> დედანში: pede caritatis.

<sup>115</sup> იხ. დაბად. XXVIII.

<sup>116</sup> იხ. დაბად. XLVIII-XLIX.

<sup>117</sup> ამბროსი მელიოლანელის პიმნის პირველი სტრიქონი; იხ. „აღსარებანი“, წიგნი მეცხრე, XII, 32.

<sup>118</sup> ფსალმ. 24, 15.

<sup>119</sup> ფსალმ. 120, 4.

<sup>120</sup> მატერიალურ საგანთა სიყვარული ანგრევს და ანადგურებს ადამიანის უზენაეს „მე“-ს.

მე კი, ღმერთო ჩემო და სიქადულო ჩემო, აქაც იმის საბაბს ვპოულობ, რომ საგალობელი აღვაგლინო შენს სადიდებლად და ქების მსხვერპლად გიძღვნა შენ, ვინც თავი მოგიძღვენ მსხვერპლად. რადგანაც ის მშვენიერება, ხელოვანის სულიდან მისი განათული ხელების მემწეობით რომ გადადის მასალაში, დასაბამს იღებს იმ მშვენიებიდან, რომელიც ჩვენს სულებზე უზენაესია<sup>121</sup>, და რომლისთვისაც დღედაღამ ჭმუნავს ჩემი სული. მშვენიერ საგანთა ყველა შემქმნელმა და მოყვარულმა სწორედ მისგან მიიღეს ამ საგანთა შეთვისების საზომი<sup>122</sup>, მაგრამ მათი მართებულად ხმარების საზომი კი არ მიუღიათ. ის კი აქვეა, მათ გვერდით<sup>123</sup>, მაგრამ ვაი რომ ვერ ხედავენ მას. შორს წასვლა სულაც არაა საჭირო: „დაე, შენთვის შეინახონ ძალა“<sup>124</sup> და სულის გამომთფიგველ სიამოვნებას ნუ შეაღწევნ მას..

თვით მეც კი, ამას რომ ვამბობ, და მესმის კიდევ, რასაც ვამბობ, დიას, თვით მეც კი, თითქოს თვებზე ბორკილები დამადესო, მონუსხულივით ვდგავარ ამ მინიერი მშვენიერების წინაშე. მაგრამ შენ შემხსნი ამ ბორკილებს, რადგანაც „ჩემს თვალწინაა შენი წყალობა“<sup>125</sup>. მე სანყალობლად ვებძები მახეში და შენ მონყალედ მათავისუფლებ. ხანდახან ვერც კი ვგრძნობ ამას, ისე სუსტად ვუპყრევარ მახეს, ზოგჯერ კი ისე მაგრა ჩამიჭერს, რომ სუნთქვა მეკვრის და სული მეხუთება.

### XXXV

54. ამას ზედ ერთვის სხვა ცთომილებაც, ბევრად უფრო სახიფათო და საზარელი. ხორციელი გულისთქმის გარდა, რაც ყველა ჩვენი გრძნობის ტკობასა და განცხრომით თრობას მოითხოვს, გულისთქმისა, რომელსაც ემონება ყველა, ვინც შენ გშორდება, უფალო, რაც გარდუვალ დაღუპვას უქადის მათ, - სულისთვის ნიშნეულია სულ სხვანაირი გულისთქმაც, რომელიც დანარჩენი გრძნობების ბუნებისაა, მაგრამ, მათგან განსხვავებით, ხორციელ ტკობას კი არ მიელტვის, არამედ კვლევადობას, რის იარაღადაც იგივე ხორცი გვევლინება: ეს თუჭი და უცნაური ცნობისნადილი ცოდნისა და მეცნიერების გარსში ეხვევა<sup>126</sup>. მისი არსია ყოვლის შეცნობის დაუოკებელი წყურვილი, და რაკი ჩვენს გრძნობებს შორის ყველაზე მეტ მასალას მზერა გვანვდის შემეცნებისთვის, ამიტომაცაა, რომ ამ გულისთქმას საღმერთო წერილში „თვალთა გულისთქმა“<sup>127</sup> ჰქვია.

<sup>121</sup> შლრ. პლოტინი: „ყოველივე მშვენიერი მასზე („ერთზე“, ანუ „ღმერთზე“, - ბ.ბ.) უდაბლესია, მაგრამ მისგან იღებს დასაბამს, როგორც დღის ნათელი - მზისგან“ („ენნ.“ VI,IX,4).

<sup>122</sup> იგულისხმება ის შინაგანი გრძნობა, რომლის წყალობითაც მშვენიერ საგნებში ღვთაებრიობის გამოვლენას ვჭვრეტთ.

<sup>123</sup> „შენს მიმართ ზურგშექცეული თავიანთ ხორციელ საქმეებში, როგორც საკუთარ ჩრდილში, ინთქმებიან, მაგრამ თვით იმაშიც კი, რითაც ტკობიან, ბრწყინავს გარშემო განთენილი შენი ნათელი“ („ნების თავისუფლებისათვის“, II,16,43).

<sup>124</sup> ფსალმ. 58, 10.

<sup>125</sup> ფსალმ. 25,3.

<sup>126</sup> შლრ. წიგნი მეხუთე, III, 3, 4. იხ. აგრეთვე ამავე წიგნის შენ. 17.

<sup>127</sup> იოანე II, 16.

თვალის ძირითადი დანიშნულება ხედვაა, მაგრამ ჩვენ სხვა გრძნობებსაც ვუკავშირდებით ხოლმე ამ სიტყვას, როცა მათი მეშვეობით რამეს შევიცნობთ. ჩვენ ხომ არ ვამბობთ, მაგალითად: „ყური უგდე, როგორა ბზინავს“, ან „უყნოსე, რა წითლად ღუის“, „გემო გაუსინჯე, როგორ ციმციმებს“, ანდა „ხელი შეახე, როგორა ელავს“. ყველა ამ შემთხვევაში ჩვენ ვიყენებთ სიტყვას „ყურება“: მარტო იმას ხომ არ ვამბობთ, „უყურე რა ნათელიაო“, რაც შეიძლება მხოლოდ მზერამ შეიგრძნოს, არამედ ესეც ბუნებრივი გვეჩვენება: „უყურე, როგორ ჟღერს“, „უყურე, როგორი სუნი აქვს“, „უყურე, რა გემრიელია“, ან „უყურე, რა მკვრივია“<sup>128</sup>.

ამიგომ, როგორც მოგახსენეთ, ყოველგვარ ცოდნას, რასაც გრძნობები გვანვდიან, „თვალთა გულისთქმა“ ეწოდება. თვალის ძირითად დანიშნულებას - „ხედვას“ სხვა გრძნობებიც ითვისებენ, როცა რაღაცის შეცნობის მიზნით იწყებენ მის კვლევა-ძიებას.

55. ამის შედეგად უფრო ადვილი გასარჩევია, რა სჭირდება გრძნობებს გვბობისათვის, და რა - ცნობისმოყვარეობის დასაკმაოფილებლად. გვბობა მიელტვის იმას, რაც მშვენიერია, კეთილხმიერი, საამო, ნუგბარი, მსუბუქი, ცნობისმოყვარეობის სურვილი ლტოლვის საგანი კი, პირიქით, უპირისპირდება ყოველივე ამას, მაგრამ არა საგვემად და საგანჯველად, არამედ საკვლევად და შესამეცნებლად.

განა შეიძლება გვბობა დათვლეთილი და სულშემზარავი გვამის ყურებით? და მაინც, სადმე რომ ეგდოს, ხელად შექუჩდება ხალხი სავალალოდ და სავიშვიშოდ, თუ ცნობისმოყვარეობის დასაკმაოფილებლად. სიზმარშიაც არ ისურვებდნენ ამ საზარელი სურათის ნახვას, ცხადში კი ისე მიიჩქარიან, თითქოს ვინმე მიერეკებათ, ან რაღაც მშვენიერისა და თვალწარმტაცის ნახვის იმედი აქვთო.

იგივე ითქმის სხვა გრძნობებზედაც, მაგრამ ყველას ჩამოთვლა შორს წავიყვანდა. ცნობისმოყვარეობის იმავე სენის შედეგია, სახანაობათა გამძართავნი ათასნაირ უცნაურობას რომ უჩვენებენ ხალხს. აქედანვე იღებს დასაბამს ბუნების საიდუმლოებათა ჩხრეკის სურვილიც; მათი ცოდნა სრულიად უსარგებლოა, მაგრამ ადამიანებს მხოლოდ ცოდნის გულისთვის სურთ შეიძინონ ცოდნა<sup>129</sup>. იმავე მიზანს - გაუკუღმართებული მეცნიერების მოთხოვნებს ემსახურება მაგიის მეშვეობით ცოდნის მიღწევა. აქედანვე წარმოსდგება რელიგიაშიც იმის სურვილი, რომ გამოსცადო ღმერთი და ნიშები თუ სასწაულები მოსთხოვო მას, მაგრამ არა სულის ხსნისათვის, არამედ ცნობისმოყვარეობის დასაკმაოფილებლად<sup>130</sup>.

<sup>128</sup> შდრ. ბოსიუე, „ტრაქტატი გულისთქმის შესახებ“, VIII: „ცდით შემოწმებისა და შეცნობის ამ სურვილს თვალთა გულისთქმა ჰქვია, რადგანაც გრძნობის ყველა ორგანოს შორის სწორედ თვალთა შემეცნების მთავარი წყარო. გარკვეული აზრით, მზერა მოიცავს ყველა სხვა გრძნობას. და მართლაც, ასე ხომ არ ამბობენ მხოლოდ: „უყურე, რა მშვენიერია“, არამედ: „უყურე, რა მშვენიერი ყვავილია, რა ადვილი მოსახმარია, რა სასიამოვნო მუსიკაა“.

<sup>129</sup> თუმცა ნეტარი ავგუსტინე აღიარებდა და სათანადოდაც აფასებდა საერო მეცნიერებას („ღვთის ქალაქისათვის“, 19,18), მხოლოდ იმ პირობით, რომ მისგან განუყრელად უნდა ყოფილიყო თვინიერება და სიკეთე („წერილები“, 39,55; „იოანეს სახარებისათვის“, 27,5; „ფსალმუნებისათვის“, 142,5).

<sup>130</sup> შდრ. მათე IV, 7: „იესომ მიუგო: ესეც დაწერილია: არ გამოსცადო უფალი ღმერთი შენი“.

56. ამ უკიდევანო და უსიერ ტევრში, სადაც ყოველი ფეხის ნაბიჯზე მახეა დაგებული და ურიცხვი განსაცდელი ემუქრება კაცს, შენი წყალობით, უკვე მრავალი მახე დავლენე და მიყვარ-მოყვარე. შენ მომეცი ამისი ძალა, ჩემო მხსნელო და მფარველო. მაგრამ განა გავბედავ და ვიტყვი, როცა უთვალავი საგანი ზათქით და გრიალით იჭრება ჩვენს ყოველდღიურ ცხოვრებაში, დიას, განა გავბედავ და ვიტყვი, არცერთ ამ საგანთაგანს არ შეუძლია მიიპყროს ჩემი ყურადღება, მიიტაცოს ჩემი მზერა და ფუჭი ცნობისმოყვარეობა აღმიძრას-მეთქი?

რა თქმა უნდა, თეატრი უკვე აღარ მიზიდავს<sup>131</sup>, და არც მნათობთა მიმოქცევას ვიკვლევ<sup>132</sup>; ჩემს სულს არასოდეს მიუძმარათავს კითხვით აჩრდილთა სამყაროსათვის: მძულს და მეზიზღება ყოველგვარი მკრეხელური წეს-ჩვეულება<sup>133</sup>, მაგრამ რა ცბიერებას აღარ მიძმარათავს მტერი, რაღას აღარ ჩამჩურჩულებს ყურში, რათა სასწაული მოგთხოვო ზეცით<sup>134</sup>, უფალო ღმერთო ჩემო, ვისაც მორჩილებითა და სიმდაბლით უნდა გმსახურებდე. გვევდრები, ჩვენი მეუფისა და ჩვენი წმინდა, ჩვენი უმნიშვნელო სამშობლოს - ზეციური იერუსალიმის გულისთვის: როგორც დღესაა შორს ჩემგან ამნაირი აზრი, დაე, ასევე შორს იყოს მომავალშიც! დაე, სულ უფრო და უფრო გამძორდეს! ხოლო თუ გულმხურვალედ გთხოვ ვისიმე ხსნას, სულ სხვა რამ იქნება ამ ჩემი დაჟინებული თხოვნა-ვედრების მიზანი; და რაკი ყოველთვის იმას იქმ, რაც გსურს, როგორც დღემდე მაძლევდი, კვლავაც მომცემ იმის ძალას, რომ უყოყმანოდ აღვასრულო შენი ნება.

57. ვინ მოსთვლის, ყოველდღე რამდენი ფუჭი და უბადრუკი წვრილმანი ევლინება საცთურად ჩვენს ცნობისწადილს! ვინც აღნუსხოს, რამდენჯერ ვეცემით! რამდენი შემთხვევა გვახსოვს, თავდაპირველად თითქოს თავს რომ ვაიძულებთ მოთმინებით ვისმინოთ ყოვლად უაზრო ლაყბობა, რათა ჩვენს საბრალო თანამოსაუბრეს არ ვანწყინოთ, შემდეგ კი ვამჩნევთ, რომ თურმე ხალისითა და სიამოვნებით ვუვლებთ ყურს. როცა ცირკში ვარ, საერთოდ არ ვუყურებმ როგორ მისდევს მწევარი კურდღელს, მაგრამ შემთხვევით მიხდვრად რომ გავხდე კურდღელზე ნადირობის მონმე, ამან შეიძლება ღრმა ფიქრში წასულიც კი გამოძმარკვიოს, და თუ ცხენს არ ვადავახვევინებ გზიდან, თვალს მაინც ვავაყოლებ გაქცეულს. და თუ შენ, ანაზდად რომ მიჩვენე მთელი ჩემი უმტკიცობა, დაუყოვნებლივ არ ჩამიხშობ სეირის ყურების უღირს სურვილს, რათა ამ ფუჭი სანახაობიდანაც კი გამოვიგნო ჩემთვის სასარგებლო დასკვნა და ამრიგად შენსკენ მოვიქცე, ან თვალი მაინც ავარიდო ამას და ჩემს გზას ვწიო, - ვერასდიდებით თავს ვერ დავაღწევ ამ ჩემს უაზრო ცნობისწადილს.

<sup>131</sup> შდრ. „აღსარებანი“, წიგნი მესამე, II, 2.

<sup>132</sup> შდრ. „აღსარებანი“, წიგნი მეოთხე, III, 4; წიგნი მეშვიდე, V, 7.

<sup>133</sup> შდრ. „აღსარებანი“, წიგნი მეოთხე, II, 3.

<sup>134</sup> შდრ. მათე XII, 39: „ხოლო მან პასუხად თქვა: უკეთური და მემრუშე მოდგმა სასწაულს ეძებს; მაგრამ სასწაული არ მიეცემა მას“...

ხოლო როცა ჩემს კარ-მიდამოში ვსეირნობ, განა ჩემს ყურადღებას ხშირად არ იპყრობს ხვლიკი, ბუბებს რომ ეპარება დასაჭერად, ანდა თობა, აბლაბუდას რომ აბამს მათთვის?<sup>135</sup> მერე რა, რომ ასეთი პანანინები არიან, განა ეს რამეს ცვლის? მალე კვლავ შენს ქებას ვიწყებ, საოცრებათა შემოქმედო, ყოვლის გარიგევე, მაგრამ განა ეს იყო ჩემი მიზანი, როცა ამ ხვლიკს, თობას და ბუბებს ვუყურებდი? ერთია - მალე ნამოდგე, და მეორე - საერთოდ არ დაეცე.

მთელი ჩემი სიცოცხლე ამ უბადრუკი წვრილმანებითაა სავსე, და მხოლოდ შენი უსაზღვრო გულმონყალების იმედი მასულდგმულებს. ჩვენი გული სხვა არა არის რა, თუ არა ამნაირ წვრილმანთა შესაკრებელი, სადაც ერთმანეთში ალუფხულა ურიცხვი სიბრიყვე და სისულელე<sup>136</sup>, ესოდენ ხშირად რაომ ამღვრევენ და არღვევენ ჩვენს ლოცვებს. და როცა შენს წინაშე მდგარნი ვცდილობთ როგორმე მოგანვდინოთ ჩვენი გულის ხმა, სწორედ ამ ღროს, არ ვიცი, საიდან გამოცყვრება მთელი ეს ამაოება და ესოდენ მნიშვნელოვან საქმეს გვანყვევტინებს<sup>137</sup>.

XXXVI

58. ნუთუ ამასაც უბადრუ წვრილმანად უნდა ვთვლიდეთ? ნუთუ შეიძლება სხვა რამის იმედი გვექონდეს, გარდა ჩვენთვის უკვე ცნობილი შენი უსაზღვრო გულმონყალებისა, რაკილა უკვე დაიწყე ჩვენი გარდაქმნა? შენ იცი, როგორც შემცვალე. უწინარეს ყოვლისა, თავის მართლების სურვილისაგან განმკურნე, „რათა შეგენყალებინა დანარჩენი უსჯულოებანი ჩემი, გენამლა ჩემი სნეულებისთვის, ხრწნილებისაგან გეხსნა ჩემი სიცოცხლე, წყალობის გვირგვინი დაგედგა ჩემთვის თავზე და სიკეთით დაგეცხრო ჩემი სურვილი“<sup>138</sup>. შენდამი შიშით დათრგუნე ჩემი ამპარტავნება და შენი უღელი დამადგი ქედზე<sup>139</sup>. და ახლა მე ვწევი მას, და მსუბუქია იგი ჩემთვის. შენ აღმიტყვი და კიდევაც აღასრულე ეს: ყოველთვის ასეთი მსუბუქი იყო, მაგრამ მე არ ვიცოდი, და მეშინოდა ქელს მეღვა.

59. ნუთუ უფალო, ერთო ღმერთო, ყოვლისმპყრობელო, ვისთვისაც უცხოა ამპარტავნება, რადგანაც შენა ხარ ჭეშმარიტი მეუფე, და არ არის მეუფე შენზე უბენაესი, - ნუთუ ამ მესამე საცთურისაგან დავიხსენ თავი, თუ ამქვეყნიურ სიცოცხლეში არ მინერია მისგან ხსნა? კერძოდ, იმის სურვილისაგან, რომ ხალხს ვუყვარდე და ეშინოდეს ჩემი, მხოლოდ იმიტომ, რომ თითქოს ესაა სიხარულის წყარო, თუმცა განა შეიძლება ჭეშმარიტი სიხარული

<sup>135</sup> „ნეტარ ავეგუსტინეში ყოველთვის ცხოველ ინტერესს იწვევდა ბუნების მოვლენები. ის ყურადღებით აკვირდებოდა, თუ როგორ დახობავს გველი („სამებისათვის“, 17,11,16); როგორ იკლავება შუაზე განწყვეტილი ჭიაცყელა თუ უნასი („სულის თვისებებისათვის“, 31, 62); როგორ იქცევიან ჩხუბის შემდეგ მამლები - გამარჯვებულიცა და დამარცხებულიც („წესრიგისათვის“, 1,8,25); როგორი ხელოვნებით იმენებენ ფრინველები ბუდეს. ის განცვიფრებული იყო თევზების მესიერებით და ტკბებოდა ბუღბუღის გალობით („ჭეშმარიტი სარწმუნოებისათვის“, 42,79)“. - რუს. თარგმანის შენ. იხ. დასახ. გამოც. გვ. 255.

<sup>136</sup> შდრ. ბლემზ პასკალი: „რა ცარიელია ადამიანის გული და რამდენი სიბილწეა ამ სიცარიელეში“ („აზრები“, თბ. 1981, 225).

<sup>137</sup> შდრ. ბლემზ პასკალი: „როდესაც ვესურს ღმერთზე ვიფიქროთ, ხომ არის რაღაც, რაც ხელს გვიშლის და სხვა რამისკენ მიაქცევს ჩვენს აზრს? ყოველივე ეს ბორბტებაა, - თანდაყოლილი, ჩვენთან შობილი“ (იქვე, გვ. 296).

<sup>138</sup> ფსალმ. 102, 3-4.

<sup>139</sup> შდრ. მათე XI, 29-30.



ენოდოს ამას? რა უბადრუკია ამნაირი სიცოცხლე, და რაოდენ ბილნი - ამნაირი ცუდმედიდობა! უნინარეს ყოვლისა, სწორედ ეს აქარწყლებს შენს სიყვარულს და საღმრთო შიშსაც შენდამი, რადგანაც „ქედმაღალთ მუსრავ, მდაბალთ კი მაღლით მოსავ“<sup>140</sup>; გრგვინვით ატყდები თავს ამქვეყნიურ ამოებას, რისგანაც „ირყევა დედამინა და ძრნიან საფუძველნი მთათანი“<sup>141</sup>.

რაკილა ზოგიერთი საზოგადოებრივი მოვალეობის აღსრულება მხოლოდ იმ შემთხვევაში შეუძლია ადამიანს, თუკი უყვართ და ეშინიათ მისი, ამიტომ ჩვენი ჭეშმარიტი ბედნიერების მტერიც - ეშმაკი - სწორედ აქ გვიტყვის და ყოველი თვის ნაბიჯზე სატყუარად წინ გვიყენს მზაკვრულ საცთურს - ქება-დიდებას, რასაც ესოდენ ხარბად მიველგვით და წინდაუხედვად ვებმებით ხოლმე ამ ვერაგულად დაგებულ მახეში; ამიტომაცაა, რომ შენი ჭეშმარიტებისაგან ვაცალკევებთ ჩვენს სიხარულს და ადამიანურ სიცრუეს ვუკავშირებთ მას. ჩვენ გვსიამოვნებს, რომ შენი გულისთვის კი არ ვუყვარვართ და ეშინიათ ჩვენი, არამედ შენს ნაცვლად. ამ გზით რომ გვიმგავსებს, მტერი თავის თანამდგომებელ გვაქცევს, მაგრამ არა სიყვარულისმიერი თანხმობისათვის, არამედ იმ მიზნით, რომ თავისი შეჩვენების თანამომბი-არეებელ გვაქციოს. სწორედ მან გადაწყვიტა „თავისი ტახტი დაედგა ჩრდილოეთით“<sup>142</sup>, რათა მას, უკუღმართად და უგვანად მბაძავს შენსას, მსახურებდნენ წყვდიადითა და ყინვით მოცულნი.

ჩვენ კი, უფალო, აჰა, შენი „პაგარა სამწყსო“<sup>143</sup>: მაშ, გვმწყმსე და გვიპატრონე. გაშალე თრთები და შეგვიფარე. იყავ დიდება ჩვენი: აშინებდეთ ჩვენში! ვისაც სურს, რომ კაცნი შენ კი არა, მას აღიდებდნენ, შენმიერი განკითხვს დღეს ვერ დაიცავენ და ვერც შენი სასჯელისაგან დაიხსნაიან ისინი. მაგრამ „ცოდვილს როდი აქებენ მის გულისთქმის გამო“, და არც „უღმერთოს აკურთხებენ უსჯულოებანი მისნი“<sup>144</sup>, არამედ შენს მიერ ბოძებული ნიჭისათვის აქებენ კაცს, მაგრამ თუ ის ქებას უფრო შეჰხარის, ვიდრე შენგან ბოძებულ ნიჭს, რისთვისაც აქებენ და აღიდებენ, მაშინ შენ ჰკიცხავ და ჰკმობ მას. მაქებარი უკეთესია იმაზე, ვისაც აქებენ. პირველი ღვთის ნიჭს ათაებს კაცში, მეორეს კი კაცისაგან ბოძებული ნიჭი ურჩევნია ღვთისაგან ბოძებულს.

<sup>140</sup> I პეტრე V, 5; იაკ. IV, 6.

<sup>141</sup> ფსალმ. 17, 14; 8.

<sup>142</sup> ესაია XIV, 13-14.

<sup>143</sup> ლუკა XII, 32.

<sup>144</sup> ფსალმ. 9, 24.

XXXVII

60. ყოველდღიურად გვაცთუნებენ ეს საცთურნი, უფალო, განუწყვეტლივ და დაუსრულებლივ. კაცის ენა სხვა არა არის რა, თუ არა მუდმივად საცდელი ბრძმედი<sup>145</sup>. შენ აქაც გვიბრძანებ, ჩვენი თავის ბატონ-პატრონნი ვიყოთ: მოგვეცი, რასაც გვიბრძანებ, და გვიბრძანე, რაც გსურს. შენ გსმენია მწარე გმინვა ჩემი გულისა<sup>146</sup> და გიხილავს ჩემი თვალებიდან ღაპაღუპით ჩამონადენი ცრემლის მდინარენი. მიჭირს, ბოლომდე წარმოვიდგინო, რამდენად განვიწმინდე ამ ხრწნილებისგან, და მაძრწუნებს ის, რაც დათარულია ჩემში<sup>147</sup>; რასაც ნათლად ჭერეგს შენი თვალი, ჩემი კი - ვერა. როცა ნებისმიერ სხვა ცთუნებას ეხება საქმე, მე შემოძლია ასე თუ ისე მაინც შევამონმო ჩემივე თავი, აქ კი ჩემი გამჭრიახობა თითქმის ვერასა მშველის. რაც შეეხება ხორციელ განცხრომასა თუ ფუჭ ცნობისნადილს, მე ნათლად ვხედავ, რამდენად შევძელი დამეურვებინა ჩემი სული, საკუთარი ნების ძალისხმევითა თუ იმის წყალობით, რომ ორივე ეს საცთური უცხო იყო ჩემთვის: ხომ შემოძლია ჩემს თავსა ვკითხო, რამდენად გამეძლება ან ერთის, ან მეორის გარეშე.

ახლა, თუ სიმდიდრეს იკითხავთ, რომელსაც იმის გამო მიეღვიან, რომ დაიკმაყოფილონ ამ სამ ვნებათაგან ერთ-ერთი, ან კიდევ ორი, ანდა სამივე ერთად, - თუკი სიმდიდრის მფლობელ სულს ვერ გაურკვევია, სძულს თუ არა იგი, მაშინ დიახაც შეუძლია თავის გამოსაცდელად უარი თქვას მასზე. მაგრამ როცა ქება-დიდება გვაკლდება? როგორღა შევამონმთ, რანაირად იმოქმედებს ეს ჩვენზე? ნუთუ იმდენად უკეთური, უგვანი და ცხოველური ცხოვრებით უღნა ვიცხოვროთ, რომ ყველა ნაცნობს შევძულდეთ? ამაზე დიდ უაზრობას ვერც იცყვის და ვერც წარმოიდგენს კაცი. თუ ქება ღირსეული ცხოვრებისა და კეთილი საქმის განუყრელი თანამგზავრია, ნურც ამნაირ თანამგზავრზე ვიცყვით უარს და ნურც ღირსეული ცხოვრებაზე. ხოლი გამიჭირდება თუ არა ამ სიკეთის გარეშე გაძლება, ამას მხოლოდ მაშინ გავიგებ, როცა აღარ მექნება ის, რაზედაც ვლაპარაკობდი.

61. მაშ, რაღას ვაღიარებ შენს წინაშე, უფალო, როცა ამ ცთუნებებზე გესაუბრები? იმას, რომ დიდ სიამოვნებას მანიჭებს ქება?<sup>148</sup> მაგრამ ქებას ათასნილ მიჯობს ჭეშმარიტება. რადგანაც ჩემთვის რომ ეკითხათ, რა გირჩევნია - რეგვენი იყო, ყოველი ფეხის ნაბიჯზე ცდებოდე, მაგრამ ყველანი გაქებდნენ და გადიდებდნენ, თუ გონიერსა და ჭეშმარიტების ქელუხრელ დამცველს საყოველთაო გმობა და ღანძღვა-გინება გაცდებოდეს თავსო, - მე ვიცოდი, რასაც ავირჩევდი. მხოლოდ იმას კი არ ვისურვებდი, რომ სხვის ქებას გაეზარდა

<sup>145</sup> შდრ. ივანე სოლომ. XXVII, 21.

<sup>146</sup> შდრ. ფსალმ. 37, 9.

<sup>147</sup> შდრ. ფსალმ. 18, 13; 89, 8.

<sup>148</sup> „ნეტარი ავგუსტინეს ოცდამეორე წერილში კართაგენის ეპისკოპოს ავრელიუსისადმი ვაძმოცემულია მოკლე მსჯელობა ქება-დიდების სიყვარულისა და იმ საფრთხის შესახებ, რასაც ეს სიყვარული უქადის ეკლესიის მსახურთ. ნეტარი ავგუსტინე აღიარებს, რომ მას თვითონაც დიდ სიამოვნებას ანიჭებს ქება-დიდება“. - პიერ დე ლაბრიოლის შენიშვნა. იხ. „აღსარებათა“ დასახ. გამოც. გვ. 286.

ჩემი სიხარული იმ მცირეოდენი სიკეთის გამო, რაც არის ჩემში; არადა, ნამდვილად ზრდის, გმობა კი, პირიქით, ამცირებს.

და სწორედ მაშინ, ჩემი სიმწირითა და უბადრუკობით შეძურთალს მომეძალება ხოლმე თავის მართლების სურვილი. შენ კარგად იცი, უფალო, ამისი ფასი, მაგრამ მე კი დიდად მაცბუნებს. აკი გვიბრძანე, რომ არა მარტო თავშეკავება გვმართებს, რაც გვაფალებს გულში ჩავივლათ ზოგ-ზოგი რამის სიყვარული, - არამედ სამართლიანობაც, რათა ვიცოდეთ, რისკენ მივმართოთ იგი. თავად ინებე, რომ არა მარტო შენ გვეყვარებოდი, არამედ ჩვენი მოყვასიც. ამიტომ როცა გონიერი და გულისხმიერი კაცის ქებას ვისმენ და ამ ქებით ვგვკებები, ასე მგონია, მოყვასის ზრდითა თუ მისი ზრდის იმედით ვხარობ, და პირიქით, მისი მანკიერება მანუხებს, როცა ის ჰგმობს ან იმას, რაც არ ესმის, ან იმას, რაც კარგია.

ზოგჯერ კი ის ქებაც მანუხებს, მე რომ მიძღვნიან, თუკი იმას აქებენ ჩემში, რაც მე თვითონ არ მომწონს, ან უფრო მეტ ფასს სდებენ ჩემს რომელიმე თვისებას, ვიდრე იმსახურებს. მაგრამ ვინ მეტყვის, რა ინვესს ჩემში ამ გრძნობას? იქნებ მე არ მსურს, რომ ჩემი მაქებარი სხვა აზრისა იყოს ჩემზე, ვიდრე თვითონ მე ვარ, - და ნაკლებად ვბრუნავ მასზე; ჩემი კეთილი თვისება, რომელიც თვითონვე მომწონს, ჩემთვის უფრო სასიამოვნო ხდება, თუკი ის სხვისთვისაც მოსაწონია. ხოლო თუ იმას, რასაც ჩემსავე თავზე ვფიქრობ, ქების ღირსად არ თვლიან, მაშასადამე, შეიძლება ითქვას, რომ არც მე მაქებენ, რადგანაც ამ შემთხვევაში ან იმას მიქებენ, რაც თავად არ მომწონს, ან უფრო მეტად მიქებენ იმას, რაც ნაკლებად მოსაწონად მიმაჩნია ჩემში. მართლა გამოცანა ხომ არა ვარ ჩემივე თავისათვის?

62. და აი, ჭეშმარიტება, როგორც ჩანს, ჩემი გულისთვის კი არა, მოყვასის სასიკეთოდ უნდა მძრავდეს და მალეღვებდეს ქება-დიდება, მე რომ მიძღვნიან. მაგრამ მართლა ასეა ეს? არ ვიცი. ამ მხრივ, საკუთარ თავს უფრო ნაკლებ ვიცნობ, ვიდრე შენ<sup>149</sup>. გვედრები, ღმერთო ჩემო, მიხეენე ჩემივე თავი, რომ ჩემი წყლულების შემყურემ აღსარება ვუთხრა ჩემს მოყვასთ, რათა მათ ილოცონ ჩემთვის. მომეცი ძალა, უფრო ღრმად გამოვიძიო ჩემივე თავი. თუ მაშინ, როცა მაქებენ, მხოლოდ მოყვასის სიკეთებზე ვბრუნავ, მხოლოდ მისი ბედი მალეღვებს, მაშინ რატომაა, რომ გაცილებით უფრო ნაკლებ ვლელავ, როცა ჩემდამი კი არა, მოყვასისადმი მიმართულ დაუმსახურებელ გმობასა და ყვედრებას ვისმენ? რატომაა, რომ უფრო მეტ გვივილს მაყენებს პირადი შეურაცხყოფა, ვიდრე მოყვასისა, რომელსაც ჩემი თანდასწრებით ასევე უსამართლოდ შეურაცხყოფენ? ნუთუ ესეც არ ვიცი? მაშ, რაღა დამრჩენია, გარდა იმისა, რომ „თავი მოვიტყუო“<sup>150</sup> და გვეცრუო ენით თუ გულით? განმარიდე ეს უგუნურება, უფალო, „ნუ მისდრეკ ჩემს გულს უკეთურ სიტყუათა მიმართ, და ნუ სცხებ ჩემს თავს ცოდვილის ბეთს“<sup>151</sup>.

<sup>149</sup> შლრ. ამავე (მეათე) წიგნის ერთი პასაჟი (V, 7); „...ვიცი შენზე რაღაც ისეთი, რაც თვით ჩემზედაც არ ვიცი“.

<sup>150</sup> შლრ. გალატ. VI, 3.

<sup>151</sup> ფსალმ. 140, 5.

XXXVIII

63. „მწირი ვარ და უპოვარი“<sup>152</sup>, მაგრამ უკეთესი მაშინა ვარ, როცა ჩემივე თავის მოძულე ფარული გმინვით დავეძებ შენს მონყალებას, რათა აღივსოს ნაკლოვანება ჩემი და ვეზიარო სიმშვიდეს, რომელიც უცხოა ქედმაღალთა თვალისათვის. მაგრამ ბაგეთაგან გამომავალი სიგყვანი და კაცთათვის ცნობილი საქმენი ყველაზე სახიფათო საცთურით გვაცთუნებენ<sup>153</sup>: ქება-დიდების წყურვილით, მათხოვარივით ხელგანწვდილი რომ თხოულობს ხოგბას, რათა ამრიგად აგვაძალღოს მოყვასის თვალში. ეს ვნება მაშინაც კი მაცთუნებს ხოლმე, როცა ის მხილებას ვცდილობ, და მაცთუნებს თვით იმით, რომ მსურს მხილებით დავეთრგუნო: ფუჭი დიდების სიძულვილით არცთუ იშვიათად ინიღბება მასზე გაცილებით უფრო ფუჭი სიქადული. ნურავინ იტყვის, დიდება მძულსო, თუ თავი მოაქვს მისი სიძულვილით.

XXXIX

64. ჩვენს არსებაში ღრმად გაუდგამს ფესვი კიდევ ერთ ამნაირ ცთუნებას, რომელსაც შეუძლია გამოფიცოს იმისი სული, ვისაც მოსწონს თავისი თავი, თუმცა სხვებს არამცთუ მოსწონთ, სძულთ კიდევ იგი, მიუხედავად იმისა, რომ ეს უკანასკნელი შეიძლება არც კი ცდილობდეს თავი მოაწონოს მათ. თავმომწონე საძულველი ხდება შენთვის, არა მარტო იმიტომ, რომ სიკეთედ მიაჩნია უკეთურება, არამედ იმიტომაც, რომ შენს კეთილ საქმეს ითვისებს, ხოლო თუ მაინც შენეულად სახავს, რაგომღაც ჰგონია, რომ მისი წყალობით აღსრულდა იგი. შენც რომ მოგანერდეს ამ კეთილ საქმეს, სხვებთან ერთად როდი ხარობს ამით, არამედ შურით იფსება მათ მიმართ, ვისაც საშუალება აქვს ისარგებლოს ამ სიკეთით. აი, რანაირ განსაცდელსა და გასაჭირში ჭვრეჯ ჩემი გულის თრთოლას, და მე ვგრძნობ, რომ მონყალებად განმკურნავ წყლყულებისაგან, მაგრამ, ამასთანავე, კვლავ და კვლავ მომწყლავ.

XL

65. სადღა არ ყოფილხარ ჩემთან ერთად, ჭეშმარიტება, რათა დაგემოდღვრე, რისი ძებნა მმართებდა და რას უნდა მოვრიდებოდი, როცა ქედმოდრეკით ვიზიარებდი ჩემს მწირ ზრახვებს და რჩევას გთხოვდი. შეძლებისდაგვარად მოვიხიბლე ჩემი გრძნობებით გარე სამყარო, მცდელი თვალით ჩაფხედე ცხოვრებას, სიცოცხლეს რომ ანიჭებს ჩემს სხეულს, და თვით ჩემს ხორციელ გრძნობებსაც. შემდეგ კი ჩემი მესხიერების - ამ ვრცელი და მრავალფეროვანი საცავის იღუმალ სიღრმეშიც - ამ ვრცელი და მრავალფეროვანი საცავის იღუმალ

<sup>152</sup> ფსალმ. 108, 22.

<sup>153</sup> შტრ. მათე XV, 18-20.

სიღრმეშიც შევალნიე, რომელიც სავსეა ურიცხვი განძით; განცვიფრებული ვაკვირდებოდი ამ სიმდიდრეს და ვძრწოდი: უშენოდ, ალბათ, ვერაფერსაც ვერ გავარჩევდი, მაგრამ შენ როდი იყავი ყოველივე ეს.

მე თვითონ როდი შევძლებდი ყოველივე ამის მიკვლევას, თუმცა ყველგან შევალნიე და ვცადე ღირსებისამებრ შემეფასებინა ყოველი: ზოგი რამ შემძავე გრძობებმა მაუნყეს, ზოგიც - ისეთი განცდა მქონდა, - თითქოს შემზრდოდა და შემსისხლხორცებოდა, ასე რომ, სხვაგან აღარ მჭირდებოდა მათი ძიება, თვითონვე ვარჩევდი ამ ჩემს მაცნეებს და თავ-თავის ადგილას მიუჭინდი თვითეულ მათგანს, ჩემი მდიდარი საგანძურიდან ვიღებდი, ვატყუებდი, ვახარისხებდი, ზოგს ვჩქმალავდი, ზოგი კი, პირიქით, დღის სინათლეზე გამომქონდა. მე ვიძიებდი, მე ვიკვლევდი ყველაფერს, - მე, ანუ ჩემივე ძალა, - მაგრამ ეს არ იყავი შენ. რადგანაც შენ ხარ მარადიული ნათელი<sup>154</sup>, რომელსაც ვეკითხებოდი სხვადასხვა საგანთა არსის, თვისებისა თუ ღირებულების ჭეშმარიტ ხარისხს და უცოყმანოდ ვიზიარებდი შენს რჩევასა თუ ბრძანებას. ასე ვიქცეოდი და ვიქცევი დღესაც: ესაა ჩემი სიხარული, ჩემი მყუდრო თავშესაფარი, რომელსაც ვეხიზნები ყოველთვის, როცა ამის საშუალებას მაძლევენ, გადაუდებელი საქმენი. ყოველივე იმაში, რასაც მიმოვიხილავ და რის თაობაზეც ვეკითხები რჩევას, მხოლოდ ერთ უმფოთველ სადგურს ვპოულობ ჩემი სულისთვის: ესაა ხარ შენ, რადგანაც მხოლოდ შენში გროვდება, შენში იყრის თავს ჩემი გაფანტული აზრები, და არაფერი ჩემეული აღარა გშორდება შენ. ხანდახან სულის სიღრმეში იმდენად უჩვეულო და უნეტარეს განცდას აღმიძრავ, რომ თუ მას სრული გასაქანი მიეცემოდა, ამქვეყნიურ ცხოვრებაში ნამდვილად ვერაფერს შევადარებდი. მაგრამ ძალე კვლავ ვუბრუნდები მიწიერი სინამდვილის უბადრუკობას ჩემი მწარე ხვედრის სიმძიმით ქვედადრეკილი. რაც უფრო მწარედ ვგმინავ და თავგანწირული ძალისხმევით ვცდილობ თავი დავაღწიო ჩემი ძველი ჩვეულებების ტყვეობას; მით უფრო ღრმად ვეფლობი მათ ჭაობში. აი, რაოდენ მძიმეა და წელში გამწყვეტი ჩვეულებების გვირთი! აქ ყოფნა შემძლია, მაგრამ არა მსურს, იქ ყოფნის ძალი არ შემწევს, მაგრამ მხოლოდ ეს მწადია: აი, ორმაგი სისაწყლე ჩემი.

<sup>154</sup> შდრ. I იოანე I, 5: „ეს არის აღთქმა, რომელიც ვისმინე მისგან, და გაუნყებო თქვენ, რომ ღმერთი არის ნათელი და არ არის მასში არავითარი ბნელი“. შდრ. აგრეთვე იაკ. I, 17.



XLI

66. აი, რაგომ განვიხილე ჩემი ცოდვები, რომელთა გამოც ვემონები სამმაგ გულისთქმას<sup>155</sup>, და შენს მარჯვენას ვუხმე<sup>156</sup> ჩემდა სახსნელად. გულმონწყულმა ვიხილე შენი ნათელი, და მისი ბრწყინვალეობით თვალდავსილმა ვთქვი: ვინ გაუძლებს ამას? „მონწყვეტილი ვარ შენს თვალთაგან“<sup>157</sup>. შენა ხარ ჭეშმარიტება, ყოვლის მეუფე, და მე, ჩემი სიხარბის გამო, არ მინდოდა შენი დაკარგვა, მაგრამ, ამასთანავე, ისიც მსურდა, რომ შენთან ერთად სიცრუის მფლობელიც ვყოფილიყავი. რადგანაც ისე ვინ ემონება სიცრუეს, რომ თვითონაც არ იცოდეს, რა არის ჭეშმარიტება. აი, ასე დაგკარგე, რადგანაც შენს თავს არ აღირსებ იმას, ვისაც სურს შენთან ერთად სიცრუესაც ფლობდეს.

XLII

67. ვინ მოვძებნო, რომ შეძარიგოს შენთან? ანგელოსებს მივმართო? კი მაგრამ, რანაირი ლოცვით? რანაირი მსხვერპლშენივით? რამდენს უცდია დაგბრუნებოდა, მაგრამ ძალა არა ჰყოფნია საამისოდ; ამიგომ, როგორც მსმენია, ამნაირი საშუალებისათვის მიუმართავთ: უჩვეულო ხილვებს მიეღგვოდნენ, რის გამოც, საფსებით სამართლიანად, თავიანთი ილუზიების მსხვერპლნი შეიქნენ. ფუჭი მეცნიერებით გალაღებულნი გეძებდნენ შენ, ამაყად თავაღერილნი, ნაცვლად იმისა, რომ მდაბლად მოედრიკათ ქედი<sup>158</sup>. სულიერი სიახლოვისა და ნათესაობის წყალობით, თავიანთი სიამაყის თანამდგომებად აქციეს „ჰაერის ხელმწიფენი“<sup>159</sup>, რომელთაც მაგიის ძალით აცთუნეს ისინი. დაუცხრომლად ეძებდნენ შუამავალს, რომელიც განსმენდა მათ, მაგრამ ვერსად იპოვეს იგი: იყო მხოლოდ „საგანა, სინათლის ანგელოსის სახის მიმღები“<sup>160</sup>. მათ ხორციელ სიამაყეს ყველაზე მეტად ის აცთუნებდა, რომ ამ უკეთურ სულს არ ჰქონდა ხორციელი სხეული.

ისინი იყვნენ მოკვდავნი და ცოდვილნი. შენ კი, უფალო, ვისთანაც შერიგების გზას ეძებდნენ, უკვდავი ხარ და უცოდველი. ამიგომ ღმერთსა და კაცთა შორის შუამავალი რაღაცით უნდა მგვანებოდა ღმერთს, რაღაცით კი - ადამიანებს<sup>161</sup>. ყოველმხრივ ადამიანების მსგავსი რომ ყოფილიყო, მაშინ შორს იქნებოდა ღმერთისაგან, ხოლო ყოველმხრივ რომ მგვანებოდა ღმერთს, ასევე შორს იქნებოდა კაცთაგან, და ვეღარ შესძლებდა შეესრულებინა შუამავლის მოვალეობა. მაგრამ ამ ცრუ შუამავალს<sup>162</sup>, რომელსაც შენი იღუმალი

<sup>155</sup> იგულისხმება „გულისთქმა ხორცის, გულისთქმა თვალის და სიამაყე არსებობისა“ (I იოანე II, 16).

<sup>156</sup> ფსალმ. 17, 36.

<sup>157</sup> ფსალმ. 30, 23.

<sup>158</sup> შდრ. „აღსარებანი“, წიგნი მეოთხე, III, 4.

<sup>159</sup> ეფეს. II, 2.

<sup>160</sup> II კორ. XI, 14.

<sup>161</sup> იგულისხმება იესო ქრისტე. შდრ. I ტიმ. II, 5.

<sup>162</sup> იგულისხმება ანტიქრისტე.

მიზანდასახულობა საშუალებას აძლევს შეარცხვინოს ამპარგავანნი, ადამიანებთან მხოლოდ ერთი რომ აქვს საერთო, სახელდობრ, ცოდვა. მაგრამ მას სურს თავი ისე მოაჩვენოს ხალხს, თითქოს ღმერთთანაც ჰქონდეს რაღაც საერთო: რაკი მოკვდავი სხეული არ მოსაფს, ამიტომაც თავი მოაქვს უკვდავებით. მაგრამ რაკი „ცოდვის საზღაური არის სიკვდილი“<sup>163</sup>, ადამიანებთან ის აქვს საერთო, რომ მათთან ერთად განწირულია სიკვდილისათვის.

## XLII

68. ხოლო ჭეშმარიტი შუამავალი, რომელიც შენი იღუმალი გულმონყალებით მოუვლინე და გამოუცხადე ადამიანებს, რათა მისი მაგალითით ესწავლათ თვინიერება, „შუამავალი ღმერთსა და კაცთა შორის, კაცი იესო ქრისტე“<sup>164</sup> მოკვდავ ცოდვილთა და უკვდავი მართლის შუამდგომელი გახდა: მოკვდავი, როგორც კაცი, და მართალი, როგორც ღმერთი. და რაკი სიმართლის საზღაური სიცოცხლეა და მშვიდობა, თავისი სიმართლით, ღმერთთან რომ აერთებს მას, ცოდვილთა გასამართლებლად დათრგუნა სიკვდილი, რაკილა ისურვა მათსავით მოკვდარიყო. ძველ წმიდანებსაც მოუვლინე იგი, რათა მისი მომავალი ვნებებისადმი რწმენით გეხსნა და გეცხოვნა ისინი, როგორც ჩვენ გვაცხოვნებ მისი წარსული ვნებებისადმი რწმენით. როგორც კაცი, ის შუამავალია, როგორც სიგყვა კი - არა, რადგანაც სწორია ღმერთისა, ღმერთია ღმერთთან და თვითონვეა ერთი ღმერთი<sup>165</sup>.

69. როგორ შეგვიყვარე, მამაო სახიერო, რომ არ დაინდე შენი მხოლოდშობილი ძეც და ჩვენებრ უკეთურთა სახსნელად მიეცი იგი?!<sup>166</sup> როგორ შეგვიყვარე, რომ მან, ვისაც „ნაძარცვად არ შეურაცხავს შენს სწორად ყოფნა, თავი დაიმდაბლა და მორჩილი გახდა ვიდრე თვით ჯვარზე სიკვდილამდე“<sup>167</sup>, „ერთადერთმა თავისუფალმა მკვდართა შორის“<sup>168</sup>, რომელსაც ჰქონდა „ხელმწიფება დაედო და კვლავ დაეუბრუნებინა სული თვისი“<sup>169</sup>. იგია შენს წინაშე მძლეველიცა და მსხვერპლიც; მსხვერპლი რომაა, სწორედ იმიტომაა მძლეველი. იგია შენს წინაშე ჩვენი მღვდელმთავარიცა და შემონაწირიც; შემონაწირი რომაა, სწორედ

<sup>163</sup> რომ. VI, 23.

<sup>164</sup> I ტიმ. II, 5.

<sup>165</sup> შდრ. „ღვთის ქალაქისათვის“, IX, 15: „თუ ყველა კაცი უცილობლად უბედურია, რაკილა სასიკვდილოდაა განწირული, უნდა ვეძებოთ შუამდგომელი, რომელიც მართლოდენ კაცი კი არ იქნება, არამედ ღმერთიც, რათა მისმა კურთხეულმა მოკვდავობამ მათი მოკვდავი სისაწყლიდან რომ იხსნის ადამიანებს, კურთხეული უკვდავების მიმართ მიაქციოს ისინი. ეს შუამდგომელი მოკვდავი გახდა, ისე, რომ არ დაუკნინებია სიტყვის ღვთაებრიობა, არამედ მხოლოდ ხორცის უჩლურება შეიმოსა. აუცილებელი იყო, რომ მასში ერთმანეთს შერწყმოდა წარმავალი მოკვდავობა და წარუდინებელი ნეტარება, რათა იმისდა კვალად, რაც წარმავალია, სასიკვდილოდ განწირულთ დამსგავსებოდა და სიკვდილის წიაღიდან მარადისობის საუფლოში შეეყვანა ისინი“.

<sup>166</sup> შდრ. რომ. VIII, 32.

<sup>167</sup> ფილიპ. II, 6-8.

<sup>168</sup> შდრ. ფსალმ. 87, 6. „თავისუფალი მკვდართა შორის“: „ამ სიტყვებში სავსებით ნათელია სახე უფლისა. ვინ შეიძლება თავისუფალი იყოს მკვდართა შორის, გარდა იმისა, ვინც ცოდვილთა შორის ერთადერთია უცოდველი?.. მკვდართა შორის ისაა თავისუფალი, ვისაც ჰქონდა ხელმწიფება მიეცა სული თვისი და კვლავ დაეუბრუნებინა იგი“ („ფსალმუნებისათვის“, 87).

<sup>169</sup> იოანე X, 18.

იმიტომაა მღვდელმთავარი. მონები ვიყავით და შენს შეილებად გვაქცია; შენგან შობილი ჩვენს მონად და მსახურად იქცა.

ამიტომაც უფლება მაქვს, მისი იმედით მედგას სული: შენ განკურნავ ყოველგვარ სნეულებას ჩემსას მისი მეოხები<sup>170</sup>, ვინც მარჯვნივ გიზის და ჩვენი მეოხია შენს წინაშე<sup>171</sup>; ასე რომ არა, ვისი იმედითა უნდა მეცოცხლა? ურიცხვია და უმწარესი სნება და საგვივარი ჩემი; ურიცხვია და უმწარესი, მაგრამ შენი მკურნალობა უმეგესია. შეიძლებაოდა გვეფიქრა, თითქოს შენი სიციყვა იმდენად შორსაა კაცისაგან, რომ შეუძლებელია მას შეუერთდეს, და ამაზე ფიქრი სასოს მიგვხდიდა, მაგრამ შენი „სიციყვა ხორცად იქცა, და დაემკვიდრა ჩვენს შორის, მადლითა და ჭეშმარიტებით საგსე“<sup>172</sup>.

70. ჩემი ცოდვებით შეძრწუნებულმა და ჩემი სიგლახაკით დათრგუნვილმა უდაბნოში გაქცევა გადავწყვიტე, მაგრამ შენ აღმიდექი წინ და ამ სიციყვებით განმამკიცე: „ქრისტე იმიტომ მოვკდა ყველასთვის, რომ ცოცხალნი თავისთვის კი აღარ ცოცხლობდნენ, არამედ მისთვის, ვინც მათთვის მოკვდა“<sup>173</sup>. და აჰა, უფალო, „შენ მოგანდობ ჩემს საბრუნავს“<sup>174</sup>, რათა ვცხონდე და „ვიხილო საოცრებანი შენი სჯულისა“<sup>175</sup>. შენ იცი უმეცრება და უმწეობა ჩემი: მასწავლე და განმკურნე მე<sup>176</sup>. შენმა მხოლოდშობილმა ძემ, „რომელშიაც დათარულია სიბრძნისა და ცოდნის მთელი საუნჯე“<sup>177</sup>, თავისი სისხლით გამომისყიდა. მაშ, ცილს ნუ მწამებენ მზვობარნი, რადგანაც ვიცი ჩემი გამოსასყიდის ფასი, როცა ვჭამ, ვსვამ და მოყვასთაც ვუწილადებ წმიდათა-წმიდა მსხვერპლს; ღარიბ-ღატაკსა და უპოვარს მსურს გაუძლე მათთან ერთად, ვისაც შია და ძლება: „და აღიდებენ უფალს მაძიებელნი მისნი“<sup>178</sup>.

<sup>170</sup> მღრ. მათე IV, 23.

<sup>171</sup> რომ. VIII, 34.

<sup>172</sup> იოანე I, 14.

<sup>173</sup> II კორ. V, 15.

<sup>174</sup> ფსალმ. 54, 23.

<sup>175</sup> ფსალმ. 118, 18.

<sup>176</sup> ფსალმ. 6, 3.

<sup>177</sup> კოლ. II, 3.

<sup>178</sup> ფსალმ. 21, 27.

## წიგნი მათაროთმაცა

### I

1. ნუთუ, უფალო, ვისი ხვედრიცაა მარადისობა, არ იცი, რასაც გეუბნები? ან იქნებ იმას, რაც ღროში ხდება, მხოლოდ ღროშივე ჭვრეც? კი მაგრამ, მაშინ ასე დანწერილებით რაგომლა გიყვები ამას? რა თქმა უნდა, არა იმიტომ, რომ ჩემგან გაიგო ყოველივე ეს, არამედ იმიტომ, რომ შენდამი სიყვარული აღვძრა ჩემშიაც და ჩემი მკითხველების გულშიაც, რათა ყველამ თქვას: „დიდი ხარ, უფალო, და ღირსი იმისა, რომ ყველა გაქებდეს“<sup>1</sup>. ზემოთ უკვე ვთქვი და კვლავაც ვიგყვი<sup>2</sup>. ამას იმიტომ ჩავდივარ, რომ შენი სიყვარული მიყვარს. ჩვენ ხომ ვლოცულობთ, თუმცა ჭეშმარიტება გვეუბნება: „მამამ თქვენმა, ვიდრე სთხოვდეთ, მანამდეც იცის, თუ რა გჭირდებათ“<sup>3</sup>. ამრიგად, ჩვენს გრძნობებს მაშინ გიმჟღავნებთ, როცა აღსარებას გეუბნებით და ჩვენს უბედურებასა და ჩვენდამი შენს გუმონწყალებას ვაღიარებთ; მაშ, დაასრულე ჩვენი განთავისუფლება, რაც უკვე დაგინწყია, რათა უბედურნი კი არ ვიყოთ ჩვენდა თავად, არამედ ბედნიერნი - შენში. აკი მოგვიწოდე, ვყოფილიყავით სულით გლახაკნი, მშვიდნი, მგლოვიარენი, სიმართლისათვის მშიერ-მწყურვალნი, გულით უმანკონი და მშვიდობისმყოფელნი<sup>4</sup>.

ამიტომაც გაგანდე ამდენი რამე, როგორც შემეძლო და რაც მსურდა. აკი პირველმა თვითონ ისურვე, აღსარება მეთქვა შენთვის, უფალო ღმერთო ჩემო, „რადგანაც კეთილი ხარ და უკუნისამდეა წყალობა შენი“<sup>5</sup>.

### II

2. მაგრამ იკმარებს კია ჩემი კალამი<sup>6</sup> საიმისოდ, რომ გადმოსცეს შენი ყოველი შეგონება, შენი ყოველი მექარა, ყოველი ნუგეში თუ შთაგონება, რომელთა მეოხებითაც იქამდე მიმიყვანე, რომ შენი სიგჳვა მექადაგა და შენივე საიდუმლოებანი გამენდო შენი ერისთვის?<sup>7</sup> თუმცა კიდევაც რომ იკმაროს ყოველივე ამის დალაგებით და მწყობრი წესრიგით გადმოსაცემად, ჩემთვის მაინც ფასდაუდებელია და ძვირად მიღირს ღროის ყოველი წამი<sup>8</sup>.

<sup>1</sup> ფსალმ. 95, 4.

<sup>2</sup> იხ. „აღსარებანი“, I, 1.

<sup>3</sup> მათე VI, 8.

<sup>4</sup> იხ. მათე V, 3-9.

<sup>5</sup> ფსალმ. 117, 1.

<sup>6</sup> დედანში „lingua calami“ - „კალამის ენა“.

<sup>7</sup> 397 წლიდან ნეტარი ავგუსტინე ეპისკოპოსი იყო პიპონში.

<sup>8</sup> დედანში: „stilla temporum“ - „ღროის წვეთი“. ნეტარი ავგუსტინე წყლის საათს (კლექსიდრა) გულისხმობს.

რა ხანია მწევას იმის სურვილი, რომ შენს სჯულზე ვიფიქრო, რათა ამ გზით ვაღიარო ჩემი ცოდნაც და უმეცრეობაც, შენი სინათლის პირველი გამონაკრთომიც და ჩემში შთენილი ჩრდილიც ბნელისა, ვიდრე შენი ძალმოსილება არ შთანთქმავს ჩემს უძლურებას. არ მინდა სხვა რამეს მოვახმარო ის დრო, რომელიც მრჩება მას შემდეგ, რაც ჩემს თავზე აუცილებელ ზრუნვას, გონებრივ შრომასა და კაცთა მიმართ სამსახურს მოვრჩები, რომელიც ზოგჯერ აუცილებელია, ზოგჯერ კი არა, მაგრამ მე მაინც ვერ ვეშვები მას.

3. უფალო ღმერთო ჩემო, შეისმინე ჩემი ლოცვა<sup>9</sup>; შენი წყალობით ყურად იღე ჩემი სურვილი, რომელიც მარტოოდენ ჩემთვის როდი ბოხოქრობს ჩემში; მისი მეოხებით მინდა რაიმე ვარგო ჩემს მოყვასთ. აკი ხედავ, გულთამხილაუო, რომ ეს ასეა. ნება მიბოძე მსხვერპლად შემოგწირო ჩემი სიგყვაც და აზრიც. მომეცი, რაც უნდა გიძღვნა, „რადგანაც ღარიბ-ღატაკი ვარ“<sup>10</sup>, „შენ კი გულუხვი ბრძანდები ყველა შენი მხმობელის მიმართ“<sup>11</sup>. ყოველგვარი საზრუნავისაგან თავისუფალი ჩვენზე ზრუნავ. მაშ, წარხოცე ყოველგვარი უგუნურება და სიცრუე ჩემშიაც და ჩემს გარეთაც; დე, ნუ დასცდება იგი ჩემს ბაგეს, რათა წმიდა სიხარულად მექცეს შენი საღმრთო წერილი, რომ თავი ავარიდოთ საცთურს და არც თვითონ ვავხდე სხვისი ცთუნების მიზეზი. მისმინე, უფალო<sup>12</sup>, და შემინყალე, უფალო ღმერთო ჩემო, უსინათლოთა ნათელი და უძლურთა ძალავ, მარადჟამ ნათელი მხედველთა და ძლიერთა ძალმოსილება; ისმინე ღალადისი ჩემი სულისა, უფსკრულიდან რომ გიხმობს<sup>13</sup>. მაგრამ თუ ყურს არ მოაპყრობ ამ უფსკრულს, სადღა ნაფიდეთ? ვის შევღალადოთ?

„შენია დღე და შენია ღამე“<sup>14</sup>, შენი ნებით მიჰქრიან წამნი. უშურველად მომმადლე დრო, რათა გამუდმებით ვიფიქრო იმაზე, რაც დაფარულია შენს სჯულში; ნუ დახმავე კარს მის წინაშე, ვინც გიკაკუნებს. განა ამაოდ უკარნახე წინასწარმეცყველთ უღრმესი საიდუმლოს შემცველი ამდენი გვერდი? განა ამ უსიერ ტვერში არ ბინადრობენ ირმები, რომლებიც იმისთვის მოდიან აქ, რომ თავი შეაფარონ ჩრდილს, ან იხგუნონ, იკუნგრუშონ, ძოვონ, მოისვენონ და იცოხნონ?<sup>15</sup> ო, უფალო, გამინათლე გონება და გამიმუღავნე საღმრთო წერილის საიდუმლო. შენი ხმა ჩემი სიხარულია, ყოველწაირ სიგზობებაზე უგზბესი. მომეცი, რც მიყვარს: მე ხომ ნამდვილად მიყვარს. და სიყვარულიც შენ მომეცი. ნუ მომაკლებ შენს მონყალებას, ნუ ააღებ ხელს შენს უმწეო ბალახს, შენი იმედით რომ ცოცხლობს და ცდილობს ხარბად შეისრუტოს ცით მოვლენილი ცვარ-ნამი. მინდა აღსარება გითხრა და ვაღიარო

<sup>9</sup> ფსალმ. 60, 2.

<sup>10</sup> ფსალმ. 85, 1.

<sup>11</sup> რომ. X, 12.

<sup>12</sup> იერ. XVIII, 19.

<sup>13</sup> ფსალმ. 129, 1.

<sup>14</sup> ფსალმ. 73, 16.

<sup>15</sup> ნართაული მინიშნება ოცდამეხუთე ფსალმუნის მეცხრე მუხლზე. „უფლის ხმა - შენიშნავს ნეტარი ავგუსტინე ამ ფსალმუნის განმარტებისას (Migne, XXXVI, 214), - უწინარეს ყოვლისა, სრულქმნილებისაკენ მიუძღვის ყველას, ვისაც ძალი შესწევს დასძლიოს და დათრგუნოს მონამული ენის სიტყვები. ის მათ წინაშე გადამლის საღმრთო წერილის ბუნდოვანებას, მის უღრმეს საიდუმლოთა უსიერ ტვერს, სადაც მათ შეუძლიათ თავისუფლად ძოვონ“.



ყველაფერი, რასაც საღმრთო წერილში ვპოვებ, რათა „ვისმინო ხმა ქებისა“<sup>16</sup>, დაგეწათ და განვიცადო „შენი სჯულის საოცრებანი“<sup>17</sup>, დასაბამიდან მოყოლებული, როცა შეჰქმენი ცა და მიწა, საუკუნო სასუფეველით დამთავრებული, რომელსაც შენთან ერთად იზიარებს შენივე წმიდა ქალაქი.

4. უფალო, შემიწყალე და შეისმინე ჩემი სურვილი<sup>18</sup>. არათფერი ამქვეყნიური არა მსურს: არც ოქრო-ვერცხლი, არც პატიოსანი თვლები, არც სასალუქო სამოსი, არც სახელი და დიდება, არც ძალაუფლება, არც ხორციელი განცხრომა, არც ის, რაც აუცილებელია ჩვენი სხეულისათვის ამქვეყნიური ცხოვრების გზაზე, ვინაიდან „ყოველივე ეს მოგვეცემა, ვინც ვეძიებთ უპირველესად უფლის სასუფეველსა და მის სიმართლეს“<sup>19</sup>.

იხილე, ღმერთო ჩემო, საიდან იღებს დასაბამს ჩემი სურვილი. „მიამბეს უკეთურებმა თავიანთი ცბობის ამბავი, მაგრამ არა შენი სჯულისამებრ, უფალო“<sup>20</sup>. აი, საიდან წარმოსდგება ჩემი სურვილი. მომხედე, მამაო, მიხილე და შემიწყნარე, რათა ვპოვო წყალობა შენი მონყალების წინაშე, და გაიღოს ჩემს კაკუნზე შენს სიცივეებში დაფარული იღუმალების კარი. გემუდარები ჩვენი უფლის - იესო ქრისტეს სახელით, მარჯვნივ რომ გიზის, კაცის ძის სახელით<sup>21</sup>, რომელიც დაადგინე შუამავლად შენსა და ჩვენს შორის, ვისი მეოხებითაც გვეძებდი შენს არმძებნელთ; მიტომ გვეძებდი, რომ ჩვენ გვეძებნე. გემუდარები შენი სიცივის სახელით, რომლის მეოხებითაც შეჰქმენ ყოველი, და მათ შორის მეც; შენი მხოლოდშობილი ძის სახელით, ვისი მეოხებითაც იშვილე მორწმუნენი, და მათ შორის მეც; გემუდარები მისი სახელით, ვინც შენს მარჯვნივ ზის, სახელით ჩვენი მეოხისა, „რომელშიაც დაფარულია სიბრძნისა და ცოდნის მთელი საუნჯე“<sup>22</sup>, რასაც ვეძებ შენს საღმრთო წერილში. მოსე წერდა ამის თაობაზე; თვითონვე ამბობს; ჭეშმარიტება ამბობს ამას.

### III

5. მომეცი ძალა, უფალო, ვისმინო და მივხვდე, როგორ „შეჰქმენი თავდაპირველად ცა და მიწა“<sup>23</sup>. მოსემ დაწერა ეს; დაწერა და გაუჩინარდა: შენგან მოსული შენვე დაგიბრუნდა. ასე რომ, დღეს ჩემს წინაშე აღარ არის. აქ რომ იყოს, ხელს ჩავავლებდი, ყველაფერს დაწვრილებით გამოვკითხავდი და შენს სახელს დავაფიცებდი, ჩემთვისაც გაემუღავნებინა ეს საიდუმლო; სულგანაბული მივუგდედი ყურს მის ბაგეთაგან გამოსულ სიცივეებს. თუ ებრაულად დამიწყებდა ლაპარაკს, მისი ხმა ამაოდ მისწვდებოდა ჩემს სასმენელს, ხოლო თუ

<sup>16</sup> ფსალმ. 25, 7.

<sup>17</sup> ფსალმ. 118, 18.

<sup>18</sup> ფსალმ. 26, 7.

<sup>19</sup> მათე VI, 33.

<sup>20</sup> ფსალმ. 118, 85.

<sup>21</sup> შდრ. ფსალმ. 79, 18.

<sup>22</sup> კოლ. II, 3.

<sup>23</sup> დაბად. I, 1.

ლათინურად გამცემდა პასუხს, მის ნათქვამს კი გავიგებდი, მაგრამ ვინ მეცყოდა, რომ მართალს ამბობს? თუმცა კიდევაც რომ მცოდნოდა ეს, განა მისი წყალობით მეცოდინებოდა? არა, თვით ჩემში, ჩემივე აზრის საფანეში მეცყოდა ამას ჭეშმარიტება, რომელსაც არც ებრაული სჭირდება, არც ბერძნული, არც ლათინური და არც ბარბაროსთან ენა; ენითა და ბაგეებით კი არა, ჩუმად და უხმოდ მეცყოდა, მართალს ამბობსო<sup>24</sup>, და მეც, საფსებით დარწმუნებული, დაუყოვნებლივ ვეცყოდი შენს კაცს<sup>25</sup>, მართალს ამბობ-მეთქი.

მაგრამ რაკი არ შემძლია მას ვკითხო, ამიგომ შენ გეკითხები, ჭეშმარიტებაჲ, რადგან სწორედ შენ შთააგონებდი სიმართლეს; დიახ, შენ გვევდრები, ღმერთო ჩემო, მომიტევე ჩემი ცოდვები<sup>26</sup>, და როგორც ამ სიტყვების წარმოთქმის ძალი მიჰმადლე შენს მსახურს, მეც მიბოძე მათი გაგების უნარი.

#### IV

6. აჰა, ცა და მიწა, რომელნიც ღაღადებენ, შექმნილნი ვართო; რადგანაც იცვლებიან და სხვადასხვაა მათი იერი. ხოლო იმაში, რაც შეუქმნელია, მაგრამ მაინც არსებობს, არა არის რა ისეთი, აღრე რომ არ ყოფილიყო, ესე იგი, შეუქმნელთათვის უცხოა ცვალებადობა და სხვაობა.

თუმცა ისინიც ღაღადებენ, თვითონვე როდი შეგვექმნია ჩვენი თავიო: „ამიგომ ვარსებობთ, რომ შექმნილნი ვართო: აკი არ ვყოფილვართ, სანამ გაეზნებოდით; მაგრამ ჩვენდა თავად ხომ არ შეგვეძლო გაჩენა“. და თვით სიცხადე ადასტურებს მათ ღაღადისს.

ამრიგად, უფალო, შენ შექმენ ისინი. მშვენიერი ხარ, და ისინიც მშვენიერნი არიან; კეთილი ხარ, და ისინიც კეთილნი არიან; არსი ხარ, და ისინიც არსებობენ; მაგრამ ისინი მშვენიერნი და კეთილნი როდი არიან, და არც ისე არსებობენ, როგორც შენ, მათი შემოქმედი. შენთან შედარებით ისინი არც მშვენიერნი არიან, არც კეთილნი და არც არსებულნი<sup>27</sup>.

ვიცით ეს და ამიტომაც ვწირავთ მადლს; მაგრამ ჩვენი ცოდნა უმეცრებაა შენს ცოდნასთან შედარებით<sup>28</sup>.

<sup>24</sup> ივულისხმება ის უტყუარი კრიტერიუმი, ნეოპლატონიკოსთა მიხედვით, უზენაესა გონებამ რომ უბოძა თვითიველ ჩვენგანს.

<sup>25</sup> ე.ი. მოსეს.

<sup>26</sup> შდრ. იობი XIV, 16.

<sup>27</sup> შდრ. ბლეზ პასკალი: „ბუნებაში არსებობს სრულქმნილება, რაც გვიჩვენებს, რომ ის ღმერთის მსგავსებაა, და არსებობს ნაკლოვანება, რაც გვიჩვენებს, რომ ის მხოლოდ მსგავსებაა მისი“ („აზრები რელიგიის შესახებ“, XVI, 67).

<sup>28</sup> შდრ. პერაკლიტე ეფესელი: „უაცთავან ყველაზე ბრძენი ღმერთთან შედარებით მაიმუნი გვეგონება სიბრძნის, სიმშვენიერისა და სხვა მისთანათა მხრივ“ (დილსი, ფრაგმ. 83). პერაკლიტეს ეს სიტყვები ციტირებულია პლატონის „დიდ ჰიპიაში“ (იხ. პლატონი, იონი. დიდი ჰიპია. მენონი. ძველი ბერძნულიდან თარგმნა, წინათქმები და შენიშვნები დაურთო ბ.ბრეგვაძემ, თბ. 1974, გვ. 65).

V

7. მაშ, რანაირად შეჰქმენი ცა და მიწა, ან რა იარაღს იყენებდი შენი ღიადი შრომისას? განა ისე მოქმედებდა, როგორც ოსტატი, ერთი საგნის მეშვეობით რომ აკეთებს მეორეს? მის სულს, საკუთარი ნება-სურვილით, შეუძლია იმნაირი სახე მისცეს თავის ნახელავს, რა სახითაც მას თავის თავშივე ჭვრეცს გონების თვალთ. კი მაგრამ, რისი წყალობით შეუძლია? იმის წყალობით, რომ შენ შეჰქმენი, და ისიც გარკვეულ თორმას ანიჭებს მასალას, რომელიც უკვე არსებობს ამა თუ იმ სახით, ვთქვათ, მიწას, ხეს, ოქროს და სხვა მისთანათ. შენ რომ არ შეგექმნა ყოველივე ეს, საიდან მიიღებდა დასაბამს? ოსტატს შენ მიეც სხეულიცა და სულიც, რომელიც წარმართავს მის ასოებს; შენვე უბოძე მასალაც, რომელიც შეიძლება დაამუშავოს; ნიჭიც, რომლის წყალობითაც შეითვისა თავისი ხელოვნება, და გონების თვალთა ხედავს, რას აკეთებენ მისი ხელები; ხორციელი გრძნობებიც, რომელთა მეშვეობითაც მისი სული მასალას გადასცემს იმას, რისი შექმნაც სურს, ხოლო სულს ეუნწყება, თუ რა შეიქმნა, რათა ჭეშმარიტებამ, რომლის საგანეც სულშია, შეათვასოს ნაკეთობის ავ-კარგი.

და ყოველივე ეს გადიდებს შენ, ყოვლის შემოქმედს. მაგრამ რანაირად ქმნი ამას? რანაირად შეჰქმენი, ღმერთო, ცა და მიწა? რა თქმა უნდა, არც ცაში და არც მიწაზე არ შეგიქმნია ისინი; არც ჰაერში თუ წყალში, რადგანაც ეს უკანასკნელნი ცასა და მიწას ეკუთვნიან. არც სამყაროში შეგიქმნია სამყარო, რადგანაც არსად იყო ადგილი, სადაც შეიძლებოდა წარმოქმნილიყო, ვიდრე არ წარმოიქმნა, რათა არსებობა დაეწყო. არც არა გქონდა რა ხელთ, რისგანაც შეიძლებოდა შეგექმნა ცა და მიწა. ან კი ვინ მოგცემდა მასალას, თუ უფრო უმაღლ არ შექმნიდი მას, რათა შემდეგ მისგან შეგექმნა ყოველი? ყველაფერი, რაც კი არსებობს, მხოლოდ იმიტომ არსებობს, რომ შენ არსებობ. ამრიგად, შენ თქვი და „იქმნა“<sup>29</sup>; ყველაფერი შენი სიტყვით შეიქმნა<sup>30</sup>, უფალო.

VI

8. მაგრამ როგორ თქვი? ისე ხომ არა, როგორც მაშინ, როცა ღრუბლებიდან გაისმა შენი ხმა: „ეს არის ძე ჩემი საყვარელი?“<sup>31</sup> ეს ხმა გაისმა და მიყუჩდა; გაიხმიანა და მიწყდა. ბგერებმა გაიჟღერეს და გაქრნენ: პირველს მეორე მოჰყვა, მეორეს - მესამე და ასე შემდეგ, უკანასკნელ ბგერამდე, რომლის შემდეგაც სიჩუმემ დაისადგურა. აქედან აშკარაა, რომ ისინი თავისი მოძრაობით წარმოშვა შენმა წარმატებამ ქმნილებამ<sup>32</sup>, შენი წარუვალნი ნების მსახურმა. და ღროის მოკლე შუალედში წარმოთქმული ეს შენი სიტყვები გარეგანმა სმენამ

<sup>29</sup> შდრ. ფსალმ. 32, 9; 6.

<sup>30</sup> შდრ. იოანე I, 3.

<sup>31</sup> მათე III, 17.

<sup>32</sup> როგორც ჩანს, ნეტარი ავეუსტინე აქ გულისხმობს ჰაერს და იმ როლს, რასაც, ძველ ბერძენ ფილოსოფოსთა მოძღვრებით, ის ასრულებს ბგერის გადაცემისას.

აუნა გონებას, შინაგანი სმენით რომ აყურადებს შენს წარუვალ სიგყვას. და როცა ერთმანეთს შეუდარა ეს ორი სიგყვა: ღროის მოკლე შუალედში წარმოთქმული და წარუვალი, მარადიულ დუმილში დაგანებული, - გონებამ თქვა: „არა, ეს სხვაა, სულ სხვა; ეს სიგყვები ჩემზე უკნინესნი არიან, ისინი საერთოდ არ არსებობენ, რაკილა გაიხმინებენ და გაქრებიან; სიგყვა ჩემი ღმერთისა კი ჩემზე უბნაესია და წარუვალი“<sup>33</sup>.

ამრიგად, თუ შენ წამით გახმინებული და გამქრალი სიგყვით უბრძანე არსებობა ცასა და მიწას, თუ ამნაირად შეჰქმენი ისინი, მაშასადამე, ცასა და მიწაზე უწინარეს უნდა არსებულებო ერთგვარი სხეულებრივი ქმნილება, რომლის ხანმოკლე რხევებსაც უნდა გადაეცათ ეს ხმა, ასევე მოკლე ღროში რომ გაისმა. მაგრამ არავითარი სხეული არ არსებობდა ცასა და მიწაზე უმაღლეს, ანდა, თუ არსებობდა, მსწრაფლწარმავალი ხმით როდი შექმნიდი მას, რათა წარმოეთქვა ეს წარმავალი სიგყვა, რომლითაც არსებობს უბრძანებდი ცასა და მიწას. კი მაგრამ, რას შეეძლო გამოეცა ამნარი ხმა, თუ არა შენსავე ქმნილებას? მას, რა სიგყვა წარმოსთქვი იმის შესაქმნელად, რასაც შეეძლო ეს სიგყვები წარმოეთქვა?

## VII

9. ასე მოგვიწოდებ შევიცნოთ სიგყვა - ღმერთი, რომელიც არის ღმერთთან<sup>34</sup>; სიგყვა, რომელიც მარადეამ წარმოითქმის და ყოველივე მის მიერ წარმოითქვა უკუნისიდან. რაც მის მიერ წარმოითქვა, არასოდეს გადავა, არ განქარდება. ყოვლის წარმოსათქმელად სულაც არაა აუცილებელი თანმიმდევრულად, ერთიმეორის მიყოლებით თქვა, რასაც ამბობ: ყველაფერი მარადიულია და ერთდროული. ასე რომ არ იყოს, წარმავლობაც იქნებოდა და ცვალებადობაც, მაგრამ არა ჭეშმარიტი წარუვალობა და ჭეშმარიტი უკვდავება.

მე ვიცი ეს, ღმერთო ჩემო, ვიცი და მადლობას გწირავ<sup>35</sup>; მე ვიცი, შენს წინაშე ვაღიარებ, უფალო, და ჩემთან ერთად იცის და გაკურთხებს ყველა, ვინც უმადურობას არ იჩენს მას შემდეგ, რაც შეიცნო ეჭმეუვალი ჭეშმარიტება. ჩვენ ვიცით, უფალო, ღიახს, ვიცით, რომ აღარ ვიყოთ ის, რაც ვიყავით, ან ვიქეცით იმად, რაც არ ვყოფილვართ, სხვა არა არის რა, თუ არა სიკვდილი და დაბადება. შენს სიგყვაში კი არაფერი არ ქრება, არაფერი არ იცვლება, არაფერი არ იკავებს წინამორბედის ადგილს: ყველაფერი უკვდავია და წარუვალი. ამიტომაცაა, რომ შენი მარადიული სიგყვით ერთდროულად და სამარადისოდ წარმოსთქვამ ყველაფერს, რასაც წარმოსთქვამ; არსებობად მოქცევა ყოველი, რასაც უბრძანებ იარსებოს.

<sup>33</sup> შლრ. ესაია XL, 8.

<sup>34</sup> შლრ. იოანე I, 1.

<sup>35</sup> შლრ. I კორ. I, 4.

და მაინც, ყოველივე ის, რასაც შენი სიგყვითა ქმნი, არც ერთდროულად იღებს დასაბამს და არც უკუნისიდან.

## VIII

10. მაგრამ რას გეკითხები, უფალო ღმერთო ჩემო? მე თითქოს ვხვდები ამას, მაგრამ არ ვიცი, როგორ გამოვხატო. იქნებ ყველაფერი, რაც იწყებს ან წყვეტს არსებობას, მაშინ იწყებს და წყვეტს, როცა უნდა დაიწყოს და შეწყვიტოს იგი, რაც ცნობილია ნარუვალის გონებისათვის. სწორედ ეს გონებაა შენი სიგყვა, ანუ „დასაბამი“<sup>36</sup>, როგორც გვეუწყა. ამას თვითონვე ამბობს სახარებაში თავისი ხორციელი ხმით. ეს სიგყვა ვარე სამყაროში გახშირდა კაცთა სასმენად, რათა ერწმუნათ, თავიანთ გულში დაეწყეთ ძებნა და მარადიულ ჭეშმარიტებაში ეპოვნათ, სადაც ერთადერთი და კეთილი მოძღვარი<sup>37</sup> მოძღვრავს თავის მონათევებს<sup>38</sup>.

იქ მესმის შენი ხმა, უფალო, რომელიც მესიგყვება, რადგანაც თვით ის გველაპარაკება, ვინც გვმოძღვრავს; ხოლო ვინც არ გვმოძღვრავს, კიდევაც რომ ლაპარაკობდეს, ჩვენთვის როდი ლაპარაკობს<sup>39</sup>. მაგრამ გვეყავს კია სხვა მოძღვარი, ურყევი ჭეშმარიტების გარდა? თვით მაშინაც კი, როცა მერყევი არსება გვასწავლის, ცვალებადობას რომ ექვემდებარება, მას მაინც უცვლელ ჭეშმარიტებამდე მივყავართ, და სწორედ ესაა ნამდვილი სწავლა: ვდგავართ, ვუსმენთ და „სიხარულით ვხარობ სიძის ხმის გაგონებისას“<sup>40</sup>, იქ რომ გვაბრუნებს, საიდანაც მოვსულვართ. ამიგომაცაა ის „დასაბამი“: ურყევად რომ არ იდგეს, ვიდრე ჩვენ ვწრიალებთ და აქეთ-იქით ვაწყდებით, მაშინ სადღა დავბრუნდებოდით?<sup>41</sup> როცა ცთომილებისგან თავდაღწეულნი ვბრუნდებით, ცხადია, იმიტომ ვბრუნდებით, რომ ჩვენი ცთომილება შევიცნეთ, ხოლო მის შეცნობაში ისევ ის გვშეგლის, ვინც „დასაბამია“ და ჩვენი მოძღვარი.

<sup>36</sup> შდრ. იოანე, VIII, 25: „უთხრეს მას: ვინა ხარ შენ? და უთხრა მათ იესომ: დასაბამად რას გვეუბნებით?“

<sup>37</sup> იგულისხმება იესო ქრისტე.

<sup>38</sup> შდრ. მათე XXIII, 8.

<sup>39</sup> იოანეს სახარების ზემოთ უკვე ციტირებული მუხლის - VIII, 25 - განმარტებისას ნეტარი ავგუსტინე ამბობს, რომ ქრისტემ აუნცა მოციქულებს ჭეშმარიტება. მარადიული სიტყვა გაუგებარი დარჩებოდა მათთვის, მაგრამ ღმერთი განკაცდა და ჩვენს უძლურებამდე დაიმდაბლა თავი: „მამ, ირწმუნეთ, რომ მე ვარ დასაბამი, რადგანაც, ეს რომ ირწმუნოთ, მე არა მართო ვარ, არამედ კიდევ გელაპარაკებით“.

<sup>40</sup> იოანე III, 29.

<sup>41</sup> „საით მიიქცეს ადამიანი, რომ კეთილი გახდეს, თუ არა იმ სიკეთისაკენ, რომელიც უყვარს, რომელსაც მიეღტვის, რომელსაც ეძებს?“ („სამებისათვის“, 8, 3).



IX

11. ამ „დასაბამით“ - შენი სიგყვით, შენი ძით, შენი ძალით, სიბრძნითა და ჭეშმარიტებით შეჰქმენი, ღმერთო, ცა და მიწა, სასწაულებრივ მეგყველმა და სასწაულებრივ მოქმედმა. ვინ ჩასწვდება, ან ვინ აგვიხსნის ამ სასწაულს? რა არის ეს, შორით რომ კიათობს და განწონის ჩემს გულს, მაგრამ ისე კი, რომ არას აფნებს? შეძრწუნებული ვართი და სიყვარულის სახმილით ვინვი: ვძრწნი იმდენად, რამდენადაც შენ არა გვაგარ; სიყვარულის სახმილით კი ვინვი იმდენად, რამდენადაც შენი მსგავსი ვარ. სიბრძნე კიათობს, თვით სიბრძნის ნათელი მინათებს ღრუბლებიდან, რომლებიც კვლავ გარს მახვევიან, ჩემი გაუძლისი წამებით სასომიხდილსა და სვედავსილობის სიბნელით გარემოცულს. ისე „დაუძლორდა ჩემი ძალა საღმობით“<sup>42</sup>, რომ აღარ შემიძლია ვიგვიროთ თვით ჩემი სიკეთე, ვიდრე შენ, უფალო, „მონყალევ და შემწდობო ყველა ჩემი შეცოდებისა“, არ „განკურნავ ჩემს სწეულებებს“<sup>43</sup>. მაშინლა ისინი ჩემს ცხოვრებას ხრწნილებისაგან, შენი წყალობით და შეწყნარებით გვირგვინოსანმყოფ და „სიკეთით აღავსებ ჩემს სურვილს“, რადგანაც „განახლდება ჩემი სიჭაბუკე, როგორც ორბისა“<sup>44</sup>. „სასოებით ვცხონდებით“<sup>45</sup> და „მოთმინებით მოველით“<sup>46</sup>, როდის აღასრულებ შენს აღთქმას.

დაე, ვისაც შეუძლია, გონების ყური მიაპყროს შენს სიგყვებს. მე კი, შენს წინასწარმეგყველებას მინდობილი, შემოგლაღადებ: „რარიგ დიდებულნი არიან, უფალო, შენი საქმენი; ყველათერი სიბრძნით შეჰქმენი“<sup>47</sup> სწორედ შენი სიბრძნეა დასაბამი და ამ დასაბამით შეჰქმენი ცა და მიწა.

X

12. აჰა, სიბერის სიბრძნეში<sup>48</sup> დანთქმულა მათი გონება, ვინც გვეკითხება: „კი მაგრამ, რას აკეთებდა ღმერთი ცისა და მიწის შექმნამდე? თუკი არათერსაც არ აკეთებდა უქმად მყოფი, რაცომ სამუდამოდ არ დარჩა ასევე უქმად, როგორც უკუნისიდან იყო? ხოლო თუ ღმერთში თავს იჩენს ახალი ნება-სურვილი იმის შექმნისა, რაც მანამდე არასოდეს არ შეუქმნია, მაშინ რაღა მარადიულობა ეთქმის იმას, რაშიაც მანამდე არარსებული სურვილი ჩნდებდა? და მართლაც, ნება ღმერთის ქმნილება კი არა, ყოველგვარ ქმნილებაზე

<sup>42</sup> ფსალმ. 30, 11.

<sup>43</sup> ფსალმ. 102, 3.

<sup>44</sup> ფსალმ. 102, 5.

<sup>45</sup> რომ. VIII, 24.

<sup>46</sup> რომ. VIII, 25.

<sup>47</sup> ფსალმ. 103, 24.

<sup>48</sup> „თავის ქადაგებაში (267, 2) სახარების იგავის განმარტებისას, რომლის მიხედვითაც ახალი ღვინო (მაჭარი) ძველ ტიკში არ უნდა ჩაისხას, ნეტარი ავგუსტინე ხორციელ კაცთან აიგივებს ძველ („ბებერ“) კაცს“. - ჰიერ დე ლაბრიოლის შენიშვნა. იხ. „აღსარებათა“ დასახ. გამოც. გვ. 304.

უწინარესია, რადგანაც შეუძლებელი იქნებოდა რისიმე შექმნა, შემოქმედის ნება შექმნილზე აღრე რომ არა არსებულიყო. ამრიგად, ღმერთის ნება განუყოფელია თვით მისი სუბსტანციისაგან. ხოლო თუ ღვთაებრივ სუბსტანციაში თავს იჩენს ის, რაც მანამდე არ ყოფილა მასში, ამნაირ სუბსტანციას მარადიულს ვერ ვუნოდებთ, და ცამდე მართალნიც ვიქნებით. თუკი მარადიული იყო სამყაროს შექმნის ღვთაებრივი ნება-სურვილი, მაშინ რატომ არ არის მარადიული მისი ქმნილება?<sup>49</sup>.

## XI

13. ამის მოქმელთ ჯერ კიდევ არ ესმოდათ ღვთაებრივი სიბრძნე, რომელიც გაანათლებს კაცთა გონებას; ჯერ კიდევ არ ესმით ყოველივე ის, რაც შენით და შენში წარმოიქმნა, უფალო. ისინი ცდილობენ, ჩასწვდნენ მარადისობის არსს, მაგრამ ღროის ნაკადი კვლავინდებურად მიაქანებს მათ გულს, რომელიც ღღემდე ამაოებითაა სავსე.

ვინ შეაჩერებს და გასაქანს არ მისცემს მას, რათა თუნდაც ნამით შემდგარმა აღიქვას მარად უძრავი მარადისობის სხივოსანი ათინათი და ღროის უწყვეტ დინებას შეადაროს იგი? დაე, დარწმუნდეს, რომ ისინი არათანაბომადნი არიან; დაე, შეიგნოს, რომ ღროის ხანგრძლივობას ურიცხვი მსწრაფლწარმავალი ნამის სიმრავლე განაპირობებს, გამუდმებით რომ ენაცვლებიან ერთმანეთს. მარადისობაში არა არის რა წარმავალი, არამედ მარადი ანმყო, მთელი თავისი სისავსით. დრო კი ვერასოდეს ვერ იქნება პირქმინდად ანმყო; დაე, მიხვდეს, რომ მთელ წარსულს მომავალი მიერეკება, რომ მთელი მომავალი წარსულს მისდევს, ხოლო ერთიცა და მეორეც იმისგან იღებს დასაბამს, იმისგან მომდინარეობს, რასაც მარადი ანმყო ჰქვია<sup>50</sup>. ვინ შეაჩერებს კაცის გულს, რათა უძრავად შემდგარმა იხილოს, თუ როგორ განაპირობებს წარსულსაც და მომავალსაც მარად უძრავი მარადისობა, რომლისთვისაც უცხოა წარსულიც და მომავალიც.

შესწევს კი ჩემს ხელს ამდენი ძალა? ან ენას ჩემსას თუ შეუძლია სიცყვით გადმოსცეს ეს სასწაული?

<sup>49</sup> თავის გრანდიოზულ თხზულებაში „ღვთის ქალაქისათვის“ (XII, 12 და შმდ.) ნეტარი ავგუსტინე უფრო დანვრილებით ჩერდება ამ პრობლემაზე, თუმცა იქვე აღიარებს, რომ მისი გადაჭრა ადამიანური გონების შესაძლებლობას აღემატება.

<sup>50</sup> იხ. პირველი წიგნის შენ. 29.

## XII

14. აი, ჩემი პასუხი იმას, ვინც მეკითხება: კი მაგრამ, რას აკეთებდა ღმერთი სამყაროს შექმნამდე?

ისე როლი მიუგვებს, როგორც, გადმოცემით, მიუგია ვილასას, რათა ხუმრობით აერიდებინა თავი დაჟინებული კითხვისათვის: რას აკეთებდა და გეენის ცეცხლს უმზადებდა უზენაესი საიდუმლოს მხსრეველთათ. მაგრამ ერთია ნათლად ხედვა, და მეორე - მასხრად აგდება. არა, ასე კი არ მიუგვებდი, არამედ ვარჩევდი მეთქვა: რაც არ ვიცი, არ ვიცი-მეთქი, მაგრამ მასხრად კი არ ავიგდებდი იმას, ვინც უზენაესი საიდუმლოების თაობაზე მეკითხება რამეს, ანდა შევაქებდი კაცს, სიცრუით რომ პასუხობს ამნაირ კითხვას.

მე შენ ყოველი ქმნილების შემოქმედს გინოდებ, ღმერთო ჩემო, და თუ „ცად და მინად“ ყოველი ქმნილება იგულისხმება, თამამად ვიგყვი: ცისა და მიწის შექმნამდე ღმერთი არაფერსაც არ აკეთებდა; რაღაცის კეთება მისთვის ხომ შექმნას ნიშნავდა? ო, ნეცა ყველაფერი, რაც მინდა ჩემდა სასიკეთოდ ვიცოდე, ისევე კარგად ვიცოდე, როგორც ის, რომ არაავითარი ქმნილება არ ყოფილა მანამ, სანამ შეიქმნებოდა.

## XIII

15. ხოლო თუ ვინმე თავყარიანი გარდასულ დროთა ხატებებს შორის დაეხეგება და კითხულობს, რატომაა, რომ შენ, უფალო, ყოვლისმძლეო და ყოვლისმპყრობელო, ცისა და მიწის შემოქმედო, - უთვალავი საუკუნის მანძილზე არ შესდგომიხარ შენს ღიად საქმეს, დაე, გამოიღვიძოს და მიხვდეს, რაოდენ თუჭია და ამაო მისი განცვიფრება.

რანაირად უნდა გაველო უთვალავ საუკუნეს, თუკი ისინი ჯერ კიდევ არ შეგექმნა საუკუნეთა შემოქმედსა და დასაბამიერ მიზეზს? განა შეიძლება არასებობდეს დრო, შენ რომ არ იყო მისი დასაბამი? ან რანაირად შეიძლებოდა გაველო, თუკი ჯერ კიდევ არ არსებობდა?

და რაკი შენა ხარ ყოველი დროის შემოქმედი<sup>51</sup>, ამიტომ, თუკი ცისა და მიწის შექმნამდე შეიძლება წარმოვიდგინოთ გარკვეული დროის არსებობდა, რა უფლება გვაქვს ვამტკიცოთ, თითქოს უქმად და უმოქმედოდ იყავი?<sup>52</sup> თვით ეს დრო სწორედ შენ შექმენი, და, რა თქმა უნდა, ვერავითარი დრო ვერ გავიდოდა, ვიდრე შენ არ შექმნიდი მას. ხოლო თუ ცასა და მიწაზე უწინარეს საერთოდ არ იყო დრო, რაღად ვკითხულობთ, რა იყო „მაშინ“? როცა არ იყო დრო, არ იყო არც „მაშინ“.

<sup>51</sup> დედანშია არა „creator“, არამედ სრულიად მოულოდნელი „operator“.

<sup>52</sup> შდრ. დაბად. II, 3.

16. არა, დროში როდი იყავი დროთა უადრეს, თორემ მაშინ ვერ იქნებოდაი ყველა დროზე უწინარესი. შენ წინ უსწრებდი მთელ წარსულს, მარადისობის წარუვალნი ანმცოს თხემზე დავანებული და მთელ მომავალზე უბენაესი, რადგანაც მომავლი მოვა და წავა, „შენ კი მარად იგივე ხარ, და შენი წლები არ დაილევებიან“<sup>53</sup>. შენი წლები არც მოდიან და არც მიდიან. შენი წლები უძრავნი არიან და ერთდროულნი: ისინი დგანან. მომავალნი როდი განდევნიან მიმავალთ, რადგან ისინი საერთოდ არ გადიან. ჩვენი წლები კი მაშინ გასრულდებიან, როცა ყველანი წარსულად იქცევიან. „შენი წლები როგორც ერთი დღე“<sup>54</sup>, ხოლო ეს დღე ყოველდღიურად როდი ახლდება, არამედ ყოველდღე ერთი და იგივეა, რადგანაც შენი დღევანდელი დღე ადვილს არ უთმობს ხვალინდელს და არც ცვლის გუშინდელს<sup>55</sup>. შენი დღევანდელი დღე მარადისობაა, ამიტომაც შენი თანამარადისია<sup>56</sup> შენი ძე, რომელსაც უთხარი: „დღეს გშობე შენ“<sup>57</sup>. ყველა დრო შენ შექმენი და ყველა დროზე უწინარესი ხარ, რადგანაც არ არსებულა ისეთი დრო, როცა დრო სულ არ იყო.

#### XIV

17. არ არსებულა ისეთი დრო, როცა შენ არ შეგექმნას რამე; აკი შენა ხარ თვით დროის მოქმედი. არ არსებობს დრო, შენი თანამარადისი რომ იყოს, რადგანაც შენ წარუვალნი ხარ, ხოლო დრო რომ წარუვალნი იყოს, დროც აღარ იქნებოდა იგი.

რა არის დრო?<sup>58</sup> ვინ განმარტოს ეს მარტივად და სხარტად? ვინ ჩასწვდეს ამას გონებით, რათა შემდეგ აგვიხსნას ცხადად? მაგრამ რა არის ჩვენთვის უფრო ჩვეულებრივი და

<sup>53</sup> ფსალმ. 101, 28.

<sup>54</sup> II პეტრე III, 8.

<sup>55</sup> შტრ. წიგნი I, VI, 10: „განა შეიძლება სხვაგან დიოდეს წყარო, საიდანაც ჩუხუხით იღვრება ჩვენში არსება და სიცოცხლე? არა, შენა გვექმნი, უფალო, ვისთვისაც ერთია არსებობა და სიცოცხლე, რადგანაც შენა ხარ უზენაესი არსებობა და უზენაესი სიცოცხლე. დიახ, უზენაესი ხარ და უცვლელი, დღევანდელი დღე არასოდეს მთავრდება შენში, თუმცა არა, მაინც მთვრდება, რადგანაც ყოველი დღე შენშია; და ვერც ერთი დღე ვერ გაიკვლევდა გზას, შენში რომ არ ყოფილიყო. ხოლო რაკი „შენი წლები წარუვალნი არიან“, სწორედ ეს წლები დღევანდელი დღე. ვინ მოსთვლის, ჩვენი წინაპრების რამდენ დღესა და წელს გაუვლია შენი დღევანდელი დღის ვავლით, რომლისგანაც შეუძენიათ ელფერი და ზიარებიან არსებობას, ანდა რამდენი გაივლის კიდევაც, რომდენი შეიძენს იმავე ელფერს და ეზიარება იმავე არსებობას. „შენ კი ერთი და იგივე ხარ“: ყოველივე ხვალინდელს „დღევანდელად“ აქცევ, როგორც აქამდე გიქცევი“...

<sup>56</sup> დედანში ზუსტად ასეა: „coaeternus“

<sup>57</sup> ფსალმ. 2, 7; ებრ. V, 5.

<sup>58</sup> „რა არის დრო?“ – ამ კითხვით ჩვენ მივადგებით „აღსარებათა“ და, საერთოდ, ნეტარი ავეკუსტინეს მოძღვრების ერთ-ერთ კარდინალურ პრობლემას, რომლის გადაჭრითაც უფრო ადრე ცდილობდა ანტიკური სიბრძნისმეტყველება, უფრო გვიან კი შუა საუკუნეების, რენესანსისა თუ ახალი დროის ევროპული კულტურის წიაღში აღმოცენებული თითქმის ყველა უნივერსალური ფილოსოფიური სისტემა.

მკითხველს ალბათ ახსოვს დიდი გერმანელი მწერლისა და მოაზროვნის თომას მანის სიტყვები, რომლებითაც იწყება „ჯადოსნური მთის“ მეექვსე თავი და რომლებშიაც გარკვეულწილად შეჯამებულია ზემოხსენებული მცდელობის არა ერთი და ორი მომენტი:

„რა არის დრო? მისტერია! დრო ყოვლისშემძლეა, თუმცა საკუთარი რეალობა არ გააჩნია; ესაა მოვლენათა სამყაროს პირობა, ესაა მოძრაობა, სივრცეში სხეულთა არსებობასთან და თვით სივრცის მოძრაობასთან შერწყმული და შეერთებული. მაგრამ იქნებოდა დრო, რომ არ ყოფილიყო მოძრაობა? იქნებოდა მოძრაობა, რომ არ ყოფილიყო დრო? ფუჭი კითხვა! იქნებ დრო სივრცის ფუნქციაა? თუ პირიქით? ორივე ერთი და იგივეა? ფუჭია განვადგომოთ კითხვა! დრო აქტიურია, ქმნის. მაინც რასა ქმნის? ცვალებადობას. „ახლა“ არ არის „მაშინ“, „აქ“ არ არის „იქ“, რაკილა მათ შორის ყოველთვის არსებობს მოძრაობა. მაგრამ რაკი მოძრაობა, რომლითაც იზომება დრო, წრიულია, თავის თავშივე იკეტება, ეს მოძრაობა და ეს ცვალებადობა შეიძლება სრულად კვალიფიცირებულ იქნეს, როგორც სიმშვიდე და უძრაობა. „მაშინ“ განუწყვეტილვ მფორდება „ახლა“-ში, ხოლო „იქ“ – „აქ“-ში. მაგრამ რაკი, მფორეს მხრივ, თავგანწირული ძალისხმევის მიუხედავად, შეუძლებელი შეიქნა სასრული დროისა და საზღვრული სივრცის წარმოდგენა, გადამყდა მიეჩნიათ, რომ

დროცა და სივრცეც მარადიულია და უსასრულო, იმის იმედით, რომ ცოტა უფრო სრულყოფილი დეფინიციისათვის მივლნათ. მაგრამ მარადიულისა და უსასრულოს პოსტულატის დადგენა ხომ არ აუქმებს ლოგიკურად და მათემატიკურად ყოველივე სასრულს და საზღვრულს? ყველაფერი სულზე ხომ არ დაიყვანება? შესაძლებელია თანმიმდევრობა მარადისობაში? შესაძლებელია ზედდგება უსასრულობაში? როგორ შევუთანხმოთ მარადიულსა და უსასრულოს ეს დამხმარე ჰიპოთეზები დისტანციის, მოძრაობის, ცვალებადობის ცნებებს? აღარაფერი რჩება, გარდა საზღვრულ სხეულთა მოძრაობისა სამყაროში? ფუჭი კითხვაა!”

როგორც ვხედავთ, ამ ვრცელ ციტატაში კითხვითი წინადადებები ჭარბობს, ხოლო მათზე გაცემულ თითქმის ყველა პასუხს ჰიპოთეზა უფრო ეთქმის, ვიდრე მეცნიერული კვლევა-ძიების საბოლოო შედეგთა კონსტატაცია მაგრამ ჩვენ დღემდე არ ვიცით, რა არის დრო, დღემდე არ გავაჩნია დროის ზუსტი და ამომწურავი განსაზღვრა. საქმე ისაა, რომ თვით პირწმინდად ფორმალური თვალსაზრისითაც კი შეუძლებელია დროის დეფინიცია. და მართლაც, ლოგიკურ მსჯელობაში - „დრო არის“... ჩვენ პრედიკატამდეც კი ვერ მივდივართ, რადგანაც ზმნის პირიველი ფორმა „არის“, რომელიც ჩვენს მსჯელობაში კოპულის როლს ასრულებს, ერთმანეთს რომ უნდა დაუკავშიროს სუბიექტი („დრო“) და პრედიკატი („X“), გრამატიკული გავებით თვითონვე გვევლინება დროს. ასე რომ, აქ თავს იჩენს აშკარა ტავტოლოგია, რაც ლოგიკური მსჯელობის გაგრძელების საშუალებას აღარ გვცვლივს.

მაგრამ კვლავ მივუბრუნდეთ ანტიკურ სიბრძნისმეტყველებას, რომელიც მნიშვნელოვანწილად განაპირობებს დროის ნეტარი ავგუსტინესეულ კონცეფციას. როდესაც ანტიკური ეპოქის ფილოსოფოსი დროზე ლაპარაკობს, ის, უწინარეს ყოვლისა, დღეებისა და ღამეების, თვეებისა და წლების რეგულირდება და პერიოდულ თანმიმდევრობასა თუ მონაცვლეობაზე ფიქრობს. დრო ისე მჭიდროდაა დაკავშირებული ციურ სხეულთა სადღეღამისო მოძრაობასთან, რომ მას ხშირად ციური სფეროს მოძრაობასთან, ზოგჯერ კი თვით ამ სფეროსთანაც აიგივებენ. რაც შეეხება საკუთრივ დროის გენეზისს, ზოგიერთი ანტიკური კონცეფციის თანახმად, ის დაუსაბამოა, ზოგიერთის მიხედვით კი - დასაბამიერი. ასე მაგალითად, პლატონი ამტკიცებს, რომ სამყაროს შექმნამდე დრო არ არსებობდა: „ცის დაბამდებამდე არც დღეები იყო და არც ღამეები, არც თვეები და წლები, არამედ მათი დასაბამი ციური წესრიგის შექმნასთან ერთად იქნა დასახული“ („ტიმეოსი“, 37 d). და მართლაც, დროსა და სივრცეს თავისთავადი არსებობა არ გააჩნიათ: წარმოუდგენელია სივრცე ყოველგვარი ობიექტის, ყოველგვარი საგნის გარეშე, ისევე, როგორც დრო - მოვლენათა გარეშე. ამიტომ როცა არ არსებობდა სამყარო, არც დრო და სივრცე არსებობდა.

პლატონის კონცეფციით, დრო, ისევე, როგორც მთელი მატერიალური, დროსა და სივრცეში არსებული გრძობად-კონკრეტული სამყარო იდეათა ზედროული და ზესივრცული, მარად უცვლელი და უძრავი ინტელიგიბილური სინამდვილიდან იღებს დასაბამს. ცის, ანუ სამყაროს შექმნასთან ერთად შემოქმედი (დეიოურგოსი) ქმნის დროსაც, რომელსაც „ტიმეოსი“ ახასიათებს როგორც ერთადერთი და უძრავი მარადისობის მოძრავსა და რიცხვთა კანონის მიხედვით მარადმდინ ხატებას. კოსმოსის მოწესრიგებული და ჰარმონიული მოძრაობა, გრძობად-კონკრეტული სამყაროს დინამიზმი სხვა არა არის რა, თუ არა იდეალური სინამდვილის, მისი უძრავის პროექცირება ქმნადობის წიაღში. ზუსტად ასევე, დროც - ამქვეყნიურ სავანთა და მოვლენათა არსებობის, მათი მოძრაობისა და ცვალებადობის ფორმა - უცვლელი და უძრავი მარადისობის ანალოგიურ პროექციად გვევლინება. „მარადისობა“ („აიონ“) პლატონისათვის ძირეულად განსხვავდება ამ სიტყვის ჩვენი თანადროული გაგებისაგან. ამ ტერმინით „ტიმეოსში“ აღინიშნება არა ბუნდოვანი, გაურკვეველი და ჯერ კიდევ არარსებული მომავლიდან ან უკვე აღარ არსებული წარსულისაკენ ცალსახად და უკუმოუქცევლად მდინი „დროის“ („ხრონოს“) უსასრულო ოდენობა, რომელიც წინ უსწრებს, ან მოსდევს ანმყოს, არამედ ერთგვარი ექსტრატემპორალური (დროის მიღმური, დროის გარეშე არსებული) რეალობა (ჩვენი „უუაშო უაში“, ალბათ, ყველაზე სრულად და ამომწურავად გამოხატავს ამ ცნების შინაარსს). დღევანდელი გაგებით, „დრო“ სასრულია „მარადისობა“ კი უსასრულო, მაშინ როდესაც პლატონის აზრით, ამ ორ ცნებას შორის რაოდენობრივი (კვანტიტატიური) კი არაა, თვისებრივი (კვალიტატიური) სხვაობა არსებობს.

„ტიმეოსის“ მარადისობა ინტეგრალური, ცალკეულ მომენტებად (წარსული, ანმყო, მომავალი) განუწილველი დროა, თუ შეიძლება ასე ითქვას, მარადიული, წარუვალაი ანმყო, რომელიც ხასიათდება ერთადერთი ატრიბუტით - „არის“. და პირიქით, საკუთრივ დრო ცალკეულ მომენტებადაა განწილული. მას თავისი ნაწილები („მერე“) და თავისი სახეები („ვიდე“) აქვს. დროის ნაწილებია დღეები და ღამეები, თვეები და წლები, სახეები კი - „იყო“ და „იქნება“ (ე.ი. წარსული და მომავალი). „არის“, პლატონის მიხედვით, მარტოოდენ მარადისობის ატრიბუტია; რაც შეეხება დროის იმ მომენტს, რომელსაც ანმყოს ვუნდებთ ჩვენ, ის თითქმის კიდევ არსებობს და არც არსებობს, რაკილა მხოლოდ და მხოლოდ წარსულისა და მომავლის ერთნაერთისაგან გამომიჭნავ ზღვრად, მსწრაფლწარმავალ წამად თუ დროული ნაკადის ერთგვარ „ატომად“ გვევლინება. შეადარე არისტოტელე: „ამრიგად, რამდენადაც „ახლა“ (არისტოტელეს „ახლა“ იგივეა, რაც პლატონის „არის“, - ბ.ბ.) სხვა არა არის რა, თუ არა ზღვარი, ის არ არის დრო და მხოლოდ თანხედომითაა ნიშნული დროისათვის, ვინაიდან ზღვარი ეკუთვნის მხოლოდ იმას, რის ზღვრადაც ის გვევლინება („ფიზიკა“, 220 b 22-24).

აქ არც დროა და არც ადგილი, რათა უფრო დანვრთვებით შევჩერდეთ დროისა და მარადისობის პლატონური გაგების ცალკეულ მომენტებზე, და უშუალოდ გადავალთ დროის არისტოტელესეულ ინტერპრეტაციაზე, რომელსაც პლატონის კონცეფცია უდევს საფუძვლად. განსხვავება ისაა, რომ მონაფე უფრო დეტალურად ამუშავებს და კონსტრუქციული ელემენტებით ამიღირებს მასწავლებლის მიერ ზოგადად მოხაზულ სქემას; ამასთანავე, მეტაფიზიკური „მოძრაობისაგან“ დამოუკიდებლად განიხილავს რეალურ სამყაროში მდის დროს, სამყაროში, რომელიც, მისი მტკიცებით, დაუსაბამოა, მაშინ როდესაც პლატონის თვალსაზრისით მას დასაბამი აქვს. მაგრამ მოდით, უშუალოდ მოვესმინოთ არისტოტელეს:

„დრო იმდენად ბუნდოვანი რამ არის, რომ ან საერთოდ არ არსებობს, ამ ძლივსძლივობით თუ შეიძლება მიჩნეულ იქნეს არსებულად, რაც შეიძლება შემდეგვე დაყრდნობით ვივარაუდოთ: მისი ერთი ნაწილი იყო და უკვე აღარ არის, მეორე იქნება და ის ჯერ კიდევ არ არის; ამ ნაწილებისაგან ითხზვის უსასრულო დროცა და გამუდმებით გამოყოფადი დროის თვითიველი შუალედიც. ხოლო ის, რაც არარსებულისაგან ითხზვის, როგორც ჩანს, შეუძლებელია წილნაყარი იყოს არსებობასთან. ამასთანავე, ყოველი დაყოფადი



საგნისათვის, თუკი ის მართლა არსებობს, აუცილებელია, რომ, ვიდრე არსებობს, ყველა, ან ზოგიერთი მისი ნაწილი მაინც არსებობდეს, ხოლო ასევე დაყოფადი დროის ზოგიერთი ნაწილი უკვე იყო, ზოგიერთი იქნება, და არც ერთი არ არის, არ არსებობს. „ახლა“ კი (ე.ი. „აწმყო“ - ბ.ბ.) ნაწილი არ არის, რადგანაც ნაწილით იზომება მთელი, რომელიც ნაწილებისაგან უნდა ითხზოდეს; დრო კი, ეტყობა, „ახლა“-საგან არ ითხზვის. ეგვეც არ იყოს, ადვილი დასადგენი როდია, რჩება თუ არა „ახლა“ (რომელიც, ეტყობა, ერთმანეთისაგან ჰყოფს წარსულსა და მომავალს) მედამ ერთი და იგივე, თუ ყოველთვის სხვად იქცევა. თუ ის სულ მედამ სხვადასხვაა და დროში არცერთი ნაწილი არ არის მეორესთან ერთად (გარდა მომცველისა და მოცულისა, როგორც ნაკლებ დროს მოიცავს მეტი), ხოლო ამჟამად არარსებული, მაგრამ უნდა არსებული აუცილებლად ოდესღაც გაქრეს, ამიტომ არცერთი „ახლა“ არ იარსებობს მეორე „ახლა“-სთან ერთად, არამედ ადრინდელი ყოველთვის უნდა გაქრეს. თავის თავში ის ვერ გაქრება, რადგანაც სწორედ მაშინაა იგი; ისიც წარმოუდგენელია, რომ ადრინდელი „ახლა“ მეორე „ახლა“-ში გაქრეს, რადგანაც შეუძლებელია დავეუბნოთ „ახლა“-თა თანმიმდევრობა, როგორც წერტილისა - წერტილის კვალდაკვალ. თუ, ამრიგად, ერთი „ახლა“ მის მომდევნოში კი არა, რომელიღაც სხვა „ახლა“-ში ქრება, მაშინ ის ერთდროულად შუალედურ „ახლა“-თა შორის იქნებოდა, რომელთა რიცხვიც უსასრულოა, ეს კი შეუძლებელია ვახლავთ. მაგრამ ისიც შეუძლებელია, რომ ერთი და იგივე „ახლა“ ყოველთვის იყოს, რადგანაც რაღაც დაყოფადსა და საზღვრულს მხოლოდ ერთი ზღვარი როდი აქვს, თუნდაც ის ერთი ან რამდენიმე მხრივ უწყვეტი იყოს; „ახლა“ კი ზღვარია: ასე რომ, შეიძლება ავიღოთ საზღვრული დრო. გარდა ამისა, თუ ერთდროული - არა ადრინდელი და არა მერმინდელი - არსებობა ერთსა და იმავე „ახლა“-ში არსებობასა ნიშნავს, ამიტომ თუ ამ „ახლა“-ში მოქცეულია ადრინდელიც და მერმინდელიც, მაშინ ერთდროული იქნება ათი ათასი წლის წინანდელი ამბავი და ის, რაც დღეს მოხდა, და არაფერი არ იქნება ერთმანეთზე ადრინდელი ან გვიანდელი“ („ფიზიკა“, IV, 10, 218 a).

არისტოტელეს მთელი შემდგომი მსჯელობა დროის შესახებ ძალზე რთულია, ზოგჯერ კი იმდენად ბნელი და ბუნდოვანი, რომ მრავალრიცხოვან კომენტატორთა თავგამოდებული მსჯელობა კიდევ უფრო აბნელებს და აბუნდოვანებს საკითხს, ნაცვლად იმისა, რომ სინათლე მოპოვინოს მას. თუმცა ზოგადი აზრის გამოტანა მაინც ხერხდება: როგორც ზემოთ მოტანილი ფრაგმენტებიდან ჩანს, დროის თვით არსებობაც კი სათუთაა, რადგანაც ის შემდეგი მომენტებისაგან ითხზვის: ერთის მხრივ, წარსული, რომელიც იყო და აწ უკვე აღარ არის, მეორეს მხრივ კი მომავალი, რომელიც იქნება, მაგრამ ჯერ კიდევ არ არის. „ხოლო ის, რაც არარსებულისაგან ითხზვის - არისტოტელეს მართებული შენიშვნით, - შეუძლებელია წილნაყარი იყოს არსებობასთან“. რაც შეეხება აწმყო („ახლა“), ის მხოლოდ წარსულისა და მომავლის გამყოფი ზღვარია, წამდაუნუმ ცვალებადი ზღვარი, არავითარი გრძლივობა არ გააჩნია და ამიტომ არ შეიძლება დროის მომენტად იქნეს მიჩნეული. დროის ეს პარადოქსული თავისებურებანი უკიდურესად აძნელებს მის გაგებას.

შემდეგ არისტოტელე ანალიზებს იმ სწავლულთა თვალსაზრისს, რომელნიც დროის ციური სფეროს მოძრაობასა და თვით ამ სფეროსთანაც კი აიგივებენ, რის შედეგადაც დაასკვნის, რომ „დრო არ არის მოძრაობა, თუმცა მოძრაობის გარეშე კი არ არსებობს“ („ფიზიკა“, IV, 10, 219 a; შდრ. თომას მანის კითხვა: „იქნებოდა დრო, რომ არ ყოფილიყო მოძრაობა? იქნებოდა მოძრაობა, რომ არ ყოფილიყო დრო?“), რადგანაც ჩვენ მხოლოდ მოძრაობის მეშვეობით აღვიქვამთ და ვზომავთ კიდევ დროს (აქვე უნდა შევნიშნოთ, რომ ძველი ბერძენები ძალზე ფართო მნიშვნელობას ანიჭებდნენ ტერმინს „მოძრაობა“: ეს იყო არა მარტო მატერიის სივრცული მოძრაობა, არამედ მისი ყოველგვარი ცვლილებაც, ბუნებრივიც და ხელოვნურიც, ფიზიკურიც და ქიმიურიც, ისევე, როგორც ადამიანის ყველა ფსიქიკური აქტი, მისი შეგრძნებები, აღქმები, აზრები თუ განცდები).

რაკილა დაადგინა, რომ დრო არ არის მოძრაობა, მაგრამ, ამასთანავე, არ შეიძლება მოძრაობის გარეშე არსებობდეს, არისტოტელე დროის განსაზღვრის საფუძვლად იღებს შემდეგ დებულებას: ესაა დანარჩენთაგან განსხვავებული ორი დროული მომენტის მსგავსების განცდა ჩვენი ცნობიერების მიერ: „ჩვენ შევიცნობთ დროს, როცა ზღვარს ვუდებთ მოძრაობას და ამრიგად განსაზღვრავთ ადრინდელსა და მერმინდელს; მაშინ ვამბობთ, რომ დრომ განვლო, რაკილა გრძნობებით აღვიქვამთ არდინდელსა და მერმინდელ მომენტს. ჩვენ იმის მეშვეობით ვავიწყობთ მათ, რომ ერთხელ ერთს აღვიქვამთ, მეორეჯერ კი - მეორეს, ხოლო მათ შორის - რაღაც ორივესაგან განსხვავებულს. რადგანაც მაშინ ჩვენ ვიპოვებთ ორ კიდურა წერტილს როგორც შუალედურისაგან განსხვავებულს, და სული აღნიშნავს ორ „ახლა“-ს - ადრინდელსა და მერმინდელს; აი, რას ვუნოდებთ დროს, რადგანაც სწორედ მომენტებით შემოსაზღვრული „ახლა“ გვეჩვენება დროად“ („ფიზიკა“, IV, 10, 219 a 22-30). ბოლოს და ბოლოს, არისტოტელე გვათავაზობს დროის შემდეგ დაფინისას: „როდესაც არის „უნაინ“ და „შემდეგ“, მაშინ ჩვენ ვლაპარაკობთ დროზე, რადგანაც დრო სხვა არა არის რა, თუ არა მოძრაობის რიცხვი ადრინდელსა და მერმინდელთან მიმართებით. ამრიგად, დრო თავისთავად როდია მოძრაობა, არამედ მოძრაობად გვევლინება იმდენად, რამდენადაც მოძრაობა შეიცავს რიცხვს“ (იქვე, 219 a 33 - 219 b 3).

ერთის სიტყვით, არისტოტელეს ორწევრიან ლოგიკურ სტრუქტურაში: მოძრაობა - დრო, დრო - მოძრაობა, ძნელია ხაზი გაუსვა რომელიმე წევრის პრიმატს. მიუხედავად იმისა, რომ ყოველგვარი მოძრაობა (ისევე როგორც ყოველგვარი ცვალებადობა) დროში ხდება და დროით იზომება. არც ერთი დაიყვანება მეორეზე და არც მეორე - პირველზე: „ჩვენ არამარტო მოძრაობას ვზომავთ დროით, არამედ დროსაც - მოძრაობით, - იმის გამო, რომ ისინი ერთმანეთს განსაზღვრავენ, რადგანაც დრო განსაზღვრავს მოძრაობას, როგორც მისი რიცხვი, ხოლო მოძრაობა - დროს. და ჩვენ ვლაპარაკობთ დიდსა და მცირე დროზე, როცა მას მოძრაობით ვზომავთ, ისევე, როგორც რიცხვს ვზომავთ საგნებით, რომლებიც თვლას ექვემდებარებიან, ასე მაგალითად, ცხენების რიცხვს - ცხენით. სწორედ რიცხვის მეშვეობით ვგებულობთ ცხენების რაოდენობას და, პირიქით, სათითაოდ რომ ვითვლით ცხენებს - მათ რიცხვს. იგივე ითქმის დროისა და მოძრაობის მიმართაც: დროით ჩვენ ვზომავთ მოძრაობას, მოძრაობით კი - დროს“ (იქვე, 220b 15-25).

მაგრამ არსებობს მოძრაობის (ცვალებადობის) ურიცხვი სხვადასხვა სახე, და თუ მისი რიცხვი, ანუ ზომა თუ საზომი არის დრო, მაშინ მოძრაობის თვითეულ სახეს მისი სპეციფიკური დრო უნდა შეესაბამებოდეს. არისტოტელე თვითონვე გრძნობს ამას (იქვე, XIV, 223b 1-5), მაგრამ სათანადო დასკვნა კი არ გამოიძიქს. სამყაროში მიმდინარე ყველა პროცესის დრო მის ნაზარევი უნიფიცირებულია და სტანდარტიზირებული: ესაა დრო, რომლითაც იზომება ციური სფეროს რეგულარული და თანაბარზომიერი წრებურუნვა; ამიტომაც გვეჩვენება, თითქოს დრო სწორედ ეს წრებურუნვა იყოს.

თავის მესამე „ენნადაში“ (7,9) პლოტინი კრიტიკის საგნად აქცევს დროის, როგორც მოძრაობის რიცხვის თუ ზომის არისტოტელესეულ გაგებას: თუკი დრო მართლაც მოძრაობის რიცხვია, მაშინ ის უფრო მეტად როდი უკავშირდება მოძრაობას, ვიდრე რიცხვი „ათი“ ცხენებს თუ ხარებს, რომლებსაც ის აღრიცხავს. მეორეს მხრივ, თუ დრო უშუალოდ უკავშირდება მოძრაობას, რომელსაც ზომავს, რაკილა მის ზრდასთან ერთად იზრდება, როგორ განვსაზღვავოთ ერთმანეთისგან საკუთრივ დრო და მისი შემეცობით გაზომილი მოძრაობა? ხოლო თუ ეს განსხვავება მაინც შესაძლებელია, მაშინ დრო, როგორც მოძრაობის რიცხვი, პირნპირად ექსტერიორული, პირნპირად გარეგნულია მოძრაობის მიმართ და, მაშასადამე, ისევე, როგორც პირველ შემთხვევაში, უბრალო არითმეტიკულ რიცხვად რჩება, რომელიც დროის არავითარ გაგებას არ შეიცავს. ეგვეც არ იყოს, არისტოტელე დაბეჭდვით ამტკიცებს: „ჩვენ არა მართლ მოძრაობას ვზომავთ დროით, არამედ დროსაც - მოძრაობით, - იმის გამო, რომ ისინი ერთმანეთს განსაზღვრავენ“. კეთილი და პატიოსანი, - შენიშნავს პლოტინი, - მაგრამ აქვე უნდა ვიკითხოთ: ნუთუ იმისათვის, რომ დრო არსებობდეს, აუცილებელი პირობაა მისი გაზომვა? ამასთანავე, რაკილა დრო უსასრულოა, რომელიც არავითარ განზომილებაში არ თავსდება, საინტერესოა, დროის მაინც რომელ მომენტს მივიჩნევთ ათელის წერტილად, ანუ ამ უსასრულო დროის მიმართ „შემდგომად“ თუ „უწინარესად“?

საქმე აშკარა აბსურდამდე მიდის. დროის ბუნება იმდენად პარადოქსულია, რომ მისი განმარტებისას ანტიკურობის თვით ყველაზე დიდი ლოგიკოსიც კი ელემენტარულ ლოგიკურ შეცდომას (petitio principii თუ idem per idem) უშვებს. სწორედ ამიტომ - დასძენს პლოტინი, - ერთხელ და სამუდამოდ უარი უნდა ვთქვათ იმაზე, რომ ფიზიკურ სამყაროს დაუქვემდებაროთ დრო, რაკილა მისი ნებისმიერი სუბორდინაცია მატერიალური სინამდვილისადმი გარდაუვალ მარცხს გვიქადის და ჩიხში გვაშინებს.

აი, რატომაა, რომ პლოტინი კვლავ მიუბრუნდება „მარადისობის“ („აიონ“) პლატონისეულ ცნებას, „მარადისობისა“ რომელსაც თავისი დიდი მასწავლებლის კვალდაკვალ, კოსმიური გონების აზრობრივი და არსობრივი სისავსის, მისი უწყვეტი იდეალური ქმედითობისა თუ აბსოლუტური სიცოცხლის ატრიბუტად სახავს. პლატონისგანვე სესხულობს იგი ძირითად იდეას, რომლის მიხედვითაც დრო სხვა არა არის რა, თუ არა უცვლელი მარადისობის მოძრაი ხატი, და ახალი სტრუქტურული ელემენტით ამდიდრებს მას: დროს, როგორც „სამყაროული მოძრაობის ინტერვალს“, სამყაროს სულის „სასიცოცხლო ინტერვალთან“ აიგივებს. ასე იკვეთება უნივერსალური სიმეტრია: რა კავშირიაა მარადისობასა და კოსმიურ გონებას შორის, იმავე კავშირით ერთმანეთს დროცა და სამყაროს სულიც.

პლოტინის მიხედვით, სამყაროს სული ერთგვარი შუალედური საწყისია იდეალურ სინამდვილესა და გრძობად-კონკრეტულ სამყაროს შორის. დემიურგოსის პირში, კოსმოსის მაცოცხლებელი და მამოძრავებელი ძალა, მისი ერთიანობის ნარეული პრინციპი; სამყაროს, როგორც ღვათებრივი ცოცხალი არსის თვითშემეცნება; მათემატიკურ და მუსიკალურ თანაფარდობათა ერთობლიობა, რომელთა მიხედვითაც იგება ცვლადი და ქმნადი სინამდვილე; კოსმიური სრულქმნილების პირველსაწყისი, რომლის მეოხებითაც იდეები მატერიაში რეალიზდებიან, მატერიაში ისხამენ ხორცს.

დრო - მარადისობის პროექცია გრძობად-კონკრეტულ სინამდვილეში - სამყაროს სულის სიცოცხლეა, მარად მოძრაი და ბოხოქარი სიცოცხლე, რომელიც გულისხმობს გამუდმებულ გადასვლას სიცოცხლის გამოვლენის ერთი რომელიმე ფორმიდან მეორეზე (სამყაროული სიცოცხლე - წერს პოლ ვალერი, - „შეიძლება შევადაროთ ბოხოქარ ხანძარს, რომელიც გაათფრეობს უტეცს ყველაფერს, რაზედაც კი „ალი მიუწვდება“; უსასრულოდ ვრცელდება, დროებით უკან იხევს, ჩერდება, ნაპერწკალს ტყორცნის, რათა გადალახოს სივრცე, დააპროს ახალი მიჯნა, ფეხდაფეხ მისდევს თავისსავე თავს, იფრებით იღებს ყველაფერს, რასაც გზად აწყდება და რითაც საზრდოობს, დაუსრულებლად ქმნადი, ცვლადი და თავისი ყოველნაშემიერი რაობისაგან განსხვავებული, - აი, როგორ აღიქვამდა დამკვირვებელი სიცოცხლის სტიქიურ მთლიანობას და ერთობლიობას, მორგანიზებელ და მაფორმირებელ ძალას, რომლის „ნადავლიც“ ხდება ყველაფერი, რაც შეიძლება ფორმით ორგანიზებულ იქნეს, ისევე, როგორც დეფორმირდება ყველაფერი, რაც შეიძლება დაინვას, დაიფერფლოს და დანახშირდეს“. - იხ. პოლ ვალერი, სულის კრიზისი; ფრანგულიდან თარგმნა ბ.ბრეგვაძემ, თბ. 0994, გვ.113).

დრო სულის ქმედითობის მომენტთა თანმიმდევრული მონაცვლეობაა. გრძობადი სინამდვილე რომ შექმნა, სამყარო სულმა „გადაროულა“. დროის დინებას დაუქვემდებარა იგი. სამყარო არსებობს და მოძრაობს სულში, და რაკი ამ სულის სიცოცხლე ცვალეადაა, სწორედ ესა ქმნის დროში განსხვავებასაც. ამრიგად, დრო სამყაროული სულის სიცოცხლის ინტერვალებით იქმნება. სულის სიცოცხლე და ცხოველმყოფელი ქმედითობა რომ არა, დროც გაქრებოდა. სამყარო, როგორც ცოცხალი არსება (მდრ. პლატონის „ტიმეოსი“, 31a), გარემოცულია სულით, რომლის მუდმივი ქმედითობის თანმიმდევრული ინტერვალები განაპირობებენ სამყაროს წრებრუნვა, რაც, თავის მხრივ, ქმნის „იყო“-ს და „იქნება“-ს (პლატონისეული ტერმინებია, - იხ. „ტიმეოსი“, 37e), ანუ წარსულს და მერმისს, ესე იგი, დროს; ხოლო რაკი სამყაროს სულის სიცოცხლე, არსებითად, მისი დაუკლებელი ლტლოვაა კოსმიური გონების მიმართ, ამიტომ დროის ყველაზე არსებით მომენტად მომავალი გვევლინება. დროს, რომელსაც ძველი ბერძნები, უწინარეს ყოვლისა, აღიქვამდნენ როგორც ცოური სფეროს წრებრუნვას, პლოტინი იაზრებს ამ წრებრუნვის ჭეშმარიტ მიზეზად - სამყაროული სულის სიცოცხლედ.

აქ ჩვენ ცოტა ხნით მაინც უნდა შევწყვიტოთ დროის ძველი ბერძნული კონცეფციების მიმოხილვა, რათა მკითხველის ყურადღება შევაჩეროთ ერთ საკმაოდ უცნაურ ფაქტზე: საქმე ისაა, რომ თანამედროვეობის ზოგიერთი თვალსაჩინო ევროპელი ფილოსოფოსი კატეგორიულად ამტკიცებს, რომ ძველი ბერძნებიც და რომაელებიც მოკლებულნი იყვნენ დროის რეალური განცდისა თუ შეგრძნების უნარს; რომ მათთვის თითქოს არ არსებობდა არც აწმყო და არც მომავალი და მხოლოდ წარსულით სულდგმულობდნენ. ასე მაგალითად, სახელგანთქმული ესპანელი მთარგმნე ხოსე ორტეგა ი გასეტი წერს:

„ამბობენ (შენგლერი და სხვ.), რომ ძველ ბერძნებს და რომაელებს არ გააჩნიათ დროის შეგრძნების უნარი, ისინი თითქოს ვერ გრძობენ მათი სიცოცხლის განფენილობას დროში. ამიტომაც იყო, რომ მხოლოდ აწმყოში არსებობდნენ. ამნაირი განსაზღვრა მე არასწორი

მგონია, ყოველ შემთხვევაში, ის ერთმანეთში ურევს ორ მოვლენას. ძველი ბერძენი თუ რომაელი გამოავლენდა ბრმა მომავლის მიმართ. ის ვერც კი ამჩნევს მას, როგორც დალტონიკოსი ვერ არჩევს წითელ ფერს. ანტიკური ეპოქის ადამიანი წარსულით ცხოვრობს. ვიდრე რაიმეს აღასრულებდეს, ის უკან იხევს ხელიკვირით, თავდასხმას რომ უპირებს მსხვერპლს. წარსულში ის ეძებს მისაბამ ნიშნებს და წარსულის პრიზმიდანვე ჭერტს მთელ სამყაროს, პრიზმიდან, რომელიც ყველაფერს დეფორმაციას ახდენს. ამიტომ მისი ცხოვრება წარსულის განცდა და გადამღერება. ეს კი ნიშნავს, რომ ძველი ბერძენები და რომაელები არქაისტები იყვნენ, თუმცა ყველა ძველი ხალხი არქაისტი. მაგრამ შევდომა იქნებოდა გვეფიქრა, თითქოს მათ არ შეეძლოთ დროის აღქმა. დროის მათეული აღქმა არასრულფასოვანია. მისთვის ნიშნულია მომავლისადმი ინტერესის უქონლობა და ჰიპერტროფირებული ყურადღება წარსულის მიმართ. ძველი ხალხებისაგან განსხვავებით, ჩვენ, ევროპელები, ყოველთვის მომავალზე ვართ ორიენტირებულნი, რადგანაც გვესმის, რომ სწორედ მომავალია დროის არსებითი განზომილება. ასე რომ, ჩვენთვის დრო თანდებულთა - „მდე“ კი არ იწყება, არამედ ზმნიზდით - „შემდეგ“. ამიტომაც გვეჩვენება, რომ ძველი ბერძენებისა და რომაელების ცხოვრებას დროისმიღმური ხასიათი ჰქონდა“ (ხოსე ორტეგა ის გასეტი, მასების ამბოხი, ესპანურიდან თარგმნა ბ.ბრევეკამი, თბ. 1993, გვ.177-178).

მაგრამ ასე დაახასიათო ხალხი, რომელმაც კაცობრიობის ისტორიაში პირველმა ჩაუყარა საფუძველი დროისმეტყველებას თუ დროისმცოდნეობას („ქრონოლოგია“), მნიშვნელოვანწილად განაპირობებს დასავლური აზროვნების მთელ შემდგომ განვითარებას მის მიერ დასახული გზით; ამნაირი კვალიფიკაცია მისცე მთელ ცივილიზაციას, რომელიც თავისი ორიენტაციის არსებობის დამლევს დროის ყველაზე არსებით განზომილებად სწორედ მომავალს სახავს და, ამრიგად, უსასრულო პერსპექტივას ხსნის ადამიანური ცნობიერებისა და სულის წინაშე, რითაც გადაჭრით ამკვიდრებს მეტაფიზიკურ (და არა მარტო მეტაფიზიკურ) ოპტიმიზმს, - სულ ცოტა, ისტორიული ფაქტის გაყალბებას ნიშნავს. ორტეგა ის გასეტის დიდი თანამედროვე ამბობს: „ჩვენ უკუსვლით შევდივართ მომავალში“ (პოლ ვალერი, სულის კრიზისი, დასახ. გამოც. გვ.16). საინტერესოა, რას იტყობდნენ დღევანდელ ევროპელებზე ორი თუ სამი ათასწლეულის შემდეგ, ანუ ცალმხრივად და ტენდენციურად რომ განემარტათ ეს სიტყვები.

თუმცა კვლავ მივუბრუნდეთ შენყვეტილ სიტყვას. როგორც თავშივე აღვნიშნეთ, დროის ანტიკური თეორიები საფუძველად უდევს ნეტარი ავგუსტინესეულ „ქრონოლოგიას“ („დროისმეტყველებას“), ყველაზე სრულად და ამომწურავად ჩამოყალიბებულს „აღსარებათა“ მეთორმეტე წიგნში, სადაც ავტორი ცდილობს დაამტკიცოს, რომ ღმერთმა „არაფრისაგან“ („ex nihilo“) შექმნა სამყარო, რითაც გადაჭრით უპირისპირდება ყველას, ვისი აზრითაც, შეუძლებელია არაფრისაგან რაიმეს შექმნა, და ვინც სკეპტიკურად კითხულობს: „კი მაგრამ, რას აკეთებდა ღმერთი სამყაროს შექმნამდე? (Quid faciebat deus. atnequam faceret caelum et terram?) თუკი არაფერსაც არ აკეთებდა უქმად მყოფი, რატომ სამუდამოდ არ დარჩა ისევე უქმად, როგორც უკუნისიდან იყო? ხოლო თუ ღმერთში თავს იჩენს ახალი ნება-სურვილი იმის შექმნისა, რაც მანამდე არასოდეს არ შეუქმნია, მაშინ რაღა მარადიულობა ეთქმის იმას, რაშიაც მანამდე არარსებული სურვილი ჩნდება? და მართლაც, ნება ღმერთის ქმნილება კი არა, ყოველგვარ ქმნილებაზე უწინარესია, რადგანაც შეუძლებელი იქნებოდა რისიმე შექმნა, შემოქმედის ნება შექმნილზე ადრე რომ არ არსებულებოდა. ამრიგად, ღმერთის ნება განუყოფელია თვით მისი სუბსტანციისაგან. ხოლო თუ ღვთაებრივ სუბსტანციაში თავს იჩენს ის, რაც მანამდე არ ყოფილა მასში, ამნაირ სუბსტანციას მარადიულს ვერ ვწოდებთ, და ცამდე მართალიც ვიქნებით. თუკი მარადიული იყო სამყაროს შექმნის ღვთაებრივი ნება-სურვილი, მაშინ რატომ არ არის მარადიული მისი ქმნილება?“ („აღსარებათა“, XI, 12).

მარადისობა, ნეტარი ავგუსტინეს მიხედვით, უცვლელობის და უძრაობის, უფრო ზოგადად კი ღვთაებრივი სუბსტანციის და თვით ღმერთის ატრიბუტია. რაც შეეხება მარადისობისა და დროის ურთიერთმიმართების პრობლემას, ამ მხრივ, „აღსარებათა“ ავტორი თითქმის უცვლელად იმეორებს და იზიარებს კიდევ პლატონის აზრს: „ვინ შეაჩერებს და გასაქანს არ მისცემს მას (დროის ნაკადში დანთქმულ გულს, - ბ.ბ.), რათა თუნდაც წამით შემდგარმა აღიქვას მარად უძრავი მარადისობის სხივოსანი ათინათი და დროის უწყვეტ დინებას შეადაროს იგი? დაე, დარწმუნდეს, რომ ისინი არათანაზომადნი არიან; დაე, შეიგნოს, რომ დროის ხანგრძლივობას ურიცხვი მსწრაფლწარმავალი წამის სიმრავლე განაპირობებს, გამუდმებით რომ ენაცვლებიან ერთმანეთს. მარადისობაში არა არის რა წარმავალი, არამედ მუდმივი აწმყოა, მთელი თავისი სისავსით. დრო კი ვერასოდეს ვერ იქნება პირწმინდად აწმყო; დაე, მიხედეს, რომ მთელ წარსულს მომავალი მიერეკება, რომ მთელი მომავალი წარსულს მოსდევს, ხოლო ერთიცა და მეორეც იმისგან იღებს დასაბამს, იმისგან მომდინარებს, რასაც მარადი აწმყო ჰქვია. ვინ შეაჩერებს კაცის გულს, რათა უძრავად შემდგარმა იხილოს, თუ როგორ განაპირობებს წარსულსაც და მომავალსაც მარად უძრავი მარადისობა, რომლისთვისაც უცხოა წარსულიც და მომავალიც“ (იქვე, XI, 13).

პლატონის გალვენის კვალი არანაკლებ აშკარაა ნეტარი ავგუსტინეს მეთორმეტე თხზულებაში - „ღვთის ქალაქისათვის“, სადაც ავტორი, მარადისობისა და დროის ურთიერთგანსხვავებიდან გამომდინარე, ცდილობს ერთმანეთისაგან გამოიწილოს ცნებები - „სამყაროს შექმნა დროში“ და „სამყაროს შექმნა დროსთან ერთად“, რათა გვიჩვენოს, როგორ გადადის უცვლელი და უძრავი მარადისობა წამით-წამად ცვალებადსა და მოძრავ დროში, როგორ იქმნება გრძობად-კონკრეტული, განუწყვეტელი ქმნადი და ცვლადი სამყარო, რომლის დასაბამიც, წარმართი კრეაციონისტის თვალსაზრისით, დემიურგოსია, ხოლო ქრისტიანი თეოლოგის მიხედვით - ბიბლიური ღმერთი:

„თუკი მართებულად განვასხვავებთ მარადისობასა და დროს, კერძოდ, იმას, რომ შეუძლებელია დროის არსებობა რაიმე მოძრავის ცვალებადობის გარეშე, მარადისობისათვის კი უცხოა ყოველგვარი ცვალებადობა, ვინ ვერ შენიშნავს, რომ არ იქნებოდა დრო, თუკი არ იქნებოდა ქმნილება, რომელიც რაღაცნაირი მოძრაობით შეცვლიდა რამეს?... ვინც იტყვის, რომ სამყაროზე უწინარეს უკვე იყო სხვა რამ ქმნილება, რომლის ცვლილებითაც შეიძლება ედინა დროს? მაგრამ რაკი წმინდა და უტყუმარიტესი წერილი ამბობს: „თავდაპირველად შექმნა ღმერთმა ცა და მიწა“, რათა არავინ იფიქროს, თითქოს მანამდე შექმნილიყოს სხვა რამე..., ამიტომ ეჭვგუგუესოდ შეიძლება ითვას, რომ სამყარო შექმნილია არა დროში (in tempore), არამედ დროსთან ერთად (cum tempore), ვინაიდან ის, რაც დროში იქმნება, ან ამა თუ იმ დროის შემდეგ, ან ამა თუ იმ დროზე უწინაა იქმნება, ესე იგი, წარსულის შემდეგ და მომავალზე უწინარეს. მაგრამ შეუძლებელია წარსული ყოფილიყო სამყაროზე უწინარეს. ვინაიდან არ იყო ქმნილება, რომლის ცვლადი მოძრაობითაც შეეძლო ედინა დროს, ამიტომ სამყარო დროსთან ერთად შეიქმნა“ („ღვთის ქალაქისათვის“, XI, 6).

ცნობილი? განა საუბრისას სწორედ ასე არ აღვიქვამთ მას? როცა ჩვენ ვლაპარაკობთ დროზე, რა თქმა უნდა, მშვენივრად გვესმის, რა არის ეს, და როცა სხვა ლაპარაკოს მასზე, ასევე მშვენივრად გვესმის ჩვენი თანამოსაუბრის სიტყვებიც.

კეთილი და პატიოსანი; მაგრამ მაინც რა არის დრო? თუ არაფერს შევითხვებით ამას, დიასაც ვიცი, რა არის დრო, მაგრამ თუ მოვინდომებ შევითხველს ავუხსნა დროის რაობა, მაშინ კი

მარადისობის - ამ უცვლელი, წარუვალელი და ინტეგრალური ანმოსავალი განსხვავებით, დრო, პლატონის, არისტოტელესა და პლოტინის კვალდაკვალ, ნეტარი ავეუსტინეს მიხედვითაც, სამ მომენტადაა განწილული (წარსული, აწმყო და მომავალი). მაგრამ თუ პლატონი და არისტოტელე მხოლოდ რელიგიურ არსებობას ანიჭებენ აწმყოს, ე.ი. ფაქტობრივად უარყოფენ მას, ნეტარი ავეუსტინესათვის, პირიქით, დროის ერთადერთი რეალურად არსებული მომენტი მხოლოდ აწმყოა, რომლითაც ის ზომავს „იყო“-სა და „იქნება“-ს, ე.ი. წარსულისა და მომავლის რეალობის ხარისხს, რის შედეგადაც როგორც ერთი, ისე მეორე დროის ფაქტურ მომენტებად წარმოგვიდგება, ვინაიდან წარსული (მკვდარი აწმყო) უკვე აღარ არსებობს, ხოლო მომავალს (დაუბადებელ აწმყოს) ჯერ კიდევ არ მიუღწევია იმ ფაზისათვის, როცა მასზე შეიძლება გვეთქვას „არის“, ე.ი. ჯერ კიდევ არ ზიარება არსებობას. ნეტარი ავეუსტინეს აზრით, სული უშუალოდ ჭერებს და აღიქვამს მხოლოდ აწმყოს, მაშინ როდესაც წარსულს იგონებს და მომავალს მოელოს. ამ სუბიექტივისტური კონცეფციის თანახმად, დროის არსებობა ადამიანის სულითაა განსაზღვრული, სულით, რომელიც მოელოს, ჭერებს, იგონებს. თუ დროის სამ მომენტზე მაინც შეიძლება მსჯელობა, ისეც და ისეც ამ სუბიექტივისტურ კონტექსტში: „არის სამი დრო - აწმყო წარსულისა, აწმყო აწმყოსი და აწმყო მომავლისა. ეს სამი დრო მხოლოდ ჩვენს სულში არსებობს და სხვაგან ვერსად ვერ ვხედავთ მათ: აწმყო წარსულისა მასსოვრობა; აწმყო აწმყოსი - უშუალო ჭერება; აწმყო მომავლისა კი - მოლოდინი“ („აღსარებანი“, XI, 26).

თუმცა ნეტარი ავეუსტინე იმასაც გრძნობს, რომ აწმყოს არავითარი გრძლივობა არ გააჩნია და, ამ თვალსაზრისით, მართლაც არიან პლატონი და არისტოტელე, რომელთა მტკიცებითაც, აწმყო დროის რეალური მომენტი კი არა, მხოლოდ წარსულისა და მომავლის გამომჩნავი, გამუდმებით ცვლადი ზღვარია. დროის პარადოქსული ბუნება კიდევ ერთხელ შინაგანი წინააღმდეგობის ჩიმი ამწყვედვს ადამიანის მაძიებელ აზრს, რომელიც ამ ჩიხიდან გამოსავალს ისეც და ისეც დროის სუბიექტივისტურ აღქმაში ეძებს:

„...ყურადღებებს წარსულში გადააქვს მომავალი; რაც მომავალს აკლდება, წარსულს ემატება; და თუ მომავალი საერთოდ გაქრა, დარჩება მხოლოდ წარსული. კი მაგრამ, რანაირად მცირდება, ან სულაც ქრება მომავალი, როემლიც ჯერ კიდევ არ არსებობს? მხოლოდ იმნაირად, რომ ეს ხდება სულში, რადგანაც მართლაც სულში არსებობს სამი დრო. ის ელის, ყურადღებებს აპყრობს და ახსოვს: რასაც ელის, იმ გზით გაივლის, რასაც ყურადღებებს აპყრობს, და იქითკენ მიემართება, რაც ახსოვს. ვინ შესძლებს იმის უარყოფას, რომ მომავალი ჯერ კიდევ არ არსებობს? მაგრამ მისი მოლოდინი უკვეა სულში. ანდა ვინ უარყოფს იმას, რომ წარსული უკვე აღარ არსებობს? მაგრამ სულში კვლავაც ცოცხლობს მისი ხსოვნა. და ბოლოს, ვინ გაბედავს უარყოს, რომ აწმყოს ხანგრძლივობა არ გააჩნია? რადგანის მესყუელად ვადის. მაგრამ ხანგრძლივია ჩვენი ყურადღება, რომელსაც დაუყოვნებლივ არყოფნაში გადაჰყავს ყველაფერი, რაც კი თავს იჩენს. მაშასადამე, ხანგრძლივია არა მომავალი დრო, რომელიც არ არსებობს; ხანგრძლივია მხოლოდ მომავლის მოლოდინი. ხანგრძლივია არა წარსული დრო, რომელიც აღარ არსებობს; ხანგრძლივია მხოლოდ წარსულის ხსოვნა“ („აღსარებანი“, XI, 36-37).

დროის პლატონისა და არისტოტელესეული თეორიები საკმაოდ ორჭოფულია: როგორც მასწავლებლის, ისე მონაწილის აზრითაც, დრო არც პირწმინდად სუბიექტურია და არც ობიექტური, ე.ი. არც ადამიანის ცნობიერებითაა განსაზღვრული და არც დამოუკიდებელია მისგან. მათი დრო საღვთო ცნობიერებასა და ობიექტურ რეალობას შორის მიედინება, ასე რომ, არც ერთზე დაიყვანება და არც მეორეზე. ამიტომ ვერც ერთი ახერხებს დროის მკაცრ დეფინიციას და ვერც მეორე. თუმცა ისიც საკითხავია, შესაძლოა კია, საერთოდ, ამნაირი დეფინიციები? შეუძლია კია ადამიანს დროის გონებაშიუნვლომელი ილუმინაციის ზუსტი და ამომწურავი წვდომა?

დროის ნეტარი ავეუსტინესეული კონცეფციის ორიგინალობა პლატონის, არისტოტელესა და პლოტინის თეორიებთან შედარებით, უწინარეს ყოვლისა, ისაა, რომ ჰიპონელი ეპისკოპოსის თვალსაზრისით, დრო არსებითად სუბიექტივისტურია, ესე იგი, ადამიანის ცნობიერებითაა განსაზღვრული. თუმცა ვერ ვიტყვით, რომ ამ ორიგინალობის შედეგი წინ გადაგმული ნაბიჯი იყოს დროის ენიგმური ბუნების შეცნობის გზაზე. საპირისპირო აზრისაა ცნობილი ინგლისელი ფილოსოფოსი ბერტრან რასელი: „მე პირადად არ ვეთანხმები ავეუსტინეს თეორიას, რომლის მიხედვითაც დრო რაღაც ჩვენს გონებაში არსებულია. მაგრამ ეს უეჭველად ძალზე ჭკვიანური თეორიაა, ღირსი იმისა, რომ სერიოზული განხილვის საგნად იქცეს. მეტსაც გეტყვით: ავეუსტინეს თეორია გაცილებით უფრო წინ გადადგმული ნაბიჯია ყოველივე იმასთან შედარებით, რასაც ამ საკითხის ირგვლივ ბერძნულ ფილოსოფიაში ვპოულობთ. ეს თეორია შეიცავს პრობლემის უფრო უკეთესსა და უფრო ნათელ ფორმულირებას, ვიდრე დროის სუბიექტივისტური თეორია კანტისა, - თეორია, რომელმაც კანტის შემდეგ ფართო აღიარება ჰპოვა ფილოსოფოსთა შორის“ (Б. Рассел, История западной Философии, М., 1959; стр. 370).

მკითხველი, რომელიც ყურადღების გაეცნო, ერთის მხრივ, პლატონის, არისტოტელესა და პლოტინის თეორიებს, ხოლო მეორეს მხრივ, ნეტარი ავეუსტინეს კონცეფციის ამ მოკლე მიმოხილვას, უთუოდ დაგვეთანხმება იმაში, რომ ავეუსტინეს ორიგინალობას უპირატესად ერთი რამ განაპირობებს: დრო, მისი გაგებით, უფრო სუბიექტივისტურია, ვიდრე ბერძენ ფილოსოფოსებსა აქვთ წარმოდგენილი. მაგრამ სწორედ ამ სუბიექტივიზმს არ იზიარებს ბერტრან რასელი. მამ, რაღაც ემყარება მისი მტკიცება იმის თაობაზე, რომ „ავეუსტინეს თეორია გაცილებით უფრო წინგადადგმული ნაბიჯია ყოველივე იმასთან შედარებით, რასაც ამ საკითხის ირგვლივ ბერძნულ ფილოსოფიას ვპოულობთ?“



არაფერიც არ მესმის. და მაინც, მე შემიძლია დაბეჭითებით ვამტკიცო, რაც ვიცი: არაფერი რომ არ გადიოდეს, არ იქნებოდა წარსული ღრო; არაფერი რომ არ მოდიოდეს, ასევე არ იქნებოდა მომავალი; და არაფერი რომ არ იყოს, არ იქნებოდა არწმყოც.

მაგრამ რანაირად შეიძლება იყოს ეს ორი ღრო - წარსული და მომავალი, თუკი პირველი უკვე აღარ არის, ხოლო მეორე ჯერ კიდევ არ არის? აწმყოც რომ ყოველთვის აწმყოდ რჩებოდეს და წარსულში არ გადადიოდეს, მაშინ ის ღრო კი აღარ იქნებოდა, არამედ მარადისობა; აწმყო მხოლოდ იმდენადაა ღრო, რომ წარსულში გადადის. მაშ, როგორღა შეგვიძლია ვამტკიცოთ, რომ აწმყო არის, თუკი მისი არსებობის ერთადერთი მიზეზი ისაა, რომ აღარ იყოს? მაშ, განა ვცდებით, როდესაც ვამბობთ - ღრო მხოლოდ იმიტომ არსებობს, რომ არყოფნისაკენ მიიღგვის?

## XV

18. და მაინც, ჩვენ ღროს ხან მოკლეს ვუნოდებთ, ხანაც კი ხანგრძლივს, თუმცა ამას მხოლოდ წარსულსა და მომავალზე ვამბობთ. ასე მაგალითად, ღროის ასწლოვან შუალედს წარსულშიც და მომავალშიაც „ხანგრძლივად“ ვთვლით, ათდღიან შუალედს კი, კვლავ წარსულსა თუ მომავალში, „ხანმოკლედ“ ვსახავთ. მაგრამ რანაირად შეიძლება ხანგრძლივი ან ხანმოკლე იყოს ის, რაც საერთოდ არ არის? მართლაცდა, წარსული უკვე აღარ არის, ხოლო მომავალი ჯერ კიდევ არ არის. მაშ, „ხანგრძლივს“ ნუკილა ვუნოდებთ ღროს, არამედ ვთქვათ - „ხანგრძლივი იყო“, როცა წარსულს ეხება საქმე, ან „ხანმოკლე იქნებოდა“, როცა მომავალზე ჩამოვარდება სიტყვა.

მაგრამ, ღმერთო ჩემო, ნათელი ჩემო<sup>59</sup>, აქაც ხომ არ დასცინებს შენი ჭეშმარიტება საბრალო კაცს? ხანგრძლივი წარსული მას შემდეგ გახდა ხანგრძლივი, რაც უკვე განვლო, თუ მანამდე, როცა ჯერ კიდევ აწმყო იყო? მისი ხანგრძლივობა მხოლოდ მაშინ იქნებოდა შესაძლებელი, როცა არსებობდა რაღაც ისეთი, რასაც შეეძლო ხანგრძლივი ყოფილიყო. მაგრამ წარსული ხომ უკვე აღარ არის; მაშ, როგორღა შეიძლება ხანგრძლივი იყოს ის, რაც საერთოდ არ არის?

ამიტომ ნულარ ვიცევით, „ხანგრძლივი იყო წარსული ღრო“ (რადგანაც ვერაფერს ვპოუვებთ ისეთს, ხანგრძლივი რომ ყოფილიყო), არამედ ვთქვათ: „ხანგრძლივი იყო აწმყო ღრო“, რადგანაც ის მხოლოდ აწმყოში თუ შეიძლებოდა ყოფილიყო ხანგრძლივი, ვინაიდან ჯერ კიდევ არ გამქრალიყო, არ გაეწლო, და ამიტომაც შეეძლო ხანგრძლივი ყოფილიყო; ხოლო როგორც კი განვლო, მაშინვე დასრულდა მისი ხანგრძლივობა, რადგანაც საერთოდ დასრულდა მისი არსებობა.

<sup>59</sup> მიქა VII, 8; I იოანე I, 5.



19. ახლა კი ვნახოთ, სულო კაცისა, შეუძლია თუ არა ანმყო ღროს ხანგრძლივი იყოს? აკი შენ მოგეცა ღროთა შეგრძნებისა და გაბომვის უნარი. რას მიპასუხებ?

ხანგრძლივია თუ არა ანმყოს ასი წელი? მაგრამ ჯერ იმას დაუკვირდი, შეიძლება თუ არა ასივე წელი ამნყო იყოს? თუ ამ ასიდან პირველი მიმდინარეობს, სწორედ ისაა ანმყო, დანარჩენი ოთხმოცდაცხრამეტი წელი კი მომავალია, ესე იგი, ჯერ კიდევ არ არის. თუ მეორე წელი დაიწყო, პირველი უკვე წარსულში გადავა, ეს მეორე ანმყო იქნება, დანარჩენი კი მომავალი. მოდით, ამ ასიდან ანმყოდ ვიგულისხმოთ ნებისმიერი წერილი: მისი წინამორბედი ყოველი წელი უკვე წარსული იქნება, მომდევნო კი - მომავალი. ამიტომაც შეუძლებელია ასივე წელი ამნყო იყოს.

მაგრამ განვაგრძოთ განხილვა: შეიძლება თუ არა, რომ მიმდინარე წელი მთლიანად ანმყო იყოს? თუ მისი პირველი თვეა, დანარჩენი თერთმეტი მომავალი იქნება; თუ მეორე თქვე მიმდინარეობს, პირველს უკვე წარსული ეთქმის, დანარჩენს კი - მომავალი. მაშასადამე, ვერც მიმდინარე წელს მივიჩნევთ მთლიანად ანმყოდ. ხოლო თუ ის მთლიანად არ არის ანმყო, რა თქმა უნდა, არ შეიძლება ანმყოდ გვევლინებოდეს; რადგანაც წელიწადში თორმეტი თვეა, და რომელი თვეც ამჟამად დგას, სწორედ ისაა ანმყო. დანარჩენი თერთმეტი კი ან წარსულია, ან მომავალი. თუმცა არც ეს მიმდინარე თვეა ანმყო: ანმყო მხოლოდ ერთი დღეა. თუ ის პირველი დღეა თვისა, ყველა დანარჩენი დღე მომავალი იქნება; თუ უკანასკნელი - ყველა წინამორბედი დღე წარსულს ეკუთვნის; ხოლო თუ ნებისმიერ შუალედ დღეთაგანია, მაშინ წარსულსა და მომავალს შორისაა მოქცეული.

20. და, აი, იმ დასკვნამდე მივედით, რომ ხანგრძლივი მარტოოდენ ანმყოს თუ შეუძლია ეწოდოს, და ისიც მხოლოდ ერთ დღემდე დაყვანილს. თუმცა, მოდი, ისიც დავანანევროთ, რადგან ერთ დღესაც ვერ მივიჩნევთ მთლიანად ანმყოდ. ის დღისა და ღამის საათებისაგან შედგება, ხოლო დღე-ღამეში ოცდაათი საათია. პირველი საათის მიმართ ყველა დანარჩენი საათი მომავალია, უკანასკნელის მიმართ - წარსული, ნებისმიერი შუალედური საათის მიმართ კი ყველა წინამორბედი საათი წარსულად გვევლინება, ხოლო მომდევნო - მერმისად. თვით ეს ერთი საათიც კი მსწრაფლწარმავალი წამებისაგან შედგება: ყველა გაფრენილი წამი უკვე წარსულია, დანარჩენი წამი კი - მომავალი. ანმყო შეიძლება ეწოდოს ღროის მხოლოდ იმ მომენტს, რომელიც თვით უმცირეს ნაწილებადაც აღარ იყოფა, მაგრამ ისე სწრაფად კი გადადის მომავლიდან წარსულში, რომ ვერავითარ ხანგრძლივობას მას ვერ მივანეროთ. ანმყო რომ გრძელდებოდეს, მაშინ მასში შეიძლებოდა გამოგვეყო წარსული და მომავალი; მაგრამ ანმყოსთვის უცხოა ყოველგვარი ხანგრძლივობა.

მაშ, სადღაა ის ღრო, რომელსაც ხანგრძლივს ვუწოდებთ? იქნებ მომავალში? მაგრამ ჩვენ ხომ არ ვამბობთ, რომ ის „ხანგრძლივია“, რადგან ჯერ კიდევ არ არის ის, რასაც შეიძლება ხანგრძლივი ეწოდოს, არამედ ვიცავით, რომ ის „ხანგრძლივი იქნება“. კი მაგრამ, როდისღა იქნება? თუ მომავალში, რანაირად იქცევა ხანგრძლივად ის, რაც ჯერ კიდევ არ

არის? ხოლო თუ ის ხანგრძლივად იქცევა მაშინ, როცა მომავლიდან მოიქცევა ანმყოფ და, ამრიგად, მოგვევლინება ამაღ, რაც შეიძლება ხანგრძლივი გახდეს, განა სწორედ ეს ანმყოფ ზემოთქმული სიტყვებით არ მოჰყვება ყვირილს, რომ არ შეუძლია ხანგრძლივი იყოს?

## XVI

21. და მაინც, ჩვენ გვესმის, უფალო, რა არის დროის შუალედები; ერთმანეთს ვადარებთ მათ და ვამბობთ, რძო ზოგი გრძელია, ზოგი კი მოკლე. იმასაც კი ვზომავთ, რამდენად უფრო გრძელია დროის ერთი შუალედი მეორეზე, ან რამდენად მოკლე, და ვამტკიცებთ, რომ დროის ესა თუ ეს შუალედი ორჯერ თუ სამჯერ გრძელია ან მოკლე მეორე შუალედზე, ანდა რომ ისინი ტოლნი არიან. მაგრამ დროის გაზომვა მხოლოდ მაშინ შეგვიძლია, როცა ის მიმდინარეობს, და შეგვიძლია სწორედ იმიტომ, რომ მის მსვლელობას ვგრძნობთ. განა შეიძლება გაზომო წარსული, რომელიც უკვე აღარ არის, ან მომავალი, რომელიც ჯერ კიდევ არ არის? ვინ გაბედავს იმის მტკიცებას, რომ შეიძლება გაზომო არარსებული? ასე რომ, სანამ დრო მიმდინარეობს, ის შეიძლება შეიგრძნო და გაზომო კიდევ; მაგრამ როცა მან განვლო, ეს უკვე შეუძლებელი ხდება, რადგანაც დრო აღარ არის.

## XVII

22. მე მხოლოდ ვეძებ, მამაო, როდი ვამტკიცებ. შემეწიე, ღმერთო ჩემო, მე მიწინამძღვრე<sup>60</sup>. ვინ გაბედავს იმის მტკიცებას, რომ ეს სამი დრო - წარსული, ანმყოფ და მომავალი, - როგორც ვსწავლობდით ბავშვობისას და თვითონაც ვასწავლიდით ბავშვებს, - არ არსებობს? რომ არსებობს მხოლოდ ანმყოფ, დანარჩენი ორი კი არა? თუ ეს ორიც არსებულად უნდა მიგვაჩნდეს? და დრო, მომავლიდან რძო მოიქცევა ანმყოფ, რომელიღაც ფარული საცავიდან მოედინება, და როცა წარსულად იქცევა, ფარულ საცავშივე გადადის? რადგან სად უნახავს მომავალი იმას, ვინც მერმისს წინასწარმეტყველებს, თუკი ის საერთოდ არ არის? არარსებულს ვერ დაინახავ. და ვინც წარსულის ამბავს გვაუწყებს, ვერაფერს გვეტყოდა მართალს, გონების თვალთ რომ არ ხედავდეს მას, თუცა შეუძლებელია იმის დანახვა, რაც საერთოდ არ არსებობს. მაშასადამე, წარსულიც არსებობს და მომავალიც.

<sup>60</sup> შდრ. ფსალმ. 22, 1; 27, 9.

XVIII

23. ნება მიბოძე, უფალო, სასოებაჲ ჩემო<sup>61</sup>, კვლავ განვაგრძო კვლევა-ძიება. დაე, ნურათფერი აამღვრევს ჩემს ძალისხმევას.

თუ წარსულიც არსებობს და მომავალიც, მინდა ვიცოდე, სად არიან ისინი. თუკი ამის შეცნობა ჩემს ძალ-ღონეს აღემატება, ის მაინც ვიცი, რომ, მიუხედავად იმისა, თუ სად არიან, იქ არც წარსული ეთქმის მათ და არც მომავალი, არამედ მხოლოდ აწმყო. თუ მომავალი იქაც მომავალია, ჯერ კიდევ არ არის იქ, და თუ წარსული იქაც წარსულია, უკვე აღარ არის იქ. ასე რომ, მიუხედავად იმისა, თუ სად არიან და რანი არიან, ისინი მხოლოდ აწმყოს სახით არსებობენ. და ვინც მართლად გადმოგვცემს წარსულს, თვით მოვლენებს როდი გამოიხმობს თავისი მესხიერებიდან, მოვლენებს, რომლებიც გარდასულან, განქარებულან, არამედ მაი ხატებებით ნაკარნახევ სიგყვებს. გარდასულ მოვლენებს შეუძრავთ ჩვენი გრძნობები და თითქოს თავიანთი ნაკვალევი დაუტოვებიათ ჩვენს სულში. ასე მაგალითად, ჩემი სიყრმე უკვე აღარ არის, წარსულში დარჩა, რომელიც აღარ არსებობს, მაგრამ როცა მასზე ვფიქრობ, ან იმდროინდელ ამბებსა ვყვები, აწმყოში ვხედავ მის ხატებას, რადგანაც ცოცხლად აღბეჭდილა ჩემს მესხიერებაში.

იქნებ ასევე წინასწარმეცყველებენ მერმისსაც? შესაძლოა, უკვე არსებულ ხატებათა მიხედვით წინასწარ გრძნობენ იმას, რაც ჯერ კიდევ არ არის? ვალიარებ, ღმერთო ჩემო, არ ვიცი ეს. მაგრამ ის კი დაბეჭითებით ვიცი, რომ ჩვენ უმეტესწილად ვცდილობთ წინასწარ მოვიფიქროთ ჩვენი მომავალი მოქმედებანი. ეს წინასწარი მოფიქრება აწმყოში ხდება, მაშინ როდესაც თვით მოქმედება, წინასწარ რომ მოვიფიქრეთ, ჯერ კიდევ არ დაგვიწყია: ის მყოფადღია. ხოლო როცა მის ხორცმესხმას შევუდგებით, მაშინლა იჩენს თავს თვით მოქმედება, რადგან ის მყოფადღი კი აღარ არის, არამედ აწმყოში.

24. რანაირად ხორციელდება მომავლის ეს მისტიური წინასწარჭვრეცა? რადგანაც შეიძლება მხოლოდ იმის დანახვა, რაც არის, ხოლო ის, რაც არის, მომავალი კი არარაა, არამედ აწმყო. ამიგომ, როცა ამბობენ მომავლს „ვხედავთო“, სინამდვილეში მას კი არ ხედავენ (რადგანაც მომავალი ჯერ კიდევ არ არის), არამედ, როგორც ჩანს, მის მიზგებებს თუ ნიშნებს, რომლებიც უკვე არსებობენ. ამრიგად წინასწარმხედველი მომავალს კი არ ხედავს, არამედ აწმყოს, რომლის მიხედვითაც იწინასწარმეცყველება სულის მიერ აღქმული თუ წარმოდგენილი მერმისი. ეს წარმოდგენები უკვე არსებობენ და მომავლის წინასწარმჭვრეცნი თავიანთ სულშივე ჭვრეცენ მათ<sup>62</sup>.

<sup>61</sup> ფსალმ. 70, 5.

<sup>62</sup> „ნეტარი ავგუსტინე აქ მიმართავს რაციონალისტურ ახსნას: მომავალი ივარაუდება იმ ნიშნების მიხედვით, რომლებსაც აწმყო სთავაზობს იმ ხალხს, ვისაც მათი ანალიზისა და ინტერპრეტაციისა უნარი შესწევს“. - ჰიერ დე ლაბრიოლის შენიშვნა; იხ. „აღსარებათა“ დასახ. გამოც. გვ.313.

ურიცხვი მაგალითიდან სანიმუშოდ მოვიხმობ ერთ-ერთს: მე ვხედავ განთიადს და წინასწარ ვაცხადებ, რომ მალე ამოვა მზე. რასაც მე ვხედავ, ანმყოფა, ხოლო რასაც ვაცხადებ, - მომავალი. მომავალში მზე როდია, - ის უკვე არსებობს, - არამედ მისი ამოსვლა, რაც ჯერ კიდევ არ არის. მაგრამ ჩემს სულს რომ ისევე წარმოდგენილი არა ჰქონდეს ეს ამოსვლა, როგორც ამჟამად, როცა მასზე ვლაპარაკობ, ვერც მას ვინწინასწარმეტყველებდი. ხოლო ეს განთიადი, ცის თავანზე რომ ვხედავ, ისევე არ არის მზის ამოსვლა, თუმცაღა წინ კი უსწრებს მას, როგორც ჩემი სულის მიერ წარმოსახული მზის ამოსვლის სურათი, მაგრამ ერთსაც და მეორესაც ანმყოფი ვხედავ და წინასწარ ვაცხადებ, რომ მზე ამოვა. მომავალი ჯერ კიდევ არ არის, ხოლო თუ ჯერ კიდევ არ არის, ესე იგი, საერთოდ არ არის, და რაკი საერთოდ არ არის, მაშასადამე, ყოვლად შეუძლებელია მისი დანახვა. მაგრამ შეიძლება ანმყოფი არსებული ნიშნების მიხედვით ვინწინასწარმეტყველოთ იგი, ნიშნებისა, რომლებიც უკვე არიან და, რა თქმა უნდა, შეგვიძლია კიდევად დაუუკვირდეთ მათ.

## XIX

25. კი მაგრამ, რანაირად განუმარტავ, შენს მიერ შექმნილ არსთა გამრიგვე, დიას, რანაირად განუმარტავ სულებს მომავალს? არადა, ხომ განუმარტავდი მას შენს წინასწარმეტყველთ? რანაირად ხსნი მომავალს, უფალო ჩემო, ვისთვისაც არ არსებობს მომავალი? ან იქნებ, უფრო სწორად, ანმყოფს მეშვეობით ხსნი მერმისს? ვინაიდან, რაც არ არის, ყოვლად შეუძლებელია იმისი ახსნა. ჩემი მზერა არც ისე მახვილია და გამჭრიახი, რომ შენი მოქმედების გარჩევა შესძლოს. ეს ჩემს ძალ-ღონეს აღემატება და ჩემდა თავად კი არა<sup>63</sup>, მხოლოდ შენი შემწეობით თუ შევძლებ ამას. მაშ, შემენიე, ჩემი შინაგანი მზერის სულზე უტყბესო ნათელი<sup>64</sup>.

## XX

26. ახლა კი ერთი რამ მაინც სავსებით ცხადია ჩემთვის: არც წარსული არსებობს და არც მომავალი. ამიგომ სცდებიან, როცა არსებულად მიიჩნევენ სამ ღროს - წარსულს, ანმყოფსა და მომავალს. ალბათ, უფრო მართებული იქნებოდა გვეთქვა: არის სამი ღრო - ანმყო წარსულისა, ანმყო ანმყოფისა და ანმყო მომავლისა. ეს რაღაც სამი ღრო მხოლოდ ჩვენს სულში არსებობს და სხვაგან ვერსად ვერ ვხედავ მათ: ანმყო წარსულისა - მესხიერებაა; ანმყო ანმყოფისა - უშუალო ჭვრეტა; ანმყო მომავლისა კი - მოლოდინი. თუ ნებას დამრთავენ ასე ვიმსჯელო, მაშინ მე ვხედავ და ვაღიარებ, რომ ღრო სამია.

<sup>63</sup> შდრ. ფსალმ. 138, 6.

<sup>64</sup> ფსალმ. 37, 11.

დაე, თუნდაც ჩვეულებისამებრ განაგრძონ (თუმცა ეს აშუარად მცდარია): არსებობს სამი დრო - წარსული, აწმყო და მომავალი; დაე, კვლავ განაგრძონ ასე. ახლა ეს როდია ჩემი საზრუნავი; არც დავას დაუწყებ და არც შევეკამათები ვინმეს; მხოლოდ იმ პირობით, რომ იცოდნენ, რასაც ამბობენ, და ესმოდეთ, რომ მომავალი ჯერ კიდევ არ არის, წარსული კი უკვე აღარ არის. რადგანაც ამ სიტყვებს იშვიათად თუ ხმარობენ მათი ჭეშმარიტი მნიშვნელობით; უმეტესწილად მცდარი აზრით ვიყენებთ მათ, მაგრამ ჩვენი კი ესმით.

## XXI

27. გემოთ უკვე ვთქვი, რომ ჩვენ მაშინ ვზომავთ დროს, როცა ის მიმდინარეობს. ამიტომაც შეგვიძლია ვამტკიცოთ, რომ დროის ესა და ეს შეუღლები ორჯერ უფრო გრძელია მეორეზე, ან მისი ტოლია და, საერთოდ, გარკვეული თანათვარდობა დავამყაროთ დროის იმ ნაწილებს შორის, რომლებსაც ვზომავთ.

ამრიგად, როგორც აღვნიშნე, დროს მისი მსვლელობისას ვზომავთ, და ვინმეს რომ ეკითხა ჩემთვის, კი მაგრამ, რა იცი, მართლა ასეა თუ არაო, პასუხად ვეცყოდი: ვიცი იმიტომ, რომ ჩვენ ვზომავთ დროს; რაც არ არსებობს, მისი გაზომვა შეუძლებელია; წარსული და მომავალი კი არ არსებობს. მაგრამ რანაირად შეგვიძლია გავზომოთ აწმყო, რომელსაც ხანგრძლივობა არ გააჩნია? მისი გაზომვა შეუძლებელია მხოლოდ მაშინ, როცა მიმდინარეობს; როგორც კი გაივლის, ვეღარ ვავზომავთ, რადგანაც გასაზომი აღარაფერი გვექნება.

მაგრამ საიდან მოედინება, რა გზით მიდის და საით მიემართება დრო, როდესაც მას ვზომავთ? საიდან, თუ არა მომავლიდან? რა გზით, თუ არა აწმყოს გავლით? საითკენ, თუ არა წარსულისაკენ? მაშასადამე, იქიდან მოედინება, სადაც ჯერ კიდევ არ არის, იმ გზით მიდის, რომელსაც გრძლივობა არ გააჩნია, და იმისკენ მიემართება, რაც უკვე აღარ არის.

მაშ, რაღას ვზომავთ, თუ არა დროის რომელიღაც მონაკვეთს? რადგან როცა დროის შეუღლებებზე ვმსჯელობთ და ორმაგს, ოთხმაგს, ან ერთმანეთის ტოლფერდს ვუნოდებთ მათ, რას ვგულისხმობთ, თუ არა დროის ფრცვლ მონაკვეთს? კი მაგრამ, მაინც რომელ მონაკვეთში იზომება დრო მისი მიმდინარეობისას? იქნებ, მომავალში, საიდანაც მოედინება? მაგრამ რაც ჯერ კიდევ არ არის, მისი გაზომვა შეუძლებელია. აწმყოში, რომლის გავლითაც მიდის? ვერასდროებით ვერ ვავზომავთ იმას, რასაც არავითარი მონაკვეთი არ გააჩნია. წარსულში, საითკენაც მიემართება? მაგრამ რაც უკვე აღარ არის, ასევე შეუძლებელია მისი გაზომვა.



XXII

28. ოჰ, ნეგა ეს გონებაშიუნვლომელი ამოცანა ამომახსნევინა. ნუ დამიძალავ, უფალო ღმერთო ჩემო, მამაო სახიერო, გვედრები, ქრისტეს გულისთვის, ნუ დამიძალავ მის პასუხს. მომეცი ძალი ჩაწვდე ამ მოვლენის არსს, ესოდენ ჩვეულებრივსა და, იმავდროულად, ესოდენ საიდუმლოს; ჩაწვდე და შენი გულმონყალების შექი მოვფინო. ვის მივმართო ამ კითხვით? ვის წინაშე ვალიარო, ჩემდა სასიკეთოდ, ეს ჩემი უმეცრება, თუ არა შენს წინაშე, ღიდსულოვნად რომ შეინყნარებ ჩემს მწველ სურვილსა და დაუოკებელ სწრაფვას, რომლის მიზანია საღმრთო წერილის შესწავლა? მომეცი, რაც მიყვარს; სიყვარულით კი ნამდვილად მიყვარს, და ამის ნიჭიც შენ მომმადლე. მომეც, მამაო, შენ ხომ ჭეშმარიტად შეგიძლია „კეთილი მისაცემელი მისცე შენს შვილებს“<sup>65</sup>; მომეცი ძალი იმის შეცნობისა, რისთვისაც ვიღწვი, მაგრამ ეს „ძნელია ჩემს თვალში“<sup>66</sup>, ვიდრე შენ არ ამხელ მას. გვედრები, ქრისტეს გულისთვის, წმიდათა-წმიდის სახელით, დაე, ნურავინ აღუდგება წინ ჩემს ძალისხმევას. „მნამს და მიტომაც ვამბობ“<sup>67</sup>. ესაა სასოება ჩემი, რისთვისაც ვცოცხლობ: მინდა „ვიხილო მშვენიერება უფლისა“<sup>68</sup>. „აჰა, რა ხანია მომიბოძე დღენი“<sup>69</sup>. და ისინიც მიჰქრიან, მაგრამ არ ვიცი როგორ.

ჩვენ კი ერთავად ეს გვაკერია პირზე: „ღრო“, „ჟამნი“, „ხანი“: „რამდენ ხანს ილაპარაკა“; „რა ხანია აკეთებდა“; „რა ღრო გასულა მას შემდეგ, რაც არ მინახავს“; „გრძელი მარცვლის წარმოთქმას ორჯერ მეტი ღრო სჭირდება, ვიდრე მოკლისას“, და სხვა მისთანანი. ჩვენ ვამბობთ ამას და სხვებაც ამასვე გვეუბნებიან; ჩვენც გვესმის მათი და მათაც ესმით ჩვენი. ყოველივე ეს ცხადზე უცხადესია და ჩვეულებრივზე ჩვეულებრივი, მაგრამ, ამასთანავე, არაფერია უფრო ბნელი და უფრო ძნელიც, ვიდრე ამ სიტყვების ჭეშმარიტი აზრის გაგება.

XXIII

29. ერთი სწავლულისაგან გამიგონია, რომ ღრო სხვა არა არის რა, თუ არა მზის, მთვარისა და ვარსკვლავების მოძრაობა, მაგრამ მე არ ვიბიარებ მის აზრს. თუ ასეა, მაშინ რატომ არ უნდა მიგვაჩნდეს ღროდ ყველა სხეულის მოძრაობა? ციური მნათობები რომ შეჩერებულყვენ და მხოლოდ მეთუნის ბორბალს ებრუნა, ნუთუ აღარ იქნებოდა ღრო, რომლითაც მის ბრუნვებს გაგზომავდით? ვითომ იმისდა კვალად, თუ როგორ იბრუნებდა ბორბალი - თანაბარბომიერად, ნელა თუ ჩქარა, - ვერ შევძლებდით გვეთქვა, რომ ერთ შემობრუნებას უფრო მეტი ღრო სჭირდება, ვიდრე მეორეს? და ნუთუ გარკვეული ღრო არ

<sup>65</sup> მათე VII, 11.  
<sup>66</sup> თსალმ. 72, 16.  
<sup>67</sup> თსალმ. 115, 1.  
<sup>68</sup> თსალმ. 26, 4.  
<sup>69</sup> თსალმ. 38, 6.

დასჭირდებოდა ამის წარმოთქმას? განა ჩვენს სიტყვებში აღარ იქნებოდა გრძელი და მოკლე მარცვლები? პირველნი ხომ უფრო დიდხანს იხმიანებდნენ, ვიდრე მეორენი.

უფალო, მიეცი ხალხს იმის უნარი, რომ მცირედში შესძლონ იმ არსებით ნიშან-თვისებათა დანახვა, რაც ახასიათებს დიდთაც და პატარათაც. არსებობენ ვარსკვლავები და ციური მნათობები „ღღე-ღამის გასაყარად და დრო-ჟამის აღსანიშნავად“<sup>70</sup>; ღიახ, არსებობენ, მაგრამ ვერც მე ვიცი, ამ პატარა ხის ბორბლის შემობრუნება ღღეა-მეთქი, და ვერც ის სწავლული გაბედავს იმის თქმას, რომ იგივე ბორბალი დროში არ არსულებს ბრუნს.

30. მე მსურს გავიგო ბუნება და არსი დროისა, რომლითაც სხეულთა მოძრაობას ვზომავთ და ვამბობთ, რომ, მაგალითად, ესა და ეს მოძრაობა ორჯერ უფრო ხანგრძლივია, ვიდრე მეორე. მე მინდა ვიკითხო შემდეგი: როგორც ვიცით, ღღედ მარტო ის დრო კი არ იწოდება, რომლის განმავლობაშიც მზე დედამიწას დაჰყურებს (ამით განისაზღვრება განსხვავება ღღესა და ღამეს შორის), არამედ ის დროც, რომლის განმავლობაშიც მზე თავის წრიულ მიმოქცევას ასრულებს ერთი აისიდან მეორე აისამდე. სწორედ ამ მიმოქცევათა შესაბამისად ვამბობთ, ამდენი და ამდენი ღღე გავიდაო, ხოლო ამ ცნებაში - „ღღე“ - ღამეც იგულისხმება, რადგანაც ღამეულ დროს ცალკე როდი აღვრიცხავთ. მაშასადამე, ერთი სრული აისიდან აისამდე მზის წრებრუნვით განისაზღვრება, და მეც სწორედ ამას ვკითხულობ: რა არის ღღე, თვით ეს წრებრუნვა, ეს მოძრაობა, თუ დროის შუალედი, რომელშიაც ის სრულდება? ან იქნებ, ორივე ერთად?

პირველ შემთხვევაში „ღღედ“ უნდა გვეგულისხმებინა ერთი საათიც, თუკი მზე დროის ამ შუალედში შესძლებდა თავისი გზის გავლას; მეორე შემთხვევაში კი „ღღე“ საერთოდ არ იქნებოდა, თუკი მზის ორ ამოსვლას შორის დროის მხოლოდ ეს მცირე შუალედი - ერთი საათი იქნებოდა მოქცეული. ერთი სრული დღის გასასრულებლად მზეს ოცდაათხუთჯერ უნდა შეესრულებინა თავისი წრებრუნვა. მესამე შემთხვევაში „ღღედ“ ვერც ერთსაათიან შუალედს მივიჩნევდით, რომლის განმავლობაშიც მზე თავის ერთ სრულ მიმოქცევას შეასრულებდა, და ვერც იმ დროს, რომლის მანძილზეც ის ჩვეულებრივ ასრულებს თავის წრებრუნვას განთიადიდან განთიადამდე (თუ შევუშვებდით, რომ მზე საერთოდ გაჩერდა).

ამრიგად, ახლა იმას კი აღარ ვკითხულობ, თუ რა იწოდება ღღედ, არამედ იმას, თუ რა არის დრო, რომლითაც მზის მოძრაობას ვზომავთ და ვამბობთ, რომ მზემ დროის ორჯერ უფრო მოკლე შუალედში განვლო თავისი გზა, ვიდრე ეს ჩვეულებრივ ხდება, თუკი დავეუშვებთ, რომ თორმეტი საათი მოანდომა ერთ სრულ წრებრუნვას. დროის ამ ორი შუალედის შედარებისას ჩვენ ვიცი, რომ ერთი ორჯერ უფრო გრძელია მეორეზე, და რომ

<sup>70</sup> დაბად. I, 14.

მზე ზოგჯერ ამ ორთაგან ერთერთის განმავლობაში ასრულებს თავის მიმოქცევას აისიდან აისამდე, ზოგჯერ კი ორჯერ მეტ დროს ანდომებს ამას<sup>71</sup>.

მაშ, ნულარავინ მეცყვის, რომ დრო ციურ სხეულთა მოძრაობაა. როცა ერთმა კაცმა ლოცვით შეაჩერა მზე<sup>72</sup>, რათა გამარჯვებით დაესრულებინა ბრძოლა, მზე იდგა, დრო კი მიდიოდა. ბრძოლა გრძელდებოდა და თავის დროზე დამთავრდა. ამრიგად, მე ვხედავ, რომ დრო ერთგვარი ვრცეულობაა თუ განფენილობა. მაგრამ მართლა ვხედავ თუ მეჩვენება, რომ ვხედავ? შენ მიჩვენებ ამას, უფალო, ჩემო ნათელო და ჭეშმარიტება.

## XXIV

31. განა იმას მიბრძანებ, დავადასტურო, რომ დრო სხეულთა მოძრაობაა? არა, ამას როდი მიბრძანებ. კარგად მესმის, რომ სხეულს მხოლოდ დროში შეუძლია იმოძრაოს. ეს გამიგია შენგან. მაგრამ დრო რომ თვით სხეულთა მოძრაობა იყოს, ეს კი აღარ მესმის და არც გამიგია შენგან<sup>73</sup>. როდესაც სხეული ამოძრავდება, მე დროით ვზომავ, რამდენ ხანს მოძრაობს იგი მოძრაობის დანწყებიდან მის დასასრულამდე. თუ არ დამინახავს, როდის დაიწყო მოძრაობა, მაგრამ განუწყვეტლივ კი მოძრაობდა, და ვერც მოძრაობის დასასრული შევნიშნე, ვერ შევძლებ მისი მოძრაობის ხანგრძლივობა გაზომო, თუ არ ჩავთვლით იმ დროს, რომლის განმავლობაშიც თვალს ვადევნებდი მის მოძრაობას, დასაწყისიდან დასასრულამდე. თუ დიდხანს ვაკვირდებოდი, მხოლოდ იმის თქმა შემიძლია, რომ საკმაოდ დიდი დრო გავიდა, თუმცა ზუსტად კი ვერ განვსაზღვრავ მის ხანგრძლივობას, რადგანაც ხანგრძლივობა შედარებით განისაზღვრება. ასე მაგალითად, ჩვენ ვამბობთ: „ეს იმდენხანს გაგრძელდა, რამდენსაც ის გრძელდებოდა“, ან „მეტი დრო დასჭირდაო“, და ა.შ. ხოლო თუ ჩვენ შეგვიღია იმ ორი ადგილის ჩანიშვნა, საიდანაც მოძრაობას იწყებს და ამთავრებს სხეული ან მისი ნაწილი, როცა ისე მოძრაობს, თითქოს წრიულად ბრუნავსო, მაშინ შეგვიძლია ვთქვათ, რამდენ ხანს გრძელდებოდა სხეულისა თუ მისი ნაწილის მოძრაობა ერთი ადგილიდან მეორემდე.

მაგრამ რაკი სხეულის მოძრაობა ერთია, ხოლო ის, რითაც მის მოძრაობას ვზომავთ, - მეორე, განა აშკარა არ არის, თუ ამ ორი ცნებიდან რომელს უფრო შეიძლება ეწოდოს დრო? სხეული ზოგჯერ თანაბრად მოძრაობს, ზოგჯერ კი სულაც ჩერდება, და ჩვენ სწორედ დროით ვზომავთ არა მარტო მის მოძრაობას, არამედ უძრაობასაც. ამ შემთხვევაშიც ვიცყვით ხოლმე: „იმდენ ხანს იდგა, რამდენსაც მოძრაობდა“, ან - „ორჯერ თუ სამჯერ უფრო მეტ ხანს იდგა,

<sup>71</sup> ნეტარი ავეგუსტინე ზაფხულისა და ზამთრის დღეებს გულისხმობს.

<sup>72</sup> იესო ნავ. X, 12-13.

<sup>73</sup> არისტოტელეს მიხედვით (იხ. შენ. 60), დრო და მოძრაობა ერთმანეთს განსაზღვრავენ, ნეტარი ავეგუსტინე კი, არსებითად, უარყოფს მათ ურთიერთგანსაზღვრულობას.

ვიდრე მოძრაობდა“ და ა.შ., იმის მიხედვით, ზუსტია ჩვენი გამოთვლა თუ მიახლოებითი. მაშასადამე, დრო სხეულთა მოძრაობა როდია.

## XXV

32. ვალიარებს, უფალო, დღემდე არ ვიცი, რა არის დრო; მაგრამ სხვა რამესაც ვალიარებს, ღმერთო ჩემო: ვიცი, რომ დროში წარმოვთქვამ ამ ჩემს სიტყვებს; რომ დიდი ხანია დროზე ვლაპარაკობ, და თვით ეს „დიდი ხანი“ სხვა არა არის რა, თუ არა დროის ერთგვარი შუალედი. მაგრამ რა ვიცი ეს, თუკი არ ვიცი, რა არის დრო? იქნებ, არ ვიცი, რანაირად გადმოვცე ის, რაც არ ვიცი? ვაიმე ბედკრულს! ისიც კი არ ვიცი, თუ რა არ ვიცი. აჰა, შენს წინაშე ვდგავარ, უფალო: არ ვცრუობ; რასაც ვამბობ, იმასვე ვთქვამ. „მაშ, ამინთე ლამპარი, უფალო ღმერთო ჩემო, სინათლედ მიქციე ბნელი“<sup>74</sup>.

## XXVI

33. განა წრფელი არ არის აღსარება ჩემი სულისა, რომელიც აღიარებს შენს წინაშე, დროსა ვზომავთ? დიას, უფალო, ვზომავ, მაგრამ ის კი არ ვიცი, თუ რასა ვზომავ. თვით დროს კი არა, სხეულის მოძრაობას ვზომავ დროით? როცა სხეულის მოძრაობის ხანგრძლივობას ვზომავ, თუ რამდენ ხანს უნდება იგი გადაადგილებას ერთი ადგილიდან მეორემდე, სხვა რასა ვზომავ, თუ არა დროს, რომლის განმავლობაშიაც მოძრაობს სხეული?

კი მაგრამ, რითი გავზომო თვით დრო? იქნებ, უფრო ხანმოკლე დროით - უფრო ხანგრძლივი, როგორც ლაგანს ვზომავთ ხოლმე წყრით?<sup>75</sup> ისევე, როგორც გრძელი მარცვლის სიგრძეს ვზომავთ მოკლე მარცვლის გრძლივობით და ვამტკიცებთ, რომ პირველი ორჯერ უფრო გრძელია მეორეზე. აკი ლექსის სიგრძესაც სტრიქონთა რაოდენობით ვზომავთ, სტრიქონებისას - გერეთა რაოდენობით, გერეთებისას - მარცვალთა რიცხვით, ხოლო გრძელი მარცვლებისას - მოკლე მარცვალთა გრძლივობით? ეს ვაზომავ თურცელზე როდი ხდება (თორემ სივრცის განთენილობას ვავზომავდით და არა დროისას); არა, სიტყვების წარმოთქმისდაკვალად ჩვენ ვამბობთ: ეს ლექსი გრძელია; ამდენი და ამდენი სტრიქონისაგან შედგება; ეს სტრიქონი გრძელია, რადგან ამდენ და ამდენ მარცვალს ითვლის; და ბოლოს, ეს მარცვალის გრძელია, რადგანაც მისი სიგრძე ორჯერ აღემატება მოკლისას.

მაგრამ დროის ზუსტი საზომი აქ არა გვაქვს; რადგანაც შეიძლება შედარებით მოკლე ლექსი ისე გაჭიანურებულად წარმოითქვას, რომ ამას მეტი დრო დასჭირდეს, ვიდრე უფრო

<sup>74</sup> ფსალმ. 17, 29.

<sup>75</sup> ლეღანში - cubitus = დაახ. 45 სმ.

გრძელი, მაგრამ სხაპასხუპით წაკითხული ლექსის წარმოთქმას. იგივე შეიძლება ითქვას სტრიქონის, გერთისა თუ მარცვლის მიმართაც.

ამიტომ, ჩემის აზრით, დრო ერთგვარი განფენილობაა, მაგრამ მისი განფენილობა? - ეს კი არ ვიცი. იქნებ საკუთრივ სულისა?<sup>76</sup> მაშ, რაღას ვზომავ, უფალო, როცა სავარაუდოდ ვამბობ: „ეს დრო იმ დროზე ხანგრძლივია“, ან დაბეჭითებით ვამტკიცებ: „ეს დრო ორჯერ უფრო გრძელია, ვიდრე ის-მეთქი?“ ვიცი, რომ ამით დროს ვზომავ, მაგრამ მომავლის გაზომვა არ შემიძლია, რადგან ის ჯერ კიდევ არ არის; არც აწმყოსი თუ წარსულისა, რადგანაც პირველს ხანგრძლივობა არ გააჩნია, ხოლო მეორე უკვე აღარ არის. მაშ, რაღას ვზომავ? დროს, რომელიც გადის, მაგრამ ჯერ კიდევ არ გასულა? ზემოთ სწორედ ამას ვამბობდი.

## XXVII

34. უდრეკი იყავ, სულს ჩემო, უფრო ძალუძად დაძაბე შენი აზრი: „ღმერთია ჩვენი შემწე; მან შეგვექმნა ჩვენ, თვითონ როდი შეგვექმნია ჩვენივე თავი“<sup>77</sup>. იქით მიაპყარ თვალი, სადაც უკვე კრთის ჭეშმარიტების განთიადი.

წარმოიდგინე, მაგალითად, ადამიანის ხმა; ბგერა თრთის, თრთის და ბოლოს ჩუმდება. მიწყდა და მდუმარებამ დაისადგურა. თვით ხმა კი განქარდა, გაქრა. ვიდრე ახმიანდებოდა, მომავალში იყო, და ამიტომაც ვერ ვავზომავდით, რადგან ჯერ კიდევ არ არსებობდა. მაგრამ ვერც ამჟამად ვავზომავთ, რადგანაც უკვე აღარ არის. შეიძლებოდა გაგვეზომა მხოლოდ მანამ, სანამ ხმიანებდა, რადგანაც მხოლოდ მაშინ იყო რაღაც ისეთი, რისი გაზომვაც შეიძლებოდა. მაგრამ მაშინაც ხომ არ იყო უძრავად გახევეებული: მოდიოდა და მიდიოდა. ამიტომაც შეიძლებოდა მისი გაზომვა? ვიდრე ჰაერში მიირხეოდა, დროის გარკვეულ შუალედში იყო მოქცეული, და სწორედ ამ შუალედით შეიძლებოდა მისი გაზომვა: აწმყოს ხომ ხანგრძლივობა არ გააჩნია.

ასე რომ, თუ შეიძლება მისი გაზომვა, მაშ, დაუთქრდი: აი, ხმიანობას იწყებს მეორე ბგერა, რომელიც ჯერხნობით კვლავაც უწყვეტად და თანაბრად ხმიანებს. ვავზომავთ, სანამ არ მიმწყდარა. თორემ მიწყდება თუ არა, აღარათფერი დაგვრჩება გასაზომი. მაშ, ზუსტად ვავზომოთ და ვთქვათ, რანაირია მისი ხანგრძლივობა. მაგრამ ის კვლავაც ხმიანებს და მისი გაზომვა შეიძლება მხოლოდ იმ წამიდან, როცა ახმიანდა, იმ წამამდე, როცა მიწყდება. მაშასადამე, ჩვენ ვზომავთ შუალედს რომელიღაც დასაწყისს და დასასრულს შორის. ესე იგი, ვერ ვავზომავთ ბგერას, რომელიც ჯერ კიდევ ჟღერს, და ვერც იმას ვიტყვით, გრძელია ის თუ მოკლე, ან მეორე ბგერის ცოლთარდია, ორჯერ გრძელია მასზე და ა.შ. ხოლო როცა

<sup>76</sup> ნეტარი ავგუსტინე აქ უახლოვდება პლოტინის თვალსაზრისს, რომლის თანახმადაც, „დროის წვდომა შეუძლებელია სულის გარეშე“ („ენწ.“ III,7,11). მაგრამ პლოტინი, როგორც ვნახეთ (იხ. შენ.60), აქ სამყაროს სულს გულისხმობს, ხოლო ნეტარი ავგუსტინე, რომელიც სუბიექტივისტურად იაზრებს დროს, - ადამიანის სულს.

<sup>77</sup> ფსალმ. 61, 9; 99, 3.



ბგერა მიწყდება, ის უკვე აღარ იქნება. მაშ, როგორღა შეიძლება მისი გაბომვა? და მაინც ჩვენ ვბომავთ ღროს; იმ ღროს კი არა, რომელიც ჯერ კიდევ არ არის, არც იმას, რომელიც უკვე აღარ არის, არც იმას, რომელიც საერთოდ არ გრძელდება, და არც იმას, ზღვარი რომ არ გააჩნია. მაშასადამე, არც მომავალ ღროს ვბომავთ, არც წარსულს, არც აწმყოს და არც მიმდინარეს, თუმცა, მიუხედავად ამისა, ჩვენ მაინც ვბომავთ ღროს.

**35. Deus creator omnium** („ღმერთო, ყოვლის შემოქმედო“)<sup>78</sup> - ეს სტრიქონი რვა ურთიერთმონაცვლე გრძელი და მოკლე მარცვლისაგან შედგება. ამათგან ოთხი მოკლეა: პირველი, მესამე, მეხუთე და მეშვიდე; ისინი ოთხ გრძელ მარცვალს ეწყვილებიან: მეორეს, მეოთხეს, მეექვსესა და მერვს. ყოველი გრძელი მარცვლის წარმოთქმას ორჯერ მეტი ღრო სჭირდება, ვიდრე მოკლესას, რასაც მკაფიოდ აღიქვამს ყური, და ეს ასეცაა. როგორც ჩანს, თუ გრძობადი ალქმის სიზუსტეს ვენდობით, გრძელ მარცვალს მოკლეთი ვბომავ და ვგრძობ, რომ პირველი ორ უკანასკნელს უღრის. მაგრამ როცა ერთიმეორის მიყოლებით ხმიანებენ, როგორღა „მოვიხელთო“ მოკლე მარცვალი, რათა საბოლოოდ მიუყსადგო გრძელს და, ამრიგად, დაუადგინო, რომ გრძელი მარცვალი ორი მოკლე მარცვლის ცოლია? გრძელი ხომ მანამდე არ გახმიანდება, ვიდრე არ მიწყდება მოკლე. განა გრძელ მარცვალს მანამ ვბომავ, სანამ ხმიანებს? არა, მხოლოდ მას შემდეგ, რაც დასრულდება. მაგრამ დასრულებისთანავე ქრება კიდევ. მაშ, რაღას ვბომავ? სადაა ის მოკლე მარცვალი, რომლითაც ვბომავ? ან გრძელი მარცვალი, რომელსაც ვბომავ? ორივემ გაიხმიანა და გაქრა, განქარდა, არცერთი აღარ არის, მე კი ვბომავ და ჩემს სისწორეში დარწმუნებული ვამტკიცებ, - თუკი შეიძლება ერწმუნოთ დახვეწილ სმენას, - რომ გრძელი მარცვალი ორჯერ უფრო გრძელია, ვიდრე მოკლე; რა თქმა უნდა, ღროის ხანგრძლივობა იგულისხმება. და ეს მხოლოდ იმიტომ შემიძლია, რომ ორივე მარცვალმა გაიხმიანა და მიჩუმიდა. მაშასადამე, თვით მათ როდი ვბომავ, რაკი არცერთი აღარ არის, არამედ მათ ერთგვარ ნაკვალევს, ღრმად რომ აღბეჭდილა ჩემს მესხიერებაში.

**36.** ასე რომ, სულო ჩემო, შენში ვბომავ ღროს<sup>79</sup>. ნუ შემედავები და შემეკამათები შენი შთაბეჭდილებების ორომცრიალში. გიმეორებ, შენში ვბომავ-მეთქი ღროს. ყველაფერი, რაც გვერდით ჩაგივლის, შენში ცოვებს თავის აღნაბეჭდს; სწორედ ამჟამად არსებულ ამ აღნაბეჭდს ვბომავ და არა იმას, რამაც ჩაიარა და შენში თავისი ნაკვალევი დატოვა. დიას,

<sup>78</sup> ზემოთ (IX, XII, 32) ნეტარ ავეუსტინეს უკვე მოაქვს ამბროსი მედიოლანელის ამ მშვენიერი ჰიმნის პირველი ორი სტროფი.  
<sup>79</sup> სახელგანთქმული ფრანგი მეცნიერი პიერ მორის მარი დიუემი თავის გრანდიოზულ, ათტომიან გამოკვლევაში „სამყაროს სისტემა. კოსმოლოგიურ მოძღვრებათა ისტორია პლატონიდან კოპერნიკამდე“, პარიზი, 1913-1959, შემდეგნაირად განმარტავს ამ პასაჟს: „მაშასადამე, ღროის არსებობა და ხანგრძლივობა ჩვენი სულის საქმეა, სულისა, რომელსაც შეუძლია ყურადღების ერთი და იმავე, მუდმივი და მყარი ქმედითობით მოიცვას წარსულისა და მომავლის მოვლენები... ყოველივე იმაში, რაც ამჟამად ხდება, ჩვენს სულს შეუძლია გამოეყოს თანმიმდევრულ მოვლენათა მთლიანობა, და ამრიგად, ერთი და იმავე, ამნამიერი ყურადღებით „მოხილეთოს“ ყველა ეს მოვლენა. ამის წყალობით ის მათ ანიჭებს მყარსა და პერმანენტულ, ინტელექტისმიერ არსებობას, რასაც ისინი მოკლედ აღიარებენ გარე სინამდვილეში. სხვადასხვა გრძლივობის გაზომვისას სული ერთმანეთს აღარებს სწორედ ამ ფიქსირებულსა და აწმყოდ ქცეულ მთლიანობებს“ (P.Duhem. Le Système de monde, t. II, Paris, 1914, p.476).

ამ უკანასკნელს ვზომავ, როცა დროის გაზომვას ვაპირებ. მაშასადამე, სწორედ ესაა დრო, ანდა საერთოდ არ ვზომავ მას.

მერედა რა? როცა დუმილს ვზომავთ და ვამბობთ, რომ ის იმდენ ხანს გრძელდება, რამდენი ხნის მანძილზეც ხშიანებდა ესა თუ ის ბგერა, განა აზრით არ ვცდილობთ ამ ბგერის გაზომვას, თითქოსდა კვლავაც ხშიანებდეს, რათა, ამრიგად, საშუალება გვქონდეს განვსაზღვროთ დუმილის დროული შუალედი? ზოგჯერ ასევე ჩუმად და უსიტყვოდ წარმოვთქვამთ გულში ლექსს, მის ცალკეულ სტრიქონებსა თუ სიტყვებს, და ისე განვსაზღვრავთ მათ წარმოსათქმელად საჭირო დროის შუალედებსა თუ თანათარღობებს ამ უკანასკნელთა შორის, თითქოს ხმამაღლა წარმოგვეთქვას ისინი. ვთქვათ, ვინმეს სურს დაუსტვინოს და აზრით განსაზღვროს სტვენის მომავალი ხანგრძლივობა. ცხადია, ჩუმად განსაზღვრავს დროის ამ შუალედს, კარგად დაიმახსოვრებს მას და მხოლოდ შემდეგ დაუსტვენს. სტვენა იმდენ ხანს გაგრძელდება, რამდენიც წინასწარ იქნა დადგენილი. ან, უფრო სწორად, სტვენა ისოდა და კვლავაც შეიძლება ისმოდეს: რაც უკვე გაისმა, რა თქმა უნდა, ხშიანდება, რაც აწი უნდა გაისმას, შემდეგ გახშიანდება, და ყველაფერი ასე დასრულდება: ყურადღებას წარსულში გადააქვს მომავალი; რაც მომავალს აკლდება, წარსულს ემატება; და თუ მომავალი საერთოდ გაქრა, დარჩება მხოლოდ წარსული.

## XVIII

37. კი მაგრამ, რანაირად მცირდება ან სულაც ქრება მომავალი, რომელიც ჯერ კიდევ არ არსებობს? ან რანაირად იზრდება წარსული, რომელიც უკვე აღარ არსებობს? მხოლოდ იმნაირად, რომ ეს ხდება სულში, რადგანაც მარგოლოდენ სულში არსებობს სამი დრო. ეს ელის, ყურადღებას აპყრობს და ახსოვს: რასაც ელის, იმ გზით გაივლის, რასაც ყურადღებას აპყრობს, და იქითკენ მიემართება, რაც ახსოვს. ვინ შესძლებს იმის უარყოფას, რომ მომავალი ჯერ კიდევ არ არსებობს? მაგრამ მისი მოლოდინი უკვეა სულში. ანდა ვინ უარყოფს იმას, რომ წარსული უკვე აღარ არსებობს? მაგრამ სულში კვლავაც ცოცხლობს მისი ხსოვნა, და ბოლოს, ვინ გაბედავს უარყოს, რომ აწმყოს ხანგრძლივობა არ გააჩნია? რადგან ის მეყსეულად გადის. მაგრამ ხანგრძლივია ჩვენი ყურადღება, რომელსაც დაუყოვნებლივ არყოფნაში გადაჰყავს ყველაფერი, რაც კი თავს იჩენს. მაშასადამე, ხანგრძლივია არა მომავალიდრო, რომელიც არ არსებობს; ხანგრძლივია მხოლოდ მომავლის მოლოდინი. ხანგრძლივია არა წარსული დრო, რომელიც არ არსებობს; ხანგრძლივია მხოლოდ წარსულის ხსოვნა.

38. ვთქვათ, მსურს წამოვიწყო ნაცნობი სიმღერა: ვიდრე არ დამიწყია, მთელი ჩემი მოლოდინი მისკენაა მიპრყობილი. მაგრამ როგორც კი დავიწყებ, მოლოდინი წყდება, სიმღერის ნაწილი წარსულში გადადის და, ამრიგად, ამდიდრებს ჩემს მეხსიერებას. ჩემი მოქმედების ძალა განწილულია ხსოვნასა და მოლოდინს შორის: ხსოვნაში გადადის, რაც

უკვე ვიმღერე, მოლოდინი კი იმისკენაა მიმართული, რაც ჯერ კიდევ სამღერი დამრჩა. ხოლო ჩემი ყურადღება ანმყოს ეკუთვნის, რომლის გავლითაც მიემართება მომავალი, რათა წარსულად იქცეს. რაც უფრო მეტს ვმღერი, მით უფრო იზღუდება მოლოდინი და ფართოვდება ხსოვნა, ვიდრე მოლოდინი, ბოლოს და ბოლოს, სულ არ გაქრება: სიმღერა დამთავრდა; ახლა ის მთლიანად მესხიერებაშია გადასული. რაც მთელ სიმღერას მოსდის, იგივე მოსდის მის ყველა ნაწილს, ყველა მარცვალსაც. ჩემი სიმღერა შეიძლება უფრო ვრცელი საგალობლის ნაწილი იყოს, და მაშინ იგივე ითქმის ამ ვრცელი საგალობლის, ისევე, როგორც ადამიანის მთელი ცხოვრების მიმართაც, რომელიც ასევე ცალკეული ნაწილებისა თუ მოქმედებებისაგან ითხზვის. დასაბამიდან მოყოლებული ამავე კანონზომიერებას ექვემდებარება კაცთა მოდგმის მთელი ამქვეყნიური არსებობაც, რომლის ნაწილებადაც ცალკეულ თაობათა თუ კერძო პირთა ცხოვრებანი გვევლინებიან.

## XXIX

39. მაგრამ რაკი „შენი წყალობა სიცოცხლეზე უმეტესია“<sup>80</sup>, აჰა, ჩემი სიცოცხლე, რომელიც სხვა არა არის რა, თუ არა უთავბოლო წრიალი და დაბნეულობა. მაშ, „შემენიე შენი მარტვენით“<sup>81</sup>, უფლის ჩემის, კაცის ძის მიერ, ვინც არის შუამავალი შენ ერთსა და ჩვენ მრავალს შორის, რომელნიც მრავალში და მრავლითა ვცხოვრობთ. „დაე, ვენიო, როგორც თვითონ მენია იგი“<sup>82</sup>; დაე, განვეშორო ჩემს ძველ ყოფას, ხელთ ვიპყრა ჩემივე თავი და შენ ერთს მოვსდიო, რათა დავივიწყო წარსული და თავგზა აღარ ამიბნოს მერმისსა თუ წარმავალზე ფიქრმა, არამედ ყურადღება მივაპყრო მხოლოდ ჩემს წინაშე მყოფს და მთელის არსებით ვესწრაფო ზეციური ხმობის გვირგვინს<sup>83</sup>, რომ „ვისმინო ხმა შენი ქებისა“<sup>84</sup> და „ვისილო უფლის მშვენება“<sup>85</sup>, რომელსაც არც დასაბამი აქვს და არც დასასრული.

ახლა კი „გაილია სიცოცხლე ჩემი ნაღველში, და წლები ჩემი - გლოვაში“<sup>86</sup>; მაგრამ შენა ხარ, უფალო, ჩემი ნუგეში, მარადიული მამა ჩემი; მე კი ღრღში ვარ დანთქმული<sup>87</sup>, რომლის წყობისაც არა მესმის რა. ჩემი ფიქრი, ჩემივე სულის უიდუმალესი ნაყოფი, დაფლეთილ-დაქუცმაცებულია ცვალებადობის ბობოქარი დინებით, და ასე იქნება მანამ, სანამ არ შეგერწყმი შენ, განწმენდილი და გამონრთობილი შენი სიყვარულის ცეცხლში.

<sup>80</sup> ფსალმ. 62, 4.

<sup>81</sup> ფსალმ. 17, 36; 62, 9.

<sup>82</sup> ფილიპ. III, 12.

<sup>83</sup> შდრ. ფილიპ. III, 13-14.

<sup>84</sup> ფსალმ. 25, 7.

<sup>85</sup> ფსალმ. 26, 4.

<sup>86</sup> ფსალმ. 30, 11.

<sup>87</sup> პლატონისა და ნეოპლატონიკოსთან მოძღვრების გამოძახილი - ზედროულსა და ზესივრცულ წინამდვილეს მონყვეტილი სულის მატერიაში, ე.ი. ღროისა და სივრცის სამყაროში დანთქმის შესახებ.

XXX

40. მაშინ აღვდგები და ჩემი ნამდვილი სახით დავემკვიდრები შენს ჭეშმარიტებაში. ამიერიდან აღარ მოვითქმენ იმათ შეკითხვებს, რომელთაც ახრჩობთ ავადმყოფური წყურვილი: სურთ იმაზე მეტი დალიონ, რისი მონელების ძლავაც შესწევთ. სწორედ ისინი მეკითხებიან: „რას აკეთებდა ღმერთი ცისა და მიწის შექმნამდე?“ ანდა: „რაში მოეპრიანა რაღაცის შექმნა, თუკი არასდროს არათერს არ აკეთებდაო?“

შეაგნებინე მათ, უფალო, რას ბოდავენ; გაუმჟღავნე საცოდავებს, რომ იქ, სადაც არ არის დრო, სიგყვას „არასოდეს“ არავითარი აზრი არა აქვს. გინდ ის ვითქვამს ვინმეზე, „არასდროს არათერს არ აკეთებდაო“, და გინდაც ის გიმტკიცებია - „არათერს აკეთებდა ღროშიო“. დაე, დარწმუნდნენ, რომ შეუძლებელია დრო იყოს ის, სადაც არ არის ქმნილება<sup>88</sup>, და გყუილად ნუღარ ლაყბობენ<sup>89</sup>. დაე, იმას მიუბრუნდნენ, რაც მათ წინაშეა<sup>90</sup>. დაე, შეიგნონ, რომ ყველა დროზე უწინარეს შენა ხარ - ყოველი დროის მარადიული შემოქმედი. და შენამდე არც დრო ყოფილა და არც რამ ქმნილება, თუნდაც თვით დროზე უზენაესი<sup>91</sup>.

XXXI

41. უფალო ღმერთო ჩემო, რა უძირო სიღრმეში მიმალულან შენი საიდუმლონი, და რაოდენ შორსა ვარ მათგან ჩემი ცოდვების გამოისობით. განკურნე ჩემი თვალისჩინი, რათა ვიხარო შენი ნათელით. თუკი არსებობს დიადი სული, ყოვლისმცოდნე და წინასწარჭვრეცის ნიჭით ცხებული, ვისთვისაც ისევე კარგადაა ცნობილი მთელი წარსული და მომავალი, როგორც ჩემთვის - ერთი მარტივი საგალობელი, რომელსაც ყველა გალობს, მაშინ ჭეშმარიტად საკვირველია ეს სული და წმინდა თრთოლვის მომგვრელი: მისთვის ხომ არც ისაა დათარული, რაც გარდასულა, და არც ის, რასაც ჯერ კიდევ თავიანთ წიაღში მალავენ მომავალი საუკუნენი, ისევე, როგორც ზემოხსენებული საგალობლის გალობისას ცხადია ჩემთვის, თუ რამდენი ვიგალობე უკვე და რამდენი დამრჩა სამღერი.

შორს ჩემგან ის აზრი, თითქოს შენ, არსთა გამრიგე, ყოველი სულისა და სხეულის წარმმართველი, ასევე იცნობ მთელ წარსულსა და მომავალს. არა, შენი ცოდნა გაცილებით უფრო იღუმალია და გონებამიუნვდომელი. საგალობლის მგალობელსაც და მსმენელსაც ხშირად ეცვლება განწყობა იმ მუხლის მოლოდინში, რომელიც ანი უნდა შესრულდეს, ან იმის გახსენებისას, რომელიც უკვე შესრულდა, და ამისდა კვალად იცვლებიან მათი

<sup>88</sup> იხ. აქვე, შენ. 60.

<sup>89</sup> შდრ. ფსალმ. 143, 8.

<sup>90</sup> შდრ. ფილიპ. III, 13.

<sup>91</sup> ნეტარი ავგუსტინე მსჯელობდა იმაზე, თუ როდის შეიქმნენ ანგელოსები - დროში თუ „ყველა დროზე უწინარეს“. რაკილა ისინი ცვალებადობას ექვემდებარებიან, ამიტომაც ნეტარმა ავგუსტინემ დაასკვნა, რომ ანგელოსები „დროის თანადროული“ არიან („ღვთის ქალაქისათვის“, XII,16).

გრძნობებიც. შენი ცოდნა, სულთა მარდიულო შემოქმედო, სულ სხვაგვარად საოცარია და სხვაგვარად იღუბალი. და როგორც იცოდი „თავდაპირველად ცა და მიწა“ შენი უცვლელი ცოდნით, ისევე შექქენი „თავდაპირველად ცა და მიწა“<sup>92</sup> შენი ერთიანი მოქმედებით. დაე, გადიდებდეს, ვისაც ეს ესმის, და გადიდებდეს ისიც, ვისაც არ ესმის! ოჰ, რა თვალშეუდგამია შენი სიმაღლე, და მდაბალთა გულია სამკვიდრებელი შენი<sup>93</sup>. „შენ აღადგენ დაცემულთ“<sup>94</sup>, და აღარ ეცემიან შენს მიერ აღდგინებულნი.

---

<sup>92</sup> დაბად. I, 1.

<sup>93</sup> შდრ. ესაია LVII, 15.

<sup>94</sup> ფსალმ. 144, 14.



## წიგნი მათორმადა

### I

1. ოჰ, როგორ ჭმუნავს ჩემი გული, უფალო, ჩემი ცხოვრების სიგლახაკეში, როცა კარს მიკაკუნებენ შენი საღმრთო წერილის წმიდა სიტყვები. აი, რატომაა, რომ ადამიანური გონების სიმწირე უმეტესწილად მაღალთარღოვანი სიტყვების გარსში ეხვევა. ძიება უფრო სიტყვა-უხვია, ვიდრე მიკვლევა; თხოვნა უფრო გაჭიანურებულია, ვიდრე მისი დაკმაყოფილება; ხელი, რომელიც აკაკუნებს, უფრო მაშვრალია, ვიდრე ხელი, რომელიც იღებს. მაგრამ ჩვენ მოგვეცა ალთქმა: ვინ შესძლებს მის გაქარწყლებას? „თუკი ღმერთი ჩვენს მხარესაა, მაშ, ვინლაა ჩვენს წინააღმდეგ?“<sup>1</sup> „ითხოვდეთ და მოგვეცემათ, ეძებეთ და ჰპოვებთ; დააკაკუნეთ და გაგიღებენ. რადგან ყველა მთხოვნელს მიეცემა, მძებნელი ჰპოვებს, და ვინც აკაკუნებს, გაუღებენ“<sup>2</sup>. აი, შენი ალთქმანი, და ვინ შეუკრთება სიცრუეს, როცა თვით ჭეშმარიტება აღგვითქვამს ამას?

### II

2. შენს წინაშე ვაღიარებ ჩემი ენის უბადრუკობას, რადგანაც შენ შეჭქმენი ცა და მიწა; ეს ცა, რომელსაც ვუმბერ, და ეს მიწა, რომელსაც ვქვლავ; მისი ნაწილია ეს მიწაც, თან რომ დავაგარებ<sup>3</sup>. შენა ხარ ყოველივე ამის შემოქმედი.

მაგრამ სადაა, უფალო, „ზეცა ზეცისა“, რომლისთვისაც ითქვა ფსალმუნში: „ზეცა ზეცისა - უფალს, ხოლო ქვეყანა მისცა ადამის ძეთ“<sup>4</sup> სადაა ეს ცა, რომელსაც ვერ ვჭვრეტ, და რომლის წინაშე ყველაფერი, რასაც კი ვჭვრეტ, მხოლოდ მიწაა? რადგან ეს სხეულებრივი სამყარო, რომლის ფუძეცაა ჩვენი დედამიწა, მთლიანად როდია შემკული სრულყოფილი მშვენიერებით, მაგრამ თვით მის უკანასკნელ ქმნილებებსაც კი თავისებური ხიბლი მოსაფს. თუმცა, რომ ავიღოთ ეს უხილავი ცა, მასთან შედარებით თვით ჩვენი ცაც კი მხოლოდ მიწაა. ასე რომ, ეს ორივე უზარმაზარი სხეული - დედამიწაც და ხილული ცაც, სხვა არა არის რა, თუ არა მიწა, ჩემთვის უცნობსა და უხილავ ცასთან შედარებით, რომელიც უფალს ეკუთვნის და არა ადამის ძეთ<sup>5</sup>.

<sup>1</sup> რომ. VIII, 31.

<sup>2</sup> მათე VII, 7-8; იოანე XVI, 24.

<sup>3</sup> იგულისხმება მიწისაგან მოზველილი ადამიანის სხეული.

<sup>4</sup> ფსალმ. 113, 24... „ზეცა ზეცისა“ (caelum caeli) - ნეტარი ავგუსტინე სხვადასხვანაირად განმარტავს ამ გამოთქმას: 1. ინტელიგიბილურ არსთა საფანე; 2. ამ საფანის მკვიდრ ნათელ სულთა გონება; 3. თვით ღმერთის ადგილ-სამყოფელი; 4. „პირველნაყოფი ქმნილებისა“ - სიბრძნე. „უფალმა იმ სიმაღლეზედ აღაზივსა ზოგიერთი წმიდანის გონება, რომ მათი დამოძღვრა შეუძლია მხოლოდ ღმერთს, კაცთაგან კი არაფის. ამ ცასთან შედარებით ყველაფერი, რასაც ხორციელი თვალი ჭვრეტს, მიწად უნდა იწოდებოდეს“ („ქადაგებანი“, II, 11; შდრ. „ფსალმუნებისათვის“, 113).

<sup>5</sup> იხ. წინა შენიშვნა.

III

3. ხოლო ეს „მინა უსახო იყო და უდაბური“<sup>6</sup>; არ ვიცი, რა იყო ეს უსასრულო უფსკრული, რომელსაც თავს არ ადგა არავითარი ნათელი; მას ჯერ კიდევ არ ჰქონდა სახე, და ამიტომაც დაინერა შენი ბრძანებით: „ბნელი იყო უფსკრულის თავზე“<sup>7</sup>. მერედა, რას ნიშნავს ეს ბნელი, თუ არა იმას, რომ არ იყო ნათელი?<sup>8</sup> კი მაგრამ, რომ ყოფილიყო, სად იქნებოდა იგი? ალბათ, ყოვლის ზემოთ, ყველაფრის მანათობელი. და რაკი ის ჯერ კიდევ არ იყო, რას მოასწავებს ბნელის არსებობა, თუ არა ნათლის არარსებობას? მაშასადამე, უფსკრულის თავზე ბნელი იყო, რადგან არ სუფევდა ნათელი. ბგერისა არ იყოს: სადაც ის არ ხმინებს, იქ მდუმარებაა. მაგრამ რას ნიშნავს - „იქ მდუმარებაა“, გარდა იმისა, რომ იქ ჩქამიც არ ისმის?

განა შენ არ დამოძღვრე, უფალო, ეს სული<sup>9</sup>, აღსარებას რომ გეუბნება? განა შენ არ შემაგონე, რომ სანამ სახესა და განსაზღვრულობას მიანიჭებდი ამ უსახო მატერიას<sup>10</sup>, არაფერი არ იყო - არც ფერი, არც ფიგურა, არც სხეული, არც სული? და მაინც, ეს არ იყო სრული „არარა“<sup>11</sup> იყო რაღაც უსახო, ყოველგვარი სახეს მოკლებული<sup>11</sup>.

IV

4. მაშ, რა სახელი უნდა დარქმეოდა ამ „არარას“, რათა ის გასაგები გამხდარიყო თვით ყველაზე ნაკლებად გამჭრიახი გონებისათვის? რა თქმა უნდა, ძალზე მარტივი და ჩვეულებრივი სახელი. მერედა სად, სამყაროს რომელ ნაწილში შეიძლება მოიძებნოს რამე ისეთი, უფრო მეტად რომ უახლოვდებოდეს სახის ყოველგვარი უქონლობას, ვიდრე მინა და უფსკრული? რაკილა ქმნილების უდაბლეს საფეხურზე დგანან, ცხადია, ნაკლებ მშვენიერნი არიან, ვიდრე მათ ზემოთ მდგომი ყველა მნათი და მბრწყინავი სხეული. მაშ, რატომ არ უნდა ვირჩიო იმ უსახო მატერიის აღსანიშნავად, რომელიც შეჰქმენ თავდაპირველად, რათა შემდეგ მისგან შეგექმნა მშვენიერებით შემკული მთელი სამყარო, დიახ, რატომ არ უნდა ვირჩიო მის

<sup>6</sup> დაბად. 1, 2... „უსახო“ შეესაბამება სეპტანტიკურ „aoratos“ („უხილაფი“), ხოლო „უდაბური“ - „akatasjeuastos“-ს, რომელსაც უფრო ზუსტად გადმოსცემს ძველი ქართული თარგმანი - „განუზადებელ“. აქვე უნდა შევნიშნოთ, რომ ბიბლიური გაგებით „მინა“ ხშირად გულისხმობს არა მარტო დედამიწას, არამედ მთელ ხილულ ცასაც, როგორც დედამიწის ჰაეროვან სფერულ გარსს. სიტყვებით „უსახო და უდაბური“ გამოხატულია აბსოლუტური ქაოსი, სადაც ერთმანეთში უთავბოლოდაა აღუფხული მომავალი სინათლის, ჰაერის, მინისა თუ წყლის ელემენტები, აგრეთვე მცენარეული თუ ცხოველური სიცოცხლის ყველა ჩანასახი. შდრ. სიბრძნე სოლომონისა“, XI, 16, რომლის მიხედვითაც, ღმერთი სწორედ „უსახო ნივთიერებისაგან“ ქმნის სამყაროს.

<sup>7</sup> ეს „ბნელი“ ბუნებრივი შედეგია იმისა, რომ ჯერ კიდევ არ არსებობდა ნათელი, როგორც თვითმყოფი და თავისთავი სტიქიონი, რომელიც მხოლოდ შემდეგ გამოიყო პირველყოფილი ქაოსიდან შესაქმის პირველ დღეს (დაბადება I, 3-5).

<sup>8</sup> „ამრიგად, - კითხულობს გონება, - ბნელი სამყაროსთან ერთად შეიქმნა? ის ნათელზე უხნესია? მიუხედავად იმისა, რომ თავისი ბუნებით უფრო მდაბალია, მაინც პირველობს? - ბნელი - მიუუვებთ ჩვენ, - თავისთავად როდი არსებობს. ეს მოვლენა იმის შედეგია, რომ ჰაერში ჯერ კიდევ არ იყო ნათელი“ (ბასილი დიდი, ექვსთა დღეთათვის, II, 5).

<sup>9</sup> შდრ. ფსალმ. 70, 17.

<sup>10</sup> ნეტარე ავეუსტინე ერთხელ კიდევ ხაზგასმით აღნიშნავს, რომ ეს „სანამ“ სულაც არ ნიშნავს პირველობას დროში, რადგანაც სამყაროს შექმნამდე არავითარი დრო არ არსებობდა.

<sup>11</sup> იგულისხმება ქაოსი.

აღსანიშნავად კაცთათვის ისე კარვად ნაცნობი სიგყვები, როგორცაა „მინა უსახო იყო და უდაბური?“<sup>12</sup>.

V

5. ხოლო როდესაც აზრი ეძებს, რა შეიძლება „მოხელთოს“ ამ უსახო მაგერიში, მაშინ ის ასე ესიტყვება საკუთარ თავს: „ეს რაღაც გონით სანვლომი კი არ არის, როგორც სიცოცხლე ან სამართლიანობა, რაკილა სხეულთა მაგერია; მაგრამ მას ვერც გრძობით აღიქვამ, რადგან იმაში, რაც „უსახოა და უდაბური“, არც რამის დანახვა შეიძლება და არც აღქმა“<sup>13</sup>. ასე რომ ესიტყვება საკუთარ თავს, მაშ, რაღას ესწრაფის აზრი კაცისა? იცოდეს ისე, რომ არ ესმოდეს, თუ არ ესმოდეს და ისე იცოდეს?

<sup>12</sup> ეს „უსახო და უდაბური მინა“, ნეტარი ავგუსტინეს მიხედვით, სხვა არა არის რა, თუ არა უფორმო მატერია, ან, თუ გნებავთ, სამყარო, მის ორგანიზებასა და დიფერენციაციამდე. ნებისმიერ ფორმაზე „უწინარესი“ მატერია მთალიანად განძარცულია ყოველგვარი თვისებისაგან, მთალიანად მოკლებულია ყოველგვარ განსაზღვრულობას. და მაინც, ის აბსოლუტური „არარა“ კი არა, გარკვეული აზრით, „რაღაცაა“, რაკილა ფორმით ორგანიზებული სამყაროს შექმნის ერთგვარ პირობად თუ დასაბამიერ „მასალად“ გვევლინება (აქვე უნდა შევნიშნოთ შემდეგი: ბერძნული ენის თითქმის ამოუწურავი შესაძლებლობებით რომ სარგებლობს, ავგუსტინეს წარმართი წინამორბედი - პლატონი ერთმანეთისაგან განასხვავებს ორ გამოთქმას: „უკ ონ“ და „მე ონ“; ორივე „არმყოფს“, „არარას“, „არარაობას“ ნიშნავს, მაგრამ პირველი - აბსოლუტური, მეორე კი რელატიური აზრით; სწორედ ამ უკანასკნელს - „მე ონ“ - იყენებს პლატონი მატერიის აღსანიშნავად).

<sup>13</sup> როგორც ვხედავთ, ნეტარი ავგუსტინეს მიხედვით, დასაბამიერი მატერიის აღქმა, მისი წვდომა არც გონებით შეიძლება და არც გრძობებით. „აღსარებათა“ ავტორი ამ მხრივაც პლატონის ერთგულ მიმდევრად გვევლინება მხოლოდ და მხოლოდ. ჩვენ ვიცით, რომ გრძობად-კონკრეტული სამყაროს დასაბამიერ საწყისად, დემიურგოსული გონების (დემერტის) გარდა, პლატონი აღიარებს მატერიასაც, რომელიც დემიურგოსის ქმნილება კი არ არის, არამედ - მთელი მისი ქმნილების უკიდურესი ზღვარი. ამ ორი საწყისის დაპირისპირებულობა პოლარულია. თუ დემიურგოსს ჭეშმარიტი არსებობა მიეწერება, მატერია მისი სრული უარყოფაა: არარსებობა, არარსი (იხ. წინა შენიშვნა). ამ ორ პოლუსს შორისაა მოქცეული მთელი სამყარო, რომელიც ერთდროულად წილნაყარია ორივე პირველსაწყისს ბუნებასთან. მატერია, თუ შეიძლება ასე ითქვას, ერთგვარი სარკეა, რომლის სიღრმეშიც ირეკლება იდეალური სამყარო, თუმცა არეკვლის შედეგად ლანდები კი არა, საგნები იბადებიან. პლატონი მას უწოდებს მიმრქმეს („ჰიპოდოხე“) და ძიძას („ტითუნე“). მიმრქმელს იმდენად, რამდენადაც ის თავის უფორმო და უსახო წიაღში იღებს (მიმრქმეს) იდეალური სინამდვილის ფორმებს, და, ამრიგად, დასაბამს აძლევს გრძობად ფენომენთა სამყაროს; ძიძას იმდენად, რამდენადაც „ასაზროლებს“ ყოველივე ქმნადა და ცოცხალს. როგორც ყოვლის მიმრქმელი („ჰანდენეს“), მატერია ფლობს მხოლოდ იდეალურ ფორმათა მიღების უნარს, თავისთავად კი არაფერს არ მატებს მათ. ყველაფერი მის წიაღში რეალიზდება, მასში იბადება, იზრდება, კვდება, თვითონ კი სრულიად ინდიფერენტულია ქმნადობის ამ უსასრულო პროცესის მიმართ. გასაგებია რატომაც: პლატონის აზრით, ჭეშმარიტია მხოლოდ ინტელიგიბილური სინამდვილე, მხოლოდ იდეა; მისი ონტოლოგიური სტატუსი იმდენად მაღალია, რომ არავითარ სხვა არსებობას, არავითარ სხვა ყოფიერებას არ საჭიროებს. მატერიას თავის მხრივ რომ რაიმე შეჰქონდეს ქმნადში, ეს უთუოდ დაარღვევდა იდეის, როგორც ყოველგვარი არსებობის ჭეშმარიტ წყაროს ერთადერთობას. ამიტომ პლატონის მატერია არც ნივთიერა და არც სხეულბრივი, ის კი არადა, ყოველგვარი თვისებრივი განსაზღვრულობისაგან განძარცულია. იმასაც კი ვერ ვიტყვით, რომ ის არარაა, ან არაფერი, ვინაიდან „არაფერსაც“ თავისი საკუთარი მნიშვნელობა, საკუთარი აზრი მოეძებნება და მატერიისათვის რომ მიგვეწერა იგი, გარკვეულ ნიშანს არ თვისებას შევძებნით მას. თვით ტერმინი „მატერია“ პირნმინდად ნომინალური, ყოველგვარი შინაარსისაგან დაცლილი ცნებაა, რომელსაც სინამდვილეში არაფერი არ შეესაბამება.

მატერიის ონტოლოგიური სტატუსი განაპირობებს მის გნოსეოლოგიურ სტატუსსაც. პლატონის აზრით, მთელი კოსმოსური სინამდვილე ორი სხვადასხვა შრისა თუ ფენისაგან შედგება, რომლებიც ერთმანეთისაგან, უწინარეს ყოვლისა, რეალობის სხვადასხვა ხარისხით განირჩევიან: ერთის მხრივ, იდეალურ არსთა სამყაროს ჭეშმარიტი არსებობა („ტო ინს ონ“), ხოლო მეორე მხრივ, მატერიალურ საგანთა და მოვლენათა რელატიური სინამდვილე, მათი გამუდმებული ქმნადობა („გენესის“). პირველი რაციონალური აზროვნებისა („დიანოია“) და ჭეშმარიტი ცოდნის („ეპისტემე“) საგანია, მეორე კი გრძობადი აღქმისა („აისთესის“) და წარმოდგენისა („დოქსა“). მაგრამ პლატონის მატერია, როგორც არარსი, არარა, სინამდვილის არც ერთ სფეროს ეკუთვნის და არც მეორეს. მაშასადამე, არც რაციონალური შემეცნების საგანია და არც გრძობადი აღქმისა. თუმცა თავისი უცვლელობით ის ერთგვარად ჩამოჰკავს იდეალურ პირველნიშნულს, რომლისგანაც, იმავდროულად, განსხვავდება ურიცხვ ფორმათა მირქმის კონკრეტულ სამყაროს, რომლისგანაც განსხვავდება თავისი წარუვალლობით. ამიტომ წვდომა იმისა, რაც იდეალურ პირველნიშნულს მოგვაგონებს და გრძობადი-კონკრეტულ სამყაროსაც, მაგრამ სინამდვილეში არც ერთია და არც მეორე და, სწორედ ამიტომ, არც გონით სანვლომი და არც გრძობადი დიახ, წვდომა ამ უცნაური ფენომენისა მხოლოდ ერთგვარი „უკანონოდ შობილი განსჯათ“ („ლოგისმო ტინი ნოთო“, - „ტიმეოსი“, 52b) თუ შეიძლება, რომელიც ჩვენში სიზმრისა თუ ზმანების რემინისცენციას იწვევს.

VI

6. მე კი, უფალო, ნეტა შემეძლოს ბავით და კალმით ვაღიარო შენს წინაშე ყველაფერი, რაც ამ მატერიის თაობაზე ვისწავლებია ჩემთვის! ადრეც გამიგია მისი სახელი, მაგრამ არ მესმოდა მისი არსი, რადგანაც იმ ხალხისაგან გამიგია, ვისაც ასევე არ ესმოდა იგი<sup>14</sup>. ვცდილობდი აზრით წარმომედგინა მისი სხვადასხვა სახის უსასრულო სიმრავლე, და, მაშასადამე, თვით მას როლი წარმოვიდგენდი. ჩემი სული უგზო-უკვლოდ დაბორილობდა ერთმანეთში უთავბოლოდ ალუფხულ, ამაზრზენ და საზარელ სახეთა შორის; მაგრამ, ასეა თუ ისე, ესენი მაინც სახენი იყვნენ. უსახოს იმას კი არ ვუნოდებდი, რასაც არანაირი სახე არ ჰქონდა, არამედ იმნაირი სახის მქონეს, რომელსაც - თვალნათლივ რომ წარმომჩვენოდა, - შემკრთალნი გაერიდოდნენ ჩემი გრძნობები, როგორც რაღაც უჩვეულოსა და უაზროს, თვითონ კი, ადამიანური სისუსტის გამო, თავგზააბნეული დავრჩებოდი.

ის, რასაც მე წარმოვიდგენდი, სრულიად უსახო კი არ იყო, არამედ მხოლოდ უსახური, სხვა, უფრო ლამაზ ფორმებთან შედარებით. საღი აზრი მკარნახობდა, ყოველგვარი სახის ნატამალიც კი უკუმეგდო, თუკი რაღაც სრულიად უსახოს წარმოდგენას მოვისურვებდი. მაგრამ მე არ შემეძლო ეს<sup>15</sup>. სრულიად უსახოს უმაღლ არარსებულად მივიჩნევდი, ვიდრე აზრით წარმოვიდგენდი რაღაც საშუალოს „სახესა“ და „არარას“ შორის; ეს არც სახე უნდა ყოფილიყო და არც არარა, ერთგვარი უსახო არსი, თითქმის არარა.

<sup>14</sup> იგულისხმებიან მანიქეველები.

<sup>15</sup> შდრ. პლატონი, „ტიმოისი“, 52bc: „არსებობს კიდევ ერთი გვარი, სახელდობრ, სივრცე თუ ადგილი („სივრცე“ და „ადგილი“, პლატონის მიხედვით, „მატერიის“ სინონიმებია, - ბ.ბ.), უხრწნელი და წარუვალა, ყოველივე დაბადებულის საყუდარი, თვითონ კი შეგრძნებებისთვის მიუწვდომელი, უკანონოდ შობილი განსჯით სწავლაში და ძლივს სარწმუნო, რომელსაც თითქოს სიზმარში ვხედავთ, როცა ვამტკიცებთ, რომ ყოველივე არსებული აუცილებლად სადაც უნდა იყოს, რომელიღაც ადგილას თუ რომელიღაც სივრცეში, ხოლო ის, რაც არსად არ არის, არც მინაზე და არც ცაში, თითქოს არც არსებობს. აი, ეს არის ამის მონათესავე ყველა სხვა ცნება. ჩვენ თითქოს ზმანებაში დანთქმულთ გადაგვაქვს იმ ბუნებაზე, რომელიც სიზმარში კი არა, სინამდვილეში გადაგვაქვს იმ ბუნებაზე, რომელიც სიზმარში კი არა, სინამდვილეში არსებობს, ასე რომ, გამოფხიზლებულთ აღარც ჭეშმარიტების გარჩევის თავი გვაქვს და აღარც მისი მტკიცებისა“...

უფრო გვიან პლოტინი, „ტიმოისის“ ციტირებულ პასაჟზე დაყრდნობით, მატერიის ამ „სიზმარულ ალქმას“ უსინათლოდ ხედვასა და აზრის ტოტალურ უარყოფას შეადარებს:

„როგორ წარმოვიდგენთ იმას, რასაც არავითარი ფორმა არ გააჩნია? - ყოველგვარი ფორმის სრული უარყოფით. მატერიას ჩვენ ვუნოდებთ იმას, რაშიც ვერ ვპოვებთ ფორმის ნატამალს. ამიტომ შინაგანად უნდა აღვიქვათ ფორმის სრული უქონლობა, რისთვისაც ყოველგვარი ფორმისაგან განდგომა და განყენება გვმართებს, თუკი გვსურს ვიხილოთ მატერია. ხოლო მატერიას გონება ხედავს, მაგრამ ნამდვილი კი არა, თავისი თავისაგან განსხვავებული გონება, რადგანაც იძულებით მიიქცევა იმის ხილვად, რაც არ განეკუთვნება მას. მაშინ ის თვალს მოგვაგონებს, რომელიც განუდგება სინათლეს, იმ მიზნით, რომ იხილოს ბნელი, მაგრამ ხედვით კი ვერ ხედავს, რადგანაც მიატოვა სინათლე, რომლითაც შეიძლება იხილო ბნელი. ასე რომ, უსინათლოდ ხედვის უნარი კი არ შესწევს, არამედ - მხოლოდ ვერხედვისა, და თუ საერთოდ შეიძლება ხედვა უწოდოთ ამას, სწორედ ესაა სიბნელის ხედვა“ („ენნეადა“ I, VIII,9).

„წარმოდგენა შეიძლება გვექნდეს მასზე (მატერიაზე, - ბ.ბ.)? ან რანაირი შთაბეჭდილება? განა ის თვით განუსაზღვრელობა არ არის? თუ მსგავსი მსგავსით აღიქმება, განუსაზღვრელობა განუსაზღვრელობითვე უნდა აღვიქვათ. დიხასაც შეიძლება ჩამოვაცალიბოთ განუსაზღვრელობის სრულიად განსაზღვრული ცნება, მაგრამ განუსაზღვრელობა მაინც განუსაზღვრელობის შთაბეჭდილებას ახდენს ჩვენზე. მატერიას მხოლოდ აზრითა და გონებით თუ შევიმეცნებთ. შეიძლება გაბმით ვიმსჯელოთ მატერიაზე, მაგრამ თუ მოვისურვებთ აზრით მოვიხელოთ იგი, ჩვენ მივიღებთ არა რაიმე გარკვეულ აზრს მატერიის შესახებ, არამედ, უმაღლ, ყოველგვარი აზრის უარყოფას“ („ენნეადა“ II, IV, 10).

მაშინ ჩემი გონება უკვე აღარას ჰკითხავდა ჩემსავე წარმოსახვას, საფსეს სახის მქონე სხეულთა ხატვებით, თვითნებურად რომ ცვლიდა, ატყუებდა და ასხვაფერებდა მათ. მთელი ჩემი ყურადღება ახლა უკვე თვით სხეულებზე იყო გადატანილი, უფრო გულმოდგინედ ვაკვირდებოდი მათ ცვალებადობას: ვხედავდი, რომ არცერთი არ რჩებოდა იმად, რაც იყო, და იქცეოდა იმად, რაც არასოდეს ყოფილა. ჩემი ვარაუდით, თვით ეს გადასვლა ერთი სახისა მეორეში რალაც უსახოს მეშვეობით ხდებოდა<sup>16</sup>, და არა სრული არარაობის წყალობით<sup>17</sup>. ამიტომაც მოვისურვე დანამდვილებით გამეგო ეს და არა მხოლოდ მევარაუდა.

მაგრამ ჩემმა ხმამ და კალამმა შენს წინაშე სრულადაც რომ აღიაროს ყველაფერი, რაც ამ საკითხის კვლევისას გამიმჟღავნე და ამისხენი, რომელ ჩემს მკითხველს ეყოფა მოთმინება ბოლომდე მომისმინოს? მაგრამ ჩემი გული კვლავინდებურად მოგაგებს პატივს და გალობით გიძღვნის ქებას იმის გამო, რისი გადმოცემის ძალის არ შესწევს.

ამრიგად, ცვალებადობას თვით თავისი ცვლადობის გამო შეუძლია მიიღოს ყველა ის სახე, რასაც ერთიმეორის მიყოლებით იმოსავენ ცვლადი საგნები<sup>18</sup>. მაგრამ რა არის ეს? სული? სხეული? ან იქნებ, სულისა თუ სხეულის ერთგვარი სახესხვაობა? რომ შეიძლებოდეს მასზე გვეთქვა: „არარაობა, რომელიც არის რაობა“, ანდა „არის ის, რაც არ არის“<sup>19</sup>, - მაშინ მე ვიცოდი ამას. და მაინც, ის რალაცნაირად უნდა არსებულებო, რათა, ასე თუ ისე, ხილული და ჩვენთვის ჩვეული სახე მიეღო.

VII

7. მერედა, საიდან იღებს დასაბამს ეს „რალაცნაირად უნდა არსებულებო“, თუ არა შენგან, რომლისგანაც წარმოსდგება ყველაფერი, რაც კი არსებობს? მაგრამ რაც უფრო ნაკლებად გგავს შენ, მით უფრო მეტად დაშორებულია შენგან; თუმცა აქ სივრცეს როდი ეხება საქმე.

უფალო, შენ არა ხარ ხან ერთი და ხან მეორე; ვერც იმას ვიცვით, რომ ხან ასე ხარ და ხან ისე, არამედ უკუნისიდან უკუნისამდე ერთი და იგივე ხარ, ერთი და იგივე, ერთი და იგივე, - წმიდაო, წმიდაო, წმიდაო უფალო<sup>20</sup>, შენ, ყოვლად ძლიერმა, შექქმენი რალაც

<sup>16</sup> შდრ. პლოტინი: „ის, რაც იბადება და ერთი მდგომარეობიდან მეორეში გადადის, მატერიას საჭიროებს“ („ენ6.“ II,IV,2). ეს აზრიც პლატონის „ტიმეოსისაგან“ იღებს დასაბამს, რომლის თანახმადაც, მთელი სამყაროული ქმნადობა სწორედ მატერიის წიაღში ხორციელდება; ყველაფერი მასში განიცდის ცვალებადობას, იბადება, იზრდება, კვდება, ერთიმეორედ გარდაიქმნება, თვითონ კი ისევე ინდიფერენტულია ქმნადობის მთელი ამ უსასრულო პროცესის მიმართ, როგორც, ვთქვათ, დაფა იმ ფორმულებისა თუ ფიგურებისადმი, გამუდმებით რომ ხაზავენ ზედ და ასევე გამუდმებით შლიან.

<sup>17</sup> შდრ. აქვე, შენ. 12.

<sup>18</sup> „ყველა აღიარებს, რომ ის, რასაც მატერია ეწოდება, ფორმათა ერთგვარი საფუძველი და სათავსია“ (პლოტინი, „ენ6.“ II,IV,2). შდრ. პლატონი, „ტიმეოსი“, 51a: „ესაა რალაც უხილავი და უფორმო, მიუხელოვებელი და ყოვლისმომრქმელი“.

<sup>19</sup> ლედანში: „nihil atiquid“ და „est non est“ - ორი ბრწყინვალე ფორმულა მატერიის ბუნების გადმოსაცემად.

<sup>20</sup> შდრ. ესაია VI, 3.



„არარაისგან“<sup>21</sup> იმ „დასაბამით“, რომელიც შენმიერია, შენი სუბსტანციისაგან ნაშობი შენივე სიბრძნით შექმენი.

შენ შექმენი ცა და მიწა<sup>22</sup>, მაგრამ შენ საკუთარი სუბსტანციით როდი შეგიქმნია ისინი, თორემ შენი ქმნილება შენი მხოლოდშობილი ძისა და, მაშასადამე, თვით შენი სწორიც იქნებოდა. მაგრამ ყოვლად დაუშვებელია, რომ შენი სწორი იყოს ის, რაც თვით შენგან არ წარმომდგარა. ხოლო შენს გარდა, ღმერთო, ერთარსება სამეზავ და სამპიროფანო ერთობავე, არაფერი ყოფილა, რისგანაც შეგეძლო სამყაროს შექმნა. ამიტომ „არარაისგან“ შექმენი ცა და მიწა, რაღაც დიადი და რაღაც მცირე, რადგანაც ყოვლისმძლე ხარ და კეთილი; ამიტომ კეთილადვე შექმენ ყოველი: დიადი ცაც და მცირე მიწაც. დიახ, შენ იყავი და ის „არარა“, რომლისგანაც შექმენი ცა და მიწა: ეს ორი სხეული, რომელთაგანაც ერთი ახლოა შენთან, მეორე კი - „არარასთან“; ერთი, რომელზე უბნაესიც ხარ; მეორე, რომლის უდაბლესი არა არის რა.

## VIII

8. შენია, უფალო, „ზეცა ზეცისა“, ხოლო მიწა, რომელიც მიეცი „ადამის ძეთ“<sup>23</sup>, და რომელსაც შეიძლება ვხედავდეთ და ვხეხობდეთ კიდევ, ისეთი როდი იყო, როგორსაც დღეს ვხედავთ და ვხეხობთ. არა, უხილავი იყო და უდაბური, ანუ უფსკრული, რომელსაც თავს არ ედგა ნათელი: „და ბნელი იყო უფსკრულზე“<sup>24</sup>, ესე იგი, უფსკრულს ზემოთ უფრო ბნელოდა, ვიდრე თვით უფსკრულში. რადგან ან უკვე ხილულ წყალთა უფსკრულშიც კი კიაფობს ერთგვარი ნათელი, რომელსაც ასე თუ ისე, შეიგრძნობენ თევზები და ფსკერზე მძრომი ქვეწარმავალნი. მაგრამ მაშინ, პირველქმნის ჟამს, ყველაფერი თითქმის მთლიანად „არარა“ იყო, რადგანაც არავითარი სახე არ ჰქონდა, თუმცაღა უკვე შეეძლო გარკვეული სახის მიღება.

ამრიგად, უფალო, უსახო მაგერიისაგან შექმენ სამყარო<sup>25</sup>; სრული „არარაისგან“ შექმენი თითქმის „არარა“, რათა შემდეგ ამ უკანასკნელისაგან შეგექმნა ის სიდიადე, რასაც ესოდენ განცვიფრებით ვუცქერით დღეს ადამის ძენი. მართლაც ასე საოცარია ხილული ზეცა,

<sup>21</sup> „De nihilo, ანუ ex nihilo...“ - ამ გამოთქმას შევხვდებით ორიგენისთანაც და იოანე ოქროპირთანაც. ნეტარი ავგუსტინე ზუსტ მნიშვნელობას ანიჭებს გამოთქმას de nihilo: მასალა სამყაროს შესაქმნელად ღმერთის მიერ შეიქმნა. სამყარო de nihilo (არაფრისგან, არარაისგან) შეიქმნა და არა de Deo (ღმერთისგან). ნეოპლატონიკოსთა მიხედვით, ქმნილება, გარკვეული აზრით, de nihilo (არაფრისგან) იქმნება, ვინაიდან მის მოვლინებამდე არაფერი არ იყო, მაგრამ, იმავდროულად, ex Deo (ღმერთისგანაც), რადგანაც ღვთაებრივ ჰიპოსტასთა სრულქმნილებამ აუცილებლად გამოხატულება უნდა ჰპოვოს ქმნილებაშიც.

ქმნილების წარმომავლობა de nihilo (არაფრისგან) სასრულობისა და ბოროტების დაღს ასევე მას, მაგრამ რაკილა ღმერთის მიერ არის შექმნილი, ამის წყალობით ის ონტოლოგიურად კეთილი ხდება. ეს ონტოლოგიური ორადლობა ეთიკური თვალსაზრისითაც ორადლობის ასპექტს ანიჭებს მას. ქმნილება უმტკიცოა და ცოდვილი, ვინაიდან „არაფრისგან“ წარმოდგება. მისთვის ნიშნულია deficere - სისუსტე, რომელიც ღმერთს ამორებს, ხოლო ცოდვილობა - ესაა მისი მიდრეკილება nihil-ისაკენ“. რუს. თარგმანის შენ. იხ. დასახ. გამოც. გვ.259.

<sup>22</sup> დაბად. I, 1.

<sup>23</sup> ფსალმ. 113, 16.

<sup>24</sup> დაბად. I, 2.

<sup>25</sup> შდრ. სიბრძნე სოლომ. XI, 16.

ეს მყარი წყალსა და წყალს შორის, რომელსაც ნათლის შექმნიდან მეორე დღეს უბრძანე - „იყავნ“, და იქმნა ასე<sup>26</sup>. ამ მყარს შენ უწოდე ცა<sup>27</sup>, მაგრამ ცა მიწის და ზღვისა, რომელნიც შექმენი მესამე დღეს<sup>28</sup>, ხილული სახე რომ მიანიჭე უსახო მაგერიას, ყველა დღეზე უწინარეს შექმნილს. ცაც ყველა დღეზე უწინარეს შექმენი, მაგრამ მხოლოდ „ზეცა ზეცისა“, რადგანაც თავდაპირველად შენ შექმენი ცა და მიწა.

ხოლო შენს მიერ შექმნილი ეს მნია უსახო მაგერია იყო, „უხილავი, უდაბური, და ბნელი იყო უფსკრულის თავზე“. ამ უხილავი, უდაბური და უსახო მიწისაგან, ამ თითქმის „არარაისგან“, შექმენი ყოველივე ის, რაც ამ ცვლად სამყაროს შეადგენს<sup>29</sup>, მაგრამ მყარად როდი დგას იგი, ეს განსახიერება ცვალებადობისა; სწორედ ეს გვაძლევს საშუალებას შევივრძნოთ და აღვრიცხოთ დრო, რადგანაც ეს უკანასკნელი საგანთა ცვალებადობისგან იღებს დასაბამს<sup>30</sup>: მრავალფეროვანია სახეთა დაუსრულებელ ცვალებადობაში ის, რაც ზემოხსენებული უხილავი მიწისაგან წარმოიქმნა.

## IX

9. ამიტომ როცა იხსენებს სული, შენი მსახურების მოძღვარი, რომ შენ თავდაპირველად შექმენი ცა და მიწა, დროის თაობაზე დუმს და კრინცსაც არა სძრავს დღეების გამო. და მართლაც, ზეცა ზეცისა, უწინარეს ყოვლისა რომ შექმენი, არსებითად, სულიერი სამყაროა<sup>31</sup>, მაგრამ არამც და არამც არ არის შენი თანამარადისი, თუმცა შენს მარადიულობას კია ნაზიარები. უცბესი განცდა ნეგარებისა, რასაც შენი ჭვრეგა ანიჭებს, ნებას არ აძლევს სახე იცვალოს. დაცემა უცხოა მისთვის; შექმნისთანავე შენთან შერწყმული მარადმედინი დროის მსწრაფლწარმავლობისა და ცვალებადობის მიღმა დგას. ეს რაღაც უსახო, „უხილავი და უდაბური მიწაც“ ასევე დროის მიღმური იყო. სადაც არ არსებობს არავითარი სახე, არავითარი წესრიგი, არც რა მოდის და არც რა მიდის, იქ, რა თქმა უნდა, არც დღეებია და არც დროთა მონაცვლეობა<sup>32</sup>.

<sup>26</sup> დაბად. I, 6.

<sup>27</sup> დაბად. I, 8.

<sup>28</sup> დაბად. I, 9-10, 13.

<sup>29</sup> იხ. აქვე, შენ. 6.

<sup>30</sup> იხ. მეთექვსმეტე წიგნის შენ. 60.

<sup>31</sup> იხ. აქვე, შენ. 4.

<sup>32</sup> იხ. მეთერთმეტე წიგნის შენ. 60.

X

10. ო, ჭეშმარიტებაჲ, ნათელი ჩემი გულისა, დაე, დადუმდეს და ნურათერს მეტყვის სიბნელე ჩემი! წყვდიადმა შთანთქა და ბნელმა მომიცვა, მაგრამ თვით იქაც, ღმერთმანი, იქაც კი მიყვარდი. ხელის ფათურით დავბორიალობდი და შენ გიხსენებდი<sup>33</sup>. „უკნიდან მომესმა შენი ხმა“<sup>34</sup>, რომელიც მიბრძანებდა დავბრუნებულიყავი, მაგრამ ძლივს გავიგონე ჩემი ვნებების ვნიასში. და, აი, ახლა ოთლად ვალვრილი და ქანცვანყვეცილი ვუბრუნდები შენს წმინდა წყაროს. დაე, ნურაფინ ღამიშლის შევსვა მისი ანკარა და მაცოცხლებელი წყალი. დაე, ჩემშივე ნუ ვბოვებ სიცოცხლეს ჩემსას: ცუდად ვცხოვრობდი და თვითონვე ვიყავი ჩემი სიკვდილი. ახლა კი შენში უნდა გავცოცხლდე, მელაპარაკე და დამმოძღვრე, მე ვირნშუნე შენი წერილი, მაგრამ მისი სიტყვები კვლავაც დიადი საიდუმლოა ჩემთვის.

XI

11. უკვე ხმამაღლა ჩამძახე ჩემს შინაგან ყურში, უფალო, რომ მარადიული ხარ და „ერთადერთს გაქვს უკვდავება“<sup>35</sup>, რადგანაც არათერი იცვლება შენში, არც სახე და არც მოძრაობა<sup>36</sup>; არც ღრთა სხვაობის მიხედვით ცვალებადობს შენი ნება; რადგანაც ნება, რომელიც ხან ერთს მიელტვის და ხან მეორეს, არ შეიძლება უკვდავი იყოს. ეს ნათელია ჩემთვის „შენს წინაშე“<sup>37</sup> და, დაე, კიდევ უფრო ნათელი გახდეს, რათა მთარავდეს შენი ფრთების ჩრდილი ქედმოღრეკით მდგარს გამოცხადების ნათელში.

ასევე ხმამაღლა ჩამძახე ჩემს შინაგან ყურში, უფალო, რომ ყველა ბუნება და ყველა სუბსტანცია, რომელნიც სხვანი არიან და სულ სხვა ხარ შენ, მიუხედავად ამისა, მაინც არსებობენ და შენს მენილებებად გვევლინებიან. შენმიერი არ არის მხოლოდ ის, რაც არ არსებობს. ნების გადახრას შენგან, ანუ ჭეშმარიტი არსისაგან, იმისკენ, რაც ჭეშმარიტი არის არ არის, ასევე ვერ მივიჩნევთ შენმიერად<sup>38</sup>. ამნაირი გადახრა ცოდვაა და დანაშაული, მაგრამ ვერავითარი ცოდვა ვერას გავნებს და ვერც შენი სამკვიდრებლის წესრიგს დაარღვევს, ვერც ბენა და ვერც ქვენა სოფელში. ეს ნათელია ჩემთვის და, დაე, კიდევ უფრო ნათელი გახდეს, რათა მთარავდეს შენი ფრთების ჩრდილი ქედმოღრეკით მდგარს გამოცხადების ნათელში.

<sup>33</sup> შდრ. ფსალმ. 118, 176.

<sup>34</sup> ესაია XXX, 21.

<sup>35</sup> I ტიმ. VI, 16.

<sup>36</sup> დედანში - „specie motuve“. პლოტინი მოძრაობას განსაზღვრავდა როგორც ერთგვარ „გამოღვიძებულ სახეს თუ ფორმას“ („eidos egregoros“), „გახევებული“ და უძრავი ფორმებისაგან განსხვავებით („ენწ.“ VI, III, 22).

<sup>37</sup> ფსალმ. 78, 11.

<sup>38</sup> შდრ. წიგნი VII, 16. ბოროტების ბუნების ავეუსტინესეული ინტერპრეტაციის თანახმად, ბოროტი ნება სხვა არა არის რა, თუ არა განდგომა „იმისაგან, რაც არის“, ე.ი. ღმერთისგან, და მიღრეკა იმის მიმართ, „რაც უფრო კნინად არის“.

12. კვლავაც ხმამაღლა ჩამძახე ჩემს შინაგან ყურში, უფალო, რომ შენი თანამარადისი არც ის ქმნილებაა, რომლისთვისაც შენა ხარ ერთადერთი სიხარული, შენითა ცკება თავისი უმანკო სინძინდით, მარად უცვლელი და ნარუვალი, შენი მუდმივი სიახლოვით გაბრწყინებული, შენს ნათელ არსს სიყვარულით შენამსჭვალე<sup>39</sup>; ის არც მომაგაღს მოელის და არც ნარსულში გადადის მოგონებებით<sup>40</sup>.

ნეგარია ეს ქმნილება, თუკი მართლა ასე არსებობს, შენს ნეგარებას ნაზიარები; ნეგარია, რადგანაც მარადიულ მებობლად ჰყავხარ, შენს მიერ ნათელფენილს. არ ვიცი, რას შეიძლება ვუწოდო უფრო მართებულად უფლის ჩემის „ზეცა ზეცისა“, ვიდრე ამ შენს სამკვიდრებელს, ამ ნძიდა გონებას, მარადჟამ რომ ჭვრეგს შენს სიგებობას და არავითარ სურვილს არ ამჟღავნებს შენთან განშორებისა, ერთიანსა და ნძიდა სულთა თანახმიერს, შენი ქალაქის მოქალაქეებად რომ გვევლინებიან, ქალაქისა, რომელიც არის ამ ჩვენს ცაზე უზენაეს ცაში<sup>41</sup>.

13. ახლა კი, დაე, შეიცნოს სულმა, რომელიც ასე შორს შეიგყუა ამქვეყნიური ცხოვრების გზაზე ხეტილმა, რომ თუკი მხოლოდ შენს სწყურიახარ, თუკი „მისივე ცრემლები პურად ექცნენ, დღედაღამ რომ ეუბნებიან: „სად არის შენი ღმერთი?“<sup>42</sup>, თუკი მხოლოდ ერთი სურვილი აქვს: „დაემკვიდროს თავისი უფლის სახლში მისი სიცოცხლის ყოველი დღის მანძილზე“<sup>43</sup> (ხოლო რა არის მისი სიცოცხლე, თუ არა შენ? ან რანი არიან შენი დღენი, თუ არა მარადისობა, ისევე, როგორც „შენი წლები, რომლებიც არ დაილევია. რადგანაც მარად იგივე ხარ?“<sup>44</sup>), - დიახ, დაე, შეიძლებისდაგვარად შეიცნოს სულმა, რამდენად მაღლა დგას შენი მარადისობა ყოველგვარ დროზე, თუკი თვით შენი საგანის მკვიდრნიც, რომელნიც არასოდეს განშორებიან სამყაროში სახეტილოდ, თუმცაღა შენი თანამარადისნი როდი არიან, მაგრამ მაინც არ განიცდიან დროთა არავითარ ცვალებადობას, შენს არსებასთან ურყევი და ურღვევი თანაზიარებით შერწყმულნი.

ეს ნათელია ჩემთვის „შენს წინაშე“, და, დაე, კიდევ უფრო ნათელი გახდეს, რათა მთარაგდეს შენი ფრთების ჩრდილი ქედმოდრეკით მდგარს გამოცხადების ნათელში.

14. არ ვიცი, რა უსახო მაგერია წარმოქმნება უმდაბლესი და უკანასკნელი რიგის საგანთა ცვლილებისას. ან ვინ გაბედავს მითხრას, თუ არა გულცარიელმა კაცმა, უგზო-უკვლოდ რომ დაბორიალობს თავისივე წარმოსახვის ქმნილებათა შორის, - დიახ, მის გარდა ვინ გაბედავს მითხრას, რომ დროთა ცვალებადობა შესაძლებელია თვით ყოველგვარი სახის გაღვევისა და სრული გაქრობის დროსაც, როცა რჩება მხოლოდ უსახო მაგერია, რომელიც საშუალებას აძლევს ამა თუ იმ სახეს შეიცვალოს და სხვა სახედ გარდაიქმნას? ეს ხომ

<sup>39</sup> ივლისხმება „ზეცა ზეცისა“, იხ. აქვე, შენ. 4.

<sup>40</sup> ე.ი. მარადისობაში - ამ მუდმივ ანწყობი არსებობს. იხ. მეთერთმეტე წიგნის შენ. 60.

<sup>41</sup> ივლისხმება ზეციური იერუსალიმი.

<sup>42</sup> ფსალმ. 41, 3-4.

<sup>43</sup> ფსალმ. 26, 4.

<sup>44</sup> ფსალმ. 101, 28.

სრულიად შეუძლებელია, რადგანაც მოძრაობის მრავალსახეობის გარეშე არ არსებობს ღრო, ხოლო იქ, სადაც არ არსებობს არავითარი სახე, რა თქმა უნდა, არც მრავალსახეობა არსებობს.

## XII

15. ყოველივე ამის გააზრებისას, რამდენადაც ნებასა მრთავ, ღმერთო ჩემო, შენს კარზე ვაკაკუნებდე, და მონყალედ მიღებ კიდევ კარს<sup>45</sup>, - იმ დასკვნამდე მივედი, რომ შენ შექმენი ორი სამყარო, სადაც არ არსებობს ღრო, თუმცაღა არცერთი არ არის შენი სამყარო, სადაც არ არსებობს ღრო, თუმცაღა არცერთი არ არის შენი თანამარადისი<sup>46</sup>: ერთი იმდენად სრულყოფილი, რომ მარადჟამ შენს უწყვეტ ჭვრეტაშია დანთქმული, თითქოსდა ცვალებადი, მაგრამ უცვლელი, გამუდმებით რომ ტკება შენი უცვლელობითა და მარადიულობით; მეორე კი იმდენად უსახო, რომ მასში არა არის რა ისეთი, ერთი სახიდან რომ გადადიოდეს მეორეში, ან მოძრაობიდან - უძრაობაში, რის შედეგადაც მის წიაღში შეიძლებოდა თავი ეჩინა ღროს. მაგრამ სამუდამოდ როდი დაგიტოვებია იგი ყოველგვარი სახის გარეშე, რადგანაც, ყოველი ღლის უნინარეს, „თავდაპირველად შექმენი ცა და მიწა“<sup>47</sup>, - ეს ორი სამყარო, რომლებზედაც ვლაპარაკობდი.

„ხოლო მიწა უხილავი იყო და უდაბური, და ბნელი იყო უფსკრულის თავზე“<sup>48</sup>. უსახოების ცნებას გვკარნახობენ ეს სიტყვები და მათი აზრის თანდათნობით შეცნობის საშუალებას აძლევენ იმ ხალხს, ვისაც ვერ წარმოუდგენია, რომ სრული უსახოებისასაც კი შეიძლება რაღაცა იყოს. სწორედ ამ უსახოებისაგან წარმოიქმნა სხვა ცა და მიწა, ხილული და მონესრიგებული; წყალიც თავისი მშვენებით, და, საერთოდ, ყველაფერი, რასაც სამყაროს შემდგომი მონესრიგებისას მოიხსენიებს საღმრთო წილი ღლეების მითითებით: ყოველივე ეს თავისი თავისებებით ექვემდებარება ღროს დინებას, მოძრაობისა თუ ფორმის მონესრიგებულ ცვალებადობათა სახით.

## XIII

16. აი, ჯერჯერობით რა არის გასაგები ჩემთვის, როცა შენი საღმრთო წერილის სიტყვებს ვკითხულობ: „თავდაპირველად ღმერთმა შექმნა ცა და მიწა; ხოლო მიწა უხილავი იყო და უდაბური, და ბნელი იყო უფსკრულის თავზე“; ასე რომ, ერთი სიტყვითაც არაა ნახსენები, რომელ ღლეს შექმენი ეს. ჯერჯერობით ჩემთვის გასაგებია, რომ აქ საქმე ეხება „ზეცა

<sup>45</sup> შდრ. მათე, VII, 7-8.

<sup>46</sup> ივლიისხმება, ერთის მხრივ, „ზეცა ზეცისა“, ხოლო მეორეს მხრივ, „მიწა უსახო და უდაბური, ანუ დასაბამიერი მატერია; ორივე ღმერთის ქმნილებაა, ორივე ზედროულია და, გარკვეული აზრით, მარადიულიც, მაგრამ არა ღმერთის „თანამარადისი“ („coaeternus“).

<sup>47</sup> დაბად. I, 1.

<sup>48</sup> დაბად. I, 2.; იხ. აქვე, შგნ. 6.



ზეცისას“, იმ „გონიერ ზეცას“, სადაც გონება ყველაფერს ერთბაშად შეიცნობს, და არა ნაწილობრივ, ცალ-ცალკე<sup>49</sup>; არა „ბუნებრივად“, არა „სარკეში“, არამედ სრულად, გამოცხადებით, „პირისპირ“<sup>50</sup>; ისე კი არა, თითქოს ჯერ ერთს და შემდეგ მეორეს, არამედ, როგორც უკვე ითქვა, ყველაფერს ერთბაშად, დროთა ყოველგვარი მონაცვლეობის გარეშე. ისიც მესმის, რომ აქ იგულისხმება უხილავი და უდაბური მიწა, რომლისთვისაც ასევე უცხოა დროთა ყოველგვარი მონაცვლეობა, რაც განაპირობებს გარკვეულ თანმიმდევრობას - ხან ამას და ხან იმას, რადგან იქ, სადაც არ არსებობს არავითარი სახე, ლაპარაკიც კი ზედმეტია ხან „ამასა“ და ხან „იმამე“.

ამრიგად, აქ იგულისხმება, ერთის მხრივ, რაღაც დასაბამითვე მონესრიგებული, ხოლო მეორეს მხრივ, რაღაც სრულიად უსახო. პირველი ზეცაა, მაგრამ „ზეცა ზეცისა“, მეორე კი მიწა, მაგრამ უსახო და უდაბური<sup>51</sup>. ამიტომაცაა, რომ, რამდენადაც მესმის, შენი საღმრთო წერილი დღეების მოუხსენიებლად გვაუწყებს: „თავდაპირველად შექმნა ღმერთმა მიწა და ცა“, ხოლო შემდეგ იქვე აზუსტებს, რანაირი მიწა იგულისხმება. და რაკი ცად წოდებული მყარის შექმნას მეორე დღის საქმედა სახავს, ამით გვიმჟღავნებს, რომელი ცა იგულისხმება უნინ დღეების მოუხსენიებლად.

#### XIV

17. საოცარია შენი სიგვეების სიღრმე! აი, ჩვენს წინაშეა მათი ზედაპირი, რომელიც თითქოს უღიმის ბაღღებს, მაგრამ რა საოცარია მათი სიღრმე, ღმერთო ჩემო, რა საოცარი! თრთოლვით ჩავცქერით მას, გულმხურვალე სიყვარულით და კრძალვით! მთელის არსებით მძულს საღმრთო წერილის მგრები. ნეგა ორლესული მახვილით გაგველო მუსრი მათთვის, რათა აღარსად დარჩენილიყვნენ მისი მოძულენი<sup>52</sup>. დიას, მე მირჩენია მოკვდნენ ისინი თავიანთი თავისათვის, რათა იცოცხლონ შენთვის!

მაგრამ სხვებსაც მოვუსმინოთ, რომლებიც კი არ გმობენ, პირიქით, აქებენ დაბადების წიგნს: „არა, - ამგვიცებენ ისინი, - ეს სიგვეები იმ აზრით როდი წარმოუთქვამს სულს ღმრთისას თავისი მსახურის მოსეს პირით, რა აზრითაც შენ მათ განმარტავ, არამედ იმ მნიშვნელობით, როგორითაც ჩვენ განმარტავთ მათ“<sup>53</sup>.

შენ გიხმობ მონმედ, უფალო ჩვენო, და ასე მიუუგებ მათ:

<sup>49</sup> იხ. აქვე, შე. 4.

<sup>50</sup> შდრ. I კორ. XIII, 12.

<sup>51</sup> იხ. აქვე, შენ. 46.

<sup>52</sup> ნეტარი ავგუსტინე გულისხმობს, უწინარეს ყოვლისა, მანიქეველებს, რომლებიც უარყოფდნენ ძველ ალთქმას (იხ. მესამე წიგნის შენ. 25). „ორივე ალთქმა ორლესული მახვილია. ძველი ალთქმა აღგვითქვამს მიწიერს, ახალი - მარადიულს. ორივეში ჭეშმარიტია სიტყვა ღვთისა, როგორც ორლესული მახვილი“ („ფსალმუნებისათვის“, 149,12).

<sup>53</sup> ნეტარი ავგუსტინე ქვემოთ ჩამოთვლის „დაბადების“ მის მიერ განმარტებული პასაჟის სხვადასხვა ინტერპრეტაციებს, რომლებიც არ თანხვდებიან მისეულ გაგებას, და კრიტიკულად მიმოიხილავს მათ.

XV

18. თქვენ, ალბათ, მეტყვით, რომ სიცრუეა ის, რაც ჭეშმარიტებამ ხმამაღლა ჩამძახა ჩემს შინაგან ყურში: ჭეშმარიტად მარადიულია შემოქმედი; მისი სუბსტანცია სრულიად უცვლელია დროში ხოლო მისი ნება მისსავე სუბსტანციასთანაა შერწყმული<sup>54</sup>. ამიგომაცაა, რომ ხან ერთს როდი მიეღვის და ხან მეორეს, არამედ რაც სურს, ერთხელ და სამუდამოდ სურს და არა სხვადასხვაგვარად, ასე თუ ისე: დღეს ერთი, ხვალ კი მეორე, ანდა ჯერ თითქოს ისა სურს, რაც მანამდე არ სურდა, შემდეგ კი აღარ სურს ის, რაც მანამდე სასრუველად უხნდა. ამნაირი ნება ცვალებადი ნებაა, მაგრამ არავითარი ცვალებადი არა არის მარადიული: „ხოლო ჩვენი ღმერთი უკუნისამდეა და უკუნითი უკუნისამდე“<sup>55</sup>.

ალბათ, სიცრუედ მიიხნევთ იმასაც, რომ ჭეშმარიტებამ ხმამაღლა ჩამძახა ჩემს შინაგან ყურში: მოლოდინი მომავლისა უშუალო ჭვრეტად იქცევა, როდესაც მოვა, ხოლო ეს ჭვრეტა - მოგონებად, როცა წარსულში გადადის ის, რასაც ველოდით. გონებრივი ქმედითობა, რომელიც ესოდენ ნაირგვარია, ცვალებადობას ექვემდებარება, მაგრამ არავითარი ცვალებადი არ არის მარადიული: „ხოლო ჩვენი ღმერთი უკუნისამდეა და უკუნითი უკუნისამდე“.

აი, ამ აზრებს ვუყრი თავს, ვაერთიანებ და იმ დასკვნამდე მივდივარ, რომ ჩემმა ღმერთმა, წარუვალმა და მარადიულმა, რაღაც გარედან აღძრული ნება-სურვილით როდი დააფუძნა სამყარო, და რომ მის ცოდნაში არაფერია წარმავალი.

19. მაშ, რაღას იგყვიან ჩემი მოღავენი? ესეც სიცრუეა? „არაო“, - ამბობენ ისინი. - კი მაგრამ, რა? განა მართალი არ არის, რომ მთელი ბუნება, რომელმაც სახე მიიღო, და მთელი მაგერია, რომელსაც შეუძლია სახის მიღება, მისი წყალობით ეზიარნენ არსებობას, ვინც მთელი საფესებით კეთილია, რადგანაც მთელი საფესებით არსად გვევლინება? „არც ამას

<sup>54</sup> ღმერთის ნება იგივე მისი სუბსტანციაა, სუბსტანცია კი - მისივე ნება, რაც უშუალოდ გამომდინარეობს ღმერთის, როგორც აბსოლუტურად მარტივი არსის ავგისტინესეული გაგებიდან. ღმერთის ყველა თვისება, რომელსაც მას მივანერთ, მთელი მისი სრულქმნილება - სიკეთე, ნება, გონება, სიბრძნე, სამართლიანობა, ძალმოსილება და სხვა მისთანანი, ერთად და ცალცალკე, იგივეა, რაც თვითონ ღმერთი. ექვსი საუკუნის შემდეგ ღმერთის ბუნების ავგუსტინესეულ ინტერპრეტაციას მთლიანად გაიზიარებს დიდი ქრისტიანი თეოლოგი ანსელმ კენტერბერიელი, ვისი აზრითაც „მთელი სრულყოფილება თავისებრივად კი არ უნდა მიენეროს ღმერთს, არამედ არსობრივად. თუ ღმერთი სამართლიანია, სამართლიანობის მეოხებითაა სამართლიანი. სამართლიანობა რომ სხვა იყოს და ღმერთი - სხვა, მაშინ მისი სამართლიანობა მხოლოდ თვისების აღმნიშვნელი იქნებოდა. მაგრამ სამართლიანობა შეუძლებელია სხვა რამე იყოს, ვარდა საკუთრივ ღმერთისა, ვინაიდან რაც არის ღმერთი ყოველთვის, მხოლოდ თავისით და თავისთავად არის. ამიტომ სამართლიანობა არსობრივად ეკუთვნის მას. იგივე ითქმის ყველა სხვა სრულქმნილების მიმართაც. ღმერთი სამართლიანობას კი არა ფლობს, არამედ თვითონაა სამართლიანობა; ის არა მარტო ცოცხალია, არამედ თვითონაა სიცოცხლე; არა მარტო ბრძენია, თვითონვეა სიბრძნე და ა.შ.

ამასთანავე, ღმერთის ცნებიდან მთლიანად გამოირიცხება ყოველგვარი სირთულე, რადგანაც რთული ყოველივე იმას, რაც არის, თავის შემადგენელ ნაწილებს უნდა უმადლოდეს. ასე რომ, ნაწილები უფრო მაღლა დგანან, ვიდრე მათგან შეთხზული არსი, რადგანაც ეს უკანასკნელი მათი მეოხებითაა, რაც არის, და არა ნაწილები - მისი მეოხებით. ამრიგად, ღვთაებრივი არსება რთული რომ იყოს, თუნდაც მხოლოდ ამის შედეგად აღარ იქნებოდა უზენაესი არსი. მაშასადამე, ღმერთი აბსოლუტური სიმარტივეა, და თუ ჩვენ სხვადასხვა თავისებებს მივანერთ მას, ისინი ღვთაებრივი არსების სხვადასხვა მომენტებს კი არ აღნიშნავენ, არამედ თვითელი მათგანი სრულად გამოხატავს მთელ ღვთაებრივ არსებას“ (ალბერტ შტეკელი, შუა საუკუნეების ფილოსოფიის ისტორია, - ანსელმ კენტერბერიელი, 7-8).

<sup>55</sup> ფსალმ. 47, 15.

უარვეყოფით“, - იმეორებენ ისინი. - მაშ, რას? იქნებ, იმას, რომ არსებობს უზენაესი ქმნილება, უნმიდესი სიყვარულით შერწყმული ჭეშმარიტსა და ჭეშმარიტად წარუვალ ღმერთთან? მართალია, ღმერთის თანამარადისი როდია, მაგრამ არასოდეს განემორება მას, და დროთა ათასსახოვანი ცვალებადობის მორევში კი არა, უფლის ერთადერთი და უცვლელი ჭეშმარიტების ჭვრეტაშია დანთქმული, რადგანაც ვისაც ისე უყვარხარ, როგორც შენ მოითხოვ, ღმერთო, სწორედ მას გამოუცხადებ თავს<sup>56</sup>, და ეს სავსებით საკმარისია მისთვის: არც შენგან მიიქცევა, და არც საკუთარი თავისაკენ<sup>57</sup>. ეს არის „ღმერთის სახლი“<sup>58</sup>, არა მიწიერი, ანდა ციური სიმყარისაგან შექმნილი, არამედ სულიერი და შენს მარადისობასთან წილნაყარი, სამარადისოდ უმნიველო და უბინო, რადგანაც შენ „დაადგინე იგი უკუნისამდე და უკუნითი უკუნისამდე“<sup>59</sup>; შენვე „დაანესე მისი კანონი“, და „არასოდეს გადავა იგი“<sup>60</sup>, თუმცაღა შენი თანამარადისი როდია, რადგანაც დასაბამი აქვს, როგორც შექმნილს.

20. ამ სახლის შექმნამდე ჩვენ ვერ ვპოვებთ დროს, რადგანაც „უწინარეს ყოვლისა შეიქმნა სიბრძნე“<sup>61</sup>; რა თქმა უნდა, ის სიბრძნე კი არა, რომლის მამადაც ვსახავენ, ღმერთო ჩვენო; რომელიც შენი თანამარადისია, შენივე სწორი, და რომლისგანაც შეიქმნა ყოველი; „დასაბამი“, რომლითაც „შეჰქმენი ცა და მიწა“, - არამედ ის სიბრძნე, რომელიც შეიქმნა, ანუ გონიერი ბუნება, ნათლის ჭვრეტის შედეგად თვითონვე ქცეულა ნათლად<sup>62</sup>. მართალია, მასაც, თუმცაღა შექმნილს, სიბრძნე ჰქვია, მაგრამ როგორც მანათობელი ნათელი განსხვავდება არეკლილი ნათლისაგან, ასევე შემოქმედი სიბრძნეც განსხვავდება შექმნილი სიბრძნისაგან, ან გამამართლებელი სიმართლე - გამართებული სიმართლისაგან. აუი ჩვენზედაც ითქვა, რომ შენით გაუმართლდებით. ერთმა შენმა მსახურმაც ხომ თქვა: „...რათა ღმერთის სიმართლედ ვქცეულიყავით მასში“<sup>63</sup>. ამრიგად, „უწინარეს ყოვლისა შეიქმნა სიბრძნე“<sup>64</sup>, ანუ გონიერი სული, „ჩვენი დედის“ - შენი წმიდა ქალაქის მკვიდრი, ქალაქისა, რომელიც ბეცადაა, თავისუფალი და მარადიული<sup>65</sup>. მაგრამ რომელ ბეცად, უფალო, თუ არა „ბეცათა ბეცად“, რომელიც გადიდებს შენ და იწოდება „უფლის ბეცათა ბეცად“? და ამ სიბრძნეზე უწინარეს ჩვენ ვერ ვპოულობთ დროს, რადგანაც ის წინ უსწრებდა დროთა შექმნას, რაკილა „ყველაზე უმაღლესი შეიქმნა“. თუმცა მასზე უწინარესი იყო მარადიული შემოქმედი, ვისგანაც დაედო დასაბამი, მაგრამ დროში კი არა, - რადგანაც დრო ჯერ კიდევ არ იყო, - არამედ როგორც შექმნილს.

<sup>56</sup> შდრ. იოანე XIV, 56.

<sup>57</sup> იგულისხმება „ზეცა ზეცისა“ და მისი მკვიდრნი - ანგელოსები. „უნდა ითქვას, რომ ანგელოსები თავიანთი ბუნებით ცვალებადნი არიან, მაგრამ ისურვეს თავიანთ თავზე შეტად შეეყვარებინათ ღმერთი, და ამიტომ მშვიდად და მყარად დაივანეს მის წიაღში“ („ჭეშმარიტი სარწმუნოებისათვის“, 13,26).

<sup>58</sup> დაბად. XXVIII, 17.

<sup>59</sup> ფსალმ. 148, 6.

<sup>60</sup> იმავე ფსალმუნის იგივე მუხლი.

<sup>61</sup> სიბრძნე ზირაქ. I, 4.

<sup>62</sup> შდრ. „ენნეადა“ IV, 3, 17, სადაც პლოტინი ლაპარაკობს სამყაროს სულზე, როგორც „ნათელზე ნათლისაგან“.

<sup>63</sup> II კორ. V, 21.

<sup>64</sup> იხ. აქვე, შენ. 61.

<sup>65</sup> გალატ. IV, 26.

21. ამრიგად, ეს სამყარო შენმიერია, ღმერთო ჩვენო, მაგრამ შენგან თავისი არსით ძირეულად განსხვავებული. და განა მარტო მის შექმნამდე არ არსებულა ღრო, არამედ თვით მასშიაც არ არის იგი, რადგანაც შეუძლია მარადის ჭვრეტდეს შენს სახეს და ნამითაც არ გაქციოს ზურგინ<sup>66</sup>. ამიტომაც არ ექვემდებარება ცვალებადობას და მონაცვლეობას, თუმცაღა ცვალებადობა დიახაც ნიშნეულია მისთვის, რასაც შეეძლო წყვილიადითა და სიცივით მოეცვა იგი, ღიადი სიყვარულით რომ არ იყოს შენთან შერწყმული, სიყვარულით, რომელიც შენი წყალობით ბრწყინავს და ბრღღვიალებს, როგორც მარადიული შუადღე.

ო, ნათელფენილო და სხივოსანო სამკვიდრო! „უფალო, შევიყვარე მშვენება შენი სახლისა და სავანე შენი ღიდებისა“<sup>67</sup>, რადგანაც შენა ხარ ამ სამყოფლის შემოქმედი და მპყრობელი. მის გამო ვჭმუნავ ჩემს ამქვეყნიურ ხეციალში და ასე მივმართავ მის შემოქმედს: დე, იყოს იქაც ჩემი მფლობელი, რადგან მეც ხომ მან შექმნა. „ღაუძრნოდი, როგორც დაკარგული ცხვარი“<sup>68</sup>, მაგრამ ჩემი მწყემსი და შენი შემოქმედი თავისი მხრებით მომიყვანს შენთან<sup>69</sup>.

22. თქვენ მოვმართავთ, ჩემო მოდავენო, რომელნიც მოსეს უფლის ერთგულ მსახურად, ხოლო მის წიგნებს სულიწმინდის მიერ ნაკარნახევად მაინც აღიარებთ. რას იტყვიან? განა ეს ღმერთის სამყოფელი არ არის? მართალია, არა ღმერთით დაუსაბამო და მისი თანამარადისი, მაგრამ თავისებურად მაინც მარადიული, რომელიც არის ცაში<sup>70</sup>, სადაც ამაოდ დაუნყებთ ძებნას ღროთა მონაცვლეობას: ვერსად იპოვით, იმდენად მაღალია ეს სამყოფელი, მარადმდინი ღროის მთელ ხანგრძლივობასა და მის წრებრუნვაზე უზენაესი, რომლის მთელი სიკეთე ისაა, რომ უშუალოდ ერწყმის ღმერთს<sup>71</sup>. „ღიახაც არის“, - მესმის პასუხად. მერედა, ყოველივე იქიდან, რაც „შეჰღაღადა ჩემმა გულმა ღმერთს“<sup>72</sup>, მაშინ, როდესაც მთელი ჩემი გულისყური მიპყრობილი იყო უფლის მადიდებელი ხმის მიმართ, - მაინც რას მიიჩნევთ ყალბად? იმ მატერიას, რომელსაც არავითარი სახე არა აქვს და ამდენად სრულიად მოუწესრიგებელია? მაგრამ სადაც არ არსებობს არავითარი წესრიგი, სრულიად შეუძლებელია ღროთა ყოველგვარი მონაცვლეობა. და მაინც, ეს თითქმის „არარა“ (რადგანაც სრულ „არარად“ ვერ მივიჩნევთ მას) იმისგანვე იღებს დასაბამს, რაც ყოვლის დასაბამია, რაკიღა ასე თუ ისე მაინც არსებობს. „არც ამას უარვეყოფთ“, - მეუბნებიან ისინი.

<sup>66</sup> იგულისხმება „ზეცა ზეცისა“ (იხ. აქვე, შენ. 4). შდრ. მათე XVIII, 10.

<sup>67</sup> ფსალმ. 25, 8.

<sup>68</sup> ფსალმ. 118, 76.

<sup>69</sup> შდრ. ლუკა XV, 4.

<sup>70</sup> იხ. II კორ. V, 1.

<sup>71</sup> შდრ. ფსალმ. 72, 28.

<sup>72</sup> ფსალმ. 17, 7.

XVI

23. მე მინდა შენს წინაშე ზოგიერთ საკითხზედაც გავესაუბრო იმ ხალხს, ვისაც ჭეშმარიტებად მიაჩნია ყოველივე ის, რაც ჩემს სულს გაანდო და გაუმჟღავნა შენმა ჭეშმარიტებამ. უარმყოფელებმა კი, დაე, იყფონ, რამდენიც ნებავთ, და თვითონვე გამოიყრუონ ყურები. ვეცდები დავაცხრო და დავაშოშმინო ისინი, რათა შენს სიგყვას გზა გაუხსნან და შეაღწევიან თავიანთ გულში. ხოლო თუ ამას არ ისურვებენ, გეძულდები, ღმერთო ჩემო, „ნუ დადუმდები ჩემთვის“<sup>73</sup>. ჭეშმარიტება აუნყე ჩემს გულს, რადგანაც მხოლოდ შენ შეგიძლია ეს, და მე განვდევნი მათ: დაე, მგვრის ბუქი ააყენონ თავიანთი სუნთქვით, და თვითონვე დაივსონ თვალი<sup>74</sup>. დაე, შევიდე „ჩემს სენაკში“<sup>75</sup> და გიგალობო სიმღერა სიყვარულისა, „უთქმელი ოხვრით“<sup>76</sup> მგმინავმა ჩემს ამქვეყნიურ ხეციალში. მარად მახსოვდეს იერუსალიმი, რომ გულით ავმადლდე და მოგეახლო, ო, იერუსალიმ, მამულო ჩემო, იერუსალიმ, დედაო ჩემი<sup>77</sup>; მოგეახლო შენც, მეუფე და განმანათლებლო ბეციური ქალაქისა, მის მამასა და მეუღლეს, რათა ვეზიარო ბეცის წმიდა და წარუდინებელ სიგზობებს, მის უხრწნელ სიხარულს, მის ენითუთქმელ სიკეთეს, რადგანაც შენა ხარ ერთადერთი უზენაესი და ჭეშმარიტი სიკეთე! დაე, არასოდეს განგეშორო, ვიდრე არ დამამკვიდრებ ჩვენი ბეციური დედის წმიდა წიაღში, მის შეუმღვრეველ სიმშვიდეში, სადაცა მაქვს „პირველი ნაყოფი ჩემი სულისა“<sup>78</sup>, და საიდანაც იღებს დასაბამს მთელი ჩემი სარწმუნო ცოდნა; ვიდრე არ შეპკრებ გაბნეულს, სახიერად არ მაქცევ უსახურს და მარადისობაში არ დამამკვიდრებ, ღმერთო ჩემო, წყალობაო ჩემო<sup>79</sup>.

ხოლო იმ ხალხს, ვინც სიცრუედ არ მიიჩნევს ყველა ამ ჭეშმარიტებას, პატივს მიაგებს შენს წმიდა წიგნებს, მოსეს, ამ ღვთისმოსავი კაცის დანწერილთ, ყოველგვარ ავტორიტეტზე მაღლა აყენებს და ჩვენთან ერთად მისაბამ ნიშნად სახაფს მათ, მაგრამ, ამასთანავე, სადავოდ მიიჩნევს ზოგიერთ საკითხს, - აი, რას ვეცყოდი პასუხად. ხოლო შენ, ღმერთო ჩვენო, იყავ მსაჯული ჩემს აღსარებასა და მათ მრწამსს შორის.

<sup>73</sup> ფსალმ. 27, 1.

<sup>74</sup> სულიერი სიბრძავის ექსპრესული მეტაფორა.

<sup>75</sup> მათე VI, 6.

<sup>76</sup> შდრ. რომ. VIII, 23.

<sup>77</sup> გალატ. IV, 26.

<sup>78</sup> რომ. VIII, 23.

<sup>79</sup> შდრ. ფსალმ. 58, 18.



XVII

24. ისინი ამბობენ: „ეს ჭეშმარიტებაა, მაგრამ ამას როდი გულისხმობდა მოსე, როცა სულის გამოცხადებით წერდა: „თავდაპირველად ღმერთმა შექმნა ცა და მიწა“<sup>80</sup>. ცის სახელით მას ის სულიერი და გონიერი სამყარო როდი აღუნიშნავს, მარადყამ რომ ჭერეც ღმერთის სახეს, და არც „მიწა“ ნიშნავს უსახო „მაგერიას“. - „მაშ, რას?“ - „რასაც ჩვენ ვამბობთ, იმასვე გულისხმობდა ეს დიდი კაციც, და იგივე გამოხატა თავის სიტყვებით“. - „მაინც რა?“ - „ცისა და მიწის სახელით მას სურდა, უწინრეს ყოვლისა, მოკლედ და ზოგადად აღუნიშნა ეს ხილული სამყარო, რათა შემდეგ, დღეების მინიშნებისას, თითქოს განეწვალა და დაენანვერებინა ყოველივე ის, რაც სურდა სულნიშნის მიერ ასე ეუწყებინა ჩვენთვის. რადგანაც ის გლანქი, უხეში და ხორციელი ხალხი, ვისაც მიმართავდა მოსე, მისი აზრით, იმდენად გაონებაჩლუნგი იყო, რომ მხოლოდ უფლის ხილული ქმნილებების გარჩევას თუ შესძლებდა“.

თუმცა ისინი ნაწილობრივ მაინც გვეთანხმებიან იმაში, რომ ეს უხილავი და უდაბური მიწა, ეს ბნელი უფსკრული (რომელთაგანაც, როგორც შემდეგ თანმიმდევრულადაა ნაჩვენები, შესაქმნის პირველ დღეებში შეიქმნა კიდევ ყოველივე ხილული და საყოველთაოდ ცნობილი), შეიძლება ამ უსახო მაგერიადაც მიგვაჩნდეს, ისე, რომ თავიდან ავიცილოთ ყოველგვარი შინაგანი წინააღმდეგობა.

25. მერედა რა? ვინმე იტყვის, რომ ამ უსახო და ქაოტურ მაგერიას იმიტომ დაერქვა ცისა და მიწის სახელი, რომ ეს ხილული სამყარო (მთელი თავისი ქმნილებებითურთ, რომელთაც სავესებით მკაფიოდ გამოკვეთილი სახე მიუღიათ მასში), ზემოხსენებული უსახო მაგერიისაგან შექმნილი და გასრულებული, უმეტესწილად „ცად და მიწად“ იწოდება?

და კიდევ, შეიძლება ვინმემ ისიცა თქვას, რომ „ცა და მიწა“ სავესებით შესაფერისი სახელია როგორც ხილული, ისე უხილავი ბუნებისთვისაც, რადგანაც ეს ორი სიტყვა მოიცავს ყველაფერს, რაც ღმერთმა თავისი სიბრძნით, ანუ დასაბამით შექმნა. თუმცა ყველაფერი თვით ღვთაებრივი სუბსტანციისაგან კი არ არის შექმნილი, არამედ „არარაისგან“, რადგანაც ქმნილების ბუნება სულ სხვანაირია, ვიდრე ღმერთისა, და მისთვის ნიშნეულია ერთგვარი ცვალებადობა, მიუხედავად იმისა, ღმერთის საუკუნო სამკვიდრებლად გვევლინება, თუ ისევე იცვლება, როგორც კაცის სული და სხეული. სწორედ ეს, ყოველი ქმნილების - როგორც ხილულის, ისე უხილავისთვისაც საერთო, ჭერეთ უსახო, მაგრამ სახის მიღების უნარის მქონე მაგერია, რომლისგანაც წარმოიქმნა ცა და მიწა, ანუ ის ხილული თუ უხილავი ქმნილებები, უკვე რომ მიუღიათ სახე, - დიახ, სწორედ ეს მაგერია აღინიშნება სიტყვებით: „მიწა უსახო და უდაბური, და ბნელი უფსკრულის თავზე“<sup>81</sup> აქ მხოლოდ ის განსხვავებაა, რომ „უსახო და

<sup>80</sup> დაბად. I, 1.

<sup>81</sup> დაბად. I, 2.

უდაბურ მიწად“ იგულისხმება სხეულებრივი, ჯერ კიდევ გაუფორმებელი მაგერია, ხოლო „ბნელად უფსკრულის თავზე“ - სულიერი მაგერია, მაგრამ მხოლოდ მანამდე, სანამ ზღვარი დაედებოდა მის უკიდურეს განუსაზღვრებლობას და სიბრძნით განწონილი გაბრწყინდებოდა.

26. თუ ნებაგს, სხვას შეუძლია ესეცა თქვას: „როცა ვკითხულობთ, რომ „თავდაპირველად ღმერთმა შექმნა ცა და მიწა“, აქ „ცა და მიწა“ უკვე ფორმირებულსა და დასრულებულ ხილულსა თუ უხილავ ბუნებას კი არ გულისხმობს, არამედ მხოლოდ სამყაროს ამორფულ მონახაზს, უსახო მაგერიას, რომელსაც შეუძლია ნებისმიერი სახე მიიღოს და ყოველგვარი ქმნილების მასალად იქცეს, რადგანაც სამყარო უკვე არსებობდა მასში, თუმცაღა ქაოტურად, თავისებრივი თუ ფორმალური განსაზღვრულობის გარეშე<sup>82</sup>, ხოლო უკვე განსაზღვრულს და მონესრიგებულს ცა და მიწა ეწოდება, რომელთაგანაც პირველი სულიერია, მეორე კი სხეულებრივი“<sup>83</sup>.

## XVIII

27. ყოველივე ამას რომ ვისმენ და ვფიქრობ, არ მინდა „სიტყვებით ჭიდილი დაეინყო, რომელიც არას გვარგია და მსმენელებს კი ჩამოგვაცილებს“<sup>84</sup>. შესაგონებლად არსებობს „კეთილი სჯული, თუკი ვინმე სჯულიერად მოიხმარს მას“<sup>85</sup>; „ხოლო მიზანი მცნებისა არის სიყვარული წმიდა გულით, წრთელი სინიდისითა და უპირფერო რწმენით“<sup>86</sup>. ჩვენმა მოძღვარმა იცოდა, რომელ ორ მცნებადღე დაეყვანა მთელი სჯული და წინასწარმეტყველნი<sup>87</sup>. მეც გულმხურვალედ ვაღიარებ მათ, ღმერთო ჩემო, ნათელო ჩემი თვალისა ბნელში<sup>88</sup>. მაშ, რას დამიშლის ის ამბავი, რომ ეს სიტყვები შეიძლება სხვადასხვანაირად გავიგოთ? მათი ჭეშმარიტება ხომ უეჭველია. ჰოდა, რას მაგნებს, თუ სხვებისაგან განსხვავებით გავიგებ ნაწერს? კითხვისას ხომ ყველანი იმის წვდომასა და გაგებას ვცდილობთ, თუ რას გულისხმობდა ის, ვისაც ვკითხულობთ? რაკილა მისი სიმართლის გვაჯერა, იმაზე ფიქრსაც კი ვერ გავბედავთ, რომ ის შეიძლება ცრუობდეს. და რადგან თვითეული ჩვენგანი ცდილობს საღმრთო წერილის კითხვისას თვით მისი დამწერის აზრი შეიცნოს, მაშინ რა სათაკილოა, თუკი იმას დაინახავს მასში, რასაც შენ უჩვენებ ჭეშმარიტებად, ყოველი მართალი სულის ნათელო? თუნდაც მის

<sup>82</sup> შდრ. ანაქსაგორა: „ყველაფერი ერთად იყო, მერე მოვიდა გონება და გაჰყო და მონესრიგა ყოველი“ (დიდისი, ფრაგმ. 1,4).

<sup>83</sup> განსხვავება ამ უკანასკნელ - მეოთხე - და მეორე ინტერპრეტაციებს შორის ისაა, რომ მეოთხის მიხედვით „ცა და მიწა“ გაგებულია როგორც უკვე შექმნილი, სულიერი და სხეულებრივი სამყარო, მაშინ როდესაც მეორე ინტერპრეტაციის ავტორთა აზრით „ცა და მიწა“ სულიერი და სხეულებრივი სამყაროს მასალადაა მიჩნეული.

<sup>84</sup> II ტიმ. II, 14.

<sup>85</sup> I ტიმ. I, 8.

<sup>86</sup> I ტიმ. I, 5.

<sup>87</sup> იხ. მათე XXII, 35-40: „და ერთმა მათგანმა, სჯულის მცოდნემ, საცთუნებლად ჰკითხა მას: მოძღვარო, რომელია სჯულის მთავარი მცნება? ხოლო იესომ მიუგო მას: გიყვარდეს უფალი ღმერთი შენი მთელი შენი სულით და მთელი შენი გულით და მთელი შენი გონებით. ეს არის პირველი და მთავარი მცნება. და მეორე, ამისი მსგავსი: გიყვარდეს მოყვასი შენი, ვითარცა თავი შენი. ამ ორ მცნებაზეა დამოკიდებული მთელი სჯული და წინასწარმეტყველნი.“

<sup>88</sup> შდრ. ფსალმ. 37, 11.

დამწერს სულ სხვა რამ ეგულისხმა. მასაც ხომ ესმოდა ჭეშმარიტება, თუმცა კი სხვანაირად ესმოდა იგი.

## XIX

28. ჭეშმარიტია, უფალო, რომ შენ შეჰქმენი ცა და მიწა; ჭეშმარიტია, რომ შენი სიბრძნე არის „დასაბამი“, რომლითაც „შეჰქმენი ყოველი“<sup>89</sup>; ჭეშმარიტია ისიც, რომ ეს ხილული სამყარო ორი უზარმაზარი ნაწილისაგან შედგება - ცისა და მიწისაგან, და ეს მოკლე სახელწოდება ყველა ქმნილებას მოიცავს; ჭეშმარიტია, რომ ყოველივე ცვალებადი ჩვენს სულში ერთგვარი უსახოების წარმოდგენას ინვეს, რომელსაც შეუძლია ესა თუ ის სახე მიიღოს, შეიცვალოს და გარდაიქმნას; ჭეშმარიტია, რომ ღრთა მონაცვლეობას არ ექვემდებარება ის, რაც იმდენად შერწყმია უცვლელ სახეს თუ ფორმას, რომ თუნდაც ცვალებადი იყოს, მაინც უცვლელი რჩება; ჭეშმარიტია, რომ უსახოებისათვის, რომელიც თითქმის „არარაა“, არ არსებობს ღრთა მონაცვლეობა; ჭეშმარიტია, რომ მასალამ, რომლისაგანაც ესა თუ ის საგანი იქმნება, შეიძლება სწორედ ამ საგნისაგან მიიღოს სახელწოდება; ამიგომაცაა, რომ შეიძლება „ცა და მიწა“ ეწოდოს ნებისმიერ უსახო მატერიას, რომლისგანაც შეიქმნა ცა და მიწა; ჭეშმარიტია, რომ ყოველივე იმას შორის, რასაც სახე მიუღია, ყველაზე მეტად მიწა და უფსკრული უახლოვდება უსახოებს; ჭეშმარიტია, რომ შენი ქმნილებაა არა მარტო ის, რაც შექმნილია და სახე მიუღია, არამედ ყოველივე ისიც, რაც შეიძლებოდა შექმნილიყო და სახე მიიღო; ღიახ, შენი ქმნილებაა, უფალო, „ვის მიერაც არის ყოველი“<sup>90</sup>; ჭეშმარიტია, რომ ყველაფერი, რასაც უსახოსაგან მიუღია სახე, თავდაპირველად უსახო იყო, და მხოლოდ შემდეგ მიიღო იგი.

## XX

29. ყველა იმ ჭეშმარიტებას შორის, რაშიაც ეჭვი არ ეპარება იმათ, ვის შინაგან მზერასაც მათი გარჩევის უნარი უბოძე, და ვისაც ურყევად სწამს, რომ მოსე, შენი მსახური, „ჭეშმარიტების სულით“<sup>91</sup> იცოდა ამას, - ღიახ, ყველა ამ ჭეშმარიტებას შორის ერთი ამოირჩევს სიგყვებს: „თავდაპირველად ღმერთმა შექმნა ცა და მიწა“, და შემდეგნაირად განმარტავს მათ: „თავისი დაუსაბამო და მისივე თანამარადისი სიგყვით“<sup>92</sup> ღმერთმა შეჰქმნა როგორც გონით მისაწვდომი, ისე გრძნობადი სამყაროც, სულიერი და სხეულებრივი“. მეორეს ასე ესმის სიგყვები - „თავდაპირველად ღმერთმა შეჰქმნა ცა და მიწა“: „თავისი დაუსაბამო და მისივე თანამარადისი სიგყვით ღმერთმა შეჰქმნა ამ სხეულებრივი სამყაროს მთელი

<sup>89</sup> თსაღმ. 103, 24.

<sup>90</sup> I კორ. VIII, 6.

<sup>91</sup> იოანე XIV, 17.

<sup>92</sup> იველისხმება იესო ქრისტე.

სილიადე, ჩვენთვის ცნობილი და ჩვეული ყველა ქმნილებითურთ“. მესამის აზრით, „თავდაპირველად ღმერთმა შექმნა ცა და მიწა“ იმას გვიცხადებს, რომ „თავისი დაუსაბამო და მისივე თანამარადისი სიტყვით ღმერთმა შექმნა უსახო მაგერია როგორც სულიერი, ისე სხეულებრივი სამყაროსათვის“. მეოთხეს სხვანაირად ესმის სიტყვები - „თავდაპირველად ღმერთმა შექმნა ცა და მიწა“: „ესე იგი, თავისი დაუსაბამო და მისივე თანამარადისი სიტყვით თავდაპირველად ღმერთმა შექმნა უსახო მაგერია სხეულებრივი სამყაროსათვის, სადაც ჯერ კიდევ ერთმანეთში ალუფხული იყო ცა და მიწა, რომელთაც ახლა, როგორც ჩვენ ვხედავთ, თავიანთი განსხვავებული და განსაზღვრული სახე მიუღიათ ამ უზარმაზარ სამყაროში“. მეხუთის მიხედვით, „თავდაპირველად ღმერთმა შექმნა ცა და მიწა“ იმას ნიშნავს, რომ „თავისი დაუსაბამო და მისივე თანამარადისი სიტყვით თავდაპირველად ღმერთმა შექმნა უსახო მაგერია, რომელიც შეიცავდა ერთმანეთში ალუფხულ ცასა და მიწას, ხოლო შემდეგ როცა თავიანთი სახე მიიღეს, ისინი გამოეყვნენ მას და მოგვევლინენ ყოველივე იმითურთ, რაც კი რამ არის მათში“<sup>93</sup>.

XXI

30. იგივე ითქმის მომდევნო სიტყვათა განმარტების მიმართ: „ხოლო მიწა უსახო და უდაბური, და ბნელი იღო უფსკრულის თავზე“. სხვადასხვა სარწმუნო განმარტებას შორის ყველა თავისას ირჩევს. ერთის აზრით, ეს შემდეგს ნიშნავს: „ეს სხეულებრივი მასა, ღმერთმა რომ შექმნა, ჯერ კიდევ უსახო მაგერია იყო სხეულებრივ ქმნილებათათვის, მოუნესრიგებელი და ნათელს მოკლებული“. მეორის მტკიცებით, „ხოლო მიწა უსახო და უდაბური, და ბნელი იღო უფსკრულის თავზე“, შემდეგნაირად უნდა გვესმოდეს „ყველაფერი, რაც ცად და მიწად იწოდება, ჯერაც უსახო და ბნელი მაგერია იყო, საიდანაც წარმოიქმნა ჩვენი ხილული ცა და მიწა ყოველივე იმასთან ერთად, რასაც ხორციელი გრძნობებით შევიცნობთ“. მესამე სიტყვებს - „ხოლო მიწა უსახო იყო და უდაბური, და ბნელი იღო უფსკრულის თავზე“, - ამგვარად ხსნის: „ყოველივე ის, რაც ცად და მიწად იწოდა, ჯერ კიდევ უსახო და ბნელი მაგერია იყო, საიდანაც წარმოიქმნა გონით სანვლომი ცა (როემლიც სხვაგან იწოდება „ზეცად ზეცისა“) და დედამიწა, ესე იგი, მთელი სხეულებრივი ბუნება ამ ჩვენი ხილული ცის ჩათვლით; ანუ,

<sup>93</sup> „როცა საღმრთო წერილის ერთი და იგივე ადგილი დასაშვებს ხდის არა მარტო ერთ, არამედ ორ და მეტ განმარტებას, ისე, რომ შეუძლებელი ხდება დაუადგინოთ, მაინც რას ვულისხმობდა ავტორი, აქ არაფერია საშიში, თუკი წერილის სხვა ადგილები საშუალებას გვაძლევენ დაუადგინოთ, რომ ეს სხვადასხვანაირი განმარტებანი არ ეწინააღმდეგებიან ჭეშმარიტებას. და მაინც, ვისაც სურს ჩასწვდეს ღვთიური სიტყვის სიღრმეს, გამუდმებით უნდა ცდილობდეს მიუახლოვდეს ავტორის აზრს, ავტორისა, ვისი პირითაც სულმა წმიდამ გადმოგვცა საღმრთო წერილის ეს ნაწილი; მიუხედავად იმისა, მართლა მიაკვლევს ამ ჭეშმარიტ აზრს თუ სხვანაირად გაიაზრებს მოცემულ ადგილს, თუკი ეს სხვანაირი გაგება არამც და არამც არ უპირისპირდება რწმენის სინამდვილეს, რის გასარკვევდაც შეიძლება დაეყრდნოს საღმრთო წერილის სხვა მონშობას. იქნებ ავტორი თავის გამონათქვამებში, რომელთა განმარტებასაც ცდილობენ, თვითონვე ჭერეტდა იმნაირ აზრს, რა აზრითაც მათ განმარტავენ. ყოველ შემთხვევაში, უეჭველია, რომ სულმა ღვთისამ, ვისთვისაც საღმრთო წერილის ავტორი სხვა არა იყო რა, თუ არა იარაღი, წინასწარ განჭვრიტა, რომ ამ ადგილს სწორეს ასე გაიაზრებდა მისი მკითხველი თუ მსმენელი. მეტსაც ვეტყვით, სწორედ ღვთაებრივი წინასწარხედვავა, ამ აზრს რომ ჩაავიწყებს მკითხველს, რაკილა ის ჭეშმარიტებაზე დაფუძნებული“ („ქრისტიანული სარწმუნოებისათვის“, III,27), - ამ სიტყვებით აყალიბებს ნეტარი ავგუსტინე ბიბლიის ინტერპრეტაციისას ლეგიტიმურ განმარტებათა მრავლობითობის თეორიას, რაც შემდგომ თეოლოგთა შორის გაცხარებული პაექრობის საბაზად იქცა.

სხვაგვარად რომ ვთქვათ, საიდანაც წარმოიქმნა ყველა ხილული თუ უხილავი ქმნილება“. კიდევ ერთი განმარტების მიხედვით, - „ხოლო მინა უსახო იყო და უდაბური, და ბნელი იღო უფსკრულის თავზე“, - საღმრთო წერილი აქ ამ უსახო მაგერიას როდი უწოდებს ცისა და მიწის სახელს; არა, „უსახო და უდაბურ მინად და ბნელ უფსკრულად“ ის მიიჩნევს რასაც უსახოს, წინასწარ უკვე არსებულს, რომლისგანაც, როგორც წერილში მანამდეა ნათქვამი, ღმერთმა შექმნა ცა და მიწა, ანუ სულიერი და სხეულებრივი სამყარო“. არსებობს სხვა განმარტებაც, რომლის თანახმადაც სიტყვები - „ხოლო მინა უსახო იყო და უდაბური, და ბნელი იღო უფსკრულის თავზე“, - იმასა ნიშნავს, რომ უკვე იყო ერთგვარი უსახო მაგერია, რომლისგანაც, როგორც მანამდე ამბობს საღმრთო წერილი, ღმერთმა შექმნა ცა და მიწა, ანუ სამყაროს მთელი სხეულებრივი მასა, ორ უზარმაზარ, ზენა და ქვენა ნაწილად გაყოფილი, ყველა იმ ქმნილებასთან ერთად, რომელთაც ისინი მოიცავენ, და რომელნიც ცნობილნი და ჩვეულებრივნი არიან ჩვენთვის“<sup>94</sup>.

## XXII

31. ამ ორ უკანასკნელ აზრს შეიძლება ასე დაუპირისპირდეს ვინმე: „თუ არა გსურთ „ცა და მიწა“ უწოდოთ ამ უსახო მაგერიას, მაშასადამე, მანამდე ყოფილა რაღაც, რაც ღმერთს შეუქმნია, რათა შემდეგ მისგან შეექმნა ცა და მიწა. რადგანაც საღმრთო წერილი არათერს გვაძენობს იმის თაობაზე, რომ ღმერთმა შექმნა ეს მაგერია, მაგრამ ჩვენ შეგვიძლია ვითქვით, რომ სიტყვები - „ცა და მიწა“, ან მხოლოდ ერთი სიტყვა - „მიწა“ - სწორედ ამ მაგერიას გულისხმობს; თუმცაღა საღმრთო წერილს კიდევაც რომ ენებებინა და სიტყვებით - „ხოლო მინა უსახო იყო და უდაბური“ - სწორედ ეს უსახო მაგერია აღენიშნა, - აქ სხვას ვერათერს ვიგულისხმებდით, ღვთის მიერ შექმნილი მაგერიის გარდა, რომელმდედაც ითქვა ზემოთ: „შექმნა ცა და მიწა“. იმ ორი, ან თუნდაც ერთ-ერთი მოსაზრების მომხრეებს, სულ ბოლოს რომ მოვიხსენიე, საპასუხოდ შეეძლოთ ვთქვათ: „ჩვენ არ უარყოფთ, რომ ეს უსახო მაგერია ღმერთის მიერაა შექმნილი, ვისგანაც იღებს დასაბამს ყოველივე კეთილი, მაგრამ იმასაც დავსძენთ, რომ გაცილებით უკეთესია ის, რასაც გარკვეული სახე თუ ფორმა ენიჭება შექმნისას, და ნაკლებად კეთილად (თუმცაღა მაინც კეთილად) მივიჩნევთ იმას, რაც შეიძლება შეიქმნას და ესა თუ ის სახე მიიღოს. საღმრთო წერილი არ იხსენიებს, რომ ღმერთმა შექმნა ეს უსახო მაგერია, ისევე, როგორც არ იხსენიებს, რომ ღმერთმა შექმნა ეს უსახო მაგერია, ისევე, როგორც არ იხსენიებს ბევრ სხვა რამესაც, ვთქვათ, ქერუბიმებს, სერაფიმებს<sup>95</sup> და სხვა დანარჩენთ, რომელთაც ცალ-ცალკე ჩამოთვლის მოციქული: „საყდარნი, უფლებანი,

<sup>94</sup> ნეტარი ავგუსტინე აქ მოკლედ მიმოიხილავს დაბადების პირველი თავის მეორე მუხლის ხუთ სხვადასხვა ინტერპრეტაციას, ისევე, როგორც ზემოთ - პირველი მუხლისას.

<sup>95</sup> ქერუბიმები ნახსენები არიან ბიბლიის შემდეგ წიგნებში: დაბადება III,24; გამოსვლა XXV,22; XXXVII,7; რიცხვნი VII,89 და სხვ. სერაფიმები კი მხოლოდ ესაიაში VI,2,6.



მთავრობანი, ხელმწიფებანი<sup>96</sup>: ყველა ისინი, რა თქმა უნდა, ღვთის მიერ არიან შექმნილნი. თუ სიტყვები - „შექმნა ცა და მიწა“ ყველაფერს მოიცავს, მაშინ რაღას ვიტყვით წყალთა მიმართ, რომელთა გემოთაც „იძვროდა სული ღვთისა?“<sup>97</sup> ხოლო თუ სიტყვა „მიწა“ წყალთაც გულისხმობს, როგორღა ვაღიაროთ, რომ იგივე სიტყვა აღნიშნავს უსახო მაგერიასაც, როცა ვხედავთ, რარიგ მშვენიერნი არიან წყალნი? მაგრამ კიდევაც რომ ვაღიაროთ, მაშინ რატომღა დაიწერა, რომ სწორედ ამ უსახო მაგერიისაგან შეიქმნა მყარი, რომელსაც ცა ეწოდა, მაგრამ არაფერია ნათქვამი იმის თაობაზე, თუ როგორ შეიქმნენ წყალნი. ისინი ხომ არც უსახონი არიან და არც უხილავნი. აკი თვალნათლივ ვხედავთ, რა მშვენიერნი არიან და რარიგ მომხიბლავია მათი ღინება. თუ მაშინ ეზიარნენ მშვენიერებას, როცა ღმერთმა თქვა: „შევროვდეს ერთგან ცისქვეშეთის წყალი“<sup>98</sup>, და ამ შევროვების შედეგად მიიღეს სახე, მაშინ რაღა ვთქვათ იმ წყალთათვის, რომელნიც არიან ცამყარს გემოთ? უსახონი ვერ ეღირსებოდნენ ესოდენ საპატიო ადგილს, მაგრამ რა სიტყვით მიენიჭათ სახე, ამის თაობაზე საღმრთო წერილში არაფერია ნათქვამი.

შესაქმის წიგნი არაფერს ამბობს ღმერთის ზოგიერთი ქმნილების შესახებ, ხოლო ისინი რომ ღმერთის მიერ არიან შექმნილნი, ამაში დაეჭვებას ვერც ჭეშმარიტი რწმენა გებედავს, ვერც საღი გონება, და ვერც მართალი მოძღვრება დაიჩემებს, რომ ეს წყალნი ღმერთის თანამარადისნი არიან, რაკილა შესაქმის წიგნი იხსენიებს მათ, მაგრამ იქ არაფერია ნათქვამი იმის თაობაზე, თუ როდის შეიქმნენ ისინი. მაშ, რატომ არ უნდა მიგვაჩნდეს ეს უსახო მაგერია, რომელსაც საღმრთო წერილი „უსახო და უდაბურ მიწასა და ბნელ უფსკრულს“ უწოდებს, ღმერთის მიერ „არარაისაგან“ შექმნილად, მაგრამ არა ღმერთის თანამარადისად, როგორც გვასწავლის ჭეშმარიტება, თუმცაღა საღმრთო წერილი არაფერს გვეუბნება, მაინც როდის შეიქმნა იგი.

### XXIII

32. ამ ურთიერთსაპირისპირო მოსაზრებებს რომ ვისმენ, ვცდილობ, ჩემი უმწიფობის შესაბამისად, ავწონ-დავწონო ისინი (შენს წინაშე ვაღიარებ ამ უმწიფობას, ღმერთო ჩემო, თუმცა ისედაც კარგად იცი ეს) და, აი, რას ვხედავ: რაკი ზოგ რასმე სიმბოლურ ნიშანთა მეშვეობით გვაუწყებენ სანდო მაცნენი, აქ შეიძლება ორგვარმა უთანხმოებამ იჩინოს თავი: ერთის მხრივ, იმან, თუ რამდენად შეესაბამებიან ეს ნიშნები სინამდვილეს; მეორეს მხრივ კი იმან, თუ რისი თქმა სურდა თვით მაცნეს. ერთია ეძიებდე და იკვლევდე, მაინც რა არის ჭეშმარიტი სამყაროს შექმნის ამბავში, და მეორე - რა სურდა მოსეს, შენი სარწმუნოების ამ რჩეულ მსახურს<sup>99</sup>,

<sup>96</sup> იხ. კოლოს. I, 16: „რადგანაც მასში შეიქმნა ყოველი: მიწიერიც და ზეციერიც; ხილული თუ უხილავი, საყდარნი თუ უფლებანი, მთავრობანი თუ ხელმწიფებანი; ყველაფერი მის მიერა და მისთვის შეიქმნა“.

<sup>97</sup> დაბად. I, 2.

<sup>98</sup> დაბად. I, 9.

<sup>99</sup> შდრ. ებრ. III, 5.

ღიას, რა სურდა ეთქვა ამ სიცივეებით თავისი მკითხველისა თუ მსმენელისათვის, ან რანაირ გაგებას მოელოდა მათგან.

რაც შეეხება პირველი სახის უთანხმოებას, შორს ჩემგან ყველა, ვისაც ჭეშმარიტებად ესახება სიცრუე! ხოლო რაც შეეხება მეორე სახის უთანხმოებას, შორს ჩემგან ყველა, ვისაც ჰკონია, რომ მოსემ იცრუა! მე მინდა მათთან ერთად ვიყო შენს წიაღში, უფალო, ვისი საზრდოცაა ჭეშმარიტება სიხარულის სისავსით, რათა მათთან ერთად ვხარობდე შენში. დაე, ერთად მივეახლოთ საღმრთო წერილის სიცივეებს, და შენი მსახურის ზრახვის მეშვეობით ვეძიოთ თვით შენი ზრახვა, მსახურისა, ვის კალამსაც მიანდე ამ სიცივეების გადმოცემა.

## XXIV

33. მაგრამ ვინ, რომელი ჩვენგანი აღმოაჩენს ამ ზრახვას ესოდენ მრავალ ჭეშმარიტებას შორის, რომელნიც, ამასთანავე, შესაძლებელს ხდიან მათ სხვადასხვანაირ განმარტებას? ვინ იცყვის ისეთივე დაბეჭითებით: „აი, რას ფიქრობდა მოსე, და მას სურს სწორედ ასე გაიგონ მისი სიცივეები“, - რანაირი დარწმუნებითაც შეეძლო ეთქვა: „ეს სიცივეები სავსებით სარწმუნოა, მიუხედავად იმისა, ასე ფიქრობდა მოსე თუ არაო“.

აჰა, უფალო, „მე, მონა და მსახური შენი“<sup>100</sup>, შენ შემოგწირავ ჩემს აღსარებას და გვედრები, შენი გულმონწყალებით „აღასრულო ჩემი აღთქმანი“<sup>101</sup>. შემძლია თუ არა ისევე დაბეჭითებით ვთქვა, რომ შენი უცვლელი სიცივეით შეჰქმენი ყველაფერი, ხილულიც და უხილავიც, - როგორც ვამბობ, რომ მოსე სხვას არაფერს გულისხმობდა, გარდა იმისა, როდესაც წერდა: „თავდაპირველად შეჰქმნა ღმერთმა ცა და მიწა?“ და თუ შენი ჭეშმარიტების ნათელი ცხადყოფს ჩემთვის, რომ შენ შეჰქმენი ყოველ, ასევე ცხადად როდი ვხედავ მოსეს აზრსაც, რომლითაც დაინერა მისი სიცივეები.

როცა თქვა „თავდაპირველად“, მას შეეძლო ეგულისხმა „შესაქმის დასაწყისში“; შეეძლო ისიც ესურვა, რომ „ცა და მიწა“ ამ ადგილას ისე კი არ გაგვეგო, როგორც ბუნება, სულიერი თუ სხეულებრივი, უკვე ფორმირებული და დასრულებული, არამედ როგორც ჯერ კიდევ რაღაც ყოვლად უსახო, ორივე ბუნების ერთგვარი ამორთული საწყისი. ჩემთვის სავსებით ცხადია, რომ ორივე ეს განმარტება შეიძლება სარწმუნო იყოს, მაგრამ მაინც რომელს გულისხმობდა მოსე, ეს უკვე აღარ არის ასევე ცხადი. უეჭველია მხოლოდ ერთ რამ: მიუხედავად იმისა, თუ რა აზრი უგრიანობდა თავში ამ დიდ კაცს, როცა შემოხსენებულ სიცივეებს წარმოსთქვამდა: მე რომ განვიხილე, თუ ჩემს მიერ განუხილველი, სულერთია, ის მაინც ჭეშმარიტებას ჭერეგდა და სათანადოდ გვაუწყა კიდევ იგი.

<sup>100</sup> შდრ. ფსალმ. 115, 7.

<sup>101</sup> შდრ. ფსალმ. 21,26.

XXV

34. მაშ, ნურავინ შემანყენს თავს და ნურც მეგყვის: „მოსე ისე როდი თქვია, როგორც შენ ამბობ, არამედ ისე, როგორც მე მგონიაო“. ჩემთვის რომ ეკითხათ: „ვინ მოგახსენა, რომ მოსე სწორედ იმას გულისხმობდა, რასაც შენ ამბობ, როცა მის სიტყვებს განმარტავო?“ - ვალღებული ვიქნებოდი მშვიდად მომესმინა ეს შეკითხვა და ისევე მეპასუხა, როგორც ზემოთ, ან, იქნებ, ცოცხალი უფრო ვრცლადაც, თუკი ჩემი თანამოსაუბრე კვლავაც თვისას დაიხმებდა. მაგრამ როცა მეუბნებიან: „მოსე ისე კი არ თქვია, როგორც შენ ამბობ, არამედ როგორც მე მგონიაო“, თუმცა, ამასთან, ჩემი სიტყვების სისწორესაც აღიარებენ, ო, გლახაკთა სიცოცხლეც, ღმერთო ჩემო, ვის წიაღშიაც არ არსებობს არავითარი წინააღმდეგობა, წვიმასავით აპკურე ჩემს გულს თვინიერება, რათა შევიძლო ამნაირი ხალხის აგანა!<sup>102</sup> რადგანაც ასე იმიტომ კი არა მელაპარაკებიან, რომ ღვთივითაგონებულთ შენი მსახურის გულში უხილავთ, რასაც ამბობენ, არამედ იმიტომ, რომ მზვობარნი არიან. არა, მათ არ ესმით მოსეს აზრი და მხოლოდ თავიანთ აზრს ეტრფიან, მაგრამ იმიტომ კი არა, თითქოს ეს ჭეშმარიტი იყოს, არამედ იმიტომ, რომ ის მათი აზრია. ასე რომ არა, სხვისი ჭეშმარიტებაც ეყვარებოდათ, როგორც მე მიყვარს მათი აზრი, როცა ის ჭეშმარიტია, მაგრამ იმიტომ კი არა, რომ ის მათი აზრია, არამედ იმიტომ, რომ ჭეშმარიტია, და რაკი ჭეშმარიტია, მაშასადამე, მარტოდენ მათი საკუთრება როდი ყოფილა. თვითონაც რომ იმის გამო უყვარდეთ თავიანთი აზრი, რომ ის ჭეშმარიტია, მაშინ ეს აზრი მეც ისევე მეკუთვნის, როგორც მათ, რადგანაც ის საერთო ხდება ყველასათვის, ვისაც კი უყვარს ჭეშმარიტება.

რაც შეეხება მათ მტკიცებას: „მოსე ისე კი არ თქვია, როგორც შენ ამბობ, არამედ როგორც ჩვენ გვგონიაო“, მე ხელაღებით უარყოფ მას; ის საძულველია ჩემთვის, ასეც რომ იყოს სინამდვილეში: ეს სითამამე ცოდნისაგან კი არა, კადნიერებისაგან იღებს დასაბამს, და მათი მტკიცების წყაროც ხილვა კი არ არის, არამედ ქედმაღლობა.

ამიტომაც, უფალო, უნდა ვძრწოდეთ შენი მსჯავრის წინაშე: შენი ჭეშმარიტება მე ან სხვა ვინმეს კი არ ეკუთვნის, არამედ ყველას ერთად, ვისაც შენ უხმობ, უშუალოდ ეზიაროს მას, და თანაც მრისხანედ გვაფრთხილებ: ნუ მივითვისებთ შენეულ ჭეშმარიტებას, თორემ შეიძლება სულაც დაგვარგოთ შენეულ ჭეშმარიტებას, თორემ შეიძლება სულაც დაგვარგოთ იგი. ვინც ცდილობს იმის დასაკუთრებას, რაც ყველას უწყალობე, ვისაც სურს მიიგაცოს ის,

<sup>102</sup> ნეტარი ავგუსტინესთვის ყოველთვის სანუკვარი იყო თვინიერება: „ნეტარ არიან თვინიერნი, ვინაიდან ისინი დაიმკვიდრებენ მიწას“, - ბრძანებს მახარებელი (მათე V, 5). ამიტომაც მწარედ ჰყვედრიდა თავს და ხშირად ნანობდა კიდევ, რომ სხვისი ცთომილების მიმართ უღმობელი იყო და დაუნდობელი. შდრ. „მანიქველთა წინააღმდეგ“ (II,2): „დე, მძვინვარებდეს თქვენს წინააღმდეგ ის, ვინც არ იცის, რანაირი ძალისხმევა სჭირდება ჭეშმარიტების მიკვლევას და რა ძნელია თავიდან აიცილო ცთომილება. დაე, მძვინვარებდეს თქვენს წინააღმდეგ ის, ვინც არ იცის, რაოდენ ძნელად და იშვიათად ახერხებს ვინმე ხორციელ ზრახვათა ძლევას ნათელი და წრფელი გონებით. დაე, მძვინვარებდეს თქვენს წინააღმდეგ ის, ვინც არ იცის, რამდენი შრომა სჭირდება იმას, რომ განკურნო შინაგანი კაცის თვალი, რათა მან იხილოს მზე. დაე, მძვინვარებდეს თქვენს წინააღმდეგ ის, ვინც არ იცის, რამდენი გმინვსი და ვაების ფასად გვიჯდება თუნდაც იოტის ოდენად შევიცნოთ ღმერთი. და ბოლოს, დაე, მძვინვარებდეს თქვენს წინააღმდეგ ის, ვინც არასდროს დანთქმულა იმ ცთომილების სიცრუეში, რომელშიაც თქვენ ხართ დაფლულნი“.

რაც ყველას ეკუთვნის, დაუნდობლად მოიკვეთება საზოგადო სიკეთისაგან და მხოლოდ საკუთარი სიკეთის ამარა დარცხება, ესე იგი, ჭეშმარიტების ნაცვლად სიცრუე შერჩება ხელში, რადგან „ვინც სიცრუეს ამბობს, თავისას ამბობს“<sup>103</sup>.

35. ყური უგდე, ყოვლად კეთილო მსაჭულო, ღმერთო ჩემო<sup>104</sup>, რომელიც თვითონვე ხარ ჭეშმარიტება, ყური უგდე, რას ვეცევი ჩემს მოდავეს: შენს წინაშე და ჩემი ძმების წინაშე ვამბობ ამას, „სჭულიერად რომ მოიხმარენ სჯულს“<sup>105</sup>, რაკილა სიყვარულით აგვირგვინებენ მას. ყური უგდე და იხილე, სასურველია თუ არა შენთვის, რასაც მას ვეცევი.

ძმური და მშვიდობისმყოფელი სიტყვით მივმართავ მას: „თუკი ორივენი ვხედავთ, რომ ჭეშმარიტია, რასაც შენ ამბობ, და ასევე ორივენი ვხედავთ, რომ ჭეშმარიტია ჩემი სიტყვებიც, მაშინ მითხარი, გეთაყვა, სად ვხედავთ მას? რა თქმა უნდა, არც მე - შენში, და არც შენ - ჩემში, არამედ იმ უცვლელ ჭეშმარიტებაში, რომელიც მიუნვდომელია ჩვენი გონებისათვის. თუკი არ ვდავობთ იმ ნათლის გამო, რომელიც უფალი ღმერთისაგან იღებს დასაბამს, რაგომდა უნდა ვდავობდეთ მოყვასის აბრზე, რომელსაც ვერ ვიხილავთ ისე, როგორც უცვლელ ჭეშმარიტებას ვხედავთ. თვით მოსეც რომ მოგვევლენოდა და ეთქვა - აი, ამას ვთქვითობდიო, - ჩვენ ხომ მის აბრს ვერ დავინახავდით, არამედ მხოლოდ უნდა გვერწმუნა. ამიტომ „არ უნდა ვბრძნობდეთ უფრო მეტს, ვიდრე დაწერილია, და ერთმანეთის წინაშე დიდ ვინმედ არ მოგვექონდეს თავი“<sup>106</sup>. „გვიყვარდეს უფალი ღმერთი ჩვენი მთელი სულით და მთელი ჩვენი გულით და მთელი ჩვენი გონებით“, და „გვიყვარდეს მოყვასი ჩვენი, ვითარცა თავი ჩვენი“<sup>107</sup>. თუ არ ვირწმუნებთ, რომ სიყვარულის სწორედ ეს ორი მცნება იყო მოსეს აბრის უპირველესი მიზანი, აბრისა, რომელიც მან ჩააქსოვა თავის წიგნებში, მაშინ იძულებული ვიქნებით ვაღაროთ, რომ უფალმა ჩვენმა იცრუა<sup>108</sup>, რაკილა იმ ზრახვას კი არ მივანერთ მოსეს, რომელიც ღმერთმა შთააგონა, არამედ სულ სხვას. მაშ, დაუკვირდით, განა უგუნურება არ არის, ჭეშმარიტად ეჭვშეუვალ აბრთა იმ სიუხვეში, რაც შეიძლება ამოვიკითხოთ ზემოხსენებულ წიგნებში, ავდგეთ და უაზროდ ვამტკიცოთ, აი, სწორედ ეს აბრი იყო მოსესათვის უმთავრესიო, და ამ მანვე ცილობით შეურაცხვეთ თვით სიყვარული, რისთვისაც ითქვა ყველაფერი იმ კაცის მიერ, ვისი სიტყვების ახსნასაც აქ ვცდილობთ.

<sup>103</sup> იოანე VIII, 44.

<sup>104</sup> შდრ. იერემია XVIII, 19.

<sup>105</sup> I ტიმ. I, 8.

<sup>106</sup> I კორ. IV, 6.

<sup>107</sup> მათე XXII, 37-39.

<sup>108</sup> შდრ. I იოანე I, 10; V, 10.

XXVI

36. და მაინც, ღმერთო ჩემო, რომელიც ამამაღლებ დამდაბლებულს, მომიფონებ მაშვრალს, მოთმინებით ისმენ ჩემს აღსარებას და მომიტყევებ ჩემს ცოდვებს, - ამასთანავე, მიბრძანებ, მიყვარდეს მოყვასი ჩემი, ვითარცა თავი ჩემი. ამიტომაც ვერ დავიჭერებ, რომ მოსეს, შენს უერთგულეს მსახურს, ნაკლები ნიჭი მიეღოს შენგან, ვიდრე მე ვითხოვდი და ვისურვებდი მიმელო, მის ღროს რომ დავბადებულისავე და მის აღვილას დაგვეყენებინე, რათა მთელი ჩემი გულით და ჩემი სიტყვით მოყვასთან მსახური ვყოფილიყავ და ეს წიგნები მიმეცა მათთვის, ყოველი ხალხისა და ყოველი საუკუნისათვისმ, მათდა სასიკეთოდ და საკეთილ-დღეობად, რათა თავიანთი ავტორიტეტით ეძლიათ ყველა ცრუ და ზვიადი მოძღვრება.

ღიას, მოსე რომ ვყოფილიყავი, - აკი ყველანი „ერთი ცომისგან ვართ მოზელონი“<sup>109</sup>, და „რა არის კაცი, თუკი შენ არ გაიხსენებ მას“<sup>110</sup>, - იმ ხანად მის აღვილას ვდმგარიყავი და ჩემთვის მოგვდო ამ წიგნების დანერა, მე ვისურვებდი, სიტყვის ისეთი გრძნობა და მისი თხზვის ისეთი ნიჭი გებოძებინა, რომ თვით მათაც კი, ვისაც ჯერ კიდევ არ ესმის, როგორ ქმნის ღმერთი, ვერ უარეყოთ ჩემი სიტყვები, აქაოდა, მათი წვდომა ჩვენი გაგების უარს აღემატებაო. ხოლო ვისაც მათი გაგების ძალი შესწევს, ნებისმიერი სარწმუნო აზრი ეპოვათ შენი მსახურის მოკლე გამონათქვამებში, აზრი, რომელსაც თავიანთი განსჯის წყალობითაც მიაღწევდნენ. ხოლო თუ ვინმეს ჭეშმარიტების შუქზე შენიშნავდა სხვა აზრსაც, დაე, მისი მიკლვევაც შესაძლებელი ყოფილიყო ამ სიტყვებში.

XXVII

37. როგორც დაგუბებული წყარო უფრო წყალუხვია და მისგან გაყვანილი რუებით გაცილებით უფრო დიდ სივრცეს რწყავს, ვიდრე ნებისმიერი ამ რუთაგანი, თავისი კლაკნილი ღინებით რომ დაუვლის სარწყავს, ასე შენი სიტყვების მაუნყებლის მიერ გადმოცემული ამბავიც, დასაბამს რომ აძლევს ამდენ სხვადასხვა განმარტებას, მრავალ წვრილ ნაკადად მოანანწკარებს ჭეშმარიტების წმინდა წყაროდან წარმონადენ ანკარა წყალს, საიდანაც თვითეული შეძლებისდაგვარად ირჩევს ჭეშმარიტების ამა თუ იმ ნაკადს, რათა შემდეგ დიდხანს აგაროს იგი სიტყვიერების უსასრულოდ ხვეული გზებით.

ამ სიტყვებს რომ კითხულობს ან ისმენს, ზოგს აღამიანად თუ ერთგვარ უზარმაზარ, უსასრულო ძალის მქონე სხეულებრივ არსებად წარმოუდგენია ღმერთი, უსასრულო ძალის მქონე სხეულებრივ არსებად წარმოუდგენია ღმერთი, რომელმაც უცაბედი და ანაბდეული გადანყევტილების შედეგად თითქოს თავის თავს გარეთ, ან, თუ შეიძლება ასე ითქვას,

<sup>109</sup> შლრ. რომ. IX, 21.

<sup>110</sup> ფსალმ. 8, 5.



გარკვეული დისკანციის მანძილზე შექმნა ცა და მიწა, ეს ორი ვეებერთელა სხეული, რომელთაგანაც ერთი ზემოთ, ხოლო მეორე ქვემოთაა განთენილი და ყოვლისმომცველნი არიან. როცა ამ ხალხს ესმის: „ღმერთმა თქვა - იყოს ასე, და იქმნა ასე“, მათ ჰგონიათ, რომ ამ სიტყვებს დასაბამი და დასასრული აქვთ, რომლებიც დროში გახშირდნენ და დროშივე მიწყდნენ, მიჩუმდნენ; მიჩუმდნენ და წარმოიქმნა კიდევ ყველაფერი, რასაც ებრძანა წარმოქმნილიყო. ამასვე ჰგვანან დანარჩენი განმარტებებიც, რაც იმითაა განპირობებული, რომ განმარტებელთა წარმოსახვა ვერ გასცილებია სხეულებრივი სამყაროს ფარგლებს.

ამ ჯერ კიდევ უსუსურ ბაღებს, მათი უმწიბრობის გამო, სულ უბრალო ცნებები აკმაყოფილებთ, როგორც ჩვილს - დედის ძუძუ, თუმცა მათ სულშიაც შეიძლება საღი რწმენის შენობა იქნეს აგებული, რაკილა მტკიცედ სწამთ, რომ ღმერთმა შექმნა მთელი ბუნება, თავისი განსაკვირვებელი მრავალფეროვნებით, რასაც თავიანთი გრძობებით აღიქვამენ. მაგრამ თუ რომელიმე მათგანი, ამ თითქოსდა მარტივი აზრებისადმი ზიზღით აღძრული, თავისი უგუნური ქედმაღლობით თავს გამოყოფს ამ მყუდრო ბუდიდან, თავისდა სავალალოდ, ძირს ვარდება, და გვევდრები, უფალო, შეინყაღე ეს უბედური<sup>111</sup>, ნუ გაათელინებ გამვლელთ ამ ჯერ კიდევ უმწივო და დაუფრთხიანებელ ბარცს<sup>112</sup>, მოუვლინე შენი ანგელოსი, რათა აიტაცოს<sup>113</sup> და კვლავ დაუბრუნოს თავის ბუდეს: დაე, იქ იყოს, ვიდრე ფრენას ისწავლიდეს!

## XXVIII

38. სხვები კი, ვისთვისაც ეს სიტყვები მყუდრო საბუდარი კი არ არის, არამედ ჩრდილუხვი ბაღი, მხიარული ჟივილ-ხივილით დაფრთხილებენ შიგ, ფოთლებში მიძალულ ნაყოფს ეძებენ და ხარბად კენკავენ თავიანთი ნისკარტებით. ამ სიტყვებს რომ კითხულობენ ან ისმენენ, ისინი ხედავენ, რომ ღმერთის უძრავსა და მარადიულ არსებობაში დაძლეულია მთელი წარსული და მომავალი, მაგრამ, ამასთანავე, არ არსებობს არცერთი წარმავალი არსი, ღვთის მიერ რომ არ იყოს შექმნილი. დიახ, ისინი ხედავენ, რომ შენი ნების, ანუ თვით შენთვის, უფალო, უცხოა ცვალებადობა, და ყველაფერი ანაზღვეულად აღძრული, მანამდე არარსებული ნება-სურვილით როდი შექმენი. შენგანვე როდი შევიქმნია შენი მსგავსება, ყოველივე არსის ხატი, არამედ „არარაისაგან“ შექმენი უსახო მაგერია, რომელიც არაფრით არა გგავს, მაგრამ შეუძლია სახე მიიღოს და, ამრიგად, შენს ხატად და მსგავსად იქცეს, შენ - ერთს - დაგიბრუნდეს, თანახმად იმ უნარისა, წინასწარ რომ განუსაზღვრე თვითვე არსს მის საკუთარ გვარში. ყველაფერი „ძალზე კარგია“<sup>114</sup>, ისიც, რაც შენს მახლობლად სუფევს,

<sup>111</sup> შდრ. ფსალმ. 50, 3

<sup>112</sup> შდრ. იობი XXXIX, 14-15.

<sup>113</sup> შდრ. II მაკაბ. XV, 23; მათე XI, 40.

<sup>114</sup> დაბად. I, 31.

და ისიც, რაც ღროსა თუ სივრცეში თანდათანობით გმორღება, რათა სამყაროს ცვალებადობისა და დიდმშენიერი მრავალფეროვნების თანამონაწილედ იქცეს.

ისინი ხედავენ ყოველივე ამას, უფალო, და ხარობენ შენი ჭეშმარიტების ნათლით, რამდენადაც საამისო ძალი შესწევთ.

39. ამ სიტყვების განხილვისას - „თავდაპირველად შექმნა ღმერთმა ცა და მიწა“, - ზოგიერთი მათგანი ამ „თავდაპირველად“-ად თუ „დასაბამად“ სიბრძნეს მიიჩნევს, რადგანაც იგი თვით გვეტყვის ჩვენ<sup>115</sup>. ზოგიც, ამავე სიტყვების კვლევისას, „დასაბამად“ სახავს ქმნილების პირველ დაბადებას<sup>116</sup>, რადგანაც სწორედ ამას უნდა ნიშნავდეს - „თავდაპირველად შექმნა“.

იმათ შორის, ვისი აზრითაც „დასაბამი“ სიბრძნეა, რომლითაც „შენ შექმენი ცა და მიწა“, ერთი „ცას და მიწას“ იმ მაგერიის აღმნიშვნელად მიიჩნევს, რომლისგანაც შეიძლება შექმნილიყო ცა და მიწა, და მათი სახელი რქმეოდა. მეორის მიხედვით, ეს უკვე ფორმირებული ქმნილებებია, სხვადასხვა სახე რომ მიუღიათ. მესამე ამტკიცებს, რომ „ცა“ გულისხმობს უკვე ფორმირებულსა და სულიერ მაგერიას, „მიწად“ კი სრულიად უსახო და სხეულებრივი მაგერია უნდა მიგვაჩნდეს.

თვით ისინიც კი, ვისაც ჰგონია, რომ „ცა და მიწა“ აღნიშნავენ ჯერ კიდევ უსახო მაგერიას, რომლისგანაც შემდეგ იქმნება ცა და მიწა, სხვადასხვა აზრისანი არიან: ზოგის მიხედვით, ამ უსახო მაგერიისგან შეიქმნენ გონიერი და გრძობადი არსებები; ზოგის მტკიცებით კი, იმავე მაგერიამ დასაბამი დაუდო მხოლოდ იმ სხეულებრივსა და გრძობად მასას, რომელიც თავის ვეება წიაღში შეიცავს ყველა ხილულსა და გრძობებით აღქმად არსებას.

აბრთა ასეთივე სხვადასხვაობა არსებობს იმათ შორისაც ვისაც ჰგონია, რომ „ცისა და მიწის“ სახელით იწოდება უკვე სავსებით ფორმირებული და მონესრიგებული სამყარო: ზოგი აქ ხილულ სამყაროსაც გულისხმობს და უხილავსაც, ზოგი კი - მხოლოდ ხილულს: ნათელ ზეცას და ბნელ მიწას, ყოველივე ზეციურითა და მიწიერითურთ.

<sup>115</sup> იოანეს სახარების ერთი პასაჟის მიხედვით (VIII, 25), იესო ქრისტე თავის თავს თვითონვე სახავს დასაბამად: „უთხრეს მას: ვინა ხარ შენ? და უთხრა მათ იესომ: დასაბამად რას გეუბნებით?“

<sup>116</sup> „დასაბამად“ („თავდაპირველად“) - როგორც წმინდა მამების თხზულებებში, ისე მთელს შემდგომდროინდელ განმარტებითს ლიტერატურაში არსებობს მოცემული სიტყვის ორი მთავარი, ტიპური ინტერპრეტაცია. ზოგიერთთა დომინანტური აზრით, ეს მხოლოდ ქრონოლოგიურად მიგვანიშნებს „ხილულ საგანთა შექმნის დასაბამს“ (ეფრემ ასური), ესე იგი, ყოველივე იმისას, რისი ფორმირების ისტორიაც უშუალოდ შემდეგაა გადმოცემული. ხოლო მეორეთა ალტერნატიული ინტერპრეტაციის თანახმად (თეოდ. ანტიოქიელი, ორიგენე, ამბროსი, ავგუსტინე და სხვ.), სიტყვას „დასაბამად“ აქ ინდივიდუალური აზრი აქვს, რომელიც შეიცავს ფარულ მინიშნებას მამის მიერ წმიდა სამების მეორე ჰიპოსტასის - ღმერთის ძის ზედროული დაბადების შესახებ, ღმერთის ძისა, რომელშიაც და რომლის მეშვეობითაც აღსრულდა მთელი შესაქმე (იოანე I, 3; კოლ. I, 16). ამის შესატყვისი ბიბლიური პარალელები უფლებას გვაძლევს გავფრთხილოთ ორივე ეს განმარტება, ესე იგი, აქ დავინახოთ მინიშნება როგორც მამის თანამარადის ძის დაბადებასა და მასში სამყაროს იდეალურ შექმნაზე (იოანე I, 1-3; 10; VII, 25; ფსალმ. 83, 3; I პეტრე I, 20; კოლ I, 16; გამოცხ. III, 14), ისე კიდევ უფრო მეტი უფლებამოსილებით - პირდაპირი მითითებაც ღვთაებრივი სამყაროს შექმნის ზედროული გვემის ხორცშესხმაზე დროის დასაბამს, ან, უფრო ზუსტად, თვით ამ დროსთან ერთად (ფსალმ. 101, 26; ებრ. I, 10; ფსალმ. 83, 12-13; 135, 5-6; 145, 6; ივანე, VIII, 22-23; ესაია LXIV, 4; XLI, 4; სიბრძნე ზირაქ. XVIII, 1 და სხვ.)“. - Толковая Библия; или комментарии на все книги Св. Писания Ветхого и Нового Завета, изд. преемников А.П. Лопухина. П., 1904-1907; I, срт.3.

XXIX

40. ხოლო ის, ვისაც „თავდაპირველად შეჰქმნა“ პირველქმნადობის მნიშვნელობით ესმის, ვერასდიდებით ვერ შესძლებს სწორად გაიგოს, რა არის „ცა და მიწა“, თუკი ამ სიტყვებში არ იგულისხმებს ცისა და მიწის, ანუ მთელი გონივრული და სხეულებრივი ბუნების მასალას თუ მაგერიას. მაგრამ თუ ამ სიტყვებით ის აღნიშნავს იმ სამყაროს, რომელსაც უკვე მიუღია სახე, მაშინ მართებული იქნებოდა ასეთი კითხვა დაგვესვა მისთვის: „თუკი ღმერთმა ეს შეჰქმნა პირველად, შემდეგ რაღას იქმნა იგი?“ მაგრამ რაკი სამყარო უკვე შექმნილია, ვერაფერს მოგვიგებს ჩვენს შეკითხვაზე და იძულებული იქნება კიდევ ერთი უსიამოვნო კითხვა მოისმინოს: „მაშ, რაღას ნიშნავს „პირველად“, თუკი ამას არაფერი არ მოსდევს „შემდეგ“?“

თუ გვიპასუხებს, რომ პირველად შეიქმნა უსახო მაგერია, რომელმაც შემდეგ მიიღო სახე, მისი პასუხი უაზრო როდი იქნება, თუკი იმის უნარი შესწევს, რომ გაარჩიოს, მაინც რას ეკუთვნის პირველობა მარადისობის, დროის, ღირებულებისა თუ წარმომავლობის თვალსაზრისით. ასე მაგალითად, მარადისობის თვალსაზრისით, ღმერთია ყველაფერზე უწინარესი; დროის თვალსაზრისით, ნაყოფი ყვავილზე უძობესია, წარმომავლობის მხრივ კი ბგერა უადრესია სიმღერაზე.

ჩემს მიერ დასახელებული პირველობის ოთხი სახიდან ძალიან ძნელი გასაგებია პირველი და უკანასკნელი, დანარჩენი ორი კი პირიქით, - ძალიან ადვილი. იშვიათად და ძალზე ძნელად თუ შესძლებს ვინმე, უფალო, შენი მარადისობის უშუალო განცდას და ხილვას, მარადისობისა, რომელიც თავისი უცვლელობით ქმნის ცვალებადს და ამიტიმაცაა უპირველესი. ვისა აქვს ისე გამჭრიახი გონება, რომ დიდი გაჭირვების გარეშე მიხვდეს რანაირადაა ბგერა სიმღერაზე უწინარესი? სიმღერა ხომ ფორმირებული ბგერაა; ფორმისა თუ სახის გარეშე ღიახაც შეიძლება არსებობდეს რამე, მაგრამ რანაირად მიიღებს ფორმას ის, რაც საერთოდ არ არის? მაგერია პირველადია მხოლოდ იმასთან მიმართებით, რაც მისგან წარმოიქმნება; ის იმიტომ როდია პირველადი, რომ „ქმნის“, რადგანაც თვითონვეა „შექმნილი“, და არც დროის მიხედვითაა პირველი: ჩვენ ხომ იმით არ ვინწყებთ, რომ არაფორმირებულ ბგერებს წარმოვუქვამთ, რომლებიც ჯერ კიდევ არ გვევლინებიან სიმღერად, და მხოლოდ შემდეგ ვუსადაგებთ მათ სიმღერას, ანდა ისე ვამუშავებთ, როგორც ხეს - სკივრის, ან კიდევ ვერცხლს - ჭურჭლის დასამზადებლად. ამნაირი მასალა დროის მიხედვითაც წინ უსწრებს მისგან დამზადებულ საგნებს. მაგრამ იგივე როდი ითქმის სიმღერაზედაც. სიმღერისას ჩვენ გვესმის ბგერა, მაგრამ ის ჯერაც უფორმო როდია, რათა სიმღერის დროს შეიძინოს ფორმა. არანაირადაც უნდა გაიხშიანოს, ბგერა მაინც გაქრება, და ჩვენ ვეღარას ვპოვებთ ისეთს, რომ მისი დაბრუნება შევძლოთ, რათა ხმაშენწყობილ სიმღერად გარდავქმნათ იგი. სიმღერა მთლიანად ბგერებისაგან ითხზვის: ბგერები მისი მასალაა,

რომელსაც ფორმას ანიჭებენ, რათა ის სიმღერად იქცეს. ამიტომ, როგორც უკვე მოგახსენეთ, ბგერა, ანუ მაგერია, პირველადია სიმღერის, ესე იგი, ფორმირებული ბგერის მიმართ, მაგრამ ეს პირველადობა „ქმნის“ უნარით როდია განსაზღვრული. ბგერა კი არ ქმნის სიმღერას, არამედ, ხორციელი ორგანოს მიერ გამოცემული, მომღერლის სულს ემორჩილება, რათა სიმღერად იქცეს. ბგერა არც დროის მიხედვითაა პირველადი, რადგანაც ის და სიმღერა ერთდროულნი არიან. იგივე ითქმის ღირებულების მიმართაც: ბგერა სიმღერაზე უკეთესი როდია, რადგანაც სიმღერა არა მარტო ბგერაა, არამედ მშვენიერი ბგერაც. ასე რომ, ბგერა მხოლოდ წარმომავლობითაა პირველადი, რადგანაც სიმღერა კი არ იძენს ფორმას, რომ ბგერად გარდაიქმნას, პირიქით, ბგერა იძენს ფორმას, რომ სიმღერად იქცეს.

დაე, ამ მაგალითით გაიგოს ყველამ, ვისაც ამის უნარი შესწევს, რომ „თავდაპირველად“ შეიქმნა გრძნობად საგანთა მაგერია, რომელსაც „ცა და მიწა“ ეწოდა, რადგანაც სწორედ მისგან წარმოიქმნა ცა და მიწა. მაგრამ მას დროის მიხედვით როდია ეთქმის „თავდაპირველად“ შექმნილი, რადგანაც დრო მხოლოდ მაშინ ჩნდება, როცა უკვე ყველაფერი სახეს თუ ფორმას იღებს, ეს პირველქმნილი მაგერია კი უსახო იყო და მხოლოდ დროში და დროსთან ერთად იჩინა თავი. მასზე სხვას ვერაფერს იცევი, გარდა იმისა, რომ თავისებურად პირველადია დროსთან მიმართებით, თუმცაღა უფრო დაბალ საფეხურზე დგას, რადგანაც ყველაფერი, რასაც სახე აქვს, უსახოზე უკეთესია. მას წინ უსწრებს მარადიულობა შემოქმედისა, რომელმაც „არარაისაგან“ შექმნა ის, რათა მისგან შექმნილიყო რაიმე.

XXX

41. მართებულ აზრთა ამნაირ მრავალფეროვნებაში, დაე, თვით ჭეშმარიტებამ დაამყაროს თანხმობა და ერთსულოვნება; დაე, შეგვიწყალოს უფალმა ჩვენმა, რათა „სჯულიერად მოვიხმაროთ სჯული“<sup>117</sup> მისი საბოლოო მიზნის - წმინდა სიყვარულისთვის.

ამიტომ, თუ ვინმე მკითხავს, რას ფიქრობდა აქ მოსე, შენი დიდი მსახურიო, ჩემს აღსარებას აღსარება აღარ ეთქმოდა, თუ შენს წინაშე არ ვალიარებდი, არ ვიცი-მეთქი. მე მხოლოდ ის ვიცი, რომ მისი აზრები სარწმუნოა და ჭეშმარიტი, გარდა იმ აზრებისა, ხორცს რომ ეხება, და მე უკვე ვთქვი, თუ რას ვფიქრობდი მასზე. ხოლო ყრმებს, კეთილი იმედით ფრთაშესხმულნი რომ მიიწვევენ წინ რწმენის გზაზე, ვერ შეაცბუნებს შენი საღმრთო წერილის სიტყვები, ესოდენ ამაღლებულნი თავიანთი სიმდაბლით და ესოდენ მდიდარნი თავიანთი სიმწიერთ.

მაშ, შევიყვაროთ ერთმანეთი ყველამ, ვისთვისაც ჭეშმარიტნი არიან ეს სიტყვები, და ვინც აღიარებს ამას. ასევე გვიყვარდეს ჩვენი ღმერთი<sup>118</sup>, ჭეშმარიტების უშრეტი წყარო, თუკი თვით

<sup>117</sup> I ტიმ. I, 8; 5.  
<sup>118</sup> შტრ. მათე XXII, 37; 39.

ჭეშმარიტებას მიველგვით და არა ამაოებას. პატივი მივაგოთ შენს მსახურს, ვინც დაწერა ეს წიგნები, შენივე სულით შთაგონებულმა, პატივი მივაგოთ და გვწამდეს, რომ მათი წერისას, შენი გამოცხადების წყალობით, საგანგებო ყურადღებას აქცევდა იმას, რაც სავესებით ჭეშმარიტია და დიდად სასარგებლო ჩვენთვის.

### XXXI

42. ამიგომ, როცა ერთი იცყვის - მოსე ჩემსავით ფიქრობდაო, ხოლო მეორე - არა, შენსავით კი არა, ჩემსავითო, მე მგონია, მათზე უფრო ღვთისმოსავი ვიქნებოდი, თუკი ვიცოდო: კი მაგრამ, იქნებ ორივესავით ფიქრობდა, რაკილა ორივენი მართალს ამბობთ-მეთქი. ხოლო თუ ამ სიტყვებში მესამენაირი, მეოთხენაირი და ა.შ. აზრიც შეიძლება აღმოვაჩინოთ, რატომ არ უნდა გვწამდეს, რომ ყველას ერთად გულისხმობდა მოსე, ვისაც ღმერთმა მიანდო ისე შეედგინა ეს წმიდა წიგნები, რომ ურიცხვ მკითხველს სხვადასხვა სახით დაენახა მათში გადმოცემული ჭეშმარიტება?

პირადად მე თამამად შემიძლია განვაცხადო გულის სიღრმიდან: თვითონვე რომ ვწერდე უბრალო ავტორიტეტის მქონე წიგნს, ვერჩევდი ისე დამეწერა, რომ ყველას ეპოვა შიგ იმ ჭეშმარიტების გამოცხადილი, რომელიც მისაწვდომია მისთვის, და საერთოდ არ ჩამოედი მასში ერთიანი და მკაფიოდ გამოკვეთილი აზრი, მთლიანად რომ გამორიცხავდა ყველა სხვა აზრს, რომელთა მცდარობაც ვერ შემაკრთობდა და შემაცბუნებდა. არ მინდა იმდენად უგუნური ვიყო, რომ არა მწამდეს, თითქოს მოსეს, ამ დიდ კაცს, შენგან არ მიეღოს ეს მაღლი. ამ სიტყვების წერისას მარტო იმაზე კი არ ფიქრობდა, თუ რაწიანი ჭეშმარიტებისათვის შეგვეძლო მიგვეკვლია მათში, არამედ იმაზეც, თუ რა არ შეგვეძლო, ან ჯერ კიდევ არ შეგვეძლო და რისი პოვნაც, მიუხედავად ამისა, მაინც შეიძლებოდა მის წიგნებში.

### XXXII

43. და ბოლოს, უფალო, სისხლი და ხორცი კი არა ხარ, არამედ ღმერთი, და თუ აღამიანი ვერ ხედავს ყველაფერს, ნუთუ შენს კეთილ სულს, რომელიც „მიმიყვანს სიმატლის მხარეში“<sup>119</sup>, შეიძლებოდა გამოჰპარვოდა ის, რასაც მომავალ მკითხველებს თვითონვე უმჯლავნებ შენი სიტყვებით, თუნდაც იმას, ვის მიერაც ითქვა ისინი, მრავალ სარწმუნო აზრთაგან მხოლოდ ერთი ჰქონოდა ნაგულისხმევი? და თუ ასეა, სწორედ ეს აზრი იქნებოდა ყველაზე უფრო მაღალი. შენ კი, უფალო, იხებებ თუ არა გაგვიმჯლავნო იგი, ან რომელიმე სხვა ჭეშმარიტება; გაგვანდობ იმასვე, რაც გაანდო შენს მსახურს, თუ სხვა აზრს გაგვიძველ,

<sup>119</sup> ფსალმ. 142, 10.



იმავე სიტყვებში ჩაღებულს, - სულერთია, თვითონვე გვიბოძე და გვინყალობე სულიერი საზრდო, რათა ცთომილების სათამაშონი არ გაუხდეთ.

აჰა, უფალო ღმერთო ჩემო, რამდენი რამ ვთქვით ამ ორიოდ სიტყვაზე, რამდენი რამ! მაშ, რამდენი დრო დაგვეხარჯებოდა და რამდენი ოფლის ღვრა მოგვინევდა, ასევე რომ განგვეხილა ყველა შენი წიგნი.

ნება მიბოძე მოკლედ გითხრა აღსარება მათ თაობაზე და ერთი მართებული განმარტება ამოვირჩიო, ყველაზე სანდო და სარწმუნო, რასაც კი შთამაგონებ, თუმცაღა, ვინ მოსთვლის, რამდენი აზრი შეიძლება მომსვლოდა თავში, სადაც საერთოდ იბადებიან აზრები. მწამს და ვაღიარებ, რომ თუ შენი მსახურის აზრებს გადმოვცემ, ეს უფრო სწორი იქნება და მართებულიც. ამიტომაც უნდა ვეცადო, რომ სწორედ ასე მოვიქცე<sup>120</sup>. ხოლო თუ ამას ვერ შევძლებ, მაშინ ის მაინც ვთქვა, რისი თქმაც სურდა ჩემთვის შენს ჭეშმარიტებას, უფალო, მესეს სიტყვებით, რომლებითაც მასაც ის უთხრა, რაც თვითონ სურდა.

---

<sup>120</sup> იხ. აქვე, შგნ. 93.

## წიგნი მაცხარება

### I

1. შენ გიხმობ, „ღმერთო ჩემო, წყალობაო ჩემო“<sup>1</sup>, რომელმაც შექმენი და არ დაგვიწყნო შენი ღმერთი. შენ გიხმობ ჩემს სულში, რომელსაც ამზადებ შენს მისარქმელად. სწორედ შენ ჩაუხერხე ამის სურვილი. მაშ, ნუ მიმატოვებ ახლა შენს მხმობელს. აკი თვითონვე დაასწარ ჩემს ხმობას<sup>2</sup>, როცა დაჟინებით, ხშირ-ხშირად და სხვადასხვანაირად მესიტყვებოდი, რათა შენსკენ მოქცეულს შორითვე შესძინა შენი ხმა, ჩემი მხმობელი.

შენ წარბოცე, უფალო, ყველა ჩემი ბოროტი საქმე, რათა საქმისამებრ არ მოგებლა ჩემთვის, საქმისამებრ, დაცემისკენ რომ მიმაქანებდა, და შენვე წინასწარ განსაზღვრე ყველა ჩემი კეთილი საქმე, რათა საქმისამებრ მიგებლა შენთვის<sup>3</sup>, - შენთვის, რომელმაც შექმენი. შენ ხომ მაშინავ იყავი, როცა მე არ ვარსებობდი, და არც ვიყავი ღირსი იმისა, რომ სიცოცხლე მოგენიჭებინა ჩემთვის. მაგრამ, აი, მე ვარსებობ შენი წყალობით, რომელიც მანამდეც არსებობდი, ვიდრე შექმნიდი და შექმნიდი იმასაც, რისგანაც შექმენი. არადა, რაში გჭირდებოდი? მე არა ვარ ის ძალა, უფალო ღმერთო ცემო, რომ რამეში გამოგდგომოდი. ჩემი სამსახური ვერ დაგისხნის დაღლილობისაგან, რადგანაც არასოდეს იღლები შენი ქმედითობით; ვერც ჩემი მსახურება გაზრდის შენს ძალმოსილებას, ყოვლის მძლეო; ვერც ჩემი თაყვანისცემა შეგმატებს პატივსა და ღირსებას. არა, მე უნდა გამსახურებდე და თაყვანს გცემდე<sup>4</sup>, რათა ბედნიერი ვიყო შენში, რადგანაც შენ მიბოძე სიცოცხლეც და იმის უნარიც, რომ ბედნიერად ვიგრძნო თავი.

### II

2. შენი სიკეთის სავსებისგან წარმოიშვა ყველა ქმნილება, რომელიც ასევე სიკეთეა, თუმცა არას გარგია; შენგან წარმოქმნილი, რა თქმა უნდა, ვერ გიგოლდება, და მაინც, მასაც აქვს არსებობის უფლება, რადგან მისი არსებობა შენშიერია.

რა დამსახურება მიუძღვით შენს წინაშე შენსავე მიერ „თავდაპირველად“ შექმნილ „ცასა და მიწას“<sup>5</sup> რა დამსახურება მიუძღვით სულიერსა თუ სხეულებრივ არსებებს, რომლებიც „შენი სიბრძნით შექმენი?“<sup>6</sup> განა ისინი სწორედ შენს სიბრძნეზე არ იყენენ დამოკიდებულნი,

<sup>1</sup> ფსალმ. 58, 18.

<sup>2</sup> მდრ. ფსალმ. 58, 11.

<sup>3</sup> „როცა უფალი ავირგვინებს ჩვენს საქმეებს, ის ავირგვინებს თავისსავე საბოძვარს“ („წერილები“, 194, 19). მდრ. ფსალმ. 17,21.

<sup>4</sup> „მას როდი სჭირდება ჩვენი მსახურება, ჩვენ ვჭირდება მისი მფუფეობა, მისი ქმედება და მფარველობა; ისაა ერთი ღმერთი, ჭეშმარიტი უფალი ჩვენი, რომელსაც ვემსახურებით არა მისი, არამედ ჩვენი ხსნისა და გადარჩენისათვის“ (De Gen. ad litt. 8,11,24).

<sup>5</sup> დაბად. I,1.

<sup>6</sup> ფსალმ. 103, 24.

თვით მაშინაც კი, როცა ჯერ კიდევ დაუსრულებელი და უსახონი უნესრიგობას მიეღ-  
 ცვოდნენ, რათა სრულიად განძარცულიყვნენ შენ მსგავსებისაგან? სულიერი ბუნება, თუნდაც  
 უსახო, უფრო მაღლა დგას, ვიდრე სახის მქონე სხეული; ხოლო სხეულებრივი ბუნება,  
 რომელსაც სახე არ გააჩნია, უფრო მაღლა დგას, ვიდრე სრული „არარა“. ყოველივე უსახო  
 უსახოდვე დარჩებოდა შენი სიგყვისამებრ, იმავე სიგყვას რომ არ გამოეხმო, რათა შენს  
 ერთობას შერწყნოდა, და სახე არ მიეცა მისთვის; ასე რომ, რაკილა შენგან გამოვა,  
 ყველაფერი ყოფილიყო „ძალიან კარგი“<sup>7</sup>. ან თვით უსახოებაც რა დამსახურების გამო  
 მიემადლა ქმნილებას? უშენოდ ესეც არ იქნებოდა.

3. ან რა ისეთი დამსახურება მიუძღვის შენს წინაშე სხეულებრივ მაგერიას, რომ თუნდაც  
 „უხილავი და ისახო“ ყოფილიყო? არა, ასეთიც არ იქნებოდა, შენ რომ შე შეგექმნა იგი. და  
 რაკი საერთოდ არ იყო, რითილა შეეძლო დაემსახურებინა ის, რომ არსებობას ზიარებოდა?

რა დამსახურება მიუძღოდათ შენს წინაშე სულიერ არსებებს, ჯერ მხოლოდ მკრთალად  
 მოხაზულ-მონიშნულნი რომ იყვნენ, ბუნდოვანნი, არამყარნი, პირქუში უფსკრულის მსგავსნი  
 და შენგან განსხვავებულნი? მხოლოდ შენმა სიგყვამ მიაქცია ისინი მათი შემოქმედისკენ, და  
 მის მიერ ნათელფენილნი თვითონაც ნათელნი გახდნენ, მართალია, არა შენებრ ნათელნი,  
 უფალო ჩემო, მაგრამ მაინც შენი ხატების თანამსგავსნი<sup>8</sup>.

როგორც სხეულისათვის „იყოს“ იმასვე როდი ნიშნავს, რომ „მშვენიერი იყოს“, - თორემ  
 მაშინ სიმახინჯე საერთოდ აღარ იარსებებდა, - ასევე შექმნილი სულისთვისაც „სიცოცხლე“  
 იგივე როდია, რაც „ბრძნული სიცოცხლე“, - ასე რომ არა, ყოველი სული უცვლელად ბრძენი  
 იქნებოდა. „მისი სიკეთეა შენთან სიახლოვე“<sup>9</sup>, რათა შენგან განშორებულმა არ დაჰკარგოს  
 ნათელი, შენთან მოახლოებულს რომ მიუღია, და ამრიგად, არ დაინთქას ცხოვრების  
 მწვირეში, რომელიც მსგავსია პირქუში უფსკრულისა.

და ჩვენც, სულდგმულნი, სულიერი არსებები ვართ. შენგან - ჩვენი ნათლისაგან -  
 გარემიქცეულნი ამ ცხოვრებაში „ოდესღაც ბნელნი ვიყავით“<sup>10</sup>, და ამჟამადაც ვეწებებით ჩვენში  
 ჩარჩენილი ბნელისაგან, ვიდრე „სამართლიანნი არ გავხდებით“ შენს მხოლოდშობილ ძემი<sup>11</sup>,  
 როგორც „მთანი უფლისა“<sup>12</sup>; რადგანაც შენი განკითხვით ვიყავით როგორც „საზარელი  
 უფსკრული“<sup>13</sup>.

<sup>7</sup> დაბად. I, 31.

<sup>8</sup> შდრ. რომ. III, 29.

<sup>9</sup> ფსალმ. 72, 28.

<sup>10</sup> ეფეს. V, 8.

<sup>11</sup> II კორ. 6, 21.

<sup>12</sup> ფსალმ. 35, 7.

<sup>13</sup> „ქრისტეს ეკლესიაში შენ ჰპოვე უფსკრულს და ჰპოვე მთებსაც: ნახავ მასში მცირერიცხოვან კეთილთ - მთებიც ხომ ცოტაა, - უფსკრული  
 კი ფართოა: ეს ნიშნავს უკეთურთა სიმრავლეს“ („ფსალმუნებისათვის“, 35, 10).

### III

4. სამყაროს შექმნის დასაწყისში შენს მიერ წარმოქმულ სიცივეებს - „იყოს ნათელი, და იქმნა ნათელი“<sup>14</sup>, - მე არცთუ უსაფუძვლოდ მივაკუთვნებ სულიერ არსებებს, რომლებსაც, ასე თუ ისე, უკვე ცოცხალნი ეთქმოდათ, რაკირა შენგან იღებდნენ ნათელს. თუმცა როგორც ამ ჩანასახოვან სიცოცხლეს არ დაუმსახურებია ის, რომ შენს მიერ ნათელფენილი ყოფილიყო, ასევე არ დაუმსახურებია, უკვე ნამდვილ სიცოცხლედ ქცეულს, შენგან მოჰფენოდა ნათელი. მაგრამ შენ არ იხებე, რომ უსახოდ დარჩენილიყო და ამიგომაც უნდა ქცეულიყო ნათლად, თუმცა არა ბუნებით, რამედ მანათობელი ნათლის ჭვრეგითა და მასთან შერწყმის წყალობით. მხოლოდ შენმა მადლმა მისცა საშუალება, სიცოცხლედ და, თანაც, ბედნიერ სიცოცხლედ ქცეულიყო, რაკილა მიიქცა იმის მიმართ, რაც შეუძლებელია უკეთესი ან უარესი გზდეს, ესე იგი, შენსკენ მოიქცა, ერთო ღმერთო, რომელიც მხოლოდ „ხარ“, და რომლისთვისაც სიცოცხლე იგივეა, რაც ბედნიერი სიცოცხლე, რადგანაც შენი ბედნიერება თვითონ შენა ხარ.

### IV

5. რა უნდა გვლებოდა ბედნიერებისათვის, - აკი თვითონვე ხარ შენი ბედნიერება, - საერთოდ რომ არაფერი ყოფილიყო და ყველაფერი უსახოდ დარჩენილიყო? განა იმიტომ შეჰქმენი სამყარო, რომ გჭირდებოდა, არამედ შენი სიკეთის საფსებით<sup>15</sup>. არც შენი ქმნილებებისათვის მიგინიჭებია სახე იმიტომ, რომ უფრო სრული ყოფილიყო შენი სიხარული. თავად სრულქმნილს არ გსიამოვნებდა მათი არასრულქმნილება. იმ მიზნით როდი სრულყავი ისინი და სასიამოვნოდ აქციე შენთვის, რომ არასრულქმნილი, მათი სრულყოფის წყალობით, უფრო სრულქმნილი გამხდარიყავი. შენი კეთილი „სული იძვროდ წყალთა ზემოთ“<sup>16</sup>; წყალნი როდი მიაქანებდნენ მას, თითქოს მათზე ყოფილიყოს დავანებული. როცა ამბობენ, რომ შენმა სულმა დაივანა ვინმეზე, ეს იმას ნიშნავს, რომ მან თავის თავში მიანიჭა მას სიმშვიდე. არა, შენი უხრწნელი, უცვლელი და თავიშემკმარი ნება იძვროდა შენს მიერვე შექმნილი სიცოცხლის ზემოთ, მაგრამ ცოცხალთათვის სიცოცხლე იგივე როდია, რაც ბედნიერი სიცოცხლე, რადგანაც თავიანთ სიბნელეში დაბორილობენ. ამიგომ ისლა დარჩენიათ, რომ შენსკენ, ანუ მათი შემოქმედისაკენ მოიქცნენ, რათა სულ უფრო და უფრო

<sup>14</sup> დაბად. I, 3.

<sup>15</sup> შდრ. პლატონი, „ტიმეოსი“, 29e: „მაშინ ვთქვავთ, რა მიზეზით გამოიწვია ქმნალობაცა და სამყაროს არსებობაც იმან, ვინც ისინი გამოიწვია. ის კეთილი იყო, ხოლო კეთილმა არასდროს, არცერთ საქმეში არ იცის, რა არის შური. შურისაგან თავისუფალმა მოისურვა, რომ ყველაფერი რაც შეიძლება უფრო მეტად დამსგავსებოდა მას. ყველაზე უფრო მართებული იქნება, თუ ბრძენკაცთა კვალდაკვალ ვაღიარებთ, რომ სწორედ ეს იყო ქმნალობისა და სამყაროს უმოავრესი მიზეზი“. შდრ. აგრეთვე პლატონი, „ენნ“. V,4,1.

<sup>16</sup> დაბად. I, 2.

მიუახლოვდნენ სიცოცხლის წყაროს, მის ნათელში ხედავდნენ ნათელს<sup>17</sup> და, ამრიგად, ეზიარებოდნენ სრულყოფილებას, სინათლეს და ბედნიერებას<sup>18</sup>.

V

6. და, აი, ანიგმად წარმომიდგება სამება, ესე იგი, შენ, ღმერთო ჩემო, რადგანაც შენა ხარ, მამაო, დასაბამი ჩვენი სიბრძნისა; ესაა შენი სიბრძნე, შენგან შობილი, შენივე სწორი და თანამარადისი, - ესაა შენი ძე, ვისი მეშვეობითაც შეჰქმენი ცა და მიწა. მე უკვე ბევრი რამ ვთქვი ამ „ცათა ცის“, უსახო და უბედური მინისა თუ ბნელი უფსკრულის, სულიერი უსახოების ამ თავეცე დაქანებული და შმაგად მედინი ნაკადის შესახებ; მაგრამ როგორც კი მიიქცა ყოველგვარი სიცოცხლის შემოქმედისკენ, ნათელფენილი მშვენიერ სიცოცხლედ იქცა და შეიქმნა ცა იმ ზეცისა, რომელიც შემდეგ წყალთა გამყოფად მოგვევლინა.

უკვე ღმერთის სახელში მე შევიცანი მამა, ყოველივე ამის შემოქმედი; დასაბამად კი ძე იწოდა<sup>19</sup>, ვისი მეშვეობითაც შეიქმნა ყოველივე ეს. მაგრამ რაკი ჩემი ღმერთის სამპიროვნება მწამდა, ჩემივე რწმენით მის წმიდა წერილში ვეძებდი ამ სამპიროვნებას. და, აი, შენი „სული იძვროდა წყალთა ზემოთ“<sup>20</sup>; აი, წმიდა სამებაც, ღმერთო ჩემო: მამა, ძე და სული წმიდა, შემოქმედი ყოველი ქმნილებისა<sup>21</sup>.

VI

7. კი მაგრამ, რა იყო იმის მიზეზი, ო, ნათელო ჭეშმარიტო, - შენ გიახლოვებ ჩემს გულს, რათა თუქად არ ჩამიაროს მისმა სწავლამ: გაფანტე მისი წყვილი, - დიახ, რა იყო იმის მიზეზი, რომ შენმა საღმრთო წერილმა მხოლოდ მას შემდეგ დაასახელა შენი სული, რაც უკვე მოიხსენია ცა, უსახო და უდაბური მიწა და უფსკრულის თავზე მდებარე ბნელი? იქნებ ის, რომ თავდაპირველად ჩვენთვის უნდა გაეცნო იგი, როგორც „ზემოთ მძვრელი“, რაც

<sup>17</sup> ფსალმ. 35, 10.  
<sup>18</sup> იხ. მეშვიდე წიგნის შენ. 86.  
<sup>19</sup> იხ. მეთორმეტე წიგნის შენ. 115, 116.  
<sup>20</sup> დაბად. I, 2. „ამ სიტყვების განმარტებისას ინტერპრეტატორნი საკმაოდ მკვეთრად განსხვავდებიან ერთმანეთისგან: ზოგის აზრით, ეს ნიშნავს ჩვეულებრივ ქარს, ღმერთის მიერ წარმოგზავნილს მინის გასაშრობად (ტერტულიანე, ეფრემ ასური, თეოდორიტე, იბნ-ეზრა, როზენმიულერი); ზოგის მიხედვით - ანგელოსს, იმავე მიზნით მოვლენილს (იოანე ოქროპირი, კაიეტანი და სხვ.); და ბოლოს, მესამენი ფიქრობენ, რომ ესაა ჰიპოსტასური სული ღვთისა (ბასილი დიდი, ათანასე, იერონიმე და დანარჩენ ეგზეგეტთა უმრავლესობა). ეს უკანასკნელი განმარტება სხვებზე სარწმუნო და უმჯობესია: ის მიგვანიშნებს, რომ შესაქმეში წმიდა სამების მესამე პირიც - სული ღვთისა მონაწილეობს, ეს ფუძემდებლური-პროვიდენციული ძალა, რომელიც ზოგადბიბლიური აზრის თანახმად, განაპირობებს მთელი სამყაროს (ადამიანის ჩათვლით) წარმოშობას და არსებობას (დაბად. II, 7; ფსალმ. XXXII, 6; იოხი XXVII, 3; ესაია XXXIV, 14; საქმ. XVII, 28 და სხვ.). სული წმიდის ზემოქმედება ქაოსზე აქ შედარებულია ბუდეში კვერცხებზე მჯდომი ფრინველის მოქმედებასთან, თავისი სხეულით რომ ათბობს და სიცოცხლეს აღვიძებს ბუნებრივ ძალთა ერთგვარი მოქმედებას, კვერცხში ჩანასახის თანდათანობით ჩამოყალიბების პროცესს რომ მოგვაგონებს, ხოლო მეორეს მხრივ, როგორც თვით ეს ძალები, ისე მათი ქმედითობის ყველა შედეგიც უშუალოდ ღმერთზე დამოკიდებული ხდება“. – Толковая Библия, დასახ. გამოც. გვ. 4.  
<sup>21</sup> როგორც ვხედავთ, ნეტარი ავგუსტინე იმ ეგზეგეტთა რიცხვს ეკუთვნის, რომელნიც „სულს ღვთისას“ წმიდა სამების დანარჩენ ორ ჰიპოსტასურ პირთან ერთად შესაქმის უშუალო თანამონაწილედ მიიჩნევენ.



მხოლოდ მას შემდეგ იქნებოდა შესაძლებელი, როცა იცოდნა, თუ რის ზემოთ იძვროდა შენი სული? ის ხომ არც მამის ზემოთ იძვროდა და არც ძის ქვემოთ, ასე რომ, გამოთმა არაბუსტი იქნებოდა, თუკი თავდაპირველად არ გვეცოდინებოდა, მაინც რის ზემოთ იძვროდა იგი. ამიტომ ჯერ უნდა თქმულიყო, თუ რის ზემოთ იძვროდა, და მხოლოდ შემდეგ გავვევო მისი სახელი, რისი მოხსენიებაც მარტოოდენ ამ სიტყვებით თუ შეიძლებოდა: „ზემოთ იძვროდა“. მაგრამ რატომ არ შეიძლებოდა სხვანაირად გავვეცნო იგი, და არა როგორც „ზემოთ მძვრელი?“

## VII

8. ახლა კი, ვისაც შეუძლია, გონების თვალი მიადევნოს შენს მოციქულს, რომელიც ამბობს: „ღვთის სიყვარული ჩაიღვარა ჩვენს გულებში სული წმიდის მიერ, რომელიც მოგვეცა ჩვენ“<sup>22</sup>; ის გვასწავლის „სულიერ მადლს“<sup>23</sup> და გვიჩვენებს „უზენაეს გზას სიყვარულისას“<sup>24</sup>; მუხლს იდრეკს ჩვენთვის შენს წინაშე<sup>25</sup>, რათა შევიცნოთ ის, რაც „ყოველგვარ შემეცნებას აღემატება“<sup>26</sup> - უზენაესი სიყვარული ქრისტესი. ამიტომაც იყო, რომ დასაბამითვე უზენაესი „იძვროდა წყალთა ზემოთ“.

ვის ვუთხრა, ან რა სიტყვებით ვუთხრა, რაოდენ მძიმეა ვნებათა ცვირთი, საზარელ უტესკრულში რომ გვიპირებს დანთქმას? ვის ვუთხრა, რა ტკბილია სიყვარული, რომელიც, პირიქით, გვაძალღებს შენი სულის წყალობით, დასაბამითვე რომ „იძვროდა წყალთა ზემოთ?“ ვის ვუთხრა, ან როგორ ვუთხრა? ვიძირებით და ამოვეყვინთავთ? მაგრამ აქ ლაპარაკიც კი ზემდეგია სივრცეზე, სადაც შეიძლება ჩაძირვაც და ამოყვინთვაც. რა ბუსტია ეს შედარება. და, იმავდროულად, რა არა-ბუსტიც! ჩვენი განწყობილება, ჩვენი ვნებები, ჩვენი სულის უწმინდურება დაბლა გვეზიდებიან და დაცემის ზით მიგვაქანებენ; აკი მარტოოდენ უზრუნველობა გვიყვარს. და მხოლოდ შენი სულის სინწინდე თუ აგვაძალღებს, რათა გულით მივეახლოთ შენს უზენაეს საფანეს, სადაც შენი „სული იძვროდა წყალთა ზემოთ“, - და, ამრიგად, ვეზიაროთ სრულ სიმშვიდეს და აუძღვრეველობას, როცა ჩვენი სული გადალახავს „წინააღმდეგობელი წყლის ტალღებს“<sup>27</sup>.

<sup>22</sup> რომ. V, 5.

<sup>23</sup> I კორ. XII, 1.

<sup>24</sup> I კორ. XII, 31.

<sup>25</sup> ეფეს. III, 14.

<sup>26</sup> ეფეს. III, 19.

<sup>27</sup> ფსალმ. 123, 5.

VIII

9. დაეცა ანგელოზი, დაეცა სულიც კაცისა, მათი დაცემა გვიჩვენებს, რაოდენ ბნელსა და პირქუშ უთესურულში იქნებოდა დანთქმული ყველა სულიერი ქმნილება, შენ რომ არ გეთქვა თავდაპირველად: „იყოს ნათელი“ და იქმნა ნათელი“<sup>28</sup>, და მორჩილად არ შემოგვრდომოდა ყოველი უმანკო სული - შენი ზეციური ქალაქის მკვიდრი, რათა სიმშვიდე ეპოვა შენს სულში, თავად უცვლელი თავს რომ დასტრიალებს ყოველივე ცვალებადს. ასე რომ არა, ბნელ უთესურულად იქცეოდა თვით „ცაც ზეცისა“, ახლა კი „ნათელია უფლის მიერ“<sup>29</sup>. დაცემულ ქმნილებათა ამ უბადრუკი შეოთით გვიჩვენებს (შენი ნათლის სამოსი რომ არ მოსავთ და ამიგომაც გვივლენენ თავიანთ სიბნელეს), რარივ დიადნი არიან შენი გონიერი ქმნილებანი, რომელთაც მხოლოდ შენ შეგიძლია მიანიჭო სიმშვიდე და ბედნიერება<sup>30</sup>, და არა სხვას, შენზე მცირეს; ასე რომ, თვითონაც არ შესწევთ ამისი ძალი. ხოლო შენ, ღმერთო ჩვენო, ნათელს გვუყენ ჩვენ, „და იქცევა სიბნელე ჩვენი, როგორც შუადღე“<sup>31</sup>.

მომეცი შენი თავი, ღმერთო ჩემო, დამიბრუნე იგი: მე ხომ მიყვარხარ. თუ ეს ცოცხაა, მომეცი ძალა, უფრო მეტად შეგიყვარო. არ შემიძლია გაგზომო და ასე გავიგო, რამდენი მაკლია სრულყოფილ სიყვარულამდე, როცა მოგაშურებ და ჩაგეკონები, რათა აღარასოდეს გაგშორდე, ვიდრე მთლიანად არ „დამთვარავ შენი სახის საფარველქვეშ“<sup>32</sup>. მხოლოდ ის ვიცი, რომ მიჭირს უშენობა, არა მარტო ჩემს გარეთ, არამედ ჩემშიაც, და სილაგაკეა ჩემთვის ყოველგვარი სიდიდრე, რომელიც არ არის ჩემი ღმერთი.

IX

10. კი მაგრამ, განა მამა და ძე არ იძვროდნენ წყალთა ზემოთ? თუ მათ ისე წარმოვიდგენთ, როგორც სიფრცქვიში მოძრავ სხეულებს, ამასვე ვერ ვიგყვით სულიწმიდაზე. ხოლო თუ ეს სიტყვები წარმოგვიჩენენ მარადჟამ უცვლელ ღვთაებრივ სიდიადეს, ყოველივე ცვალებადზე უზენაესს, მაშინ მამაც, ძეც და სული წმიდაც „იძვროდნენ წყალთა ზემოთ“<sup>33</sup>.

სიყვარული აგვიტაცებს ამ საეანემდე და შენი კეთილი სული აგვამაღლებს ჩვენ, მდაბალთ, რათა განვერიდოთ სიკვდილის ბჭეს. ჩვენი სიმშვიდეა კეთილი ნება<sup>34</sup>. ყოველი

<sup>28</sup> დაბად. I, 3.

<sup>29</sup> ეფეს. V, 8.

<sup>30</sup> „როგორც სიბრმავე არის მანკი, რომელიც მონშობს, რომ თვალი იმიათვის არის შექმნილი, რათა იხილოს ნათელი... ასევე ბუნების დიდებულ წესრიგსაც მონშობს მისივე ნაკლი, ბუნებისა, რომელსაც სურს ცოცხლობდეს ღმერთში: ის უბედურია იმიტომ, რომ არ ცოცხლობს ღმერთში“ („ღვთის ქალაქისათვის“, 22,1).

<sup>31</sup> ფსალმ. 17, 29.

<sup>32</sup> ფსალმ. 30, 21.

<sup>33</sup> იხ. აქვე, შენ. 21.

<sup>34</sup> „თუ ჩვენ ყველაზე მაღლა ვაყენებთ კეთილ ნებას, მაშინ ღვთის ნება სრულდება ჩვენში... და ვერავითარი განსაცდელი ვერ შემუსრავს ჩვენს ბედნიერებას, ეს კი სიმშვიდეა“ („საკვირაო ქადაგებანი“, 2,6,11).

სხეული საკუთარი სიმძიმის გამო თავისი ადგილისკენ ისწრაფვის. მისი წონა მხოლოდ ქვევით როდი ეწევა, არამედ მისი ბუნებრივი ადგილისკენაც. ცეცხლი ზევით მიიღვვის, ქვა კი - ქვევით. თავიანთი წონით აღძრულნი საკუთარ ადგილს ეძებენ. წყალში ჩასხმული ზეთი თავზე ექცევა მას, ზეთში ჩასხმული წყალი კი ქვევით მიიწევს: თავიანთი სიმძიმის ზემოქმედებით, ისინი საკუთარ ადგილს ეძებენ<sup>35</sup>. სადაც წესრიგი არ არის, იქ მშფოთვარებაა. ყველაფერი, რაც წესრიგდება, კიდევ მშვიდდება. ჩემი სიმძიმე ჩემივე სიყვარულია: ის მამოძრავებს ყოველთვის, მიუხედავად იმისა, თუ საით ვისწრაფვი. შენ მოგვმადლე ნიჭი წვისა და ზევით სწრაფვისა: ჩვენც ვიცვით და ზევით ვისწრაფვით ჩვენივე გულის სათქუბურებით ვმალდებით, აღმა მივინვეთ, და „აღსავლის გალობას“<sup>36</sup> ვგალობთ. შენი ცეცხლით, შენი კეთილი ცეცხლით ვინვით და ზეციური იერუსალიმის სიმშვიდისაკენ მივიღვით. „გაუხარე, როდესაც მითხრეს, უფლის სახლში შევიდეთ“<sup>37</sup>. იქ დაგვამკვიდრებს კეთილი ნება, და სხვა აღარაფერი გვსურს, გარდა იმისა, რომ იქვე ვიყოთ უკუნისამდე.

## X

11. ნეგა იმ არსებებს, რომელთაც არ იციან სხვანაირი მდგომარეობა. ისინი სულ სხვანაირნი იქნებოდნენ, იმავე წამს, როგორც კი შეიქმნენ, შენს მადლს, ყოველივე ცვალებადზე უზენაესს, რომ არ აემალლებინა შენივე ქმნილებანი ამ მონოდებით: „იყოს ნათელი, და იქმნა ნათელი“<sup>38</sup>. ჩვენ ერთმანეთისაგან ვასხვავებთ იმ დროს, როცა ჯერ კიდევ ბნელი ვიყავით, და იმას, როცა ნათლად ვიქცევით<sup>39</sup>. ზეციურ ქმნილებებზე მხოლოდ ისაა ნათქვამი, თუ რანი იქნებოდნენ ისინი, ნათელი რომ არ ჰქონოდათ; ამ სიგყვებით საღმრთო წერილი თითქოს გვიჩვენებს მათ მერყევსა და ბნელ ბუნებას, რათა უფრო ნათლად აგვიხსნას, რაგომ შეიცვალნენ ისინი: უშრეტი ნათლისკენ მიქცეულნი თვითონაც ნათლად იქცნენ<sup>40</sup>. ვისაც შეუძლია, გაიგოს, ან შენ გთხოვოს, რომ გააგებინო. მე კი ნუ შემანყენენ თავს: განა მე ვარ ის ნათელი, „რომელიც გაანათლებს ყველა კაცს, მომავალს ქვეყნად?“<sup>41</sup>

<sup>35</sup> როგორც ჩანს, ნეტარი ავგუსტინე აქ იზიარებს არისტოტელეს კონცეფციას ოთხი ძირითადი ფიზიკური ელემენტის (მიწა, წყალი, ჰაერი, ცეცხლი) ე.წ. „ბუნებრივ ადგილთა“ შესახებ. იხ. Видельбанд, История древней философии, С-Пб., 1908, стр.223.

<sup>36</sup> ივლიუსიმება თხოუმეტი მომცრო ფსალმუნი (119-133), რომელთაც გალობდნენ იერუსალიმს მიმავალი ებრაელი პილიგრიმები.

<sup>37</sup> ფსალმ. 121, 1.

<sup>38</sup> დაბად. I, 3.

<sup>39</sup> იხ. ეფეს. V, 8.

<sup>40</sup> შდრ. მეთორმეტე წიგნის შენ. 57.

<sup>41</sup> იოანე I, 9.

XI

12. ვის შეუძლია ყოვლად ძლიერი სამების წვდომა? არადა, ვინ აღარ ლაპარაკობს მასზე, თუკი მართლა მასზე ლაპარაკობს? იშვიათია სული, რომელმაც იცოდეს, რას ამბობს, როცა სამებაზე მსჯელობს. დაობენ, კამათობენ, იბრძვიან, მაგრამ ვერაფერს იხილავს ამ ხილვას, თუკი სულის სიმშვიდე უცხოა მისთვის.

მე ვისურვებდი, იმ სამ თვისებას დაჰფიქრობდნენ კაცნი, რომელიც თვით მათშივეა. ეს სამი, რა თქმა უნდა, სამება როდია. მე მხოლოდ იმას მივანიშნებ ადამიანებს, თუ საით წარმართონ თავიანთი აზრის ძალისხმევა და კვლევა-ძიება, რათა დარწმუნდნენ, რაოდენ შორს არიან როგორც ერთის, ისე მეორის გაგებისაგან.

აი, ეს სამი თვისება: ყოფნა, ცოდნა და წდომა. მე ვარ, მე ვიცი, მე მნებავს<sup>42</sup>. მე ვარ მცოდნე და ნების მქონე; მე ვიცი, რომ ვარ და მნებავს; მე მნებავს, ვიყო და ვიცოდე.

ეს სამი თვისება განუყოფელ ერთიანობად ერწყმის ერთმანეთს, და ეს ერთიანობაა სიცოცხლე: ერთი სიცოცხლე, ერთი გონება და ერთი არსეი. მიუხედავად ანუ სამ თვითეული მათგანი რაღაც თავისთავადია და ერთადერთი. სამივე ერთმანეთისაგან განუყოფელია, მაგრამ, იმავდროულად, განსხვავებულიც. ვისაც შეუძლია, გაიგოს თვითეული ჩვენგანი თავისი თავის წინაშე ღვას: დაე, ჩაიხედოს საკუთარ სულში, დაინახოს და მითხრას.

მაგრამ აქ რომ კიდევაც აღმოაჩინოს რამე მსგავსება და ამის გამოხატვაც შესძლოს, ნუ ეგონება, თითქოს შეიცნო მარად უცვლელი და ყველაზე უზენაესი არსი: უცვლელია მისი ყოფნა, უცვლელია ცოდნა, უცვლელია ნება<sup>43</sup>. ამ სამი თვისების ერთიანობა განაპირობებს ღმერთი სამპიროვნებას თუ თვითეული პირისათვის ნიშნეულია სამივე თვისება, ასე რომ, სამებად ითქმის ყოველი პირი? ან იქნებ ორსავე შემთხვევაში სამება, სასწაულებრივად

<sup>42</sup> ეს ნეტარი ავგუსტინეს მსოფლმხედველობის ერთ-ერთი ყველაზე ნიშანდობლივი მომენტია: თუ ადამიანი მართლაც ღვთის „ხატად და მსგავსადაა“ შექმნილი, მაშინ მთელი მისი არსება, მისი უკვდავი ხული უშუალოდ უნდა მონაზობდეს ამას. „მე ვარ, მე ვიცი, მე მნებავს“ – „ყოფნა, ცოდნა და წდომა“ - აი, ის სხარტი ფორმულა, რომელიც, ნეტარი ავგუსტინეს აზრით, ადამიანს ერთარსება და სამპიროვანი ღმერთის მიწიერ ხატად წარმოგვიჩენს. „მე ვარ“ შეესაბამება „მამას“ („მე ვარ, რომელიც ვარ“, - „გამოსვლა“, III, 14); „მე ვიცი“, ანუ ცოდნა თუ სიბრძნე - „ძეს“, ხოლო „მე მნებავს“, ანუ სურვილი და სიყვარული - „სული წმინდას“... „არაერთგზის, უწინარეს ყოვლისა კი თავის თხზულებაში „სამებისათვის“ ნეტარი ავგუსტინე ცდილობს აღიქვას ღმერთის ბუნება მისივე საკუთარი ხატების ანალოგიით, ხატებისა, რომელიც შემოქმედმა ჩატოვა თავის ქმნილებაში, უპირატესად კი - ადამიანის სულში“. - ეტიენ ჟილსონი, დასახ. ნაშრ. გვ. 131.

<sup>43</sup> თვითშემეცნებას ნეტარი ავგუსტინე არა მარტო საკუთარი თავის, არამედ ვარკვეულწილად, ღვთაების წვდომის გზადაცა სახავს. მაგრამ თვითშემეცნებასა და ღვთისშემეცნებას შორის გადაუღალავი უფსკრული ძევს, რაც ადამიანისა და ღმერთის არათანაზომადობითაა განპირობებული. ერთის მხრივ, მუდმივი ცვალებადობა მოკვდავი და წარმავალი არსებისა, ვისთვისაც ყველაფერი ან წარსულშია, ან მომავალში, ხოლო მეორეს მხრივ, ღმერთის მარად უცვლელი და წარუვალელი ყოფიერება: „წლები ღმერთისა მისი მარადისობაა, ხოლო მარადისობა თვით ღმერთის სუბსტანციად გვევლინება, ღმერთისა, რომელშიაც არა არის რა ცვალებადი. არ არის მასში არანაირი წარსული, რაც უკვე იყო; არც მომავალი, რაც ჯერ კიდევ არ დამდგარა. არ არის მასში არაფერი, გარდა იმისა, რასაცა ჰქვია „არის“, არ არის მასში „იყო“ და „იქნება“ (როგორც ვიცით, „არის“, „იყო“ და „იქნება“ პლატონისეული ტერმინებია, ანმყოფ, წარსულისა და მომავლის აღმნიშვნელი. - ბ.ბ.), რადგანაც რაც იყო, უკვე აღარ არის, ხოლო რაც იქნება, ჯერ კიდევ არ არის; არა, მასში არა არის რა, გარდა იმისა, რაც „არის“ („ფსალმუნებისათვის“, 101, 10). „უზენაეს ყოფიერებად უნდა ვსახავდეთ იმნაირ ყოფიერებას, რაც ყოველთვის ერთნაირად არსებობს, რაც ყოველთვის თვითივივობრივია, რაც არასდროს არ შეიძლება განიცდიდეს ხრწნადობას თუ ცვალებადობას, რაც არ ექვემდებარება დროს, რაც შეიძლება ამუშაოდ სხვა იყოს, ვიდრე უწინ, რადგანაც სწორედ ესაა ყოფიერება ამ სიტყვის ჭეშმარიტი გაგებით“ („მანიქეველთა ზნობისათვის“, 2, 1).

მარტივი და, იმავდროულად, მრავალფეროვანიც, თავის თავში დასრულებული და თავისივე უსასრულო მიზანი, სწორედ ამიტომ არის, ამიტომ იცის და ამიტომაც უცვლელად თვითმკმარი თავისი ერთობის სიუხვით და სიდიადით? ვინ შესძლებს ამის გაგებას გაუჭირვებლად? ვინ მოახერხებს სიგყვით გადმოგვეცეს ეს? ვინ გაბედავს, ასე თუ ისე, აგვიხსნას ეს საიდუმლო?<sup>44</sup>

## XII

13. მაშ, განაგრძე შენი აღსარება, ჩემო რწმენავ; უფალ ღმერთს შენსას უთხარი: წმიდაო, წმიდაო, წმიდაო, უფალო ღმერთო ჩემო!<sup>45</sup> შენი სახელით მოვინათლეთ, მამაო, ძეო და სულო წმიდაო, და ჩვენც ნათელს ვცემთ შენი სახელით, მამაო, ძეო და სულო წმიდაო<sup>46</sup>; რადგან ჩვენს შორისაც თავისი ქრისტეს მეშვეობით „შეჰქმნა ღმერთმა ცა და მიწა“, შენი ეკლესიის სულიერი და ხორციელი წევრნი. და ჩვენი მიწაც<sup>47</sup>, ვიდრე მოძღვრებით მიიღებდა სახეს, „უსახო იყო და უდაბური“; ჩვენც უმეცრების ბნელი გვეფარავდა, რადგანაც „უსამართლობისათვის მხილებით დასაჟე კაცი“<sup>48</sup>, და „მსჯავრი შენი როგორც თვალუნვლენი უესკრული“<sup>49</sup>.

მაგრამ შენი „სული იძვროდა წყალთა ზემოთ“<sup>50</sup>, და შენმა გულმონწყალებამ არ მიგვატოვა ჩვენ, უბედურნი. და შენ თქვი: „იყოს ნათელი; მოინანიეთ, ვინაიდან მოახლოვდა ცათა სასუფეველი“<sup>51</sup>. მოინანიეთ; იყოს ნათელი“. და რაკი ბორგავდა ჩვენი სული, შენ გაგისხენეთ, უფალო, „იორდანის პირას“<sup>52</sup>, შენსავით ძალაღ მთაზე, რომელიც დადაბლდა ჩვენი გულისთვის. შეგვძულდა ჩვენი სიბნელე; მიტოვაც მოვიქცეთ შენს მიმართ და „იქმნა ნათელი“. და, აჰა, „ოდესღაც ბნელი ვიყავით, ხოლო აწ ნათელი უფლის მიერ“<sup>53</sup>.

<sup>44</sup> წმ. ილარიონი თავის თხზულებაში „სამებისათვის“ (I, 19) სასონარკვეთილი ამცნობდა მკითხველს: ყველა სიტყვა, რომელსაც მე ვხმარობ, ყველა შედარება, მეტაფორა თუ მხატვრული სახე, რომლებსაც მე ვიყენებ წმიდა სამების გონებამიწველომელ იღუმალებაზე მსჯელობისას, ისე შორს დგანან ჭეშმარიტებისაგან, როგორც ცა - მიწისაგან, და მათი დანიშნულება მხოლოდ ისაა, რომ იმის მიხედვით, რაც ნაცნობია და ცხადი, მოახლოებით მაინც გვაგრძნობინონ ან განგვაყდევინონ უცნობი და დაფარული... აქვე შეიძლება გაგისხენოთ პიერ (პეტრე) აბელიარი, რომელიც გონების არგუმენტებით წმიდა სამების დასაბუთებისას პირწმინდად გარეგნული შედარებებითა თუ ანალოგიებით კმაყოფილდება. თუმცა ვერცერთის მეშვეობით ვერ ახერხებს ღვთაებრივი სამების ზუსტსა და ამომწურავ დახასიათებას. მათ შორის ყველაზე მნიშვნელოვანია ბეჭდის ანალოგია: ბეჭედი ერთია, მაგრამ მასში ერთმანეთისაგან უნდა განვასხვავოთ სამი მომენტი: მეტალი, რომლისგანაც ისაა ჩამოსხმული, ფორმა, რომელიც მეტალს ბეჭდად აქცევს, და ბოლოს, ამ ორის მთლიანობა, ანუ მტვიფრავი საგანი, თავის ფორმას რომ აღბეჭდავს ცვილზე... თომა აქვინელის მიხედვით, ღმერთის სამპიროვნება იმ ჭეშმარიტებათა რიცხვს მიეკუთვნება, რომლებიც გონებას თავისთავად, რწმენის შემწეობის გარეშე, არ შეუძლია შეიმეცნოს და სრულად გაიგოს (იხ. ალბერტ სტეკლი, შუა საუკუნეების ფილოსოფიის ისტორია, - თომა აქვინელი, IV, 15).

<sup>45</sup> შდრ. ესაია VI, 3.

<sup>46</sup> შდრ. მათე XXVIII, 19.

<sup>47</sup> „ჩვენი მიწა“, რომ ამბობს, ნეტარი ავგუსტინე გულისხმობს ხორციელ კაცს.

<sup>48</sup> ფსალმ. 38, 12.

<sup>49</sup> ფსალმ. 35, 7.

<sup>50</sup> დაბად. I, 3.

<sup>51</sup> დაბად. I, 31; მათე III, 2.

<sup>52</sup> ფსალმ. 41, 7.

<sup>53</sup> ეფეს. V, 8.



XIII

14. და მაინც, ღღემდე მხოლოდ „რწმენით ვიარებით და არა ხედვით“<sup>54</sup>; ვინაიდან „ხსნილნი ვართ სასოებით, ხოლო ხილული სასოება არ არის სასოება“<sup>55</sup>. ჯერ კიდევ „უფსკრული უფსკრულს გასძახის“<sup>56</sup>, მაგრამ უკვე „შენი ჩანჩქერების ხმით“<sup>57</sup>. ხოლო მას, ვინც ამბობს: „მე არ შემეძლო მელაპარაკა თქვენთან, როგორც სულიერთა მიმართ, არამედ როგორც ხორციელთა მიმართ ქრისტეში“<sup>58</sup>, - თვითონაც არა ჰგონია, რომ ყველაფერს მისწვდა, ამიტომაც „უკანას ივინყებს და წინას ესწრაფვის“<sup>59</sup>, და „სიმძილითა გმინავს“<sup>60</sup>. მის სულს სწყურია ცოცხალი ღმერთი და „ისე მიიღგვის მისკენ, როგორც ირემი მიეღგვის ანკარა წყაროს“<sup>61</sup>. ამიტომაც ღაღადებს: „როდისღა მოვალ?“<sup>62</sup> მას „სურს შეიმოსოს ზეციური სავანე ჩვენი“<sup>63</sup>, და „ნუ იქნებით ყრმანი გონებით; ბოროტისათვის ყრმანი იყავით“<sup>64</sup>, მაგრამ სრულწლოვანნი იყავით გონებით“<sup>65</sup>, და კიდევ: „ეჰა, უგონო გალაგელნო, ვინ მოგნუსხათ ისე, რომ აღარ ემორჩილებით ჭეშმარიტებას?“<sup>66</sup> ხოლო ეს უკვე მისი ხმა კი აღარაა, არამედ შენი, რადგანაც შენ მოგვივლინე ზეციით შენი სული<sup>67</sup> მისი მეოხებით, ვინც „ამაღლდა ზეცად“<sup>68</sup> და „გზა გაუხსნა თავისი მადლის ჩანჩქერს, რათა სიხარულის მდინარეს წაეღეკა შენი ქალაქი“<sup>69</sup>.

ამ ქალაქისათვის გმინავს „მეგობარი სიძისა“<sup>70</sup>, ვისაც უკვე აქვს „სულის პირველი ნაყოფი“<sup>71</sup>, მაგრამ ღღემდე კვენისის გული, და „მოელის ღვთის ძედ შერაცხვას და გამოსხნას

<sup>54</sup> II კორ. V, 8.

<sup>55</sup> რომ. VIII, 24.

<sup>56</sup> ფსალმ. 41, 8... „მაინც რა არის უფსკრული, რომელიც უფსკრულს უხმობს? თუ უფსკრული რაღაცა ღრმაა, განა ადამიანის გულიც იგივე უფსკრული არ არის? რა შეიძლება იყოს ამ უფსკრულზე უღრმესი? ადამიანებს შეუძლიათ ილაპარაკონ, შეიძლება ხედავდე მათ მოქმედებას, გესმოდეს მათი სიტყვები; მაგრამ ვის აზრს შეიძლება ჩასწვდეს? ვის გულს ჩახედო ფსკერამდე? რანაირად მიხვდები, ვის რა აქვს გულში, ვინ რას იზრახავს, რა სურს, რა არ სურს, რას ფიქრობს, ან რას აპირებს? ამიტომ, ალბათ, მართალი ვიქნებით, თუ უფსკრულს ვწვდებით ადამიანს. უფსკრული უხმობს უფსკრულს, ადამიანი - ადამიანს. უფსკრულს უხმობენ ღვთის სიტყვის წმიდა მქადაგებელნი. მაგრამ ყოველი მათგანიც განა უფსკრული არ არის? სისუსტის რა საზარელ სიღრმეს იმარხავდა პეტრე! თუმცა თვითონ აზრადაც არ მოსვლია, რა ხდებოდა მასში. როცა აღუთქვა უფალს, შენთან ერთად და შენთვის მოვკვდებიო. ოჰ, რა ღრმა იყო ეს უფსკრული! და მაინც, ის გაშიშვლებული იყო ღმერთკაცის თვალთა წინაშე. ამრიგად, ყოველი კაცი, თუნდაც წმიდა, თუნდაც მართალი, თუნდაც უებრო სიქველით მოსილი, უფსკრულია. და ის უფსკრულსაც უხმობს, როცა საუკუნო ცხოვრებაზე ფიქრით გულშეძრული რწმენასა და ჭეშმარიტებას უქადაგებს ადამიანს. და უფსკრული მხოლოდ მაშინაა სასარგებლო უფსკრულისათვის, რომელსაც უხმობს, როცა შენი ჩანჩქერების ხმით მეტყველებს“ („ფსალმუნებისათვის“, 41,8).

<sup>57</sup> ფსალმ. 41, 8.

<sup>58</sup> I კორ. III, 1.

<sup>59</sup> ფილიპ. III, 13.

<sup>60</sup> II კორ. V, 4.

<sup>61</sup> ფსალმ. 41, 2.

<sup>62</sup> ფსალმ. 41, 3.

<sup>63</sup> II კორ. V, 2.

<sup>64</sup> რომ. XII, 2.

<sup>65</sup> I კორ. XIV, 20.

<sup>66</sup> გალატ. III, 1.

<sup>67</sup> სიბრძნე სოლომ. IX, 17.

<sup>68</sup> ფსალმ. 67, 19.

<sup>69</sup> ფსალმ. 45, 5.

<sup>70</sup> იოანე III, 29. ნეტარი ავგუსტინე პავლე მოციქულს გულისხმობს.

<sup>71</sup> რომ. VIII, 23.

მისი სხეულის“. ის ჭმუნავს ამ ქალაქის გამო, როგორც ქრისტეს სასძლოს - ეკლესიის წევრი, და საღმრთო შურიტ შურს მისი, როგორც სიძის მეგობარს; ღიახ, მისდამი აღეძვრის შური, და არა საკუთარი თავისადმი, რადგანაც თავისი კი არა „შენი ჩანჩქერების“<sup>72</sup> ხმით გასძახის მეორე უფსკრულს, რომლის წინაშეც თავისი შურის გამო ძრწის: „როგორც გველმა თავისი ზაკვით აცთუნა ევა, ვაითუ უმწეო გონებაც ასევე განეშოროს შენს სინრთველს“<sup>73</sup>, რომელიც არის ჩვენს სიძეში, შენს მხოლოდშობილ ძეში. რა მშვენიერი იქნება ეს ნათელი, როცა შეშრება ჩემი ცრემლები, „პურად რომ მექცნენ თუ ღამით, რადგანაც გამუდმებით მეკითხებოდნენ: „სად არის ღმერთი შენი?“<sup>74</sup>

#### XIV

15. და მეც ვამბობ: „სადა ხარ, ღმერთო ჩემო? სადა ხარ შენი?“ ცოცხა ხანს ვისვემენ შენიში<sup>75</sup>, როცა სინანულის სიმღერებად იღვრება ჩემი სული<sup>76</sup>, ქებას რომ გასხამს ნეგარებით ფრთაშესხმული და აღიარებს შენს სიღიაღეს<sup>77</sup>. მაგრამ ძალე კვლავინდებურად მწუხრდება იგი, რადგანაც ეცემა და პირქუშ უფსკრულად იქცევა; ან, უფრო სწორად, გრძნობს, რომ დღემდე კვლავ უფსკრულია. სწორედ მას მიმართავს ჩემი რწმენა, გზის მანათობლად რომ აღმინთე ღამის უკუნში: „რად ხარ მწუხარე, ჩემო სულო, რად შემომკვენესა? მიენდე ღმერთს“<sup>78</sup>; „მისი სიგყვა ლამპარია შენს გზაზე“<sup>79</sup>. მიენდე და დაითმინე, ვიდრე არ დასრულდება ღამე, უკეთურთა დედა; ვიდრე არ დასრულდება რისხვა ღვთისა, ვისი შვილებიც ვიყავით ოდესღაც, როდესაც ვიყავით ბნელნი; ამ ბნელის ნაშთს ვატარებთ დღემდე ჩვენი სხეულით, რომელიც მკვდარი იქნება ცოდვის გამო, ვიდრე არ „ირიყრაჟებს დღე და შეიძვრის ჩრდილი“<sup>80</sup>. „მიენდე ღმერთს“<sup>81</sup>; დილით ავდგები მის ჭვრეგად<sup>82</sup>. მარადჟამ გეგყვი აღსარებას შენ. დილით ავდგები და ვიხილავ ხსნას ჩემი სახისა, ვიხილავ ჩემს ღმერთს, „რომელიც გააცოცხლებს ჩვენს მკვდარ სხეულს, ჩვენშივე დამკვიდრებული სულის გულისთვის“<sup>83</sup>, რადგანაც მონყალედ დასცრიალებდა თავს ჩვენი მერყევი სულის ბნელეთს. მის მიერ მივიღეთ ამქვეყნიურ ხეციალში წინდი იმისა, რომ ნათლად ვიქცევით<sup>84</sup>, ჭერჭურობით კი კვლავ სასოებით

<sup>72</sup> ფსალმ. 41, 8.

<sup>73</sup> II კორ. II, 3.

<sup>74</sup> ფსალმ. 41, 4.

<sup>75</sup> შდრ. იობი XXXII, 20.

<sup>76</sup> შდრ. ფსალმ. 41, 5.

<sup>77</sup> შდრ. ფსალმ. 42, 5.

<sup>78</sup> ფსალმ. 41, 6.

<sup>79</sup> ფსალმ. 118, 105.

<sup>80</sup> ქებათა-ქება II, 17.

<sup>81</sup> ფსალმ. 41, 5.

<sup>82</sup> შდრ. ფსალმ. 5, 4.

<sup>83</sup> რომ. VIII, 11.

<sup>84</sup> II კორ. I, 22.

ვცოცხლობთ, რადგანაც უკვე „ნათლის ძენი ვართ და ძენი ღლისა; არა ვართ ღამის და არც ბნელისა“<sup>85</sup>.

მხოლოდ შენ ძალგისძს ერთმანეთისაგან განგვახსვავო ჩვენ და ისინი, რადგანაც არასარწმუნოა ჩვენი ცოდნა; მხოლოდ შენ, რომელიც გამოსცდი ჩვენს გულებს<sup>86</sup>, და ნათელს დღე უწოდე, ხოლო ბნელს - ღამე<sup>87</sup>; ვინ გაგვარჩევს და განგვასხვავებს ერთმანეთისგან<sup>88</sup>, თუ არა შენ? განა გვაქვს რამე ისეთი, შენგან რომ არ მიგველო „პატიოსან ჭურჭელთ“, იმავე თიხისაგან მოზედილთ მეთუნის მიერ, რომლითაც მოზედილ იქნენ „უპატიო ჭურჭელნიც?“<sup>89</sup>

XV

16. თუ არა შენ, მაშ, ვინ შექმნა, უფალო, ჩვენს ზემოთ შენი ურყევი ავტორიტეტის მყარი, ანუ შენი საღმრთო წერილი? „ცა შეიგრაგნება გრაგნილივით“<sup>90</sup>, ახლა კი ცყავივით გაშლილა ჩვენს ზემოთ<sup>91</sup>. შენი საღმრთო წერილის ავტორიტეტი კიდევ უფრო ამაღლდა მას შემდეგ, რაც ხორციელი სიკვდილით მოკვდნენ მოკვდავნი, რომელთა მეშვეობითაც მოგვეცი იგი. და შენ, უფალო, იცი, როგორ შემოსე ცყავით ადამის ძენი, როდესაც სცოდეს და მოკვდავნი გახდნენ<sup>92</sup>. ამიტომაცაა, რომ ცყავივით გაშალე მათ ზემოთ შენი წმიდა წერილის მყარი, წერილისა, რომლის სიტყვებიც უცვლელად ეთანხმებიან ერთიმეორეს. სწორედ ისინი დაამკვიდრე ჩვენს ზემოთ, როცა შენს მოკვდავ მსახურთა მეშვეობით მოქმედებდი. თვით თავიანთი სიკვდილით განამტკიცეს მათ ამ სიტყვების ავტორიტეტი, რომლებიც თვითონვე გვაუწყეს, და რომლებიც ცისარტყელასავით გადაირკალნენ ყოველივე იმის თავზე, რაც მათ ქვემოთაა. მანამდე კი ცყავივით როდი გაგეშალა ცა, და არც კიდით-კიდემდე მოგეფინა შენი საღმრთო წერილის დიდება: ეს მოხდა მხოლოდ მას შემდეგ, რაც ხორციელი სიკვდილით მოკვდნენ შენი მსახურნი<sup>93</sup>.

17. მაშ, მომეცი, უფალო, ძალი იმისა, რომ ვიხილო „შენი თითებით შექმნილი ცანი“<sup>94</sup>; გაუანგე ჩემს თვალთაგან ჯანღი, რომლითაც დაჰბურე ისინი. იქაა შენი მონშობა, „სიბრძეს

<sup>85</sup> I თეს. V, 5.  
<sup>86</sup> შდრ. ფსალმ. 16, 3.  
<sup>87</sup> დაბად. I, 5.  
<sup>88</sup> შდრ. I კორ. IV, 7.  
<sup>89</sup> რომ. IX, 21.  
<sup>90</sup> შდრ. ესაია XXXIV, 4: „დალაშქრება ცის მთელი მხედრობა და ცა ეტრატევიტ დაიგრაგნება“.... გამოცხ. VI, 14: „და გრაგნილივით შეგრაგნილი, შეიკრა ზეცა“...  
<sup>91</sup> იხ. ფსალმ. 103, 2... „ღმერთმა ჩვენს ზემოთ განფინა ცა, როგორც ტყავი. „ცად“ უნდა ვგულისხმობდეთ საღმრთო წერილს. მისი ავტორიტეტი ღმერთმა იმთავითვე დაამკვიდრა თავის ეკლესიაში“ („ფსალმუნებისათვის“, 103).  
<sup>92</sup> „ტყავი აქ მოკვდავობას ნიშნავს. ამიტომ ის ორნიც (ადამი და ევა), ჩვენი წინაპარნი, ცოდვა რომ დაატეხეს თავს კაცთა მოღმამს, მოკვდავნი გახდნენ და სამოთხიდან გაძევებულ იქნენ; ხოლო ამის ნიშნად ტყავის სამოსით შეიმოსნენ“ („ფსალმუნებისათვის“, 103).  
<sup>93</sup> „წინასწარმეტყველნი, როცა ისინი ცოცხალნი იყვნენ, მხოლოდ იუდეას ჰყავდა; მათი სიკვდილის შემდეგ კი - ყველა ხალხს. ვიდრე ცოცხალნი იყვნენ, ჯერ კიდევ არ გაშლილიყო ტყავი, ჯერ კიდევ არ განფენილიყო ზეცა, რათა დაეფარა მთელი სამყარო“ („ფსალმუნებისათვის“, 103).  
<sup>94</sup> ფსალმ. 8, 4... „ჩვენ გვესმის, რომ „ცანი“ ამ ადგილას იგეგვა, რაც ორივე აღთქმის წიგნები“ („ფსალმუნებისათვის“, 8). „ღმერთის თითებით“, რომ ამბობს, ნეტარი ავგუსტინე ამ წიგნთა ავტორებს გულისხმობს.

რომ ანიჭებს ყრმებს<sup>95</sup>. სრულყავი, ღმერთო ჩემო, „შენი ქება ყრმათა და ძუძუმწოვარა ჩვილთა ბავით“<sup>96</sup>. ჩვენ არ ვიცით სხვა წიგნები, ასე რომ მუსრავდნენ ქედმაღლობას, ასე რომ მუსრავდნენ „მგერსა და მცველს“<sup>97</sup>, რომელიც ეურჩება შენტან შერიგებას და იცავს თავის ცოდვებს. მე არ ვიცი, უფალო, არ ვიცი სხვა წმიდა სიგყვები, რომლებიც ესოდენ მძაფრად აღგვიძრავდნენ იმის სურვილს, რომ აღსარებას გეუბნებოდეთ, მორჩილად ვიხრიდეთ ქედს შენი უღლის ქვეშ და უანგაროდ გცემდეთ თაყვანს. მომეცი ძალა, მამაო სახიერო, მომეცი ძალა ქედმოღრევილსა და ქვეგანროთხმულს, შევიცნო შენი სიგყვები, რადგანაც ქვეგანროთხმულთათვის დაამკვიდრე ისინი.

18. მნამს, რომ არიან ამ მყარს ზემოთ სხვა - უკვდავი წყალნი<sup>98</sup>, რომელთათვისაც უცხოა მინიერი ხრწნილება. დაე, აღიდებდნენ ისინი შენს სახელს! დაე, გადიდებდეს ანგელობთა ეს ზეციური დასი<sup>99</sup>. მათ არ სჭირდებათ ამ მყარს უმზირონ და კითხვით შეიცნონ შენი სიგყვები. ისინი მარადჟამ ხედავენ შენს სახეს<sup>100</sup> და მარცვალ-მარცვალ, დროის განმავლობაში როდი კითხულობენ შენს მარადიულ ნება-სურვილს. ეს ერთდროულად კითხვაა, არჩევაც და სიყვარულიც. მარადჟამ კითხულობენ და არასოდეს გადავა ის, რასაც კითხულობენ. შენი უცვლელი რჩევა, - აი, რას კითხულობენ, რას ირჩევენ და რას ემსჭვალვიან სიყვარულით. არ იხურება მათი წიგნი და არ იგრაგნება მათი გრაგნილი<sup>101</sup>, რადგანაც შენ თვითონ ხარ მათი წიგნი, მარადიული და წარუვალი; შენ დაადგინე ისინი ამ მყარზე და მიჰმადლე იმისი ძალიც, რომ იხილონ უმწეობა ქვემოთ მდგომი ხალხებისა და შეიცნონ შენი გულმონყალება, დროში რომ გვიმჟღავნებს შენს თავს, დროის შემოქმედო. რადგანაც „ცაშია, უფალო, შენი გულმონყალება, და შენი ჭეშმარიტება - ვიდრე ღრუბლებამდე“<sup>102</sup>. ღრუბლები გადაივლიან, ზეცა კი რჩება. ამ წუთისოფლიდან გადიან შენი სიგყვის მქადაგებლები და საუკუნო სოფლად გადავლენ, შენი წერილი კი განთენილია ყველა ხალხს ზემოთ უკუნისამდე. „ცა და მიწ გადავლენ, ხოლო შენი სიგყვები არ გადავლენ“<sup>103</sup>. ტყავი შეიგრაგნება, და ის ბალახიც, რომელზედაც გაშლილი იყო იგი, დაჭკნება და განქარდება მისი მშვენება<sup>104</sup>, „შენი სიგყვა კი დგას საუკუნოდ“<sup>105</sup>. ხოლო ამჟამად ისე როდი წარმოგვიდგება, როგორცაა სინამდვილეში, არამედ როგორც „გამოცანა“, ღრუბლებს მიღმა რომ ვჭვრეტთ „ცის სარკეში“<sup>106</sup>. ვინაიდან თუძცალა შეგვიყვარა შენმა ძემ, მაინც არ ვაცხადებულა, რანი

<sup>95</sup> ფსალმ. 18, 8.

<sup>96</sup> ფსალმ. 8, 3.

<sup>97</sup> შდრ. ეფვ. XXX, 6.

<sup>98</sup> იგულისხმებიან ანგელოზები, რომლებსაც არ სჭირდებათ დაწერილი სიტყვა.

<sup>99</sup> შდრ. მათე XVIII, 10.

<sup>100</sup> იხ. მეთორმეტე წიგნის შენ. 57.

<sup>101</sup> იხ. აქვე, შენ. 90, 91.

<sup>102</sup> ფსალმ. 35, 6... „რა ღრუბლებია ესენი? ესენი არიან მქადაგებელნი სიტყვისა“ („ფსალმუნებისათვის“), 35.

<sup>103</sup> მათე XXIV, 35.

<sup>104</sup> ესაია XL, 6-7.

<sup>105</sup> ესაია XL, 8... „ყოველი ხორცი ბალახია, და ყოველი ხორციელი მშვენება - როგორც მინდვრის ყვავილი“ („ფსალმუნებისათვის“, 91, 8).

<sup>106</sup> შდრ. I კორ. XIII, 12.

ვიქნებით“<sup>107</sup>. ის თავისი სხეულის გარსიდან გვჭკრეტთა, მოგვეალერსა, სიყვარულით დაგვდაგა და ჩვენ „მივილგვით მისი სურნელებისკენ“<sup>108</sup>. მაგრამ ვიცით, რომ „როდესაც გამოცხადდება, მისივე მსგავსნი ვიქნებით, ვინაიდან ვიხილავთ ისე, როგორცაა იგი“<sup>109</sup>. „იხილო ისე, როგორცაა იგი“, - აი, ჩვენი სიკეთე, რომელსაც ჯერ კიდევ არ ეთქმის ჩვენი.

## XVI

19. როგორც სრულია შენი ყოფნა, ასევე სრულია შენი ცოდნაც: უცვლელია შენი ყოფნა, უცვლელია შენი ცოდნა და უცვლელია შენი ნება. შენს არსებაში უცვლელია შენი ცოდნა და შენი ნება; შენს ცოდნაში უცვლელია შენი არსება და შენი ნება; შენს ნებაში უცვლელია შენი არსება და შენი ცოდნა. როგორც ჩანს, შენს თვალში უსამართლობა იქნებოდა, თუკი, როგორც უცვლელმა ნათელმა იცის თავისი თავი, ისევე ეცოდინებოდა იგი მის მიერ ნათელფენილ ცვალებად არსებასაც. ამიტომაცაა „ჩემი სული როგორც ურწყული მინა შენდამი“<sup>110</sup>; როგორც თვითონ ვერ გაინათლებს საკუთარ თავს, ასევე თვითონ ვერ მოიკლავს წყურვილსაც, „რადგანაც შენია ცხოვრების წყარო, და შენი ნათლით ვიხილავთ ნათელს“<sup>111</sup>.

## XVII

20. ვინ შეკრიბა ერთად მწარე წყალნი?<sup>112</sup> იგივეა მათი მიზანიც: წარმავალი და მიწიერი ბედნიერება, რისი გულისთვისაც იღწვიან ყველანი, თუმცა უსასრულოდ მრავალფეროვანია მათი საზრუნავი. ვინ თქვა, უთუაო, თუ არა შენ: „შეგროვდეს ერთგან წყალი“?<sup>113</sup> და გამოჩნდა ხმელეთი, რომელსაც სწყუროდი შენ. „რადგანაც შენია ზღვა, შენ შექქმენი იგი, და ხმელეთიც ხელთა შენთა ქმნილებაა“<sup>114</sup>. არა, სურვილთა სიმწარე კი არ იწოდება ზღვად, არამედ წყალთა შესაკრებელი<sup>115</sup>. შენ გასაქანს არ აძლევ კაცთა სიავსს და შენვე უღებ ზღვარს წყალთა განფენას: დაე, თვითონვე დაცხრეს მათი მღელვარება. ასე უმორჩილებ ზღვის ძალას შენს მეუფებას, ყველგან რომ ამყარებს წესრიგს.

<sup>107</sup> I იოანე III, 2.

<sup>108</sup> შდრ. ქებათა-ქება, II, 9.

<sup>109</sup> I იოანე III, 2.

<sup>110</sup> ფსალმ. 142, 6.

<sup>111</sup> ფსალმ. 35, 10.

<sup>112</sup> „ზღვა, მწარე - მარილისაგან, ქარიშხლით აზავთებული, ამ წუთისოფლის სიმბოლოა. ადამიანები, უკეთური გულისთქმით აბორგებულნი, თითქოს თევზები არიან, ერთიმეორეს რომ ნთქავენ. და ქრისტე თვით შუაგულ ზღვაშიც რომ არ ყოფილიყო ჩვენი იმედი, თავის მონათფებს აღარ ეტყოდა: „კაცთა მებადურებად გაქცევით“. მაშ, რწმენის ბადით დაჭერილნი ვხარობდეთ, რომ ზღვის ტალღებზე ამ ბადით მიეცურავთ. თუმცა გრიგალი მძვინვარებს, მაგრამ ეს ბადე უენებლად მიგვიყენებს ნაპირს. აქ მთავრდება ზღვა; ჩვენთვის ნაპირზე გამოსვლა ქვეყნიერების დასასრულია. მაშ, კეთილად ვიცხოვროთ, ძმანო, ამ ბადეში; ნურც გავეხეთ და ნურც გარეთ გავსხლტებით“ („ფსალმუნებისათვის“, 64, 6).

<sup>113</sup> დაბად. I, 9.

<sup>114</sup> ფსალმ. 94, 5.

<sup>115</sup> იხ. იობი XXXVIII, 10-11.



21. ხოლო სულები, რომლებსაც სწყურისარ, უფალო, და შენს წინაშე დგანან, სხვა მიზნით განაცალკევე ზღვისაგან; იდუმალი წყაროს ტკბილი წყალითა რწყავ მათ, რათა მიწამ გამოიღოს თავისი ნაყოფი<sup>116</sup>, და გამოიღებს კიდევ<sup>117</sup>, ასე რომ, თავისი ღმერთის ბრძანებით ზრდის ჩვენი სული გულმონწყალების საქმეს „საკუთარი ბუნებისამებრ“<sup>118</sup>; უყვარს მოყვასი და შეენევა მას ხორციელი შეჭირვებისას, რადგანაც ახსოვს, რომ მისი მსგავსია: ჩვენივე უმწეობა გვაიძულებს ისევე ვეხმარებოდეთ მოყვასთ, რანაირ დახმარებასაც თვითონვე ვისურვებდით მათგან, ასეთსავე გასაჭირში რომ ჩავევარდნილიყავით: არა უბადრუკსა და მიწდერის ბალახივით უმწეო დახმარებას, არამედ მტკიცე მფარველბას, ნაყოფიერ ხეს რომ მოგვაგონებს. მოძალადეთა ხელს გამოვგაცებთ ჩაგრულსა და დამცირებულს, რათა მართალი სამსაჯავროს ჭერქვეშ მიუჭინოთ თავშესაფარი, მძლავრი მუხის ჩრდილს რომ წააგავს.

## XVIII

22. ისე გვედრები და გემუდარები, უფალო, როგორც გვაძლევ სიხარულსა და ძალას; „დაე, „იშვას სიმართლე დედამინაზე და სამართლიანობამ გამოანათოს ბეციდან“<sup>119</sup>; დაე, „გამოჩნდნენ მნათობნი მყარზე“<sup>120</sup>. დაე, ვუწილადოთ ჩვენი პური მშიერთ, ჩვენს ჭერქვეშ შემოვიყვანოთ მიუსაფარნი, შევმოსოთ შიშველ-ტიტველნი და ნუ შეურაცხყოფთ მონებს, რომლებიც ჩვენსავით კაცნი არიან<sup>121</sup>.

მიწამ აღმოაცენა ნაყოფნი: შეხედე, რა კარგნი არიან... „დაე, დროულად გაბრწყინდეს ჩვენი ნათელი“<sup>122</sup>; და როცა ჩვენი უბადრუკი მოსავლის ნაცვლად ვეზიარებით სიხარულს - პირისპირ ვჭვრეტდეთ სიცოცხლის სიგყვას, დაე, გამოვჩნდეთ, როგორც „მნათობნი სამყაროში“<sup>123</sup>, შენი საღმრთო წერილის მყარზე დათუძნებული.

იქ გვასწავლი, როგორ გავარჩიოთ ერთმანეთისაგან გონით სანვდომი და გრძნობადი, როგორც დღე და ღამე; ერთის მხრივ, - გონით სანვდომის, ხოლო მეორეს მხრივ, გრძნობადის მიმართ მიდრეკილი სულნი. და ახლა, როგორც მყარის შექმნამდე, მარტო როდი გაარჩევ შენი საიდუმლო გადაწყვეტილებით, მარტო როდი ჰყოფ ერთმანეთისაგან

<sup>116</sup> მიწა (ხმელეთი), წყლიდან გამოჩენილი და ნაყოფის გამოძლევი, ნეტარი ავგუსტინეს განმარტებით, ეკლესიაა.

<sup>117</sup> „დაე, მადლს გწირავდეს, უფალო, დაე, მადლს გწირავდეს ყოველი ხალხი: მიწამ გამოიღო თავისი ნაყოფი. რა ნაყოფი? დაე, მადლს გწირავდეს ყოველი ხალხი. იყო მიწა, ნარ-ეკლით მოფენილი; მიაღვა „ხელი ამომძირკველისა“, გაისმა ხმოვა მისი, მოწყალე და დიდებული. მადლი შესწირა მიწამ, და უკვე „იძლევა მიწა თავის ნაყოფს“ (დაბად. I, 12). განა შეძლებდა ნაყოფის მოცემას ღვთის გულმონწყალება რომ არ ვადმოსულიყო მასზე? მოავლინა ღმერთმა წვიმა თავის ბავთავან, და აღსრულდა ის, რასაც ვკითხულობთ სახარებაში: დაუშვა წვიმა თავისი ღრუბნებიდან - მოავლინა მოციქულები და ჭეშმარიტების მქადაგებელნი, და გამოიღო მიწამ თავისი ნაყოფი, და აღივსო ქვეყანა მოსავლის სიუხვით“ („ფსალმუნებისათვის“, 66, 6).

<sup>118</sup> შდრ. დაბად. I, 12.

<sup>119</sup> ფსალმ. 84, 12.

<sup>120</sup> დაბად. I, 14.

<sup>121</sup> შდრ. ესაია LVIII, 7.

<sup>122</sup> შდრ. ესაია LVIII, 8.

<sup>123</sup> ფილიპ. II, 15.

ნათელს და ბნელს: შენი სულიერი ქმნილებანი, იმავე მყარზე რომ დაგიფუძნებია ქვეყნიერებისათვის მოვლნილი მადლის წყალობით, თავს დაჰწაბიან მინას, ერთმანეთისაგან ათავისთავადებენ დღესა და ღამეს და დროთა მონაცვლეობის ნიშნებად გვევლინებიან<sup>124</sup>. „ძველი წარხდა, და, აჰა, ყოველივე არის ახალი“<sup>125</sup>, „ვინაიდან ახლა უფრო ახლოა ჩვენთან ხსნა, ვიდრე მაშინ, როცა ვირწმუნეთ“<sup>126</sup>. „ღამე განგვეშორა“, „დღე კი მოგვეახლა“<sup>127</sup>, და შენ „აკურთხებ შენი წლის გვირგვინს“<sup>128</sup> და „შენი ყანის მოსამკალად აგზავნი მომკალთ“<sup>129</sup>, ყანისა, რომელიც სხვებმა დათესეს და დაიმუშავეს<sup>130</sup>. შენ სხვა ყანის მოსამკალად აგზავნი მათ, რომლის მოსავალიც მოიწევა საუკუნეთა დამღვეს.

ასე ასრულებ მთხოვნელის ლოცვა-ვედრებას და აკურთხებ მართლის წელიწადს. შენ კი მარად იგივე ხარ და შენი წარუვალნი წლებით<sup>131</sup> ამზადებ წარმავალ წელთა ბეღელს.

23. შენი მარადიული ბრახვით თავის დროზე მოუვლენ ზეციურ სიკეთეს მინას: „ზოგს სულისაგან ეძლევა სიბრძნის სიგყვა“<sup>132</sup>; - ესაა ღიადი მნათობი მათთვის, ვინც ისე ტკებება ჭეშმარიტების სხვისნობით, როგორც ცისკრის ნათლით; „ზოგს - ცოდნის სიგყვა, იმავე სულით“<sup>133</sup>; ეს უფრო მცირე მნათობია; „ზოგს - რწმენა, ზოგს - ნინი მკურნალობისა; ვის - სასწაულთმოქმედება, ვის - წინასწარმეტყველება, ვის - სულთა გარჩევა, ვიც - სხვადასხვა ენა“<sup>134</sup>, - და ყველა ესენი ვარსკვლავებია. „ხოლო ყოველივე ამას შეიქმს ერთი და იგივე სული, და უწილადებს თვითეულს, როგორც თავად ნებავს“<sup>135</sup>; და აიძულებს მნათობთაც გამოჩნდნენ და სარგოდ ნათობდნენ.

ხოლო სიგყვა ცოდნისა, რომელიც მოიცავს ყველა იმ საიდუმლოს<sup>136</sup>, მთვარესავით რომ იცვლებიან დროში, აგრეთვე ზემოთ ჩამოთვლილი ყველა სიკეთე, ვარსკვლავებს რომ ჰგვანან, ისევე განსხვავდებიან სიბრძნის კაშკაშა სინათლისაგან, როგორც განთიადის სხივცისკროვნება - მწუხრის ბინდბუნდისაგან. და მაინც, ისინი აუცილებელნი არიან კაცთათვის, რომლებთანაც შენ ყველაზე გონიერ მსახურს „არ შეეძლო ელაპარაკა როგორც

<sup>124</sup> შდრ. დაბად. I, 14.

<sup>125</sup> II კორ. V, 17.

<sup>126</sup> რომ. XIII, 11.

<sup>127</sup> რომ. XIII, 12.

<sup>128</sup> შდრ. ფსალმ. 64, 12.

<sup>129</sup> მათე IX, 38.

<sup>130</sup> იოანე IV, 38.

<sup>131</sup> ფსალმ. 101, 28.

<sup>132</sup> I კორ. XII, 7.

<sup>133</sup> I კორ. იქვე... ნეტარი ავგუსტინე „იობზე“ (XXVIII, 28) დაყრდნობით - „უფლის შიშია სიბრძნე და ბოროტისაგან განდგომა - ცოდნა“, - შემდეგნაირად განასხვავებს ერთმანეთისაგან „სიბრძნეს“ (sapientia) და „ცოდნას“ (scientia): „ამ განსხვავებიდან გამომდინარე, სიბრძნე მიემართება მარადისობის ჭვრეტას, ცოდნა კი - მოქმედებას“ („სამებისათვის“, 12,14,22).

<sup>134</sup> I კორ. XII, 9-10.

<sup>135</sup> I კორ. XII, 11.

<sup>136</sup> „ერთმანეთისაგან განსხვავდებიან ძველი და ახალი აღთქმის საიდუმლოებანი (sacramenta): სხვანი არიან ცხონების მომნიჭებელი საიდუმლონი და სხვანი საიდუმლონი, რომელნიც მხოლოდ აღგვითქვამენ მაცხოვარს. ახალი აღთქმის საიდუმლონი ცხონებას გვანიჭებენ, ძველისა კი აღგვითქვამდნენ მაცხოვარს. შენ უკვე ფლობ აღთქმულს; მაცხოვარი გყავს; მაშ, რაღას ეძებ აღთქმულს? საიდუმლონი შეიცვალნენ: მათი ოდენობა შემცირდა; ახლა ისინი უფრო მსუბუქნი არიან, უფრო მეტად მაცხოვრებელნი და სიხარულის მგვრენნი“ („ფსალმუნებისათვის“, 73,2).

სულიერთა მიმართ, არამედ როგორც ხორციელთა, როგორც ყრმათა მიმართ ქრისტეში<sup>137</sup>, - მას, ვინც „ქადაგებს სიბრძნეს სრულქმნილთა შორის“.

მშენიერი კაცი, - აი, ყრმა ქრისტესი, რომელიც სვამს რძეს, ვიდრე არ მომაგრდება იმდენად, რომ უხეში საბრძლოს მიღება და მზისათვის თვალის გასწორება შესძლოს<sup>138</sup>. დაე, ნუ ეგონება, რომ მარტოღმარტოა ღამეში, არამედ დასჯერდეს მთვარისა და ვარსკვლავთა შუქს.

აი, რას გვასწავლი, ყოვლისმცოდნე ღმერთო ჩვენო, შენი წარილით, ამ შენი მყარით, რათა საოცარი ჭვრეტის წყალობით შევიძლოთ ყველაფერის გარჩევა, თუნდაც ჯერ მხოლოდ ნიშების, დროის, დღეებისა და წლებების მიხედვით<sup>139</sup>.

## XIX

24. მაგრამ თავდაპირველად „განიბანეთ, განიწმინდეთ, თვალთაგან განმარიდეთ ავი ბრახვანი“<sup>140</sup>, რათა „გამოჩნდეს ხმელი“<sup>141</sup>; ისწავლეთ კეთილის ქმნა, დაითარეთ ობოლი, გამოესარჩლეთ ქვრივს<sup>142</sup>, „რათა აღმოაცენოს მინამ ბალახი და ხე ნაყოფის მოძვემი“<sup>143</sup>; რათა იყვნენ მნათობნი ცამყარის მანათობლად და ნათელს აფრქვევდნენ მინას<sup>144</sup>.

მდიდარი ჭაბუკი სახარებისა ეკითხებოდა კეთილ მოძღვარს, როგორ მოვიქცე, რომ საუკუნო სიცოცხლე დავიძვედრო. ხოლო კეთილმა მოძღვარმა, რომელიც ჭაბუკს ადამიანად მიაჩნდა, - ის კი კეთილია იმიტომ, რომ ღმერთია, - ასე მიუგო მას: თუ გსურს შეხვიდე საუკუნო ცხოვრებაში, დაიცავი მცნებანი, განიშორე ბოროტება და გარყენილების სიმწარე, არა ვაც ჰკლა, არა იმრუშო, არა იპარო, არა ცილი სწამო, რათა გამოჩნდეს ხმელი, და მან აღმოაცენოს პატივისცემა დედ-მამისადმი და მოყვასთა სიყვარული. „ყოველივე ეს დამიცავს, - უთხრა მდიდარმა ჭაბუკმა, - მაშ, თუ მინა პოხიერია, ასიდანლა ამდენი სარეველი და ეკალი? ნადი, ამოძირკვე სიხარბის შამხნარი, გაყიდე რაც გაბადია, მონაგები მიეცი გლახაკთ და გექნება საუნჯე ცაში; მერე მოდი და შეუდეგ უფალს, თუკი გსურს იყო სრულქმნილი“<sup>145</sup>. შეუერთდი იმათ, ვისაც თავისი ბრძნული სიცყვით მიმართავს ის, ვინც იცის, რა მიანიჭოს დღესა და ღამეს<sup>146</sup>. შენც შეიცანი ისინი, რათა მნათობებად გექცნენ ცამყრზე. ეს კი მხოლოდ მაშინ მოხდება, როცა შენი გული იქნება იქ, ვინაიდან „სადაც არის გული შენი,

<sup>137</sup> I კორ. III, 1.

<sup>138</sup> მტრ. I კორ. III, 2: „რძით გზრდილით თქვენ და არა საჭმლით, ვინაიდან ჯერ კიდევ არ შეგეძლოთ მისი მონელება და არც ახლა შეგიძლიათ“.

<sup>139</sup> მტრ. დაბად. I, 14.

<sup>140</sup> იხ. ესაია I, 16: „განიბანეთ, განიწმინდეთ, ავი საქმეები თვალთაგან განმარიდეთ, შეწყვიტეთ ბოროტის ქმნა“.

<sup>141</sup> დაბად. I, 9... იხ. აქვე, შენ. 116.

<sup>142</sup> ესაია I, 17.

<sup>143</sup> დაბად. I, 11.

<sup>144</sup> დაბად. I, 14-15.

<sup>145</sup> იხ. მათე XIX, 16-22; მარკ. V, 17-22; ლუკა XVIII, 18-23.

<sup>146</sup> ე.ი. რა მისცეს ვკლესიას და არა - ქვეყანას.

იქვე იქნება საუნჯეც შენი<sup>147</sup>. აი, ეს სიტყვები გესმა კეთილი მოძღვრისაგან. მაგრამ დამწუხრდა უნაყოფო ქვეყანა<sup>148</sup>, და სარეველამ მოაშთო სიტყვა<sup>149</sup>.

25. ხოლო თქვენ, „რჩეულო ხალხო“<sup>150</sup>, „უძღურნო სოფლისა“<sup>151</sup>, რომელთაც მიგიტოვებიათ ყველაფერი, რათა შესდგომოდით უფლის კვალს<sup>152</sup>, კვლავაც მისდიეთ თქვენს წინამძღოლს, რათა „არცხვინოთ ძლიერნი“<sup>153</sup>; მისდიეთ, „ფეხმშვენიერნო“<sup>154</sup>, და ნათელი მიჰყვინეთ მყარს, რათა „ცანი ხმობდნენ ღმერთის დიდებას“<sup>155</sup>; ერთმანეთისაგან განაცალკევეთ სრულქმნილთა „ნათელი“, რომელნიც ჯერ კიდევ არ არიან ანგელოსთა მსგავსნი, და მცირეთა, მაგრამ არა უიმედოთა „წყვიდიანი“. ნათელი მოჰყვინეთ მთელ დედამიწას, რათა მზის სხივებით გაბნეწინებულმა დღემ „დღესვე აუწყოს სიბრძნის სიტყვა“<sup>156</sup>, ხოლო მთვარით განათებულმა ღამემ „ცოდნის სიტყვა აუწყოს ღამეს“<sup>157</sup>. მთვარე და ვარსკვლავები ღამით ნათობენ, მაგრამ ღამე ვერ აბნელებს მათ, რადგან თვით ისინი შეძლებისდაგვარად ანათებენ ღამეს. და, აჰა, როგორც თქვა ღმერთმა: „იქმნან მნათობნი ცის მყარზე“<sup>158</sup>, „და ანაზღად იყო ხმა ბეცით, თითქოს გრივალი აგუგუნდაო, და მოევლინა მათ ალივით გაყოფილი ენები, რომლებიც დაეფინა თვითეულ მათგანს“<sup>159</sup>; და „გაბრწყინდნენ მნათობნი ცაში, რომლებსაც ჰქონდათ ცხოვრების სიტყვა“<sup>160</sup>. თქვენა ხართ „ნათელი სოფლისა“<sup>161</sup>, და „ხვიძირის ქვეშ“<sup>162</sup> როდი ხართ. ამაღლდა ის, ვისთვისაც იყავით ხმობილნი, ამაღლა და თქვენც აგამაღლათ.

## XX

26. დაე, ჩასახოს ბღვამ და დაბადოს თქვენი საქმენი. დაე, „ნარმოშვან წლებმა ქვემძრომნი, ცოცხალი სულის მქონენი“<sup>163</sup>. რადგანაც ერთმანეთისაგან რომ აცალკევებდით ფასეულსა და უფასურს, ღვთის ბაგედ იქეცით<sup>164</sup>, რომელიც ამბობს: „დაე, ნარმოიქმნას წყლისაგან ცოცხალი სული, არა იმნაირი, რანაირსაც ნარმოქმნის მიწა“, არამედ

<sup>147</sup> მათე VI, 21.

<sup>148</sup> შდრ. ლუკა XVIII, 23.

<sup>149</sup> მათე XIII, 7.

<sup>150</sup> I პეტრე II, 9.

<sup>151</sup> I კორ. I, 27.

<sup>152</sup> შდრ. ლუკა XVIII, 28: „და უთხრა პეტრემ: აი, ჩვენ მივატოვეთ ყველაფერი და შენ გამოგყევით“.

<sup>153</sup> I კორ. I, 27.

<sup>154</sup> რომ. X, 15; ესაია LII, 7.

<sup>155</sup> ფსალმ. 18, 2.

<sup>156</sup> ფსალმ. 18, 3.

<sup>157</sup> ფსალმ. 18, იქვე.

<sup>158</sup> დაბად. I, 14.

<sup>159</sup> მოციქ. საქმ. II, 2-3.

<sup>160</sup> შდრ. ფილიპ. II, 15-16.

<sup>161</sup> მათე V, 14.

<sup>162</sup> მათე V, 15.

<sup>163</sup> შდრ. დაბად. I, 20.

<sup>164</sup> იხ. იერემია XV, 19: „ამიტომ ასე ამბობს უფალი: თუ შეინანებ, მოგაბრუნებ, რომ დადგე ჩემს წინაშე; თუ ფასეულს გამოარჩევ უფასურისგან, ჩემი ბაგესავით იქნები“.

„ქვემოძრომნი, ცოცხალი სულის მქონენი, და ფრინველნი, მიწის ზემოთ მფრინავნი“<sup>165</sup>. და ასე, შენი წმიდა საიდუმლონი<sup>166</sup>, ღმერთო, შენსავე წმიდათა ღვანლით, ქვემოძრომებივით განიფანგებიან ამა სოფლის საცურთა მფრთოვან ცალღებს შორის, რათა განხანონ შენი ერი წმიდა ნათლისღებით, შენივე სახეით რომ სრულდება.

ამასობაში აღსრულდა დიდი სასწაული, „ვეება ვეშაბთა“<sup>167</sup> მსგავსი; და შენი სიციყების ქადაგთა ხმებმა თავს გადაუფრინეს დედამინას, შენივე წერილის მყარს, თავისი ავგორიგეცით რომ იფარავდა მათ ფრენას ნებისმიერი მიმართულებით. რადგან „არ არის სიციყა და არც ნათქვამი, კიდით-კიდემდე რომ არ ისმოდეს; მთელ დედამინას სწვდება მათი ხმა, ვიდრე თვით სამყაროს ზღვრამდე“<sup>168</sup>, ვინაიდან შენი კურთხევით ამრავლე, უფალო, იგი.

27. განა ვცრუობ, ან ერთმანეთისგან ვერ ვასხვავებ, ერთის მხრივ, იმ საგანთა ნათელ შემეცნებას, რომელთაც ცამყარი მოიცავს, ცალღებში რომ სრულდებიან, ცამყარს ქვემოთ? არსებობს მყარი და დაუსრულებელი ცოდნა, რომელიც არ მაგულობს თაობებიდან თაობებამდე<sup>169</sup> - ესაა სიბრძნისა და ცოდნის ნათელი. მაგრამ ის ვლინდება მრავალგვარი და ნაირ-ნაირი გარეგნული მოძრაობის წყალობით, რაც შენი კურთხევით იბრდება და მრავლდება, ღმერთო. ამრიგად ანუგეშებ ჩვენი მოკვდავი გრძნობების უმწიფობას, რაკილა საშუალებას აძლევ სულს მრავალნაირი გზით შეიცნოს ერთიანი ჭეშმარიტება, ათასგვარად გამოხატული გარეგნულ მოძრაობათა საშუალებით.

აი, რა წარმოშვეს წყლებმა, მაგრამ მხოლოდ შენი სიციყის წყალობით. შენი მარადიული ჭეშმარიტებისაგან განდგომილი ხალხის გაჭირვებამ განაპირობა ამის წარმოქმნა შენივე სახარების მიხედვით. რადგან თვით წყალთა მღელვარებამ გამოირცხა ნაპირზე ეს, და კაცთა მწარე სისუსტე იყო ამის წარმოქმნის მიზეზი.

28. მშვენიერია ყველაფერი, რაც შენ შექქმენი, და, აჰა, შენც, ყოვლის შემოქმედო, ერთ უთქმელად მშვენიერი ხარ<sup>170</sup>. ადამი რომ არ განდგომოდა, მაშინ არც ზღვიური სიმლაშე გადმოიღვრებოდა მისი მუცლიდან - ეს მისი უკიდურესად ცნობისმოყვარე, ბორჯნეულად ქედმაღალი და მერყევი მოღვმა<sup>171</sup>. მაშინ არც შენი მქადაგებელი გახდებოდნენ იძულებულნი ამ მფრთონავ ზღვაში ეღვანათ და გრძნობადი სახით ეუნყებინათ ჩვენთვის შენი იღუმალი საქმენი თუ სიციყანი. ამნაირად წარმოძინდებიან ამჟამად „ქვემოძრომნიცა“

<sup>165</sup> იხ. დაბად. I, 20: „...ქვემოძრომნი“ და „ფრინველნი“, ნეტარი ავგუსტინეს მიხედვით, საიდუმლონი (sacramenta) არიან, ჭეშმარიტების შეცნობაში რომ შეენევიან საერო წოდების ხალხს, „ზღვა“ კი ცოდვილი სამყაროა.

<sup>166</sup> ტერმინით „საიდუმლონი“ აქ აღინიშნება უპირატესად სასწაულები და ნიშები, რომლებიც თან ახლდა სახარების მქადაგებელთა მოღვაწეობას საეკლესიო ცხოვრების სანყის ეტაჰზე.

<sup>167</sup> იხ. დაბად. I, 21.

<sup>168</sup> შდრ. ფსალმ. 18, 4-5; შდრ. მოციქ. საქმ. II, 7-11.

<sup>169</sup> იგულისხმება აბსოლუტური ჭეშმარიტება, რომელიც განვითარებას არ საჭიროებს.

<sup>170</sup> შემოქმედის მშვენიერება ქმნილების მშვენიერების დასაბამიერ მიზეზი. „ვიყვარდეს მშვენიერება, ჩრდილი უფლისა, განფენილი მთელს სამყაროში“, - ამბობს დიდი ჩილეელი პოეტი ქალი გაბრიელა მისტრალი („ხელოვანის ათი მცნება“).

<sup>171</sup> იგულისხმება კაცთა მოღვმა.



და „ფრთოსანნიც“<sup>172</sup>, მაგრამ თვით ამ სიმბოლოთა არსში მწვდომნიც კი შორს ვერ წავიდოდნენ, მათი სული რომ არ ცოცხლობდეს და თანდათანობით არ მადლდებოდეს შენი მადლით, საწყისი სიგყვიდან სრულქმნილების მიმართ მღვთოვანი.

XXI

29. ამიტომაც იყო, რომ, შენი სიგყვისამებრ, ზღვის უფსკრულმა კი არა, მწარე წყალთაგან განმხოლოებულმა მინამ წარმოშვა არა ცოცხალი სულის მქონე ქვემძრომნი და არა ფრთოსანნი, არამედ „ცოცხალი სული“<sup>173</sup>.

ამ სულს უკვე აღარ სჭირდებოდა ნათლისღება - რაც აუცილებელია წარმართთათვის, - როგორც მაშინ, როცა წყლით იყო დაფარული. რადგანაც სხვა გზით ვეღარ აღწევნე ცათა სასუფეველს მას შემდეგ, რაც შენ დაადგინე სასუფეველში შესვლის პირობა.

ის არ მოითხოვს რწმენისათვის რაღაც დიადსა და საკვირველს, რადგანაც „ნიშებისა და სასწაულების“<sup>174</sup> გარეშე სწამს, რაკილა მორწმუნე მინა უკვე განცალკევებულია ურწმუნოები მწარე წყალთაგან, ვინაიდან „ენები ნიშებია არა მორწმუნეთათვის, არამედ ურწმუნოთათვის“<sup>175</sup>. მინას, რომელიც „დააკვიდრე წყალთა ზემოთ“, აღარ სჭირდება ის ფრთოსანი ქმნილებანი, შენი სიგყვისამებრ რომ წარმოიქმნენ წყალთაგან<sup>176</sup>. მოუვლინე მას შენი სიგყვა შენსავე მაცნეთა მეშვეობით. ჩვენ შეგვიძლია მხოლოდ სიგყვებით გადმოვცეთ მათი საქმენი, მაგრამ შენ მოქმედებ მათი მეოხებით, რათა შესძლონ ცოცხალი სულის შექმნა.

მინამ შექმნა იგი, რადგანაც სწორედ მინამ განაპირობა მათი მოქმედება, როგორც ზღვამ გამოიხმო არსებობისთვის ცოცხალი სულის მქონე ქვემძრომნი და ცამყარს ქვემოთ მტრინავი ფრთოსანნი. მინას უკვე აღარ სჭირდება ისინი, თუმცაღა დიახაც შეექცევა ზღვის სიღრმიდან ამოყვანილსა და ტრაპეზზე დადებულ თევზ<sup>177</sup>, ტრაპეზზე, რომელიც „განამზადე მორწმუნეთა წინაშე“<sup>178</sup>. ის ამოყვანილ იქნა სიღრმიდან, რათა ესაზრდობინა ხმელი მინა<sup>179</sup>. ფრთოსანნიც ზღვის ნაშიერნი არიან, მაგრამ ისინიც მინაზე მრავლდებიან. პირველი ხმაც სახარების ქადაგებისა კაცთა ურწმუნოების გამო გაისმა, მაგრამ მორწმუნეთაც დღითიდღე

<sup>172</sup> იხ. აქვე, შენ. 165.  
<sup>173</sup> დაბად. I, 24.  
<sup>174</sup> იოანე IV, 48.  
<sup>175</sup> I კორ. XIV, 22.  
<sup>176</sup> „რაკილა ნათლისღებით დაემკვიდრნენ ურყვე წმენაში, ამიტომაც ითქვა მათზე: „დააკვიდრა მინა წყალთა ზემოთ“ („ფსალმუნებისათვის“, 135, 8).  
<sup>177</sup> თევზი ქრისტიანობის პირველ საუკუნეებში ქრისტეს ერთ-ერთი ყველაზე ფართოდ გავრცელებული სიმბოლო იყო. თავის დიად ქმნილებაში „ღვთის ქალაქისათვის“ (XVIII, 25) ნეტარი ავგუსტინე წერს: „თუ ხუთი ბერძნული სიტყვიდან - ἰησοῦς χριστός θεοῦ υἱός σατήρ - ე.ი. იესო ქრისტე ძე ღვთისა მაცხოვარი - ცალკე გამოვყოფთ და დავაჯგუფებთ პირველ ასოებს, მივიღებთ სიტყვას (თევზი), იესო ქრისტეს მისტიურ სახელს, იესო ქრისტესას, რომელმაც შესძლო ჩვენი მოკვდავობი უფსკრულში, როგორც ზღვის უძირო სიღრმეში, ცოცხალი, ანუ უცოდველი დარჩენილიყო“.  
<sup>178</sup> ფსალმ. 22, 5. „ტრაპეზი“ ევქარისტიას გულისხმობს.  
<sup>179</sup> იგულისხმება „თევზი“ - იესო ქრისტე.

უშურველად აზიარებს იგი შეგონებასა და კურთხევას. ცოცხალი სულიც მიწისაგან იღებს დასაბამს, მაგრამ მხოლოდ მართლმორწმუნეთათვისაა სასარგებლო განემორონ ამა სოფლის სიყვარულს, რათა შენთვის ცოცხლობდეს მათი სული, რომელიც მკვდარი იყო, როცა განცხრომით ცხოვრობდა, მომაკვდინებელ სიამეთა შორის<sup>180</sup>, რადგანაც წმინდა გულისთვის მხოლოდ შენა ხარ, უფალო, ცხოველმყოფელი სიამე.

30. მაშ, დაე, სხვანაირად მუშაობდნენ მიწაზე შენი მსახურნი, და არა ისე, როგორც ურწმუნოების წყალთა შორის, როცა სიგყვით თუ შეგონებით აუნყებდნენ წარმართთ ჭეშმარიტება, სასწაულების, ნიშებისა თუ მისტიურ გამონათქვამთა მეშვეობით, რათა ზემოქმედება მოეხდინათ უმეცართა სულზე (უმეცრება ხომ განცვიფრების დასაბამია), და ამ ბუნდოვანი ნიშნებით დაემშინებინათ ისინი. ასე მიდიან რწმენამდე ადამის ძენი, რომელთაც დაეინყნისართ და შენგან განშორებულნი „უფსკრულად“<sup>181</sup> ქცეულან. დაე, ისე მუშაობდნენ შენი მსახურნი, როგორც ზღვის სიღრმიდან გამოყოფილ მიწაზე. დაე, ერთგლთა თვალწინ მიდინარეობდეს მათი ცხოვრება, რათა რწმენის ნიმუშად იქცეს<sup>182</sup> და მიბაძვის სრული აღძრას მათში. მარგო იმისთვის ხომ არ ისმენენ, რომ ისმინონ, არამედ იმისთვისაც, რომ იმოქმედონ. „ეძიეთ ღმერთი და ცოცხალი იქნება თქვენი სული“<sup>183</sup>; მიწა დასაბამს მისცემს ცოცხალ სულს. „ნუ ემსგავსებით ამ ქვეყნას“<sup>184</sup>, არამედ განდევით მისგან. სული ცოცხალია, როცა ამ სოფელს გაურბის და კვდება, როცა მისკენ მიილგვის. ეკრძალებოდა და არაადამიანურ ამპარგაფნებას, გარყვნილების თუკ სიამეს და იმას, რაც ყალბად იწოდება მეცნიერებად<sup>185</sup>, რათა მოშინაურებულ იქნენ გარეული მხეცები, მოთვინიერდნენ შინაური ცხოველები და უვნებელნი გახდნენ გველები. ყველა ისინი ნართაულად გამოხატავენ სულიერ მდგომარეობებს<sup>186</sup>, მაგრამ ქედამაღლური თვითგანდიდება, უკეთური გულისთქმით თრობა და ცნობისმოყვარეობის შხამი თვისებებია მკვდარი სულისა. სულის სიკვდილი სრულ უგრძნობელობას როდი ნიშნავს: ის კვდება, როცა განემორება ცხოვრების წყაროს<sup>187</sup>, წუთისოფლის ბობოქარი ღინებით წარიგაცება და ცდილობს მიესადაგოს მას.

31. ხოლო შენი სიგყვა, უფალო, საუკუნო ცხოვრების წყაროა<sup>188</sup> და არასოდეს გარდავა იგი. ამიგომაც გვიკრძალავს შენი სიგყვა განემორთოთ მას, და ამიგომაც ითქვა: „ნუ

<sup>180</sup> შდრ. I ტიმ. V, 7: „ხოლო ფუფუნებაში ჩაფლული ცოცხალადვე მკვდარია“.  
<sup>181</sup> იბ. აქვე, შენ. 56.  
<sup>182</sup> შდრ. I თესალ. I, 7: „ასე რომ, ყველა მორწმუნის ნიმუშად იქცით“...  
<sup>183</sup> ფსალმ. 68, 33.  
<sup>184</sup> რომ. XII, 2.  
<sup>185</sup> შდრ. I ტიმ. VI, 20: „...განემორე ბილწ ფუქსიტყვაობას და ცრუმეცნიერების ცილობას“.  
<sup>186</sup> შდრ. პლატონი, „ტიმოლი“, 70c: „მოკვდავი სულის მეორე ნაწილს, რომლისთვისაც ნიშნულია სმა-ჭამისა და ყოველივე იმის სურვილი, რასაც ბუნებით მოითხოვს ჩვენი სხეული, ღმერთებმა შესაძვიდეს და ჭიპს შორის მოუჩინეს ბინა და მთელი ეს ნაწილი თითქოს სხეულის ბაგად აქციეს. იქ მტაცებელი ცხოველივით („თრემმა აგრიონ“) დააბეს მოკვდავი სულის ქვენა ნაწილი, ცხოველივით, რომლის მოთვინიერებაც შეუძლებელია, მაგრამ კვებით კი ძალაუწებურად უნდა კვებო, რომ ეს ცხოველი ერთაგად ბაგაზე ყოფილიყო დაბმული, სულის გონივრული ნაწილისაგან რაც შეიძლება შორს, რათა თავისი ღმუილითა და ღრიალით არ შეეწხებინა იგი და მას დაუბრკოლებლად შესძლებოდა გადანყვეტილების მიღება როგორც მთელი სხეულის, ისე თითოეული ასოს სასიკეთოდ“...  
<sup>187</sup> შდრ. იერემ. II, 13.  
<sup>188</sup> შდრ. იოანე IV, 14.

ემსგავსებით ამ ქვეყანას<sup>189</sup>. დაე, აღმოაცნოს მინამ ცხოვრების წყაროსაგან ცოცხალი სული, თანახმად შენი სიციყვებისა, შენივე მახარებლების მიერ რომ გადმოგვეცა ჩვენ: სული თავდაჭერილი და შენი ქრისტეს მიმბაძველია მბაძავი. სწორედ ამას ნიშნავს სიციყვები: „თავისი გვარისდა მიხედვით“<sup>190</sup>, რადგანაც მეგობარი მეგობარს ბაძავს. „იყავით ჩემსავით, - გვეუბნება იგი, - რადგანაც მეც ისე ვარ, როგორც თქვენ“<sup>191</sup>.

ამრიგად, „ცოცხალი სულის“ წყალობით კეთილი და თვინიერი მხეცები იმოქმედებენ. რადგან შენ თვითონ დაგვიდე აღთქმა: „მშვიდად წარმართე შენი საქმენი და ღვთის სათნო კაცი შეგიყვარებს“<sup>192</sup>. შინაური პირუტყვიც ყოველთვის კეთილი და მშვიდი იქნება: მაშინაც, როცა უხვად აქვს საკვები, და მაშინაც, როცა აკლია იგი<sup>193</sup>. არც კეთილი გველები იქნებიან საშიშნი და არავის ავნებენ რასმე<sup>194</sup>; თავს აარიდებენ წარმატებას და მხოლოდ იმდენად გამოიკვლევენ მას, რამდენადაც ეს საჭიროა, რომ ქმნილების მიხედვით შეიცნონ წარუვალობა. ამრიგად, გონების მორჩილი ყველა ეს ცხოველი თავ დააღწევს სიკვდილის გზას<sup>195</sup>, რათა თავიანთი სიკეთით ცოცხალნი დარჩნენ.

## XXII

32. აი, როდის აღიკვეთება, უფალო ღმერთო ჩვენო, ყოვლის შემოქმედო, ჩვენი მიდრეკილება ამა სოფლისადმი: ჩვენ ვკვდებით ამ მიდრეკილებით, როცა უკეთუარად ვცხოვრობთ, და, პირიქით, როცა კეთილია ჩვენი ცხოვრება, აღმოცნებას იწყებს ცოცხალი სული<sup>196</sup>; მაშინ სრულდება შენი სიციყვა, თქმული შენივე მოციქულის პირით: „ნუ ემსგავსებით ამ ქვეყანას“<sup>197</sup>; მაშინვე ისხამს ხორცს შენი მომდევნო სიციყვებიც: „გარდაიქმენით თქვენი გონების განახლებით“<sup>198</sup>, მაგრამ არა „თქვენი გვარისამებრ“<sup>199</sup>, ესე იგი, არა ჩვენი წინამორბედების მიბაძვით და არა იმით, რომ ჩვენზე უკეთესთა მსგავსად ვიცხოვროთ. შენ

<sup>189</sup> რომ. XII, 2.

<sup>190</sup> დაბად. V, 21.

<sup>191</sup> გალატ. IV, 12.

<sup>192</sup> სიბრძნე ზირაქ. III, 17.

<sup>193</sup> შდრ. I კორ. VIII, 8: „მაგრამ საჭმელი როდი გვახლოებს ღმერთთან, რადგან ჭამით არაფერი გვემატება, და უჭმელობითაც არა გვაკლდება რა“.

<sup>194</sup> როგორც წინა თავიდან (30) ჩანს, მხეცებიც, შინაური პირუტყვიცა და გველებიც ალევგორიულად გამოხატავენ სულიერ მდგომარეობებს.

<sup>195</sup> იგულისხმება სულიერი სიკვდილი.

<sup>196</sup> შდრ. ვაჟა-ფშაველა:

<sup>197</sup> რომ. XII, 2.

<sup>198</sup> რომ. იქვე.

<sup>199</sup> სულ სხვანაირმა მსოფლგანცდამ, სულ სხვანაირმა თვითშეგრძნებამ დაახლოებით იგივე ათქმევინა ჩვენი საუკუნის ინტელექტუალიზმის ერთ-ერთ ლიდერს:

„ჩვენი პიროვნების, ჩვენი აზრების, სიკვდილისა თუ სიყვარულის ჩვენშიერი განცდის უინტიმურესი და უღრმესი სუბსტანცია სხვა არა არის რა, თუ არა ჩვენი წინაპრების გულუბრყვილობა, მათი ხატოვანი ლულული, მათი ზიზღი, მათი უმწეობა ფსიქოლოგიური მოვლენების სფეროში, მათი ენობრივი სილატაკე და ა.შ.“

ხოლო ჩვენ ვაგრძელებთ ამ უბადრუკ წანამძღვრებს, ვაგრძელებთ მათ ჩვენი სიჩქარით, ფაციფუცით, არათანმიმდევრულობითა და ჩვენი უცნაური და ნერვიული დროის ეგზომ ბოროტად გამოყენებით“ (პოლ ვალერი, სულის კრიზისი, თბ. 1994, გვ.26).

ხომ არ გითქვამს: „შეიქმნას კაცი თავისი გვარის მსგავსად“, არამედ თქვი: „შევქმნათ კაცი ჩვენს ხატად და მსგავსად“<sup>200</sup>, რათა საშუალება მოგეცა ჩვენთვის შეგვეცნო შენი ნება.

ამიგომაც ამბობს შენი სიტყვის მქადაგებელი, რომელმაც ამდენი შვილი შეგძინა შენივე სახარების მეოხებით<sup>201</sup>, და არ სურდა მარადჟამ ყრმათა მზრდელი ყოფილიყო, რომელთაც რძით უნდა კვებავდნენ და ელოლიაგებოდნენ, როგორც ძიძა - ძუძუმწოვარ ჩვილს<sup>202</sup>; ღიას, ამიგომაც ამბობს: „გარდაიქმენით თქვენი გონების განახლებით, რათა შეიცნოთ, რა არის ნება ღმრთისა, კეთილი, სათნო და სრული“<sup>203</sup>. აკი არც შენ ამბობ: „შეიქმნას კაცი“, არამედ - „შევქმნათ კაცი“; არც ამას: „მისივე გვარის მსგავსად“, არამედ - „ჩვენს ხატად და მსგავსად“. გონებით განახლებულსა და შენი ჭეშმარიტების შემცნობს აღარ სჭირდება ადამიანი, რომელიც უჩვენებდა, როგორ მიებაძა „თავისი გვარისათვის“. შენი მინიშნებით თვითონვე შეიცნობს „შენს ნებას, კეთილს, სათნოს და სრულს“. შენ ასწავლი და მას უკვე უნარი შესწევს იხილოს ერთობის სამპიროვნება და სამპიროვნების ერთობა. ასე რომ, მრავლობით რიცხვში ნახმარ სიტყვებს - „შევქმნა კაცი“, იქვე ერთვის მხოლობითი - „და შექმნა ღმერთმა კაცი“; ხოლო მრავლობითს - „ჩვენს ხატად და მსგავსად“, მოსდევს მხოლობითი - „ხატად და მსგავსად ღმრთისა“. ამრიგად, კაცი ღვთის შემეცნებით განახლდება<sup>204</sup> „მისივე შემოქმედის ხატად“, და სულიერად ქცეული „განსჯის ყველაფერს, თვითონ კი არავისგან არ განისჯება“<sup>205</sup>.

### XIII

33. ხოლო სიტყვები - „განსჯის ყველაფერს“ - იმასა ნიშნავს, რომ ადამიანს მორჩილებენ ზღვის თევზები და ცის ფრინველები, ყოველი მხეცი და ცხოველი, მთელი ქვეყანა და მიწაზე მხოხავი ყველა ქვემძრომი<sup>206</sup>. ის მბრძანებლობს მათზე თავისი გონების ძალით, რომლითაც ესმის, რომ „ღვთის სულისაგან არის“<sup>207</sup>. თორემ „ადამიანი, რომელიც პატივშია და არ კი ესმის ეს, შეიძლება უგუნურ პირუტყვს შევადაროთ და მასვე ვამსგავსოთ“<sup>208</sup>.

ამიგომ შენს ეკლესიაში, ღმერთო ჩვენო, შენი წყალობით, რომელიც მიჰმადლე მას, - „რადგანაც შენი ქმნილებანი ვართ, კეთილ საქმეთათვის შექმნილნი“<sup>209</sup>, - მარგოლდენ სულიერი წინამძღვარნი კი არ არიან, არამედ ისინიც, სულიერად რომ ჰმორჩილებენ მათ.

<sup>200</sup> დაბად. I, 26.

<sup>201</sup> იგულისხმება პავლე მოციქული. იხ. I კორ. IV, 15: „ვინაიდან მრავალი მზრდელი გყავთ ქრისტეს მიერ, მაგრამ არა მრავალი მამა; რადგანაც ქრისტე იესოს მიერ სახარებით მე გმობთ თქვენ“.

<sup>202</sup> იხ. I კორ. III, 1-2.

<sup>203</sup> რომ. XII, 2.

<sup>204</sup> კოლოს. III, 10.

<sup>205</sup> I კორ. II, 15.

<sup>206</sup> შდრ. დაბად. I, 26, 28.

<sup>207</sup> I კორ. II, 14.

<sup>208</sup> ფსალმ. 48, 21.

<sup>209</sup> ეფეს. II, 10.

აკი შენ შეჰქმენი ადამიანი, „უცად და ქალად შეჰქმენი ისინი“<sup>210</sup>, მაგრამ შენი სულიერი მადლით, „ალარც მამრია და ალარც მდედრი“, ვინაიდან „ალარც იუდეველია, ალარც წარმართი, ალარც მონა, ალარც თავისუფალი“<sup>211</sup>. ხოლო სულიერი ადამიანნი, წინამძღვარნიცა და მათი მორჩილნიც, სულიერად განსჯიან და განიკითხავენ<sup>212</sup>. მაგრამ მათი მსჯელობა სულიერ ჭეშმარიტებებს როდი ეხება, სამყაროში რომ ნათობენ, რადგანაც ამ ჭეშმარიტებათა ავტორიტეტი იმდენად მაღალია, რომ არავისა აქვს მათი განსჯის უფლება. იგივე ითქმის შენი წმიდა წიგნის მიმართაც, თუმცაღა მასშიაც არის ერთგვარი ბუნდოვანება: ჩვენ მას საკუთარ გონებას ვუქმედებარებთ და დარწმუნებულნი ვართ, რომ თვით ისიც კი, რაც დათარულია ჩვენი თვალისთვის, სწორად და მართებულადაა ნათქვამი. თუნდაც სულიერი და „ღმერთის, ანუ ხატად და მსგავსად თვისა მისი შემოქმედის შემეცნებით განახლებული კაცი“<sup>213</sup> სჯულის აღმსრულებელი იყოს, და არა მისი განმსჯელი თუ განმკითხველი<sup>214</sup>. ის როდი განსჯის, თუ ვინ უნდა მივაკუთვნოთ სულიერთ და ვინ - ხორციელთ. ეს მხოლოდ შენი ნათელმხილველი თვალისთვისა შესაძლებელი, უფალო, ჩვენთვის კი ჯერ არ გაცხადებულა მათი საქმე, რათა „თავიანთი ნაყოფით ვიცნოთ ისინი“<sup>215</sup>. ხოლო შენ, უფალო, ჯერ კიდევ მყარის შექმნამდე იცნობდი მათ, ჯერ კიდევ მანამ დაჰყავი და იღუმალი მიზნით იხმე ისინი. ამიტომ კაცი, სულ მთლად სულიერიც რომ იყოს, არ განიკითხავს ამა სოფლის მშფოთვარე ბრბოს. როგორ „განიკითხოს გარეშენი“, თუკი არ იცის, ამ ქვეყნიდან გასვლის შემდეგ ვის ელის შენი მონყალების სიგებობა, და ვის - მარადიული ტანჯვის სიმწარე?<sup>216</sup>

34. ამიტომ კაცს, რომელიც შენს ხატად შეჰქმენი, არ მისცემია ხელმწიფება არც ციურ მნათობებზე, არც თვით იღუმალ ცაზე, არც დღესა და ღამეზე, რომლებსაც ცის შექმნამდე უწოდებ სახელი, და არც წყალთა შესაკრებელზე, ანუ ზღვაზე. მას მიეცა ხელმწიფება ზღვის თევზებსა და ცის ფრინველებზე, ყველა ცხოველზე და მოელს ქვეყნაზე, აგრეთვე ყველა ქვემძრომზე, რომლებიც დახოხავენ მიწაზე<sup>217</sup>.

ის განსჯის და იწინებს იმას, რაც მართებულია, და იწინებს იმას, რასაც უხამსობად მიიჩნევს, იწინებს ეს საიდუმლოთა აღსრულებისას, რასაც ებიარებიან ისინი, შენს გულმონყალებას რომ მოუძიებია წყალთა სიღრმეში; წმიდა ტრაპეზისას, სადაც დებენ ზღვის უფსკრულიდან ამოყვანილ თევზს<sup>218</sup>, რომელსაც შეექცევა ღვთისამოსავი მიწა<sup>219</sup>; შენი წიგნის ავტორიტეტს დაქვემდებარებულ ნიშანთა თუ სიცყვათა აზრში წვდომისას, ჩიტებივით რომ

<sup>210</sup> დაბად. I, 27.

<sup>211</sup> გალატ. III, 28.

<sup>212</sup> შდრ. I კორ. II, 15.

<sup>213</sup> შდრ. კოლ. III, 10.

<sup>214</sup> იხ. იაკ. IV, 11: „ნუ იტყვით, ძმანო, ერთმანეთის ძვირს; ვინც ძმის ძვირს იტყვის და განსჯის ძმას, სჯულის ძვირს იტყვის და განსჯის სჯულს; ხოლო თუ სჯულს განსჯი, სჯულის აღმასრულებელი კი არა ხარ, არამედ განმსჯელი“.

<sup>215</sup> მათე VII, 20.

<sup>216</sup> შდრ. I კორ. II, 26.

<sup>217</sup> დაბად. I, 28.

<sup>218</sup> იხ. აქვე, შენ. 177, 178.

<sup>219</sup> ე.ი. ღვთისმოშიში ადამიანი.



ფრთხილებენ მყარს ქვემოთ, და განმარტავენ შენს წერილს, გადმოგვცემენ მის შინაარსს, ბჭობენ, კამათობენ მის გამო, ლოცვა-კუთხევას აღაფლენენ და ხმანკრიალა სიციყვებით გიხმობენ შენ, რათა ხალხმა პასუხად შეღალადოს: ამინ! ყველა ეს სიციყვა წარმოთქმულ უნდა იქნეს, ყველამ უნდა გაიხმიანოს, რადგან „ეს სოფელი“ უფსკრულია, ხორცი კი - ბრმა: რაკილა წმინდა აზრის დანახვა არ ძალუძს, ამიტომ აუცილებელია ხმამალალი ბგერებით განიწონოს მისი სასმენელი. და თუმცა ფრინველებიც მინაზე მრავლდებიან, მაინც წყალისაგან იღებენ დასაბამს.

სულიერი კაცი განსჯის და იწონებს იმას, რაც მართებულია, და იწუნებს იმას, რასაც უკეთურად მიიჩნევს მორწმუნეთა ქცევასა თუ ზნე-ჩვეულებებში, მათ მონყალეებაში, მინის ნაყოფიერებას რომ მოგვაგონებს; ის განსჯის ცოცხალ სულს, რომლის ვნებებაც მოუთვინიერებია უმანკოებას, მარხვას და საღვთისმოსაო აზრებს<sup>220</sup> იმის შესახებ, თუ რა შეიძლება აღიქვას ხორციელი გრძობებით. ასე რომ, მხოლოდ იმას განსჯის, რისი გამოსწორებაც შეუძლია.

## XXIV

35. მაგრამ რას ნიშნავს ეს? ან ეს რა საიდუმლოა? აჰა, შენ აკურთხებ, უფალო, ადამიანებს: იზარდეთ, იმრავლეთ და აღაფსეთ ქვეყანაო<sup>221</sup>. ხომ არ მიგვანიშნებ ამით რალაც ისეთზე, რასაც უნდა ჩაფვდეთ და გავიგოთ? რატომ არ აკურთხე ამნაირადვე ნათელი, რომელსაც დღე უწოდე?<sup>222</sup> ანდა ცამყარი, მნათობები თუ ვარსკვლავები, მინა თუ ზღვა? მე ვისურვებდი, ღმერთო ჩვენო, მეთქვა, რომ შენ, რომელმაც შენს ხატად და მსგავსად შეგვქმენი<sup>223</sup>, კეთილ-ინებე მხოლოდ კაცნი გვეკუთხებინა; ვისურვებდი, მაგრამ აკი ასევე აკურთხე თევზებიც და ზღვის ურჩხულნიც: იზარდეთ, იმრავლეთ და აღაფსეთ წყალნი ზღვისანი, ხოლო ფრინველებმა იმრავლონ ქვეყანაზეო. მე ვიცოდი, რომ ეს კურთხევა ეხეა იმ არსებებს, რომლებიც შთამომავლობას აჩენენ და ამრიგად აგრძელებენ თავიანთ გვარს, მაგრამ ვერ ვნახე, რომ ასევე გვეკუთხებინოს ხეებიც, ბუჩქებიც და ცხოველებიც. „იზარდეთ და იმრავლეთო“, - ეს არც ბალახებზეა ნათქვამი, არც ხეებზე, არც ცხოველებსა და გველებზე, თუმცაღა ისინი, თევზების, ფრინველებისა და ადამიანებისა არ იყოს, თავიანთ ნაშიერთ აჩენენ და ასე იცავენ, ასე ინახავენ თავიანთ ჯიშსა და ჯილაგს.

36. მაშ, რა ვთქვა, ნათელი და ჭეშმარიტებავ ჩემო? - ის, რომ ფუჭად და ცყუილუბრალოდ ითქვა ეს სიციყვები? არამც და არამც, მამაო ღვთისმოსაობისაო! შორს შენი მსახურისგან ამგვარი სიციყვა! თუ მე არ მესმის მისი აზრი, მაშინ, დაე, ჩემზე უკეთესებმა, ესე

<sup>220</sup> შდრ. II კორ. VI, 5.

<sup>221</sup> დაბად. I, 28.

<sup>222</sup> დაბად. I, 5.

<sup>223</sup> დაბად. I, 26-27.

იგი, ჩემზე უფრო ჭკვიანებმა განმარტონ იგი; ავი ყველას მისი შესაფერისი გამჭრიახობა უბოძე, ღმერთო ჩემო.

მაშ, შეინყნარე ჩემი აღსარება, შენს წინაშე რომ წარმოვთქვამ. ვაღიარებ ჩემს რწმენას, უფალო; დიახ, ვაღიარებ, რომ ცყუილად როდი ვითქვამს ეს. იმასაც ვიცევი, რანაირი აზრები აღმიძრა ამ აღგილის კითხვამ. ისინი სარწმუნონი არიან, და მე ვერ ვხედავ, რა მიშლის ხელს იმაში, რო ვადატანითი მნიშვნელობით მესმოდეს შენი წერილის სიტყვები. მე ვიცი, რომ ის, რაც ერთსახოვნად აღიქმება გონების მიერ, სიტყვიერად შეიძლება მრავალსახოვნად გამოიხატოს, ხოლო ის, რაც მრავალსახოვნად აღიქმება გონებით, შეიძლება ერთადერთი სიტყვიერი ფორმულით იქნეს გამოხატული<sup>224</sup>. აი, ერთიანი აზრი ღმერთისა და მოყვასის სიყვარულის შესახებ; აზრი, რომელიც უამრავი სხვადასხვა სიმბოლოთი, ურიცხვი ენითა და თვითეულ ენაში უთვალავი სახითაა გამოთქმული.

აი, ასე იზრდებიან და მრავლდებიან წყლის ნაშიერნი. დაე, ჩემმა მკითხველმა ყურადღება მიაქციოს შემდეგს: აი, საღმრთო წერილის ერთი წინადადება მისი ერთადერთი სახით: „თავდაპირველად შექმნა ღმერთმა ცა და მიწა“<sup>225</sup>. განა ათასნაირად არ ესმით იგი (მე არ ვგულისხმობ მცდარსა და ყალბ გაგებას), იმ ურიცხვი თვალსაზრისის შესაბამისად, რომელთაგანაც თვითეული სწორი და სარწმუნო ჩამს? აი, ასე იზრდებიან და მრავლდებიან ადამის ძენიც.

37. თუ ჩვენ ისე ვითქვრებთ საგანთა ბუნების შესახებ, რომ არავითარ ალევგორიას არ მივმართავთ, მაშინ სიტყვები - „იზარდეთ და იმრავლეთ“ ყველაფერს სეიძლება მიესადაგოს, რაც კი თესლისაგან იბადება. ხოლო თუ მათ ვადატანითი მნიშვნელობით ვავიგებთ - მე მგონია, სწორედ ეს იყო საღმრთო წერილის მიზანი: ცყუილად ხომ არ აკურთხებს მარტოოდენ ზღვის ცხოველებს და ადამიანებს, - მაშინ ამ „სიმრავლეს“ სულიერ და სხეულებრივ არსებებს შორის აღმოვაჩინოთ, - ისინი აღინიშნებიან სიტყვებით „ცა და მიწა“, - ისევე, როგორც მართალთა და ცოდვილთა შორის, რომელთაც „ნათლით და ბნელით“ აღნიშნავენ; იმავე „სიმრავლეს“ ვპოვებთ ნმიდა ავტორებშიც, რომლებმაც გვიბოძეს სჯული (როგორც მყარში, წყალსა და წყალს შუა რომ დაამკვიდრე); ადამიანებთან მწარე ურთიერთობაშიც (როგორც ზღვაში); ღვთისმოსავ სულთა გზნებაშიც (როგორც „ხმელში“); ამქვეყნად აღსრულებულ გულმონწყალების ყველა საქმეშიც (როგორც „ნათეს ბალახსა თუ ნაყოფიერ ხეებში“); ჩვენდა სასიკეთოდ გაცხადებულ ყველა სულიერ ნიჭშიც (როგორც „ცის მნათობებში“) და ზომიერებით დაურევებულ გულისთქმაშიაც (როგორც „ცოცხალ სულში“).

<sup>224</sup> ნეტარი ავგუსტინე ცდილობს ახალი თვალსაზრისითა და ახალი სიმბოლური გამოხატულებით განამტკიცოს ბიბლიის ცალკეულ პასაჟთა სხვადასხვანაირი გაგების მისეული კონცეფცია, რომლის თანახმადაც, ამ სხვადასხვა გაგებათაგან მხოლოდ ერთი როდი შეიძლება იყოს ლეგიტიმური. იხ. მეტორმეტე ნიგნის შენ. 93.

<sup>225</sup> დაბად. I, 1.

მოელს ამ სიმრავლეში ჩვენ აღმოვაჩინეთ სიჭარბეს, ზრდას და მაგებას, მაგრამ ეს „ზრდა და სიმრავლე“ იმნაირია, რომ მხოლოდ გრძნობად ხაგებათა და გონით სანვლოდ მოვლენათა სამყაროშია შესაძლებელი ერთი და იგივე რამ ათასნაირად გამოითქვას, ხოლო ერთი, ერთადერთი დებულება ათასნაირად იქნას გაგებული.

წყალთა ნაშიერებად ჩვენს მიერ იგულისხმებიან ის გრძნობადი ხაგებანი, რომელნიც აუცილებელნი არიან უკიდურესად ხორციელ კაცთათვის; კაცთა ნაშიერებად კი - ნაყოფიერი გონების მიერ ნაშობი აზრობრივი წარმოდგენები.

ჩვენ გვგონია, რომ ერთთაც და მეორეთაც სწორეს ამიგომ უთხარი, უფალო: იბარდეთ და იმრავლეთო. ჩემის აზრით, ამ კურთხევამ მოგვმადლა იმის ძალა და უნარი, რომ ერთსახოვნად აღქმული მრავალსახოვნად გამოვხატოთ, და მრავალსახოვნად გვესმოდეს ერთსახოვნად გამოხატული ბნელი და ბუნდოვანი ადგილი<sup>226</sup>. ასე აღიფსებიან წყალნი ზღვისანი და ფრთონავენ სხვადასხვა განმარტებით აზვირთებულნი<sup>227</sup>. ასე აღიფსება მინაც კაცთა ნაშიერით; მის სიხმელე<sup>228</sup> ცოდნისკენ სწრაფვაში ვლინდება, და გონება მბრძანებლობს მასზე<sup>229</sup>.

## XXV

38. იმის თქმაც მინდა, უფალო ღმერთო ჩემო, თუ რას შთამაგონებენ შენი წერილის მომდევნო გვერდები. თამამად ვიტყვი ყველაფერს, რადგანაც, შენს მიერ შთაგონებული, სიმართლეს ვიტყვი. სწორედ შენ მკარნახობ იმას, რისი თქმაცა გსურს ჩემი მეშვეობით. მნამს, რომ სიმართლეს ვამბობ შენი შეგონებით, რადგანაც მხოლოდ შენა ხარ ჭეშმარიტი<sup>230</sup>, „ყოველი კაცი კი ცრუა“<sup>231</sup>. ამიგომ „ვინც სიცრუეს ამბობს, თავისას ამბობს“<sup>232</sup>. ასე რომ, სიმართლის სათქმელად შენმიერის თქმა მმართებს.

აი, შენ მოგვეცი საბრლოდ „ყოველი ბალახი, თესლის მთესველი, რაც კია დედამიწის ზურგზე, და ყოველი ნაყოფიერი ხე, თესლის მთესველი“<sup>233</sup>, - და არა მარტო ჩვენ, არამედ

<sup>226</sup> ნეტარ ავგუსტინეს მიაჩნდა, რომ მთელი საღმრთო წერილი ღრმა და საიდუმლო მნიშვნელობითაა სავსე, რომელიც მიკვლეულ უნდა იქნენ, რადგან ეს საკრალური მნიშვნელობა პირდაპირი, სიტყვა-სიტყვითი გაგებითაა მიჩქმალული. „ეჭვი არ მეპარება, რომ საღმრთო წერილის სიბნელე და ბუნდოვანება წინასწარ განსაზღვრულია ღვთაებრივი სიბრძნით, რომელმაც ინება შრომით მოედრიკა ადამიანის სიამაყე და ამრიგად ესნა მისი გონება იმის უგულვებლყოფისაგან, რასაც ის შეიძლება ადვილად ჩასწვდეს“... („ქრისტიანული მოძღვრებისათვის“, II,6,7).

<sup>227</sup> მცონარა გონება უნდა გამოვადვილოთ იმის წყალობით, რომ საშუალება არ მივცეთ ერთადერთი განმარტებით დაკმაყოფილდეს.

<sup>228</sup> „მინის სიხმელე“ - იგულისხმება იმ სულთა სწრაფვა შემოქმედისკენ, „რომლებსაც ღმერთი სწყურიათ“ (იხ. ამავე წიგნის 21-ე თავის დასაწყისი).

<sup>229</sup> აქ ალევგორიულად იგულისხმება შემდეგი: გონება მართავს ხმელეთს (ანუ ეკლესიას, - იხ. აქვე, შენ. 116), მაშინ როდესაც „წყალთა“ (ე.ი. საწუთროს) ხორციელი გონება ნიშებსა და სასწულებს მოითხოვს... „კაცთა ნაშიერსო“ რომ ამბობს, ნეტარი ავგუსტინე სხვადასხვა კონსეფციას, ადამიანური გონების ნაირ-ნაირ ნაყოფს გულისხმობს.

<sup>230</sup> შდრ, იოანე XIV, 6.

<sup>231</sup> ფსალმ. 115, 2.

<sup>232</sup> იოანე VIII, 44.

<sup>233</sup> დაბად. I, 29.

ყოველ ფრინველს ზეცისას, ცხოველს ქვეყნისას და თვით გველებსაც, თევზებისა და ზღვის ურჩხულთათვის კი არ მივიცია.

ჩვენ ვამბობთ, რომ მიწის ეს ნაყოფი ალევგორიულად განასახიერებენ მონყალების საქმეს, რასაც ამქვეყნიურ გასაჭირში ვეთავაზობს ნაყოფიერი მიწა: ამნაირი მიწა იყო ღვთისმოსავი ონესიფორე, ვის სახლსაც მიაგე წყალობა, რადგანაც „მრავალგზის მოუფონა“ პავლეს და „სირცხვილად არ უჩნდა მისი ბორკილები“<sup>234</sup>. იგივე მოიმოქმედეს „მაკედონიიდან მოსულმა ძმებმა“, რომლებმაც მოინიეს უხვი მოსავალი და „შეავსეს მისი ნაკლულოვანება“<sup>235</sup>. მაგრამ ზოგ ხეს კი უჩივის, ჯეროვანი ნაყოფი რომ არ გამოიღეს მისთვის: „ჩემი პირველი თავის მართლებისას არავინ ამომიდგა მხარში, არამედ ყველამ მიმატოვა; ნუ მოეკითხება მათ“<sup>236</sup>. ეს „ნაყოფი“ უნდა მიეძღვნას იმათ, ვინც გვაზიარებს გონივრულ მოძღვრებას და ღვთაებრივი საიდუმლოს შეცნობაში გვშეველის; ეს „ნაყოფი“ უნდა მიეძღვნას მათ, როგორც ადამიანებს და კეთილისმყოფელთ, ყოველგვარი მოთმინების მისაბამ ნიმუშად რომ სთავაზობენ თავიანთ თავს „ცოცხალ სულს“, აგრეთვე როგორც ცის ფრინველებს, მათი კურთხევის გამო, მთელ ღვთაებებს რომ მოეფინება, რადგანაც „ქვეყნიერებას კიდით კიდემდე სწვდება მათი სიციყვები“<sup>237</sup>.

## XXVI

39. ამ საზრდოთი საზრდოებენ ისინი, ვინც მას შეჰხარის; არ ხარობს ის, „ვისი ღმერთიც არის მუცელი“<sup>238</sup>. და მათ შორისაც, ვინც „ნაყოფს“ სთავაზობს მოყვასს, „ნაყოფის“ სახელს ის კი არ იმსახურებს, რასაც ისინი იძლევიან, არამედ ის გრძნობა, რომლითაც მას იძლევიან.

მე ვხედავ, რომ შეჰხარის ის, ვინც ღმერთს ემსახურება და არა თავის მუცელს, ვხედავ და ვულოცავ კიდევ. მან თელიპელთაგან მიიღო ის, რაც ებათროდიტოსის ხელით გამოეგზავნათ<sup>239</sup>; მე ვხედავ, რაც უხარია, და რაც უხარია, სწორედ ისაა მისი საზრდო, ვინაიდან მართალს ამბობს: „დიდად გაუიხარე უფლის მიერ, რომ კვლავ დაიწყეთ ჩემზე ზრუნვა; თუმცა უწინაც ზრუნავდით, მაგრამ ვითარებამ დაგაბრკოლათ“<sup>240</sup>. თელიპელები დამყაყდნენ ამ ხანგრძლივი დაბრკოლების გამო რამაც დააჭუნო მათი ქველმოქმედების ნაყოფი. მოციქულს უხარია, რომ კვლავ ამოიწვერა მათი მზრუნველობის ნორჩი ყლორტები; თავისი თავის კი არა, იმის გამო ხარბს, რომ შეეწიენ მის გასაჭირს. აკი იქვე დასძენს: „იმიტომ როდი ვამბობ, რომ რამე მაკლია, რადგან მე ვისწავლე კმაყოფილი იყო იმით, რაცა მაქვს.

<sup>234</sup> იხ. II ტიმ. I, 16: „წყალობა მისცეს უფალმა ონესიფორეს სახლს, რადგანაც მრავალგზის მომიფონა, და სირცხვილად არ უჩნდა ჩემი ბორკილები“.

<sup>235</sup> იხ. II კორ. XI, 9.

<sup>236</sup> II ტიმ. IV, 16.

<sup>237</sup> ფსალმ. 18, 5.

<sup>238</sup> ფილიპ. II, 19; შდრ. რომ. XVI, 18.

<sup>239</sup> იხ. ფილიპ. IV, 18.

<sup>240</sup> ფილიპ. IV, 10.

გაჭირვებაც ვიცი და ხელგაშლილობაც; ყველაფერი მისწავლია ყოველში, სიმაძღრეც და შიმშილიც, სიმწირეც და სიუხვეც. ყველაფერი შემძლია ჩემი გამაძლიერებელი ქრისტეს მიერ“<sup>241</sup>.

40. მაშ, რა გიხარია, დილო პავლე? რა გიხარია და რა გასაზრდოებს, კაცო, ღმერთის შემეცნებით განახლებულ<sup>242</sup>, ღმერთისა, ხატად და მსგავსად თვისაც რომ შეგქმნა შენ? რა გიხარია, ცოცხალი სულო, შენივე თავის ბატონ-პატრონო, ფრთიანო ენავ, საიდუმლოთა არსზე მეტყველო? სწორად ამბაირ სულებს შეჰყურის ეს საზრდო. კი მაგრამ, მაინც რა გასაზრდოებს? - სიხარული. შემდეგაც მოვისმინოთ: „კარგად მოიქეცით რომ გაიზიარეთ ჩემი გასაჭირი“<sup>243</sup>. აი, რა ახარებს, აი, რა ასაზრდოებს: მათი კარგად ქცევა, და არა თავისი გასაჭირის შემსუბუქება. ის ამბობს: „ვინროების ჟამს შენ მომეცი გასაქანი“<sup>244</sup>, რადგანაც ყველაფერს მიეჩვია - „სიუხვესაც და სიმწირესაც“, შენი შენეებით, უფალო, რომელიც განამკვიცებდი და გააძლიერებდი მას. „ხოლო თქვენც იცით, ფილიპელნო, - კვლავ ამბობს იგი, - რომ სახარების დასაბამს, როცა გამოვედი მაკედონიით, არცერთმა ეკლესიამ არაფერი გამიზიარა, მოცემითა თუ მიღებით, თქვენს გარდა, ვინაიდან თვით თესალონიკეშიც ერთი-ორჯერ გამომიგზავნეთ, რაც საჭირო იყო ჩემთვის“<sup>245</sup>. და მას უხარია, რომ ისინი კვლავ მიუბრუნდნენ ქველმოქმედებას, და ნეტარებას ეძლევა, რაკილა ხედავს, როგორ იზრდება მათში სიკეთის ნორჩი ყლორტები, თითქოს დიდი ხნის ნანატრი ნვიძის შემდეგ ხელახლა აბიბინებულ ყანას ხედავსო.

41. განა თავის საჭიროებაზე თეძრობდა, როცა თქვა: „გამომიგზავნეთ, რაც საჭირო იყოს ჩემთვისო“? განა ეს უხაროდა? არა, ეს არა. კი მაგრამ, რა ვიცით? ცოცხალი ქველმოთ თვითონვე ამბობს: „საბოძვარს კი არ ვეძებ, არამედ ნაყოფს“<sup>246</sup>.

შენგან ვისწავლე, ღმერთო ჩემო, საბოძვარისა და ნაყოფის გარჩევა. „საბოძვარია“ ის, რასაც გვაძლევენ გასაჭირში ჩვენი შემწენი: ფული, სასმელ-საჭმელი, შესამოსელი, დახმარება, თავშესაფარი. „ნაყოფი“ კი საბოძვარის გამღების წრფელი და კეთილი ნებაა. ამიტომ კეთილ მოძღვარს მარტოოდენ ეს როდი უთქვამს: „ვინც შეინყნარებს წინასწარმეტყველს“, არამედ იქვე დასძენს: „წინასწარმეტყველის სახელით“; არც მხოლოდ ეს უთქვამს: „ვინც შეინყნარებს მართალს“, არამედ იქვე უმატებს: „მართლის სახელით“. მხოლოდ მაშინ მიიღებს საზღაურს ერთი - წინასწარმეტყველისას, ხოლო მეორე - მართლისას<sup>247</sup>. არც მარტოოდენ ამას ამბობს: „ვინც ცივ წყალს მიანვლის ერთს ამ მცირეთავანს“, არამედ დასძენს: „მონათვის სახელით“, და

<sup>241</sup> ფილიპ. IV, 11-12.

<sup>242</sup> იბ. კოლოს. III, 10.

<sup>243</sup> ფილიპ. IV, 14.

<sup>244</sup> ფილიპ. 4, 2.

<sup>245</sup> ფილიპ. IV, 15-16.

<sup>246</sup> ფილიპ. IV, 17.

<sup>247</sup> მათე X, 41: „ვინც წინასწარმეტყველის სახელით შეინყნარებს წინასწარმეტყველს, წინასწარმეტყველის საზღაურს მიიღებს; და ვინც მართლის სახელით შეინყნარებს მართალს, მართლის საზღაურს მიიღებს“.



ასე აგრძობს: „ჭეშმარიტად გეუბნებით თქვენ, არ დაეკარგება თავისი საზღაური“<sup>248</sup>. წინასწარმეტყველის შეწყნარება, მართლის შეწყნარება, ვიცი წყლის მიწვდა მონათესაეთის - ყოველივე ეს საბოძვარია, ნაყოფი კი ისაა, რომ ყველაფერ „წინასწარმეტყველის სახელით“, „მართლის სახელით“, „მონათესაის სახელით“ გაკეთდეს. ამნაირი ნაყოფით საზრდობდა ელია ქვრივი ქალისას, რომელმაც იცოდა, რომ ღვთის კაცს ინახავდა, და სწორეს ამიგომ ინახავდა მას. საბოძვარს კი ყვავისაგან იღებდა იგი<sup>249</sup>: ამ საზრდოთი შინაგანი ელია კი არ საზრდობდა, არამედ გარეგანი, რომელიც შეიძლებოდა დალუპულიყო ამნაირი საზრდოს გარეშე.

**XXVII**

42. იმასაც ვიცევი, უფალო, რაც ჭეშმარიტია შენს თვალში. როდესაც უმეცარნი და ურწმუნონი<sup>250</sup>, რომელნიც მხოლოდ ნიშებითა და ღიადი სასწაულებით თუ შეიძლება ეზიარონ რწმენას და შეემაგონ შენს სამწყსოს (მე მგონია, სწორედ ესენი ინოდებიან საღმრთო წერილში „თევზებად“ და „ზღვის ურჩხულებად“), - თავს იღებენ დაეხმარონ და ცხოვრებისეულ გასაჭირში შეენიონ შენს შვილებს<sup>251</sup>, ისე, რომ არც კი იციან, რისთვის, ან რა მიზნით სჩადიან ამას, არც ისინი გასცემენ ჭეშმარიტ საზრდოს, და არც სხვები ღებულობენ მას. პირველნი ქველმოქმედები წმინდა და წრფელი განზრახვით როდი იქცევიან ასე, მეორენი კი არ ხარობენ მათგან მიღებული საბოძვართ, რადგან ჯერ კიდევ ვერ ხედავენ „ნაყოფს“. სულს კი მხოლოდ ის ასაზრდობს, რაც სიხარულს ანიჭებს მას. ამიგოაცაა, რომ თევზები და ზღვის ურჩხულები არ იღებენ ამ საზრდოს, რომელიც შეიძლება აღმოაცენოს მხოლოდ ზღვის მწარე წყალთაგან გამოყოფილმა და განცალკევებულმა მიწამ.

**XXVIII**

43. და შენ იხილე ყველაფერი, რაც კი შეჰქმენი, ღმერტო, და დარწმუნდი, რომ ყველაფერი „ძალზე კარგია“<sup>252</sup>. შენ ერთიმეორის მიყოლებით მოიხილავდი შენივე სიტყვით შექმნილ ყველა სახეობას და ხედავდი, რომ თვითეული მათგანი კარგი იყო. მე დავითვალე: შვიდჯერაა ნათქვამი, რომ ყოველი შენი ქმნილების მოხილვისას კარგად და კეთილად მიგაჩნდა იგი. მერვედ კი, როცა ერთობლივად მოიხილე ყველაფერი, რაც კი შეჰქმენი, დარწმუნდი, რომ არა მარტო კარგი იყო, არამედ „ძალიან კარგიც“, როგორც რაღაც ერთიანი და მთლიანი. ღიახ, ყველაფერი ერთად არა მარტო კარგი იყო, არამედ ძალიან კარგიც.

<sup>248</sup> მათე X, 42: „და ვინც მონათესაის სახელით მიანვდის ცივ წყალს ერთს ამ მცირეთაგანს, ჭეშმარიტად გეუბნებით თქვენ, არ დაეკარგება თავისი საზღაური“.  
<sup>249</sup> იხ. III მეფეთა XVIII, 1-16.  
<sup>250</sup> შდრ. I კორ. XIV, 23.  
<sup>251</sup> ე.ი. შენს მსახურთ.  
<sup>252</sup> დაბად. I, 31.

იგივე შეიძლება ითქვას მშვენიერ სხეულებზედაც. მთელი სხეული, რომელიც მშვენიერი ნაწილებისააგნ შედგება, გაცილებით უფრო მშვენიერია, ვიდრე თვითიული ნაწილი ცალ-ცალკე. ყოველი მათგანი თავისთავადაც მშვენიერია, მაგრამ მხოლოდ მათი მწყობრი ურთიერთშერწყმა ნარმოქმნის მშვენიერზე მშვენიერ მთელს.

## XXIX

44. მე ვცდილობდი გამეგო, მაინც რამდენჯერ - შვიდჯერ თუ რვაჯერ იხილე, რომ შენი ქმნილება კარგია და შენთვის მოსაწონი. მაგრამ ვერსად მივაკვლიე იმის დასტურს, რომ ეს მოხილვა ღროში ხდებოდა, რაც საშუალებას მომცემდა დამედგინა, რამდენჯერ მოიხილე შენი ქმნილება. და მაშინ შემოგვალადე: „უფალო, განა მართალი არ არის შენი წერილი, რომელიც შენ, თვით ჭეშმარიტებამ და სიმართლემ, მოგვეცი?!“<sup>253</sup> მაშ, რაღად გვეუბნები, რომ ეს შენი მიმოხილვა ღროში არ ხდებოდა, შენი წერილი კი გვიჩვენებს, რომ დღითიდლე უმზერდი შენს ქმნილებას და კეთილად მიგაჩნდა იგი; - ვინ მოსთვლის, რამდენჯერ დამითვლია ეს!“

ამაზე შენ მეუბნები, რადგანაც ჩემი ღმერთი ხარ, შინაგან ყურში ჩამძახი და შემუსრავ მის სიყრუეს: „ჰე, კაცო, რასაც ჩემი წერილი ამბობს, იმას მე ვამბობ. მხოლოდ ის ღროში იცყვის, ჩემი სიცყვა კი ღროს არ ექვემდებარება, რადგანაც მარადჟამ ჩემთანაა, ჩემივე თანამარადისი<sup>254</sup>. რასაც თქვენ ჩემი სულით ხედავთ, იმას მე ვხედავ; რასაც თქვენ ჩემი სულით იცყვით, იმას მე ვიცყვი. მაგრამ თქვენ ღროში ხედავთ, ხოლო მე - ღროის გარეშე; ზუსტად ასევე, თქვენ ღროში იცყვით, ხოლო მე - ღროის გარეშე“.

## XXX

45. მე მოვისმინე ეს, უფალო ღმერთო ჩემო, და არ დამიღვრია შენი უცხესი ჭეშმარიტების არცერთი წვეთი. მე მივხვდი, რომ არიან ადამიანები, რომლებსაც არ მოსწონთ შენი საქმენი<sup>255</sup>: ისინი ამტკიცებენ, რომ ბევრი რამ აუცილებლობით იძულებულმა შეჰქმენი, როგორც მაგალითად, ცათა წესრიგი და მნათობთა განლაგება; მათი აზრით, შენი საკუთარი მასალისაგან კი არ შევიქმნია ისინი, არამედ უკვე სადღაც იყვნენ, ვიღაცის მიერ შექმნილნი, შენ კი მხოლოდ შეკრიბე, შეაერთე და შეაკავშირე, როცა სძლიე შენი მტრები და ვალაფნით შემობლუდე სამყარო, რათა ძლეულნი კვლავაც არ აღძრულიყვნენ შენს წინააღმდეგ; ხოლო ბევრი რამ თურმე საერთოდ არ შევიქმნია და არც მოვინერსებია: არც ხორციელი არსებანი, არც პანანკინგელა ცხოვრებლები, არც ის, რაც მინას ჩასწვნია და ჩასჭიდებია

<sup>253</sup> შდრ, იოანე III, 33.

<sup>254</sup> იგულისხმება იესო ქრისტე.

<sup>255</sup> იგულისხმებიან მანიქეველები.

ფესვებით: ყოველივე ეს თითქოს სხვა, მცრულმა ბუნებამ შექმნა და ჩამოაყალიბა სამყაროს ქვედა სფეროში, ბუნებამ, რომელიც შენ კი არ შეგიქმნია, არამედ უცხოა შენთვის და კიდევაც გიპირისპირდება თურმე<sup>256</sup>.

უგუნური ამბობენ, რომ შენ თვალთ როდი ხელავენ შენს საქმეებს, და ვერც შენ გცნობენ მათში.

### XXXI

46. ხოლო ვინც შენი სულითა ხელავს, სწორედ შენ ხელავ მათში. და როცა ისინი ხელავენ, რომ შენი ქმნილებანი კარგნი არიან, ისევ შენ ხელავ მათ სიკარგეს. ხოლო იმაში, რაც მათთვის ძვირფასია შენს გამო, თვითონ შენა ხარ ძვირფასი მათთვის; ის კი, რაც შენი სულით მოგვწონს, შენვე მოგწონს ჩვენში. „რადგან რომელმა კაცთაგანმა იცის კაცისა, თუ არა კაცის სულმა, რომელიც არის მასში? ასევე არავენ იცის ღმრთისა, თუ არა ღმრთის სულმა. ხოლო ჩვენ ამ ქვეყნის სული კი არ მიგვიღია, არამედ სული, რომელიც არის ღმრთისაგან, რათა ვიცოდეთ, რა მოგვანიჭა ღმერთმა“<sup>257</sup>.

მაშასადამე, მე უფლება მაქვს ვთქვა: რა თქმა უნდა, „არავენ იცის ღმრთისა, თუ არა ღმრთის სულმა“. მაგრამ ვინ იცის, „რა მოგვანიჭა ღმერთმა“? აი, რა მესმის პასუხად: რაც ჩვენ ვიცით მისი სულით, „არავენ იცის, თუ არა ღმრთის სულმა“. ასე რომ, მართებულად ითქვა მათ მიმართ, ვინც ლაპარაკობს ღმრთის სულით: „თქვენ როდი ამბობთ ამას“<sup>258</sup>, ისევე, როგორც მართებულად ითქვა მათ მიმართაც. ვინც იცის ღმრთის სულით: „თქვენ როდი იცი ეს“. არანაკლებ მართებული იქნება, თუ ვეცყვით მათ, ვინც ღმრთის სულითა ხელავს: „თქვენ როდი ხელავთ ამას“. ამრიგად, ვინც ღმრთის სულითა ხელავს რაღაც კარგს, თვითონ კი არა, ღმერთი ხელავს, რომ ეს კარგია.

აი, პირველი შემთხვევა: ვილაცას ცუდი ჰგონია ის, რაც კარგია, - იმ ხალხის მსგავსად, ვისზედაც ზემოთ ვილაპარაკეთ. აი, მეორე: ადამიანი ხელავს, რომ კარგი კარგია; ბევრს მოსწონს შენი ქმნილებანი, იმიტომ, რომ კარგნი არიან, მაგრამ შენ როდი უყვარხართ მათში; ისინი ამჯობინებენ ამ ქმნილებებით გვებობდნენ, და არა შენით. და ბოლოს, მესამეც: ადამიანი ხელავს რაღაც კარგს; ეს რომ კარგია, ამას ღმერთი ხელავ მასში, და ამიტომ ღმრთის ქმნილებაში თვით ღმერთი უყვარს. მაგრამ ამ სიყვარულს შეეძლო თავი ეჩინა მხოლოდ სულის მეშვეობით, რომელსაც ღმერთი გვანიჭებს: „ვინაიდან ღმრთის სიყვარული ჩაიღვარა ჩვენს უგლებში სულის ნმიდის მიერ, რომელიც მოგვეცა ჩვენ“<sup>259</sup>. სწორედ ეს გვაძლევს იმის დანახვის საშუალებას, რომ კარგია ყოველივე არსებული, მიუხედავად იმისა, თუ რანაირად

<sup>256</sup> იხ. მესამე წიგნის შენ. 25.

<sup>257</sup> I კორ. II, 11-12.

<sup>258</sup> შლრ. მათე X, 20: „რადგან თქვენ კი არ ილაპარაკებთ, არამედ სული თქვენი მამისა ილაპარაკებს თქვენში“.

<sup>259</sup> რომ. V, 5.

არსებობს იგი: ყველაფერი მის მიერია, ვინც ასე თუ ისე კი არ არსებობს, არამედ აბსოლუტურად არსებობს<sup>260</sup>.

XXXII

47. მადლობას ვწირავ, უფალო!<sup>261</sup> ჩვენ ვხედავთ ცასა და მიწას, ანუ მაგერიალური სამყაროს ზედა და ქვედა ნაწილს: სულიერსა და სხეულებრივ არსებებს. და როგორც სამკაულს ამ ნაწილებისასმ რომელთაგანაც შედგება მთელი ეს უსასრულო სამყარო, ანუ ყოველი ქმნილების დიადი ერთობლიობა, - ჩვენ ვხედავთ ნათელს, შექმნილსა და ბნელისაგან გამოყოფილს. ვხედავთ ცამყარსაც, ზენა, ანუ სოლიერსა და ქვენა, ანუ მაგერიალურ წყალთა შორის რომ მდებარეობს, სამყაროსა პირველ სხეულსა და იმ ჰაეროვან სივრცეს, რომელსაც ასევე ცას უწოდებენ, სადაც დაჰქრიან ცის ფრინველები, იმ წყალთა შუა, რომელთაგანაც ერთნი, ორთქლად ქცეულნი, სულ უფრო და უფრო მალლა მიიწევენ, რათა მშვიდი და მყუდრო ღამით ცვარ-ნამად დაეფინონ მიწას, მეორენი კი, უფრო მძიმენი, ღვართქათად თავს აცყდებიან ქვეყნას. ჩვენ ვხედავთ ზღვის უკიდევანო სივრცეში ერთად შეკრებილ წყალთა მშვენებას; მიწას, ხან უსახოს და უდაბურს<sup>262</sup>, ხანაც ხილულსა და სიკეთით შემკულს, ხეთა და ბალახთა დედას<sup>263</sup>. ვხედავთ ცის თაღზე მოელვარე მნათობებს: მზეს, ურომლისოდაც არ იქნებოდა დღე, და ღამის ნუგეშს - მთვარესა და ვარსკვლავებს; ყველა ისინი ღრის ნიშნებად და საზომად გვევლინებიან<sup>264</sup>. ჩვენ ვხედავთ, რომ ნოტიო სტიქიონი მთლიანად თევზებით, ვეება ურჩხულებითა და ფრთოსანი არსებებითაა დასახლებული<sup>265</sup>, რადგანაც ჰაერის სიმკვრივეს, ფრინველთა ფრენას რომ უწყობს ხელს, წყალთაგან ანადენი ორთქლი განაპირობებს. ჩვენ ვხედავთ, რომ ქვეყნიერების ზედაპირი მიზიერ ცხოველებს დაუმშვენებიათ; ვხედავთ კაცსაც, შენს ხატად და მსგავსად შექმნილს და ყველა უგონო ცხოველის მეუფედ და მბრძანებლად დასმულს<sup>266</sup>, სწორედ შენი ხატებისა და მსგავსების, ანუ გონიერებისა და შემეცნების ძალით. და როგორც მის სულში ერთი ნაწილი განსჯის და ბრძანებს, მეორე კი მას ემორჩილება, ხორციელად ასევეა შექმნილი კაცისთვის ქალიც: მისი ბუნება, გონიერებით და შემეცნებით, კაცის ბუნების სწორია, მაგრამ თავისი სქესით ქალი კაცს ექვემდებარება, მსგავსად იმისა, როგორც მოქმედების სურვილი ექვემდებარება გონების კარნახს, სწორი მოქმედების გზას რომ უჩვენებს მას. ამრიგად, ჩვენ ვხედავთ, რომ ყოველი ქმნილება კარგია, ხოლო ყველა ერთად - ძალიან კარგი.

<sup>260</sup> შდრ. გამოსვლა III, 14.  
<sup>261</sup> გამოცხ. XI, 17.  
<sup>262</sup> შდრ. დაბად. I, 2.  
<sup>263</sup> შდრ. დაბად. I, 9; 11-12.  
<sup>264</sup> შდრ. დაბად. I, 14-18.  
<sup>265</sup> შდრ. დაბად. I, 20-21.  
<sup>266</sup> შდრ. დაბად. I, 27-28.

XXXIII

48. გადიდებენ, უფალო, შენი საქმენი<sup>267</sup>, რათა შეგიყვაროთ ჩვენ, და ჩვენ გვიყვარხარ, რათა შენი საქმენი გადიდებდნენ შენ. დროშია მათი დასაბამიც და დასასრულიც, აისიცა და დაისიც, აღმასვლაც და დაღმასვლაც, მშვენიერებაც და არასრულქმნილებაც. მათ დილას საღამო მოსდევს, შეუმჩნევლადაც და ცხადადაც.

ყველაფერი „არათრისგან“ შექმენი შენ, თუმცა შენი საკუთარი სუბსტანციისაგან კი არა, არამედ მაგერიისაგან; მაგრამ არა იმ მაგერიისაგან, რომელიც არ გეკუთვნის შენ, ანდა უნინაც არსებობდა, არამედ შენს მიერ სამყაროს შექმნასთან ერთად შექმნილისაგან, რადგანაც უსახოს შენ მიანიჭე სახე დროის ყოველგვარი შუალედის გარეშე.

სხვაა მაგერია ცისა და სხვაა მაგერია მიწისა, სხვადასხვანაირია ცისა და მიწის იერიც. ეს მაგერია შენ შექმენი „არათრისგან“, სამყარო კი - ამ უსახო მაგერიისაგან. ორივენი ერთად შექმენი: უსახო მაგერიამ ყოველგვარი შეყოვნების გარეშე მიიღო სახე.

XXXIV

49. ჩვენ ვფიქრობდით, რა ალეგორიული აზრი გსურდა ჩაგედო შესაქმის ამნაირ თანმიმდევრობაში, ანდა იმავე შესაქმის სიგვეიერად გადმოცემის ამნაირ წყობაში. ჩვენ ვნახეთ, რომ ყოველი შენი ქმნილება, ცალკე აღებული, კარგია, ხოლო ყველა ერთად - ძალიან კარგი. შენს სიგვეაში კი, შენს მხოლოდშობილ ძეში, მთელი ცა და მიწა ვიხილეთ, ეკლესიის თავი და სხეული, წინასწარგანსაზღვრულნი ყოველგვარი დროზე უნინარესად, ყოველგვარი ცისკრისა თუ მწუხრის გარეშე. ხოლო როდესაც წინასწარგანსაზღვრულის დროში ხორცშესხმა დაიწყო, რათა გაგეცხადებინა დაფარული და მოგენესრიგებინა ჩვენი უნესრიგობა (რადგანაც ცოდვები თავს გადაგვდიოდა<sup>268</sup> შენგან განშორებულთა და პირქუშ უფსკრულში დანთქმულთ, მაგრამ თავს დაგვეტრიალებდა შენი კეთილი სული, რათა დროულად მოველინა ჩვენთვის შემწეობა), მაშინ გაამართლე უღმერთონი, ცოდვილთაგან განაცალკევე ისინი და განამტკიცე შენი წიგნის ავტორიტეტი უზენაესთა შორის, რომელნიც შენ გმორჩილებენ, და მათ მორჩილ მდაბალთა შორისაც; ერთად მოუყარე თავი ერთსულოვნებით შეკრულ ურწმუნოთ, რათა უფრო ნათლად წარმოჩენილიყო მართლმორწმუნეთა გზნება, გულმონყალებით აღძრულნი მიწიერ სიკეთეს რომ უწილადებენ უპოვართ, რათა სანაცვლოდ დაიმკვიდრონ ზეციური სიკეთე.

და მაშინ ცამყარზე აღანთე ლამპარი: ესენი არიან შენი წმიდანნი, რომელთაც აქვთ ცხოვრების სიგვეა, სულიერი ნიჭით გაბრწყინებულნი და უზენაესი ავტორიტეტით მოსილნი.

<sup>267</sup> ფსალმ. 144, 10; ივანე სოლომ. XXXI, 31.

<sup>268</sup> შლრ. ვზევ. XXXIII, 10.



იმავედროულად, ურწმუნო ერთა მოქცევის მიზნით, სხეულებრივი მაგერიიდან ამოაფრქვეი სასწაულნი, საიდუმლონი და წინასწარმეტყველებანი, თანახმად შენი წიგნის მყარისა, რათა კურთხევა მოჰქვენოდა მორწმუნეთ, და შემდეგ შეჰქმენი მათში ცოცხალი სული, თავდაჭერილობის ძალით რომ მოანესრიგე მათი გრძნობები. გონება, რომელიც მხოლოდ შენ გემორჩილება და არავითარ ადამიანურ ავტორიტეტს არ საჭიროებს მიბაძვისათვის, შენ განაახლე შენსავე ხატად და მსგავსად; როგორც ქალი - კაცს, გონების კარნახს დაუმორჩილე ყველა გონივრული ქმედება, და მოისურვე, რომ ყველა შენს მსახურს, რომელნიც ესოდენ საჭირონი არიან ამქვეყნიურ ცხოვრებაში მორწმუნეთა სრულყოფისათვის, სწორედ ესენი უკანასკნელნი შეეწოდნენ ცხოვრებისეულ გასაჭირში; მომავალ ცხოვრებაში უხვ ნაყოფს გამოიღებს ეს შემწეობა.

ჩვენ ვხედავთ ყოველივე ამას და ვრწმუნდებით, რომ ყველაფერი ძალიან კარგია, რადგანაც ჩვენში შენ ხედავ ამას, შენ, ვინც მოგვეცი სული, რათა მისი მეშვეობით ვხედავდეთ შენს ქმნილებებს და მათში გვიყვარდე შენ.

### XXXV

50. უფალო ღმერთო, რომელმაც მოგვეცი ყველაფერი, მოგვეც მშვიდობაც!<sup>269</sup> სიმშვიდე მოსვენებისა, შაბათის სიმშვიდე, სიმშვიდე, რომლისთვისაც უცხოა მწუხრი. მთელი ეს მშვენიერი მწყობრი ძალიან კარგი ქმნილებებისა თავის გზას დაასრულებს და გარდავა: მათ ისევე ექნებათ თავიანთი მწუხრი, როგორც ოდესღაც რიჟრაჟი ჰქონდათ.

### XXXVI

51. მეშვიდე ღლისთვის კი უცხოა მწუხრიც და დასავალიც, რადგან შენ შემოსე სინძინდით, რათა მარადის ეგოს. შენი საამო შრომის ბოლო, მას შემდეგ, რაც დაასრულე „ძალიან კარგი“ ქმნილება, მეშვიდე ღლეს განისვენე (თუმცა ისე ქმნიდი სამყაროს, რომ შენი სიმშვიდე არათუ არაფერს დაურღვევია). - და შენი წიგნის ხმით გვეუწყა, რომ ჩვენც უნდა განვისვენოთ ჩვენი შრომის შემდეგ, რომელიც „ძალიან კარგია“, იმიტომ, რომ შენი შემწეობით დავასრულოთ იგი; საუკუნო ცხოვრების შაბათს ჩვენ განვისვენებთ შენში.

<sup>269</sup> რიცხვ. VI, 26.

XXXVII

52. და მაშინ შენც განისვენებ ჩვენში, როგორც ღღეს ჩვენშივე მოქმედებ. და ჩვენი დასვენებაც შენი იქნება, როგორც ჩვენი შრომაა შენი<sup>270</sup>. ხოლო შენ, უფალო, მარად მოქმედებ და მარად ისვენებ. დროის გარეშე ხედავ, დროის გარეშე მოქმედებ და დროის გარეშე ისვენებ, ჩვენ კი იმის უნარს გვაძლევ, რომ დროში ვხედავდეთ; შენ ქმნი თვით დროს და განსვენებასაც დროის დასასრულს.

XXXVIII

53. ამრიგად, ჩვენ ვხედავთ, რაც შეჰქმენი, რადგანაც სამყარო არსებობს, მაგრამ იმიტომ არსებობს, რომ შენ ხედავ მას<sup>271</sup>. გარე სამყაროს ჭვრეტისას ჩვენ ვხედავთ, რომ ის არსებობს; მასზე ფიქრისას ვხდებით, რომ ის კარგია; შენ კი მაშინვე ხედავდი უკვე შექმნილს, როცა იხილე, რომ უნდა შეგექმნა.

და ახლა ჩვენში იღვიძებს სიკეთის ქმნის სურვილი, მას შემდეგ, რაც ჩვენს გულში შენი შეგონებით აღიძრა იგი. მანამდე კი, შენგან განშორებულნი, მხოლოდ ბოროტებისთვის თუ აღვიძროდით. შენ კი, ღმერთო ერთო და ყოვლად კეთილო, არასოდეს შეგინწყევტია სიკეთის ქმნა. შენი წყალობით, ჩვენც მოგვეძებნება თითო-ოროლა კეთილი საქმე, მაგრამ წარუვალნი როდი არიან ისინი. თუმცა იმედი გვაქვს, რომ მათი დასრულების შემდეგ განვისვენებთ შენს სინძინდესა და სიდიადეში. შენ კი, ყოვლად კეთილო, არაფითარი სიკეთე არა გჭირდება და მარად ისვენებ, რადგანაც შენი დასვენება თვითონ შენა ხარ.

ვინ, რომელი კაცთაგანი გააგებინებს ამას კაცს? რომელი ანგელოზი - ანგელოზს? რომელი ანგელოზი - კაცს? შენ უნდა გეკითხებოდეთ, შენში უნდა ვეძებდეთ და შენვე გიკაკუნებდეთ კარზე<sup>272</sup>: მხოლოდ ასე თუ მივიღებთ, ასე თუ ვპოვებთ და ასე გაგვიღებენ კარსაც.

<sup>270</sup> „როგორც მართებულად ითქვა, რომ როდესაც რაღაცას ვაკეთებთ, ღმერთი მოქმედებს ჩვენში, ასევე მართებულია ნათქვამი, რომ ღმერთი ისვენებს, როცა მოსვენებას ვგანიჭებ ჩვენ“ (De Gen. ad litt. 4, 9, 16).

<sup>271</sup> „ჩვენ ვერ შევიცნობდით სამყაროს, ის რომ არ არსებულებოდა, ღმერთს რომ წინასწარ არ ეხილა იგი, სამყარო არ იარსებებდა“ („ღვთის ქალაქისათვის“, II, 10).

<sup>272</sup> მათე VII, 8.